


মাসুদ রানা

শুভে পিঞ্জর

প্রথম খণ্ড

কাজী আনোয়ার হোসেন



মাসুদ রানা ৪১৭

শুভ্র পিঙ্গর

(প্রথম খণ্ড)

কাজী আনোয়ার হোসেন



সেবা প্রকাশনী
২৪/৮ কাজী মোতাহার হোসেন সড়ক
সেগুনবাগিচা, ঢাকা-১০০০
ISBN 984-16-7417-3

প্রস্তাবনা

আর্কাইভ রেকর্ড। দ্য টরোন্টো ডেইলি স্টার। ২৩ নভেম্বর,
১৯৩৭।

রহস্যময় অঙ্গর্ধান!
এক্ষিমো গ্রাম জনশূন্য!!
(বিশেষ প্রতিনিধি)

লেক টেরিটোরি, ২২ নভেম্বর। উত্তরাঞ্চলের ত্রুদ এলাকায়
একটি এক্ষিমো গ্রাম জনশূন্য হয়ে যাওয়ার কাহিনির
সত্যতা নিশ্চিত করেছেন রয়্যাল কানাডিয়ান মাউণ্টেড
পুলিশের একজন ইন্সপেক্টর। তাঁর বক্তব্যে জানা যায়,
দশ দিন আগে জেফ অ্যাবেল নামে একজন সিল-শিকারী
এ-বিষয়ে প্রথম তাঁদেরকে খবর দেন। খবরে প্রকাশ,
সিলমাছের খোঁজে লেক অ্যাঞ্জিকুনি-র পারের দুর্গম
এলাকায় গিয়েছিলেন মি. অ্যাবেল; সেখানকার এক
এক্ষিমো গ্রামে চুকে পুরো এলাকা জনশূন্য অবস্থায়
আবিক্ষার করেন তিনি। কোনও নারী, পুরুষ বা শিশু ছিল
না গ্রামে; প্রতিটি বাড়ি ছিল পরিত্যক্ত অবস্থায়। মি.
অ্যাবেলের মনে হয়েছে—একবক্ত্রে গৃহত্যাগ করেছে
প্রতিটা মানুষ, কারণ তাদের সমস্ত ব্যক্তিগত জিনিসপত্র
পড়ে ছিল ঘরের ভিতরে।

আর.সি.এম.পি-র ইন্সপেক্টর জ্যান বার্নার্ড ঘটনাস্থল
সরেজমিনে পরিদর্শন করে এসে সিল-শিকারীর বক্তব্যকে
সমর্থন করেছেন। গ্রামবাসীরা সত্যিই রহস্যজনকভাবে
উধাও হয়ে গেছে। তিনি সাংবাদিকদেরকে জানান,
'তল্লাশিতে আমরা অবিকৃত অবস্থায় পড়ে থাকা
খাদ্যসামগ্রী, শিকারের সরঞ্জাম এবং অন্যান্য ব্যক্তিগত
জিনিসপত্র পেয়েছি। কিন্তু গ্রামবাসীদের কোনও চিহ্ন
খুঁজে পাইনি। এমনকী তাদের পায়ের ছাপও দেখা যায়নি
কোথাও। এক্ষিমোদের স্লেড-ডগগুলোকে পাওয়া গেছে
বরফে ঢাপা পড়া অবস্থায়—অবস্থাদ্বারে মনে হয়েছে, না
থেতে পেয়ে মারা গেছে কুকুরগুলো। সবচেয়ে আশ্চর্য
ব্যাপার হলো, এক্ষিমোদের প্রাচীন গোরস্থানটা তছনছ
হয়ে গেছে। প্রত্যেকটি কবর খুঁড়ে ভিতর থেকে সরিয়ে
নেয়া হয়েছে মৃতদেহ। কে বা কারা এ-কাজ করেছে,
কেন করেছে... তার কোনও সদৃশ্য নেই আমার কাছে।'

অনুসন্ধান ও তদন্ত অব্যাহত থাকবে বলে প্রতিশ্রূতি
দেয়া হয়েছে রয়্যাল কানাডিয়ান মাউণ্টেড পুলিশের পক্ষ
থেকে। তবে এখন পর্যন্ত এক্ষিমো গ্রামবাসীদের অন্তর্ধান
এক মন্ত বড় রহস্য...

এক

সাম্প্রতিক সময়। উন্নর মহাসাগর। মার্চ মাসের শেষ সপ্তাহ।

আর্কটিক সার্কেল থেকে পাঁচশো আটত্রিশ কিলোমিটার উন্নরে, চাল্লিশ ফ্যাদম গভীরতায়, তরল অঙ্ককার চিরে এগিয়ে চলেছে ইউ.এস.এস. পোলার সেণ্টিনেল। প্রায় নিঃশব্দে ঘূরছে টুইন প্রপেলারের ড্রেড, মার্কিন নৌবাহিনীর নবীন রিসার্চ সাবমেরিনটা সাবলীল গতিতে ঘূরে বেড়াচ্ছে বরফ ও পানির গোলকধার মাঝে দিয়ে।

থমথমে নীরবতা বিরাজ করছিল ভিতরে, সেটাৰ ব্যাঘাত ঘটল প্রক্রিমিটি অ্যালার্ম বেজে ওঠায়। বিজের ডাইভিং অফিসারের পোস্টে ছোট একটা ভিডিও মনিটরের উপর ঝুঁকল কমাঞ্চার চিমোথি ফিশার।

‘সুইট মাদার অভ গড়!’ সবিস্ময়ে বলে উঠল সে। ‘দ্যাটস্ আ মনস্টার!’

এগজিকিউটিভ অফিসারের এই মন্তব্য শুনে কোনও ভাবান্তর হলো না ক্যাপ্টেন ম্যাথিউ গরডনের চেহারায়। পেরিস্কোপ-স্ট্যাণ্ডে দাঁড়িয়ে আছেন তিনি, চোখ লাগিয়ে রেখেছেন ক্ষেপের অপটিকাল সাইটে, সাবমেরিনের টাইটেনিয়াম ও কার্বন স্টিলের খোল ছাড়িয়ে সামনের সাগরকে স্টাডি করছেন। আর্কটিকে এখনও শীতকাল বিরাজ করছে, কবে শেষ সূর্য দেখেছেন ভুলেই শুন্দি পিঞ্জর-১

গেছেন। সময়টা তাই দুপুর হলেও পানির উপর-নীচ...
দু'জায়গাতেই জেকে বসে আছে আঁধার। চাঁদের হালকা আভা
আছে আকাশে, তবে সারফেসে জমে থাকা বরফের পরত পেরিয়ে
তার খুব সামান্যই আসতে পারছে নীচে। পেরিস্কোপে মাথার
উপরের বরফের ছাত দেখছেন ক্যাপ্টেন—পোলার আইস ক্যাপের
হিসাব অনুসরে পুরুত্ব দশ ফুটের বেশি হবে না, তবে সেটা স্বেক
গত্তপত্তি হিসাব। ভাসমান বরফের এই এবড়ো-খেবড়ো স্তর
কেখও মাত্র ছ'ইঞ্জি পাতলা, আবার কোথাও বা নেমে এসেছে
অশি ফুট নীচ পর্যন্ত।

তবে এ-মুহূর্তে সামনে যে-পাহাড়টা উদয় হয়েছে, সেটা
সবকিছুকে হার মানাবে। বরফের এক মাউন্ট এভারেস্ট... উল্টো
হয়ে ঝুলছে পানির তলায়। সারফেসের কাছাকাছি অংশটা চওড়া;
যত গভীরে নেমেছে, ততই সরু হয়ে এসেছে—ইনভার্টেড
মাউন্টেইন বলে এগুলোকে।

চূড়ার মত অংশটার চারপাশে চক্র দিল পোলার সেণ্টিনেল।
কমাওয়ার ফিশার অনুমান করল, ‘কমপক্ষে এক মাইল হবে
গভীরতা।’

‘এক দশমিক চার মাইল,’ সঠিক হিসাব জানাল ইন্ট্রুমেন্ট
প্যানেলে বসা চিফ অভ দ্য ওয়াচ। টপ-সাউঙ্গিং সোনারের
ডিসপ্লে-তে আঙুল রাখল। হাই ফ্রিকোয়েন্সি সাউণ্ডওয়েভের
মাধ্যমে বরফের পুরুত্ব মাপে যন্ত্রটা।

পেরিস্কোপ থেকে চোখ সরালেন না ক্যাপ্টেন গরডন।
ক্যামেরার চোখের চাইতে নিজের চোখদুটোকে বেশি বিশ্বাস
করেন তিনি। হাত বাড়িয়ে সাবমেরিনের যিনি স্পটলাইট জ্বলে
দিলেন, আলোকিত করে তুললেন বরফ-পাহাড়ের কিনার। সাদা
নয়, গাঢ় নীল আর কালোর মিশেল যেন পাহাড়টা—বয়সের
ছাপ। সাবমেরিন একেবারে পাহাড়ের পাশ ঘেঁষে ঘুরছে,

আইস-ম্যাপিং সোনারের প্রক্রিমিটি অ্যালার্ম বেজে উঠেছে সে-কারণেই।

‘অ্যালার্মটা বন্ধ করো কেউ,’ গন্তব্য গলায় নির্দেশ দিলেন ক্যাপ্টেন।

‘আই, আই, স্যর!’

নীরবতা ফিরে এল সাবমেরিনের ভিতর। কথা বলছে না কেউ। অঙ্গীজেন জেনারেটরের মৃদু হিসহিস, আর ইঞ্জিনের হালকা গুঞ্জন ছাড়া আর কোনও আওয়াজ নেই। আর সব নিউক্লিয়ার সাবমেরিনের মত পোলার সেটিনেলও এক নিঃশব্দ বাহন। আকারে অবশ্য অন্যান্যদের তুলনায় অর্ধেক, ঠাট্টা করে ট্যাডপোল-ক্লাস বলে ডাকা হয় এটাকে। তবে মেরিন ইঞ্জিনিয়ারিংর সর্বোচ্চ উৎকর্ষের সাহায্যে মিনিয়েচারাইজড করা হয়েছে একে। সমস্ত ইকুইপমেন্ট একেবারে অত্যাধুনিক, তুল লাগে অনেক কম, অটোমেটেড সিস্টেম চালায় জাহাজের ক্ষুদ্রাতিক্ষুদ্র ঘন্টাংশ। গবেষণা কাজের জন্য বিশেষভাবে তৈরি করা হয়েছে এই সাবমেরিন—কোনও আর্মামেণ্ট নেই, যাতে বেশি করে সায়েন্টিফিক ইকুইপমেন্ট এবং পার্সোনেল বহন করা যায়। তবে ইচ্ছে করলে অন্ত-শান্ত বিসিয়ে নেক্সট জেনারেশন অ্যাটাক সাবমেরিনেও পরিণত করা যাবে একে।

এখনও ইভ্যালুয়েশন পিরিয়ড চলছে নবীন এই সাবমেরিনের। আপাতত এটাকে যুক্ত করা হয়েছে ওমেগা ড্রিফট স্টেশন নামের একটি সায়েন্টিফিক রিসার্চ ফ্যাসিলিটির সঙ্গে। পোলার আইস ক্যাপের উপর স্থাপন করা হয়েছে এই ফ্যাসিলিটি, যৌথভাবে মার্কিন যুক্তরাষ্ট্রের কয়েকটা গবেষণাধৰ্মী প্রতিষ্ঠান মেরু-এলাকার রিসার্চ চালিয়ে যাচ্ছে স্টেশনটা থেকে।

গত এক সপ্তাহ ধরে আইস ক্যাপের বিভিন্ন জায়গায় মিটিয়োরোলজিক্যাল সেপ্সর বসানোর কাজ করছে পোলার শুভ পিঞ্জর-১

সেগুনেল। ঘণ্টাখানেক আগে পৌছেছে ডুবো-পাহাড়টার পাশে।

‘এতবড় আইসবার্গ আগে কখনও দেখিনি আমি,’ হঠাৎ বলে উঠল কমাঙ্গার ফিশার।

‘সঠিক টার্মিটা হলো, আইস-আইল্যাণ্ড।’ শোনা গেল নতুন একটা কষ্ট।

পেরিস্কোপ থেকে চোখ সরিয়ে মাথা ঘোরালেন ক্যাপ্টেন গরডন। ধূসর চুল আর দাঢ়িয়ে একজন মানুষ উপস্থিত হয়েছেন ব্রিজে। ড. লার্স মিকেলসেন, সুইডিশ ওশনোগ্রাফার। ভিডিও মনিটরের দিকে একটা হাত তুললেন তিনি, তারপর ক্যাপ্টেনের উদ্দেশে বললেন, ‘সাইক্লুপস থেকে আরও ভালভাবে দেখা যাচ্ছে ওটা। কিছু মনে করবেন না, ক্যাপ্টেন, ড. বেকেট চাইছেন আপনি ওখানে একটু আসুন। ইন্টারেস্টিং একটা জিনিস আবিষ্কার করেছি আমরা।’

মাথা বাঁকিয়ে পেরিস্কোপের ত্রিপ ভাঁজ করলেন গরডন। হাইড্রোলিক ক্ষেত্রে রিঞ্জে চাপ দিতেই অপটিক মডিউল-সহ পুরো পোলটা চুকে গেল হাউজিংের ভিতরে। পেরিস্কোপ স্ট্যান্ড থেকে নেমে এলেন তিনি। কমাঙ্গার ফিশারের উদ্দেশে বললেন, ‘এক্স.ও., ইউ হ্যাভ দ্য কন্ট্ৰুল কুঁচকে ক্যাপ্টেনের দিকে তাকাল ফিশার। বলল, ‘আপনি সাইক্লুপসে যাচ্ছেন? চারপাশে এত বরফ থাকা অবস্থায়? সাহস আছে বলতে হবে! ’

‘তোমার নেই?’ বাঁকা সুরে বললেন গরডন। জবাবের প্রতীক্ষা না করে ড. মিকেলসেনের পিছু পিছু বেরিয়ে এলেন বিজ থেকে।

সুইডিশ ওশনোগ্রাফারের চোখ জুলজুল করছে উদ্ভেজনায়। ‘আমার এত বছরের ক্যারিয়ারে এমন অসাধারণ আইস-আইল্যাণ্ড আর দেখিনি।’

‘তা-ই?’ হালকা গলায় বললেন গরডন। হাত বোলালেন

মাথার লাল চুলে ।

মাথা বাঁকালেন মিকেলসেন। শুরু করলেন লেকচার, যেন স্টকহোমের ইউনিভার্সিটিতে ফিরে গেছেন। ‘এ-ধরনের আইস-আইল্যাণ্ড অত্যন্ত বিরল। মেইনল্যাণ্ডের গ্রেসিয়ার ভেঙে উৎপন্নি হয় এর। সাগরের স্রোতে ভাসতে ভাসতে বরফের এসব পর্বত গিয়ে পোলার আইস-ক্যাপের গায়ে ভেড়ে, জমে গিয়ে আটকা পড়ে। ধীরে ধীরে আইস-ক্যাপেরই একটা অংশে পরিণত হয় কয়েক বছরের মধ্যে।’ ফরওয়ার্ড হ্যাচ পেরুবার সময় এক পলক পিছনে তাকালেন তিনি। ‘অনেকটা চকলেটের গায়ের বাদাম-কণার মত।’

ছ’ফুট লম্বা শরীরটা বাঁকিয়ে হ্যাচ পেরুলেন ক্যাপ্টেন গরডন। জিজ্ঞেস করলেন, ‘এই আবিষ্কারের বিশেষত্ব কী? ড. বেকেট এই বাদাম-কণার ম্যাপিং করতে উৎসাহী হয়ে উঠলেন কেন?’

মেইন প্যাসেজ ধরে সেগ্টিনেলের রিসার্চ সেকশন পেরুচ্ছেন মিকেলসেন। বললেন, ‘কারণ এ-সব আইস আইল্যাণ্ডের ভিতরে আটকা পড়ে বহু পুরনো বরফ... কপাল ভাল হলে প্রাগৈতিহাসিক আমলের পাথর আর বিভিন্ন ধরনের নির্দর্শনও পাওয়া যেতে পারে। জমাট বাঁধা অতীত... যদি কাব্যের ভাষায় বলি আর কী।’

কিছু বললেন না ক্যাপ্টেন, শুধু কাঁধ বাঁকালেন।

‘এ-সুযোগ হাতছাড়া করা যায় না,’ বলে চললেন মিকেলসেন। ‘এমন একটা স্পেসিমেন আবার কবে পাওয়া যাবে, তার কোনও নিশ্চয়তা নেই। পোলার আইস-ক্যাপের আয়তন মার্কিন যুক্তরাষ্ট্রের দ্বিগুণেরও বেশি। এর ভিতর কোথায় কোন আইস-আইল্যাণ্ড আটকা পড়ে আছে, তা নাসা-র স্যাটেলাইট দিয়েও পিনপয়েণ্ট করা সম্ভব নয়। বুঝতেই পারছেন, ভাসমান অবস্থায় এমন একটা আইল্যাণ্ড পেয়ে যাওয়া স্বেফ কপাল, একটা মিরাকল।’

‘মিরাকল কি না জানি না, তবে ব্যাপারটা ইন্টারেস্টিং নিঃসন্দেহে,’ বললেন গরডন। ব্যাকগ্রাউণ্ড এবং পোলার রিজিয়নের প্রতি আগ্রহের কারণে সেণ্টিনেলের কমাণ্ড দেয়া হয়েছে তাঁকে। তাঁর পিতা ছিলেন ইউ.এস.এস. নটিলাস-এর ক্রু—১৯৫৮ সালে মার্কিন ওই সাবমেরিন ইতিহাসে প্রথমবারের মত আর্কিটিক মহাসাগর পেরিয়ে উভর মেরুতে পাড়ি জমিয়েছিল। এবারের অভিযান তাই ক্যাপ্টেন গরডনের জন্য পারিবারিক ঐতিহ্যকে সমন্বিত রাখার অভিযান।

করিডোরের শেষ মাথায় একটা বন্ধ হ্যাচের সামনে পৌঁছে থামলেন ড. মিকেলসেন। ‘আসুন, ব্যাপারটা নিজ চোখে দেখতে হবে আপনাকে।’ নাটকীয় ভঙ্গিতে বললেন তিনি।

ভদ্রলোককে এগোবার ইশারা করে পিছনে চোখ বোলালেন ক্যাপ্টেন। পুরো সাবমেরিনটা দু’ভাগে বিভক্ত। আফট সেকশনে রয়েছে ক্রু-দের লিভিং কোয়ার্টার আর ইঞ্জিনিয়ারিং লেভেল। ঠিক মাঝখানটায় ব্রিজ। সামনের অংশটা পুরোপুরি গবেষণা এলাকা। তবে সাবমেরিনের নাকের ডগায়... যেখানে টর্পেডো রুম এবং সোনার ইকুইপমেন্ট থাকার কথা, সেখানে করা হয়েছে সবচেয়ে বড় মডিফিকেশন।

হ্যাচ খুলে সেণ্টিনেলের মোজ সেকশনে চুকে পড়লেন মিকেলসেন, পিছু পিছু গরডন। চুকেই চোখ কুঁচকে ফেললেন প্রোট ক্যাপ্টেন। বরফ-পাহাড়ের গায়ে প্রতিফলিত হচ্ছে যিনন স্পটলাইটের প্রথর আলো... চোখ ঝলসে যাওয়ার উপক্রম। মেঝে বাদ দিলে সাবমেরিনের পুরো নাকটা পুরু লেক্সান পলিকার্বনেট দিয়ে তৈরি। স্বচ্ছ এই আবরণ ভেদ করে সম্মুখ এবং দু’পাশের সবকিছু পরিষ্কার দেখা যায়। বাইরে থেকে দেখলে বিশাল এক চোখের মত লাগে জায়গাটাকে, তাই আদর করে নাম দেয়া হয়েছে—সাইন্সেস... গ্রিক পুরাণের একচক্ষ দানবের

নামে।

আলো সয়ে আসার জন্য একটু অপেক্ষা করলেন ক্যাপ্টেন, তারপর চোখ বোলালেন আশপাশে। অ্যাথ্রন পরা বিজ্ঞানীরা নানা ধরনের ইকুইপমেণ্ট আর ডিডিও মনিটরের উপর ঝুঁকে রয়েছে। কয়েকজন সিম্যান-ও আছে তাদের সঙ্গে, ক্যাপ্টেনকে সটান স্যালিউট ঠুকল। পাল্টা স্যালিউট করলেন গরডন। তারপর তাকালেন সামনের দিকে।

‘ইস্প্রেসিভ, তাই না?’ কিন্নর একটা কষ্ট ভেসে এল ওদিক থেকে।

চোখ পিটপিট করলেন গরডন, স্বচ্ছ দেয়ালের মাঝখানে ছিপছিপে একটা দেহ ফুটে উঠেছে। মুখ দেখা যাচ্ছে না। নিশ্চিত হ্বার জন্য ডাকলেন, ‘ড. বেকেট?’

‘আর কে?’ মিষ্টি একটা হাসি শোনা গেল। ড. শ্যারন বেকেটের কষ্ট এবার চিনতে পারলেন গরডন।

মেয়েটা ওমেগা ড্রিফট স্টেশনের প্রধান। বয়স খুব বেশি না, টেনেটুনে ত্রিশ-বত্রিশের মত হতে পারে। এ-বয়সেই গোটা একটা গবেষণা-কেন্দ্রের টপ পজিশন বাগিয়ে নিয়েছে সম্পূর্ণ নিজের যোগ্যতায়। এতে পারিবারিক প্রভাবের কোনও ভূমিকা নেই। পরিবারের প্রসঙ্গ তোলা হলো, কারণ ওর পিতা অ্যাডমিরাল হেনরি বেকেট হচ্ছেন প্যাসিফিক সাবমেরিন ফ্লিটের কমাণ্ডার... অত্যন্ত ক্ষমতাবান ব্যক্তি। বলা বাহ্য্য, ছোটবেলা থেকে নৌবাহিনীর পরিবেশে বড় হয়েছে শ্যারন; হাবভাব, কথাবার্তা... সবকিছুই সৃষ্টি নাবিকসুলভ। দু’বছর হলো শ্যারনের সঙ্গে পরিচয় ক্যাপ্টেন গরডনের, বয়সের বিস্তর পার্থক্য থাকা সত্ত্বেও বন্ধুত্বপূর্ণ সম্পর্ক গড়ে উঠেছে ওঁদের মধ্যে।

গলা খাঁকারি দিলেন গরডন, নিশ্চিত হলেন শ্যারন তাঁর দিকে তাকাচ্ছে কি না। তারপর জিজ্ঞেস করলেন, ‘কেমন লাগছে শুভ পিঞ্জর-১

সাইক্লপস্?’ যদূর সম্বৰ স্পষ্টভাবে করলেন প্রশ্নটা, যাতে তাঁর ঠোঁট পড়তে পারে মেয়েটা। উনিশ বছর বয়সে একটা বিশ্বি দুর্ঘটনায় শ্রবণশক্তি হারিয়েছে শ্যারন, এখন লিপ-রিডিঙের মাধ্যমে অন্যের কথা বুঝে নেয়।

উজ্জ্বল হয়ে উঠল শ্যারনের দৃষ্টি। বলল, ‘যতটা আশা করেছিলাম, তার চেয়েও কয়েক গুণ ভাল। ইটস্ আমেইজিং।’ মুঞ্চ চোখে চারপাশে তাকাল, স্বচ্ছ দেয়ালের কারণে মনে হচ্ছে যেন ভেসে চলেছে পানির ভিতর দিয়ে।

তরুণী বিজ্ঞানীর উচ্ছ্঵াসের সঙ্গে তাল মেলাতে পারলেন না ক্যাপ্টেন গরডন। জাত সাবমেরিনার তিনি, সাগরতলের বিপদ-আপদ সম্পর্কে বিশদ জ্ঞান রাখেন। এক ফুট পুরু প্লাস্টিকের আবরণের উপর তাই আস্থা রাখতে পারছেন না, সাবমেরিনের নাকটা টাইটেনিয়াম আর কার্বন স্টিল দিয়ে মোড়া হলে অনেক বেশি স্বস্তি অনুভব করতেন।

‘আমাকে ডেকেছেন কেন?’ জিজ্ঞেস করলেন ক্যাপ্টেন।

‘অন্তুত একটা ব্যাপার দেখাব বলে,’ ডুবোপাহাড়ের দিকে ইশারা করল শ্যারন, কঠে উত্তেজনার আভাস। ভুরু কুঁচকে বাইরে তাকালেন গরডন। যিনন স্পটলাইটের আলোয় চকচক করছে পাহাড়ের গা—স্থির, নিষ্কম্প। কিন্তু এর ভিতরে অস্বাভাবিক কিছু নেই। জিজ্ঞাসু দৃষ্টি নিয়ে তরুণী বিজ্ঞানীর দিকে ফিরলেন তিনি।

‘নতুন ডিপআই সোনার সিস্টেমটা টেস্ট করছিলাম আমরা,’ বলল শ্যারন, ‘পাহাড়ের ভিতরদিককার বরফের বৈশিষ্ট্য বোঝার জন্য। অস্বাভাবিক একটা ব্যাপার আবিষ্কার করেছি।’

ইকুইপমেণ্টটা সম্পর্কে জানা আছে ক্যাপ্টেন গরডনের। গ্রাউণ্ড পেনিট্রেটিং রেইডারের উন্নত সংস্করণ—বরফের আবরণ ভেদ করে দেখতে পারে, অনেকটা এক্স-রের মত। এখনও

এক্সপেরিমেণ্টাল পর্যায়ে আছে জিনিসটা। শ্যারনেরই
ডিজাইন—জিয়ো-সায়েন্স ইঞ্জিনিয়ারিংয়ের ব্যাকগ্রাউণ্ড রয়েছে ওর।

‘কী পেয়েছেন?’ কৌতুহলী হয়ে জানতে চাইলেন গরডন।

ইকুইপমেণ্ট প্যানেলের কাছে তাঁকে নিয়ে গেল শ্যারন।
বলল, ‘প্রথম দুটো চক্রে কিছুই পাইনি। তবে পেঁয়াজের খোসার
মত একটা একটা করে বরফের স্তর ভেদ করে ডিপআই। এক
ধরনের ভাইব্রেশন তৈরি করে টার্গেটে, বরফের টেম্পারেচার
বাড়ে... উপরের স্তর পাতলা হয়ে যায়। যা হোক, এভাবেই
দেখতে দেখতে...’

কথা শেষ হলো না ওর, আচমকা ঝট করে সোজা হলেন
গরডন। ডিপআই-এর কাজের পরিণতি নিজ চোখে দেখতে
পাচ্ছেন। সাবমেরিনের আশপাশে ভেসে বেড়াচ্ছে ছোট-বড় নানা
আকারের বরফের চাঁই—নিশ্চয়ই পাহাড়ের গা থেকে খসে পড়েছে
ওগুলো। উপরদিকে তাকালেন, বিশাল একটা ক্লিফ ফেসের
তলায় পৌছেছে সেণ্টিনেল, তাঁর আশঙ্কাকে সত্য প্রমাণ করে
কেঁপে উঠল ওটা। পরক্ষণে ক্লিফের বিশাল একটা অংশ আলাদা
হয়ে গেল পাহাড়ের গা থেকে। যেন স্লো-মোশনে নামতে শুরু
করল সাবমেরিনের গায়ের উপরে।

ইন্টারকমের কাছে ছুটে গেলেন গরডন। ‘ক্যাপ্টেন টু দ্য
ব্রিজ!'

‘সমস্যাটা আমরাও দেখেছি, স্যার,’ ওপাশ থেকে ভেসে এল
কমাঙ্গার ফিশারের কঢ়, ক্যাপ্টেনের মনের কথা পড়তে পারছে।
‘ফ্লার্ডিং নেগেটিভ।’

পরক্ষণে পায়ের তলায় পরিচিত ঝাঁকি অনুভব করলেন
গরডন। ইমার্জেন্সি ট্যাক্সে চুকতে শুরু করেছে পানির প্রবাহ।
চোখের পলকে নাক নামাল পোলার সেণ্টিনেল, ডাইভ দিচ্ছে
সাগরের গভীরে।

শক্তি চোখে উপরদিকে তাকালেন ক্যাপ্টেন। বিশাল
বরফখণ্ড যেন ধাওয়া করছে তাঁদেরকে। ওটার বয়ানি আর
সাবমেরিনের ইমার্জেন্সি ব্যালাস্টের মধ্যে প্রতিযোগিতা চলছে
এখন। মরিয়া হয়ে ডুব দিচ্ছে জলযানটা, চেষ্টা করছে বরফের
পথ থেকে সরে যাওয়ার। ঝুঁকে গেছে সামনের দিকে। আলগা
জিনিসপত্র ছিটকে গেছে সামনের দিকে, আরোহীরা যে যা পারছে
আঁকড়ে ধরেছে ব্যালাস রক্ষার জন্য।

আতঙ্কে চেঁচিয়ে উঠল কে যেন, কিন্তু তাতে কান দিলেন না
গরডন। স্থির হয়ে দাঁড়িয়ে আছেন তিনি, মাথায় চিন্তার ঝড়।
এখানে কলিশন হবার অর্থ নিশ্চিত মৃত্যু। আশপাশের কয়েক
মাইলের মধ্যে সারফেস হবার মত কোনও জায়গা নেই। ছোটখাট
আঘাত সহ্য করবার মত করে বানানো হয়েছে সেন্টিনেলকে, কিন্তু
সে-সবেরও একটা সীমা আছে।

খুব শীত্রি চারপাশের পানি ঘোলা হয়ে এল, তার মাঝ দিয়ে
নীচে নেমে চলেছে সাবমেরিন। প্রেশার বেড়ে যেতেই পুরো খোল
মৃদু প্রতিবাদ করে উঠল। হঠাৎ সামনে দেখা গেল খোলা জায়গা,
প্রবল বেগে সেদিকে ছুটে গেল পোলার সেন্টিনেল, পিছন দিয়ে...
মাত্র কয়েক ফুট তফাতে নেমে গেল বরফখণ্ডটা। অল্লের জন্য
দুর্ঘটনার হাত থেকে রক্ষা পেল জলযানটা।

কয়েক মিনিট কেটে গেল নীরবতায়। ইমার্জেন্সি অ্যালার্ম আর
অক্সিজেন জেনারেটরের মৃদু গুঞ্জন ছাড়া আর কোনও আওয়াজ
নেই। এরপর আটকে রাখা দমটা ছাড়লেন গরডন। তুলে নিলেন
ইন্টারকমের রিসিভার।

‘দিস ইজ ক্যাপ্টেন। চমৎকার কাজ দেখিয়েছ তোমরা,
এক্স.ও.।’

‘ধন্যবাদ, স্যর,’ জবাব দিল কমাণ্ডার ফিশার। ‘শাটিং দ্য
ভালভ। ভেটিং নেগেটিভ।’ ধীরে ধীরে সিধে হতে শুরু করল

সাবমেরিন। ‘এমনটা যেন আর না করতে হয়, স্যর। কানের পাশ
দিয়ে শুলি গেছে।’

‘ঠিকই বলেছ,’ হাসলেন গরডন। ‘একটু দূর দিয়ে পুরো
এলাকা একবার চক্কর দিয়ে এসো। পাহাড়ের ক্ষয়ক্ষতি কতটা
হয়েছে, তা বোঝা দরকার। ছবিও তুলতে হবে।’

‘আই, আই, স্যর।’ বিজ ক্রু-র উদ্দেশে নতুন নির্দেশ জারি
করল কমাঞ্চার ফিশার, ‘হেলমস্ম্যান, লেফট ফুল রাডার।
অ্যাহেড স্লো। পাহাড়ের চারপাশে ঘূরিয়ে আনো আমাদেরকে।’

চক্রাকার পথে এগোতে শুরু করল সাবমেরিন।

সাইক্লপসের ভিডিও মনিটরের দিকে এগোলেন গরডন।
‘ফ্র্যাকচার জোনের ক্লোজআপ শট দেখানো যাবে?’

‘জী, স্যর,’ মাথা ঝাঁকাল এক টেকনিশিয়ান।

‘দেখান, প্রিজ।’

ক্যাপ্টেনের পাশে এসে দাঁড়াল শ্যারন। উভেজনায় কাঁপছে
মৃদু। ভয়ও পেয়েছে। বলল, ‘আমাদের সোনার ওই ধস
নামিয়েছে, তাই না, ক্যাপ্টেন? দুঃখিত, আরও অনেক সতর্ক
হওয়া উচিত ছিল।’

‘ইটস্ ওকে,’ তরঙ্গী বিজ্ঞানীর কাঁধে হাত রেখে আশ্বস্ত
করলেন গরডন। ‘ভুলক্রিটির মধ্য দিয়ে কাজ শেখে মানুষ। তা
ছাড়া... শেকডাউন ক্রুজে এ-ধরনের পরিস্থিতি দেখা না দিলে
চলবে কেমন করে? ইমার্জেন্সি সেন্টিনেলের পারফর্মেন্স তো
পরীক্ষা হয়ে গেল।’

আশ্বাসে খুব একটা কাজ হলো না। শ্যারনের মুখ বিষণ্ণ রয়ে
গেল। অবশ্য ওর চেয়ে ভাল অবস্থায় ক্যাপ্টেন নিজেও নেই।
এখনও বুক ধুকপুক করছে তাঁর। মনে পড়ে যাচ্ছে, কী ভয়ঙ্কর
বিপদ দেখা দিয়েছিল। ওঁরা সবাই মারাও যেতে পারতেন।
চিন্তাটা দূর করার জন্য ভিডিও মনিটরের উপর ঝুঁকলেন।

ফ্র্যাকচার জোনের দৃশ্য ফুটে উঠেছে ওতে ।

জুকুটি করল শ্যারন । নীলচে একটা দাগের মত ফুটে উঠেছে পাহাড়ের গায়ে । ‘এটা আবার কী?’ টেকনিশিয়ানের দিকে ফিরল । ‘জুম করো ।’

মাথা ঝাঁকিয়ে একটা ডায়াল ঘোরাল টেকনিশিয়ান । কয়েক গুণ বড় হয়ে গেল ছবি । যিনন স্পটলাইট ঘোরানো হলো টার্গেটের দিকে । সঙ্গে সঙ্গে পরিষ্কার হয়ে গেল সব । চমকে উঠল দর্শকরা ।

দাগ নয় । ওটা একটা ফাটল । গুহা বললেও ভুল হবে না । বিস্ময়ের ব্যাপার হলো—গুহায় একটা কালচে আকৃতি দেখা যাচ্ছে । প্রাকৃতিক নয়, মনুষ্য-নির্মিত । অভিজ্ঞ চোখে জিনিসটা চিনতে পারছেন গরডন । সাবমেরিন... একটা সাবমেরিনের স্টার্ন সেকশনের দিকে তাকিয়ে আছেন তাঁরা । বরফে আটকা পড়ে আছে ওটা ।

খুঁটিয়ে খুঁটিয়ে দৃশ্যমান অংশটুকু দেখলেন ক্যাপ্টেন । সাবমেরিনটা অনেক পুরনো মডেলের । প্রাচীন ।

‘কী ওটা?’ কয়েক পা এগিয়ে এসে জানতে চাইলেন ড. মিকেলসেন ।

‘সাবমেরিন,’ গরডন বললেন । ‘নিদেনপক্ষে দ্বিতীয় বিশ্বযুদ্ধের আমলের । যদূর বুঝতে পারছি—রাশান আই সিরিজ ।’

মুখের পাংশ ভাব অনেকখানিই কেটে গেছে শ্যারনের । উদ্ভেজিত গলায় বলল, ‘একটু আগে আমরা যা আবিষ্কার করেছি, তা আরও দৃঢ় হচ্ছে এর ফলে ।’

‘ও হ্যাঁ,’ মনে পড়ল গরডনের । ‘কী যেন দেখাতে চাইছিলেন । এটাই?’

‘উহঁঁ,’ মাথা নাড়ল শ্যারন । ক্যাপ্টেনকে নিয়ে গেল আরেকটা মনিটরের সামনে । কিবোর্ডে কয়েকটা বাটন চাপল, পর্দায় ফুটে

উঠল বরফ-পাহাড়ের একটা শ্রি-ডাইমেনশনাল ইমেজ। ‘ডিপআই সোনারের সাহায্যে পুরো পাহাড়ের ম্যাপিং করছি আমরা। এটা তারই রেকর্ডিং।’

ভুরু কোঁচকালেন গরডন। ‘আলাদা কোনও বৈশিষ্ট্য তো চোখে পড়ছে না।’

‘একটু অপেক্ষা করুন।’ আরও কয়েকটা কি চাপল শ্যারন। সঙ্গে সঙ্গে ঘোলা কুয়াশার অবয়ব ধারণ করল বরফ-পাহাড়। সারফেস ভেদ করে ফুটে উঠল ভিতরের দৃশ্য। ধাপে ধাপে অনেকগুলো অলি-গলি আর কামরার মত দেখতে পেয়ে বিস্মিত হলেন ক্যাপ্টেন। এলোমেলো নয়... জ্যামিতিক নকশা মেনে তৈরি করা হয়েছে সব। প্রাকৃতিক গুহা বা প্রকোষ্ঠ হতেই পারে না।

‘কী এসব?’ স্তম্ভিত গলায় জানতে চাইলেন গরডন।

‘আমাদের ধারণা,’ জবাব দিলেন ডা. মিকেলসেন, ‘ওটা একটা পরিত্যক্ত আইস বেইস—পাহাড়ের ভিতরটা খুঁড়ে তৈরি করা হয়েছে।’

‘সাবমেরিনের আইডেণ্টিফিকেশন যদি ঠিকভাবে করে থাকেন, তা হলে বলব রাশান আইস বেইস,’ যোগ করল শ্যারন। ‘সাবমেরিনটা একেবারে লোয়ার লেভেল ডকিং করে রাখা হয়েছে।’

‘আর এগুলো?’ ছবিতে ফুটে থাকা অনেকগুলো বিন্দুর দিকে ইশারা করলেন গরডন।

একটা বিন্দুর উপর জুম করল শ্যারন। আকৃতিটা চিনতে ভুল হলো না।

‘ডেডবডি, ক্যাপ্টেন,’ বলল ও। ‘অনেকগুলো লাশ পড়ে আছে ওখানে।’

কী যেন নড়ে উঠল স্ক্রিনের কোনায়—আবছা একটা আকৃতি... চোখের পলকে আবার গায়েব হয়ে গেল। উত্তেজিত শুভ পিঞ্জর-১.

ভঙ্গিতে আঙুল তুললেন ক্যাপ্টেন। ‘কী নড়ল ওখানে?’

ঝট করে টেকনিশিয়ানের দিকে তাকাল শ্যারন। ‘টেপটা
রিওয়াইও করো!’

করা হলো। যেখানে নড়াচড়া দেখা গেছে, সেখানটা জুম
করল টেকনিশিয়ান। স্লো-মোশনে ছাড়ল আবার টেপটা। এবার
সবাই দেখল। আইস বেইসের একেবারে নীচের লেভেলে...
অচেনা এক ঘোলা আকৃতি নড়াচড়া করছে। কয়েক ফ্রেম পরেই
ওটা হারিয়ে গেল পাহাড়ের গভীরে—সোনারের আওতার বাইরে।

দু’চোখ বিস্ফারিত হয়ে গেল শ্যারনের। ফিসফিসিয়ে বলল,
‘এ... এ অবিশ্বাস্য! কিছু একটা ঘূরে বেড়াচ্ছে ওখানে... জ্যান্ত!’

দুই

ক্রকস্ রেঞ্জ, আলাক্ষা।

প্রকৃতি মাতাকে সবসময় সম্মান কোরো... বিশেষ করে সেই
মাতার ওজন যদি চারশো পাউণ্ড হয়, আর সে নিজের সন্তানকে
রক্ষা করায় ব্যস্ত থাকে!

প্রকাণ্ড গ্রিজলি ভালুকটার পঞ্চাশ গজ দূরে দাঁড়িয়ে আছে
মাসুদ রানা। কুঁৎকুঁতে চোখে ওর দিকে তাকিয়ে আছে মা-ভালুক,
নাক কুঁচকে শুকছে বাতাসে ভেসে আসা মানুষটার গন্ধ। বাচ্চাটা
তার পায়ের কাছে, একটা ব্ল্যাকবেরির ঝোপ তচ্ছচ করছে
খাবারের খোঁজে। ব্যর্থ প্রচেষ্টা... এখনও ঝোপে বেরি ফল ধরবার

ମୌସୁମ ଆସେନି । ଓସବ ନିଯେ ମୋଟେଇ ମାଥାବ୍ୟଥା ନେଇ ବାଚାଟାର, ମନୋଯୋଗ ଦିଛେ ନା ଅଚେନା ମାନୁଷଟାର ଦିକେଓ । ଜାନେ, ସତକ୍ଷଣ ମା ଆଶପାଶେ ଆଛେ, କେଉ ଓର କ୍ଷତି କରତେ ପାରବେ ନା । ମାଦୀ ହିଜଲିର ଅମିତଶକ୍ତି, ଧାରାଲୋ ଦାଁତ ଆର ଚାର ଇଞ୍ଚିଲ ଲମ୍ବା ନଥଗୁଲୋ ଯେ-କୋନ୍ତକେ ପରାନ୍ତ କରାର ଜନ୍ୟ ଯଥେଷ୍ଟ ।

ରାନାର ଏକଟା ହାତ ଚଲେ ଗେଛେ କୋମରେ ଆଟକାନୋ ପେପାର-ସ୍ପେ କ୍ୟାନେର ଗାୟେ । ଅନ୍ୟହାତେ ଧରେ ରେଖେଛେ କାଥେ ଝୋଲାନୋ ରାଇଫେଲେର ସ୍ଲିଂ । ହାମଲା କରିସ ନା, ମା-ଜନନୀ... ବିଡ଼ବିଡ଼ କରଲ ଓ... ଆମାକେ ଅଧିଯ କୋନ୍ତକେ କାଜ କରତେ ବାଧ୍ୟ କରିସ ନା ।

କାଜ ହଲୋ ନା ଅନୁରୋଧେ । ମା-ଭାଲୁକେର କାନଦୁଟୋ ଖୁଲିର ସଙ୍ଗେ ସେଁଟେ ଯେତେ ଦେଖଲ ଓ । ଏକଟା ପା ସାମନେ ବାଡ଼ିଯେ ଏକଟୁ କୁଁଜୋ ହଲୋ ବିଶାଳ ଶରୀରଟା । ତେଡ଼େ ଆସାର ପୂର୍ବ-ପ୍ରତ୍ତତି । ଗଲା ଶୁକିଯେ ଏଲ ରାନାର । ଇଚ୍ଛେ ହଲୋ ଉଲ୍ଟୋ ଘୁରେଇ ବେଡ଼େ ଦୌଡ଼ ଦେଯ, କିନ୍ତୁ ତାତେ ବିପଦ ବାଡ଼ିବେ ବୈ କମବେ ନା । ପାଯେ ପାଯେ ପିଛାତେ ଶୁରୁ କରଲ ଓ... ସାବଧାନେ... ଯାତେ ଶବ୍ଦ ନା ହୟ । ନଇଲେ ରେଗେ ଗିଯେ ଛୁଟେ ଆସତେ ପାରେ ଭାଲୁକ । କପାଳ ଭାଲ, ପାଯେ ହ୍ରାନୀଯ ଇନ୍ଦ୍ରିଟ ଆଦିବାସୀଦେର ଚାମଡ଼ାର ଜୁତୋ ପରେଛେ—ବଞ୍ଚୁ ରିଚାର୍ଡ ମ୍ୟାନିଟକେର ଦେଯା ଉପହାର । ନରମ ସୋଲେର କାରଣେ ଶବ୍ଦ ହଛେ ନା ।

ସାଧାରଣ ପରିଚିତିତେ ବୁନୋ ଭାଲୁକେର ମୁଖୋମୁଖୀ ହଲେ ଆଓୟାଜ କରାଟାଇ ନିୟମ । ଚିତ୍କାର-ଚେଁଚମେଚି ଆର ଫାଁକା ଗୁଲି କରେ ଭଡ଼କେ ଦିତେ ହୟ ତାକେ, ଭେଣେ ଦିତେ ହୟ ତାର ଆହାସୀ ମନୋବଳ । କିନ୍ତୁ ଏଥନ ସେ-ପଦ୍ଧତି କାଜେ ଲାଗବେ ନା । ସନ୍ତାନକେ ରକ୍ଷା କରତେ ଚାଇଛେ ମା-ଭାଲୁକ, ଆଓୟାଜ କରଲେ ସେଟାକେ ବୈରି ଆଚରଣ ବଲେ ଧରେ ନେବେ, ଆଗ ବାଡ଼ିଯେ ନିଜେଇ ଶୁରୁ କରବେ ହାମଲା । ଅତଏବ ପିଛିଯେ ଯାଓୟାଇ ଭାଲ ।

ହିଂସ୍ର ଭାଲୁକ ସମ୍ପର୍କେ ସବଇ ଜାନା ଆଛେ ରାନାର, ଆଲାକ୍ଷାୟ ଶ୍ଵର ପିଞ୍ଜର-୧

এদের উৎপাত সম্পর্কেও সম্যক জ্ঞান রাখে। প্রতি বছর হাজারখানেক ভালুক হামলার ঘটনা ঘটে এখানে, তাতে প্রচুর মানুষও মারা যায়। বেশিরভাগ ক্ষেত্রে সে-সব মানুষের লাশও খুঁজে পাওয়া যায় না। তাই হাইকিঙে বেরনোর সময় রাইফেল, বিয়ার-হাইসেল আর পেপার-স্প্রে নিয়েছে ও। তাই বলে ওগুলো ব্যবহারের মত পরিস্থিতি দেখা দেবে, এমনটা ভাবতে পারেনি। অবশ্য বিশাল বুনো আলাক্ষার জঙ্গলে এমন অভিজ্ঞতাকে পুরোপুরি অপ্রত্যাশিতও বলা চলে না। বাইরের পৃথিবী যেখানে মানুষের হাতে ধ্বংসের দ্বারপ্রাণ্তে চলে যাচ্ছে, তখন আলাক্ষায় আজও রাজত্ব করছে রুক্ষ, নির্মম প্রকৃতি।

পায়ে পায়ে পিছিয়ে চলল রানা, ওর দিকে এখনও একদৃষ্টে তাকিয়ে আছে মা-ভালুক। হঠাৎ বেরি ঝোপের ভিতর থেকে বেরিয়ে এল বাচ্চাটা। খেলা শেষ। কয়েক মুহূর্ত দেখল রানাকে, তারপর হাসিখুশি ভঙ্গিমায় ছুটে এল ওর দিকে। আক্রমণ করবার জন্য নয়, কৌতুহলে। প্রমাদ গুনল রানা, এমন আশঙ্কা করেনি। বাচ্চাটা খেলতে আসছে, কিন্তু মা নির্ধাত ব্যাপারটাকে ভুলভাবে ব্যাখ্যা করবে। তা-ই ঘটল। বড় গ্রিজলির চোখদুটো বিক্ষারিত হয়ে গেল। ছুট লমগাল বাচ্চার পিছু পিছু... সন্তান পৌছুনোর আগেই বিপজ্জনক মানুষটাকে খতম করে দেবে।

স্থির হয়ে গেল রানা। কী করবে বুঝে উঠতে পারছে না। বাচ্চাটা সমস্যা নয়, ওটাকে পেপার-স্প্রে ছিটিয়েই ঠেকানো যাবে। কিন্তু পূর্ণবয়স্ক গ্রিজলি ভালুক অন্য চিজ। স্প্রে-তে কাজ হবার প্রশ্নই আসে না। গুলি চালাতে হবে... আর সেটা কলজে বরাবর। তারপরেও অন্তত দশ মিনিট টিকে থাকবে অসামান্য প্রাণশক্তির ভালুক। ততক্ষণ ধারালো নখের আঁচড়ে কিমা বানিয়ে ফেলবে ওকে। কার্য্যকর পদ্ধতি হলো, পায়ে গুলি করা। মাটিতে আছড়ে পড়বে তখন ভালুক, এগোতে পারবে না। তখন ঝাঁঝরা

করে দিতে হবে ওটাকে। কিন্তু নিরীহ একটা প্রাণীকে হত্যা করতে মনের সাথ পাছে না কিছুতেই। উপায়ও নেই, অগত্যা রাইফেলটা কাঁধ থেকে নামিয়ে হাতে তুলে নিল ও।

বিশ গজের মধ্যে পৌছে গেছে ভালুকদুটো, রাইফেল উঁচু করল রানা। আর তখনি পিছন থেকে ভেসে এল একটা ক্রুক্ষ গর্জন। কালচে একটা দেহ এক লাফে পেরিয়ে গেল ওকে। চার পায়ে ল্যাঙ করল কয়েক হাত সামনে। শরীর টান টান করে পিলে কাঁপানো হঞ্চার ছাড়ল আরেক দফা।

যেন ব্রেক কয়ে থামল দুই ভালুক। চমকে গেছে। সামনে দাঁড়ানো চতুর্স্পদ প্রাণীটা একটা কালো কুকুর। পুরোপুরি কুকুরও নয়, কুকুর আর নেকড়ের সংকর। এ-মুহূর্তে নেকড়ে-সুলভ হিংস্রতাই ভর করেছে ওটার উপর। গরগর করছে দুই শক্র দিকে তাকিয়ে, খাড়া হয়ে গেছে ঘাড়ের লোমগুলো।

ভালুকের উপর ঝাঁপিয়ে পড়ার পাঁয়তারা করছিল কুকুরটা, কিন্তু চাবুকের মত সপাং করে উঠল রানার কষ্ট, ‘লোবো! না!!’

থমকে গেল কুকুরটা। ঘাড় ফিরিয়ে তাকাল রানার দিকে, দৃষ্টিতে প্রশং... যেন নিশ্চিত হতে চাইছে আদেশটার ব্যাপারে।

‘চলে আয়,’ বলল রানা। এরপর তাকাল মা-ভালুকের দিকে। সতর্ক ভঙ্গিতে ওদের কর্মকাণ্ড দেখছে প্রাণীটা। মুখে হালকা হাসি ফোটাল রানা, যেন অভয় দিতে চাইছে কোনও মানুষকে। কী বুঝল কে জানে, কয়েক মুহূর্ত স্থির থাকার পর ঘুরে দাঁড়াল গ্রিজলিটা। বাচ্চাকে নিয়ে হাঁটতে শুরু করল চার হাত-পায়ে। একটু পরেই হারিয়ে গেল গাছপালার আড়ালে।

শব্দ করে শ্বাস ফেলল রানা। বিরাট এক ফাঁড়া কেটেছে। কৃতজ্ঞ চোখে তাকাল লোবোর দিকে, কুকুরটাই ওর প্রাণ বাঁচিয়েছে। অথচ ওটাকে ক্যাম্পসাইটে রেখে এসেছিল ও, সঙ্গে আনার প্রয়োজন মনে করেনি। নিশ্চয়ই পিছু নিয়ে চলে এসেছে।

বন্ধুর কুকুর, মাত্র কয়েক সপ্তাহের পরিচয়, কিন্তু এরই মাঝে প্রাণীটা ভীষণ ভক্ত হয়ে গেছে ওর। হঠাৎ হঠাৎ মনে হয়, কুকুরটা ওর নিজেরই বুঝি! এগিয়ে গিয়ে ওটার ঘাড়ে হাত বুলিয়ে দিল রানা। মৃদুকণ্ঠে বলল, ‘ধন্যবাদ, লোবো।’

গরগর করল লোবো। বুঝি বলতে চাইছে, ‘ডেন্ট মেনশন!’

কুকুরটাকে নিয়ে পাহাড়ি ঢাল ধরে নিজের অস্থায়ী ক্যাম্পসাইটের দিকে ফিরে চলল রানা। প্রায় এক মাস হতে চলল আলাক্ষায় আছে ও। ইজরায়েলের অ্যাশকেলন বন্দরে মার্ভেল অভ গ্রিস নিয়ে অপারেশন, আর ম্যাঞ্জিমিলিয়ান ক্যাপেলের সঙ্গে সংঘাতের পর কিছুদিনের জন্য সভ্য জগত থেকে নিজেকে সরিয়ে নেয়ার প্রয়োজন বোধ করছিল। ঠিক ওই সময়েই আলাক্ষা উপকূলে একটা রিসার্চ প্রজেক্ট চলছিল ন্যাশনাল আওয়ারওটের অ্যাও মেরিন এজেন্সি... মানে, নুমার। মিশন শেষে ছুটি পেয়ে অ্যাডমিরাল জর্জ হ্যামিলটনের অনুরোধে ওটায় যোগ দেয় রানা। প্রজেক্টের কাজ করতে গিয়েই পরিচয় হয় স্থানীয় এক ইন্দুইট বিশেষজ্ঞ রিচার্ড ম্যানিটক আর তাঁর মেয়ে... এলাকার শেরিফ অ্যাবি-র সঙ্গে। অল্প সময়েই বাপ-মেয়ের সঙ্গে বেশ ঘনিষ্ঠতা হয়ে গেছে, যেন কতকালের পরিচয়। প্রজেক্ট শেষ হয়ে গেছে দিনপাঁচেক আগে, কিন্তু নুমার স্টাফদের সঙ্গে ফিরে যায়নি রানা। রিচার্ড আর অ্যাবির অনুরোধে রয়ে গেছে ওদের অতিথি হয়ে। ছুটি শেষ হতে আর সপ্তাখানেক বাকি, এ ক'টা দিন ওদের সঙ্গেই কাটাচ্ছে। প্রজেক্টের কাজ করবার সময় জায়গাটা ঘুরে-ফিরে দেখতে পারেনি, এখন সেটাই করে নিচ্ছে।

ক্যাম্পে ফিরতে বেশিক্ষণ সময় লাগল না। ছোট্ট একটা ঝর্ণার পাশে তাঁরু খাটিয়েছে ও, ওখানে পৌছুতেই ত্রেষুক করে ওকে অভ্যর্থনা জানাল আধা-অ্যারারিয়ান ঘোড়াটা। লোবোর মত ঘোড়াটাও রানা ধার নিয়েছে রিচার্ড ম্যানিটকের কাছ থেকে।

কাছে গিয়ে ঘোড়াটাকে আদর করল ও। তারপর ঝটপট আগুন জ্বলে কফি চড়াল। অগ্নিকুণ্ডের পাশে বসে দু'হাত মেলে ধরল সামনে। প্রভুভুকে কুকুরের মত ওর পাশে বসল লোবো। লম্বা জিভ বের করে দিয়েছে।

কফি হয়ে গেলে ধূমায়িত মগে আয়েশ করে চুমুক দিল রানা। চোখ বোলাল আশপাশে। পরিবেশটা সত্যি চমৎকার। শীতসূম শেষে বসন্ত শুরু হতে চলেছে আর্কটিক ন্যাশনাল পার্কে। গাছপালার মাথা থেকে গলতে শুরু করেছে বরফের মুকুট। সূর্যের কোমল রোদে ঝলমল করছে চারদিক। ট্যুরিস্ট মৌসুম শুরু হয়নি এখনও। অবশ্য খুব বেশি মানুষ যে এই আট মিলিয়ন একরের বন্যভূমিতে বেড়াতে আসে, তা নয়; তারপরেও আপাতত পুরো এলাকা রানার নিজের... অস্তত তেমনটাই মনে হচ্ছে।

লোবোকে কয়েকটা বিস্কুট খেতে দিল, তারপর উঠে দাঁড়াল রানা। সন্ধ্যা নামতে দেরি নেই, ডিনারের আয়োজন করতে হবে। দিগন্তের কাছে ঢলে পড়েছে আর্কটিকের সূর্য। আকাশে ইতিমধ্যে মেঘ জমেছে, আঁধার নামার আগে তুষারপাত শুরু হবে বোধহয়।

গা থেকে পারকা খুলে ফেলল রানা, রাইল শুধু উলের শাট আর হেভি ট্রাউজার। তাঁরু থেকে ছোট একটা বাকেট আর কুড়াল নিয়ে ঢলে গেল ঝর্ণার পারে। পানির স্নোত নেই, ঠাণ্ডায় জমে সব বরফ হয়ে আছে। কুড়াল দিয়ে বরফ ভাঙল ও, সংগ্রহ করল বাকেটে। এই বরফ গলিয়েই পানি তৈরি করবে। তাঁরুর সামনে ফিরে আগুনে চড়িয়ে দিল বাকেটটা। তারপর বেরুল তাজা লাকড়ির খোঁজে। লোবো সঙ্গে এল না, আগুনের পাশে বসে আরাম উপভোগ করছে।

আপনমনে একটা বাংলা গানের সুর ভাঁজতে ভাঁজতে জঙ্গলে ঢুকল রানা। মন প্রসন্ন। শুকনো ডালপালা কুড়াতে কুড়াতে নিজেকে মনে হচ্ছে আদিম মানুষ। আধুনিক পৃথিবীর কোনও শুভ পিঞ্জর-১

যন্ত্রণা যেন নেই... বেঁচে থাকার জন্য শুধু খাদ্য সংগ্রহই যেন একমাত্র কাজ। আহ, জীবনটা যদি এত সহজ হতো! নিজের অজান্তেই উদাস হয়ে গেল রানা। ফেলে আসা জীবনের কথা মনে পড়ে যাচ্ছে, টুকরো টুকরো দৃশ্য ভেসে উঠছে মনের পর্দায়।

দ্বিধা আর সন্দেহে ভুগতে থাকে রানা। জীবনটাকে কি সে হেলায় নষ্ট করল? মনীষীরা বলে গেছেন, কর্মই জীবন, কর্মেই মুক্তি। কাজ নিয়েই তো আছে ও, নিজেকে সম্পূর্ণ নিবেদন করেছে দেশের সেবায়। তবু কেন মনে হয়, আরও অনেক কিছু করার ছিল ওর, আরও অনেক কিছু করতে পারত। আরও কম বয়সে যে-সব স্বপ্ন ছিল সে-সব কবেই হারিয়ে গেছে। জ্ঞান হ্বার পর থেকে শুনে আসছে দুনিয়ার সবচেয়ে উর্বরা ভূমি রয়েছে বাংলাদেশে, স্বপ্ন দেখত আধুনিক প্রযুক্তির সাহায্য নিয়ে থেকে বিপুল ধান ফলাবে, গড়ে তুলবে হাঁস-মুরগীর বিশাল খামার, চাষ করে পুকুর-ডোবাগুলো ভরে তুলবে রূপালি মাছে। বাংলাদেশের কয়েক কোটি সুযোগবৰ্ধিত সরল মানুষের বেশিরভাগই জেগে জেগে ঘুমাচ্ছে। বিপুল কর্ম্যজ্ঞের আয়োজন করে এদের ডাকা হচ্ছে না বলেই আজ শুধু কাগজে মানচিত্র দিয়ে রুগ্ন বাংলাদেশের পরিচয় প্রকাশ করতে হয়। ঘুম ভাঙিয়ে এদেরকে যদি কাজে লাগিয়ে দেয়া যেত, এরাই গড়ে তুলত সম্পদের পাহাড়, এরাই সৃষ্টি করত মহৎ শিল্পকর্ম, অবদান রাখত বিজ্ঞানের নব নব আবিষ্কারে, মানবকল্যাণ আর সভ্যতার বিকাশে দিত নেতৃত্ব। একটা সময়ে রানাও এই স্বপ্ন দেখেছিল। নিজের কর্মক্ষেত্র থেকে সাধ্য অনুযায়ী যতটুকু পেরেছে করেছে—যেখানেই দেশের বিরুদ্ধে কেউ ষড়যন্ত্র করেছে সেখানেই দুর্জয় সাহসের সাথে লড়েছে ও। প্রচণ্ড ক্ষমতা নিয়ে যখনই কোনও ম্যানিয়াক সভ্যতাকে ধ্বংস করার পাঁয়তারা কষেছে, তাকে বিনাশ করার জন্যে ছুটে গেছে রানা। কেউ বলতে পারবে না কাজে ফাঁকি

দিয়েছে ও, কেউ বলতে পারবে না অন্যায় বা অবৈধভাবে নিজের জন্যে গড়ে তুলেছে সম্পদের পাহাড়। ওর সম্পর্কে যেটা বলা যায়, বেশিরভাগ রাজনীতিবিদ ও সরকারি কর্মচারী সম্পর্কে সেটা বলা গেলে দেশের আজকের চেহারা সম্পূর্ণ অন্য রকম হতো। কী দুর্ভাগ্য, বারবার শুধু বাটপারদের হাতে জিম্মি হয়ে পড়ল গোটা দেশ। কতকিছুই না ঘটে গেল চোখের সামনে। গায়ের জোরে বা জনতার ভোটে যেই নেতা বনল, ক্ষমতায় গিয়েই জনতার দিকে বন্দুক তাক করে ধরল সে। সমাজের উঁচু মহলে আনুগত্য কেনাবেচা শুরু হয়ে গেল। চোর আর খুনিকে করা হলো পুরস্কৃত, সৎ, বিদ্বান, চরিত্রবান আর জ্ঞানীকে হতে হলো লাঞ্ছনার শিকার। নানা কৌশলে বন্ধ করে দেয়া হলো জ্ঞানের বিকাশ, নির্বাসিত হলো চিরন্তন মূল্যবোধ, পরিবেশ পরিস্থিতি ওলট পালট করে দিয়ে যে-যার আখের গোছাবার জন্যে লুটেপুটে খেতে লাগল।

দুঃখ, রাগ, আর প্রচণ্ড ক্ষোভ অনুভব করে, কিন্তু পুরোপুরি হতাশ হতে পারে না ও। চারদিকে এত অব্যবস্থা, অনিয়ম, লোভ, নীচতা আর স্বার্থপরতা দেখেও বিশ্বাস করতে ইচ্ছে করে, এখনও সময় আছে। চেষ্টা করলে এখনও হয়তো অধঃপতনের হাত থেকে রক্ষা করা যায় দেশটাকে। সত্যিই কি সেটা অসম্ভব?

হঠাতে সচকিত হয়ে উঠল ও। চারপাশে তাকাল। না, উল্লেখযোগ্য কিছুই ঘটেনি। সবকিছুই আগের মত শান্ত, নীরব। তারপরেও কেমন একটা অনুভূতি হচ্ছে ওর। অগ্রহ্য করা সম্ভব নয় এই অনুভূতি। দীর্ঘদিন বিপজ্জনক পেশায় কাটিয়ে ওর ষষ্ঠ ইন্দ্রিয় এখন সাধারণ মানুষের চেয়ে অনেক বেশি সচেতন, তীক্ষ্ণ। কী করে যেন আগেভাগেই বিপদের আভাস পায়। এখন ঠিক তেমনই আভাস পাচ্ছে মনের গহীন থেকে।

স্থির হয়ে দাঁড়িয়ে রইল রানা কয়েক মুহূর্ত। একটু পরেই কানে ভেসে এল ইঞ্জিনের আওয়াজ... বিমানের ইঞ্জিন। আন্তে শুভ পিঞ্জর-১

আন্তে বাড়ছে আওয়াজটা। মুখ তুলল ও। একটু পরেই পাহাড়সারির আড়াল থেকে বেরিয়ে এল এক-ইঞ্জিনের সেসনা বিমানটা, মাতালের মত উড়ে গেল উপত্যকার উপর দিয়ে। বিমানটাকে দেখবার আগেই খটকার কারণ বুঝতে পেরেছে রানা। স্বাভাবিক, ছন্দোবন্ধ আওয়াজ করছে না ইঞ্জিনটা... কাশছে যক্ষা রোগীর মত। সমস্যা হয়েছে নিঃসন্দেহে।

দৌড়ে খোলা জায়গায় বেরিয়ে এল রানা। চোখ আঠার মত সেঁটে আছে আকাশের গায়ে। একদিকে কাত হয়ে পড়েছে সেসনা, উচ্চতা কমছে দ্রুত, ইঞ্জিন বন্ধ হয়ে যাবার জোগাড়। মানসচোখে পাইলটকে দেখতে পেল—বিমানের কংট্রোল কলাম নিয়ে যুদ্ধ করছে... নিচয়ই ইমার্জেন্সি ল্যাণ্ড করবার উপযোগী জায়গা খুঁজছে। সমস্যা হলো, এই এলাকার অধিকাংশ বুশ-প্লেনের মত সেসনাটারও তলায় চাকার বদলে শোভা পাচ্ছে ফ্রেট। মাটি নয়, ল্যাণ্ড করার জন্য চওড়া জলধারা প্রয়োজন আকাশঘানটার। কিন্তু তেমন কিছুই নেই আশপাশে। ঝর্ণার বুকে কিছুতেই নামতে পারবে না, নদী প্রয়োজন... কিন্তু এখান থেকে সবচেয়ে কাছের নদীটা অন্তত একশো মাইল দূরে।

এর মানে একটাই—ক্র্যাশ করতে চলেছে বিমানটা। মরিয়ার মত ওটাকে একটু উচ্চতা বাড়াতে দেখল রানা, কোনোমতে পেরিয়ে গেল আরেকটা পাহাড়সারি, হারিয়ে গেল দৃষ্টিসীমা থেকে। খানিক পরেই ভেসে এল মাটিতে আছড়ে পড়ার গগনবিদারী আওয়াজ... পরমুহূর্তে শোনা গেল বিক্ষেরণের শব্দ! পাহাড়সারির ওপাশে পাক খেয়ে উড়তে শুরু করল কালো ধোঁয়া।

‘এহ!’ গাল কুঁচকে উঠল রানার। ‘আজ আর ডিনার নেই কপালে!'

এক ছুটে ক্যাম্পে ফিরে এল ও। পারকা পরে দ্রুত গুছিয়ে নিল জরুরি সরঞ্জাম। তারপর ঘোড়ার পিঠে চাপাল স্যাডল।

বিমানের আরোহী কে বা কারা, এ-নিয়ে ভাববার সময় নেই।
দ্রুত উদ্ধার করতে হবে তাদেরকে। ভয়াবহ শীতল আবহাওয়ায়
আহত মানুষ বেশিক্ষণ টিকতে পারবে না। ফাস্ট এইড কিটটা
স্যাডলব্যাগে ঢুকিয়ে লোবোকে শিস দিয়ে ডাকল ও। তারপর
একলাফে চড়ে বসল ঘোড়ার পিঠে। লাগামে ঝাঁকি দিয়ে বাহনকে
সবেগে ছোটাল দুর্ঘটনাস্থলের উদ্দেশে।

তিনি

সেভেরোমার্স্ক নেভাল কমপ্লেক্স। মুরমান্স্ক, রাশা।

বন্দরের চার নম্বর জেটিতে দাঁড়িয়ে আছেন ভ্যালেরি
নিকোলায়েভ। গায়ে খয়েরি ছেটকোট, মাথায় ভারী পশমি টুপি।
কাঁধের অ্যাপিউলেট আর টুপির সামনে দুটো সোনালি তারকা
সগর্বে ঘোষণা করছে—তিনি রাশান নৌবাহিনীর একজন রিয়ার
অ্যাডমিরাল।

নিভু নিভু অবস্থায় একটা কিউবান চুরুট ঝুলছে রিয়ার
অ্যাডমিরালের ঠোটে, টানতে ভুলে গেছেন। মন বিক্ষিপ্ত। তাঁর
পিছনে নেভাল কমপ্লেক্সের তারকাটার বেড়ায় ঘেরা
সীমানা—ওটাই নিকোলায়েভের আবাস এবং রাজ্য। ভিতরে
রয়েছে বিশাল শিপইয়ার্ড, ড্রাই ডক, রিপেয়ার ফ্যাসিলিটি,
ওয়েপন ডিপো আর অপারেশন বিল্ডিং... সোজা কথায় রাশান
নর্দার্ন ফ্লিটের কেন্দ্রবিন্দু। ছোটখাট এক শহরের সমান এই
শুভ্র পিঞ্জর-১

নেভাল কমপ্লেক্স দাঢ়িয়ে আছে আর্কটিক মহাসাগরের পারে। ওখানে শক্তিশালী জাহাজই শুধু তৈরি হয় না, তার সঙ্গে পাল্টা দিয়ে গড়া হয় ইস্পাতকঠিন মানুষও।

রিয়ার অ্যাডমিরাল নিকোলায়েভের ধূসর দু'চোখ আটকে আছে পিয়ারের শেষ প্রান্তে—সমুদ্রযাত্রার প্রস্তুতি নিচ্ছে সেখানে সাবমেরিন ড্রাকন। বার্থ থেকে রওনা দেবার সমস্ত আয়োজন সম্পন্ন, ইতিমধ্যে খুলে নেয়া হয়েছে শোর-সাপ্লাইয়ের কেইবলগুলো, জলযানটা এখন চলছে নিজস্ব জেনারেটরের পাওয়ারে।

একটু পর ভারী ইউনিফর্ম পরা সাবমেরিনের তরুণ ক্যাপ্টেন এগিয়ে এল। স্যালিউট ঠুকে বলল, ‘স্যর, আমরা তৈরি। আপনার নির্দেশ পেলেই রওনা হতে পারি।’

মাথা ঝাঁকালেন নিকোলায়েভ। হাতঘড়িতে চোখ বুলিয়ে বললেন, ‘ঠিক আছে। তবে বন্দর ছাড়ার আগে একটা ফোন করতে হবে আমাকে। ড্রাকনে সিকিউর ল্যাণ্ডাইন আছে তো?’

‘জী, স্যর। প্লিজ, আসুন।’

রিয়ার অ্যাডমিরালকে পথ দেখিয়ে নিয়ে চলল ক্যাপ্টেন আন্তন রুশকিন। তার হাঁটার ভঙ্গিতে আশ্র্য এক গর্বের ছাপ লক্ষ করলেন নিকোলায়েভ। স্বাভাবিক... বয়স এখনও চল্লিশ হয়নি, এটাই রুশকিনের প্রথম কমাও এবং প্রথম মিশন। এই মিশনেই নর্দার্ন ফ্লিটের কমাণ্ডারকে চরম গোপনীয় এবং গুরুত্বপূর্ণ একটা কাজে নিয়ে যাবার দায়িত্ব পেয়েছে। গর্ব অনুভব করাই স্বাভাবিক।

নিজের ওই বয়সটার কথা অনেক চেষ্টা করেও মনে করতে পারলেন না নিকোলায়েভ। রিটায়ারমেণ্টের আর মাত্র এক বছর বাকি, যৌবনটা ছিল যেন বহুকাল আগেকার কোনও সময়। কতকিছু ঘটে গেল এর মাঝে। চোখের সামনে টুকরো টুকরো

হয়ে যেতে দেখলেন মাত্তুমি সোভিয়েত ইউনিয়নকে, কীভাবে
যেন বদলে গেল পরিবেশ-পরিস্থিতি আৱ চেনাজানা মানুষগুলো!
ভাবতেই বুক চিৰে দীৰ্ঘশ্বাস বেৱিয়ে আসে তাঁৰ।

গ্যাংওয়ে অতিক্রম কৱে সাবমেরিনে চড়লেন দু'জনে, তাৱপৰ
ল্যাডার বেয়ে উঠে পড়লেন কোনিং টাওয়াৰে। উঁচু গলায় রিয়াৰ
অ্যাডমিৱালেৰ আগমনী ঘোষণা দিল ক্যাপ্টেন। আনুষ্ঠানিক
কায়দায় তাঁকে সম্মান জানাল ডেকে উপস্থিত সবাই। স্মিত হেসে
তাৱ জবাব দিলেন নিকোলায়েভ।

‘রওনা হবাৰ অনুমতি চাইছি, স্যৱ,’ বলল রূশকিন।

মাথা ঝাঁকিয়ে চুৱটটা পানিতে ফেলে দিলেন রিয়াৰ
অ্যাডমিৱাল।

আদেশ-নির্দেশ দিতে ব্যস্ত হয়ে পড়ল ক্যাপ্টেন। বুলহৰ্নেৰ
মাধ্যমে সেগুলো পিয়াৰ এবং ডেকেৱ কুন্দেৱ মধ্যে রিলে কৱল
এক অফিসাৱ। দ্রুত খুলে নেয়া হলো কয়েকটা দড়ি। ক্রেনেৰ
সাহায্যে সরিয়ে নেয়া হলো ভাৱী গ্যাংওয়ে।

শেষ কয়েকটা নির্দেশ দিয়ে নিকোলায়েভ-সহ খোলেৰ ভিতৱে
চুকে পড়ল ক্যাপ্টেন। পথ দেখিয়ে তাঁকে নিয়ে চলল
অ্যাডমিৱাল’স্ স্টেটৱৰ্মেৰ দিকে। গত দু’বছৱে কোনও
সাবমেরিনে পা রাখেননি রিয়াৰ অ্যাডমিৱাল, তবে জাহাজটাৱ
প্ৰতিটা নাটবল্টু চেনেন তিনি। নিজেও একজন সাবমেরিনাৱ,
তৈৱি হবাৰ আগে ড্ৰাকনেৱ সমস্ত ডিজাইন খুঁটিয়ে খুঁটিয়ে
দেখেছেন, তাৱপৰ অনুমোদন দিয়েছেন নিৰ্মাণকাজেৰ। পথ
দেখিয়ে না দিলেও কোনও অসুবিধে ছিল না, তাৱপৱেও
ক্যাপ্টেনকে তাৱ দায়িত্ব পালন কৱতে দিলেন তিনি।

প্যাসেজ ধৰে এগোৱাৰ সময় সসম্মানে রিয়াৰ অ্যাডমিৱালকে
পথ ছেড়ে দিল ব্যস্ত কু-ৱা। তাৱেৰ চোখে ফুটে রয়েছে ভীতি ও
সমীহ। শুধু কিংবদন্তিতুল্য ব্যক্তিত্ব নন নিকোলায়েভ, তাঁৰ
শুভ্র পিঞ্জৰ-১

অবয়বও ভয়-জাগানো। খেজু দেহ, অ্যাথলিটের মত... আটষষ্ঠি
বছর বয়সেও সামান্যতম কুঁজো হননি। চেহারা আশ্চর্য রকমের
তীক্ষ্ণ, নিষ্ঠুর ও শীতল। চোখদুটো নিষ্প্রাণ। মাথাভর্তি ঝাঁকড়া
সাদা চুল। আড়ালে-আবডালে লোকজন তাঁর নাম দিয়েছে সাদা
ভূত। তাঁর সামনে দাঁড়ালেই ভয়ে বুক শুকিয়ে যায় সবার।

খানিক পরে স্টেটরুমের দরজায় পৌছুলেন নিকোলায়েভ।
উল্টো ঘুরে রুশকিন বলল, ‘আপনার কথামত কমিউনিকেশন
লাইন চালু রাখা হয়েছে। ফোনটা করে নিতে পারেন।’

‘আর রিসার্চ ফ্যাসিলিটির ক্রেটগুলো?’ জিজেস করলেন
নিকোলায়েভ।

‘স্টেটরুমের ভিতরেই রাখা হয়েছে, যেমনটা আপনি
চেয়েছিলেন,’ দরজা মেলে ধরল ক্যাপ্টেন।

ভিতরে উঁকি দিলেন নিকোলায়েভ। তারপর বললেন, ‘খুব
ভাল।’ মাথা থেকে খুলে ফেললেন পশমি টুপি। ‘তুমি এবার
যেতে পারো, ক্যাপ্টেন।’

‘ধন্যবাদ, স্যর,’ স্যালিউট ঠুকে বিদায় নিল রুশকিন।

স্টেটরুমে ঠুকে দরজা আটকে দিলেন নিকোলায়েভ। তাঁর
ব্যক্তিগত জিনিসপত্র ইতিমধ্যে ক্লজিটে গুছিয়ে রেখেছে স্টুয়ার্ড।
খালি ব্যাগগুলো ভাঁজ করে রেখেছে বিছানার গোড়ায়। কামরার
একপাশে সাজিয়ে রাখা হয়েছে টাইটেনিয়ামের তৈরি ছ’টা বাঞ্চি...
এগুলোর কথাই ক্যাপ্টেনকে জিজেস করছিলেন তিনি।
বাঞ্চগুলোর দিকে এগিয়ে গেলেন রিয়ার অ্যাডমিরাল। একে একে
সবক’টাই পরীক্ষা করলেন আঙুল ঘষে। না, খোলা হয়নি
কোনোটাই—ট্যাম্পারিঙের কোনও লক্ষণ নেই।

বাঞ্চগুলোর সঙ্গে একটা খামও আছে, ওটার উপরে স্টেনসিল
করে লেখা একটিমাত্র শব্দ—গ্রেফেল... নরওয়েইজিয়ান পুরাণের
সেই দানব, যাকে বধ করেছিল বেউলফ। কিন্তু নামটা আরও

গভীর একটা অর্থ বহন করছে নিকোলায়েভের জন্য।

নিজের অজান্তেই দু'হাত মুঠো হয়ে গেল রিয়ার অ্যাডমিরালের। পুরনো স্মৃতি মনে পড়ে গেছে। বহু বছর আগে... যখন তিনি নিতান্ত শিশু... তাঁর বাবাকে অস্ত্রের মুখে তুলে নিয়ে যাওয়া হয়েছিল বাড়ি থেকে। আর কখনও তাঁর দেখা পাওয়া যায়নি।

বাস্তুগুলোর দিকে একদৃষ্টে কিছুক্ষণ তাকিয়ে থাকলেন নিকোলায়েভ... মন্ত্রমুক্তির মত। একটু পর দীর্ঘশ্বাস ফেলে উল্টো ঘূরলেন। স্টেটরংমের ভিতরটা সবুজ রঙ করা। সিঙ্গেল বাঙ্ক আছে একটা, সেইসঙ্গে বুকশেলফ, ডেক্স, ওঅশবেসিন আর একটা ছোট কমিউনিকেশন স্টেশন—ওতে আছে বিজ স্পিকার বক্স, একটা ভিডিও মনিটর আর একটা টেলিফোন।

ফোনের রিসিভার তুললেন রিয়ার অ্যাডমিরাল, কাঞ্চিত নাম্বারটা চাইলেন অপারেটরের কাছে। এরপর কিছুক্ষণ নীরবতা বিভাজ করল, কলটা কয়েকটা স্টেশন ঘুরে এনক্রিপ্ট হয়ে পৌছুচ্ছে নির্ধারিত লক্ষ্য। ত্রিশ সেকেণ্ড পর ভেসে এল পরিচিত গলা।

‘লেপার্ড কমাও।’

‘স্ট্যাটাস?’ জানতে চাইলেন নিকোলায়েভ।

‘টার্গেটকে সফলভাবে এনগেজ করা হয়েছে।’

‘কনফার্মেশন?’

‘খুব শীঘ্রি পাওয়া যাবে।’

‘কী করতে হবে, তা মনে আছে তো? কোনও সার্ভাইভার থাকা চলবে না।’

‘জী, অ্যাডমিরাল।’

আর কিছু বললেন না নিকোলায়েভ। ক্র্যাডলে নামিয়ে রাখলেন রিসিভার। শুরু হলো তা হলে!

চার

পাহাড়ি ঢাল ধরে ঘোড়া ছোটাছে রানা। অবলা প্রাণীটার জন্য সহজ হচ্ছে না কাজটা। সমুদ্রসমতল থেকে ওপাশের উপত্যকার উচ্চতা এক হাজার ফুট। যত উপরে উঠছে ওরা, ততই পুরু হচ্ছে তুষার; গাছপালা আর ঝোপঝাড়ের ঘনত্বও বাড়ছে। এসব ভেদ করে পাহাড়ি ঢাল বাওয়া যথেষ্ট কঠিন কাজ। লোবোকে অবশ্য স্পর্শ করছে না এসব। দামাল হাওয়ার মত আগে আগে ছুটছে ও। রানাকে বরং কয়েকবার শিস দিয়ে থামাতে হয়েছে ওকে—খুব বেশি এগিয়ে যাচ্ছিল।

রিজলাইনে পৌছে ঘোড়াকে বিশ্রাম দিল ও। চোখ বোলাল সামনের উপত্যকায়। পাতলা হয়ে আসা ধোঁয়ার মেঘ দেখে সহজেই বোৰা গেল ক্র্যাশসাইটটা কোথায়। কিন্তু স্প্রিংস আর অল্ডার গাছের ঘন জঙ্গলের কারণে বিধ্বস্ত বিমানটাকে দেখা যাচ্ছে না। কান পাতল ও। না, কারও কঠ বা আর্টনাদ ভাসছে না বাতাসে। খারাপ লক্ষণ।

ঘোড়ার পেটে গোড়ালি দিয়ে মৃদু খোঁচা দিল রানা, দুলকি চালে নামতে শুরু করল ঢাল বেয়ে। এবার আর জোরে ছোটা সম্পূর্ণ নয়। পা হড়কে দুর্ঘটনা ঘটে যেতে পারে। ঢালের গোড়ায় পৌছে একটা খরস্নোতা ঝর্ণা পাওয়া গেল। ওটার তীর ঘেঁষে এগিয়ে চলল ও। সামনে হালকা কুয়াশার চাদর ঝুলছে।

অস্বস্তিকর নীরবতা সবখানে। তুষারে ঘোড়ার পা ফেলার আওয়াজ ছাড়া আর কোনও শব্দ নেই কোথাও। এমনকী লোবোও চুপ মেরে গেছে।

একটু পরেই নাক টানতে শুরু করল কুকুরটা, গন্ধ শুঁকছে। কিছুদূর এগোনোর পর রানাও পেল গন্ধটা—পোড়া তেলের গন্ধ ভাসছে বাতাসে। গাছপালা ভেদ করে গন্ধের উৎসের দিকে এগোল রানা—যতটা সম্ভব সরাসরি পথে। তারপরেও পুরো বিশ মিনিট লেগে গেল। এরপর জঙ্গল থেকে খোলা একটা জায়গায় বেরিয়ে এল ওরা।

আশপাশটা দ্রুত দেখে নিল রানা। সন্দেহ নেই, ফাঁকা দেখে এখানে ল্যাও করার চেষ্টা করেছিল পাইলট। তুষারের উপর ফুটে আছে চওড়া এক ট্র্যাক—ল্যাণ্ডিং ফ্লোটগুলোর ঘষা খাবার দাগ। জায়গাটা আরেকটু বড় হলে হয়তো বা সফলও হতে পারত পাইলট। কিন্তু মন্দ কপাল তার, ফাঁকা জায়গাটা পেরিয়ে সোজা গাছপালার গায়ে আছড়ে পড়েছে বিমান।

ওটাকে দেখতে পাচ্ছে রানা—সেসনা ওয়ান-এইট-ফাইভ স্কাইওয়্যাগন, দলামোচা হয়ে পড়ে আছে বিশাল কতগুলো স্প্রিস গাছের গোড়ায়। বাকটা প্রথমে গুঁতো খেয়েছে গাছের গায়ে, ডানাগুলোও ভেঙে গেছে কাণ্ডের সঙ্গে বাঢ়ি খেয়ে। লেজটা উঠে গেছে অনেকখানি। বিধিস্ত ইঞ্জিন কম্পার্টমেন্ট থেকে বেরিয়ে আসছে ধোঁয়া। ফিউয়েল লাইনে লিক দেখা দিয়েছে নিঃসন্দেহে, তেলের গন্ধে ভরে গেছে চারদিক। যে-কোনও মুহূর্তে আগুন লেগে যেতে পারে।

বিধিস্ত বিমানের দিকে এগোতে এগোতে আকাশ দেখে নিল রানা। কালো মেঘ আরও নীচে নেমে এসেছে। এখনি বৃষ্টি বা তুষারপাত শুরু হয়ে গেলে মন্দ হয় না। অগ্নিকাণ্ড ঘটবে না তা হলে।

কাছাকাছি পৌছে ঘোড়ার পিঠ থেকে নেমে পড়ল রানা। স্থির হয়ে দাঁড়িয়ে রইল কয়েক মুহূর্ত। কী দেখতে পাবে, জানে। জীবনে বহু মৃত্যু দেখেছে ও, দেখেছে বহু মৃতদেহ। কোনোটাই সুখকর অভিজ্ঞতা নয়। মৃত্যুর সেই বীভৎস রূপ প্রত্যক্ষ করবার আগে শক্ত করে নিচে মনকে। জোরে জোরে কয়েকবার শ্বাস ফেলল ও। তারপর পা বাড়াল সামনে। কেউ বেঁচেও থাকতে পারে ওখানে।

‘হ্যালো!’ গলা চড়িয়ে ডাকল ও। ‘কেউ আছেন ওখানে?’

জবাব পাওয়া গেল না। পাবে বলে আশাও করেনি।

ভাঙা ডানার তলা দিয়ে কুঁজো হয়ে এগোল রানা। ফিউজেলাজ দুমড়ে-মুচড়ে গেছে, দরজা-জানালার সমস্ত কাঁচ ভেঙে চুরমার। ইঞ্জিন কম্পার্টমেন্ট থেকে বেরনো ধোঁয়া নাকে-মুখে ঝাপটা মারল। কাশতে শুরু করল ও, চোখও জুলছে। থামল না তারপরও, এগিয়ে গেল ফিউজেলাজের দিকে।

দরজা খোলার চেষ্টা করল রানা। লাভ হলো না, বেঁকেছুরে ফ্রেমের গায়ে আটকে গেছে পাল্লা। ভাঙা জানালা দিয়ে মাথা গলিয়ে ভিতরে উঁকি দিল ও। সিটের উপরে এলিয়ে পড়ে আছে পাইলট, বেল্ট বাঁধা থাকায় ছিটকে যায়নি। তবে বেকায়দা ভঙ্গিতে হেলে থাকা মাথা দেখেই বোৰা গেল, ঘাড় মটকে গেছে। একটু সরল রানা, এবার উঁকি দিল ব্যাকসিটে। আছে... আরেকজন যাত্রী আছে ওখানে। কাত হয়ে পড়ে আছে শ্বেতাঙ্গ এক যুবক, নড়ছে না।

ভালমত দেখার জন্য জানালার ফোকর দিয়ে মাথা ঢেকাল রানা, আর সঙ্গে সঙ্গে যেন বিদ্যুৎ খেলে গেল লোকটার দেহে। ঝাট করে মাথা তুলল সে, উঠে এল হাত, দুহাতের মুঠোয় স্থিরভাবে ধরে রেখেছে একটা আগ্রেয়ান্ত্র।

‘খবরদার! নড়বে না!!’ ভাঙা গলায় চেঁচিয়ে উঠল সে।

চমকে গেল রানা। জানালার ফ্রেমে ঠুকে গেল মাথা। ‘উফ্ফ!’
করিয়ে উঠল ও।

‘নড়তে মানা করেছি তোমাকে!’ আবার চেঁচাল লোকটা।
‘আমি সিরিয়াস!’ উঠে বসল সিটে। এবার ভালমত দৃষ্টিগোচর
হলো চেহারা। নিখুঁত শেভ করা সুদর্শন একটা মুখ, দৃষ্টিতে
বন্যতা। সম্ভবত অ্যাকসিডেন্টের ফলেই। মাথার সোনালি চুলের
একটা পাশ রক্তে ভেজা... লেপ্টে আছে কপালে। জানালায় বাড়ি
খেয়েছিল নিশ্চয়ই। বয়স বেশি না, রানার চেয়ে বড়জোর দু’এক
বছরের বড় হতে পারে। ‘আমি কিন্তু গুলি করব!’ হৃমকি দিল সে।

নির্বিকার রইল রানা। সাবধানে জানালা থেকে বের করে
আনল মাথা। শীতল গলায় বলল, ‘তা হলে গুলিই করুন। দেখা
যাক, আমি ছাড়া আর কে উদ্ধার করে আপনাকে।’

বিমৃঢ় হয়ে পড়ল যুবক। অস্ত্রের মুখে কেউ এমন শান্ত
থাকতে পারে, তা ভাবতেই পারেনি। এই সুযোগে তাকে ভালমত
দেখে নিল রানা। একেবারে নতুন একটা পারকা পরেছে, পায়ের
বুটজোড়াও চকচকে; বোবা যাচ্ছে এই এলাকায় সে নবাগত।
তারপরেও যেভাবে স্থিরহাতে অস্ত্র বাগিয়ে ধরেছে, তা প্রশংসন্মার
দাবিদার। ভয়াবহ অ্যাকসিডেন্টের পর এভাবে অস্ত্র ধরা যার-তার
পক্ষে সম্ভব নয়। একটুও কাঁপছে না যুবকের হাত।

‘আ... আপনি ভয় পাচ্ছেন না কেন?’ বলে উঠল যুবক।
সম্মোধন পাল্টে গেছে।

‘আপনার হাতে ওটা ফ্লেয়ার গান,’ হাসল রানা। ‘বড়জোর
কিছুক্ষণের জন্য চোখ ঝলসে দিতে পারবেন আমার, আর কিছু
না। নামাবেন ওটা? তা হলে রেসকিউ মিশনটা শেষ করতে
পারি।’

একটু যেন বিব্রত হলো যুবক। ‘দুঃখিত,’ মিনমিন করে বলল
সে। নামিয়ে রাখল ফ্লেয়ার গান।

‘দুঃখিত হবার কিছু নেই,’ রানা বলল। ‘আকাশ থেকে
মাটিতে আছড়ে পড়েছেন... এ-ধরনের পরিস্থিতিতে স্বাভাবিক
ভদ্রতা আশা করা যায় না, আমি জানি।’

এবার এক টুকরো হাসি দেখা দিল যুবকের ঠোটে।

‘ব্যথা পেয়েছেন কোথাও?’ জানতে চাইল রানা।

‘মাথায় বাড়ি খেয়েছি। একটা পা-ও আটকা পড়েছে।’

জানালা দিয়ে আবার মাথা গলাল রানা। দুমড়ে-মুচড়ে পিছনে
চেপে এসেছে সেসনার ফ্রন্টসিটুটো। ওগুলোর চাপে দুই সিটের
মাঝখানে আটকা পড়েছে যুবকের ডান পা। মুক্ত থাকলে জানালা
দিয়ে বের করে আনা যেত তাকে, কিন্তু এখন সেটা সম্ভব নয়।

‘পাইলট...’ বিড়বিড় করল যুবক, ‘ও কি...’

‘সরি, ওর ব্যাপারে কিছু করার নেই আমাদের। ক্র্যাশের সঙ্গে
সঙ্গে মারা পড়েছে বেচারা।’

দরজা ধরে টানাটানি শুরু করল রানা। কিন্তু একচুল নড়াতে
পারল না পাহলা। ঠেঁট কামড়ে ভাবল একটু। যুবককে বলল,
‘একটু অপেক্ষা করুন। আমি আসছি এখুনি।’

ঘোড়ার কাছে ফিরে গেল ও। লাগাম ধরে ওটাকে নিয়ে এল
বিমানের কাছে। ত্রুষারব করে তীব্র প্রতিবাদ জানাল
আধা-অ্যারাবিয়ান। পোড়া গঙ্গে অস্থির হয়ে উঠেছে প্রাণীটা।
ঘাড়ে চাপড় দিয়ে ওটাকে শান্ত করল রানা, বাধ্য করল
ধ্বংসস্তূপের কাছে আসতে। স্যাডলব্যাগ থেকে দড়ির গোছা বের
করল এরপর, একপ্রান্তে বাঁধল পমেলে, অন্যপ্রান্তটা নিয়ে ফিরে
এল দরজার কাছে। ভাল করে বাঁধল হাতলের সাথে। বাঁধা শেষ
হলে ঘোড়াটার পাছায় থাপড় দিল ও।

চেঁচিয়ে উঠল আধা-অ্যারাবিয়ান ঘোড়া। চেষ্টা করল ছুট
লাগাতে। রাইফেলের একটা ফাঁকা গুলি ছুঁড়ে ওটাকে আরও
ভড়কে দিল রানা। পাগলের মত সামনে এগোল শক্তিশালী ঘোড়া,

ওটার টানে মড়মড় করে উঠল বিমানের দরজা, যেন একটা সোডা ক্যানের সিল ভাঙ্গা হচ্ছে। বেশিক্ষণ আটকে থাকতে পারল না, হঠাৎ ভেঁতা শব্দ করে খুলে এল ফ্রেম থেকে। ভাঙ্গা পাল্লা নিয়ে বেশ কিছুদূর চলে গেল ঘোড়াটা, তারপর থমকে দাঁড়াল। ঘাড় ফিরিয়ে তাকাল রানার দিকে।

‘দারণ দেখিয়েছিস!’ চেঁচিয়ে বলল রানা। ‘আজ বাড়তি দানা পাবি, প্রমিজ।’

কী বুঝল কে জানে, চিংহিং করে উঠল ঘোড়া। পায়ে পায়ে ফিরে আসতে শুরু করল। বিমানের কাছে ফিরে এল রানা। ভাঙ্গা দরজা গলে ঢুকে পড়ল ফিউজেলাজে। ফ্রন্টসিটের পিছনে কাঁধ ঠেকিয়ে ঠেলতে শুরু করল সর্বশক্তিতে। চাপ একটু কমতেই ডান পা তুলে নিল যুবক। মুক্ত এখন সে।

‘কী অবস্থা পায়ের?’ জানতে চাইল রানা।

‘ব্যথা করছে খুব,’ যুবক জানাল। ‘হাড় ভেঙেছে কি না বুঝতে পারছি না।’

‘দাঁড়ান, দেখছি আমি।’ প্যাণ্টের পা গুটিয়ে আঘাত পরীক্ষা করল রানা। ‘নাহ, সিরিয়াস কিছু না। কালসিটে পড়েছে, তবে সেরে যাবে খুব শীত্রি। হাড় ভাঙ্গেনি।’

‘থ্যাঙ্ক গড়!'

‘আসুন। নামতে হবে আমাদেরকে। প্লেনে আগুন ধরে যেতে পারে যে-কোনও মুহূর্তে।’

ধরাধরি করে লোকটাকে নামিয়ে আনল রানা। ধ্বংসস্তূপ থেকে নিরাপদ দূরত্বে নিয়ে গিয়ে একটা গাছের গোড়ায় বসাল। ‘এবার আপনি নিরাপদ,’ বলল ও।

‘ধন্যবাদ,’ কৃতজ্ঞতা প্রকাশ করল যুবক। ‘আমার প্রাণ বাঁচিয়েছেন। কিন্তু আপনার পরিচয় তো জানা হলো না।’

‘আমার নাম মাসুদ রানা,’ রানা বলল। ‘শৌখিন শুভ পিঞ্জর-১

এক্সপ্রোরার ।'

'গ্যারি ম্যাসন,' হাত বাড়িয়ে দিল ঘুবক।

বিমানের ধ্বংসস্তুপের দিকে ইশারা করল রানা। 'কী ঘটেছিল?'

কয়েক মুহূর্ত নীরব রইল ম্যাসন। তারপর ফিসফিস করে বলল, 'আ... আমি জানি না। ডেডহর্সে যাচ্ছিলাম আমরা...'

'প্রণ্ডো-র ডেডহর্স?'

'প্রণ্ডো বে... হ্যাঁ,' নার্টাস ভঙ্গিতে মাথার চুলে হাত বোলাল ম্যাসন। জায়গাটা চেনে রানা। আলাক্ষার একেবারে উত্তরে, ছেট্ট এক শহর প্রণ্ডো বে, এয়ারপোর্টের নাম ডেডহর্স। নর্থ স্নোপের অয়েলফিল্ডগুলো ওখানেই মিশেছে আর্কটিক সাগরে। 'ফেয়ারব্যাক্স' থেকে রওনা হবার দু'ঘণ্টা পরে পাইলট জানাল, ইঞ্জিনে গোলমাল দেখা দিয়েছে। ফিউয়েল নাকি ফুরিয়ে গেছে। অবিশ্বাস্য ব্যাপার সেটা, কারণ ফেয়ারব্যাক্সে ফিউয়েলিং করেই রওনা হয়েছিলাম আমরা।'

কোনও ধরনের লিক দেখা দিয়েছিল, আন্দাজ করল রানা। বাতাসে এখনও ভাসছে তেলের গন্ধ। না, শুধু ধ্বংসস্তুপ থেকে আসছে না ওই গন্ধ। ল্যাঙ করার আগ থেকেই তেল ঝরছিল পুরো উপত্যকার উপরে। অস্বাভাবিক, এমন একটা লিক নিয়ে ফ্লাই করার কথা নয় কোনও পাইলটের। ফিউয়েলিংরে সময়ই সব চেক করে নেয়ার কথা।

'ইঞ্জিন কাশতে শুরু করায় ল্যাঙ করবার সিদ্ধান্ত নিই আমরা। কিন্তু কপাল খারাপ, ততক্ষণে এসে পড়েছি পার্বত্য এলাকায়। আশপাশে ল্যাঙ করার মত কোনও জায়গা নেই। পাইলট... ও চেষ্টা করল রেডিওতে সাহায্য চাইতে। কিন্তু যোগাযোগ করতে পারল না কারও সঙ্গে...'

রেডিও ম্যালফাংশনের কথা শুনে অবাক হলো না রানা। গত

এক সন্তান থেকে সোলার ফ্লেয়ারের কারণে পুরো আলাক্ষাতেই বেতার যোগাযোগ বিপর্যস্ত। মড়ার উপর খাড়ার ঘা বোধহয় একেই বলে।

ঘন ঘন কয়েকটা ঢোক গিলল ম্যাসন। তারপর বলল, ‘বনের মধ্যে ফাঁকা জায়গাটা দেখতে পেয়ে এখানেই ল্যাগু করতে চেয়েছে পাইলট। কিন্তু... তার ফলাফল তো নিজ চোখেই দেখতে পাচ্ছেন...’

আশ্বাস দেবার ভঙ্গিতে তার কাঁধে হাত রাখল রানা। বলল, ‘যাক, যা হবার তা হয়ে গেছে। এ নিয়ে আর দুশ্চিন্তা করবেন না। অত্যন্ত ভাগ্যবান আপনি। দাঁড়ান, মাথার ক্ষতটার একটা গতি করি, তারপর আপনাকে নিয়ে যাব কোনও হাসপাতালে।’

স্যাডলব্যাগ থেকে ফাস্ট এইড কিট নিয়ে এল ও। পার-অস্কাইডে তুলো ভিজিয়ে পরিষ্কার করতে শুরু করল ম্যাসনের মাথার ক্ষত। কাজ করতে করতে অচেনা মানুষটাকে আরেকদফা দেখল ও। চেহারাসুরতে অয়েল রিগার বলে মনে হচ্ছে না। ওরা অনেক রুক্ষ হয়। ‘গ্যারি, প্রড়ো-তে কেন যাচ্ছিলেন আপনি?’

‘প্রড়ো না, আসলে আমি যাচ্ছিলাম আরেক জায়গায়। ডেডহর্সে নেমে স্রেফ রিফিউয়েলিং করবার কথা ছিল।’

‘তা হলে যাচ্ছিলেন কোথায়?’

‘আইস ক্যাপের একটা রিসার্চ বেইসে। ওটার নাম ওমেগা ড্রিফট স্টেশন। সাইসেক্স রিসার্চ গ্রুপের অংশ বেইসটা।’

‘সাইসেক্স?’ ক্ষততে অ্যাণ্টিবায়োটিক ক্রিম ঘষতে ঘষতে ভুক্ত কোঁচকাল রানা।

‘সায়েণ্টিফিক আইস এক্সপিডিশন,’ ব্যাখ্যা করল ম্যাসন। ‘পাঁচ বছরের একটা প্রজেক্ট ওটা। মার্কিন নৌবাহিনী আর সিভিলিয়ান বিজ্ঞানীদের যৌথ উদ্যোগ।’

‘মনে পড়েছে,’ মাথা ঝাঁকাল রানা। ‘শুনেছি আমি ওই
প্রজেক্টের কথা।’ গ্রহপটা মার্কিন সাবমেরিনের সাহায্যে বিশাল
আর্কিটিক এলাকার ডেটা সংগ্রহ করে। এমন সব জায়গায় যায়,
যেখানে স্বাভাবিকভাবে কোনও বিজ্ঞানীর পক্ষে যাওয়া সম্ভব নয়।
‘কিন্তু আমার ধারণা ছিল, প্রজেক্টটা বেশ ক'বছর আগেই শেষ
হয়ে গেছে।’

বিশ্বিত হয়ে ওর দিকে তাকাল ম্যাসন। সাইসেক্স প্রজেক্ট
কবে শেষ হয়েছে না হয়েছে, তা সামান্য এক এক্সপ্লোরার জানল
কেমন করে?

‘দুঃখিত, আপনাকে বলা হয়নি, আমি নুমার সঙ্গেও জড়িত।
অনারারি প্রজেক্ট ডিরেক্টর।’ রানা হাসল। ‘ওখানেই শুনেছি
সাইসেক্স প্রজেক্ট সম্পর্কে।’

কাঁধ ঝাঁকাল ম্যাসন। ‘আপনার কথাই ঠিক। অফিশিয়ালি
সাইসেক্স প্রজেক্ট শেষ হয়ে গেছে বটে, তবে একটা স্টেশন...
মানে ওমেগার কথা বলছি... ড্রিফট করে চলে গেছে
যি.সি.আই.-তে। গবেষণার জন্য চমৎকার একটা সুযোগ সৃষ্টি
হয়েছে এর ফলে...’

যি.সি.আই. মানে জোন অভ কম্প্যারেটিভ ইন-
অ্যাপ্লিকেশনসিবিলিটি। পোলার আইস ক্যাপের সবচেয়ে দুর্গম
এলাকা। স্বাভাবিকভাবে ওখানে কোনও আইস স্টেশন তৈরি করা
প্রায় অসম্ভব কাজ। ভাসমান বরফে চেপে একটা স্টেশন যদি
ওখানে পৌছে গিয়ে থাকে, নিঃসন্দেহে মন্তব্ধ একটা সুযোগ সৃষ্টি
হয়েছে গবেষণা চালাবার জন্যে।

‘দুর্গম ওই জায়গার ডেটা কালেকশনের জন্য সাইসেক্সের
মেয়াদ বাড়িয়ে দেয়া হয়েছে,’ বলে চলল ম্যাসন, ‘মানে ওই
স্টেশনটার জন্য আর কী।’

‘আপনি তা হলে সায়েন্টিস্ট?’ গজ-তুলো আর অ্যাডহেসিভ
৪২

টেপ দিয়ে ক্ষতটা চেকে দিয়ে জানতে চাইল রানা।

একটু হাসল ম্যাসন। ‘না, না। বিজ্ঞানী নই আমি।
সাংবাদিক... পলিটিকাল রিপোর্টার। সিয়াটল টাইমস-এ কাজ
করি।’

‘পলিটিক্যাল রিপোর্টার?’ ভুরু কোঁচকাল রানা।

সায় দিল ম্যাসন।

‘আপনাকে কেন...’

প্রশ্নটা শেষ করতে পারল না রানা। বাধা পেল ইঞ্জিনের
আওয়াজে। বিমানের ইঞ্জিন। উপর থেকে আসছে শব্দটা। গাছের
তলা থেকে গলা বাড়িয়ে উঁকি দিল ও। আকাশ এখনও মেঘে
ঢাকা, কিছু দেখা যাচ্ছে না। শব্দটা ধীরে ধীরে জোরালো হচ্ছে।

গাছের কাণ্ড ধরে উঠে দাঁড়াল ম্যাসন। ‘আরেকটা বিমান!’
বলল সে। ‘পাইলটের ডিস্ট্রিস কল হয়তো শুনতে পেয়েছে
কেউ।’

এবার মেঘের আড়াল থেকে ছোট একটা বিন্দু উদয় হতে
দেখল রানা। ধীরে ধীরে বড় হচ্ছে, একই সঙ্গে উচ্চতা কমিয়ে
নেমে আসছে উপত্যকার দিকে। বোঁ বোঁ করে ওদের উপর দিয়ে
উড়ে গেল ওটা। মডেলটা চিনতে পারল ও। এটাও সেসনা, তবে
ম্যাসনের বিমানের চেয়ে বড়। ২০৬ বা ২০৭ স্কাইওয়্যাগন, আট
সিটের।

ঘোড়াটাকে কাছে ডাকল রানা। স্যাডলব্যাগ থেকে বের কর্ল
বিনকিউলার। চোখে ঠেকিয়ে তাকাল বিমানটার দিকে। একেবারে
নতুন দেখাচ্ছে। আলাক্ষায় সচরাচর যে-সব বিমান চলাচল করে,
সেগুলো এত ঝকঝকে হয় না।

‘দেখতে পেয়েছে আমাদেরকে?’ জানতে চাইল ম্যাসন।

‘পাওয়া উচিত,’ বলল রানা, ‘আর কিছু না হোক, আপনার
বিমানের ধোয়া তো দেখবে।’

কথাটা সত্য বলে প্রমাণ করবার জন্যই যেন কাত হলো সেসনা, বাঁক নিয়ে ফিরতে শুরু করল উপত্যকার দিকে। কেন যেন মন খুঁতখুঁত করে উঠল রানার। গত এক সপ্তাহে একটা বিমানও উড়তে দেখেনি ও এই এলাকায়, অথচ আজ দু'দুটোকে দেখছে! কো-ইনসিডেন্স, নাকি আর কিছু? বিশেষ করে এই দ্বিতীয় বিমানটা বড় পরিষ্কার... বড় ঝকঝকে। আলাক্ষার আকাশে একেবারেই মানাচ্ছে না।

হঠাৎ সেসনার রিয়ার কার্গো ডোর খুলে যেতে দেখল রানা। ক্ষাইওয়্যাগনের এই মডেলটার বিশেষত্ব ওটা। আলাক্ষার মত দুর্গম অঞ্চলের জন্য উপযোগীও বটে। পিছনে কার্গো ডোর থাকায় এই বিমানে স্ট্রেচার-সহ রোগী, এমনকী ছোটখাট মালামালও লোড করা যায়। আরও একটা ব্যবহার আছে... এ-মুহূর্তে সেটাই দেখল ও।

কার্গো ডোরের ফাঁক গলে দু'জন মানুষকে লাফ দিতে দেখা গেল। ক্ষাই ডাইভার। বিনকিউলারে ওদেরকে ফলো করা কঠিন হলো, খুব দ্রুত নামছে ওরা। অনেকদূর নেমে আসার পর প্যারাশুট খুলল দু'জনে। তাও সাধারণ প্যারাশুট নয়, বিশেষ ধরনের... প্রিসিশান প্যারাশুটিঙে ব্যবহার হয়। নির্দিষ্ট লক্ষ্যস্থলে নামা যায় এই প্যারাশুটের সাহায্যে। নামার অ্যাপ্লে দেখে বোৰা গেল, এই দু'জন উপত্যকার খোলা জায়গাটায় নামতে চাইছে।

তাড়াতাড়ি দুই ক্ষাই ডাইভারের উপর বিনকিউলার ফোকাস করল রানা। বিমানের মত এরাও দুধসাদা রঙের পোশাক পরেছে। কোনও ইনসিগনিয়া নেই। দু'জনেরই পিঠে ঝুলছে স্ট্র্যাপে বাঁধা রাইফেল।

শক্তি হয়ে উঠল রানা। রাইফেল দেখে নয়... ওর শক্তা জাগিয়েছে ক্ষাই-ডাইভারদের বাহন। দু'জনেই দুটো মোটরসাইকেলে বসে নামছে। সিটের উপর নিজেদের বেঁধে

নিয়েছে তারা। মোটরসাইকেলদুটোর চাকায় লাগানো আছে লোহার স্পাইক। স্লো-চপার বলে ওগুলোকে। বরফে ছাওয়া কঠিন রাস্তায় অনায়াসে ছুটতে পারে... তাড়া করতে পারে যে-কোনও শিকারকে। সন্দেহের কোনও অবকাশ নেই, রাইফেল আর মোটরসাইকেল... দুটোই আনছে ওরা নীচের মানুষদু'জনকে শিকার করার জন্য।

থমথমে চেহারা নিয়ে বিনকিউলার নামাল রানা। ম্যাসন জিজেস করল, ‘কী হয়েছে?’

‘বিপদ,’ সংক্ষেপে বলল রানা। ‘আশা করি ঘোড়ায় চড়তে জানেন আপনি?’

পাঁচ

পুরু বরফ মাড়িয়ে, কনকনে ঠাণ্ডায় কাঁপতে কাঁপতে ওমেগা ড্রিফট স্টেশনের দিকে হাঁটছেন ক্যাপ্টেন গরডন। চারপাশে শিস তুলছে হিমশীতল বাতাস, অবিরাম ঝরছে তুষার। শৌঁ শৌঁ আওয়াজে কান ঝালাপালা। দুনিয়ার এই প্রান্তে বাতাসও এক জীবন্ত দানব, চরম আক্রেশ নিয়ে হামলা চালায় প্রকৃতি আর মানুষের উপর... কেড়ে নেয় জীবন। প্রাচীন এক ইন্দুইট প্রবাদ বলে—ঠাণ্ডায় মরে না মানুষ, মরে আসলে হাওয়ায়!

হিমবায় ভেদ করে হাঁটতে হাঁটতে পুরনো সেই প্রবাদের কথা মনে পড়ে যাচ্ছে ক্যাপ্টেন গরডনের। তাঁর পিছনে আবহাভাবে শুভ পিঞ্জর-১

দেখা যাচ্ছে পোলার সেটিনেলকে—বরফের মাঝখানে বিশাল এক ত্রুদে ভেসে উঠেছে সাবমেরিনটা। এ-ধরনের ত্রুদকে পলিনিয়া বলে। ত্রুদটার কাছাকাছি তৈরি করা হয়েছে ড্রিফট স্টেশন, সাবমেরিন যাতে ওটার নাগালের মধ্যে ডক করা যায়। ত্রুদের কিনারটা প্রায় বিশ ফুট উঁচু, পানির তলায় রয়েছে আরও চার গুণ অংশ—রীতিমত একটা রিজলাইন বলা চলে। পুরু এই কিনারটাই তীব্র চাপের মুখেও ত্রুদটাকে টিকিয়ে রাখছে, বুজে যেতে দিচ্ছে না। এবড়ো-খেবড়ো তীর এড়িয়ে সমতল বরফ রয়েছে সিকি মাইল দূরে, ড্রিফট স্টেশনটা ওখানেই। বিরূপ আবহাওয়ায় দূরত্বটা বড় বেশি বলে মনে হচ্ছে প্রৌঢ় ক্যাপ্টেনের কাছে।

নাবিকদের ছোট একটা দল নিয়ে এগোচ্ছেন তিনি। অবকাশ যাপনের জন্য চারভাগ করা হয়েছে সাবমেরিনের ক্রু-দের, প্রথম দলটা যাচ্ছে তাঁর সঙ্গে। নিজেদের মধ্যে গল্প করতে করতে এগোচ্ছে নাবিকরা, কিন্তু ক্যাপ্টেন নিশ্চুপ। নেভি বু কালারের পারকা জড়িয়ে দ্রুত পা ফেলছেন তিনি। মাঝে মাঝে আড়চোখে তাকাচ্ছেন উত্তর-পূর্ব দিকে—ওখানেই দু'সপ্তাহ আগে রাশান আইস বেইসটার সন্ধান পেয়েছেন তাঁরা। সোনারে ওটার অস্তিত্ব টের পাওয়ার পর শুরু করা হয়েছিল সারফেস-সার্চ। ব্যবহার করা হয়েছিল নানা ধরনের অত্যাধুনিক যন্ত্রপাতি। শেষ পর্যন্ত ড্রিফট স্টেশনের ত্রিশ মাইল উত্তর-পুরু বেইসটার প্রবেশপথ আবিষ্কার করেন তাঁরা।

একটু কেঁপে উঠলেন গরডন। তবে ঠাণ্ডায় নয়। মানসচোখে ভেসে উঠেছে আইস বেইসের ভিতরে দেখা মৃতদেহগুলোর ছবি। বীভৎস দৃশ্য! ওগুলো তুলে আনতে অনেক সময় লেগেছে। বত্রিশজন পুরুষ, আর বারোজন নারীর লাশ ছিল ওখানে। কেউ কেউ ক্ষুঁৎপিপাসায় মরেছে, কেউ বা মরেছে নৃশংসভাবে... রহস্যজনক অবস্থায়। এখন পর্যন্ত মানুষগুলোর মৃত্যু-রহস্যের

কিনারা করা যায়নি ।

জোর করে ভাবনাটাকে মন থেকে তাড়িয়ে সামনে নজর দিলেন ক্যাপ্টেন। ড্রিফট স্টেশনটাকে দেখতে পাচ্ছেন এখন। বৃত্তাকার একটা ফরমেশনে মোট পনেরোটা লাল রঙের জেমসওয়ে হাট। সবগুলো হাট থেকে বাষ্প আর ধোঁয়া বেরচ্ছে, কুয়াশার মত ভাসছে বেইসের উপরে। ভিতরে চলতে থাকা শক্তিশালী জেনারেটরের আওয়াজে কাঁপছে সেই কুয়াশা। মৃদু গন্ধও পাওয়া যাচ্ছে ডিজেল আর কেরোসিনের। মাঝখানের আঙ্গিনার মত জায়গাটায় রয়েছে লম্বা এক পোল, তার ডগায় জমে বরফ হয়ে আছে আমেরিকান পতাকা।

সেমি-পার্মানেন্ট এই সেটেলমেন্টের চারদিকে ছড়িয়ে-ছিটিয়ে পার্ক করা হয়েছে বেশ ক'টা ক্ষি-ডু আর স্লো-ক্যাট। বাহনগুলো মুহূর্তের নোটিশে বিজ্ঞানী আর রিসার্চ পার্সোনেলদের যে-কোনও জায়গায় নিয়ে যেতে তৈরি। বাড়তি বাহন হিসেবে রয়েছে একটা আইসবোট—স্টেইনলেস স্টিলের রানার লাগানো এক ধরনের নৌকা... বরফের উপর দিয়ে মানুষ ও মালামাল পরিবহনে অত্যন্ত কার্যকর।

দিগন্তের দিকে এক পলকের জন্য তাকালেন গরডন। অদৃশ্য একটা যানের ধোঁয়া উড়ছে আকাশে—ড্রিফট স্টেশন থেকে আইস বেইসে যাচ্ছে ওটা। বিশ্মিত হলেন না, গত দু'সপ্তাহ ধরে সারাদিনই ওখানে আসা-যাওয়া করছে বিজ্ঞানীরা। ড্রিফট স্টেশনের এক-চতুর্থাংশ জনবলকেও শিফট করা হয়েছে আইস বেইসে, পুজ্ঞানুপুজ্ঞ অনুসন্ধানের জন্য। বিজ্ঞানীরা অনুসন্ধিৎসু প্রকৃতির মানুষ, তাদের আগ্রহের কারণটা বুঝতে পারেন ক্যাপ্টেন। কিন্তু দুঃখের বিষয়, রাশান বেইসের সবচেয়ে বড় গোমরটা কখনোই তারা জানতে পারবে না।

প্রবেশপথ খুঁজে পাবার পর সবার আগে বেইসে ঢুকেছিলেন শুভ পিঞ্জর-১

ক্যাপ্টেন গরডন... ছোট একটা দল নিয়ে। ভিতরে যা আবিষ্কার করেছেন, তা একই সঙ্গে রোমহর্ষক এবং ভয়াবহ। সঙ্গে সঙ্গে ব্যাপারটা গোপন রাখার জন্য সঙ্গীদের নির্দেশ দেন তিনি। বেইসের একটা অংশ অফ-লিমিট ঘোষণা করে বসিয়ে দেন সশন্ত্র প্রহরী। কেউ যেন ওখানে ঢুকতে না পারে। সিভিলিয়ান বলতে শুধু একজনই জানে কী লুকানো আছে রাশান বেইসের চার নম্বর লেভেলে। ড. শ্যারন বেকেট—ক্যাপ্টেনের দলটার সঙ্গে সে-ও ঢুকেছিল ওখানে। ওর মত দৃঢ় চরিত্রের মেয়েও কেঁপে উঠেছে ভিতরের দৃশ্য দেখে।

উল্লেখযোগ্য আরেকটা বিষয় হলো, ডিপআই সোনারে যে ঘোলা আকৃতিটা দেখা গিয়েছিল, সেটার কোনও খোঁজ পাওয়া যায়নি আইস স্টেশনের ভিতরে। হতে পারে ওটা ছিল সোনার ওয়েভের স্রেফ একটা প্রতিবিম্ব। খাবারের খোঁজে ঘুরতে থাকা মেরু-ভালুক হবার সম্ভাবনাও উড়িয়ে দেয়া যায় না... যদিও বেইসে বুনো প্রাণী ঢোকা বা বেরুবার কোনও রাস্তা এখন পর্যন্ত খুঁজে পাওয়া যায়নি। তল্লাশি অবশ্য অব্যাহত আছে। বিশাল একটা ধাঁচি ওটা—পুরো পাঁচটা লেভেল আছে ওতে। সেইসঙ্গে আছে ধাঁচির কাঠামোর সঙ্গে যুক্ত প্রাকৃতিক টানেলের জটিল এক নেটওয়ার্ক। দু'সন্তানে এতবড় এলাকা কাভার করা সম্ভব নয় কারও পক্ষে। মূল প্রবেশপথ ছাড়াও ওখানে আসা-যাওয়ার আরও পথ থাকতে পারে। ইতিমধ্যে হিট চার্জ এবং সি-ফোর এক্সপ্লোসিভের সাহায্যে বেইসের পাশে একটা কৃত্রিম পলিনিয়া তৈরি করা হয়েছে—পোলার সেণ্টিনেল যাতে বেইস্টাকে সার্ভিস দিতে পারে।

হাঁটতে হাঁটতে ভাবলেন গরডন, রাশান স্টেশনটাকে ধ্বংস করে দেয়া গেলে সবচেয়ে ভাল হতো। ওটাকে ঢিকিয়ে রেখে কারও কোনও মঙ্গল হবে না, এ-বিষয়ে তিনি ঘোলআনা নিশ্চিত।

সমস্যা হলো, ওপরঅলা-রা তা ভাবছেন না। কড়া নির্দেশ দেয়া আছে তাঁর উপরে, যে-কোনও মূল্যে দখলে রাখতে হবে স্টেশনটা। বিজ্ঞানীদের সুযোগ করে দিতে হবে ভিতরে তল্লাশি চালাবার জন্য।

ড্রিফট স্টেশনের কাছাকাছি পৌছে গেছেন ক্যাপ্টেন। মৃদু চিংকার শুনে চোখ তুলে তাকালেন। কালো পারকা পরা একজন মানুষ হাত নাড়ছে, দৃষ্টি আকর্ষণ করতে চাইছে। দ্রুত পা চালালেন গরডন। কাছে যেতেই এগিয়ে এল লোকটা। ড. মরিস রেনার্ড—কানাডিয়ান আবহাওয়াবিদ, ওমেগা টিমের সদস্য।

‘ক্যাপ্টেন,’ হড়বড় করে বলল সে, ‘একটা কল আছে আপনার জন্য। তাড়াতাড়ি আসুন।’

‘কে...’

‘অ্যাডমিরাল বেকেট,’ বলল আবহাওয়াবিদ। চকিতে তাকাল আকাশের দিকে। ‘ঝড় আসছে। সোলার ফ্লেয়ারের কারণে এমনিতেই সমস্ত সিস্টেম গোলমাল করছে... চলুন, চলুন, হাতে সময় নেই।’

একটু ধেরে পিছলে ফিল্ডেন ক্যাপ্টেন গরডন। সঙ্গে আসা অফিসারকে বললেন, ‘সবাইকে ছেড়ে দাও। রাত আটটা পর্যন্ত ঘুরতে গারে ওয়া, এরপর প্রবর্তী গ্রুপকে রিলিভ করবে।’

ড্রিফট স্টেশনের মেস হল আর রিক্রিয়েশন হাটের দিকে ছুট লাগাল নাবিকরা। ড. রেনার্ডের সঙ্গে স্টেশনের অপারেশনস সেন্টারের দিকে এগোলেন গরডন।

‘আপনাকে খবর দেয়ার জন্য আমাকে পাঠিয়েছেন ড. বেকেট,’ রেনার্ড জানাল। ‘এ-মুহূর্তে উনিই কথা বলছেন অ্যাডমিরালের সঙ্গে। একটু দ্রুত হাঁটুন, প্রিজ। কমিউনিকেশন ক্রসিং টিকিবে, তার কোনও গ্যারান্টি নেই।’

অপারেশনস হাটের দরজার কাছে পৌছে গেল দু’জনে। ছোট

প্রবেশপথ গলে, তুকে পড়ল ভিতরে। সেন্ট্রাল হিটারের কারণে আরামদায়ক উষ্ণতা বিরাজ করছে, কিন্তু কনকনে ঠাণ্ডার পর উত্তাপটা রীতিমত অত্যাচার মনে হলো ক্যাপ্টেনের কাছে। বুট থেকে তুষার ঝাড়লেন তিনি, হাত থেকে খুললেন ন্যাভস, তারপর চেইন টানলেন পরনের পারকার। দু'হাত একত্র করে ঘষলেন তালুদুটো, হালকা ম্যাসাজ করলেন নাকের দু'পাশেও।

'আমি আসি, ক্যাপ্টেন,' উল্টো ঘুরতে ঘুরতে বলল রেনার্ড। 'কাজ আছে। ন্যাভস্যাট স্টেশন তো চেনেন, সোজা চলে যান ওখানে।'

'ঠিক আছে।'

দরজা খুলে বেরিয়ে গেল আবহাওয়াবিদ। গা থেকে পারকা খুললেন গরডন, ঝুলিয়ে রাখলেন দেয়ালের ছকে। তারপর পা বাড়লেন ন্যাভস্যাট স্টেশনের দিকে। ছোট একটা অ্যাটিলাম পেরিয়ে একটু পরেই অপারেশন্স সেন্টারের মূল অংশে পৌঁছুলেন তিনি। জায়গাটা ছোট ছোট বেশ কয়েকটা ভেস্টিবিউল আর ল্যাবে ভাগ করা হয়েছে। এখান থেকে পরিচালনা করা হয় ড্রিফট স্টেশনের গবেষণা—মাপা হয় আইস প্যাকের বাংসরিক ক্ষয়ের পরিমাণ ও মতিগতি। বরফের গভীর থেকে মাইনিঙের মাধ্যমে তুলে আনা স্যাম্পল বিশ্লেষণ করা হয় ল্যাবগুলোতে—সংগ্রহ করা হয় ফাইটো-প্ল্যাক্টন ও জুয়ো-প্ল্যাক্টনের বংশবিস্তার সংগ্রাহ ডেটা। এ-ছাড়াও আবহাওয়া ও পরিবেশ বিষয়ক অন্তত ডজনখানেক গবেষণা চালাচ্ছে বিভিন্ন ফিল্ডের বিজ্ঞানীরা—ওসবও পরিচালনা করা হচ্ছে এখান থেকেই।

ডেক্স এবং কম্পিউটার মনিটরের উপর ঝুঁকে থাকা পরিচিত মুখগুলোর দিকে ক্ষণে ক্ষণে মাথা বোঁকালেন ক্যাপ্টেন, তারপর কয়েকটা এয়ারলক ডোর পেরিয়ে পা রাখলেন অপারেশন্স সেন্টারের পরের অংশে। এটাই বাইরের দুনিয়ার সঙ্গে ওমেগার

যোগাযোগের কেন্দ্রবিন্দু—কমিউনিকেশন সেন্টার। দেয়ালগুলোয় রয়েছে বাড়তি ইনসুলেশন, বিদ্যুৎ-সরবরাহ নিরবিচ্ছিন্ন রাখার জন্য বসানো হয়েছে দুটো ব্যাকআপ জেনারেটর। পুরো কামরা জুড়ে শোভা পাচ্ছে বিভিন্ন ধরনের ভিএলএফ ও ইউএলএফ রেডিও সেট। এ-ছাড়া আছে ন্যাউস্যাট—মিলিটারি স্যাটেলাইট কমিউনিকেশন সিস্টেম।

চারপাশে দ্রুত চোখ বোলালেন গরডন, শ্যারন ছাড়া আর কেউ নেই কমিউনিকেশন সেন্টারে। ওর দিকে এগিয়ে গেলেন তিনি। গায়ে ছায়া পড়তে চোখ তুলে তাকাল তরুণী বিজ্ঞানী, তারপর আবার ব্যস্ত হয়ে পড়ল পিতার সঙ্গে আলাপচারিতায়। একটা টিটিওয়াই... মানে টেক্সট-টেলিফোন ইউনিটের মাধ্যমে কথা বলছে ও। হাতের সামনে রয়েছে একটা পোর্টেবল কিবোর্ড, মুখের সামনে মাইক্রোফোন, সামনে এলসিডি মনিটর। নিজের বক্রব্য টাইপ করে পাঠানো যায় যন্ত্রটাতে, কিংবা মাইক্রোফোনে বললেও সেটা লিখিত অক্ষরে ভেসে ওঠে মনিটরে। একই পদ্ধতি অন্যপ্রান্তের জন্যও প্রযোজ্য।

‘আমি জানি, বাবা,’ বলল শ্যারন, ‘তুমি চাওনি আমি এখানে আসি...’

কথা শেষ করতে পারল না ও, বাধা পেল অ্যাডমিরালের তরফ থেকে। স্পিকারে ভেসে এল তাঁর গলা, কিন্তু সেটা শোনা সম্ভব নয় বধির বিজ্ঞানীর পক্ষে। তাই মনিটরের উপর ঝুঁকল লেখাটা পড়তে। একপাশে চুপচাপ দাঁড়িয়ে রইলেন ক্যাপ্টেন গরডন। পিতা-কন্যার ঝগড়ায় নাক গলানোর কোনও মানে হয় না। এই গোলমালের কথা এমনিতেই জানা আছে তাঁর। অ্যাডমিরাল হেনরি বেকেট চাননি তাঁর মেয়ে এই ড্রিফট স্টেশনের দায়িত্ব নিক, কিন্তু বরাবরের মত তাঁর ইচ্ছের অবাধ্য হয়েছে শ্যারন। কানের সমস্যার কারণে সবসময়ই ওকে দুর্বল শুভ্র পিঞ্জর-১

ভাবেন অ্যাডমিরাল, আগলে রাখতে চান... এটা ওর অত্যন্ত অপছন্দের। সারাজীবন তাই ও সংগ্রাম চালিয়ে যাচ্ছে নিজের যোগ্যতা প্রমাণের।

শ্যারনের চেহারায় ক্লান্তি লক্ষ করলেন ক্যাপ্টেন গরডন। চোখের নীচে কালি, বয়সও যেন কয়েক বছর বেড়ে গেছে গত দু'সপ্তাহে। স্নায়বিক চাপ... আর কিছু না। মেজাজও একটু খিটমিটে হয়ে উঠেছে।

'...এসব নিয়ে পরে কথা বলব, বাবা,' মাইক্রোফোনে ঝুঢ় গলায় বলল শ্যারন। 'ক্যাপ্টেন গরডন এসেছেন।'

অ্যাডমিরালের জবাবটা পড়ে মুখ লাল হয়ে উঠল ওর। 'বেশ, যা খুশি করো!' ঝাট করে উঠে দাঁড়াল, মাথা থেকে হেডসেট খুলে বাড়িয়ে ধরল ক্যাপ্টেনের দিকে। 'এই নিন, আপনার বস্ কথা বলবে!'

হাত কাঁপছে ওর। রাগে, হতাশায়... নাকি দুটোই? মাইক্রোফোনের উপর হাত রাখলেন গরডন, ফিসফিসিয়ে জিজ্ঞেস করলেন, 'উনি এখনও ব্যাপারটা গোপন রাখতে চাইছেন?'

'সন্দেহ আছে?' বাঁকা সুরে বলল শ্যারন।

একটু হাসলেন গরডন। 'ওর দিকটাও তো বুঝতে হবে আপনাকে। চারদিকে খেয়াল রেখে পা ফেলতে হয় অ্যাডমিরালকে। এমন একটা স্পর্শকাতর ব্যাপার ফাঁস করার আগে অনেককিছু সামলে নেয়া দরকার।'

'আমি বুঝতে পারছি না এ-সব নিয়ে এত চাক গুড় গুড় করবার দরকার কী! দ্বিতীয় বিশ্বযুদ্ধেরও আগে ঘটেছে সবকিছু। এরপরে অনেক বদলে গেছে পৃথিবী।'

'ষাট বছরেরও বেশি সময় কেটে গেছে, আর কটা দিনে কী এমন ক্ষতি-বৃদ্ধি হবে, বলুন? আমেরিকা আর রাশাৱ মধ্যকার কূটনৈতিক সম্পর্ক এমনিতেই নাজুক। এখানকার বিচ্ছিরি ঘটনা

ବିନ ନୋଟିଶେ ଫାସ କରେ ଦିଯେ ସେଟାକେ ଆରଓ ଦୁର୍ବଲ କରାର
କୋନଓ ମାନେ ହୁଯ ନା ।

କାଥ ଝାକାଳ ଶ୍ୟାରନ । ଦୀର୍ଘଶ୍ଵାସ ଫେଲଲ । ‘ଆପଣି ଠିକ ଆମାର
ବସାର ମତ କଥା ବଲଛେନ ।’

‘ତା ହଲେ ବଲବ, ଉନି କୋନଓ ଭୁଲ ସିଦ୍ଧାନ୍ତ ନିଚେନ ନା ।’

ପାଲ୍ଟା କୋନଓ ଯୁକ୍ତି ଖୁଜେ ପେଲ ନା ଶ୍ୟାରନ । ‘ଆପନାରା ସବ
ଏକ ଗୋଯାଲେର ଗର୍ଭ !’ ବିରକ୍ତ ଗଲାଯ ବଲଲ ଓ । ତାରପର ଉଲ୍ଟୋ ଘୁରେ
ଗଟମଟ କରେ ହେଟେ ଚ ଲ ଗେଲ ।

ହେଡ୍‌ସେଟ ପରେ ଚେଯାରେ ବସଲେନ କ୍ୟାପ୍ଟେନ । ମାଇକ୍ରୋଫୋନେ
ବଲଲେନ, ‘କ୍ୟାପ୍ଟେନ ଗର୍ଡନ, ସ୍ୟର ।’

‘ହାଲୋ କ୍ୟାପ୍ଟେନ,’ ଓପାଶ ଥିକେ ଭେସେ ଏଲ ଅୟାଡ଼ମିରାଲ
ବେକେଟେର ସଖିସେ କର୍ତ୍ତ । ସୋଲାର ଫ୍ରେଂଗରେର କାରଣେ ଟ୍ରୋଙ୍ମିଶନ
ଅତ୍ୟନ୍ତ ଦୁର୍ବଲ । ‘ଆଶା କରି ଆମାର ମେଯେକେ ଦେଖେଣେ ରାଖଛ
ତୁମି ?’

‘ନିଶ୍ଚଯଇ, ସ୍ୟର । ଆମାର ଉପର ଆଶା ରାଖତେ ପାରେନ ।’

‘ବେଶ, ତା ହଲେ କାଜେର କଥାଯ ଆସି । ସଂକ୍ଷେପେଇ ଜାନାଛି
ଘଟନା । ଗତକାଳ ରାଶାନ ଅୟାସ୍‌ସ୍ୟାଡରେର ସଙ୍ଗେ ଯୋଗାଯୋଗ କରେଛି
ଆମରା, ତୋମାର ରିପୋର୍ଟେର ଏକଟା କପି ତୁଲେ ଦିଯେଛି ତାର ହାତେ ।’

ଚମକେ ଉଠଲେନ ଗର୍ଡନ । ‘କୀ ! ଏତ ତାଡ଼ାତାଡ଼ି ? ଆମି ତୋ
ଭେବେଛିଲାମ...’

‘କୋନଓ ଉପାୟ ଛିଲ ନା,’ ତାକେ ଥାମିଯେ ଦିଲେନ ଅୟାଡ଼ମିରାଲ
ବେକେଟ । ‘ଆଇସ ସେଶନଟା ଯେ ଖୁଜେ ପେଯେଛି ଆମରା... ସେ-ଖବର
କୀଭାବେ ଯେନ ପୌଛେ ଗେଛେ ମକ୍କୋତେ । ଅସ୍ତିକାର କରତେ ଗେଲେ
ଗ୍ୟାଙ୍କଲେ ଫେସେ ଯେତାମ ।’

‘ବୁଝତେ ପେରେଛି, ସ୍ୟର । କିନ୍ତୁ... ଏଥନ କୀ ହବେ ? ଏଥାନେ
ଆମରା କୀ କରବ ?’

ଦୀର୍ଘ କଯେକ ମୁହଁତ ନୀରବ ରହିଲେନ ଅୟାଡ଼ମିରାଲ ବେକେଟ ।
ଶ୍ରୀ ପିଞ୍ଜର-୧

তারপর শীতল গলায় বললেন, ‘ম্যাথিউ...’

শিরদাঁড়া খাড়া হয়ে গেল ক্যাপ্টেন গরডনের। ফাস্ট নেমে ডাকা হচ্ছে তাঁকে, এর অর্থ ঘটনা গুরুতর।

‘ম্যাথিউ, তোমাকে একটা ব্যাপারে সতর্ক করে দেয়া দরকার,’ বললেন অ্যাডমিরাল বেকেট। ‘এ-মুহূর্তে আমি ওয়েস্ট কোস্টে, কিন্তু তারমানে এই নয় যে, ওয়াশিংটনে জল ঘোলা হলে তা টের পাব না। কিছু একটা ঘটছে ওখানে। আইস স্টেশনের ব্যাপারে মাঝরাতে মিটিং করে বেড়াচ্ছে এনএসএ আর সিআইএ। মিডল ইস্টের একটা কেস থেকে সরিয়ে আনা হয়েছে নেভাল সেক্রেটারিকে। কেবিনেটের যত সদস্য এদিক-ওদিক ছিল, সবাইকে নিয়ে আসা হয়েছে ডিসি-তে।’

‘কিন্তু কেন?’

‘দুঃখিত, সেটা আমার জানা নেই। শুধু এটুকু বুবাতে পারছি, তোমার ওই আইস স্টেশন নিয়ে পরিস্থিতি উভঙ্গ হয়ে উঠেছে ওয়াশিংটনে। খুব শীত্যি এর একটা পরিণতি দেখতে পাব বলে আশঙ্কা করছি। আমার মনে হয় না সেটা ভাল কিছু হবে।’

থমথমে হয়ে উঠল ক্যাপ্টেন গরডনের চেহারা। ‘আমাকে তা হলে কী করতে বলেন?’

‘কিছুই না। আসলে... দেবার মত কোনও পরামর্শ নেই আমার কাছে। আপাতত শুধু সতর্ক করে দিলাম। চোখ-কান খোলা রেখো, এ-ই আর কী।’

কাঁধ ঝাঁকালেন ক্যাপ্টেন গরডন। ‘ঠিক আছে, অ্যাডমিরাল,’ বললেন তিনি। আর তো কিছু বলার নেই।

‘ও হ্যাঁ,’ মনে পড়ে যাওয়ার ভঙ্গিতে বললেন অ্যাডমিরাল বেকেট, ‘ছোট একটা সূত্র দিতে পারি তোমাকে। সূত্র না বলে ধাঁধাও বলা চলে। একটা মাত্র শব্দ... জনেক আগ্নারসেক্রেটারির এইডের মাধ্যমে কানে এসেছে আমার। যদ্দূর বুবাতে পেরেছি,

পুরো ঝামেলার সঙ্গে ওটাৰ সম্পর্ক আছে...’

‘কী শব্দ, স্যৱ?’

‘গ্রেণেল।’

দম আটকে এল ক্যাপ্টেনেৰ।

‘কোড নেম জাতীয় কিছু একটা হতে পাৱে... অথবা জাহাজ-টাহাজেৰ নামও হতে পাৱে ওটা,’ বলে চললেন অ্যাডমিৱাল বেকেট। ‘তুমি কিছু আন্দাজ কৰতে পাৱো?’

ঠোঁট কামড়ালেন ক্যাপ্টেন গৱড়ন। আজই আবিষ্কৃত হয়েছে ওটা। আইস স্টেশনেৰ প্ৰবেশপথেৰ কাছে লাগানো একটা নামফলক... বৱফে ঢাকা পড়ে থাকায় এতদিন ওটা দেখতে পায়নি কেউ। ওমেগাৰ ট্ৰান্স্লেটৰ আৱ সেণ্টিনেলেৰ লিঙ্গুইস্টিক এক্সপার্ট মিলে রাশান হৱফে লেখা ফলকটাৰ মৰ্মোন্দাৱ কৱেছে। ওটায় লেখা আছে হতভাগ্য ঘাঁটিটাৰ নাম...

আইস স্টেশন গ্রেণেল।

দুশ্চিন্তা অনুভব কৱলেন গৱড়ন। যে-নাম আজই তাঁৱা জানতে পেৱেছেন, সেটা ওয়াশিংটন আৱও আগে জানল কী কৱে? তবে কী...

‘ম্যাথিউ! শুনতে পাচ্ছ?’

হেডফোনে অ্যাডমিৱাল বেকেটেৰ ডাক শুনে সংবিধ ফিৱল ক্যাপ্টেনেৰ। তাড়াতাড়ি জবাব দিলেন, ‘জী, স্যৱ!’

‘চুপ হয়ে গেলে কেন? তুমি জানো গ্রেণেলেৰ অৰ্থ?’

‘হঁ্যা, স্যৱ। আইস স্টেশনটাৰ নাম ওটা... আজই আমৱা নামফলক খুঁজে পেয়েছি।’

‘গ্রেণেল? অদ্ভুত নাম... স্বীকাৱ কৱতোই হবে। যাক গে, যা বলাৱ তা বলে দিয়েছি। সতৰ্ক থেকো, অস্বাভাবিক কিছু দেখলেই রিপোর্ট কৱবে আমাকে। ক্লিয়াৱ?’

‘ইয়েস, অ্যাডমিৱাল।’

‘বেস্ট অভ লাক, ম্যাথিউ !’

যোগাযোগ বিছিন্ন করে দিলেন অ্যাডমিরাল বেকেট।

ছয়

প্রায় খাড়া ঢাল ধরে পদ্বর্জে এগিয়ে চলেছে রানা, রাশ ধরে পিছু
পিছু টেনে আনছে আধা-অ্যারাবিয়ান ঘোড়াটাকে। ওটার পিঠে
বসেছে গ্যারি ম্যাসন। ঘোড়ার পিঠে দু'জনে ওঠার সাহস হয়নি
রানার, বরফে ঢাকা ঢালে ঘোড়ার পা হড়কালে ভয়ানক দুর্ঘটনা
ঘটে যেতে পারে। তা ছাড়া এখনি ঘোড়াটাকে ক্লান্ত করতে চাইছে
না। কখন প্রাণ হাতে নিয়ে ছুট লাগাতে হয়, কে জানে! লোবো
ওর পাশে পাশে হাঁটছে। বৃক্ষিমান কুকুরটা বোধহয় আঁচ করতে
পারছে মনিবের মনোভাব, বিপদের আশঙ্কায় দু'কান লেপ্টে আছে
খুলির সঙ্গে। মাঝে মাঝেই গরগর করে চাপা ডাক ছাড়ছে, থেমে
তাকাচ্ছে পিছনে।

ইতিমধ্যে ছ'টা বেজে গেছে। ক্ষাই-ডাইভাররা ল্যাণ্ড করেছে
নিঃসন্দেহে, কিন্তু ওদের উপস্থিতির কোনও চিহ্ন দেখা যাচ্ছে না।
শোনা যাচ্ছে না মোটরসাইকেলের ইঞ্জিনের আওয়াজ। ধাওয়া
যদি শুরুও করে থাকে ওরা, বোঝার উপায় নেই। স্প্রস আর
অ্যাসপেনের ঘন অরণ্য ভেদ করে ওপাশে দৃষ্টি চলে না।

গোধূলির আবছায়া পরিবেশ জেঁকে বসেছে উপত্যকার বুকে,
সূর্য হারিয়ে গেছে উঁচু পাহাড়সারির আড়ালে। কালো মেঘের

কারণে তার আভাও ঠিকমত পৌছুচ্ছে না ওদের আশপাশে। চোখ
পিটপিট করে পিছনে এক দফা নজর বোলাল রানা। প্রকৃতি
এখনও আগের মতই নিথর। কোথাও কোনও সাড়াশব্দ নেই।
ক্ষণিকের জন্য সন্দেহ ভর করল মনে—ভুল করছে না তো?
হয়তো ওদের ক্ষতি করতে আসেনি স্কাই-ডাইভাররা। পরক্ষণে
মত পাল্টাল। না, এতবড় ভুল হবার কথা নয় ওর। ষষ্ঠ ইন্দ্রিয়
আজ পর্যন্ত বেঙ্গিমানী করেনি ওর সঙ্গে।

ওর দ্বিধাগ্রস্ত চেহারা লক্ষ করল ম্যাসন। বলল, ‘ওরা
রেসকিউ পার্টি হতে পারে না? খামোকাই হয়তো পালাচ্ছি
আমরা।’

জবাব দেবার সুযোগ পেল না রানা, তার আগে বিকট এক
বিস্ফোরণের আওয়াজে কেঁপে উঠল গোটা উপত্যকা। একযোগে
ঘাড় ফেরাল ওরা। বনের মাঝখানে দেখতে পেল আগুনের একটা
গোলা।

‘মাই গড়! বিড় বিড় করল ম্যাসন। ‘বিমানটা...’

‘ওরা ধ্বংস করে দিয়েছে,’ শান্ত গলায় বলল রানা।

‘ক... কিন্তু কেন?’

‘সম্ভবত এভিডেন্স রাখতে চাইছে না নিজেদের কোনও
অপরাধের,’ অনুমান করল রানা। ‘হয়তো স্যারোটাইজ করেছিল
ইঞ্জিনে, তার কোনও চিহ্ন রাখছে না। সাক্ষীদের বেলাতেও একই
পদ্ধতি অবলম্বন করবে।’

‘কী!'

আনমনে মাথা নাড়ল রানা। বিমানের চারপাশে ঘোড়া, কুকুর
আর মানুষের পায়ের ছাপ দেখবে লোকগুলো; বুঝে ফেলবে কী
ঘটেছে... কোন্দিকেই বা এসেছে ওরা। ট্র্যাক লুকানোর কোনও
চেষ্টা করেনি ও, সময় বা সুযোগ ছিল না।

মৃদু শুঁশনের মত আওয়াজ শুনে আবার পিছনে তাকাল রানা।

হ্যাঁ, এতক্ষণে জ্যান্ত হয়ে উঠেছে দুই মোটরসাইকেলের ইঞ্জিন। তার সঙ্গে তাল মিলিয়ে গরগর করে উঠল লোবো।

ম্লান আলোয় পরিবেশ-পরিস্থিতি যাচাই করল রানা। তুষারপাতের খুব বেশি দেরি নেই। ওদের ট্র্যাক ঢাকা পড়ে যাবে তাতে। অন্ধকার নেমে এলেও ওদেরকে ধাওয়া করতে পারবে না শক্রুরা, কিছু দেখতেই পাবে না। তারমানে খুব শীত্রি আঘাত হানবে ওরা।

ম্যাসনের চেহারায় আতঙ্ক দেখা দিয়েছে। কাঁপা গলায় বলল, ‘এখন কী করবেন, মি. রানা?’

জবাব না দিয়ে চলার গতি বাড়িয়ে দিল রানা। রাশ টেনে ঘোড়াটাকেও বাধ্য করল দ্রুত পা ফেলতে। মাথায় ঝড়ের বেগে চিন্তা চলছে—যে-ভাবে হোক, প্রতিপক্ষকে দেরি করিয়ে দিতে হবে। অন্তত তুষারপাতের আগ পর্যন্ত ঠেকিয়ে রাখতে হবে ওদেরকে।

‘লুকানোর কোনও জায়গা আছে আশপাশে?’ জানতে চাইল ম্যাসন।

‘না,’ সংক্ষেপে বলল রানা। দুশ্চিন্তায় পড়ে গেছে। সন্দেহ নেই, বড় নাজুক অবস্থায় রয়েছে ওরা। একটা ঘোড়া, অথচ মানুষ দু’জন। প্রতিপক্ষের সঙ্গে আছে দ্রুতগামী স্নো-চপার। দৌড় লাগিয়ে পিছে ফেলা যাবে না তাদেরকে। অন্য কোনও কৌশল খাটানো প্রয়োজন।

রিজলাইনে পৌঁছুতেই ঠাণ্ডা বাতাসের ঝাপটা অনুভব করল ওরা। সারা দেহ কেঁপে উঠল ঠকঠক করে। দক্ষিণ-পশ্চিম থেকে বইছে বাতাসটা, ওদিকে সম্ভবত তুষারপাত শুরু হয়ে গেছে। একটু আশাবাদী হয়ে উঠল রানা। দ্রুত ঢাল বেয়ে নামতে শুরু করল। নিজের ক্যাম্পের দিকে এগোচ্ছে। ওখানে গিয়ে লাভ হবে না, তাই বিকল্প ভাবল। কয়েকটা শুহা দেখেছে হাইকিঙে আসার

সময়, কিন্তু ওগুলো বেশ দূরে। পৌছুনো যাবে না। একটাই উপায় দেখা যাচ্ছে—রখে দাঁড়াতে হবে।

‘একা রাইড করতে পারবেন?’ ঘাড় ফিরিয়ে জানতে চাইল ও।

‘হ্যাঁ,’ মাথা ঝাঁকাল ম্যাসন। ‘কিন্তু কেন?’

ঘোড়াটাকে দাঁড় করাল রানা, কাছে গিয়ে স্ক্যাবার্ড থেকে মুক্ত করল রাইফেল, স্যাডলব্যাগ থেকে কার্তুজের একটা বাস্তু নিয়ে ভরল পকেটে।

‘কী করতে চাইছেন আপনি?’ জিজ্ঞেস করল ম্যাসন।

‘ভয়ের কিছু নেই,’ একটু হেসে বলল রানা। ‘আপনাকে টোপ হিসেবে ব্যবহার করব।’ কুরুরটার দিকে ফিরল। ‘লোবো!’

জুলজুলে চোখে ওর দিকে তাকাল প্রাণীটা।

‘ক্যাম্পে চলে যা!’ নির্দেশ দিল রানা।

ঘেউ ঘেউ করে সম্ভতি জানাল লোবো। ছুটতে শুরু করল ক্যাম্পের উদ্দেশে।

‘ওর পিছু পিছু যান, আমার ক্যাম্পে পৌছে যাবেন তা হলে,’ ম্যাসনকে বলল রানা। ‘বটপট লুকিয়ে পড়বেন, ঠিক আছে? অন্ত যদি চান... লাকড়ির স্তুপের পাশে একটা কুড়াল পাবেন।’

মাথা ঝাঁকিয়ে চলে গেল ম্যাসন। কয়েক মুহূর্ত স্থির দাঁড়িয়ে তার গমনপথের দিকে তাকিয়ে রইল রানা, তারপর উল্টো ঘূরল। পুরনো ট্র্যাকের উপর পা ফেলে এগিয়ে চলল রিজলাইনের দিকে। পপ্তাশ গজের ঘত যেতেই বরফ ফুঁড়ে বেরিয়ে থাকা কিছু গ্যানিট পাথরের সারি দেখতে পেল, লাফ দিয়ে উঠে পড়ল ওগুলোতে। ব্যস, এবার আর পায়ের ছাপ পড়বে না। পাথরে পাথরে পা রেখে একগুচ্ছ স্প্রস গাছের তলায় পৌছুল। ওখানেই ওঁত পাতল শব্দের জন্য। লোকদুটো যদি ওদের ট্রেইল ফলো করে আসে, তা হলে ওর সামনে দিয়েই যেতে হবে। আকাশের পটভূমিতে শুন্দি পিঞ্জর-১

পরিষ্কার ফুটে উঠবে তাদের দেহ—রাইফেলের সহজ নিশানা।

ছায়ার ভিতরে, দু'হাঁটুর মাঝে রাইফেলটা খাড়া করে রেখে একটা গাছের গায়ে হেলান দিল রানা, দৃষ্টি আঠার মত সেঁটে রাখল রিজলাইনে। শীতটা উলের কাপড় ভেদ করে ফেলেছে, শীতল একটা স্বোত মেরুদণ্ড বেয়ে উঠতে শুরু করেছে। দাঁতে ঠোকাঠুকি ঠেকাতে কসরত করতে হলো ওকে। কোমরের কাছে একটা পুরনো ব্যথা খোঁচাতে শুরু করেছে, জোর করে সেটাকে অগ্রাহ্য করল ও। কৌশলটা কতখানি কাজে লাগবে, তা ভাবতে শুরু করল। এই দূরত্বে টার্গেটে গুলি লাগানো কঠিন নয়, কথা হলো দু'জনকেই ঘায়েল করতে পারবে কি না।

ওপাশের উপত্যকা থেকে এখনও ভেসে আসছে ইঞ্জিনের আওয়াজ... ধীরে ধীরে জোরালো হচ্ছে। খানিক পরে রাইফেলটা উঁচু করল রানা, চামড়ার স্লিং বাম হাতের কবজিতে পেঁচিয়ে নিয়ে ওয়ালনাটের স্টকটা ঠেকাল ডান কাঁধে, ব্যারেল তাক করল রিজলাইনের উপরে। আন্তে... সময় নিয়ে শ্বাস ফেলছে ও। শিথিল করে রাখছে দেহকে। টেনশন করা যাবে না, শুধু টেনশনের কারণেই ভাল ভাল অনেক শুটার লঙ্ঘ্যভেদে ব্যর্থ হয়। হাঁটুর তলায় একটা স্প্রিঙ্সের কাঁটার খোঁচা খেল হঠাৎ তাও নড়ল না। খোঁচা খাওয়ায় ভালই হয়েছে, আরও সজাগ হয়ে উঠেছে ইন্দ্রিয়।

মোটরসাইকেলের আওয়াজ একেবারে কাছে চলে এসেছে। দম আটকাল রানা, সেফটি ক্যাচ অফ করে ট্রিগারের উপর রাখল আঙুল। পরক্ষণেই দৃষ্টিসীমায় বেরিয়ে এল প্রথম বাহনটা। চমকে উঠল ও। ভেবেছিল ধীরে-সুস্থে রিজ পেরুবে শক্ররা, যথেষ্ট সময় পাবে নিশানা স্থির করার, কিন্তু বাস্তবে তা ঘটেনি। ডার্ট বাইক কম্পিটিশনের প্রতিযোগীর মত ফুল স্পিডে ছুটে এসেছে লোকটা, ঢাল পেরিয়ে শূন্যে লাফ দিয়েছে তার মোটর-সাইকেল। দ্রুত

নিশানা অ্যাডজাস্ট করল রানা, টিপে দিল ট্রিগার, টিপ দিয়েই
বুল, কারেকশনটা ঠিক হয়নি।

ধাতব আওয়াজ শুনল ও, ফুলকি দেখল রাইডারের পিছনে...
মোটরসাইকেলের রিয়ার টায়ার-গার্ডে আঘাত হেনেছে বুলেট।
ক্ষতি তাতেও অবশ্য একেবারে কম হলো না—শূন্যেই একটা
পাক খেল বাহনটা, ধড়াম করে আছড়ে পড়ল পাহাড়ি ঢালে।
আরোহী লোকটা ছিটকে গেল একদিকে, তারপর মোটরসাইকেল
আর মানুষ... দু'জনেই গড়াতে শুরু করল ঢালু পথে। ঢুকে গেল
ঘন ঝোপঝাড়ের ভিতরে।

‘ধ্যাতেরি!’ খেদোঙ্গি বেরুল রানার মুখ দিয়ে। বোঝার উপায়
নেই, প্রথম রাইডার অক্ষত, আহত নাকি নিহত হয়েছে। কিন্তু
সে-নিয়ে মাতম করবার সময় নেই। দ্রুত আবার রিজলাইনের
দিকে মনোযোগ দিল ও। দ্বিতীয় শক্র রয়ে গেছে, তাকে ঘায়েল
করতেই হবে। খালি কার্তুজটা ফেলে দিয়ে নতুন একটা ভরল
রাইফেলে। আফসোস করল, রাইফেলের বদলে একটা
এম-সিঙ্ক্রিটিন কারবাইন থাকলে বেশি ভাল হতো!

মাঝল ফ্ল্যাশের কারণে চোখ ঝলসে গেছে রানার, রাইফেলের
বিকট আওয়াজ তালা লাগিয়ে দিয়েছে কানে। এই দুটোর কুফল
কয়েক সেকেণ্ড পরেই টের পেল ও। অচমকা রিজলাইন পেরুল
দ্বিতীয় মোটরসাইকেল—প্রথমটার মত এটাও সর্বোচ্চ বেগে ছুটে
এসে ঝাপ দিয়েছে... কিন্তু একই পথে নয়, বেশ খানিকটা দূর
দিয়ে। ব্যাপারটা একেবারেই আশা করেনি রানা, অপ্রস্তুত হয়ে
পড়ল।

দ্রুত রাইফেল ঘোরাল ও, নিশানা ঠিক করার সময় পেল না,
আন্দাজের উপর টিপে দিল ট্রিগার। বিকট আওয়াজ করে
আবারও ছুটে গেল ঘাতক বুলেট, কিন্তু এই দফায় কোনও কিছুতে
আঘাত হানতে ব্যর্থ হলো। রানার চোখের সামনে নিরাপদে ঢালে
শুভ পিঞ্জর-১

নেমে গেল দ্বিতীয় রাইডার, নিপুণ দক্ষতায় মোটরসাইকেলের ব্যালাস ঠিক রাখল, তারপর তীব্র বেগে হারিয়ে গেল একসাবি উঁচু পাথরের আড়ালে।

স্প্রিংস গাছের পিছনে চলে এল রানা, অস্ত হাতে নতুন কার্তুজ ভরছে রাইফেলে। লোকগুলোকে আগুর-এস্টিমেট করে মস্ত ভুল করেছে ও। এরা অ্যামেচার নয়, পুরোদস্ত্র ট্রেইও প্রফেশনাল। অ্যামবুশের ব্যাপারটা আঁচ করেছে আগেই; সেজন্যে দু'জনে আলাদাভাবে, আলাদা জায়গা দিয়ে পেরিয়েছে রিজলাইন... পেরিয়েছে বিপজ্জনক গতিতে। বোকা বানিয়েছে ওকে।

কানে আগুয়ান্ত্রের গর্জন ভেসে এল। সঙ্গে সঙ্গে ছাল উড়ল স্প্রিংস গাছের। ঝাট করে মাটিতে শুয়ে পড়ল রানা, হামাগুড়ি দিয়ে পিছাল একটু। রাইফেলের গুলি... যেদিকে প্রথম রাইডারকে পড়তে দেখেছে, সেদিক থেকে এসেছে। তারমানে ব্যাটা মরেনি!

বেড়ে দৌড় দেবার ইচ্ছেটা বহু কষ্টে দমন করল রানা। পড়ে রহিল নিঃসাড়ে। ওকে দেখতে পাচ্ছ না আততায়ী, পেলে এতক্ষণে লাশ হয়ে যেত। গুলিটা করা হয়েছে ভয় দেখানোর জন্য। পালাবার চেষ্টা করলেই ওকে বাগে পাবে ওরা।

ঠোঁট কামড়ে ধরল রানা। ফাঁদে পড়ার দশা হয়েছে ওর। বাঁ দিকের ঝোপের ভিতর রয়েছে এক শক্র, অন্যজন ডানদিকের পাথরসারির আড়ালে। মোটরসাইকেলের ইঞ্জিন এখন আর হাঁক ছাড়ছে না, ধীর লয়ে চলছে। হচ্ছেটা কী? লোকটা কি অপেক্ষা করছে ওখানে? নাকি ইঞ্জিনটা আইডলে রেখে পায়ে পায়ে এগিয়ে আসছে ওর দিকে? বোঝার উপায় নেই। তবে এটা পরিষ্কার, বুঝতে পারছে রানা, এখানে ঘাপটি মেরে থেকে কোনও লাভ হবে না। বরং আরও কোণঠাসা হয়ে পড়বে।

হামাগুড়ি দিতে শুরু করল রানা। ঢাল ধরে ক্রমশ নেমে যাচ্ছে নীচে। শব্দ না করে একটা ফাটলের কাছে পৌঁছুল—বরফ

গলে গিয়ে সৃষ্টি হয়েছে ওটার; ভিতর দিয়ে বয়ে যাচ্ছে পানির ধারা। দ্বিধা না করে নেমে পড়ল ওটায়। জামাকাপড় ভিজে গেল মুহূর্তের মধ্যে, কাপড়ের পরত পেরিয়ে চামড়া আর অঙ্গীকার হামলা চালাল প্রচণ্ড ঠাণ্ডা। মনে হলো কেউ ছুরি চালাতে শুরু করেছে সারা দেহে। দাঁতে দাঁত পিষে কষ্টটা সহ্য করার চেষ্টা করল রানা।

নিঃশব্দে পানির মাঝখানে শুয়ে রইল ও কিছুক্ষণ। কান পাতল। মোটরসাইকেলের ইঞ্জিনের আবছা আওয়াজটা ছাড়া আর কিছু শুনতে পেল না। হামলাকারীরা অভিজ্ঞ, নিজেদের অবস্থান ফাঁস করছে না। লোকদুটো মিলিটারির, নাকি ভাড়াটে মার্সেনারি, জানার উপায় নেই। তবে ওদের দক্ষতা প্রশাতীত। বিপন্ন রিপোর্টারের জন্য সেটা আপাতত সুখবর। সশস্ত্র একজন প্রতিপক্ষকে এড়িয়ে ম্যাসনের দিকে যাবে না এরা। আগে এদিককার হিসেব-নিকেশ চুকিয়ে নেবে।

ফাটলের মেঝে ধরে নীচের দিকে নামতে থাকল রানা। শরীর প্রায় মিশিয়ে দিয়েছে, বাইরে থেকে যাতে না দেখা যায় ওকে। অন্ধকারে সামনেটা দেখা যায় না, ত্রিশ গজ যেতেই ঘটল বিপত্তি। ওখানে ঝপ করে নেমে গেছে পাহাড়ি ঢাল, প্রায় সাত ফুট উঁচু দেয়ালটা একেবারে খাড়া। জন্ম ছিল না রানার, দেখতেও পায়নি, ওখানে পৌছুতেই তাল হারাল, পিছলে পড়ে গেল নীচে। নিজের অজান্তেই অস্ফুট আওয়াজ বেরুল মুখ দিয়ে, সঙ্গে সঙ্গে গর্জে উঠল আততায়ীর রাইফেল।

ঠক করে একটা আওয়াজ হলো, রানার রাইফেলটা কেঁপে উঠল ভীষণভাবে, হাত থেকে ছিটকে চলে গেল ওটা। খাড়া দেয়ালের নীচে, বরফগলা পানিতে ভরা ছোট একটা গর্তে ঝপাস করে আছড়ে পড়ল ও।

হাত-পা ছুঁড়ে দ্রুত ভেসে উঠল রানা। চম্পল চোখে চারদিকে

তাকাতেই দেখতে পেল নিজের রাইফেলটা। গর্তের কিনারে পড়ে আছে, বুলেটের আঘাতে ভেঙে গেছে কাঠের স্টক। তাড়াতাড়ি পানি থেকে উঠে এল ও, কুড়িয়ে নিল রাইফেলটা। গুলি ছোঁড়া যাবে এখনও, তবে নিশানায় লাগানো যাবে কি না বলা মুশকিল।

ও-সব নিয়ে মাথা ঘামাল না ও। অবস্থান ফাঁস হয়ে গেছে, এখন আর হামাগুড়ি দেয়ার কোনও মানে হয় না। রাইফেলটা হাতে নিয়েই ঝেড়ে দৌড় দিল, চুকে পড়ল ঝোপঝাড়ের আড়ালে। থামল না... ডলপাতা মাড়িয়ে, খানা-খন্দ পেরিয়ে ছুটে চলল উর্ধ্বশ্বাসে। ক্যাম্পের দিকে যাচ্ছে না, ওদিকে নিঃসন্দেহে ফাঁদ পাতবে শক্ররা। অচেনা একটা পথে ছুটে চলল ও।

পিছনে একটা চোখ রাখছে রানা, কিন্তু ওকে ধাওয়া করার কোনও লক্ষণ দেখল না। লোকগুলো মানুষ, নাকি ভূত? দেখা না দিয়ে, অথবা কোনও ধরনের শব্দ না করে পিছু পিছু আসছে কীভাবে? তাড়া করেনি, এমনটা হতেই পারে না। ঝুঁকি নিয়ে একবার থামল ও, ঘুরে দাঁড়িয়ে তাকাল পিছনে। গাছপালার অভাব নেই, সম্ভবত ছায়ার আড়াল নিয়ে এগোচ্ছে ব্যাটারা।

ছুটতে ছুটতে পাহাড়ের পাথুরে একটা অংশে পৌঁজুল রানা। তুষার ভেদ করে মাথা বের করে রেখেছে নুড়িপাথর আর ছোট-বড় নানা আকারের বোল্ডার। বড় একটা বোল্ডারের পিছনে আশ্রয় নিল ও, ওখান থেকে নজর বোলাল ফেলে আসা পথের উপরে। ইতিমধ্যে রাত নেমে এসেছে, গাঢ় অঙ্ককারে ঢেকে যেতে শুরু করেছে চারদিক। ছায়ার মধ্যে মৃদু একটা নড়াচড়া লক্ষ করল। তাড়াতাড়ি রাইফেল তুলল সেদিকে, কিন্তু মুহূর্তে হারিয়ে গেছে শব্দ।

রাইফেলের ব্যারেল নড়াল না রানা, তাক ওরে রাখল ছায়ার দিকে। স্টকটা ভেঙে যাওয়ায় কাঁধে ঠেকিয়ে দ্বির রাখতে পারছে না অস্ত্রটা—গুলি যদি ছোঁড়েও, প্রতিপক্ষের গায়ে লাগানোর

সম্ভাবনা ক্ষীণ। তবুও হতাশ হলো না। হাজার হোক, অস্ত্র তো
আছে একটা হাতে!

ঢালের ওপাশে আচমকা গর্জে উঠল মোটরসাইকেলের
ইঞ্জিন। একজন আসছে ওদিক দিয়ে। কান পাতল, শুকনো
পাতার খসখসানি শুনে মনে হলো দ্বিতীয়জন বামদিক দিয়ে ঘুরে
ওকে ওভারটেক করতে চাইছে। দ্বিমুখী হামলা চালাবার পাঁয়তারা
কষে খুনিরা। বোল্ডারে পিঠ ঠেকিয়ে চারপাশ দেখে নিল রানা।
পাথুর ঢালের এখানে-ওখানে রয়েছে অল্প কিছু গাছ, আর নিচু
ঝোপঝাড়। খরস্ত্রোতা একটা ঝর্ণা বইছে ঢালের মাঝখান দিয়ে,
সিঁড়ির মত কয়েকটা ধাপ আছে ওটার, ধাপ পেরুনোর সময়
জলপ্রপাতের মত আছড়ে পড়ছে পানির ধারা। মিহি জলকণা
কুয়াশার মত ভাসছে বাতাসে। এই ঝর্ণাটাই সম্ভবত চলে গেছে
ওর ক্যাম্পের পাশ দিয়ে।

বড় করে একটা শ্বাস নিল রানা, তারপর এক ছুট লাগিয়ে
ঝাঁপিয়ে পড়ল ঝর্ণায়। পানির গভীরতা বেশি নয়, হাঁটু সমান
হলে, কিন্তু স্নোত অত্যন্ত শক্তিশালী। পারের তলার পাথরগুলোও
পিছিল। তাল হারিয়ে পড়ে যাচ্ছিল, কোনোমতে কিনারে একটা
হাত রেখে ঠেকাল পতন। সাবধানে উল্টো ঘূরল রানা, পানি
ভেঙে স্নোতের বিপরীতে... ঢাল বেয়ে উঠতে শুরু করল। কিন্তু দ্রু
য়েতেই পৌছে গেল একটা জলপ্রপাতের কাছে। যোটা পর্দায় মত
নেমে আসছে পানি, পিছনে খোড়ল থাকার কথা। পানি ভেদ করে
ওখানে ঢুকে পড়ল ও। গা ঢাকা দিল।

সারা শরীর ভিজে চুপচুপে, ওই অবস্থায় হিস্টেরিয়াগ্রাস্টের মত
কাঁপতে শুরু করল বানা। হাইপোথারমিয়া ধরল বুঝি! কোনোমতে
কিছুটা সামলে নিয়ে রাইফেল উঁচু করল ও, পানির পর্দা ভেদ করে
সামান্য বের করে রাখল ব্যারেলটা, লক্ষ্যস্থির করেছে ঝর্ণার
কিনারে... যেখান দিয়ে ও পানিতে নেমেছে। দৌড়ানোর সময়

মাটিতে পরিষ্কার পায়ের ছাপ ফেলে এসেছে, সঙ্গে নাইট ভিশন
থাকলে ওগুলো খুনিদের চোখে পড়তে বাধ্য।

ওর ধারণাই সত্যি বলে প্রমাণিত হলো খানিক পরে।
বোল্ডারের আড়াল থেকে একটা ছায়ামূর্তিকে বেরিয়ে আসতে
দেখল। ট্র্যাক অনুসরণ করে অতি সতর্ক পদক্ষেপে এগিয়ে
আসছে ঝর্ণার দিকে। রাইফেল বুলিয়ে রেখেছে কাঁধে, হাতে
শোভা পাচ্ছে পিস্তল। ভারী পোশাক খুলে ফেলেছে সে, পরনে
এখন শুধু ক্যামোফ্লাজ ইউনিফর্ম আর কালো টুপি—ছায়ায় অদৃশ্য
থাকার আদর্শ সাজ।

রাইফেলের ব্যারেল ঘোরাল রানা। ভাঙ্গচোরা অন্তর্টা দিয়ে
চলত কারও গায়ে গুলি লাগানোর চেষ্টা বৃথা, তাই লক্ষ্যস্থির করল
ঝর্ণার পারে, যেখান দিয়ে ও পানিতে নেমেছে। কয়েক সেকেণ্ট
পরেই ওখানে পৌঁছুল খুনি। ইতিউতি চাইল ভাটার দিকে,
বোধহয় ভাবছে উপরের ফাটলটার মত এখান দিয়েও নীচে
নেমেছে শিকার। ভালমত দেখার জন্য একটু উপরে উঠে এল।
জলপ্রপাত থেকে এখন বড়জোর ত্রিশ ফুট দূরত্ব তার। এবার
তাকে ভালমত দেখতে পাচ্ছে রানা। বেশ লম্বা, অ্যাথলিটের মত
ছিপছিপে দেহ।

রাইফেলটা ভাল করে আঁকড়ে ধরল রানা। ট্রিগার টিপতে
যাবে, এমন সময় কীভাবে যেন বিপদ আঁচ করল খুনি। পাঁই করে
ঘূরে দাঁড়াল, দৃষ্টি বিস্ফারিত। নির্বিকার ভঙ্গিতে গুলি করল রানা।
ছোট্ট খোড়লের ভিতর প্রচণ্ড বিস্ফোরণের মত আওয়াজ হলো,
হাতের মুঠোয় ভীষণভাবে কেঁপে উঠল অন্তর্টা, তবে কাজ করল
ঠিকমতই।

হাতুড়ির মত খুনির বুকে আঘাত হানল বুলেট। হাত-পা
ছড়িয়ে পিছনদিকে ছিটকে গেল লোকটা, মুঠো থেকে খসে পড়ল
পিস্তল। চিৎ হয়ে ঝর্ণার পারে আছড়ে পড়ল সে। বিদ্যুৎ খেলে

গেল রানার শরীরে। খোড়ল থেকে জ্যা-মুক্ত তীরের মত বেরিয়ে
এল, ছুটল শক্র দিকে। দৌড়াতে দৌড়াতে চেষ্টা করল খালি
কার্তুজটা ফেলে দিতে, কিন্তু ব্যর্থ হলো। জ্যাম হয়ে গেছে
রাইফেল। যতটা ভেবেছিল, তারচেয়েও খারাপ অবস্থা অন্তর্টার।
দ্রিগার চাপার সঙ্গে সঙ্গে মুখের উপর যে বিস্ফোরিত হয়নি তা-ই
চের!

ও-সব নিয়ে মাথা ধামাবার সময় পাওয়া গেল না। মাটিতে
পড়েই নড়তে শুরু করেছে খুনি। চেষ্টা করছে পিঠে ঝোলানো
নিজের রাইফেলটা হাতে পেতে। কয়েক লাফে তার কাছে পৌছে
গেল রানা, তারপরেও দেরি হয়ে গেল।

খুনির হাতে উঁচু হলো রাইফেল, তাক হলো সোজা ওর বুক
বরাবর। একপাশে ঝাঁপ দিল রানা, শূন্য থেকেই মুণ্ডরের মত
চালাল নিজের রাইফেলটাকে। দুটো ব্যারেল বাড়ি খেলো, খুনির
হাত থেকে ফসকে গেল রাইফেল, কিন্তু তার আগেই আগুন
ঝরিয়েছে ওটা। কাঁধের কাছে একটা টান অনুভব করল রানা,
চিনচিনে একটা ব্যথা ছড়িয়ে পড়ল ওখান থেকে। হাত থেকে
নিজের রাইফেলটাও পড়ে গেল, গুঙ্গিয়ে উঠল ও।

মাটিতে পড়েই একটা গড়ান দিয়ে সিধে হলো রানা। পরক্ষণে
বাহের মত ওর উপরে ঝাঁপিয়ে পড়ল খুনি। হঁক করে একটা শব্দ
বেরুল রানার মুখ দিয়ে, শরীরের পুরো ওজন দিয়ে ওর বুকের
উপরে পড়েছে লোকটা। বাটকা দিয়ে তাকে গা থেকে ফেলে দিল
ও। পাগলের মত মাটি হাতড়াল খুনি, নিজের রাইফেলটা কুড়িয়ে
নিতে চাইছে। অঙ্কের মত লাখি চালাল রানা, তবে কাজ হলো।
গোড়ালির আঘাতে রাইফেলটা পিছলে চলে গেল কয়েক হাত,
সোজা আছড়ে পড়ল ঝর্ণার পানিতে।

একসঙ্গে উঠে দাঁড়াল দুই প্রতিপক্ষ, মুখোমুখি হলো
পরস্পরের। বিশ্বয়ের ব্যাপার, অচেনা খুনির বুক থেকে এক
শুভ পিঞ্জর-১

ফোটা রঞ্জ বেরছে না! মনেই হচ্ছে না গুলি খেয়েছে।
বুলেটপ্রফ ভেস্ট... বুবতে পারল রানা... ব্যাটা বুলেটপ্রফ
কেভলার ভেস্ট পরেছে পোশাকের তলায়। আবছা আলোয়
লোকটার চেহারা দেখতে পাচ্ছে ও। ইয়োরোপিয়ান ধাঁচের
চেহারা... রাশান? এ-মুহূর্তে তৈরি ঘৃণা আর আক্রোশে বিকৃত হয়ে
আছে চেহারাটা। কেভলার তার জীবন বাঁচিয়েছে বটে, কিন্তু
বুলেটের ধাক্কায় নিঃসন্দেহে চিড় ধরেছে পাঁজরের দু'চারটে হাড়ে।
ব্যথায় উন্মাদ হয়ে গেছে সে।

হঠাতে নড়ে উঠল লোকটা, হাতে বেরিয়ে এল একটা ধারালো
ছুরি। প্রমাদ গুনল রানা, আড়চোখে তাকাল মাটির দিকে, ওর
রাইফেলটা কয়েক হাত দূরে পড়ে আছে, তুলে নেবার উপায়
নেই। খালিহাতে এই অভিজ্ঞ খুনিকে মোকাবেলা করতে হবে।

ধীর ভঙিতে এগোল লোকটা, ফণা তোলা সাপের মত
এদিক-ওদিক দুলছে শরীরটা, হঠাতে করে একদিক থেকে আরেক
দিকে সরে যাচ্ছে। আচমকা রানার পেট লক্ষ্য করে ছুরি চালাল
সে। অভিজ্ঞতা, টেইনিং আর নিখুঁত রিফ্রেন্সের কল্যাণে বেঁচে
গেল রানা। নীচ থেকে আসতে দেখল ছুরিটাকে, নজে সঙ্গে শরীর
ঘূরিয়ে ফেলল। মাত্র কয়েক ইঞ্চির জন্যে ওকে ছুতে পারল না
ছুরির ফলা, নিষ্ফল আঁচড় কাটিল বাতাসে।

হাত ছুঁড়ল রানা, ধরার চেষ্টা করল হাতটাকে, কিন্তু তার
আগেই একটা দ্রুতগতি ঘূর্ণির মতো পিছিয়ে গেল খুনি, সেকেন্দের
ভগ্নাংশের মধ্যে আবার এগিয়ে এল ওর দিকে। মুঠো করা হাতে
এখনও ধরে আছে ছুরিটা! তৈরি ছিল রানা, বাম হাত তুলে
আলতোভাবে ঠেকাল আঘাত, পরমুহূর্তে ছোবল দিয়ে প্রতিপক্ষের
ক-বজিটা শক্ত করে ধরে ফেলল।

শরীরের সমস্ত শক্তি এক করল রানা, তারপর হাঁচকা টান
দিল নীচের দিকে। ব্যথায় গুড়িয়ে উঠল খুনি, শিরদাঁড়া বাঁকা করে

কুঁজো হয়ে গেল। কবজির নার্ভ-সেন্টারে কায়দামত একটা খোঁচা দিতেই হাত থেকে বসে পড়ল ছুরি। শুরু হলো ধস্তাধস্তি। ইঠাঃ একটা হাঁটু উঠে এল রানার দুই উরুর সন্ধিস্থলে।

আঘাতটা থেয়ে চোখে অঙ্ককার দেখল রানা, শুনতে পেল আহত পশুর মতো আওয়াজ বেরিয়ে এল নিজের গলা থেকে। কুঁজো হয়ে গেল রানা, দু' হাতে চেপে ধরেছে উরুসন্ধি। দেখল, সাপের মতো এঁকেরেঁকে নীচে নেমে গেল লোকটার একটা হাত, ছুরিটা খুঁজছে মাটিতে।

সচেতনভাবে নয়, স্বেফ ইনসিফ্টের বশে প্যাণ্টের সাইড-পকেটে হাত ঢলে গেল রানার; বের করে আনল ভালুক তাড়ানোর পেপার স্প্রে। ছুরি কুড়িয়ে খুনি ওর দিকে ফিরতেই নির্বিধায় চেপে দিল ভালভের বোতাম। লোকটার মুখের উপর তীব্রবেগে আঘাত করল স্প্রে।

আকাশ-বাতাস কাঁপিয়ে চেঁচিয়ে উঠল খুনি। ছুরি ফেলে দিয়ে দু'হাতে চেপে ধরল মুখ, বসে পড়ল হাঁটু গেড়ে। ঘড়ঘড়ে আওয়াজ বেরচ্ছে গলা থেকে। নিঃশ্বাসের সঙ্গে নাক আর মুখের গহ্বরে চুকে গেছে ওষুধটা, পুড়িয়ে দিচ্ছে গলা আর শ্বাসনালী।

দু'পা পিছিয়ে গেল রানা। সাধারণ স্প্রে-র চেয়ে দশগুণ শক্তিশালী ওরটা। মরিচের গুঁড়ো আর টিয়ার গ্যাসের সংমিশ্রণ—শক্তিশালী হিজলি ভালুককে ঘায়েল করার জন্য তৈরি, মানুষের উপর কী ধরনের প্রভাব ফেলবে তা সহজেই অনুময়। আবছা আলোয় দেখতে পেল, ফোক্ষা পড়ে গেছে লোকটার উন্নুক্ত চামড়া আর চোখের পাতায়। ডাঙায় তোলা মাছের মত তড়পাতে শুরু করল। তারই মাঝে হামাগুড়ি দিচ্ছে ঝর্ণা লক্ষ্য করে। পানি দিয়ে মুখ ধূয়ে ফেলতে চায়। কিন্তু কয়েক ফুট যেতেই শুরু হলো বমি। আর এগোতে পারল না, হাত-পা ছড়িয়ে উপুড় হয়ে পড়ে গেল মাটির উপর। দেহ কাঁপছে থরথর করে।

শান্ত ভঙ্গিতে মাটি থেকে খুনির ছুরিটা কুড়িয়ে নিল রানা। কুড়িয়ে নিল নিজের রাইফেলটাও। দোটানায় ভুগল কয়েক মুহূর্তের জন্য। যাবার আগে লোকটার গলা দু'ফাঁক করে দেয়া উচিত, যাতে আর জুলাতে না পারে কাউকে। কিন্তু মনের সায় পাচে না আহত মানুষটাকে খুন করতে। একটু ভেবে ওকে রেহাই দেবে বলে ঠিক করল। এমনিতেও মরবে সম্ভবত লোকটা, বাঁচলেও সেটা হবে বিকলাঙ্গের জীবন। খামোকা ওর রক্তে হাত রাঙানোর কোনও মানে হয় না। অন্তত ওর জন্যে আর থ্রেট নয় এ-লোক। এভাবে ফেলে গেলেই যথেষ্ট শান্তি হবে।

নিজের ক্ষতটা পরীক্ষা করল রানা। সিরিয়াস কিছু নয়। কাঁধের চামড়া ছিঁড়ে বেরিয়ে গেছে বুলেট। রক্ত ইতিমধ্যে জমাট বেঁধে গেছে। ভয়ের কিছু নেই। দূর থেকে মোটরসাইকেলের আওয়াজ শুনে ঝট করে ঘাড় ফেরাল ও। দ্বিতীয় খুনি কি ওর সঙ্গীর চিন্কার শুনতে পেয়েছে?

তাড়াতাড়ি বার্ণার কিনারে গিয়ে পানি হাতড়াল রানা—ভাল রাইফেলটার খোজে। কিন্তু পেল না। স্নোতের ধাক্কায় ভাটির দিকে চলে গেছে নিশ্চয়ই। খালি হাতে আরেকজন খুনিকে মোকাবেলার কোনও মানে হয় না। এখুনি কেটে পড়া ভাল। খুব শীঘ্ৰ পার্টনারকে খুঁজতে চলে আসবে লোকটা। তার আগেই গ্যারি ম্যাসনকে নিয়ে সরে যেতে হবে। মাথার ভিতরে হাজারটা প্রশ্ন ঘুরঘুর করছে, সেগুলোর জবাবও খুঁজে বের করতে হবে। সাধারণ একজন রিপোর্টারের পিছনে দু'জন প্রফেশনাল খুনিকে কে পাঠাল? কেন পাঠাল? ম্যাসন নিজেই কিছু লুকাচ্ছে না তো?

পাহাড়ি ঢাল ধরে ক্যাম্পের উদ্দেশে ছুটতে শুরু করল রানা। খানিকক্ষণ দৌড়াতেই গরম হয়ে উঠল শরীর। পানি ঝারে গিয়ে ভেজা কাপড়ও হালকা হয়ে গেল। হাইপোথারমিয়ায় আক্রান্ত হবার ঝুঁকি কমল এর ফলে। ক্যাম্পে গিয়ে শুকনো পোশাক পরে

নিলেই নিশ্চিত।

মাইলখানেক যেতেই শুরু হলো তুষারপাত। হালকা নয়, ভারী! কয়েক মিনিটের মধ্যেই চারপাশ ঢেকে গেল তুষারের নতুন প্রলেপে, দৃষ্টিসীমাও হয়ে এল সংকুচিত। খুশি হলো রানা, ওর পায়ের ছাপ ঢাকা পড়ে যাচ্ছে। পথ হারাবার ভয়ও নেই। উপত্যকার পরিচিত অংশে পৌছে গেছে ইতিমধ্যে, ক্যাম্প পর্যন্ত বাকি পথটুকু চোখ বন্ধ করেও চলে যেতে পারবে।

দশ মিনিটের মধ্যে ঝর্ণার পারে পৌছে গেল রানা। পানির কিনার ধরে ক্যাম্পে পৌছুতে লাগল আর মাত্র দু'মিনিট। কাছাকাছি যেতেই লোবোর ডাক শুনল। লেজ নাড়তে নাড়তে ছুটে এসে ওকে অভ্যর্থনা জানাল কুকুরটা। ওটাকে আদর করে তাঁবুর সামনে গেল রানা। গলা চড়িয়ে ডাকল, ‘মি. ম্যাসন!’

ক্যাম্পের পাশের বড় একটা ঝোপ নড়ে উঠল, পাতার আড়াল থেকে উঁকি দিল সাংবাদিক। রানাকে দেখতে পেয়ে স্বন্তি ফুটল চেহারায়, বেরিয়ে এল ঝোপের পিছন থেকে। হাত থেকে নামিয়ে রাখল কুঠার।

‘আ... আপনি ঠিক আছেন তো?’ বলল সে। ‘গুলির আওয়াজ শুনেছি আমরা...’

‘সামান্য ফায়ারফাইট,’ হালকা গলায় বলল রানা। ‘ভয়ের কিছু নেই।’

‘তারমানে বিপদ কেটে গেছে?’

ম্যাসনের প্রশ্ন শেষ হতেই দূর থেকে আবছাভাবে ভেসে এল মোটরসাইকেলের আওয়াজ। হাল ছাড়েনি দ্বিতীয় খুনি।

চেহারা রুক্ষ হয়ে উঠল রানার। বলল, ‘না, বিপদ কাটেনি। এখনও আরেকজন রয়ে গেছে উপরে।’

রানার কাঁধে ঝুলতে থাকা ভাঙা রাইফেলের উপর দৃষ্টি আটকে গেল ম্যাসনের। ‘আপনার রাইফেলের কী হয়েছে?’

কাঁধ ঝাঁকাল রানা, অস্ত্রটা ফেলে দিল একপাশে। ‘ওটার কথা
ভুলে যান। অচল হয়ে গেছে।’

‘তা হলে কী করব আমরা? আত্মরক্ষা করব কীভাবে?’

‘এখান থেকে সরে গিয়ে,’ সংক্ষেপে বলল রানা।

তাঁবুতে ঢুকে পড়ল ও। দ্রুত পোশাক বদলাল। তারপর
একটা হ্যাভারস্যাকে উরতে শুরু করল দরকারি জিনিসপত্র। বাকি
সবকিছু এখানেই ফেলে যাবে।

‘আর কোনও বন্দুক-পিস্তল আছে আপনার কাছে?’ জানতে
চাইল ম্যাসন, পিছু পিছু সে-ও ঢুকেছে তাঁবুতে।

‘উহঁ।’

‘যোড়া নিয়ে পিছে ফেলা যাবে মোটরসাইকেলকে?’

এবারও নেতিবাচক জবাব দিল রানা।

‘হায় যিশু! আঁতকে উঠল ম্যাসন। ‘তা হলে কীভাবে...’

ব্যাগ গোছানো হয়ে গেছে রানার। ওটা পিঠে ঝুলিয়ে উঠে
দাঁড়াল। বলল, ‘আমার উপর আঙ্গা রাখুন। লড়াইয়ে যাব পাল্লা
ভারী হয়, সে সবসময় জেতে না।’

চেহারা দেখে মনে হলো না ম্যাসন কথাটা বিশ্বাস করেছে।

সাত

প্রতিশোধের নেশায় উন্মাদ হয়ে গেছে স্টেফান মিরিশেক্স। চোখে নাইটভিশন গগলস্ লাগিয়ে মোটরসাইকেল চালাচ্ছে সে, হেলাইট না জ্বলেই যাতে স্বচ্ছন্দে এগোতে পারে... আলো দেখে যেন সতর্ক না হতে পারে শিকার। কিন্তু ভারী তুষারপাতের কারণে দৃষ্টিসীমা সংকুচিত হয়ে গেছে তার, দশ ফুটের বেশি দৃষ্টি চলে না, সামনে সারাক্ষণ ঝুলছে যেন সবুজ কুয়াশার পর্দা।

সাবধানে এগোচ্ছে রাশান খুনি। ট্র্যাক অনুসরণ করতে খুব একটা কষ্ট হচ্ছে না। পরিত্যক্ত ক্যাম্প থেকে দক্ষিণদিকে যাচ্ছে প্রতিপক্ষ। দু'জন মানুষ, একটা ঘোড়া আর একটা কুকুর—তুষারে ফুটে আছে ওদের পায়ের ছাপ। মানুষদু'জন ঘোড়ার পিঠে চেপেছে, তবে জমিনের অবস্থা খারাপ হলে একজন নেমে যায়, পায়ে হেঁটে পেরোয় জায়গাটা, তারপর আবার ঘোড়ায় ওঠে। এখন পর্যন্ত কোনও সাইড ট্রেইল চোখে পড়েনি, তারমানে একসঙ্গেই আছে লোকদুটো। ভাল, দু'জনকে একসঙ্গেই পেতে চায় সে।

চেহারা ধৰ্মথর্মে হয়ে আছে স্টেফানের। এক ঘণ্টা আগে ওর ভাই মিখায়েলের দেহটা খুঁজে পেয়েছে সে—মৃত্যুবন্ধনায় ছটফট করতে থাকা অবস্থায়। এক দেখাতেই যা বোঝার বুঝে গেছে—ওকে বাঁচানোর কোনও উপায় নেই। মন শক্ত করে শুভ্র পিঞ্জর-১

মিখায়েলকে মুক্তি দিয়েছে সে, গুলি করে খুন করেছে আপন ভাইকে! তারপর ভাইয়ের রক্ত ছাঁয়ে শপথ নিয়েছে প্রতিশোধের। স্বেফ একটা মিশন নয়, এখন এটা প্রতিজ্ঞাপূরণের অভিযান। অচেনা শক্রকে হত্যা করবে সে, তার নাক-কান কেটে নিয়ে যাবে ভ্রাদিভস্তকে, পিতার হাতে সমর্পণ করবে সেগুলো মিখায়েলের মৃত্যু-সংবাদের সঙ্গে।

ধাওয়া করার সময় রাইফেলের ক্ষেপে পলকের জন্য শক্রের চেহারা দেখেছে স্টেফান। রক্ষ, তামাটে চামড়ার এক যুবক... আমেরিকান, বা স্থানীয় ইনুইট বলে মনে হয়নি। এখানে কোথেকে উদয় হলো কে জানে, কিন্তু ইতিমধ্যে নিজের যোগ্যতা প্রমাণ করেছে লোকটা। অবশ্য মিখায়েল ছিল লেপার্ড অপস্টিমের নতুন সদস্য, বড় ভাইয়ের চেয়ে দশ বছরের জুনিয়র। স্টেফানের মত অভিজ্ঞ ছিল না ও, আগুর-এস্টিমেট করে বসেছিল অচেনা ওই যুবককে। কিন্তু সেই একই ভুল করবে না স্টেফান। সবদিক গুছিয়ে তবেই চালাবে আক্রমণ, জ্যান্ত আটকাবে শয়তানটাকে। এমন কষ্ট দেবে, যাতে তার চিৎকার সুদূর রাশা থেকেও শুনতে পায় ওর বাবা।

ঘন জঙ্গলের মাঝে দিয়ে এগোচ্ছে এখন স্টেফান। লক্ষ করল, শিকারের ট্রেইল স্পষ্ট হয়ে উঠেছে। দক্ষ ট্র্যাকার সে, ট্রেইল বিশ্লেষণ করতে জানে। অনুমান করল, দূরত্ব কমে এসেছে ওদের মধ্যে। বড়জোর একশো মিটার দূরে আছে অশ্বারোহী লোকদুটো।

ঢাল বেয়ে ছেট একটা টিলার উপরে উঠে এল রাশান খুনি। নেমে পড়ল মোটরসাইকেল থেকে। রাইফেল পিঠে ঝোলানোই আছে, বাহনটার পাশে বাঁধা আরেকটা অস্ত্রও তুলে নিল হাতে। মোটরসাইকেলের প্রয়োজন ফুরিয়েছে, এবার পায়ে হেঁটে ধাওয়া করবে সে। সাইবেরিয়ার উপকূলে বড় হয়েছে স্টেফান; জানে, কোন্ কৌশলে হামলা চালালে বরফে ছাওয়া এই পরিবেশে

ঘায়েল করা যাবে শিকারকে ।

সবার আগে ভয় পাওয়াতে হবে ওদেরকে, ছড়িয়ে দিতে হবে তীব্র আতঙ্ক । আতঙ্কিত মানুষ ভুল করতে বাধ্য । নাইটভিশন গগলস খুলে ফেলল সে, ভারী অস্ত্রটা উঁচু করল । স্কোপে চোখ রেখে দেখল দূরত্ব আর এলিভেশন ইণ্ডিকেটর ।

সম্পৃষ্ট হয়ে ট্রিগার চাপল সে ।

ঠাণ্ডায় কাঁপছে গ্যারি ম্যাসন, পিছন থেকে আঁকড়ে ধরে রেখেছে রানাকে...একটুখানি উল্লাপ পাবার আশায় । খুব একটা কাজ হচ্ছে না তাতে, তবে রানার চওড়া পিঠ তাকে বর্মের মত বাঁচাচ্ছে হিমেল বায়ুপ্রবাহের আক্রমণ থেকে ।

‘একটা জিনিস আমার মাথায় ঢুকছে না,’ হঠাৎ বলল রানা, ‘এ-সবের পিছনে কারণটা কী? আপনি যে-কাজে যাচ্ছেন, সেটা ঠেকাতে চাইছে ওরা? নাকি আরও কিছু আছে এর মধ্যে?’

‘আ... আমি সত্যিই জানি না,’ কাঁপা গলায় বলল ম্যাসন । উলের ক্ষার্ফে মুখ ঢাকা থাকায় কথাটা অস্পষ্ট শোনাল ।

‘একটু ভেবে-চিন্তে দেখুন,’ রানা বলল । ‘হতে পারে আপনার কোনও পুরনো অ্যাসাইনমেন্টের সঙ্গে...’

‘আমার তা মনে হয় না । খুব সাধারণ একজন রিপোর্টার আমি, ডেক্ষ জব করি সিয়াটলে । নির্বাচনের ফলাফল, কিংবা বিভিন্ন দলের রাজনৈতিক বক্তব্যের উপর বিশ্লেষণধর্মী রিপোর্ট তৈরি করাটাই আমার একমাত্র দায়িত্ব । মনে হয় না ওসবের কারণে কেউ খুন করতে চাইবে আমাকে ।’

‘ডেক্ষ রিপোর্টার হলে আপনি ফিল্ডে কী করছেন?’ প্রশ্ন করল রানা ।

কাঁধ ঝাঁকাল ম্যাসন । ‘সম্পাদক প্রতিশোধ নিচ্ছে । ক’মাস আগে ওঁর ভাইবির সঙ্গে ডেটিঙে গিয়েছিলাম... বারণ শুনিনি ।

তাই বরফের রাজ্যে পাঠিয়ে একটা শিক্ষা দিতে চাইছেন আর কী। পাছিও... কোনও সন্দেহ নেই!

‘তারপরেও আপনি একজন পলিটিক্যাল রিপোর্টার, বিজ্ঞানের সঙ্গে কোনও সম্পর্ক নেই! একটা সায়েণ্টিফিক রিসার্চ স্টেশনের খবর কাভার করার জন্য আপনার মত একজন অনভিজ্ঞ লোককে পাঠালেন ভদ্রলোক? প্রতিশোধস্পৃহায়? এতটাই আন-প্রফেশনাল উনি?’

দীর্ঘশ্বাস ফেলল ম্যাসন। এই লোক দেখি নাহোড়বান্দা! কী আর করা, ব্যাখ্যা করল ব্যাপারটা। ‘এটা আসলে আন-অফিশিয়াল অ্যাসাইনমেন্ট। রিসার্চ স্টেশনের এক মেরিন বায়োলজিস্টের আত্মীয় কাজ করে আমাদের কাগজে। তাকে ওই বায়োলজিস্ট জানিয়েছে, বরফের গভীরে কী নাকি পেয়েছে ওরা। খুবই অদ্ভুত... এবং ইন্টারেস্টিং জিনিস! ডিটেইলস্ দিতে পারেনি, কারণ রিসার্চ স্টেশনে নিয়োজিত নেভির লোকেরা নাকি নিষেধাজ্ঞা জারি করেছে, ইনফরমেশন যাতে লিক না হয়...’

‘কিন্তু ওই বায়োলজিস্ট তো ঠিকই লিক করল!’

‘হ্যাঁ। কিন্তু ব্যাপারটা কতটা অধেনটিক, তা বোঝা যাচ্ছে না। আমাকে পাঠানো হয়েছে প্রাথমিক তদন্তের জন্য। প্রয়োজনে অভিজ্ঞ নিউজ ক্রু আসবে... তবে সেটা আমার রিপোর্টের ভিত্তিতে।’

‘মনে হচ্ছে সেই রিপোর্টটাই ঠেকাতে চাইছে কেউ,’ গল্পীর গলায় মন্তব্য করল রানা। তারপর চুপ হয়ে গেল।

স্বন্তির নিঃশ্বাস ফেলল ম্যাসন। যাক, আর আলাপ চালাতে হবে না। ঠাণ্ডায় যখন দাঁতের ঠোকাঠুকি চলছে, তখন কথা চালানো খুব মুশকিল... কষ্ট হয় খুব। ঢকিতের জন্য পিছনে তাকাল সে, তুষারপাতের কারণে কিছুই দৃষ্টিগোচর হচ্ছে না। শোনা যাচ্ছে না মোটরসাইকেলটারও আওয়াজ—হয়তো বা

বাতাসের শনশনানির কারণেই। তবে এ-ও হতে পারে, হাল ছেড়ে দিয়েছে খুনি। প্রাকৃতিক দুর্যোগ হয়তো দমিয়ে দিয়েছে তাকে। ভাবতে অসুবিধে কী?

রানাও খেয়াল করেছে ব্যাপারটা। রাশ টেনে ঘোড়াকে থামাল ও, রেকাবে ভর দিয়ে একটু উঁচু হলো, ঘাড় ফিরিয়ে নজর বোলাল পিছনে। তুষারপাত আর অঙ্ককার ভেদ করে কী যেন দেখতে চাইছে।

‘কী হয়েছে...’ কিছু বলতে যাচ্ছিল ম্যাসন, ঠিক তখনি বিদ্যুৎ খেলে গেল রানার শরীরে। আলোর ঝলকানি দেখতে পেয়েছে ও দূরে—মাজল ফ্ল্যাশ!

এক ধাক্কায় সাংবাদিককে জিন থেকে ফেলে দিল ও, একই সঙ্গে নিজেও বাঁপ দিল মাটিতে। নীচে পড়েই মুখ গুঁজে ফেলল তুষারে, হাত দিয়ে চেপে ধরল সঙ্গীকে।

‘মাথা নামান!’ চেঁচিয়ে উঠল ও।

পরমুহূর্তেই ধপ্ করে কী যেন একটা পড়ল ওদের থেকে খানিকটা দূরে। কয়েক সেকেণ্ড পরেই বিকট শব্দে ঘটল বিশ্বকারণ। দেখা গেল চোখ ধাঁধানো আলো, কানে তালা লেগে গেল বিকট আওয়াজে। ছিন্নভিন্ন ঝোপঝোড় আর মাটি ছিটকে গেল আকাশের দিকে।

উদ্ভেজিত ভঙ্গিতে গর্জন শুরু করল লোবো, ঘোড়াটা ও হতভয়, হ্রেষারব করে উঠল আতঙ্কে। দুটে পালাতে চাইছিল, কিন্তু এক লাফে উঠে দাঁড়িয়ে ওটাৰ লাগাম ধরে ফেলল রানা। ম্যাসন উঠে বসতে শুরু করেছে, টান দিয়ে তাকে দাঁড় করাল।

‘উঠুন... কুইক!’ ধমকে উঠল রানা।

‘ক... কী ছিল ওটা?’ তোতলাচ্ছে ম্যাসন।

‘গ্রেনেড... ব্যাটার কাছে গ্রেনেড লঞ্চার আছে!’ এক লাফে ঘোড়ার পিঠে চড়ে বসল রানা। টান দিয়ে তুলে নিল শুভ পিঞ্জর-১

সাংবাদিককেও। নির্দয়ের মত গোড়ালি দিয়ে খোঁচা দিল বাহনের পিঠে। চিৎ হিঁ হিঁ করে ডাক ছেড়ে ছুটতে শুরু করল ঘোড়া। লোবোও ছুটল পাশাপাশি।

মাথা এখনও বনবন করছে ম্যাসনের, কোনোমতে আঁকড়ে ধরল রানাকে। বোকা বোকা গলায় জানতে চাইল, ‘হচ্ছেটা কী?’

‘আমাদের খুব কাছে চলে এসেছে লোকটা,’ রানা বলল। ‘অতর্কিত হামলা চালিয়েছিল... ওকে সে-সুযোগ আর দেয়া যাবে না।’

‘অতর্কিত হামলা! তা হলে গ্রেনেড ছুঁড়ল কেন?’

‘ভয় দেখানোর জন্য। ভেবেছে ভয় পেয়ে ঘোড়ার পিঠ থেকে নেমে যাব আমরা, আশ্রয়ের জন্য দু’জন দু’দিকে ছুটব। একে একে আমাদেরকে ঘায়েল করতে সুবিধে হবে সেক্ষেত্রে।’

‘ভাগিয়স আপনি ছিলেন!’ শুকনো গলায় বলল ম্যাসন। ‘আমি সত্যই ছুট লাগাব ভাবছিলাম।’

রানা কিছু বলল না। ঘন জঙ্গলে পৌছে গেছে ওরা। পথটা দুর্গম। ঝোপঝাড় আর গায়ে গা লাগানো গাছপালার মাঝ দিয়ে পথ খুঁজে পাবার জন্য সামনের দিকে মনোযোগ দিতে হচ্ছে ওকে। এগোনোর গতি ক্রমেই মন্ত্র হয়ে এল। কিন্তু হাল ছাড়ল না ও, নির্দিষ্ট একটা দিক লক্ষ্য করে এগোচ্ছে।

‘বিশেষ কোথাও যাচ্ছেন আপনি?’ জিজ্ঞেস করল ম্যাসন।

‘হ্যাঁ,’ বলল রানা। ‘পুরনো এক বন্দুর খোঁজে।’

ট্রেইল ধরে এগোচ্ছে স্টেফান। সর্বাঙ্গ সাদা রঙের পোশাকে ঢাকা—পোলার এরিয়ার আদর্শ ক্যামোফ্লাজ। অবশ্য এ-মুহূর্তে নাইট-ভিশন গগলসের কারণে সবকিছু সবুজ দেখাচ্ছে তার চোখে। একটু থেমে হাঁটু গেড়ে বসল, দেখল ঘোড়ার ট্র্যাক। বাঁয়ে মোড় নিয়েছে শিকার—সম্ভবত গ্রেনেড বিস্ফোরণে ভয়

পেয়েছে, সোজা পথে এগোবার সাহস পায়নি। দু'জন দু'দিকে যায়নি দেখে একটু হতাশ হলো, তবে এটাও একেবাবে মন্দ না। অচেনা পথে, ঘন জঙ্গলে ঘুরপাক খাবে শক্র; আড়াল থেকে কায়দামত হামলা চালালে পালাবার উপায় থাকবে না তাদের।

দিক পাল্টে দ্রুত এবং নিঃশব্দে এগোতে শুরু করল স্টেফান। মাত্তুমির পাহাড়ি এলাকায় নেকড়ে শিকারের অভিজ্ঞতা আছে তার, জানে কীভাবে শব্দ না করে জঙ্গলের ভিতর দিয়ে চলাফেরো করা যায়, কীভাবে ন্যাচারাল কাভার ব্যবহার করে নিজেকে অদৃশ্য করে ফেলা যায়। এর সঙ্গে স্পেশাল ফোর্সের ট্রেইনিং মিলিয়ে ভয়ঙ্কর এক খুনিতে পরিণত হয়েছে সে।

গ্রেনেড লঞ্চারটা রেখে এসেছে স্টেফান, ওটার আর দরকার নেই কোনও। সঙ্গে রাইফেল আছে... আর আছে নিজের প্রিয় হাণ্টিং নাইফ। দুই শক্রকে ঘায়েল করার জন্য এগুলোই যথেষ্ট। ছুরিটা নির্দিষ্ট করে রেখেছে ভাইয়ের খুনি বেয়াড়া যুবকটির জন্য। ওর জন্য নিজেকেও কম ভোগান্তি পোহাতে হচ্ছে না। দেখতে দেখতে জটিল হয়ে উঠেছে সাধারণ একটা অপারেশন। লোকটাকে হাতে পেলে জ্যান্ত তার চামড়া ছাড়াবে বলে পণ করেছে স্টেফান।

পদব্রজে রওনা হবার আগে নিজের কট্টোলারের সঙ্গে রেডিওতে কথা বলে এসেছে রাশান খুনি, পরিষ্ঠিতির খবর দিয়েছে। তুষারঝড়ের মধ্যে রি-এনফোর্সমেন্ট পাঠানো সম্ভব নয় বলে জানানো হয়েছে তাকে, সে-ও বলেছে তার দরকার নেই। এখন এটা তার একার যুদ্ধ... প্রতিশোধ নেবার যুদ্ধ। আজ রাতের মধ্যেই দুই শিকারকে ঘায়েল করবে সে। আগামীকাল সকালের জন্য ইভ্যাকুয়েশন প্ল্যান ঠিক করে এসেছে।

সাইড ট্রেইল ধরে সতর্কভাবে এগিয়ে চলল স্টেফান। পায়ের ছাপ বলছে, উর্ধবশাসে ছুটেছে ঘোড়াটা। তারমানে ভালমতই ভয় শুভ পিঞ্জর-১

দেখানো গেছে শক্রদেরকে। খুশি হয়ে উঠল সে। সিকি মাইল যেতেই দেখা গেল একটা এবড়ো-খেবড়ো জমি, কয়েক জায়গায় বরফ সরে গিয়ে বেরিয়ে এসেছে পাথরের গা। ঘোড়াটা নিঃসন্দেহে পিছল খেয়েছে এ-জায়গা পাড়ি দিতে গিয়ে। জখম হলে, বা পা ভাঙলে তো কথাই নেই! আরেকটা সুসংবাদ!

কিছুদূর সামনে যেতেই চোখে পড়ল পায়ের ছাপ। এবড়ো-খেবড়ো ভূমির কারণে একজন আরোহী নেমে যেতে বাধ্য হয়েছে ঘোড়ার পিঠ থেকে, হেঁটে এগিয়েছে সামনে। ছাপগুলো একেবারে তাজা—বড়জোর পাঁচ থেকে দশ মিনিটের পূরনো। হাঁটতে হাঁটতে শব্দ করে নাক টানল স্টেফান। বিছিরি একটা গন্ধ পাচ্ছে, মনে হচ্ছে বড় কোনও জানোয়ার মরে পচে আছে ধারেকাছে। ব্যাপারটা নিয়ে মাথা ঘামাল না সে, জঙ্গলে পশুপাখির মৃত্যু নিত্য-নৈমিত্তিক ঘটনা। তার সমস্ত চিন্তা-চেতনা এখন সামনের দুই শিকারকে ঘিরে।

গগলসের লেসের পাশের একটা সুইচ টিপল স্টেফান—নাইটভিশন থেকে ইনফ্রারেড মোডে নিয়ে এল ওটাকে। আশা করছে হিট সিগনেচার দেখতে পাবে দুই শক্র। সবুজ আভা সরে গিয়ে ঘনঘোর কালোয় নিমজ্জিত হলো চোখের সামনের পৃথিবী। কালো এই পটভূমিতে কমলা এবং হলুন রঙে ফুটে ওঠার কথা মানুষ বা যে-কোনও প্রাণীর অবয়ব—শরীরের ভিতরের তাপের কারণে। চারদিকে দৃষ্টি বোলাল ঝাশান খুনি। ভাল আবহাওয়ায় ওর ইনফ্রারেড ভিশনের রেঞ্জ একশো পজ। তুষারপাত এবং ঠাণ্ডা আবহাওয়ার কারণে রেঞ্জ এখন অর্ধেকে নেমে এসেছে বলে ধরে নিল। ছোট ছোট কয়েকটা ফুটকি চোখে পড়ল তার, সন্দেহে রেঞ্জের একেবারে শেষ সীমায় রয়েছে তাপের ওই উৎস।

সন্তুষ্ট হয়ে আবার নাইটভিশনে সুইচ করল স্টেফান। ট্র্যাক

অনুসরণ করবার আর দরকার নেই, যেদিকে হিট সোর্স দেখেছে, সরাসরি সেদিকে এগোল। প্রায় ছুটে চলেছে, শিকারকে আর সময় দিতে চায় না। তাড়াছড়ো করতে গিয়েই ভুলটা করল। পথের মাঝখানে টান টান করে বাঁধা ছিল একটা সাদা রঙের সরু সুতো, ওটা দেখতে পেল না সে। পায়ে বেধে যখন টান খেলো ওটা, টের পেল তখন।

বুবি ট্র্যাপ!

ডাইভ দিল স্টেফান, কিন্তু রিফ্লেক্টা যথেষ্ট দ্রুত হলো না... মাথার উপর থেকে সোজা ওর দিকে নেমে এল একটা প্লাস্টিকের পাত্র, বাড়ি খেয়ে উল্টে গেল, সারা গায়ে ছড়িয়ে দিল ভিতরের তরল পদার্থ। একটা ঝোপের পিছনে হৃমড়ি খেয়ে পড়ল সে। মাটিতে মুখ গুঁজে অপেক্ষা করল বিস্ফোরণের... কিংবা ছুটে আসা ছুরি-বর্ণার।

কয়েকটা সেকেণ্ট কেটে গেল নিখরভাবে, ঘটল না কিছু। বিশ্বিত হয়ে উঠে বসল স্টেফান। আর তখনি নাকে ভেসে এল বিদ্যুটে গন্ধটা। একটু আগে আবহাভাবে পেয়েছিল... এখন ওটা ভীষণ তীব্র। কোথেকে আসছে, তা বুঝতেও অসুবিধে হলো না। ওর গায়ে ছড়িয়ে পড়া তরলটা থেকে। আঙুল ছেঁয়াল স্টেফান, গগলস্ খুলে চোখের সামনে আনল হাত।

চট্টচট্টে রক্ত লেগে আছে আঙুলে—না, ওর নিজের রক্ত নয়। শুধু রক্তও না ওটা, সঙ্গে পচা-গলা মাংসও মেশানো হয়েছে বোধহয়, উৎকট দুর্গমে নাড়িভুঁড়ি পাক খেয়ে উঠল তার। কিছুতেই নিজেকে নিয়ন্ত্রণ করতে পারল না, কুঁজো হয়ে বর্মি করে ফেলল। পেট খালি হয়ে যেতেই ভাল বোধ করল, দাঁতে দাঁত পিয়ে সহ্য করে নিল গন্ধটা।

বোকার দল, মনে মনে ভাবল রাশান খুনি, ভেবেছে এই গন্ধ দিয়ে ঠেকাতে পারবে তাকে? মানব বর্জ্য, পচা আর্বজনা, এমনকী ৬-শত পিঞ্জর-১

টিয়ার গ্যাস সহ্য করে যুদ্ধ চালাবার ট্রেইনিং দেয়া হয়েছে তাকে। আক্রমণ বরং আরও বাড়ল তার। এর ফলাফল হাতেনাতে টের পাবে দুই শক্র। দলা করে থুতু ফেলল স্টেফান। আবার পরে নিল গগলস্। ইন্ফ্রারেড অন করে খুঁজল শিকারদেরকে।

হঠাৎ থমকে গেল সে। লালচে একটা অবয়ব ফুটে উঠেছে চোখের সামনে। অনেক বড় এবং উজ্জ্বল। আন্দাজ করল, বুবি ট্র্যাপ পেতে দু'দিকে চলে গেছে শক্ররা। ভেবেছে ওকে বোকা বানাতে পারবে। এত সহজ নয়। রাইফেল বাগিয়ে লালচে অবয়বটার দিকে এগোতে শুরু করল সে।

কিছুটা গিয়েই দাঁড়িয়ে গেল স্টেফান। অবয়বটা বড় হতে শুরু করেছে... তারমানে এগিয়ে আসছে ওর-ই দিকে। দেখতে দেখতে স্কোপের সীমা ছাড়িয়ে গেল। এখন ওর চোখে শুধুই কমলা আর হলুদ আভা খেলা করছে। অনেক বড় একটা আকৃতি, একজন মাত্র মানুষ হতেই পারে না। বিভ্রান্ত বোধ করল সে, কী ওটা? দু'জন মানুষ? ঘোড়ার পিঠে বসা? হতে পারে ওকে বুবি ট্র্যাপে ঘায়েল ভেবে বন্দি করতে আসছে।

ভাবনাটা শেষ হতে না হতেই মাথার ভিতরে বেজে উঠল বিপদঘন্টা। পাঁই করে ঘুরল স্টেফান। পিছন থেকে আরেকটা আকৃতি এগিয়ে আসছে! বাঁয়ে তাকাল... ওদিকেও দেখা যাচ্ছে দুটো আকৃতি।

হতভম্ব হয়ে গেল খুনি। মানে কী এর?

গায়ে উৎকট দুর্গন্ধি নিয়ে কিংকর্তব্যবিমৃঢ় হয়ে দাঁড়িয়ে রইল সে। ধীরে ধীরে বাড়ছে আকৃতিগুলোর সংখ্যা, এখন দাঁড়িয়েছে সাতটায়! হিট সিগনেচার বড় বিশাল, মানুষ বা ঘোড়ার হতে পারে না। চারদিক থেকে ওকে ঘিরে ফেলছে ওগুলো। আচমকা মাথা পরিষ্কার হয়ে গেল স্টেফানের, বুঝতে পারল কী দেখছে।

ভালুক... বিশালদেহী গ্রিজলি ভালুক ওগুলো!

গোঙানির মত বেরিয়ে এল রাশান খুনির গলা দিয়ে। ফাঁদের শ্বরপ বুঝতে পারছে। টোপ বানানো হয়েছে তাকে... ভালুকের টোপ! গায়ের গন্ধালা তরলটাই টেনে আনছে ভয়ঙ্কর প্রাণীগুলোকে। রক্ত আর পচা দেহাবশেষ মিলিয়ে এ-ধরনের টোপ তৈরি করে ইন্দুইট ভালুক-শিকারিঠা, শিকারকে টেনে আনে সুবিধেজনক জায়গায়... অনেকদিন আগে পড়েছিল সে। এই প্রথমবারের মত দেখতে পাচ্ছে জিনিসটার কার্যকারিতা। সম্ভবত এটা শেষবারও হতে চলেছে।

ঝটপট রাইফেল নামিয়ে রেখে গগলস্ খুলে ফেলল স্তেফান। তারপর ত্রুট হাতে খুলতে শুরু করল গায়ের ইউনিফর্ম। জানে, শীতবন্ধ ছাড়া হাইপোথারমিয়ায় জমে মরবে... কিন্তু খুব শীঘ্র যা ঘটতে চলেছে, তারচেয়ে অনেক ভাল পরিণতি ওটা।

বেচারা তার মনের খায়েশ মেটাতে পারল না। পারকা খোলার সঙ্গে সঙ্গে গায়ের উপর ঝাঁপিয়ে পড়ল হিমেল বাতাস, হাড়সুন্দ কেঁপে উঠল তাতে। আড়ষ্ট হয়ে যেতে চাইল উর্ধ্বাদের সবক'টা জয়েন্ট। কাঁপতে থাকা হাতে বাকি পোশাক খোলা প্রায় অসম্ভব হয়ে পড়ল। পারকা খুলেও খুব লাভ হয়নি, হাতে মাখামাখি হয়ে গেছে রক্তের মিশ্রণটা।

প্যাটের যিপারে মাত্র হাত দিয়েছে, এমন সময় খুশ কাছ থেকে ভেসে এল চাপা গরগরানি। চমকে উঠল স্তেফান, আতঙ্কে সাদা হয়ে গেছে মুখ। স্বাভাবিক বিচারবুদ্ধি হারাল, মাটি থেকে ছেঁ মেরে তুলে নিল রাইফেল, শব্দের উৎস লক্ষ্য করে গুলি চালাল।

মৌমাছির ঢাকে যেন ঢিল পড়ল। চারপাশ থেকে একযোগে হক্কার ছাড়ল হিংস্র ভালুকের দল। ঝোপঝাড় আর গাছের ডালপালা ভেঙে ছুটে আসতে শুরু করল শিকারের দিকে। উদ্ভ্রান্তের মত এদিক-ওদিক ঘুরল স্তেফান, অঙ্কের মত গুলি শুভ পিঞ্জর-১

ছুঁড়ল সবদিকে। অযথাই।

হঠাৎ ছায়া থেকে কালো একটা আকৃতি ঝাঁপ দিল তাকে
লক্ষ্য করে। ধাক্কা খেয়ে মাটিতে পড়ে গেল সে। পরমুহূর্তে আরও
কয়েকটা ভালুক বেরিয়ে এল আড়াল থেকে। পড়ে থাকা মানুষটার
উপর দাঁতমুখ খিঁচিয়ে ঝাঁপিয়ে পড়ল প্রাণীগুলো।

আকাশ-বাতাস কেঁপে উঠল স্তেফানের মরণ-চিৎকারে!

ঘোড়ার লাগাম ধরে ছোট একটা টিলার উপর দাঁড়িয়ে আছে রানা,
রাশান খুনির আর্তনাদ শুনছে নির্বিকার ভঙ্গিতে। পাথরের মত
মুখে কোনও অভিব্যক্তি ফুটছে না। ওর পাশে দাঁড়িয়ে আছে
ম্যাসনও, চেহারা ফ্যাকাসে হয়ে আছে। বিস্মিত চোখে দেখছে
রানাকে—এমন পরিস্থিতিতে কাউকে এত শান্ত থাকতে দেখেনি
সে আগে।

ধীরে ধীরে স্থিমিত হয়ে এল রাশান খুনির কর্ত। পুরোপুরি
থেমে যাওয়ার পরেও মনে হলো বাতাসে ভাসছে তার রেশ।
এবার রানার চেহারায় কী যেন ফুটল। অনুশোচনা? ভুক
কঁচকাল ম্যাসন। যেন নৃশংস ওই খুনির মৃত্যুর জন্য দফ্ন হচ্ছে
অন্তুত যুবকটি।

গলা খাঁকারি দিল সাংবাদিক। জিজ্ঞেস করল, ‘আপনার কাছে
ওই রক্তের টোপ এল কোথেকে?’

নড়ল রানা। ঘাড় ফিরিয়ে বলল, ‘ইন্টার্ট এক ভদ্রলোক
দিয়েছেন। এই এলাকা প্রিজলি ভালুকের রাজত্ব, বিপদে পড়লে
যাতে জানোয়ারগুলোর মনোযোগ অন্যদিকে ফেরাতে পারি,
সেজন্যে হাইকিঙে আসার সময় একটা বোতল দিয়েছিলেন
আমাকে। এভাবে কাজে লাগাতে হবে, তা অবশ্য ভাবিনি।’

‘ভা... ভালুকের রাজত্ব?’ দৃষ্টি বিস্ফারিত হয়ে গেল ম্যাসনের।
‘আপনি জেনে-শনে এদিকে এসেছেন? যদি আমাদেরকেই

আক্রমণ করে বসত?’

‘দুর্যোগপূর্ণ আবহাওয়া... তার ওপর রাতের বেলা,’ বলল
রানা। ‘অথবা আমাদের উপর হামলা করার কোনও কারণ
দেখতে পাইনি। টোপটা ব্যবহার না করলে আড়াল থেকেই
বেরত না ভালুকগুলো।’

‘সত্যি করে বলুন তো, আপনি কে?’ গন্ধীর গলায় জানতে
চাইল ম্যাসন। ‘যেভাবে সামাল দিলেন বিপদটা... যেভাবে ফাঁদ
পাতলেন... মনে তো হচ্ছে মিলিটারি ব্যাকগ্রাউণ্ড আছে আপনার!’

‘তেমন কিছু না,’ হালকা গলায় বলল রানা, ‘আমি বাংলাদেশ
আর্মির রিটায়ার্ড মেজের।’

‘বাংলাদেশি! এখানে কী করছেন?’

‘বেড়াতে এসেছি। বলেছি তো আপনাকে!’ ঘুরল রানা। ‘আর
কথা নয়, চলুন কেটে পড়ি এখান থেকে। নতুন কোনও বিপদ
দেখা দেবার আগেই।’

ঘোড়ার পিঠে আর চড়ল না ওরা, ঢাল ধরে হাঁটতে শুরু
করল। আলাপ জমানোর চেষ্টা করে ক্ষান্ত দিল ম্যাসন, রানা থম
মেরে গেছে। মাথায় চিন্তার বাড়। বোঝার চেষ্টা করছে, দুই খুনি
কে ছিল... কেনই বা খুন করতে চাইছিল ওদেরকে। ইন্টারোগেট
করা গেলে ভাল হতো, কিন্তু তেমন কোনও সুযোগই তো পাওয়া
গেল না! একটা ব্যাপার শুধু পরিষ্কার, উচুমানের প্রফেশনাল লোক
ছিল ওরা—মিলিটারি ব্যাকগ্রাউণ্ডের। নিয়মিত সৈনিক, নাকি
ভাড়াটে মার্সেনারি?

প্রথম খুনির ছুরিটা বের করল রানা, পেনলাইট জ্বলে হাঁটতে
হাঁটতে পরখ করল অস্ত্রটা। কোনও ইনসিগনিয়া বা প্রস্তুতকারকের
নাম নেই। ডিজাইনটাও ইউনিক বলা যাবে না। মনে হচ্ছে
ইচ্ছাকৃতভাবে সব সরিয়ে ফেলা হয়েছে, যাতে ছুরিটা কোথেকে
এসেছে সেটা বের করতে না পারে কেউ। খুনিদের আগ্রেয়ান্ত্র
শুভ পিঞ্জর-১

পরীক্ষা করলেও হয়তো একই জিনিস দেখত। এর অর্থ বুঝতে কষ্ট হলো না ওর। শুধু এক ধরনের মানুষই বিশেষত্বীন এ-সব অন্ত্র ব্যবহার করে।

ব্ল্যাক অপসের লোক!

ম্যাসনের গন্তব্যের কথা ভাবল রানা। নেভির লোকজন ওখানে নিষেধাজ্ঞা জারি করেছে, কোনও খবর পাচার হতে দিচ্ছে না। এর সঙ্গে ব্ল্যাক অপসের যোগাযোগ একেবারে অসম্ভব কিছু নয়। ওখানে কী ঘটছে না ঘটছে, তা ধামাচাপা দিতে চাইছে কেউ। আমেরিকান সরকার? সেটাও অবিশ্বাস্য নয়। গোপন আবিষ্কারের খবর লুকানোর জন্য দু'চারজন নিরীহ মানুষ খুন করা আমেরিকানদের জন্য নতুন কিছু নয়। রানা নিজেই বহুবার প্রত্যক্ষ করেছে এ-ধরনের ঘটনা।

ধীরে ধীরে কৌতূহলী হয়ে উঠছে ও। ব্যাপারটায় নাক গলাবে কি না ভাবছে।

'কোথায় যাচ্ছি আমরা?' ম্যাসনের প্রশ্ন শনে সংবিধি ফিরে পেল রানা।

ঘাড় ফেরাল ও। হাসিমুখে বলল, 'ইন্দুইট সেই ভদ্রলোকের বাড়িতে। ওঁকে ধন্যবাদ জানানো প্রয়োজন, কী বলেন?'

আট

অপরূপা সুন্দরী বলতে যা বোঝায়, ঠিক তা বলা যাবে না অ্যাবি ম্যানিটক-কে। ইন্দুইট মেয়েরা অত সুন্দরী হয় না। অ্যাবি অবশ্য

পুরোপুরি ইন্দুইট নয়, আমেরিকান রক্তও বইছে তার শরীরে...
মায়ের দিক থেকে। বিশ্বসুন্দরী হবার মত রূপ না থাকলেও
অদ্ভুত এক মাধুর্য আছে তার চেহারায়, যার কারণে যে-কোনও
পুরুষের দৃষ্টি চুম্বকের মত আটকে যায় ওর দিকে। বেশ লম্বা
মেয়ে ও, এবং মেয়েই বটে। তার চুল কালো মখমল। ব্রোঞ্জ রঙে
মসৃণ তুক। চামড়ায় কোনও ভাঁজ বা দাগ নেই, রোদ লেগে
কোনও ছাপ পড়েনি। লম্বা আর একহারা হলেও, তার ব্লাউজের
সামনের দিক ও জিন্স প্যাণ্টের পিছন দিক বেশ ভারী ও ভরাট।
তবে ওসব জায়গায় তাকাবার সাহস হবে না কারও, হাত দেবার
তো প্রশঁস্ত ওঠে না, নির্ধাত মার খেয়ে ভূত হয়ে যাবে। রীতিমত
মারকুটে ও দুঃসাহসী স্বভাবের মেয়ে এই অ্যাবি। এ-কারণেই
পুরুষশাসিত সমাজে বাস করেও এলাকার শেরিফ হতে পেরেছে
সে নিজ যোগ্যতায়।

আজ রোববার, সান্তাহিক ছুটির দিন। অফিসে যায়নি অ্যাবি,
ঘুম থেকে উঠেছে বেশ দেরিতে—সাড়ে দশটায়। হাতমুখ ধুয়ে
ব্রেকফাস্ট করেছে, তারপর একটা কফির মগ নিয়ে বেরিয়ে
এসেছে বাড়ির বারান্দায়। আয়েশ করে ওতে চুমুক দিতে দিতে
চোখ বোলাচ্ছে বাইরে। বাড়ির চারপাশে অবারিত
প্রকৃতি—তুষারে ঢাকা প্রান্তর আর গাছপালার সারি। জমির
সীমানা বলতে কিছু নেই... এই এলাকায় সীমানা নির্ধারণের
প্রয়োজন পড়ে না। সীমা বলে যদি কিছু থেকে থাকে, সেটা
বাড়ির একপাশ দিয়ে বয়ে যাওয়া চওড়া নদী। ছোট একটা ডক
আছে নদীতীরে, সেটার সঙ্গে বেঁধে রাখা হয়েছে একটা টুইন
অটার ফ্লোটপ্লেন—বরফ বা পানি, দু'জায়গাতেই ল্যাঙ করতে
পারে। শেরিফস্ডিপার্টমেন্টের সম্পত্তি।

আপন চিন্তায় ডুবে গিয়েছিল অ্যাবি, হঠাৎ চোখের কোণে
নড়াচড়া ধরা পড়ায় মাথা তুলে তাকাল। বনের ভিতর থেকে
শুন্ম পিঞ্জর-১

বেরিয়ে এসেছে একটা চতুর্ষপদ প্রাণী। অভ্যাসবশত কোমরের হোলস্টারে হাত চলে গেল, আঁকড়ে ধরল পিস্তলের বাট—আশপাশে নেকড়ের উৎপাত আছে, খাবারের সন্ধানে যখন-তখন হাজির হয় জানোয়ারগুলো। কয়েক মুহূর্ত পরেই অবশ্য চিল দিল মুঠোয়, প্রাণীটাকে চিনতে পেরেছে।

‘লোবো!’ প্রায় চেঁচিয়ে উঠল অ্যাবি।

ছুটে এল কুকুরটা, ওর পায়ে গা ঘষল। অ্যাবিও হাত বুলিয়ে দিল লোবোর মাথায়, তারপর তাকাল আবার বনের সীমানায়। হ্যাঁ, ঘোড়ার লাগাম ধরে বেরিয়ে আসছে রানা। একটু অবাক হলো সঙ্গে আরেকজনকে দেখতে পেয়ে।

পিছনে পায়ের শব্দ হলো, লোবোর ডাক শুনে বারান্দায় বেরিয়ে এসেছেন এক পক্ষুকেশ বৃন্দ—রিচার্ড ম্যানিটক, অ্যাবির পিতা। খাঁটি ইনুইট, ঘাটের কাছাকাছি বয়স, কিন্তু শরীর-স্বাস্থ্য এখনও টন্টনে।

‘রানা এল নাকি?’ জিজ্ঞেস করলেন তিনি।

‘হ্যাঁ,’ অ্যাবি বলল। ‘সঙ্গে আরেকজনকে নিয়ে এসেছে।’

‘কে?’

‘জানি না। আসুক, জানা যাবে।’

কয়েক মিনিট পরেই পৌছুল রানা, সিঁড়ি ভেঙে ঝাল্লি পায়ে উঠে এল বারান্দায়।

‘হাই, অ্যাবি! ’

‘এ কী অবস্থা তোমার!’ বিস্মিত গলায় বলল অ্যাবি। দ্রুত চোখ বোলাল ওর উপরে। ‘চেহারা-সুরত দেখে তো মনে হচ্ছে ঝড় বয়ে গেছে তোমাদের উপর দিয়ে! ইনিই বা কে?’

‘গ্যারি ম্যাসন, ম্যাম,’ নিজেই মুখ খুলল ম্যাসন। ‘সিয়াটল টাইমসের রিপোর্টার। ডেডহর্সে ঘাচ্ছিলাম, পথে প্লেন ক্র্যাশ করেছে আমার। পাইলট সঙ্গে সঙ্গে মারা গেছে। আমিও

মরতাম... যদি না মি. রানা উদ্ধার করতেন।'

'দুঃখজনক,' সহানুভূতির সুরে বলল অ্যাবি। 'আমি অ্যাবি ম্যানিটক, এই এলাকার শেরিফ।' ইশারায় পিতাকে দেখাল। 'ইনি আমার বাবা... রিচার্ড ম্যানিটক। পুরুষ, আসুন।'

'ক্র্যাশ তো করেছেন উনি! তোমার এ-অবস্থা কেন?' ভুরু
কুঁচকে রানাকে জিজ্ঞেস করলেন রিচার্ড।

'বলব সবই,' দীর্ঘশ্বাস ফেলল রানা। 'আগে একটু জিরিয়ে
নিই? শরীর আর চলছে না। রাতভর হেঁটেছি আমরা, একটুও
বিশ্রাম নিইনি।'

'ওদেরকে ভিতরে নিয়ে যা, অ্যাবি,' রিচার্ড বললেন। 'আমি
ঘোড়াটা কোরালে রেখে আসছি। দানাপানিও দিতে হবে ওকে।'
বারান্দা থেকে নেমে গেলেন রিচার্ড। লোবোও গেল তাঁর পিছু
পিছু।

বাড়ির ভিতরে রানা আর ম্যাসনকে নিয়ে গেল অ্যাবি, বসতে
দিল লিভিং রুমে। কৌতুহল নিয়ে চারপাশে চোখ বোলাল
সাংবাদিক। স্থানীয় ইনুইট পরিবারের আবাস এমন হবে, আশা
করেনি। লিভিংরুমটাই বলে দিচ্ছে, ম্যানিটকরা কুঁড়েঘরে থাকা
আদিবাসী নয়, রীতিমত শিক্ষিত ও আধুনিক মানুষ। রুচিশীলও
বটে, পুরনো ঐতিহ্য পুরোপুরি ত্যাগ করেনি।

পুরো বাড়ি কাঠের ভারী গুঁড়ি দিয়ে তৈরি। মাথার উপর
দিয়ে চলে গেছে মোটা বিম। সেখান থেকে ঝুলছে ইনুইটদের
স্থানীয় তেলের বাতি। ইলেক্ট্রিসিটি আছে বাড়িতে, তবে তার
জন্য জেনারেটর চালাতে হয়। আপাতত ওটা বন্ধ, তাই তেলের
বাতি জ্বলেই আলোর ব্যবস্থা করা হয়েছে। কামরার একপ্রান্তে
রয়েছে রিভারস্টেন দিয়ে বানানো একটা ফায়ারপ্লেস,
আরামদায়ক তাপ ছড়াচ্ছে। ক্যারিবু হাইড আর স্প্রিংসের তঙ্গ
দিয়ে বানানো হয়েছে সবকটা আসবাবপত্র। পায়ের তলায়
শুভ্র পিঞ্জর-১

ভালুকের চামড়ার কাপেট। সুন্দর করে সাজিয়ে রাখা হয়েছে বেশ কিছু নেটিভ আর্টওয়ার্ক ও আর্টিফ্যান্ট। ছোট একটা টোটেম পোল আছে, সেইসঙ্গে কাঠ খোদাই করে বানানো এক ইনুইট দেবতার মূর্তি; স্থানীয় মুখোশও আছে। দেয়ালে শোভা পাচ্ছে পেইণ্টিং আর ফ্রেমে বাঁধানো বেশ কিছু ফটোগ্রাফ।

অ্যাবি জিজ্ঞেস করল, ‘ব্রেকফাস্ট দেব তোমাদেরকে? নিষ্ঠয়ই কিছু খাওনি?’

‘আগে কফি দাও,’ জ্যাকেট খুলতে খুলতে বলল রানা। ‘ঠাণ্ডায় শরীর জমে বরফ হয়ে গেছে।’

‘সবই দিচ্ছি। একটু অপেক্ষা করো।’

ফায়ারপ্লেসের আগুন একটু উসকে দিল অ্যাবি। তারপর চলে গেল কিচেনে। ম্যাসনের দিকে ফিরে রানা বলল, ‘আপনার চেহারা দেখে মনে হচ্ছে বেশ অবাক হয়েছেন।’

‘কী! না, না!’ তাড়াতাড়ি বলল ম্যাসন। ‘আপনি ইনুইট-ইনুইট করছিলেন তো, ভেবেছিলাম স্থানীয় কোনও গ্রাম-ট্রামে নিয়ে যাবেন। এ-রকম একটা বাড়িতে নিয়ে আসবেন, তা আশা করিনি।’

‘রিচার্ড ম্যানিটক গ্রাম ছেড়েছেন বলদিন আগে,’ রানা বলল। ‘পরিবেশবিদ হিসেবে কাজ করেছেন আমেরিকার বিভিন্ন জায়গায়। রিটায়ার করার পর আবার ফিরে এসেছেন নিজের এলাকায়।’

‘মেয়েকেও নিয়ে এসেছেন?’

সঙ্গত কৌতৃহল। আলাক্ষার নির্জন এলাকায় অ্যাবির মত মেয়ে শেরিফ হয়েছে কেন, এ-প্রশ্ন জাগতেই পারে যে-কারও মনে। একটু ইতস্তত করল রানা। পুরো ইতিহাস জানা আছে ওর, রিচার্ডের মুখেই শুনেছে। অল্প বয়সে বিয়ে করেছিল অ্যাবি, একটা ছেলেও হয়েছিল ওর। বিয়ের পাঁচ বছরের মাথায়

সড়ক-দুর্ঘটনায় স্বামীকে হারায় বেচারি, এর কিছুদিন পরেই
বাচ্চার শরীরে পাওয়া যায় লিউকেমিয়া। ছয় বছর বয়সে সে-ও
মারা গেছে। জগৎ-সংসারের প্রতি সমস্ত আগ্রহ হারিয়েছে অ্যাবি
সেই থেকে, ফিরে এসেছে বাবার কাছে। এখন ওর
স্বভাব-চরিত্রে যে-রূপ্ত্বতা দেখা যায়, তা জীবনের কষাঘাত
থেকেই এসেছে।

এ-সব কথা ম্যাসনকে শোনাবার ইচ্ছে হলো না, তাই রানা
বলল, ‘লম্বা ইতিহাস। পরে কখনও নাহয় শুনবেন।’

কফির মগ নিয়ে ফিরে এল অ্যাবি, তুলে দিল রানা আর
ম্যাসনের হাতে। মুখোমুখি একটা চেয়ারে বসে বলল, ‘কিছু মনে
করবেন না, মি. ম্যাসন। শেরিফ হিসেবে প্লেন-ক্র্যাশের
ব্যাপারটা তদন্ত করতে হবে আমাকে। আপনার পাইলটের
লাশও উদ্ধার করতে হবে। কী ঘটেছিল, একটু খুলে বলবেন?
কীভাবে ঘটল দুর্ঘটনা?’

‘ওটা দুর্ঘটনা ছিল না,’ ম্যাসন মুখ খোলার আগেই বলল
রানা। ‘আমার ধারণা, ইচ্ছাকৃতভাবে ক্র্যাশ করানো হয়েছে
বিমানটা। সম্ভবত স্যাবোটাজ।’

‘স্যাবোটাজ!’ অ্যাবির কপালে ভাঁজ দেখা দিল। ‘এ-কথা
বলছ কেন?’

‘কারণ মি. ম্যাসনের বিমান ক্র্যাশ করার একটু পরেই
আরেকটা বিমান এসে হাজির হয় আকাশে। প্যারাজাম্প করে
দু’জন কমাণ্ডো নামে ওটা থেকে। বোমা মেরে বিমানের
ধ্বংসাবশেষ উড়িয়ে দিয়েছে ওরা, এরপর চেষ্টা করেছে
আমাদেরকে খুন করতে। কোনও প্রমাণ রাখতে চাইছিল না।
কোনোমতে প্রাণ নিয়ে পালিয়ে এসেছি আমরা।’

‘কমাণ্ডো?’ অবাক হয়ে গেল অ্যাবি। ‘কোথায় ওরা এখন?’

‘দুঃখিত, বেঁচে নেই একজনও। জঙ্গলে গেলে ওদের লাশ
শুন্ম পিঞ্জর-১

দেখতে পাবে।'

'সব খুলে বলো আমাকে।' থমথমে হয়ে উঠল অ্যাবির কষ্ট।

সংক্ষেপে পুরো ঘটনা খুলে বলল রানা, মাঝে মাঝে কথা জোগাল ম্যাসন। নেটবুকে সব টুকে নিল অ্যাবি। ওদের কাহিনি শেষ হলে একটা ম্যাপ নিয়ে এল—দাগ দিয়ে ক্র্যাশসাইট আর দুই খুনির লাশের অবস্থান ওটায় দেখিয়ে দিল রানা।

'ঘটনা খুব সিরিয়াস,' অ্যাবি বলল। 'এ-কেস তদন্ত করার মত যথেষ্ট রিসোর্স নেই আমার হাতে। ফেয়ারব্যাঙ্কসে রিপোর্ট করতে হবে।'

'অফিসেও যোগাযোগ করা দরকার আমার,' ম্যাসন বলল। 'ওরা নিশ্চয়ই দুশ্চিন্তা শুরু করে দিয়েছে। প্রচ্ছে বে-তে পৌছেই ফোন করার কথা ছিল।'

নেটবুক বন্ধ করে উঠে দাঁড়াল অ্যাবি। জ্যাকেটের পকেট থেকে বের করল একটা স্যাটেলাইট ফোন। সাংবাদিকের দিকে বাড়িয়ে দিয়ে বলল, 'নিন। তাড়াতাড়ি কথা সারবেন, অফিসে ফোন করতে হবে আমাকে। ফেয়ারব্যাঙ্কসের পুলিশ ডিপার্টমেন্টেও।'

কফির মগ নামিয়ে রেখে ফোনটা নিল ম্যাসন। 'কীভাবে ডায়াল করব?'

'সাধারণ ফোনের মতই। প্রথমে কাণ্ডি আর এরিয়া কোড, তারপর লোকাল নাম্বার। ট্রান্সমিশন একটু দুর্বল শোনাতে পারে, তবে ওটা স্বাভাবিক। সোলার স্টর্মের কারণে গত ক'দিন থেকে এমনিতেই সমস্যা হচ্ছে।'

'ধন্যবাদ।' জানালার কাছে চলে গেল ম্যাসন।

রানাকে ইশারা করল অ্যাবি, নিয়ে গেল ফায়ারপ্লেসের কাছে। তারপর ফিসফিসিয়ে জানতে চাইল, 'এসব হচ্ছেটা কী, রানা?'

‘আমি শিয়োর না,’ কাঁধ ঝাঁকাল রানা। ‘তবে মনে হচ্ছে ওই
ড্রিফট স্টেশন থেকে খবরের কাগজগুলোকে দূরে সরিয়ে রাখতে
চাইছে কেউ।’

‘কাভার আপ?’

‘হতে পারে। কিন্তু বললাম তো, আমি শিয়োর না।’

ঘাড় ফিরিয়ে ম্যাসনের দিকে তাকাল অ্যাবি। লাইন পেয়েছে
সাংবাদিক, উভেজিত গলায় বলছে, ‘স্যাঞ্জা, গ্যারি বলছি। বসের
সঙ্গে কথা বলব...’ কয়েক মুহূর্তের নীরবতা। ‘ধ্যানের! যত
ইম্প্রেট্যাঙ্গ মিটিঙেই থাকুক, আমি পরোয়া করি না। আমার
ব্যাপারটা আরও জরুরি। তুমি লাইন দাও বলছি।’

‘কী মনে হয় তোমার?’ বলল অ্যাবি। ‘কিছু লুকাচ্ছে
লোকটা?’

‘ওকে এখনও পুরোপুরি বুঝতে পারছি না আমি,’ রানা
স্বীকার করল। ‘হতে পারে গভীর জলের মাছ... আবার যদি
স্বেফ দুর্ভাগ্য হয়, তা হলেও অবাক হব না।’

‘আর ওই কমাণ্ডোদের ব্যাপারটা... তুমি শিয়োর, ওরা
মিলিটারির লোক?’

‘মিলিটারি ব্যাকগ্রাউন্ডের, কোনও সন্দেহ নেই। হামলার
সময় ব্যাটেলগ্রাউন্ডের ট্যাকটিক্স ব্যবহার করেছে—সাধারণ
কোনও খুনির কাছে অমন বেঁশল আশা করা যায় না।’

‘আর কিছু বলতে পারো ওদের সম্পর্কে?’

‘দাঁড়াও, ভেবে দেবি।’ ঠোট কামড়াল রানা। ‘হ্যা, ওরা
সম্ভবত বিদেশি লোক ছিল।’

‘তুমি শিয়োর?’

‘হাবভাবে তা-ই মনে হয়েছে। একবারও কথা বলতে শুনিন
ওদেরকে। মনে হচ্ছিল ইচ্ছে করেই কথা বক্স রেখেছে, যাতে
ভাষা বা উচ্চারণ শব্দে ওদের পরিচয় আঁচ করতে না পারি।

ওদের অন্তর্গুলো থেকেও সব ধরনের আইডেণ্টিফিকেশন সরিয়ে
নেয়া হয়েছে। আমেরিকান হলে এত ঝামেলায় যাবার প্রয়োজন
চিল না।'

শ্রাগ করল অ্যাবি। 'এগোবার মত কোনও সূত্রই তো দেখছি
নেই। ফরেনসিক এক্সপার্ট পাঠাতে হবে মনে হচ্ছে। হয়তো ওরা
কিছু আবিষ্কার করতে পারবে।'

'এখানে যত খুশি খোঁজাখুঁজি চালাও,' রানা বলল, 'কিন্তু
আমার ধারণা, রহস্যটার জড় লুকিয়ে আছে ওই ড্রিফট
স্টেশনে।'

'ওটা আমার এখতিয়ারের বাইরে। ওখানে তদন্ত চালাতে
হলে এফবিআইকে খবর দিতে হবে। ব্যাপারটার সঙ্গে যদি
নেভির কোনও সম্পর্ক থাকে, তা হলে ডাকতে হবে মিলিটারি
ইন্টেলিজেন্সকেও। ভালই যত্নণায় পড়লাম মনে হচ্ছে।'

'তা তো বটেই...'

কথা শেষ হলো না রানার, ম্যাসনের চিৎকার শুনে ঘাড়
ফেরাতে বাধ্য হলো।

'প্রণ্ডো বে! খ্যাপাটে গলায় বলল সাংবাদিক। 'কেন?'

তার প্রশ্নের জবাবে কিছু বলা হলো অপরপ্রান্ত থেকে।

'আমি বুঝতে পারছি না, কেন আমাকে...' প্রতিবাদ করতে
গিয়ে থেমে গেল ম্যাসন। সম্ভবত কড়া কিছু শোনানো হলো
তাকে। মুখ লাল হয়ে গেল তার। বলল, 'আপনার হৃকুমে
এখানে কাজ হবে না, স্যর। এ-মুহূর্তে আমি একজন শেরিফের
সামনে আছি। কতক্ষণ আমাকে আটকে রাখবে জানি না।
কাজেই বলতে পারছি না আদৌ প্রণ্ডো বে-তে যেতে পারব কি
না।' একটু নীরবতা। শেষে হার মেনে নিল সাংবাদিক। দীর্ঘশ্বাস
'ফেলে বলল, 'বেশ, আপনার কথা মানলাম, স্যর। কিন্তু এই
অ্যাসাইনমেন্ট শেষ হলে মোটাসোটা একটা বোনাস চাই আমি।'

আর কিছু না বলে যোগাযোগ বিচ্ছিন্ন করে দিল ম্যাসন।
ফোন ফিরিয়ে দিল অ্যাবির হাতে।

‘কী হয়েছে?’ জানতে চাইল রানা।

সাংবাদিকের চেহারায় তিঙ্গতা ভর করল। বলল, ‘একটা
পাষাণের আগুরে চাকরি করছি, বুবালেন? এতবড় একটা দুর্ঘটনা
ঘটে গেল... কোথায় সমবেদনা জানাবে, তাড়াতাড়ি ফিরতে
বলবে... তা না, অ্যাসাইনমেন্ট কমপ্লিট করা চাই! প্রজ্ঞো বে-তে
গিয়ে পত্রিকার কণ্ট্যাক্টের সঙ্গে যোগাযোগ করার হুকুম দিচ্ছে।
বলছে দরকার হলে ভেলায় চেপে ওমেগা স্টেশনে যেতে!’

তার বলার ভঙ্গিটা শুনে হেসে ফেলল রানা আর অ্যাবি।

‘আপনারা হাসছেন?’ আহত গলায় বলল ম্যাসন।

‘সরি, কিছু মনে করবেন না,’ তাড়াতাড়ি বলল অ্যাবি।
‘অবশ্য সম্পাদক বললেও ফিরতে পারতেন না আপনি। তদন্ত
শেষ না হওয়া পর্যন্ত আপনাকে এখানেই থাকতে হবে।’

নিচু গলায় খেদোভিত করল ম্যাসন।

একটু দূরে সরে এল অ্যাবি। স্যাটেলাইট ফোনের বোতাম
চিপতে শুরু করল—ফেয়ারব্যান্কসে কথা বলবে। কিন্তু ডায়াল
শেষ করার আগেই ঝট করে খুলে গেল সামনের দরজা। দেখা
গেল রিচার্ড ম্যানিটকের মুখ।

‘এক্সকিউজ মি, তোমরা কি ব্যস্ত?’ বললেন তিনি। ‘মনে
হচ্ছে আরও অতিথি পেতে যাচ্ছি আমরা। একটা বিমান ল্যাণ্ড
করার চেষ্টা করছে সামনের মাঠে।’

খোলা দরজা দিয়ে ভেসে আসছে বিমানের ইঞ্জিনের
আওয়াজ। বাইরে থেকে চাপা গর্জন শোনা গেল লোবোর।

ভুরু কুঁচকে গেল রানার। বারান্দায় বেরিয়ে এল ও। চোখ
বোলাল আকাশে। চক্র দিতে থাকা একটা সাদা রঙের সেসনা
বিমান দেখতে পেল—ধীরে ধীরে নদীর ধারের ফাঁকা জমির সঙ্গে
শুভ পিঞ্জর-১

অ্যালাইন করে আনছে নিজেকে। হস্পন্দন দ্রুত হয়ে গেল
মুহূর্তে।

‘রানা?’ পিছন থেকে ডাকল অ্যাবি।

‘ওটা কালকের বিমানটাই,’ রানা বলল।

‘তুমি শিয়োর?’ তীক্ষ্ণ চোখে বিমানের দিকে তাকাল অ্যাবি,
আগুরক্যারিজের মার্কিং পড়ার চেষ্টা করছে।

কিন্তু মার্কিং পড়ার দরকার নেই রানার, এক নজরেই চিনে
নিয়েছে বিমানটাকে। শান্ত কষ্টে বলল, ‘কোনও সন্দেহ নেই।’

ওর কথা শেষ হতেই সেসসার জানালায় নড়াচড়া লক্ষ করা
গেল। একজন মানুষ তার দেহের উর্ধ্বাংশ বের করল ওখান
দিয়ে, হাতে লম্বা কী যেন ধরা।

গ্রেনেড লঞ্চার... রকেট-প্রপেলড গ্রেনেড লঞ্চার!

চেঁচিয়ে উঠল রানা, পরক্ষণে অগ্নিবর্ষণ করল অস্ত্রটা। ডাইভ
দিয়ে বারান্দায় শুয়ে পড়ল সবাই, তবে ওদের ধারেকাছে পৌছুল
না গ্রেনেড, তাড়াছড়োয় নিশানা মিস করেছে প্রতিপক্ষ, বাড়ির
বেশ কিছুটা সামনে বিস্ফোরিত হলো ওটা। ছিটকে উঠল তৃষ্ণার।
প্রবল গর্জন করে ঘাথার উপর দিয়ে উড়ে চলে গেল সেসনা।
বাঁক নিয়ে ফিরতে শুরু করল কয়েক সেকেন্ডের মধ্যেই।

বিদ্যুৎ খেলে গেল রানার শরীরে। এক লাফে উঠে দাঢ়াল।
চেঁচাল, ‘বাড়ির ভিতরে ঢোকো সবাই! কুইক!!’

দুদ্বাড় করে লিভিংরুমে ঢুকে পড়ল অ্যাবি, রিচার্ড আর
ম্যাসন। পিছু পিছু লোবো-সহ ও নিজে। ভিতরে ঢুকেই আটকে
দিল দরজা।

‘হচ্ছেটা কী?’ হাঁপাতে হাঁপাতে জানতে চাইলেন রিচার্ড।
‘কারা ওরা? আমাদের উপর হামলা করছে কেন?’

‘ওসব নাহয় পরে শুনবেন,’ রানা বলল। ‘আগে প্রাণ
বঁচানো দরকার।’

‘কোনও পুর্যান আছে তোমার মাথায়?’ অ্যাবি জিভেস করল।

‘এখানে থাকা চলবে না, কোণঠাসা হয়ে যাবার আগেই
কেটে পড়া ভাল।’ ঠোঁট কামড়াল রানা। ‘তোমার টুইন
অটারটার অবস্থা কী? ফ্লাই করা যাবে?’

‘যাবে। ফিউয়েলও আছে আধ ট্যাঙ্কের বেশি।’

‘গুড। তা হলে ওটাই ব্যবহার করব আমরা।’

‘জঙ্গলে ঢুকে পড়া যায় না?’ পাল্টা প্রস্তাব দিল ম্যাসন।
শেরিফের ছোট বিমানটা দেখেছে সে, খুব একটা আস্থা পাচ্ছে
না প্রাচীন আকাশযানটার ব্যাপারে।

‘গতকাল আবহাওয়া থারাপ ছিল, ভাগ্যের সহায়তা পেয়েছি
আমরা,’ রানা মাথা নাড়ল। ‘কিন্তু আজ সে-রকম কোনও সুবিধে
পাব না। জঙ্গলে আমাদের অপেক্ষায় ক’জন কমাণ্ডো বসে আছে
কে জানে।’

‘অন্ত্র দরকার আমাদের।’ বলে রানার দিকে একটা রাইফেল
বাড়িয়ে ধরল অ্যাবি। নিজে নিল পিস্তল। ‘আর দেরি করা ঠিক
হবে না।’

‘ডক পর্যন্ত পৌছুতে পারব বলে মনে হচ্ছে না,’ শক্তিত
গলায় বলল ম্যাসন। ‘অন্তত একশো গজ ফাঁকা জায়গা পার
হতে হবে তার আগে। সহজ টার্গেট।’

‘কিছু ভাববেন না,’ অভয় দিল রানা, ‘ওদেরকে ব্যস্ত রাখব
আমি।’ অ্যাবির দিকে ফিরল, মেয়েটাকে আশ্চর্য রকমের শান্ত
দেখাচ্ছে, একটুও ঘাবড়াচ্ছে না। ‘প্লেনে উঠেই ইঞ্জিন চালু
করবে, ঠিক আছে? যত দ্রুত সম্ভব।’

‘বুঝতে পেরেছি,’ মাথা ঝাঁকাল অ্যাবি।

‘তা হলে আর দেরি নয়। লেটস্ গো!'

বাড়ির পিছনের দরজা খুলে ছিটকে বেরিয়ে এল সবাই।
কুকুরটাও রয়েছে ওদের সঙ্গে। প্রাণপণে ছুটল সবাই ডকের

দিকে। রানা রয়েছে সবার পিছনে। কিছুদূর গিয়েই উল্টো ঘুরল
ও, আকাশের দিকে রাইফেল তুলল। পলায়নরত মানুষগুলোকে
স্পট করেছে বিমানটা, মুখ ঘুরিয়ে ছুটে আসছে ওদের দিকে।
নিশানা স্থির করার জন্য সময় নিল না রানা, আন্দাজে টিপে দিল
ট্রিগার। লাগল না গুলি, তবে নড়ে উঠল সেসনা, নাক ঘুরিয়ে
সরে গেল লাইন অভ ফায়ার থেকে।

দ্রুত বোল্ট টেনে চেম্বারে আরেকটা রাউণ্ড ভরল রানা।
আবার চাপল ট্রিগার। এবারও লক্ষ্যভূষ্ট হলো। হতাশ হলো না
ও। উড়ত একটা বিমানের গায়ে গুলি লাগানো অত্যন্ত কঠিন
কাজ। পাইলট ভড়কে দেয়া গেছে, তা-ই চের। ইতিমধ্যে
কাঠের ডকে উঠে পড়েছে ওর সঙ্গীরা। উল্টো ঘুরে ও-ও ছুটল।

ডকে পা রেখে দ্বিতীয়বারের মত থামল রানা। রিচার্ড,
ম্যাসন আর লোবোকে নিয়ে টুইন অটারে উঠে পড়েছে অ্যাবি,
কিন্তু ইঞ্জিন চালু করতে কয়েক মিনিট সময় দরকার ওর। হাঁটু
গেড়ে বসে পড়ল রানা। খালি কার্তুজ ফেলে দিয়ে রিলোড করল
রাইফেল।

ওদের উদ্দেশ্য আঁচ করতে পেরেছে সেসনার আরোহীরা।
নাক ঘুরিয়ে ডকের দিকে ছুটে আসছে বিমানটা। ফ্ল্যাপ নামিয়ে
দিয়েছে, ডাইভ দিচ্ছে শিকারি ইগলের মত।

‘অ্যাবি! তাড়াতাড়ি করো!’ চেঁচাল রানা। তারপরেই গুলি
ছুঁড়ল সেসনাকে লক্ষ্য করে। এবারও লাগাতে পারল না।
তাড়াতাড়ি বোল্ট টেনে আরেকবার টিপল ট্রিগার। তাড়াছড়োয়
এটা ও ব্যর্থ হলো।

আর তখনি খক খক করে যক্ষারোগীর মত কেশে উঠল টুইন
অটার। কয়েক দফা কেশেই চালু হয়ে গেল ইঞ্জিন, ঘুরতে শুরু
করল প্রপেলারের পাখা।

‘রানা! চলে এসো!!’ ডাক শোনা গেল অ্যাবির।

ইচ্ছে হলো ছুট লাগায়, কিন্তু জোর করে নিজেকে নিরস্ত
রাখল রানা। অনেকখানি নেমে এসেছে সেসনা, ডাইভ দিচ্ছে না
আর, নদীর ধারা অনুসরণ করে ত্রিশ ফুট উচ্চতায় ছুটে আসছে
টুইন অটারকে লক্ষ্য করে। ঝট্ট করে একটা সাইড ডোর খুলে
গেল, সেখান দিয়ে শরীরের উর্ধ্বাংশ বের করল সাদা
পারকা-পরা এক লোক। হাতে ধরা কালো রঙের
গ্রেনেড-লঞ্চারের পুরোটাই দেখতে পাচ্ছে রানা। বলতে গেলে
পয়েন্ট-ব্যান্ক রেঞ্জে শুট করতে চাইছে। কিছুতেই এ-আঘাত
এড়ানো সম্ভব হবে না ডকে দাঁড়িয়ে থাকা ফ্লোটপ্লেনের পক্ষে।
একটাই উপায় আছে—ব্যর্থ করে দিতে হবে হামলাটা। ঘুরে
এসে দ্বিতীয় আঘাত হানতে বেশ কিছুটা সময় লাগবে সেসনার,
ততক্ষণে ওরা হয়তো টেকআফ করে সরে যেতে পারবে।

রাইফেলের সাইটে চোখ রাখল রানা। এবার আর তাড়াছড়ো
করছে না। দয় আটকে নিশানা স্থির করল, তারপর চাপ দিল
ত্রিগারে।

কোথায় লাগল, ঠিক বোৰা গেল না। তবে গ্রেনেড-লঞ্চারটা
ভীষণভাবে কেঁপে উঠতে দেখল ও। মনে হলো লাল একটা
ছোপও দেখেছে অস্ত্রধারীর হাতে। নিশ্চিত হওয়া গেল না, কারণ
ঝট্ট করে সেসনার ভিতরে চুকে গেল লোকটা। বিমানটা প্রবল
গর্জনে পেরিয়ে গেল ওদের মাথার উপর দিয়ে। তবে কিছুদূর
গিয়েই আবার ঘুরতে শুরু করল।

‘রানা, কুইক!’ এবার রিচার্ড ম্যানিটকের ডাক শুনল রানা।
‘আমরা এখনও দড়ি ছাড়িনি।’

মাথা ঝাঁকিয়ে রাইফেল কাঁধে ঝোলাল রানা, এক ছুটে চলে
এল বিমানের কাছে। ত্রস্ত হাতে বোলার্ড থেকে খুলে নিল দড়ি,
তারপর এক লাফে উঠে পড়ল টুইন অটারের পঢ়ুনে। ভাসতে
ভাসতে বিমানটা সরতে শুরু করল ডক থেকে।

‘দেরি কোরো না! টেকঅফ করো!’ চড়া গলায় অ্যাবিকে নির্দেশ দিল রানা। রিচার্ড হাত বাড়িয়ে দিয়েছেন ওকে কেবিনে চুকতে সাহায্য করবার জন্য, কিন্তু মাথা নাড়ল ও। ‘না, আপাতত এখানেই থাকতে হবে আমাকে। সাহায্য করুন।’ দড়িটা বৃন্দ ইনুইটের হাতে ধরিয়ে দিল।

‘কী?’ চমকে উঠলেন রিচার্ড। ‘কেন?’

‘বিপদ এখনও কাটেনি।’ ইশারায় পিছনটা দেখাল রানা। সেসনা মুখ ঘুরিয়ে ফেলেছে, এবার পিছন থেকে ছুটে আসছে ওদের দিকে।

মাথা ঝাঁকালেন রিচার্ড। দড়ি দিয়ে দরজার পাশের একটা স্ট্রাটের সঙ্গে বেঁধে ফেললেন রানাকে, যাতে ঝাঁকিতে নীচে পড়ে না যায় ও। ইতিমধ্যে রাইফেল রিলোড করে ফেলেছে রানা।

চলতে শুরু করল টুইন অটার। গতি বাড়ছে ধীরে ধীরে। প্রয়োজনের তুলনায় যথেষ্ট নয়। দূরত্ব কমিয়ে আনছে সেসনা, ওদের চেয়ে বড়জোর একশো গজ পিছনে আছে ওটা। গ্রেনেড-লঞ্চার নিয়ে আবারও শরীর বের করেছে অন্ধধারী। জখম নিষ্ঠয়ই শুরুতর নয়।

লোকটাকে নয়, কক্ষপিটের উইগুশিল্ডের দিকে রাইফেল তাক করল রানা। সেসনা ওদের ত্রিশ গজের মধ্যে পৌছুতেই চাপ দিল ট্রিগারে। প্রায় একই সঙ্গে গর্জে উঠল ওর রাইফেল আর প্রতিপক্ষের গ্রেনেড-লঞ্চার। টুইন-অটারের পিছনের পানিতে আছড়ে পড়ল লক্ষ্যভ্রষ্ট গ্রেনেড, বিস্ফোরিত হয়ে পানির ফুলবুরি ছিটাল—নিশানা ঠিক রাখতে পারেনি শক্র। সেসনাটা মাতালের মত উড়ে গেল ফ্লোটপ্লেনের উপর দিয়ে। চকিতে ওটার উইগুশিল্ড দেখতে পেল রানা—মাকড়সার জালের মত চিড় ধরেছে। ঠোঁটের কোণে এক টুকরো হাসি ফুটল ওর।

টুইন অটারের গতি বেড়ে গেছে, ওটা এখন ধাওয়া করছে

সেসনাকে। ইয়োক টানল অ্যাবি, সঙ্গে সঙ্গে পানির বুক ছেড়ে
শূন্যে পাখা মেলল বিমান। পণ্টুনের উপর পা পিছলে গেল
রানার, তাল হারিয়ে পড়ে যাচ্ছিল, বেঁচে গেল কোমরে বাঁধা
দড়ির কারণে। তারপরেও ভীষণভাবে ঝাঁকি খেলো ওর দেহ,
হাত থেকে ছুটে গেল রাইফেলটা। পণ্টুনের গায়ে একটা আছাড়
থেয়ে অস্ত্রটা রওনা হলো পানির দিকে।

‘রানা!’ চেঁচিয়ে উঠলেন রিচার্ড। বাড়িয়ে দিলেন একটা
হাত।

রানা তখন খড়ের পুতুলের মত ঝুলছে, তীব্র বাতাসে
হাত-পা নড়ছে নিয়ন্ত্রণহীনভাবে। ব্যথায় ঢোকে অন্ধকার দেখল,
মাংস কেটে দড়িটা বসে যাচ্ছে কোমরে। কয়েক মুহূর্ত যুদ্ধ
করার পর অবলম্বন ফিরে পেল ও। খপ করে ধরে ফেলল বৃক্ষ
ইন্দুইটের হাত। অন্যহাতে একটা ছুরি নিয়ে দুই পেঁচে ওর বাঁধন
কেটে দিলেন রিচার্ড, হ্যাচকা টানে ওকে নিয়ে এলেন বিমানের
ভিতরে। আটকে দিলেন দরজা।

‘থ্যাক্স্,’ হাঁপাতে হাঁপাতে বলল রানা।

‘তুমিও কম দেখাওনি,’ প্রশংসা করল রিচার্ডের কঠে।

‘এখনও শেষ হয়নি ঝামেলা,’ বলল রানা। হাঁচড়ে-পাঁচড়ে
চলে গেল কো-পাইলটের সিটে। দ্রুত সিটবেল্ট বাঁধল।

‘তুমি ঠিক আছ?’ উদ্বিগ্ন গলায় জানতে চাইল অ্যাবি।

‘হ্যা।’ সামনে তাকাল রানা। কাত হয়ে ওদের সামনে থেকে
সরে যাচ্ছে সেসনা। ‘তবে রাইফেলটা হারিয়েছি। আর কোনও
অস্ত্র আছে তোমার কাছে?’

‘এই ব্রাউনিংটা,’ কোমরের হোলস্টার দেখাল অ্যাবি।
‘পিছনের কেবিনের দেয়ালে আমার সার্ভিস শটগানটাও
ঝোলানো আছে। তবে দুটোর কোনোটাই আমাদের কাজে
লাগবে বলে মনে হয় না।’

দীর্ঘশাস ফেলল রানা। অ্যাবির কথাই ঠিক। লং রেঞ্জে
পিস্তল বা শটগান একেবারেই অচল। বিশেষ করে তীব্র
বাতাসের মাঝে।

বিমানের উচ্চতা বাড়াতে শুরু করেছে অ্যাবি। বলল, ‘প্রড়ো
বে-র দিকে পিঠটান দেয়া ছাড়া আর কিছু করার আছে বলে মনে
হচ্ছে না। ওখানে পৌঁছুতে পারলে সাহায্য মিলবে।’

‘ওটা চারশো মাইল দূরে,’ শুকনো গলায় বলল রানা।
‘ততক্ষণ টিকে থাকতে হবে আমাদেরকে।’

নয়

‘মাফ করবেন, স্যর, আপনার জন্য মেসেজ।’

স্টেটর়মের দরজায় উদয় হওয়া তরুণ লেফটেন্যাণ্টের কথা
যেন শুনতেই পেলেন না রিয়ার অ্যাডমিরাল নিকোলায়েভ, গভীর
মনোযোগ দিয়ে একটা বই পড়ছেন তিনি—ফিল্ডের দস্তয়েভস্কির
দ্য ব্রাদার্স কারামায়ভ। খুব প্রিয় একটা বই... বিশেষ করে মনের
অস্থিরতার সময়ে। বইয়ের নায়ক আইভান কারামায়ভের জীবন ও
আত্মার যুদ্ধের সঙ্গে একাত্ম হয়ে ব্রান। তার পিছনে সঙ্গত কারণও
আছে।

রিয়ার অ্যাডমিরাল নিকোলায়েভের পিতা ইগোর নিকোলায়েভ
ছিলেন ধর্মপ্রাণ গোঁড়া রাশান অর্থোডক্স। জোসেফ স্টালিনের
উত্থানের পর পুরো সোভিয়েত ইউনিয়নে জারি করা হয়েছিল

ধর্মকর্মের উপর নানাবিধি বিধি-নিষেধ, কিন্তু সে-সবের পরোয়া করেননি তিনি। তার মূল্যও দিতে হয়েছে চরমভাবে। এক রাতে অন্ত্রের মুখে তাঁকে ধরে নিয়ে যায় কেজিবির লোকেরা, পরিবারের সবার সামনে থেকে। মৃত্যুদণ্ড পেতেন, কিন্তু প্রতিভাবান বিজ্ঞানী হওয়ায় প্রাণভিক্ষা দেয়া হয় তাঁকে, পাঠানো হয় দেশ থেকে বহুদূরে... আর্কটিক মহাসাগরের এক রিসার্চ স্টেশনে, গোপন গবেষণার কাজে। মৃত্যুর চেয়ে কোনও অংশে কম ছিল না তা। আর কোনোদিন স্ত্রী বা সন্তানের দেখা পাননি তিনি।

এ-মুহূর্তে বইয়ের যে-অংশটা পড়ছেন রিয়ার অ্যাডমিরাল, সেখানে সরাসরি ইশ্বরের বিরুদ্ধবাদিতায় নেমেছে আইভান। পড়তে পড়তে রক্ত গরম হয়ে উঠেছে তাঁর। আইভানের ক্ষোভ আর আক্রোশের সঙ্গে মিল পাচ্ছেন নিজের অনুভূতির। তাঁর কথাগুলোই যেন উচ্চারণ করছে কাহিনির নায়ক। ওরই মত রিয়ার অ্যাডমিরালের নিজের পিতা ইগোরও মারা গেছেন—না, আপন সন্তানের হাতে নয়; তবে ষড়যন্ত্রের শিকার হয়ে।

দুর্ভাগ্যের সমাপ্তি ওখানেই ঘটেনি। উনিশশো আটচল্লিশে যখন গোপন গবেষণা-কেন্দ্রটা হারিয়ে গেল, স্বামীর শোকে পাগল হয়ে গিয়েছিলেন রিয়ার অ্যাডমিরালের মা। এক সকালে গলায় ফাঁসি দিয়ে আত্মহত্যা করেন তিনি। নিকোলায়েভ নিজেই আবিষ্কার করেছিলেন তাঁর মৃতদেহ। ছোট্ট এক শিশুর জন্য বড়ই ভয়াবহ এক দৃশ্য ছিল সেটা। নিজের পায়ে দাঁড়ানোর জন্য এরপর ভয়াবহ জীবনযুদ্ধে নামতে হয় তাঁকে। পদে পদে শিকার হয়েছেন দুঃখ, কষ্ট আর বঞ্চনার। শেষ পর্যন্ত আঠারো বছর বয়সে যোগ দেন তিনি রাশান নৌবাহিনীতে। ওটাই হয়ে ওঠে তাঁর পরিবার... তাঁর সবকিছু। বলতে গেলে পুরো যৌবন তিনি উৎসর্গ করে দিয়েছেন দেশের জন্য। ঘর-সংসার পর্যন্ত করা হয়নি। সুন্দরী এক তরংণীকে বিয়ে করেছিলেন, কিন্তু দু'বছরের শুভ পিঞ্জর-১

মাথায় তাঁকে ছেড়ে চলে যায় সে। পেশার প্রতি নিবেদিতপ্রাণ, অথচ স্তুর প্রতি উদাসীন... এমন লোকের সঙ্গে নাকি জীবন কাটানো সম্ভব নয় তার পক্ষে। হতাশ হয়েছিলেন নিকোলায়েভ, বিত্তৰ্কা সৃষ্টি হয়েছিল নারীজাতির উপর। দ্বিতীয়বার আর ও-পথ মাড়াননি। নিজেকে সঁপে দিয়েছিলেন দেশের সেবায়। অথচ এই ত্যাগ বা নিষ্ঠার কোনও প্রতিদান পাননি তিনি। বহু কষ্টে রিয়ার অ্যাডমিরাল পর্যন্ত পদোন্নতি পেয়েছেন, কিন্তু তারপরেই থমকে গেছে ক্যারিয়ার। অথচ তাঁর সমসাময়িকেরা অ্যাডমিরাল হয়ে গেছে, কিংবা দাপিয়ে বেড়াচ্ছে মক্ষো—ওখানে তাঁর কোনও স্থান নেই। সবার চোখে তিনি আজও উপেক্ষিত। ধীরে ধীরে পুরো পৃথিবীর উপর ঘৃণা সৃষ্টি হয়েছে নিকোলায়েভের, বুরো গেছেন—এখানে নিষ্ঠা বা সততার কোনও দাম নেই। দুনিয়া শুধু মন্দলোক আর তোষামোদকারীদের জন্য।

হতাশা আর বঞ্চনার মাঝেও একটা ব্যাপার প্রতিনিয়ত তাড়িয়ে বেড়িয়েছে রিয়ার অ্যাডমিরালকে—তাঁর পিতার করণ পরিণতি। ভুলতে পারেননি ফাঁসে ঝুলতে থাকা মায়ের লাশের দৃশ্যও। কীসের অভাব যেন বোধ করেছেন সারাটা জীবন। সম্ভবত সুবিচারের... প্রতিশোধের। আজ... এত বছর পর এসেছে সে-সুযোগ। সাবমেরিন নিয়ে সেখানেই চলেছেন তিনি, যেখানে তাঁর পিতা মারা গেছেন। এবার তাঁর মনের বাসনা পূর্ণ হবে।

‘স্যর?’ আবার ডাকল লেফটেন্যান্ট, নার্ভাস গলায়। প্রতাপশালী রিয়ার অ্যাডমিরাল অসন্তুষ্ট হয়ে পড়েন কি না, সে-ভয়ে অস্ত্রি।

ঘাড় ফেরালেন নিকোলায়েভ। জলদগন্তীর গলায় জানতে চাইলেন, ‘কী হয়েছে?’

‘আর্জেন্ট মার্কিং করা একটা কোডেড মেসেজ এসেছে আপনার জন্য,’ জানাল লেফটেন্যান্ট। ‘ওটা নিয়ে এসেছি।’

‘হ্যাঁ!’ বইটা বন্ধ করলেন রিয়ার অ্যাডমিরাল। উঠে পড়লেন ডেক্স থেকে। মেসেজটা প্রত্যাশিত। আধঘণ্টা আগে পেরিস্কোপ দেখে উঠে এসেছে ড্রাকন, বরফস্তরের একটা ফাটলের মাঝ দিয়ে কমিউনিকেশন অ্যারে তুলেছে খবরাখবর আদান-প্রদানের জন্য।

হাত বাড়িয়ে লেফটেন্যাণ্টের কাছ থেকে একটা মুখবন্ধ খাম নিলেন নিকোলায়েভ। বললেন, ‘ধন্যবাদ। এবার তুমি যেতে পারো।’

‘জী, স্যর,’ স্টান হয়ে স্যালিউট ঠুকল লেফটেন্যাণ্ট। তারপর চলে গেল উল্টো ঘুরে।

দরজা আটকে ডেক্স ফিরে এলেন রিয়ার অ্যাডমিরাল। খামের মুখ ছিঁড়ে ভিতর থেকে বের করলেন ভাঁজ করা এক টুকরো কাগজ। ডেক্সের উপর রেখে শুরু করলেন ডিক্রিপশন। মেসেজটা এসেছে কেজিবি-র উন্নরসূরি এফএসবি, মানে ফেডারেল সিকিউরিটি সার্ভিসের কর্নেল ভ্রাদ ইয়েলৎসিনের কাছ থেকে। তিঙ্ক একটা হাসি ফুটল নিকোলায়েভের ঠোঁটে। নামই শুধু বদলেছে, কাজের ধরন পাল্টায়নি সংগঠনটার। লুবিয়ান্কার হেডকোয়ার্টার থেকে আসা এই মেসেজটাই তার প্রমাণ।

ডিক্রিপশনে বেশি সময় লাগল না, তবে সময় নিয়ে ওটা পড়লেন রিয়ার অ্যাডমিরাল। টপ সিক্রেট মেসেজ, বলা হয়েছে—কাউন্টার ইন্টেলিজেন্স কার্যক্রম শুরু করেছে আমেরিকানরা, ইউএস ডেল্টা ফোর্সকেও মাঠে নামানো হয়েছে। অপারেশন কঞ্চোলারকে আইডেণ্টিফাই করতে পেরেছে এফএসবি এজেন্টরা, লেপার্ড অপসের সাহায্যে পাল্টা ব্যবস্থা নেয়া হচ্ছে। এরপর দেয়া হয়েছে ওমেগা ড্রিফট স্টেশনের সাম্প্রতিক লোকেশন, ওটাকে টার্গেট হিসেবে অনুমোদন দেয়া হয়েছে। সবশেষে রয়েছে নির্দেশ—এখন থেকে সাইলেন্ট মোডে এগোতে শুভ পিঞ্জর-১

হবে ড্রাকনকে। কমিউনিকেশন বজায় রাখতে হবে নির্দিষ্ট শিডিউল অনুসারে। অপারেশন শুরু করবার জন্য নির্দেশও দেয়া হবে পরবর্তী সময়ে।

মেসেজ পড়া শেষ হলে একটু গভীর হয়ে গেলেন নিকোলায়েভ। ইউএস ডেল্টা ফোর্স মাঠে নামা মানেই পরিস্থিতি গুরুতর হয়ে উঠেছে, ওয়াশিংটন নিশ্চয়ই আঁচ করতে পেরেছে পুরনো আইস বেইস্টার গুরুত্ব। ডেল্টা ফোর্স কাজ করে স্বাধীনভাবে, কোনও ধরনের বাধ্যবাধকতা ছাড়া। ওদের নিয়ন্ত্রণ করে স্বেফ একজন অপারেশনাল কংগ্রোলার—সে-লোক হয় কোনও হাই র্যাঙ্কিং মিলিটারি অফিশিয়াল, নয়তো গুরুত্বপূর্ণ সরকারি কর্মকর্তা।

ব্যাপারটা পরিষ্কার... সোজা কথায় যুদ্ধে নামার জন্য বলা হয়েছে তাঁকে—গোপন যুদ্ধ! এ-ধরনের যুদ্ধ হয় সবার চেখের আড়ালে, পৃথিবীর লোকে কোনোদিন যার খবর জানতে পারে না। কেউ কিছু প্রশ্ন তুললেও দুই সরকারই অস্বীকার করবে কোনও ধরনের লড়াইয়ের কথা। অথচ প্রাণ বিপন্ন করতে হবে তাঁকে!

বিবর্মীষা অনুভব করলেন. রিয়ার অ্যাডমিরাল, রাজনীতির মারপঁ্যাচ অসহ্য লাগে তাঁর কাছে। আপাতদৃষ্টিতে আমেরিকা আর রাশিয়ার কৃটনৈতিক সম্পর্ক যতই ভাল দেখাক, আসলে সোভিয়েত আমলের স্নায়ুযুদ্ধ এখনও শেষ হয়নি। আইস বেইসের এই ঘটনাই তার প্রমাণ।

কাগজটা ভাঁজ করে পকেটে রেখে দিলেন নিকোলায়েভ, উঠে দাঁড়ালেন। ভাবছেন, দুনিয়ার এই কলৃষ্টতা আর বেশিদিন স্থায়ী হবে না। তিনিই এর অবসান ঘটাবেন। লঘু পায়ে হেঁটে মেঝেতে সাজিয়ে রাখা টাইটেনিয়ামের কেসগুলোর সামনে গিয়ে দাঁড়ালেন। কেউ জানে না, এগুলোর ভিতরে আসলে কী নিয়ে এসেছেন তিনি।

আলতোভাবে হাত বোলালেন তিনি সবক'টা কেসের গায়ে।
তারপর ফিরে এলেন ডেক্সে। আবার ডুবে গেলেন দস্তয়েভক্ষি-র
ক্লাসিক উপন্যাসে।

দশ

এয়ারস্পিড আর হেডিং চেক করল অ্যাবি। উভেজনা আর ভয়ে
শুকিয়ে গেছে বুক, তারপরেও চেষ্টা করছে ঠাণ্ডা মাথায় পাইলটের
দায়িত্ব পালন করতে। ওর পাশে, ককপিটের কাঁচে নাক ঠেকিয়ে
রেখেছে রানা, চেষ্টা করছে সেসনাটাকে দেখতে।

‘ফিরে আসছে ওরা,’ হঠাৎ বলল ও।

মাথা ঝাঁকিয়ে কণ্ট্রোল কলাম নাড়ল অ্যাবি, একপাশের
ডানায় ভর দিয়ে ঘুরতে শুরু করল টুইন অটার। চকিতের জন্য
নজরে পড়ল ওদের বাড়িটা। মন খারাপ হয়ে গেল প্রিয় ঘোড়াটার
কথা ভেবে। ওটা এখনও রয়ে গেছে আস্তাবলে। ছেড়ে দিয়ে
আসতে পারলে ভাল হতো। কিন্তু এখন আর সে-সুযোগ নেই।

ভাবনাটা শেষ হবার আগেই বিছিরি একটা ক্যাট ক্যাট শব্দ
ভেসে এল পিছন দিক থেকে। পরক্ষণেই ভীষণভাবে কেঁপে উঠল
গোটা ফিউজেলাজ। লোবো গর্জন করে উঠল রিয়ার কেবিন
থেকে।

‘ওরা গুলি করছে!’ ভয়ার্ট গলায় বলে উঠলেন রিচার্ড।

জানালা দিয়ে বাইরে তাকাল অ্যাবি। ডানদিকের ডানায়
শুভ পিঞ্জর-১

অনেকগুলো গর্ত দেখা যাচ্ছে—গুলির আঘাত।

‘শিট!’ গাল দিয়ে উঠল ও। ‘গুলি লেগেছে ডানায়।’

‘কিছু মনে কোরো না, অ্যাবি,’ বলল রানা। ‘ফ্লাইঙ্গের দায়িত্ব আমি নিচ্ছি।’ কো-পাইলটের কংট্রোলে হাত রাখল ও। ‘তুমি বাইরে নজর রাখো। ঠিক আছে?’

অ্যাবি শুনেছে রানা অত্যন্ত ভাল পাইলট, যদিও সেটা দেখার সুযোগ হয়নি কোনোদিন। নিশ্চিন্তে রানার হাতে ছেড়ে দিল প্লেনের কংট্রোল।

প্রটল পুরো সামনে ঠেলে দিল রানা, নাক উঁচু করল বিমানের। প্রায় খাড়া হবার ভঙ্গিতে দ্রুত উঠে যাচ্ছে উপর দিকে। পিছন থেকে ওহ গড় বলে শুঙ্গিয়ে উঠলেন রিচার্ড।

‘শক্ত করে সিটবেল্ট বাঁধুন সবাই,’ রানা বলল।

অ্যাবি তখন ইতি-উতি বাইরে তাকাচ্ছে। সেসনাটাকে দেখতে পেল ক্ষণিকের জন্য। দিক পাল্টে ওদেরকে ধাওয়া করে আসছে ওটা।

প্রবল বেগে একটা পাহাড়সারি পেরিয়ে গেল টুইন অটার। ওপাশে একটা গিরিখাত দেখতে পাচ্ছে রানা। পাহাড়ের কিনারাগুলো খাড়া, মাঝখান দিয়ে এঁকেবেঁকে চলে গেছে নদী। একটা বুদ্ধি খেলে গেল মাথায়। বুঁকি আছে, কিন্তু এখন বুঁকি না নিয়ে উপায় নেই। পুরনো টুইন অটারের চেয়ে সেসনার গতি অনেক বেশি, কিছুতেই ওটাকে সুবিধাজনক পজিশনে পৌছুতে দেয়া যাবে না।

দ্রুত ফ্ল্যাপ নামাল ও, প্রটল টেনে ডাইভ দিল গিরিখাতের দিকে। মাধ্যাকর্ষণের সাহায্য নিয়ে বিপজ্জনক বেগে নেমে যাচ্ছে নীচের দিকে। পিছন থেকে আবারও গোঙানি ভেসে এল।

একেবারে নদীর উপরে এসে ইয়োক টানল রানা, লেভেল করে আনল বিমানকে। এখন পানির ধারা অনুসরণ করে

আঁকাৰাঁকা পথে ছুটছে টুইন অটোর। মাথা না ঘুরিয়েই জানতে চাইল, ‘পিছনের ওৱা কোথায়?’

‘পিছনেই আছে, তবে বেশ খানিকটা উপরে,’ অ্যাবি বলল। ‘আমাদের মাথার উপরে পৌছুনোৱ চেষ্টা কৰছে।’

‘পারবে না,’ দৃঢ় গলায় বলল রানা। প্রটল ঠেলে স্পিড বাড়াল বিমানেৰ। গিৰিখাতেৰ মাৰ্বল দিয়ে বিপজ্জনকভাৱে ছোটাছে আকাশযানটাকে। শাই শাই কৰে দু'পাশে সৱে যাচ্ছে পাহাড়ি প্ৰাচীৱ।

‘হা যিণু! আঁতকে উঠল ম্যাসন। ‘নিৰ্ধাত মাৱা পড়ব। স্পিড কমান, মি. রানা।’

‘সাহস রাখুন,’ রানা বলল। ‘এত সহজে মৱছি না আমৱা’ কেউই।’

কয়েক মিনিট ব্যৰ্থ চেষ্টা চালাল সেসনা ওদেৱ উপৱে পৌছুতে। কিন্তু লাভ না হওয়ায় ডাইভ দিল, নেমে আসছে গিৰিখাতেৰ ভিতৱে।

‘নামছে ওৱা!’ জানাল অ্যাবি।

‘আসুক,’ বলল রানা।

সামনে একটা তীক্ষ্ণ বাঁক, এৱপৱেই রয়েছে ধাপে ধাপে জ্বলপ্রপাত। পানিৰ তীব্র গৰ্জনে ঝালাপালা হয়ে যাচ্ছে কান, বাতাসে উড়তে থাকা জলকণা সৃষ্টি কৰেছে ঘন কুয়াশা, ওপাশে দৃষ্টি চলে না। সোজা সেদিকেই টুইন অটোৱকে নিয়ে গেল গুৰু।

‘গুড় আইডিয়া! প্ৰশংসাৰ গলায় বলল অ্যাবি, রানাৰ মতলৰ টেৰ পেয়েছে। অ্যাবি নিজে খুবই ভাল পাইলট, কিন্তু রানাৰ মত বেপৱোয়া নয়। বিপদেৰ কথা ভেবে বুক কাঁপছে ওৱ, তবে রানাৰ দক্ষতা চাকুৰ কৱাৰ সুযোগ হাৱাতে চায় না।

বিমানকে আৱেকটু নামিয়ে আনল রানা। নদীৰ স্বোত, আৱ পানি ভেদ কৰে উঁচু হয়ে থাকা পাথৰসারিৰ মাত্ৰ তিনফুট উপৱ শুভ পিঞ্জৱ-১

দিয়ে উড়ছে এখন টুইন অটার। নতুন একটা আওয়াজ হলো
পিছন থেকে, যেন আতশবাজি ফাটাচ্ছে কেউ। আওয়াজের পিছু
পিছু ছুটে এল এক পশলা বুলেট, নদীর পানি আর পাথরের গায়ে
মাথা কুটল। একটু উপর থেকে ঘায়ার করছে শক্র।

‘মেশিনগান, রানা!’ অ্যাবি চেঁচাল।

একটা বুলেট রিকোশে করল বোন্দারের গায়ে, আঘাত হানল
টুইন অটারের সাইড উইগোতে। ফাটল ধরল কাঁচে। কিষ্টি বিমান
নড়তে পারল না রানা। গিরিখাত সরু হয়ে এসেছে। যেন চোয়াল
বন্ধ করছে অতিকায় কোনও দৈত্য। একটু এদিক-ওদিক হলেই
আছড়ে পড়বে প্লেনটা পাহাড়ি প্রাচীরের গায়ে।

‘মাথা নামিয়ে রাখুন সবাই!’ নির্দেশ দিল ও।

আবারও গুলির আওয়াজ হলো, ধাতব শব্দ ভেসে এল পোর্ট
সাইডের উইং থেকে। দ্বিতীয়বারের মত গুলি লেগেছে ডানায়।
একটু বাঁকি খেলো বিমান, বাম দিকে পণ্টুন আছাড় খেলো পানির
বুকে, পরমুহূর্তে আবার ড্রপ খাবার ভঙ্গিতে উঠে এল শূন্যে।
সাবধানে বিমানকে লেভেল করল রানা, দুকে পড়ল ঘন কুয়াশায়।
চারপাশ থেকে অদৃশ্য হয়ে গেল সরকিছু, কানে ভেসে এল
জলপ্রপাতের গুরুগন্তীর আওয়াজ। উইগুশিল্ড ঢাকা পড়ে গেছে
গুঁড়ি গুঁড়ি জলকণায়, কিষ্টি ওয়াইপার অন্য করল না রানা। তার
প্রয়োজন নেই। জায়গাটা ওর চেনা।

কন্ট্রোল কলাম সামনে ঠেলে দিল ও। গেঁজা খাবার ভঙ্গিতে
ডাইভ দিল টুইন অটার। পিছন থেকে চেঁচিয়ে উঠল ম্যাসন,
ভাবছে ত্র্যাশ করছে ওরা। অবস্থা অনেকটা সেরকমই। দুইশ’
ফুট উঁচু জলপ্রপাতের ধারার সঙ্গে তাল মিলিয়ে প্রবল বেগে
নামছে ওদের বিমান। কিছুদূর নামতেই পরিষ্কার হয়ে গেল
উইগুশিল্ড, কুয়াশা সরে গিয়ে দেখা গেল নীচের নদী—এক লাফে
যেন উঠে আসছে ওদের দিকে। শেষ মুহূর্তে কন্ট্রোল টানল রানা,

বিমানকে সিধে করে বাঁক নিল বাঁয়ে। পাহাড়ি প্রাচীরের পাশ
ঁঁষে ছুটে চলল সামনের দিকে।

‘আরেকটু হলেই হার্টফেল করতাম,’ একটু ধাতঙ্গ হয়ে বলল
ম্যাসন।

‘রিল্যাক্স,’ রানা বলল। ‘ধরে নিন বেড়াতে এসেছেন।’ বাইরে
ইঙ্গিত করল। ‘এটাই আমেরিকার কণ্টিনেন্টাল ডিভাইড। ক্রুক্স
রেঞ্জে এসেছেন অথচ কণ্টিনেন্টাল ডিভাইড দেখবেন না, তা কী
করে হয়?’

ব্যাপারটা সম্পর্কে জানা আছে ম্যাসনের। কণ্টিনেন্টাল
ডিভাইডের মাধ্যমে জলপ্রবাহের দিক অনুসারে বিভক্ত হয়েছে
উত্তর আমেরিকা মহাদেশ। এই ডিভাইডের একদিকের নদীগুলো
মিশেছে আটলান্টিকে, অন্যদিকের নদীগুলো মিশেছে প্যাসিফিকে,
আর উপরদিকেরগুলো মিশেছে আর্কটিক মহাসাগরে। ক্রুক্স রেঞ্জ
হয়ে গেছে এই ডিভাইড।

কথা শেষ করেই আবার ফ্লাইঙে মনোযোগ দিয়েছে রানা।
মনে মনে প্রার্থনা করছে, কুয়াশার মেঘ ভেদ করে ধাওয়াকারীরা
আসার আগেই যেন দূরত্ত বাড়িয়ে নিতে পারে। তা হলে
কণ্টিনেন্টাল ডিভাইডের শাখা-প্রশাখার ভিতরে হারিয়ে যেতে
পারবে।

‘সেসনাটাকে দেখতে পাচ্ছ?’ অ্যাবিকে জিজ্ঞেস করল ও।

‘হ্যাঁ,’ পিছনে কয়েক মুহূর্ত তাকিয়ে থেকে বলল অ্যাবি।
‘ডাইভ দেয়নি, উপর থেকেই খুঁজছে আমাদেরকে।’

ভাল, মনে মনে ভাবল রানা। অত উপর থেকে ওদেরকে
স্পট করতে সময় লাগবে সেসনার। হয়তো বা ফাঁকি দেয়া
যাবে। কথা হলো সময় কতটা পাবে।

‘চৰুর দিচ্ছে ওরা,’ অ্যাবি জানাল।

কোর্স কারেকশন দিল রানা, পাহাড়ি প্রাচীরের পাশ থেকে
শুভ পিঞ্জর-১

সরে এল, এগোল মাউন্টেইন রেঞ্জের গোড়ায় সৃষ্টি হওয়া একটা চওড়া উপত্যকা লক্ষ্য করে। জায়গাটা চেনে ও। অ্যালাটনা ভ্যালি। ওখান দিয়ে দক্ষিণে গেছে নদীর একটা শাখা। তবে দক্ষিণ বা উত্তরে নয়, নদীকে পিছনে ফেলে পশ্চিমদিকে চলল ও।

‘কোথায় যাচ্ছ?’ হঠাৎ বলে উঠল অ্যাবি। ‘আমাদের তো প্রচ্ছো বে-তে যাবার কথা।’

‘ওখানেই যাচ্ছি।’

‘তা হলে উত্তরদিকে যাচ্ছ না কেন? অ্যালাটনা পেরিয়ে অ্যাণ্টিগান পাসের ভিতর দিয়ে যাওয়াই তো সবচেয়ে নিরাপদ।’

‘ওদিক দিয়ে বেশিদূর যেতে পারব না। অ্যাণ্টিগান পেরালেই খোলা তুন্দা। আমাদেরকে স্পট করে ফেলবে পিছনের ওরা।’

‘কিন্তু...’

‘যদি সন্দেহ থাকে, তা হলে নিজেই চেষ্টা করে দেখতে পারো।’

‘না, না,’ তাড়াতাড়ি বলল অ্যাবি। ‘ওকথা বলছি না। তোমার ওপর পূর্ণ আস্থা আছে আমার।’

‘গুড়,’ রানা বলল। ‘তা হলে একটা কাজ করো। রেডিওতে চেষ্টা করে দেখো, কাউকে পাওয়া যায় কি না। কী ঘটছে এখানে, সেটা জানিয়ে দাও।’

মাথা ঝাঁকিয়ে হেডফোন পরল অ্যাবি। স্মার্টকম সেটের সুইচ অন করল—পাহাড়ি এলাকায় ওটাই যোগাযোগের সবচেয়ে নির্ভরযোগ্য মাধ্যম। ফ্রিকোয়েন্সি পাল্টাল কয়েকবার, তারপর জানাল, ‘স্ট্যাটিক ছাড়া আর কিছু পাওছি না।’

‘নিশ্চয়ই সোলার স্টর্মের প্রকোপ বেড়েছে,’ অনুমান করল রানা।

‘দাঁড়াও, নরমাল রেডিও অন করি। চ্যানেল ইলেভেনে বেটেলস্ বেসের সদে যোগাযোগ হতে পারে। রেঞ্জের মধ্যে আছি

আমরা।'

'গুড আইডিয়া।'

কয়েকবার ডাকাডাকি করল অ্যাবি, কিন্তু কোনও জবাব পেল না। বিরক্ত হয়ে খুলে ফেলল হেডফোন।

'কোথায় যাচ্ছি আমরা?' পিছন থেকে বকের মত গলা বাঢ়িয়ে জিজ্ঞেস করল ম্যাসন, গলা কাঁপছে। নার্ভাসভাবে তাকাচ্ছে ফাটল ধরা জানালার দিকে। ওর মনের অবস্থা বুঝতে কষ্ট হলো না—গতকালই একদফা প্লেন-ক্র্যাশের শিকার হয়েছে বেচারা।

'বললে বুঝতে পারবেন?' রানা বলল তাকে। 'এই এলাকা চেনেন?'

মাথা নাড়ল ম্যাসন।

'তা হলে শুধু এটুকু জেনে রাখুন, পিছনের লেজটাকে খসাবার চেষ্টা করছি। কাভার দরকার আমাদের। এখনও আমরা বড় এক্সপোজড অবস্থায় আছি।'

ঝটক করে রানার দিকে তাকাল অ্যাবি। ওর উদ্দেশ্য টের পেয়ে ফ্যাকাসে হয়ে গেছে চেহারা। 'তুমি সিরিয়াস?'

রিচার্ডও বুঝতে পেরেছেন। শান্ত গলায় জিজ্ঞেস করলেন, 'আশা করি অ্যারিগেচের কথা বলছ না?'

'দুঃখিত, ওখানেই যাচ্ছি,' বলল রানা।

'ওহ গড!' গোঙানির মত আওয়াজ করল অ্যাবি।

'কীসের কথা বলছেন আপনারা?' বোকা বোকা গলায় বলল ম্যাসন। 'অ্যারিগেচ আবার কোন জায়গা?'

'সাক্ষাৎ নরক,' জানাল তাকে অ্যাবি। 'প্লিজ, সিটবেল্ট শক্ত করে বাঁধুন।'

এগারো

আইসবোট নিয়ে বরফ প্রান্তরের উপর দিয়ে ছুটে চলেছে শ্যারন। বাতাসে ফুলে উঠেছে বারো-ফুটি পাল ফাইবারগ্লাসের সিটে গুটিসুটি হয়ে বসে আছে ও, দু'পা রেখেছে ফ্লোর প্যাডালে, এক হাতে ধরে রেখেছে জিব-লাইন। উদ্বাম গতিতে ছুটছে বাহনটা।

আশপাশে নজর বোলাচ্ছে শ্যারন ক্ষণে ক্ষণে। প্রাণের কোনও সাড়া নেই, চারপাশে শুভ্রতার রাজতৃ—অতিথিবিমুখ, রুক্ষ ও ঝুঁড়। এ যেন বরফের মরম্ভন্মি। পার্থক্য কেবল এ-ই যে, এখানকার দৃশ্য অনেক বেশি সুন্দর। তীব্র বাতাসে উড়ে বেড়াচ্ছে শ্বেতশুভ্র তুষার, একবিন্দু জঙ্গল নেই কোনোখানে। প্রকৃতির অত্যাচারে অন্তর্ভুত আকৃতি পেয়েছে প্রেশার রিজগুলো—যেন সময় নিয়ে ভাস্কর্য বানিয়েছে কোনও আত্মভোলা শিল্পী।

প্যাডাল আর জিব-লাইনের সাহায্য নিয়ে এমনই একটা রিজকে পাশ কাটিয়ে এগোচ্ছে ও—অত্যন্ত দক্ষতার সঙ্গে। এক দশকের অভিজ্ঞতা আছে ওর আইস-সেইলিঙে। যে-বোটটা চালাচ্ছে, সেটা নিজেই বানিয়েছে ওর ছোট ভাইয়ের সাহায্য নিয়ে। খোলটা ঘোলো ফুট লম্বা, বাছাই করা সিটকা স্প্রিংসের কাও কুঁদে বানানো। রানারগুলো টাইটেনিয়াম আলায়ের। এই বোট নিয়ে কানাডার লেক ওটাচিতে ষাট মাইল পর্যন্ত স্পিড তুলেছে ১০।

সামনের বিস্তীর্ণ প্রান্তরের দিকে তাকাল শ্যারন, এখানে সেই
রেকর্ড ভাঙার ভাল সুযোগ আছে। কিন্তু কপাল খারাপ, সময়
নেই। আপাতত ট্রাপ্সপোর্টেশনের নামে সামান্য যেটুকু সময়
সেইলিং করতে পারছে, সেটাই চের। স্টেশনের সহকর্মীরা তো
এর ঘোর বিরোধী, ওকে স্লো-ক্যাট নিয়ে বেরুবার জন্য বলে,
যান্ত্রিক বাহনটা নাকি অনেক বেশি নিরাপদ। কিন্তু ওদের কথা
কানে তোলে না শ্যারন। বরফের প্রান্তরে আইসবোট নিয়ে ঘোরা
যে কত আনন্দের, ওরা তার কী জানে!

সত্যি বলতে কী, ওই সময়টার জন্য আর প্রতিবন্ধী থাকে না
শ্যারন। সেইলিঙ্গের সময় বাতাসের হিসহিসানি, বা চাকার ঘড়ঘড়
শোনার প্রয়োজন নেই ওর। বোটের কাঁপুনি দেখে বুঝতে পারে
গতি, উড়ত তুষারকণা দেখে আঁচ করতে পারে বাতাসের দিক
আর গতি-প্রকৃতি। নীরবে যেন গান গায় পৃথিবী ওর চারপাশে।
ভুলে যায় ভয়াবহ সড়ক দুর্ঘটনার কথাও, যেটা ওর শ্রবণশক্তি
কেড়ে নিয়েছে।

এক রাতে দুনিয়া ওলোটপালোট হয়ে গিয়েছিল ওর। মাতাল
এক ড্রাইভারের কারণে ঘটেছিল রোড অ্যাকসিডেন্ট, ফেটে
গিয়েছিল মাথার খুলি। মৃত্যুর সঙ্গে লড়ে শেষ পর্যন্ত যখন জ্বাল
ফিরে পেল, তখন নিঃশব্দ হয়ে গেছে পৃথিবী। মস্তিষ্কের যে-অংশ
শ্রবণশক্তিকে নিয়ন্ত্রণ করে, সেখানকার নার্ভ নষ্ট হয়ে গেছে
চিরতরে। কারও করুণা পেতে চায়নি শ্যারন, ঘৃণা করেছে সেই
জীবনকে। তাই সুস্থ হবার পর যুদ্ধ করেছে স্বাবলম্বী হবার জন্য...
কঠিন যুদ্ধ... কখনও যেন কারও সামনে মাথা নোয়াতে না হয়,
কেউ যেন করুণার দৃষ্টিতে না তাকাতে পারে ওর দিকে। সফল
হয়েছে তাতে, কিন্তু তাই বলে কি উন্নতি হয়েছে নিজের অবস্থার?
দশ বছর কেটে গেছে ভয়ানক সেই দুর্ঘটনার পরে। এখন
পরিষ্কারভাবে কথা বলার ক্ষমতা হারাতে শুরু করেছে ও। মুখ
শুভ পিঞ্জর-১

খুললেই সামনের মানুষের চোখে বিভাস্তি লক্ষ করে, ওর জড়ানো কথা বুঝতে পারে না অনেকে, দু'বার-তিনবার করে বলতে হয় একই কথা। কোথায় সমস্যা, তা নিজে শুনতে পাচ্ছে না, তাই উচ্চারণটা ঠিক করে নেয়াও সম্ভব হচ্ছে না ওর পক্ষে। হতাশা এড়াবার জন্য নিজেকে ব্যস্ত করে রেখেছে পড়াশোনা আর গবেষণার কাজে। কিন্তু সার্বক্ষণিকভাবে মাথায় ঘুরতে থাকে নিজের অক্ষমতা। শুধু আইস-সেইলিঙ্গে বেরংলেই মুক্তি মেলে সেটা থেকে।

মাথা বাঁকিয়ে এলোমেলো চিন্তা থেকে বাস্তবে ফিরে এল শ্যারন। মন দিল সেইলিঙ্গে। প্যাডালে হালকা চাপ দিয়ে বাঁক নিল—এগিয়ে চলল গন্তব্যের দিকে। পুরনো আইস বেইসটাতে যাচ্ছে ও। আজ সকালেই বায়োলজি টিমের প্রধান ড. কেভিন কনওয়ের জরুরি বার্তা পেয়েছে—নতুন একটা আবিষ্কার নিয়ে নাকি বামেলা দেখা দিয়েছে জিয়োলজি টিমের সঙ্গে, সেটা মিটমাট করার জন্য শ্যারনকে আইস বেইসে যেতে অনুরোধ করেছে সে।

ওমেগা স্টেশনের প্রধান হিসেবে প্রায়ই এ-ধরনের বিরোধে মধ্যস্থতা করতে হয়ে শ্যারনকে। বিরক্তিকর ব্যাপার, সামী-দামি বিজ্ঞানীরা ছেলেমানুষের মত আচরণ করে, কোনও কথা শুনতে চায় না। মাঝে মাঝে ব্যস্ততার অজুহাতে তাই এড়িয়ে চলে শ্যারন ঝগড়া মেটানোর দায়িত্ব। তবে আজ অনুরোধটা পেয়ে ভালই হয়েছে, ড্রিফট স্টেশনে দম বন্ধ হয়ে আসছিল, সেইলিঙ্গের সুযোগ পেয়ে গেছে। পুরনো বেইসটাও দেখা হয়ে যাবে একই সঙ্গে। লাঞ্ছ সেরেই তাই বেরিয়ে পড়েছে আইসবোট নিয়ে।

একটু পরেই উঁচু রিজের চূড়ায় উড়তে থাকা লাল পতাকা চোখে পড়ল, বাস্তাসে পত পত করে উড়ছে। ওটাই মার্কিং, নীচে রয়েছে আইস বেইসে ঢোকার প্রবেশপথ। মার্কিং অবশ্য না

থাকলেও চলত, রিজের গোড়ায় এ-মুহূর্তে পার্ক করে রাখা হয়েছে চারটা স্কি-ডু আর দুটো স্নো-ক্যাট। ওগুলো দেখেই বোৰা যাচ্ছে, প্রবেশপথের অবস্থান। পার্কিং এরিয়ার পরে আছে বিশাল এক টানেল, নেভির এক্সপার্টরা বিস্ফোরণ ঘটিয়ে ওখান দিয়ে উন্মুক্ত করেছে আইস বেইসে ঢোকার রাস্তা।

ব্রেক চেপে আইসবোটের গতি কমাতে শুরু করল শ্যারন। এন্ট্রাসের টানেলের দিকে তাকাতেই নিজের অজ্ঞানে ছমছম করে উঠল গা। টানেলের মুখ দিয়ে বেরিয়ে আসছে গরম বাস্প—জেনারেটরের উভাপে সৃষ্টি। মনে হচ্ছে যেন গরম নিঃশ্বাস ফেলছে অতিকায় কোনও দানব, টানেলটা ওটার মুখ-গহ্বর। ওদিকেই এগোচ্ছে ও। ওখানে শুমগুম আওয়াজ হচ্ছে সারাক্ষণ, সেটাও জেনারেটরের কল্যাণে। কয়েকদিন আগেই আইস বেইসের পুরনো সবকটা জেনারেটর মেরামত করে নিয়েছে টেকনিশিয়ানরা—দিনরাত চলছে ওগুলো, আলো এবং তাপ সরবরাহ করছে।

এখনকার পরিস্থিতি ভিন্ন, কিন্তু প্রথমবার যখন নেমেছিল, সে-অভিজ্ঞতা ভুলবার নয়। মেটাল ডিটেক্টর আর পোর্টেবল সোনারের সাহায্যে খুঁজে বের করা হয়েছিল বেইসের এন্ট্রাস। এরপর মেল্ট-চার্জ আর এক্সপ্লোসিভের মাধ্যমে তৈরি করা হয় টানেল। এন্ট্রাসটা বরফ আর মোটা স্টিলের পাত দিয়ে বন্ধ হওয়া অবস্থায় পায় ওরা। অ্যাসিটিলিন টর্চ ব্যবহার করতে হয়েছিল দরজাগুলো খোলার জন্য। পরের পর্বটা ছিল দুঃস্বপ্ন।

পাল গুটিয়ে ফেলল শ্যারন, ব্রেক চেপে গতি কমাল আইসবোটের। প্রেশার রিজের সারি পেরিয়ে ছোট্ট একটা উপত্যকার মত জায়গায় পৌছে গেছে। রিজের আড়ালে তৈরি করা হয়েছে একটা টেম্পোরারি মর্গ—বেইস থেকে উদ্ধার করা সমস্ত লাশ রাখা হয়েছে কমলা রঙের বড় এক স্টর্ম টেন্টে।

শুভ পিঞ্জর-১

অ্যাডমিরাল বেকেট জানিয়েছেন, মঙ্কো থেকে নাকি ইতিমধ্যেই
একটা প্রতিনিধি-দল রওনা হয়েছে—আগামী সপ্তাহে লাশগুলো
নিতে আসবে তারা। এ-ছাড়া বিষয়টা নিয়ে আর কোনও কথা
বলছে না কেউ।

ফুট প্যাডাল ব্যবহার করে দক্ষভাবে স্টিয়ার করল শ্যারন,
মেক-শিফট পার্কিং লটে পৌছে থামাল বাহন। তারপর ধীরে-সুস্থে
নেমে এল। অভ্যর্থনা জানাবার জন্য কেউ আসেনি। কোমরে হাত
রেখে চারপাশে চোখ বোলাল। বরফের পাহাড়-পর্বত আর
অবারিত প্রান্তর ছাড়া আর কিছুই নেই আশপাশে। ক্ষণিকের জন্য
মনে পড়ে গেল ডিপআই সোনারে দেখা আকৃতিটার কথা। সত্যি
সত্যি কোনও প্রাণী ছিল না তো ওটা? এখন পর্যন্ত অবশ্য তেমন
কোনও আলামত পাওয়া যায়নি হাইস-বেইসের ভিতরে বা
চারদিকের এলাকায় জ্যান্ত কোনও কিছুর সন্ধান পায়নি ওরা।

দ্রুত পাল ভাঁজ করে ফেলল শ্যারন, ওটা রেখে দিল
পাটাতনের নীচে। টেনে বোটটাকে নিয়ে গেল পার্কিং লট সংলগ্ন
পাহাড়ি এক খোড়লের ভিতর, যাতে ঝড়-বাপটা এলে না লাগে
ওটার গায়ে। একটা স্নো-অ্যাক্ষর গেঁথে সেটার সঙ্গে বাঁধল
বোটকে। এরপর বোটের ভিতর থেকে ওভারনাইট ব্যাগটা নিয়ে
পা বাড়ল কুয়াশায় ঢাকা টানেলের দিকে।

গুহামুখটা বৈচিত্র্যহীন, তবে শ্যারন লক্ষ করল, আরও বড়
করা হয়েছে ওটাকে। পুরো একটা স্নো-ক্যাট চুকিয়ে ফেলা যাবে
এখান দিয়ে। মেঝেতে সিঁড়ির মত ধাপ কেটে রাখা হয়েছে,
সেগুলোয় সাবধানে পা রেখে ধীরে ধীরে নামতে শুরু করল ও।
খুব শীত্রি পৌছে গেল এন্ট্রাসে। দরজার পাল্টাদুটো এখনও
মেরামত করা হয়নি, কবজ্জার সঙ্গে ঝুলছে অসহায়ভাবে। ফাঁকা
ডোরওয়ে দিয়ে বেরিয়ে আসছে বাস্পের কুণ্ডলী। ওখানে একটু
দাঁড়াল শ্যারন, চোখ বোলাল দরজার উপরে। হ্যাঁ, দেখা যাচ্ছে

নামফলক... শেষবার যখন এসেছিল, তখন বরফে ঢাকা ছিল
ওটা; টানেল বড় করবার সময় পাওয়া গেছে জিনিসটা।

ফলকটা পড়ল শ্যারন। রাশান অঙ্করে বড় বড় করে লেখা
আছে বেইসের নাম:

আইস স্টেশন গ্রেণেল

ভুরু কোঁচকাল তরুণী বিজ্ঞানী। এমন অস্তুত নাম দেবার
পিছনে বিশেষ কোনও কারণ কী আছে? বেউলফের উপকথা
পড়েছে ও, গ্রেণেল নামের দানব সম্পর্কে জানে। কিন্তু সেটার
সঙ্গে একটা গোপন গবেষণা কেন্দ্রের কী সম্পর্ক থাকতে পারে,
কিছু আঁচ করতে পারছে না।

কাঁধ ঝাঁকিয়ে আগে বাড়ল শ্যারন। দরজার পাছ্বা বরফে জমে
জ্যাম হয়ে আছে, রীতিমত টানাহেঁচড়া করে ভিতরে ঢোকার মত
জায়গা বের করতে হলো। ডোরওয়ে পেরুল হাঁপাতে হাঁপাতে।
একটু থেমে দম নিল, তারপর পা বাড়াল সামনে।

চওড়া একটা হলওয়েতে পৌছে গেল ও খানিক পরেই।
তরুণ এক রিসার্চারের দেখা মিলল ওখানে—হাঁটু গেড়ে একটা
খোলা ইলেক্ট্রিকাল প্যানেলে কাজ করছে। আবছা আলোতেও
চেনা গেল তাকে—মাইলস্ ফস্টার, নাসা থেকে এসেছে,
ইঞ্জিনিয়ার। এ-মুহূর্তে স্রেফ একটা টি-শার্ট আর জিস পরে আছে
সে। সঙ্গে সঙ্গে খেয়াল করল শ্যারন, বেইসের ভিতরটা
অস্বাভাবিক রকমের গরম। ঘামতে শুরু করেছে ও।

পায়ের শব্দ শুনে ঘাড় ফিরিয়ে তাকাল ফস্টার। কৃত্রিম ভয়ের
ভাব ফুটিয়ে বলল, ‘ওরে বাবা! ইয়েতি নাকি!!’

হেসে ফেলল শ্যারন। ভারী আর্কটিক গিয়ার আর
পলিপ্রোপিলিন মাস্ক পরা অবস্থায় দানবের মতই লাগছে বটে
ওকে। মাস্ক খুলে ফেলল ও, মাথা ঝাঁকাল, ‘হাই, মাইলস্!’

‘গ্রেণেল নামের উনুনে স্বাগতম, ড. বেকেট,’ পান্টা হাসি
শুন্দি পিঞ্জর-১

দিয়ে বলল ফস্টার। বেশ খাটো সে, মাত্র পাঁচ ফুট এক ইঞ্চি। চেয়েছিল নতোচারী হতে, কিন্তু উচ্চতা কম বলে বাদ পড়ে গেছে। শেষ পর্যন্ত ইঞ্জিনিয়ার হিসেবে যোগ দিয়েছে নাসায়। আর্কিটিকে এসেছে চরঘ শীতল তাপমাত্রায় নতুন কয়েক ধরনের সংকর ধাতুর প্রতিক্রিয়া নিয়ে গবেষণা করতে।

ভুড় নামিয়ে থারমাল সুটের চেইন খুলল শ্যারন। জিজেস করল, ‘এত গরম কেন এখানে?’

‘সবার একই অভিযোগ,’ বলল ফস্টার। ‘আমি ওই নিয়েই কাজ করছি। বেশ ক'টা এয়ার পাম্প এনেছি এর মধ্যে, বাতাসের সার্কুলেশন ঠিক রাখার জন্য। তবে থার্মোস্ট্যাটের সমস্যাটা দ্রুত মেটাতে না পারলে পুরো বেইস্টাই গলে পাহাড়ের গায়ে মিশে যাবে।’

ভুড় কোঁচকাল শ্যারন। ‘পরিস্থিতি বিপজ্জনক বলতে চাইছ?’

একটু হাসল ফস্টার। বেইসের ধাতব দেয়ালে টোকা দিয়ে বলল, ‘এখনও ভয় পাবার মত কিছু ঘটেনি। স্ট্রাকচারের পিছনে তিন ফুট পুরু ইনসুলেশন আছে। তাপ বাইরে যেতে দিচ্ছে না।’ একটু প্রশংসা ফুটল তার কষ্টে। ‘যারাই ডিজাইন করে থাকুক, ম্যাটেরিয়াল সায়েন্সের ব্যাপারে ভাল জ্ঞান ছিল তাদের। অ্যাসবেস্টস মেশানো সিমেন্ট আর স্পঞ্জ রুকের ইন্টারলকড লেয়ার দিয়ে বানিয়েছে ইনসুলেশন। মূল কাঠামোটা স্টিল, অ্যালুমিনিয়াম আর সিরামিক কম্পোজিটের। হালকা, টেকসই, সময়ের চেয়ে অনেক উন্নত প্রযুক্তি। আমি তো বলব...’

হাত তুলে তাকে থামিয়ে দিল শ্যারন। ওর কলিগদের নিয়ে এই এক সমস্যা। নিজের ফিল্ডের ব্যাপারে কিছু বলার সুযোগ পেলে ঝীতিমত লেকচার শুরু করে দেয়। লম্বা, বিরক্তিকর। কাঠখোট্টা গলায় ও বলল, ‘কিছু মনে কোরো না, মাইলস্। ড. কনওয়ের সঙ্গে দেখা করতে এসেছি আমি। ওঁকে কোথায় পাওয়া

যাবে, বলতে পারো?’

‘ড. কনওয়ে?’ কাঁধ ঝাঁকাল ফস্টার। ‘স্নেক পিটে খোঁজ নিয়ে দেখুন। সেই সঙ্গে বেলা ওঁকে চুকতে দেখেছি ওখানে। কী নিয়ে যেন খিটিমিটি লেগেছে জিয়োলজি টিমের সঙ্গে, ওদেরকে চুকতে দিচ্ছেন না ওখানে। কান পাতলে সন্তুষ্ট এখান থেকেও দু’দলের চেঁচামেচি শোনা যাবে।’

‘ধন্যবাদ। তুমি কাজ করো, আমি যাই।’

ফস্টারকে পাশ কাটিয়ে পা বাড়াল শ্যারন। বেইস্টা বৃত্তাকার পাঁচটা লেভেলের সমন্বয়ে গঠিত, এক লেভেল থেকে আরেক লেভেলে যেতে হয় মাঝখানের সরু স্টেয়ারকেস দিয়ে। প্রত্যেক লেভেলের লে-আউট মোটামুটি একই রকম—মাঝখানে কমিউনাল স্পেস, চারদিকে সারি সারি কক্ষ। পার্থক্য হলো, উপরের লেভেল থেকে নীচের লেভেলের আয়তন কম।

সারফেসের কাছাকাছি লেভেলটা সবচেয়ে বড়, প্রায় পঞ্চাশ গজ চওড়া। ওখানে রয়েছে লিভিং কোয়ার্টার, ব্যারাক, কিচেন, ডাইনিং হল আর কয়েকটা অফিস। করিডোর ধরে মাঝখানের ফাঁকা অংশে চলে এল শ্যারন, ওখানে সাজিয়ে রাখা হয়েছে অনেকগুলো টেবিল-চেয়ার... এখানেই এককালে খাওয়াদাওয়া করত বেইসের রাশান ক্রু-রা। এখন অবশ্য বিজ্ঞানীরাও করছে।

একটা টেবিল দখল করে বসে থাকা দু’জন রিসার্চারের দিকে তাকিয়ে মৃদু মাথা ঝোঁকাল শ্যারন, তারপর পঁ্যাচানো সেন্ট্রাল স্টেয়ারকেস ধরে নামতে শুরু করল নীচে। সিঁড়িটা দশফুট চওড়া একটা শাফটের ভিতর দিয়ে নেমেছে। সিঁড়ি ছাড়াও এই শাফটে রয়েছে চারটে কেইবল, ওগুলোর সাহায্যে একটা লোহার খাঁচা তুলে আনা যায় একেবারে নীচের লেভেল থেকে। পুরনো আমলের কার্গো এলিভেটর আর কী।

নামতে নামতে পায়ের তলায় কম্পন অনুভব করল শ্যারন।

জেনারেটর আর নানা ধরনের মেশিনারির ভাইব্রেশনের কারণে কাঁপছে ধাপগুলো। অদ্ভুত এক অনুভূতি হলো ওর—মনে হচ্ছে যেন দীর্ঘ শীতনিদ্রা শেষে আবার জ্যান্ত হয়ে উঠেছে এই বরফের দুর্গ।

একে একে দুই আর তিন নম্বর লেভেল পেরুল শ্যারন। এই দুটো লেভেলে রয়েছে নানা রকম রিসার্চ ল্যাব আর বেইসের ইঞ্জিনিয়ারিং প্ল্যাট। আরও দুটো লেভেল আছে এর পরে। একদম নীচেরটা হলো ডকিং স্টেশন, ওখানে একটা সাবমেরিন এখন বরফে জমাট বেঁধে আটকা পড়ে আছে। ওটারই অংশবিশেষ দেখেছিল ওরা সেদিন পোলার সেণ্টিনেল থেকে।

তবে শ্যারনের গন্তব্য হলো চার নম্বর লেভেল, ওটা বাকি সব লেভেলের চেয়ে একেবারেই ব্যতিক্রম। সেণ্ট্রাল কমিউনাল স্পেস নেই, সিঁড়ি থেকে নামলেই একটা বন্ধ হলঘর; চারদিকে অন্যান্য লেভেলের মত অসংখ্য দরজা চোখে পড়ে না, তার বদলে নজরে পড়ে মাত্র দুটো ভারী স্টিলের দরজা। একটা দিয়ে যাওয়া যায় বেইসের সঙ্গে সংযুক্ত প্রাকৃতিক টানেল নেটওয়ার্কে, অন্যটার পিছনে রয়েছে বিশেষ সেই কক্ষ... যেখানে প্রবেশ নিষিদ্ধ করা হয়েছে সবার জন্য, বসানো হয়েছে সার্বক্ষণিক পাহারা। এ-মুহূর্তে দু'জন অস্ত্রধারী নাবিককে দেখা যাচ্ছে দরজাটার সামনে, এরা নেভির লোক... একজন পেটি অফিসার, অন্যজন সেকেও প্রেডের সেইলর।

শ্যারনকে দেখতে পেয়েই হাসল পেটি অফিসার। ‘গুড আফটারনুন, ড. বেকেট!’

‘গুড আফটারনুন,’ পাল্টা জবাব দিল শ্যারন। ‘ড. কনওয়েকে দেখেছেন আপনারা?’

‘জী, ম্যাম। আপনি আসবেন বলে জানিয়েছেন উনি আমাদেরকে। তার আগ পর্যন্ত সবাইকে স্নেক পিট থেকে দূরে

সরিয়ে রাখার অনুরোধ করেছেন। ওখানেই আছেন ভদ্রলোক।'

পেটি অফিসারের ইশারায় কামরার অন্যপ্রাপ্তের দরজাটার দিকে তাকাল শ্যারন। ওপারে রয়েছে প্রাকৃতিক গুহা আর সুড়ঙ্গের এক জটিল গোলকধাঁধা। রিসার্চাররা ঠাণ্ডা করে এরই নাম দিয়েছে স্নেক পিট, মানে সাপের গুহা। জিয়োলজিস্ট আর গ্লেসিয়োলজিস্টদের জন্য স্বর্গরাজ্য। ওই টানেল নেটওয়ার্কের কারণে বরফের এত গভীর থেকেও সহজে স্যাম্পল সংগ্রহ করতে পারছে ওরা, মাপতে পারছে তাপমাত্রা, করতে পারছে বিভিন্ন ধরনের পরীক্ষা-নিরীক্ষা। হাজার হোক, ক'জনেরই বা সৌভাগ্য হয় একটা হিমশিল-র পেটের ভিতরে ঘুরে বেড়াবার! শ্যারন শুনেছে, ইতিমধ্যে প্রাচীন প্রস্তর আর টেরেস্ট্রিয়াল ডেভি-র বড়সড় একটা সংগ্রহ পাওয়া গেছে ওখানে। সে-জন্যে পুরো জিয়োলজি টিমকে রিলোকেট করা হয়েছে গ্রেগোলে। কিন্তু এর মধ্যে বায়োলজিস্টদের সঙ্গে ঝামেলার কী সম্পর্ক?

'ধন্যবাদ,' বলে দরজাটার দিকে হাঁটতে শুরু করল শ্যারন। মনে মনে স্বস্তি ও অনুভব করছে বন্ধু দরজাটার কাছ থেকে দূরে সরতে পেরে। ওখানে কী আছে, তা ভাবলেই শিউরে উঠছে শরীর। সমস্যা হলো, ব্যাপারটা নিয়ে কারও সঙ্গে কথা বলবার উপায় নেই।

লেভেল ফোর নিয়ে ইতিমধ্যে গুজব আর কানাকানি শুরু হয়েছে রিসার্চারদের মাঝে। কল্পনার সাগরে ভেলা ভাসিয়েছে সবাই। কেউ বলছে, ভিন্নগ্রহবাসীদের স্পেসশিপ আছে ওখানে, কেউ বলছে ভয়ঙ্কর কোনও বোমা, কেউ বা ভাবছে বায়োলজিক্যাল ওয়ারফেয়ারের নির্দর্শন লুকিয়ে আছে বন্ধু দরজার ওপাশে।

দীর্ঘশ্বাস ফেলল শ্যারন, সত্যটা ওদের কল্পনারও বাইরে।

স্নেক পিটে যাবার দরজার সামনে পৌছুল ও, সঙ্গে সঙ্গে খুলে শুভ পিঞ্জর-১

গেল পাল্লা। একটু হকচকিয়ে গেল। হলুদ পারকা পরা বিশালদেহী একজন মানুষ বেরিয়ে এসেছে, তার সঙ্গে বেরিয়ে এসেছে শৈত্যের একটা প্রবাহ—বিশাল বরফধীপের বুকের ভিতর থেকে বেরিয়ে আসা নিশ্চাস! ঠাণ্ডায় কেঁপে উঠল শ্যারন।

‘ড. বেকেট!’ একটু বিস্ময়ের সঙ্গে বললেন মানুষটা। তাড়াতাড়ি হড় খুলে উন্মুক্ত করলেন চেহারা। ড. কেভিন কনওয়ে, হার্ভার্ড বায়োলজিস্ট, পদ্ধতিশের কোঠায় বয়স। ‘আপনি চলে এসেছেন?’

‘হ্যাঁ, ড. কনওয়ে,’ মৃদু হেসে বলল শ্যারন। থারমাল সুটের চেইন আটকাল। ঠাণ্ডা বাতাস যেন হাজিমজ্জায় আঘাত হানছে।

‘সরি, এত তাড়াতাড়ি এসে পড়বেন ভাবিনি,’ বললেন কনওয়ে। হাত বোলালেন মাথার মস্ত বড় টাকে। চুলের অভাব পূরণ করেছেন ভারী গোঁফ-দাঢ়ি রেখে। খুতনি চুলকালেন। ‘তেবেছিলাম উপর থেকেই রিসিভ করব আপনাকে।’

‘রাখুন তো ওসব। কী হয়েছে স্টেই বলুন। আমাকে খবর দিয়েছেন কেন?’

চকিতে পিছনটা দেখে নিলেন কনওয়ে। ‘আ... আমি একটা জিনিস পেয়েছি। খুবই অদ্ভুত... আসুন আপনাকে...’

ঘুরে গেছেন ভদ্রলোক, ঠোঁট দেখা না যাওয়ায় কথার শেষটুকু বুঝতে পারল না শ্যারন। ডাকল, ‘ড. কনওয়ে?’

ওর দিকে তাকালেন কনওয়ে। চোখে জিজ্ঞাসা। ইশারায় নিজের ঠোঁট দেখাল শ্যারন।

‘ওহ, সরি,’ তাড়াতাড়ি বললেন কনওয়ে। তারপর ওর দিকে ফিরে ধীরে ধীরে বললেন কথা। ‘খুবই ইন্টারেস্টিং একটা ব্যাপার, নিজ চোখে দেখতে হবে আপনাকে। সেজন্যই খবর পাঠিয়েছি।’ নেভির প্রহরীদের দিকে ইশারা করলেন। ‘ওদের সাহায্য নিয়ে কোনোমতে ঠেকিয়ে রেখেছি জিয়োলজিস্টদের ওই

পাথর-কুড়ানি দলটাকে। ভিতরে গেলেই সব বুঝতে পারবেন। আমার ক্লেইম কতখানি ইম্প্রেট্যাণ্ট, সেটা টের পাবেন। স্পেসিমেনগুলো...' কথা শেষ করলেন না তিনি। পিঠ খাড়া করলেন। ‘ভিতরে খুব ঠাণ্ডা। দাঁড়ান, একটা পারকা এনে দিচ্ছি আপনাকে।’

‘দরকার নেই,’ বাধা দিল শ্যারন। ‘আমার থারমাল সুটই যথেষ্ট। চলুন কী দেখাবেন।’

হালকা এক টুকরো হাসি ফুটল বায়োলজিস্টের ঠোঁটে। ‘আমি যা পেয়েছি, সেটাই সবকিছুর মূল... অন্তত আমার মতে! মনে তো হয়, ওটার কারণেই তৈরি করা হয়েছিল এই বেইস।’

হেঁয়ালির মত লাগল কথাটা। ‘কী! কীসের কথা বলছেন?’ জিজ্ঞেস করল শ্যারন।

‘আসুন আমার সঙ্গে।’ উল্টো ঘুরে হাঁটতে শুরু করলেন কনওয়ে।

তাঁকে অনুসরণ করবার আগে পিছনে একবার তাকাল শ্যারন। নিশ্চয়ই ভুল করছেন ভদ্রলোক। এই রিসার্চ স্টেশন তৈরির পিছনে মূল কারণ তো লুকিয়ে আছে ওই বদ্ধ দরজার ওপাশে! তা হলে কীসের কথা বলছেন কনওয়ে?

দীর্ঘশাস ফেলে বায়োলজিস্টের পিছু নিল ও।

বারো

গভীর মনোযোগে রিমান চালাচ্ছে রানা। উইণ্ডশিল্ডের ওপাশে উদয় হয়েছে নয়নাভিরাম প্রাকৃতিক দৃশ্য, আর্কটিক ন্যাশনাল শুভ পিঞ্জর-১

পার্কের এই সৌন্দর্য উপভোগ করার জন্য প্রতি বছর দলে দলে হাজির হয় হাজারে হাজার হাইকার, ক্লাইম্বার আর অ্যাডভেঞ্চারার। কিন্তু এ-মুহূর্তে প্রকৃতির দিকে মনোযোগ নেই রানার।

সামনেই দেখা যাচ্ছে অ্যারিগেচ পিকস্। স্থানীয় ভাষায় অ্যারিগেচের অর্থ: উপর দিকে খাড়া করে রাখা হাতের আঙুল। নামটার সঙ্গে প্রচুর মিল আছে জায়গাটার। বিশাল একটা এলাকা জুড়ে মাথা তুলে রেখেছে পর্বতমালার অসংখ্য চূড়া। হাজার ফুট উঁচু পাহাড়-প্রাচীর, টলমলে ওভারহ্যাঙ আর গ্রেশাল অ্যাফিথিয়েটারের দেখা মিলবে ওখানে। ক্লাইম্বারদের জন্য আদর্শ চ্যালেঞ্জ, হাইকাররাও উপভোগ করে প্রকৃতির এই নগু, আদিম রূপ।

কিন্তু অ্যারিগেচের ভিতর দিয়ে বিমান চালনা আসলেই পাগলামির নামান্তর। সংকীর্ণ গিরিখাতগুলোই একমাত্র সমস্যা নয়, রয়েছে বাতাসের তীব্র আগ্রাসনও। প্রমত্তা নদীর স্নোতের মত শক্তিশালী বায়ুপ্রবাহ খড়কুটোর মত উড়িয়ে নিত চায় সবকিছু। দমকা হাওয়ার সঙ্গে ভেসে আসে বালিকণা আর গাছের লতাপাতা-সহ হরেক রকমের জিনিস। অবশ্য ওসব নিয়ে মোটেই মাথা ধামাচ্ছে না রানা।

‘তৈরি হও সবাই!’ একটু পর হঁশিয়ারি উচ্চারণ করল ও।

পর্বতমালার ভিতরে ঢুকে পড়ল টুইন অটোর। যেদিকে চোখ যায়, আকাশছোঁয়া পাহাড়... ঢালের উপর জমাট বাঁধা বরফে প্রতিফলিত হচ্ছে সূর্যকিরণ। গোলকধাঁধার চেয়েও জটিল। হঠাৎ দেখায় মনে হয়, এর মাঝে দিয়ে এগোবার কোনও পথ নেই।

শরীর বাঁকিয়ে পিছনে তাকাল অ্যাবি। সেসনাটা দূরত্ব কমিয়ে এনেছে, মাত্র সিকি মাইল পিছনে রয়েছে ওরা। পাহাড় গোলকধাঁধার ভিতরেও ধাওয়া চালিয়ে যাবে কি না, সেটাই

নীচে কুলকুলু আওয়াজ তুলে লাফিয়ে লাফিয়ে ছুটছে দুরস্ত-
গতি পাহাড়ি ঝর্ণা। পাহাড়ি ঢালে দেখা যাচ্ছে গাছপালার সারি,
কিছুদূর উঠে থেমে গেছে তাদের বিস্তার। উপরে পাহাড়চূড়গুলো
বরফের টোপর পরা—যেন পক্ষকেশ বৃক্ষ।

রানার দিকে ফিরল অ্যাবি, ভাবল ওকে আত্মাতী সিদ্ধান্তটা
পাল্টাবার জন্য আরেকবার অনুরোধ করবে কি না। কিন্তু
দৃঢ়প্রতিজ্ঞ বাঙালি যুবকের চেহারায় অথও আত্মবিশ্বাস লক্ষ করে
সিদ্ধান্ত পাল্টাল। বোৰা যাচ্ছে, ঝুঁকিটা নেবেই ও। এ ছাড়া আর
কোনও উপায়ও তো নেই।

পিছন থেকে রিচার্ড ম্যানিটকের কর্ত শোনা গেল। সিট
হারনেসের সঙ্গে লোবোর কলার আটকে দিয়েছেন তিনি।
বললেন, ‘আমরা রেডি।’

‘গুড়,’ রানা জবাব দিল।

বৃক্ষ ইনুইটের পাশে বসে আছে ম্যাসন, দৃষ্টি সামনে নিবন্ধ।
কোনও কথা বলল না। অ্যারিগেচে পিকসের চেহারা দেখার সঙ্গে
সঙ্গেই চেহারা ফ্যাকাসে হয়ে গেছে তার। নীচ থেকে এ-দৃশ্য
মোহনীয়, কিন্তু আকাশ থেকে ভীতিপ্রদই নয়, স্বেফ আতঙ্ককর।

নিচু একটা ঢাল পেরিয়ে গেল টুইন অটার, এবার শুরু হচ্ছে
কঠিন এলাকা।

‘অ্যারিগেচে চুকলাম আমরা,’ জানিয়ে দিল রানা।

ওর কথা শেষ হবার সঙ্গে সঙ্গে শোনা গেল বুলেটবৃষ্টির
পরিচিত আওয়াজ। একটু কাত হয়ে লাইন অভ ফায়ার থেকে
সরে গেল রানা, ব্যর্থ বুলেটগুলো মাথা কুটল পাহাড়ি ঢালে।
সেসনা এখনও নিখুঁত শট নেবার মত দূরত্বে পৌছায়নি।
নিশ্চয়ই পাহাড়ি গোলকধাঁধায় শিকারকে ঢুকে পড়তে দেখে
আগুপিচু না ভেবে গুলি চালাতে শুরু করেছে।

পিছনে তাকাল অ্যাবি, সেসনার একটা জানালায় আগুনের
ঝলকানি দেখল। শব্দ শোনা গেল না, তবে কী ছেঁড়া হয়েছে,
তা বোৰা গেল পরিষ্কার—গ্রেনেড। ধোঁয়াৰ রেখা তৈরি কৱে
ছুটে এল ওটা, তবে টুইন অটাৱেৰ দশ গজ পিছনে থাকতেই
গতি হারাল, খসে পড়ল নীচে। শোনা গেল বিস্ফোৱণেৰ
গুৱণগন্তীৰ আওয়াজ। পাহাড়ি ঢালে ছিটকে উঠল বৰফ আৱ
পাথৰকুচি।

কঞ্চোল কলাম নাড়ল রানা। একপাশেৰ ডানায় ভৱ দিয়ে
প্ৰায় খাড়া কৱে ফেলল বিমানকে। দুটো চূড়াৰ মাৰখানেৰ
সংক্ষিপ্ত একটা ফাঁকেৰ দিকে ছুটে যাচ্ছে, এভাৱে না গেলে
জায়গা হবে না বিমানেৰ। দম আটকে এল অ্যাবিৰ, পিছন থেকে
শোনা গেল ম্যাসনেৰ ভয়াৰ্ট গলা।

‘ওহ্ মাই গড়... ওহ্ মাই গড়...’

একমনে ঈশ্বৰকে ডাকছে বেচোৱা।

নিৱাপদে ফাঁকটা পেৱিয়ে গেল বিমান, সাবধানে ওটাকে
লেভেলে নিয়ে এল রানা। আকাশ এবাৱ অদৃশ্য হয়েছে সামনে
থেকে, উইঙ্গশিল্ডেৰ ওপাৱে এবড়ো-খেবড়ো পাহাড়ি দেয়াল আৱ
অলিগলিৰ মত গিৱিখাত ছাড়া কিছুই দেখা যাচ্ছে না। ঠিক যেন
এক গোলকধৰ্ম্মী।

কয়েক সেকেণ্ড পৱেই প্ৰথমবাৱেৰ মত হামলা চালাল দমকা
হাওয়া। বাতাসেৰ অদৃশ্য প্ৰাচীৱে ধাক্কা খেলো বিমান, প্ৰচণ্ড
বাঁকিতে কেঁপে উঠল পুৱো ফিউজেলাজ। মাথা বান কৰে
উঠল আৱোহীদেৱ। কোনোমতে ধাক্কাটা সামলে নিয়ে ভয়াবহ
টাৰিউলেন্সেৰ বিৱৰণে লড়াই শুৱ কৱল রানা। ডানে-বাঁয়ে ডানা
নামিয়ে-উঠিয়ে বাঁকুনি কমিয়ে আনল।

বিশাল এক কুঁফ ফেস আৱ তাৱ গায়ে ঠেস দিয়ে থাকা
পাথৱেৰ কলামেৰ ভিতৰ দিয়ে ছুটে গেল টুইন অটাৱ। আতক্ষে

আর্মেস্ট খামচে ধৱল অ্যাবি। সামনের সিটে বসায় প্রতিটা বিপদের খুঁটিনাটি পরিষ্কার দেখতে পাচ্ছে ও। ক্লিফ ফেস্টা পেরগতে না পেরগতে উদয় হলো একটা পাহাড়চূড়া, ঠিক ওদের পথের মাঝখানে।

‘রানা!’ চেঁচিয়ে উঠল অ্যাবি।

বিলুমাত্র ভাবান্তর হলো না রানার চেহারায়, ঘড়ের বেগে বিমানকে রোল করালো ও, নিপুণভাবে পাশ কাটাল চূড়াটাকে। পরের পাঁচ মিনিটে আরও খেলা দেখাতে হলো ওকে—আঁকাবাঁকা গিরিখাতের ভিতরে সার্কাস খেলোয়াড়ের মত দৌড়বাঁপ আর ডিগবাজি দিতে হলো বিমান নিয়ে।

যাত্রীদের আহি আহি অবস্থা, চেঁচাতেও ভুলে গেছে সবাই। অ্যাবির পেট মোচড়াচ্ছে, মনে হচ্ছে বমি করে দেবে যে-কোনও মুহূর্তে। মনোযোগ ফেরানোর জন্য পিছনে তাকাল, খুঁজল সেসনাটাকে। কিন্তু নেই ওটা। গায়ের হয়ে গেছে। পাথুরে এই গোলকধাঁধা থেকে বের হবার হাজারটা পথ আছে... যদি একবার হারিয়ে ফেলে, খুঁজে পাবে না আর। ওদেরকে বাগে পেতে হলে পিছু পিছু আসতেই হবে বিমানটাকে। গেল কোথায়? হাল ছেড়ে দিয়েছে?

চওড়া একটা গ্রেশাল সার্ক-এ চুকেছে ততক্ষণে টুইন অটার। বিশাল একটা খোড়লের মত জায়গা, পাহাড়ের শরীর ক্ষয়ে গিয়ে তৈরি হয়েছে। সার্কের ভিতর দিয়ে বিমানকে ঘুরিয়ে আনল রানা, দুই পাহাড়ের মাঝ গলে বেরিয়ে এল বড়সড় একটা লেকের উপরে। স্বচ্ছ পানিতে ঝিলমিল করছে সকালের রোদ, উপরে খোলা আকাশ। চারদিকে খাড়া পাহাড়প্রাচীর, অন্তত দু’হাজার ফুট উঁচু। সরাসরি ওঠা যাবে না উপরে। তাই প্রাচীর ঘেঁষে পাক থেতে শুরু করল, ধীরে ধীরে উচ্চতা বাঢ়াচ্ছে, খোলা আকাশে পৌছুলেই মুক্তি পাবে অ্যারিগেচের গোলকধাঁধা থেকে।

হঠাৎ একটা প্রতিবিম্ব দেখতে পেল অ্যাবি পানির বুকে। আরেকটা বিমান! বাট করে নীচে তাকাল, তীব্রবেগে উপত্যকায় প্রবেশ করেছে সেসনাটা। ওদের অনুসরণ করে নয়, পাহাড়ের আরেক পাশ থেকে। নিশ্চয়ই পথ হারিয়েছিল। কপালজোরে খুঁজে পেয়েছে এই উপত্যকা... স্বেফ কপাল!

‘রানা!’ প্রায় চেঁচিয়ে উঠল অ্যাবি।

রানাও দেখতে পেয়েছে। মাথা নেড়ে বলল, ‘এখনও ক্লিফ পেরুনোর মত উচ্চতায় পৌছুইনি। কিছু করার নেই। একটু অপেক্ষা করো।’

সেসনাও চক্র দিতে শুরু করল উপত্যকার ভিতর। ওদের মতই উচ্চতা বাড়াচ্ছে। কিন্তু গতি বেশি হওয়ায় অপেক্ষাকৃত দ্রুত উঠে আসছে। রূক্ষশ্বাস উভেজনা নিয়ে ওটার দিকে তাকিয়ে থাকল টুইন অটারের আরোহীরা।

দুই বিমানের মধ্যকার দূরত্ব সম্ভব গজে পৌছুতেই সেসনার একটা দরজা খুলে যেতে দেখল অ্যাবি। কাঁধে ঘেনেড লঞ্চার ঠেকিয়ে সাদা পারকা পরা লোকটা আবার শরীর বের করল ওখান দিয়ে।

‘শিট!’ গাল দিয়ে উঠল অ্যাবি। ‘আবার ঘেনেড ছুঁড়তে যাচ্ছে ওরা, রানা।’

চকিতে চারপাশ দেখে নিল রানা। পাহাড়ের মাত্র অর্ধেকটা উঠে এসেছে ওরা, বাকিটুকু পেরুনোর সময় নেই। একটাই কাজ করা যেতে পারে কেবল।

‘হোল্ড অন,’ বলল ও। ‘অ্যারিগেচে আবার নামছি আমরা।’

‘হোয়াট!’ আঁতকে উঠল ম্যাসন।

‘আর কোনও উপায় নেই,’ রানা বলল। একটু নামাল বিমানের নাক। বাঁক নিয়ে এবার নীচের দিকে নামছে টুইন অটার। ‘অ্যাবি, একটু ডাইভারশন দরকার আমাদের।’

মাথা ঝাঁকাল মেয়েটা, খুলে ফেলল সিটবেল্ট। পিছনের কেবিন থেকে শটগান আনার সময় নেই, তাই হাত চালাল সিটের তলায়, বের করে আনল একটা ফ্লেয়ার গান। দ্রুত একটা কার্টিজ লোড করল ওতে। তারপর খুলে ফেলল জানালার কাঁচ। পাগলা হাওয়া হামলে পড়ল বিমানের ভিতর, কেঁপে উঠল ফিউজেলাজ। দাঁত দিয়ে ঠোঁট কামড়ে ঝাঁকুনিটা সামাল দিল রানা, কিন্তু কংক্রিট কলাম স্থির রাখতে গিয়ে ওর দুই হাত কাঁপছে থর থর করে।

‘কী করছিস তুই, অ্যাবি?’ রিচার্ড চেঁচিয়ে উঠলেন। তাঁর সঙ্গে তাল মেলানোর জন্য ঘেউ ঘেউ করে উঠল লোবো।

‘পিজ, আমার মনোযোগ নষ্ট কোরো না।’ জানালা দিয়ে ফ্লেয়ার গান ধরা হাত প্রসারিত করে দিয়েছে অ্যাবি, চেষ্টা করছে সেসনার দিকে লক্ষ্য তাক করতে। কয়েক সেকেণ্ড পরেই লাইন অভ সাইটে পাওয়া গেল টার্গেটকে। পারকা পরা লোকটা তখনও কসরত করছে ভারী গ্রেনেড লঞ্চারটা ওদের দিকে তাক করতে। লোকটাকে নিশানা করল অ্যাবি, টিপে দিল ট্রিগার।

মৃদু আওয়াজ করে বেরিয়ে গেল ফ্লেয়ার। বাতাসের তোড়ে সরে গেল খানিকটা, আছড়ে পড়ল সেসনার উইঙশিল্ডে, পরম্পরাগত বিক্ষেপিত হলো চোখ ধাঁধানো আলো ছড়িয়ে। ক্ষণিকের জন্য অঙ্ক হয়ে গেল সেসনার পাইলট, নিয়ন্ত্রণ হারিয়ে কাত হয়ে গেল বিমানটা। সঙ্গে সঙ্গে তাল হারাল পারকা পরা লোকটা। খোলা দরজা দিয়ে আকাশে ডানা মেলল সে, কঢ় চিরে বেরিয়ে এল আর্টিছিকার, তালগোল পাকিয়ে তাকে নীচে পড়ে যেতে দেখল অ্যাবি। হাত থেকে ছুটে গেছে গ্রেনেড লঞ্চার।

নির্বিকার রহিল অ্যাবি। তাড়াতাড়ি জানালার কাঁচ আটকাল, বেঁধে ফেলল সিটবেল্ট। রানার দিকে তাকিয়ে বলল, ‘গো!’

ପ୍ରାୟ ଖାଡ଼ାଭାବେ ଟୁଇନ ଅଟାର ନିଯେ ଡାଇଭ ଦିଲ ରାନା, ଚୋଥେର ପଲକେ ପେରିଯେ ଏଳ ପାକ ଧେତେ ଥାକା ସେସନାକେ, ଓଟାର ନିଚେ ପୌଛେ ଆବାର ଲେଭେଲ କରଲ ବିମାନ । ଫୁରସତ ପେଯେ ତାକାଳ ବାନ୍ଧବୀର ଦିକେ । ପ୍ରଶଂସାର ସୁରେ ବଲଲ, ‘ନାଇସ ଶଟ !’

‘କୀସେର ନାଇସ ଶଟ ?’ ମୁଖ ଝାମଟା ଦିଲ ଅୟାବି । ‘ଝଡ଼େ ବକ... ଆର କିଛୁ ନା ।’ ହାସଲ କଥାଟା ବଲେ ।

ଶରୀର ଘୁରିଯେ ଜାନାଲାର ବାଇରେ ଉଁକିବୁଁକି ଦିଚ୍ଛେ ମ୍ୟାସନ । ହଠାତ୍ ବଲଲ, ‘ଓରା ଫିରେ ଆସଚେ ।’

‘ଧ୍ୟାତ୍ମେରି,’ ଖେଦ ପ୍ରକାଶ ପେଲ ରାନାର ଗଲାଯ, ‘ଆରଙ୍ଗ ସମୟ ପାବ ଭେବେଛିଲାମ ।’

‘କୀ କରବେ ଏଥନ ?’ ଜାନତେ ଚାଇଲ ଅୟାବି ।

‘ଦେଖୋଇ ନା !’

ଏକ ଡାନାଯ ଭର କରେ ବିପଞ୍ଜନକ ଭଞ୍ଜିତେ କାତ ହୟେ ଗେଲ ଟୁଇନ ଅଟାର । କଯେକ ସେକେଣ ପର ଯଥନ ସିଧେ ହଲୋ, ତଥନ ସାମନେ ଏକଟା ପାଥୁରେ କଳାମ ଦେଖିତେ ପେଲ ଅୟାବି । ଓଟାର ଦିକେ ତୀର ଗତିତେ ଛୁଟେ ଯାଚେ ଓଦେର ବିମାନ ।

‘ଓହ ନୋ !’ ଫିସଫିସିଯେ ଉଠଲ ଓ ।

‘ଓହ ଇଯେସ !’ ଏକଇ ସୁରେ ବଲଲ ରାନା, ତାରପରେଇ ଆଚମକା ଡାଇଭ ଦେଯାର ଭଞ୍ଜିତେ ନାମିଯେ ଆନଲ ବିମାନେର ନାକ, ଲେକେର ପାନିର କରେକ ଫୁଟ ଉପରେ ପୌଛେ ଆବାର ସୋଜା ହଲୋ । ଟୁଇନ ଅଟାର ଏଥନ ପାନି ଛୁଇ ଛୁଇ ଅବସ୍ଥାଯ ଛୁଟିଛେ ପାଥୁରେ ପ୍ରାଚୀରେର ଗୋଡ଼ାର ଏକଟା ଅନ୍ଧକାର ଟାନେଲେର ଦିକେ । କଯେକ ହାଜାର ବର୍ଷର ଆଗେ ଭୂମିକମ୍ପେର ଫଲେ ସୃଷ୍ଟି ହୟେଛେ ଓହ ଟାନେଲେର । ନଦୀ ହୟେ ଲେକେର ପାନି ବହିଛେ ଟାନେଲେର ଭିତର ଦିଯେ । ଜ୍ଞାଯଗାଟା ରାନାର ଚେନା ।

‘ରାନା, ଓଟା ଡେଭିଲସ ପାସ !’ ଆତକ୍ଷିତ ଗଲାଯ ବଲଲ ଅୟାବି ।

‘ଜାନି ।’ ଶାନ୍ତ ଗଲାଯ ବଲଲ ରାନା । ସାବଧାନେ ଟାନେଲେର ମୁଖେର

সঙ্গে অ্যালাইন করে আনল বিমানকে, থ্রুটল কমাল। কয়েক
সেকেণ্ট পরেই ডেভিলস্ পাসে হড়মুড় করে ঢুকে গেল টুইন
অটার।

চোখের পলকে আঁধার হয়ে গেল দুনিয়া, ইঞ্জিনের আওয়াজ
গুরুগন্ধীর প্রতিধ্বনি তুলল টানেলের দেয়ালে বাঢ়ি খেয়ে।
চারপাশে কিছু দেখা যায় না, শুধু বহুদূর থেকে ভেসে আসছে
আলোর আবছা আভা। টানেলের আরেক মুখ ওটা, ওদিক লক্ষ্য
করে বিমানকে এগিয়ে নিয়ে যাচ্ছে রানা।

‘সেসনাটা এসে গেছে,’ একটু পরেই জানাল অ্যাবি।
দাঁতে দাঁত পিষল রানা। পিছনের পাইলট কম সেয়ানা নয়,
প্রতিটা পদক্ষেপ অনুকরণ করছে নিখুঁতভাবে। প্রমাদ শুনল, এই
টানেল থেকে বের হলে বড় ধরনের আর কোনও বিপত্তি নেই
অ্যারিগেচের অলি-গলিতে। ওখানে কিছুতেই খসানো যাবে না
ওদেরকে। যা করার করতে হবে এখানেই!

‘শক্ত হয়ে বসো তোমরা,’ বলল ও।
‘আর কত শক্ত হব, বরফের মত জমে গেছি!’ বলল অ্যাবি।
তারপর স্বাভাবিক গলায় জানতে চাইল, ‘এবার আবার কী
করতে চাইছ?’

জবাব না দিয়ে আরও একটু নীচে নামাল রানা বিমান।
তলার ফ্লোটগুলো পানির বুকে বাঢ়ি খাচ্ছে এর ফলে। পিংপং
বলে মত লাফিয়ে উঠছে চাইল বিমান, কিন্তু শক্ত হাতে ওটাকে
নিয়ন্ত্রণ করল রানা। ফ্লোটের সঙ্গে পানির সংঘর্ষের আওয়াজ
শোনা গেল। পিছনে যেন ফোয়ারা ছুটল। একেবারে টানেলের
শেষ মাথা পর্যন্ত এ-কাজ করল রানা, তারপর উঠে এল উপরে।

শাঁই করে খোলা একটা ময়দানে বেরিয়ে এল টুইন অটার।
উচ্চতা বাঢ়িয়ে চক্র শুরু করল রানা, নজর দিল টানেলের
মুখের দিকে। পরক্ষণেই হাসি ফুটল ওর ঠোঁটে। বেরিয়ে এসেছে
শুভ পিঞ্জর-১

সেসনা, তবে ক্ষত-বিক্ষত, অবস্থায়। টুইন অটারের স্ট্রেচ্যাকওয়াশ আঘাত হেনেছে ওটার ডানা আর প্রপেলারে, সংকীর্ণ টানেলে কিছুতেই সে-ধাক্কা এড়াতে পারেনি পাইলট, ড্রিফট করে ঘষা খেয়েছে দেয়ালের সঙ্গে। ডানা ভেঙে গেছে, বোঁচা হয়ে গেছে নাক, কাঁচগুলো ভেঙে চুরম্বার। টানেল থেকে বেরিয়েই ময়দানের উপর আছাড় খেলো বিমানটা। স্থির হয়ে গেল কয়েক গড়ান দিয়ে।

‘দেখালে বটে!’ নিখাদ প্রশংসা বেরুল অ্যাবির মুখ দিয়ে।

কাঁধ ঝাঁকাল রানা। ‘পিছনে লেগে থাকা লোকজন একদমই পছন্দ করি না আমি।’

তেরো

রাশান আইস স্টেশনের সঙ্গে লাগেয়া স্নেক পিট অসলে প্রাগৈতিহাসিক বরফ-গুহা আর সুড়ঙ্গের সমষ্টি। দরজা পেরিয়ে ওখানে চুকতেই শ্যারনের মনে হলো, আরেক জগতে পদার্পণ করল ও। মানুষের তৈরি কোনও কিছুর অস্তিত্ব নেই ওখানে, সব ফেলে এসেছে স্নেক পিটে যাবার দরজার ওপাশে।

দরজা পেরুলেই মোটামুটি খোলা একটা জায়গা, সেখানে স্তুপ হয়ে পড়ে আছে পূরনো জং-ধরা লোহার তাল, কংক্রিটের বস্তা, নানা ধরনের ওয়ায়্যারের রোল, ইত্যাদি। জায়গাটা আবিক্ষারের পর এসব দেখে সবাই ভেবেছিল, বোধহয় স্টোরেজ এরিয়া

হিসেবে টানেলগুলোকে ব্যবহার করত রাশানরা। নাসার একজন স্ট্রাকচারাল ইঞ্জিনিয়ারের ধারণা, পুরো বেইসই আসলে বানানো হয়েছে এই টানেল নেটওয়ার্কের ভিতরে, তাতে খোড়াখুঁড়ি কম করতে হয়েছিল নির্মাতাদের। তার মতে, স্নেক পিটের টানেলগুলো সেই মূল নেটওয়ার্কের উচ্চিষ্ট, অব্যবহৃত অংশ।

অবশ্য এসব অলস থিয়োরির বাইরে স্নেক পিটের ব্যাপারে খুব একটা আগ্রহ নেই ওমেগা-র বেশিরভাগ বিজ্ঞানীর। শুধু জিয়োলজিস্ট আর গ্লেসিয়োলজিস্টরাই কাজ করছে টানেলগুলোর ভিতরে। ওদের সমস্ত কাজকর্মই বরফ আর পাথর নিয়ে। বায়োলজিস্টরা এর ভিতরে কী এমন আবিষ্কার করে বসল, তেবে পাছে না শ্যারন।

‘এদিকে আসুন,’ বললেন কনওয়ে। পারকার চেইন গলা পর্যন্ত তুলে দিয়েছেন তিনি, মাথার টাক চেকেছেন হড় দিয়ে। টানেলের ভিতরে ভীষণ ঠাণ্ডা। একটা ফ্ল্যাশলাইট জ্বলে তাক করলেন খোলা জায়গার ওপারে হাঁ করে থাকা কতগুলো গুহামুখের দিকে। একটা লক্ষ্য করে হাঁটতে শুরু করেছেন। নীরবে তাঁকে অনুসরণ করল শ্যারন।

হাঁটতে কষ্ট হচ্ছে না, টানেলের মেঝেতে খালি ছিটিয়েছে জিয়োলজিস্টরা, যাতে পা না পিছলায় কারও। সমস্যা শুধু তাপমাত্রা নিয়ে। যত এগোচ্ছে, ততই আরও ঠাণ্ডা হয়ে উঠছে বাতাস, ভারীও বটে। শ্বাস টানলেই খচ করে বিধে ফুসফুসে। একটু অবাক হলো শ্যারন, এমনকী বাইরের খোলা জায়গাতেও বাতাস এত ঠাণ্ডা নয়। থারমাল সুটের বেল্ট থেকে ওয়ার্মিং মাস্ক খুলে আনল ও। মুখে লাগিয়ে অন্ত করল সুইচ।

দ্রুত পায়ে এগোচ্ছেন ড. কনওয়ে, পেরিয়ে যাচ্ছেন একের পর এক সাইড টানেল—কোনোটা মালপত্রে ভরা, কোনোটা আবার একেবারে খালি; কিন্তু তাকাচ্ছেন না ওগুলোর দিকে।

শুভ পিঞ্জর-১

একটা টানেলে কসাইদের হাতে প্যাক করা কিছু ক্রেত দেখল
শ্যারন, উপরে রাশান হরফে কিছু লেখা। মাংস-টাংস আছে
বোধহয় ভিতরে, জমে বরফ। দ্বীপের গভীরের এই গুহাগুলো
ফিজারের চেয়ে কোনও অংশে কম নয়।

টানেল ধরে আরও কিছুদূর এগোনোর পর দেখা মিলল নানা
রকম গর্ত আর মার্কিঙের—ভৃ-বিজ্ঞানীরা। এসব জায়গা থেকে
স্যাম্পল সংগ্রহ করছে। কৌতুহল নিয়ে ইতিউতি তাকাল শ্যারন।
গোলকধাঁধা বললেও কম বলা হয় জায়গাটাকে। আশপাশে
অসংখ্য গুহামুখ, একাকী ছেড়ে দিলে আর ফিরতে পারবে না।
বলতেই পারবে না কীভাবে কতদূর এসেছে। এ-কথা ভেবেই
বোধহয় টানেলের দেয়ালে নানা রকম চিহ্ন একে রেখেছে
বিজ্ঞানীরা।

একটা ইণ্টারসেকশনে পৌছে থামলেন কনওয়ে।
ফ্ল্যাশলাইটের আলো ফেললেন দেয়ালে। এক জায়গায় সবুজ
পেইন্টে আঁকা ত্রিভুজ দেখতে পেয়ে মাথা ঝাঁকালেন, এগোলেন
ত্রিভুজের পাশের গুহামুখ ধরে।

টানেলের আকার ছোট হয়ে এসেছে এদিকে। প্রস্থ কম,
ছাতও নেমে এসেছে মাথার মাত্র ছ'ইঞ্চি উপরে। সিধে হয়ে
হাঁটতে পারছে শ্যারন, কিষ্ট কনওয়ে হাঁটছেন একটু কুঁজো হয়ে,
নইলে মাথা ঠেকে যাবে ছাতে। ভিতরের বাতাস কেমন যেন
গুমোট, ফ্ল্যাশলাইটের আলোয় ঝিকিয়ে উঠছে দেয়াল আর ছাতে
জমে থাকা বরফ স্ফটিক, যেন বহুমূল্য হীরকখণ্ড ওগুলো। দু'পাশে
পাথরের অস্তিত্ব নেই আর, খাঁটি বরফে তৈরি হয়েছে সব
দেয়াল... স্বচ্ছ, ভিতরে আটকা পড়া বাতাসের বুদবুদ দেখতে
পাচ্ছে শ্যারন, মুক্তোর মত জুলজুল করছে।

দেয়ালে হাত বোলাল ও। একেবারে মসৃণ। গ্রীষ্মকালে সৃষ্টি
হয় এসব গুহার। সূর্যের তাপে গলে যায় সারফেসের বরফ,

পরিণত হয় পানিতে। সেই গরম পানি বিভিন্ন ফাঁকফোকর দিয়ে চুকে পড়ে ঘেসিয়ারের ভিতরে, শিরা-উপশিরার মত শুহা আর পকেট বানিয়ে চলে যায় একেবারে নীচ পর্যন্ত। শীত নামলে ঘেসিয়ারের উপরিভাগ আবার জমাট বেঁধে যায়, রয়ে যায় বরফের সুড়ঙ্গ আর শুহাগুলো।

নীলচে দেয়ালগুলোর দিকে তাকিয়ে আনমনা হয়ে গেল শ্যারন। ভুলে গেল শীতের কথা, হারিয়ে গেল অদ্ভুত সৌন্দর্যের মাঝে। ছোট একটা বাঁক ঘূরতেই তাই পা পিছলে গেল ওর। পড়ে যাচ্ছিল, মরিয়া হয়ে হাত ছুঁড়ল, মুঠোর মধ্যে চলে এল দেয়াল ফুঁড়ে বেরিয়ে আসা একটা পাথরের গজাল, ওটা ধরে পতন ঠেকাল ও।

শুব্দ শুনে ঘাড় ফেরালেন ড. কনওয়ে। বললেন, ‘সাবধানে পা ফেলুন। এদিককার মেঝে বড় পিছিল।’

এতক্ষণে বুঝি কথাটা বলার সময় হলো? সখেদে ভাবল শ্যারন। আরেকটু হলেই তো আছাড় খাচ্ছিল! সোজা হয়ে দাঁড়াল ও। চোখ ফেরাল পাথরের গজালটার দিকে। বরফের নয়, খাঁটি প্রস্তরখও ওটা। জিয়োলজিস্টদের কাছে এ-জাতীয় পাথরের কথা শুনেছে। প্রাচীন যে-ভূখণ্ড থেকে আলাদা হয়ে গিয়েছিল এই ঘেসিয়ার, সেটারই টুকরো অংশ এগুলো।

খানিক এগিয়ে গেছেন কনওয়ে; আঁধার ছেঁকে ধরছে শ্যারনকে। ত্রস্ত ভঙ্গিতে এগোল ও, মনে মনে ভাবছে—আরেকটা ফ্ল্যাশলাইট আনা উচিত ছিল ওর। পিছিল মেঝেতে পা ফেলবার আগে ঠিকমত দেখে নিতে পারত। জিয়োলজিস্টরা এদিকে বালি ফেলেনি কেন কে জানে। হয়তো স্নেক পিটের এ-অংশে এখনও কাজ শুরু করেনি ওরা।

আবারও ঘাড় ফেরালেন বায়োলজিস্ট। জানালেন, ‘পৌছে গেছি প্রায়।’

লক্ষ করল শ্যারন, ধীরে ধীরে প্রশংস্ত হতে শুরু করেছে টানেল। বরফের দেয়াল আর ছাত ফুঁড়ে বেরিয়ে আছে ছোট-বড় নানা আকারের বোল্ডার—যেন আচমকা জমাট বেঁধে গেছে একটা পাথরধস। ছাতও উঁচু হতে শুরু করেছে, ফ্ল্যাশলাইটের আলো ঠিকমত পৌছুচ্ছে না উপর পর্যন্ত। এখানে-ওখানে নাচানাচি করছে ছায়া। অশুভ পরিবেশ।

বড় একটা বাঁক পেরিয়ে বিশাল এক গুহায় মিলল টানেল। ওখানে ঢুকতেই আবারও পা পিছলাল শ্যারনের। দু'পাশে হাত ছুঁড়ে ব্যালাঙ্গ রঞ্চা করল কোনোমতে। সোজা হতেই বিস্ময় ফুটল ওর চোখে।

গুহাটা বিশাল, মেঝেটা যেন অলিম্পিকের কোনও আইস রিস্ক—আসলে ওটা একটা জমাট বাঁধা জলাশয়। চারপাশের দেয়াল গম্বুজের মত মিশেছে ছাতে গিয়ে। জায়গাটা বড়-সড় একটা ন্যাচারাল ক্যাথিড্রাল—বরফ আর পাথরের সংমিশ্রণে গড়া। পিছনদিক আর দু'পাশে বরফ দেখা গেলেও নাক বরাবর শেষপ্রান্তে মুখ ব্যাদান করে রেখেছে ন্যাড়া পাথর, উঠে গেছে উপরদিকে। ছাতের অংশটা একটা ওভারহ্যাঙ।

কাছে এসে শ্যারনের বাহু স্পর্শ করলেন ড. কনওয়ে। ওর দৃষ্টি আকর্ষণ করে বললেন, ‘প্রাচীন একটা ক্লিফ ফেসের ধ্বংসাবশেষ ওটা... অন্তত বেন্টনের তা-ই ধারণা।’ ড. জেফরি বেন্টন ওমেগার জিয়োলজি টিমের প্রধান, তার কথাই বলছেন অন্দরোক। ‘ওর ধারণা, গ্লেসিয়ারটা যখন ল্যাওম্যাস থেকে আলাদা হয়ে যায়, তখন ক্লিফটাকে ভেঙে নিয়ে এসেছে সাথে করে। কথাটা যদি সত্য হয়, তা হলে ধরে নিতে হবে, ক্লিফটার বয়স বরফ যুগের কাছাকাছি। খুবই ইণ্টারেস্টিং... ও চাইছিল বিস্ফোরণ ঘটিয়ে কোর-স্যাম্পল সংগ্রহ করতে, বল কষ্টে ঠেকিয়েছি আমি।’

‘ঠেকালেন কেন?’ জিজ্ঞেস করল শ্যারন।

‘প্রাথমিক পরীক্ষায় মরা ব্যাকটেরিয়া আৰ জমাট শৈবালেৰ খোঁজ পেয়েছি আমি ক্লিফেৱ গায়ে। ক্লিফেৱ খোড়লগুলোয় ভালমত তলাশি চালাবাৰ পৱে পেয়েছি আৱও ইণ্টাৱেস্টিং জিনিস। তিনটে পাখিৰ বাসা... একটাতে ডিমও আছে!’ কঢ়ে উভেজনা ফুটল বায়োলজিস্টেৱ। ‘গুধু তা-ই নয়, বৱফে আটকা পড়া কতগুলো বেজি আৰ সাপ পেয়েছি আমি। ব্যাপারটা বুঝতে পাৱছেন? এই ক্লিফ ফেস আসলে বৱফ-যুগেৱ এক রত্নভাঙাৰ... সে-আমলেৰ একটা জমাট বাঁধা বায়োস্ফিয়াৰ এখন আমাদেৱ হাতে! সামনে ইশাৱা কৱলেন তিনি। ‘আসুন, দেখাৰাৰ মত আৱও জিনিস আছে।’

পাথুৱে ক্লিফেৱ উপৱ দৃষ্টি সেঁটে আছে শ্যারনেৰ। প্ৰথমদৰ্শনে যতটা নিৱেট মনে হয়েছিল, আসলে তা নয়। পুৱে ক্লিফ জুড়ে ছোট-বড় হাজাৱো খোড়ল আৰ ফাটল দেখতে পাচ্ছে, ভিতৱ্বটা অঙ্ককাৱ। ওগুলোৱ ওপাশে আৱও কত কী আছে, কে জানে। ড. কনওয়েৱ সঙ্গে সামনে এগোল ও। পাথুৱে ওভাৱহ্যাঙ্গেৱ তলায় পৌছে ওকে থামালেন বায়োলজিস্ট। ফ্ল্যাশলাইট তাক কৱলেন আইস রিস্কেৱ মেঘেৱ দিকে।

কুয়োৱ মত একটা গোল গৰ্ত দেখল শ্যারন বৱফেৱ মাঝে। আকৃতিটা বড় নিখুঁত, কিনাৱাগুলো মসৃণ। প্ৰাকৃতিক হতেই পাৱে না। সঙ্গীৱ দিকে মুখ তুলে ভুৱ নাচাল ও।

‘ওদেৱ একটাকে এখান থেকে বেৱ কৱা হয়েছে,’ জানালেন ড. কনওয়ে।

‘কাদেৱ একটাকে?’ শ্যারন বিশ্মিত।

একপাশে ওকে টেনে নিয়ে গেলেন কনওয়ে। ‘নিজেৱ চোখেই দেখুন।’ বেল্টে ঝোলানো ক্যাণ্টিন হাতে নিলেন তিনি। মুখ খুলে মেঘেতে ঢাললেন পানি, তাৱপৱ গুাভ দিয়ে ঘষে পুৱিষ্ঠাৱ কৱলেন শুভ পিঞ্জৰ-১

ঘোলা বরফ। একটু সরে জায়গা দিলেন শ্যারনকে।

হাঁটু গেড়ে বসল তরুণী বিজ্ঞানী। তীক্ষ্ণ চোখে তাকাল
মেঝের দিকে। বরফের তলায় আবছা একটা আকৃতি দেখতে
পাচ্ছে। ওখানটায় আবারও পানি ঢাললেন ড. কনওয়ে, অরপর
ফেললেন ফ্ল্যাশলাইটের আলো।

‘ভাল করে দেখুন,’ বললেন তিনি।

আরেকটু নিচু হলো শ্যারন। বরফের ঘোলা ভাব কমে এসেছে
অনেকটা। ভালমত তাকাতেই পরিষ্কার হয়ে গেল আকৃতিটা।
সঙ্গে সঙ্গে দম আটকে এল ওর। একটা প্রাণী... বরফে জমাট
বাঁধা একটা নিখুঁত স্পেসিমেন শোভা পাচ্ছে ওর তলায়! দেখে
মনে হলো যেন ওর দিকেই ঝাঁপ দিতে যাচ্ছে ওটা, চেষ্টা করছে
বরফ ভেদ করে বেরিয়ে আসতে।

চোখ বন্ধ করে প্রাথমিক ধাঙ্কাটা সামলাল শ্যারন।
স্পেসিমেনের দিকে দ্বিতীয়বার তাকানোর আগে আড়চোখে দেখল
সঙ্গীকে। মুখ হাসি হাসি হয়ে গেছে ড. কনওয়ের। ওর অবস্থা
দেখে মজা পাচ্ছেন খুব। একটু বিরক্ত হলো ও, মন দিল নীচের
দিকে। কী প্রাণী বোৰা যাচ্ছে না। চামড়াটা মসৃণ, ফ্যাকাসে
সাদা... অনেকটা আর্কটিকের বেলুগা তিমির মত। আকারেও প্রায়
অমনই, অন্তত আধ টন হবে ওজন। তবে মাছ বলা যাচ্ছে না
প্রাণীটাকে, কারণ দেহের উর্ধ্বাংশে ছোট আকারের দুটো বাহু
আছে এটার, মুঠোয় ধারালো নখ। পা-ও আছে, পাতাদুটো
ডুবুরিদের ফ্লিপারের মত। তিমির চেয়ে দেহ অনেক লম্বা এবং
সরু, মনে হলো পানির ভিতর দিয়ে খুব দ্রুত ছুটতে পারত।
প্রাণীটার হাঁ করা মুখের দিকে তাকিয়ে বুক শুকিয়ে গেল
শ্যারনের। ক্ষুরধার দাঁতের সারি দেখতে পাচ্ছে, এক কামড়ে
গোটা একটা শুয়োর খেয়ে ফেলতে পারবে। দেখাচ্ছেও খুব
ভয়ঙ্কর। প্রাণহীন চোখদুটোর সাদা মণিতে মৃত্যুর শীতলতা।

হিংস্র প্রাণী, কোনও সন্দেহ নেই।

মুখের কাছ মাঝ তুলে জোরে জোরে শ্বাস নিল শ্যারন। তারপর মাথা তুলে তাকাল বায়োলজিস্টের দিকে। ‘কী এটা?’

প্রশ্নটা যেন শুনতেই পেলেন না কনওয়ে। বললেন, ‘আরও স্পেসিমেন আছে। আসুন, দেখাই।’

ক্লিফ ফেসের গোড়ায় ওকে নিয়ে গেলেন তিনি। ওখানে বরফের গভীরে শুয়ে আছে একই রকম আরেকটা প্রাণী। তবে এটার ভাবভঙ্গি আক্রমণাত্মক নয়। কুণ্ডলী পাকিয়ে রয়েছে, যেন ঘুমাচ্ছে পরম শান্তিতে।

‘ইন্টারেস্টিং!’ মন্তব্য করল শ্যারন। ‘কিন্তু...’

‘ট্যুর এখনও শেষ হয়নি,’ রহস্যময় কষ্টে বললেন কনওয়ে। ‘প্রশ্নোত্তর পর্ব সবার শেষে।’

শ্যারনকে কিছু বলার সুযোগ না দিয়ে ক্লিফের গোড়ার একটা ফাটলে ঢুকে পড়লেন অদ্রলোক। বিরক্ত ভঙ্গিতে তাঁর পিছু নিল শ্যারন। ফাটলটা বিশ গজ দীর্ঘ, ওটা পেরুতেই মাঝারি আকারের একটা শুহায় বেরিয়ে এল দুই বিজ্ঞানী, আকারে ওটা দুটো গাড়ি রাখার গ্যারাজের সমান। ভিতরে ফ্ল্যাশলাইটের আলো ফেললেন কনওয়ে।

শুহার মাঝামাঝি জায়গায় মেঝের উপর সারি বেঁধে সাজিয়ে রাখা হয়েছে ছ'টা প্রকাও আইস ব্লক—প্রত্যেকটার ভিতরে আবছাভাবে ফুটে আছে অচেনা প্রাণীগুলোর আকৃতি। বুঝল শ্যারন, গ্লেসিয়ারের বিভিন্ন অংশের বরফ কেটে সংগ্রহ করা হয়েছে ওগুলোকে। কিন্তু ওর শিরদাঁড়ায় ঠাণ্ডা স্রোত বইয়ে দিল ঠিক মাঝখানের দৃশ্যটা। ওখানে উন্মুক্ত অবস্থায় পড়ে আছে একটা প্রাণী। বরফ গলিয়ে বের করে আনা হয়েছে ওটাকে, ল্যাবরেটরির ব্যাঙের মত শুইয়ে রাখা হয়েছে চিৎ করে, হাত-পা পেরেক দিয়ে মেঝের সঙ্গে গাঁথা। তারপর চামড়া চিরে ফেলা শুভ পিঞ্জর-১

হয়েছে চোয়ালের নীচ থেকে পেট পর্যন্ত। নিশ্চয়ই পরীক্ষা-নিরীক্ষা করা হয়েছে ওভাবে। সাম্প্রতিক ঘটনা নয়, বরফের আন্তর দেখে বোৰা গেল, বহুকাল আগে চালানো হয়েছে এই অপারেশন। কিন্তু তারপরেও দৃশ্যটা বীভৎস। খোলা দেহটার ভিতর থেকে উঁকি দিচ্ছে বিবর্ণ অঙ্গ-প্রত্যঙ্গ আৱ হাড়গোড়... নিজেৰ অজান্তেই ভয়াৰ্ত একটা ধৰনি বেৱল শ্যারনেৰ গলা চিৱে। মুখ ঘুৱিয়ে নিল ও, বহু কষ্টে দমন কৱল বমি।

‘কোনও সমস্যা, ড. বেকেট?’ জিজেস কৱলেন কনওয়ে।

জবাব দিল না শ্যারন। চুকে পড়ল ফাটলে, দ্রুত পা চালিয়ে বেৱিয়ে এল আইস রিকে। উবু হয়ে জোৱে জোৱে শ্বাস ফেলল।

ওৱ পিছু পিছু কনওয়েও এসেছেন। উৎফুল্ল গলায় বললেন, ‘এই আবিক্ষারেৰ গুৰুত্ব বুৰতে পাৱছেন, ড. বেকেট? সনাতন বায়োলজিৰ ধ্যান-ধাৱণাই পাল্টে দিতে পাৱব আমৱা। নিশ্চয়ই বুৰতে পাৱছেন, কেন জিয়োলজিস্ট টিমকে এই নিখুঁতভাৱে সংৰক্ষিত ইকো-সিস্টেমে হাত লাগাতে বাধা দিয়েছি...’

‘আগে আমাৰ প্ৰশ্নেৰ জবাব দিন!’ ঝুঢ় গলায় তাঁকে থামিয়ে দিল শ্যারন। ‘কী ওগুলো?’

চোখ পিটপিট কৱলেন কনওয়ে। ‘ওফফো, ভুলেই গিয়েছিলাম... আপনি আমাৰ ফিল্ডেৰ মানুষ নন।’

‘কী বলতে চান?’ ক্ষুঁক গলায় বলল শ্যারন।

কাঁধ ঝাঁকালেন কনওয়ে। ফাটলেৰ দিকে ইশাৱা কৱে বললেন, ‘ওই স্পেসিমেনটা খুব ভাল কৱে পৱীক্ষা কৱেছি আমি। হয়তো জানেন, প্যালিয়ো-বায়োলজিৰ ব্যাকটেৱিউও আছে আমাৰ। সেজন্যেই জানি, এ-ধৰনেৰ স্পিশিজেৰ ফসিল পাওয়া গেছে পাকিস্তান আৱ চিনে। তবে এত চমৎকাৰভাৱে সংৰক্ষিত স্পেসিমেন...’

‘কথা ঘোৱাচ্ছেন কেন? কীসেৱ স্পেসিমেন, সেটাই জানতে

চাইছি আমি।'

'অ্যাম্বিউলোসিটাস নেটান্স। সোজা ইংরেজিতে ওয়াকিং ওয়েইল... বা, হাঁটাচলায় সক্ষম তিমি বলতে পারেন। এভেলিউশনারি লিঙ্ক ওটা... স্থলবাসী স্তন্যপায়ী প্রাণী আর আজকের আধুনিক তিমির মাঝামাঝি একটা পর্যায়।'

কিছু বলল না শ্যারন, বায়োলজিস্টের কথা এখনও শেষ হয়নি।

'ধরে নেয়া হয়, প্রায় পাঁচ কোটি বছর আগে পৃথিবীতে বাস করত এই প্রাণী,' বলে চললেন কনওয়ে, 'বিলুপ্ত হয়ে গেছে সাড়ে তিন কোটি বছর আগে। হাত-পা, মেরুদণ্ডের সঙ্গে জোড়া লাগানো পেলভিস আর নাকের গড়ন... এসব দেখে নিশ্চিত হয়েছি—স্পেসিমেনগুলো অ্যাম্বিউলোসিটাসের। কোনও সন্দেহ নেই তাতে।'

ভুরু কঁচকাল শ্যারন। 'আপনি বলতে চাইছেন, এই স্পেসিমেনগুলো কমপক্ষে সাড়ে তিন কোটি বছরের পুরনো?'

'উহঁ,' মাথা নাড়লেন কনওয়ে। 'ইন্টারেস্টিং ব্যাপারটা ওখানেই। বেন্টন বলছে, এখানকার বরফ মাত্র পঞ্চাশ হাজার বছরের পুরনো... মানে পৃথিবীর শেষ বরফ যুগের। তা ছাড়া স্পেসিমেনগুলোর মধ্যেও কিছু অনবদ্য বৈশিষ্ট্য লক্ষ করেছি। তাই ধারণা করছি, একদল অ্যাম্বিউলোসিটাস মাইগ্রেট করেছিল আর্কটিক এলাকায়... ঠিক যেমন আজকালকার তিমিরা করে। এখানে এসে আর্কটিক কঙ্গিশনের সঙ্গে নিজেদের মানিয়ে নেয় ওরা। সাদাটে চামড়া, বিশালত্ব আর চামড়ার নীচে চর্বির পুরু স্তর সেটাই বলে। মেরু ভালুক আর বেলুগা তিমির মধ্যেও এ-জাতীয় বৈশিষ্ট্য দেখা যায়।'

দ্বিতীয় পোষণ করল না শ্যারন, বেলুগা তিমির সঙ্গে প্রাণীগুলোর সাদৃশ্য ও নিজেও খেয়াল করেছে। ও শুধু বলল,
শুভ পিঞ্জর-১

‘তারমানে আপনি বলতে চাইছেন এরা মেরু এলাকায় এসে শেষ
বরফ যুগ পর্যন্ত বেঁচে ছিল? তা হলে আগে এর কোনও নির্দর্শন
পাওয়া যায়নি কেন?’

‘এতে অবাক হবার কিছু নেই। পোলার ক্যাপে বসবাসকারী
প্রাণীরা মরার পর তলিয়ে গেছে আর্কটিক সাগরে... এই এলাকা
নিয়ে খুব কম নাড়াচাঢ়াই করেছি আমরা। পার্মাফ্রস্টের কারণে
আর্কটিক সার্কেলের উপরিভাগে খোড়াখুড়ি চালানো বীতিমত
দুঃসাধ্য ব্যাপার। সত্যিকার অর্থে প্যালিয়োলজিক্যাল কোনও
রেকর্ডই নেই এ-অঞ্চলের। কবে কোনু প্রাণী এখানে থেকেছে
না-থেকেছে, তা কেউই জানি না।’

কনওয়ের বক্তব্যে কোনও খুঁত দেখতে পেল না শ্যারন। মেরু
এলাকা আজও মানুষের জন্য রহস্যাবৃত রয়ে গেছে। এখানে
গবেষণা চালাবার উপযুক্ত আধুনিক ইকুইপমেন্ট এবং টেকনোলজি
আবিষ্কৃত অতি সম্প্রতি। তার আগ পর্যন্ত এখানে ঠিকমত টুঁ
মারতে পারেনি কেউ। সিরিয়াস এক্সপিডিশন যারা শুরু করেছে,
তাদের মধ্যে ওদের ওমেগা টিম অন্যতম।

‘এই বেইস তৈরি করার সময় নিশ্চয়ই রাশানরা খোঁজ
পেয়েছে প্রাণিশূলোর,’ বললেন কনওয়ে। ‘এমনও হতে পারে,
এগুলোর উপর গবেষণার জন্যই তৈরি হয়েছে বেইসটা। কে
জানে!’

চোখ তুলে তাঁর দিকে তাকাল শ্যারন, এই ধারণার কথা
আগেও বলেছেন ভদ্রলোক। ‘এমনটা ভাবছেন কেন?’ জিজেস
করল ও। প্রশ্নের ভিতরে প্রচন্দ কৌতুক চাপা রইল না। সন্দেহ
নেই, আবিষ্কারটা বিশাল... কিন্তু চার নম্বর লেভেলে ওরা যা খুঁজে
পেয়েছে, তার সঙ্গে ওয়াকিং ওয়েইলের কোনও তুলনাই চলে না।

দৃষ্টি তীক্ষ্ণ হয়ে উঠল বায়োলজিস্টের। ‘কেন, বুঝতে পারছেন
না?’

‘কী বুঝব?’

‘পাকিস্তান আর চিনে অ্যাম্বিউলেসিটাসের ফসিল পাওয়া
গেছে মাত্র কয়েক বছর আগে। কিন্তু দ্বিতীয় বিশ্বযুদ্ধের আগে
ওগুলোর ব্যাপারে কিছুই জানা ছিল না বিজ্ঞানীদের, কোনও নামও
দেয়া হয়নি তখন। যদি ধরে নিই, এই দানবগুলোকে নিজেরাই
একটা নাম দিয়েছিল রাশানরা, সেটা কি খুব ভুল হবে?’

চমকে উঠল শ্যারন।

‘আমি বলব, এই বেইসের নাম দেয়া হয়েছে ওই দানবগুলোর
নামে,’ বললেন কলওয়ে। ‘এক ধরনের ম্যাসকট আর কী।’

আইস রিঙ্কের মেঝের উপর দৃষ্টি ফেলল শ্যারন। এতক্ষণে
বুঝতে পারছে সহকর্মীর কথার মর্ম। বরফ ভেদ করে উঠে আসছে
ভয়ঙ্কর এক দানব... নরডিক উপকথার প্রেঙ্গেল!

চোদ্দ

অ্যাবির হাতে বিমান ওড়ানোর দায়িত্ব ফিরিয়ে দিয়েছে রানা।
সিটে হেলান দিয়ে চোখ বোজার চেষ্টা করছিল, তন্দ্রা টুটে গেল
বিচ্ছিরি নাক ডাকানোর শব্দে। বিরক্ত হয়ে পিছনে তাকাল ও।
না, আমেরিকান রিপোর্টার বা বৃক্ষ ইনুইট নন, শব্দটা বেরঘচ্ছে
লোবোর নাক দিয়ে। সিটের উপর গুটিসুটি হয়ে শুয়ে আছে
জানোয়ারটা, ঘুমিয়ে পড়েছে।

‘কী হলো?’ রানাকে নড়তে দেখে জিঞ্জেস করল অ্যাবি। ‘ঘুম

আসছে না?’

‘যুমাই কী করে? করাত চালাচ্ছে তো পিছনে।’ ইশারায়
কুকুরটাকে দেখাল রানা।

হেসে ফেলল অ্যাবি। ‘লোবোর নাকে জন্মগত সমস্যা আছে।
যুমালেই অমন বিশ্রী আওয়াজ বেরোয়। আমি অবশ্য অভ্যন্ত হয়ে
গেছি।’

‘ঠিক করে নেয়া যায় না?’

‘মেইনল্যাণ্ডের এক ডাক্তারকে দেখিয়েছিলাম। বলল বড়সড়
একটা অপারেশন করাতে হবে। ওর নাকের সেপটাম বাঁকা হয়ে
গেছে। কুকুরের পিছনে খরচ করার ঘত অত টাকা তো নেই
আমার।’ কী আর করা, মেনে নিয়েছি ব্যাপারটা। লোবোর কোনও
অসুবিধেও হয় না ওটার জন্যে।’

‘হ্ম।’

জানালা দিয়ে বাইরে তাকাল রানা। পাঁচটা না বাজতেই
আঁধার নামতে শুরু, করেছে আলাক্ষার বুকে, আকাশে ভাসছে
প্রায়-ভরাট চাঁদ, পূর্ণিমার বেশি দেরি নেই। ঝুপালি আলোয়-
ঝলমল করছে নীচের প্রকৃতি। শীত এখনও বিদায় নেয়নি, কিন্তু
বসন্ত তার আগমনী বার্তা জানাতে শুরু করেছে। গলতে শুরু
করেছে গাছপালার মাথার সাদা টোপর, খোলা প্রান্তরের মাঝ
দিয়ে বইছে বরফ-গলা পানির ঝর্ণা, এখানে-ওখানে দেখা যাচ্ছে
ছোট-বড় জলাশয়, সেগুলোর আশপাশে ভিড় জমিয়েছে ত্বকাঁতঁ
হরিণের পাল।

অ্যাবির কষ্ট শুনে ধ্যানভঙ্গ হলো ওর।

‘কপাল ভাল যে, তখন যোগাযোগ করেছিলাম ডেডহর্সে।
নইলে এখন আর সম্ভব হতো না।’

চোখ ফেরাল রানা। ‘হঁ?’

অ্যারিগেচ পর্বতমালা থেকে বেরিয়ে আসার পর পরই প্রণ্ডো

বে-র এয়ারপোটে যোগাযোগ করেছে ওরা। ওখানকার সিভিল এবং মিলিটারি কর্তৃপক্ষকে জানিয়েছে ব্রহ্মকস্ক রেঞ্জে ঘটে যাওয়া হামলার কথা। আগামীকাল সকালেই হেলিকপ্টার পাঠানো হবে সেসনাটার ধ্বংসাবশেষের খোঁজে। আশা করা যায়, হামলাকারীদের ব্যাপারে একটা ধারণা পাওয়া যাবে তখন। ডেডহর্সে কথা বলার পর সিটকায় নিজের বিসিআই কণ্ট্যাক্টের সঙ্গে যোগাযোগ করেছে রানা, ঢাকায় পুরো ঘটনার রিপোর্ট পাঠিয়ে দেবে সে। কোনও নির্দেশ থাকলে সেটা জানিয়ে দেবে ওকে। ম্যাসনও কথা বলেছে তার প্রতিনিধির সঙ্গে। প্রডো-তে নামার পর প্রশ্নোত্তরের মুখোমুখি হতে হবে তাকে। অ্যাবির কথায় বোৰ্কা গেল, বাইরের পৃথিবীর সঙ্গে সময় থাকতেই যোগাযোগ সেরেছে ওরা।

সামনের দিকে আঙুল তুলেছে মেয়েটা। দূর দিগন্তের কাছে ধীরে ধীরে জেগে উঠছে লাল-নীল-সবুজ... হাজারো রঙের আলোর ফিতা। অরোরা বোরিয়ালিস। শুধুমাত্র মেরু এলাকার আকাশেই দেখা মেলে আলো নিয়ে প্রকৃতির এই অদ্ভুত খেলার। অপূর্ব সুন্দর... সমস্যা একটাই—এ-সময় ভীষণভাবে বাধাগ্রস্ত হুয় বেতার তরঙ্গ, রেডিও হয়ে যায় অচল।

‘পূর্বাভাস বলছে, আজ খুব পরিষ্কার দেখা যাবে বোরিয়ালিসের খেলা,’ যাত্রীদের উদ্দেশে বলল অ্যাবি।

সিটে হেলান দিয়ে আরাম করে বসল রানা। চোখ রাখল দূরের আকাশে। বাড়ছে আলোর নাচানাচি, একে একে উঠে আসছে বর্ণিল আলোকরেখা, ভরিয়ে দিচ্ছে আকাশের ক্যানভাস। অনেক নাম আছে এর—মেরঞ্জ্যাতি, নর্দার্ন লাইট... স্থানীয় ইশ্বিয়ানরা বলে কোয়োকুন বা ইয়োইয়াকিয়া। ইন্দুইটদের ভাষায় স্প্রিং লাইট। দেখতে দেখতে যেন অন্য এক জগতে হারিয়ে গেল রানা। দৃশ্যটা নতুন কিছু নয়, তারপরেও প্রতিবারই মুন্ধতায় শুভ্র পিঙ্গর-১

আবিষ্ট হয়। কিছু কিছু জিনিস আসলে কখনও পুরনো হয় না।

‘আপাতত কারও সঙ্গে যোগাযোগ করতে পারব না আমরা,’
বলল অ্যাবি।

মাথা বাঁকিয়ে একমত হলো রানা।

পৃথিবীর বায়ুমণ্ডলে সূর্যকণার ঘর্ষণে তৈরি হয় এই আলো, জ্যাম করে দেয় রেডিও ওয়েভ। যতক্ষণ শেষ না হচ্ছে আলোর খেলা, ততক্ষণ বিচ্ছিন্ন থাকতে হবে বাইরের দুনিয়া থেকে। কিন্তু তা নিয়ে দুশ্চিন্তা করছে না রানা। প্রড়ো বে-র বেশ কাছাকাছি পৌছে গেছে ওরা। বড়জোর আধঘন্টা ফ্লাই করতে হবে। শহর আর অয়েলফিল্ডগুলোর মিটিমিটি আলো এখান থেকেই দেখা যাচ্ছে।

পুরো সময়টা নীরবে কাটল। মুঝ বিস্ময় নিয়ে বোরিয়ালিসের সৌন্দর্য উপভোগ করল টুইন অটারের আরোহীরা। পঁচিশ মিনিটের মাথায় অয়েল ডেরিকগুলোর দেখা পেল ওরা—ক্রিসমাস ট্রি-র মত বাতি জ্বলছে সারা শরীরে। বাঁয়ে, আঁকা বাঁকা একটা রূপালি রেখা চলে গেছে সবুজ তুন্দার বুক চিরে। ওটা ট্রাঙ্গ-আলাঙ্কা পাইপলাইন। প্রড়ো বে থেকে আলাঙ্কার উন্নত উপকূলের ভালডেজ পর্যন্ত চলে গেছে এই লাইন, ভিতর দিয়ে পরাহিত হচ্ছে অপরিশোধিত খনিজ তেল।

গন্তব্যের কাছাকাছি পৌছে গেছে টুইন অটার। বাঁক নিয়ে পাইপলাইনকে অনুসরণ করল অ্যাবি। রেডিওতে চেষ্টা করল ডেডহর্সের সঙ্গে যোগাযোগ করতে। কিন্তু খড়খড়ে স্ট্যাটিক ছাড়া আর কিছু শোনা গেল না হেডফোনে। আকাশে এখনও থামেনি অরোরা বোরিয়ালিসের নাচ।

কিছুদূর গেলে দৃশ্যমান হলো প্রড়ো বে-র জনবসতি। সাধারণ মানুষ অবশ্য খুব বেশি পাওয়া যাবে না ওখানে, জায়গাটা স্রেফ একটা মাইনিং টাউন—অয়েল প্রোডাকশন, ট্রাঙ্গপোর্টেশন,

আর অন্যান্য সাপোর্টিং সার্ভিসের জন্য গড়ে তোলা হয়েছে। জনসংখ্যা একশোর মত, বেশিরভাগই অয়েল ওয়ার্কার, এদের সংখ্যা সারা বছর কমে-বাড়ে। শহরের পাশে ছোট একটা সামরিক ঘাঁটি স্থাপন করা হয়েছে তেল উত্তোলনের কাজে নিরাপত্তা বজায় রাখার জন্য।

শহরের সীমানার ওপারে বিউফোর্ট সাগর... ওটা গিয়ে মিশেছে উভয় মহাসাগরে। তীর থেকে বহুদূর পর্যন্ত বিস্তৃত হয়ে আছে জমাট বরফের স্তর, তাই হঠাতে দেখায় বোঝা মুশকিল কোথায় শেষ হয়েছে ডাঙা, আর কোথায় শুরু হয়েছে পানি। গরমকালে এই বরফ গলে যাবে, কেবলমাত্র তখনই দেখা মিলবে তটরেখার।

সাগরের উপর চক্র দিতে শুরু করল অ্যাবি, ল্যাণ্ডিংয়ের জন্য অ্যালাইন করতে চাইছে বিমানকে। কয়েক মাইল দূরের এক চিলতে এয়ারস্ট্রিপ ওর লক্ষ্য। ফ্ল্যাপ নামাতে গিয়ে একটু থমকে গেল ও। ভুরু কুঁচকে বলল, ‘হচ্ছেটা কী ওখানে?’

রানাও লক্ষ করেছে ব্যাপারটা। ছোট শহরটার সীমানায় মানুষের ভিড়। সামরিক ঘাঁটি থেকে বেরিয়ে এসেছে অনেকগুলো জিপ ও ট্রাক... খোলা প্রান্তরের উপর দিয়ে ছুটছে উর্ধ্বশ্বাসে। পাশের জানালা দিয়ে গাড়িগুলোর গন্তব্যের দিকে তাকাল ও। ট্রান্স-আলাস্কা পাইপলাইনের শেষ প্রান্ত ওদের ঠিক নীচে। গ্যাদারিং এবং পাম্প স্টেশনের বিশাল দুটো বিল্ডিং গিয়ে ঠেকেছে লাইনটা, সাইক্লোন-ফেন্সের সীমানার ভিতরে মাথা তুলে রেখেছে ইমারতদুটো। ওখানেই প্রাথমিকভাবে জমা হয় নর্থ স্লোপ থেকে তোলা তেল... ক্রুডের মধ্য থেকে সরানো হয় পানি আর গ্যাস, তারপর পাইপলাইনের মধ্য দিয়ে পাঠানো হয় আটশো মাইল দূরের ভালডেজে, তেলবাহী ট্যাক্ষারে লোড করবার জন্য।

বিমান পাম্প স্টেশনের কাছাকাছি পৌছুতেই একটা বৈসাদৃশ্য শুন্ন পিঞ্জর-১

দেখতে পেল রানা। সাইক্লোন-ফেসের অনেকখানি অংশ ভাঙ। ওটা লক্ষ করেই ছুটে আসছে মিলিটারি ভেহিকেলগুলো। মাথার ভিতরে সতর্কঘণ্টা বেজে উঠল ওর। ঝট্ট করে অ্যাবির দিকে ফিরল।

‘কুইক! প্লেনটা সরিয়ে নাও এখান থেকে!’

‘ক... কী!’ বিস্মিত কষ্টে বলল অ্যাবি। ‘কেন...’

প্লেনটা শেষ করতে পারল না ও, তার আগেই প্রচণ্ড বিস্ফোরণের আওয়াজে থরথর করে কেঁপে উঠল গোটা বিমান। নীচে... লাল-কমলা শিখা ছড়িয়ে ছিন্নভিন্ন হয়ে গেল গ্যাদারিং স্টেশনের বিল্ডিং, আকাশে উঠে এল মন্ত বড় এক আগুনের গোলা। শকওয়েভের ধাক্কায় একদিকে ছিটকে গেল টুইন অটার, খসে পড়তে চাইল আকাশ থেকে।

কন্ট্রোল নিয়ে যুদ্ধ শুরু করল অ্যাবি। পিছন থেকে ভেসে এল ভয়ার্ট চিৎকার। লোবোও হাঁক ছাড়ছে। দাঁতে দাঁত পিষে বিমানকে একটা রোল খাওয়াল অ্যাবি, সরে গেল শকওয়েভের পথ থেকে। ওদের ঢারপাশে বৃষ্টির মত ঝরছে গ্যাদারিং স্টেশনের ছোট-বড় টুকরো অংশ।

আবার বিস্ফোরণ হলো... এবার সেটার শিকার পাম্প স্টেশন। দ্বিতীয় একটা আগুনের গোলা উঠে এল আকাশে। বিল্ডিংর সঙ্গে সংযুক্ত চার-ফুট ডায়ামিটারের পাইপলাইন ফাটতে শুরু করল আতশবাজির মত—জুলন্ত ক্রুড অয়েল ফিনকি দিয়ে ছিটকাচ্ছে চারদিকে। এ-ধরনের বিপদ ঠেকানোর জন্য বাষড়িটা ভালভ আছে পাইপলাইনের ভিতর, প্রথমটা পর্যন্ত পৌছে থামল বিস্ফোরণের ঢেউ, কিন্তু তার আগেই প্রচুর পরিমাণ তেল ছড়িয়ে পড়েছে আশপাশে।

চোখের পলকে শান্ত জনপদটা পরিণত হয়েছে নরককুণ্ডে। জুলন্ত তেলের সঙ্গে আগুনের করাল থাবা এগিয়ে যাচ্ছে শহরের

দিকে। আতঙ্কের চেউ বয়ে গেল ভিড় করে থাকা মানুষের মাঝে। কেউ গাড়িতে কেউ বা পদব্রজে... যে-যেভাবে পারছে ছুটছে চারদিকে। অল্পক্ষণেই শহর-সীমানার বাড়িঘরে লেগে গেল আগুন, এরপর চলল একের পর এক ছোট-বড় বিস্ফোরণ, শহরের গ্যাস লাইন আর হোল্ডিং ট্যাঙ্কগুলো ফাটছে।

‘জিয়াস ক্রাইস্ট!’ ফিসফিসিয়ে বলে উঠল ম্যাসন। বিমানের জানালার কাঁচে নাক ঠেকিয়ে দেখছে সে।

খড়খড় করে উঠল রেডিও। স্ট্যাটিকে ভরা, জেনারেল চ্যানেলে ডেডহর্স থেকে কথা বলছে অস্পষ্ট একটা কণ্ঠ। ‘ক্লিয়ার অল এয়ারস্পেস ইমিডিয়েটলি! এখানে ল্যাণ্ড করা বিপজ্জনক, কেউ চেষ্টা করলে বাধা দেয়া হবে।’

‘এমনিতেও নামছি না,’ বলল অ্যাবি। বাঁক নিয়ে স্তলভূমির উপর থেকে সরে এল ও। ছুটল বরফ-ঢাকা সাগরের দিকে।

ফ্যাল ফ্যাল করে উপকূলের দিকে তাকিয়ে আছেন রিচার্ড। হতভম্বের মত বললেন, ‘কীভাবে ঘটল এসব?’

‘কে জানে?’ বলল রানা, ও-ও একদৃষ্টে তাকিয়ে আছে জুলন্ত শহরের দিকে। ‘তবে ব্যাপারটা অ্যাকসিডেন্ট বা স্যাবোটাজ যা-ই হোক না কেন, ঘটেছে ঠিক আমরা এখানে পৌছুনোর সঙ্গে সঙ্গে। কো-ইনসিডেন্স ভাবতে পারছি না কিছুতেই।’

‘কী বলছ এ-সব?’ অ্যাবি অবাক। ‘আমাদের সঙ্গে এর সম্পর্ক কোথায়?’

জবাব দিল না রানা। মানসচোখে সাইক্লোন ফেন্সের ভাঙা অংশটা দেখতে পাচ্ছে ও, মনে পড়ছে ওদিকে ছুটে যেতে থাকা সামরিক গাড়িগুলোর কথা। কেউ অনুপ্রবেশ করেছিল পাইপলাইনের ডিস্ট্রিবিউশন সেন্টারে, অ্যালার্ম শুনে তাই ছুট লাগিয়েছিল মিলিটারি। কিন্তু ওরা পৌছুনোর আগেই ভিতরে বিস্ফোরক বসিয়েছে অনুপ্রবেশকারী, সরেও গেছে। গতকাল শুভ পিঞ্জর-১

থেকে যা যা ঘটে গেছে, তার বিচারে ব্যাপারটাকে বিচ্ছিন্ন ঘটনা
বলে ভাবতে পারছে না কিছুতেই। গ্যারি ম্যাসনের বিমান ক্র্যাশ
করার পর থেকে ঘটছে একের পর এক ধ্বংসাত্মক ঘটনা। কেউ
একজন চাইছে না, সিয়াটল টাইমসের এই সাংবাদিক আর্কিটিকের
ওই রিসার্চ স্টেশনে পৌছাক। প্রচড়ো বে-র দুর্ঘটনা সেটার অংশ
হতে বাধ্য।

‘আমরা এখন কোথায় যাব?’ পিছন থেকে জানতে চাইল
ম্যাসন।

‘আমার ফিউয়েলও ফুরিয়ে এসেছে,’ বলল অ্যাবি। টোকা
দিল ইপ্ট্রুমেন্ট গজে, যেন তাতে কাঁটাটা ডানদিকে সরে আসবে।

‘কাকটোভিকে চলো,’ পরামর্শ দিলেন রিচার্ড।

কথাটা পছন্দ হলো অ্যাবির। মাথা ঝাঁকিয়ে সম্মতি জানাল।

‘ওটা আবার কোথায়?’ জিজেস করল ম্যাসন।

‘বারটার আইল্যাণ্ডের একটা ফিশিং ভিলেজ,’ জবাব দিলেন
রিচার্ড। ‘কানাডিয়ান বর্ডারের কাছাকাছি। এখান থেকে মোটামুটি
একশো বিশ মাইল।’ মেয়ের দিকে ফিরলেন। ‘কতটুকু ফিউয়েল
আছে? পৌছুনো যাবে তো?’

‘শেষ কয়েক মাইল একটু কষ্ট হতে পারে,’ বলল অ্যাবি।

বিষর্ষ হয়ে গেল ম্যাসনের চেহারা। বোধহয় ভয় পাচ্ছে,
আবারও ক্র্যাশ করে কি না।

‘কিছু ভাববেন না,’ রানা আশ্বস্ত করল তাকে, ‘ফিউয়েল শেষ
হয়ে গেলেও সমস্যা নেই। বরফের যে-কোনও সমতল জায়গা
পেলেই ক্ষিডে ভর করে ল্যাঙ করতে পারবে টুইন অটার।’

‘তারপর?’ বুকের কাছে হাত ভাঁজ করল ম্যাসন। ‘হাঁটতে
শুরু করব, নাকি ঠেলা-ধাক্কা দিয়ে কাকটোভিক পর্যন্ত নিয়ে যাব
এই বিমানটাকে?’

‘কোনোটাই না,’ মৃদু হেসে বলল অ্যাবি। ‘আঙ্গরক্যারিজে

একটা স্পেয়ার ট্যাঙ্ক আছে। ল্যাও করার পর নিজেরাই
রিফিউয়েল করে নিতে পারব।'

একটু যেন স্বস্তি পেল ম্যাসন। সিটে হেলান দিল সে।

জুলন্ত প্রঙ্গো বে অনেকটা পিছনে পড়ে গেছে। দৃষ্টিসীমা
থেকে হারিয়ে যাবার আগে শেষবারের মত তাকাল রানা। ওর
চোয়াল শক্ত হয়ে গেল।

'কী ভাবছ?' জানতে চাইল অ্যাবি। 'এখনও ভাবছ ওটার জন্য
আমরা দায়ী?'

মাথা ঝাঁকাল রানা। 'কো-ইনসিডেন্সে বিশ্বাস করি না আমি।
কথা নেই, বার্তা নেই... আমরা আকাশে উদয় হবার সঙ্গে সঙ্গে
বিস্ফোরণে ধ্বংস হয়ে যাবে একটা ডিস্ট্রিবিউশন সেন্টার, তা
কিছুতেই মানতে পারছি না।'

'কিন্তু কে করবে এই কাজ? কীসের জন্য?'

রানা জবাব দেবার আগেই মুখ খুলল ম্যাসন। শান্ত কঠে সে
বলল, 'ওটা একটা হিসেবি চাল। ক্যালকুলেটেড অ্যাস্ট অভ
ডিস্ট্র্যাকশন অ্যাও মিসডিরেকশন।'

'কী?' বিশ্বিত গলায় বলল অ্যাবি।

রানাও একটু চমকে গেছে। ঘাড় ফেরাল সাংবাদিকের দিকে।
গত চরিশ ঘণ্টায় দেখা সমস্ত ভয়-ভীতি উধাও হয়ে গেছে
লোকটার চেহারা থেকে। আশ্চর্য প্রশান্ত দেখাচ্ছে তাকে। তা হলে
কি এতটা সময় অভিনয় করছিল?

ওর দিকে ফিরেও তাকাল না ম্যাসন। সহজ ভাষায় নিজের
বক্তব্য ব্যাখ্যা করল অ্যাবি আর রিচার্ডের কাছে। 'আমাদের উপর
হামলার খবর দিয়েছি আমরা প্রঙ্গো বে-তে। আগামীকাল সকালে
তদন্ত শুরু হবার কথা। কিন্তু বাজি ধরে বলতে পারি, আজকের
এই দুর্ঘটনার কারণে সেটা স্থগিত হয়ে যাবে। সিভিলিয়ান আর
মিলিটারি মিলে খুব বেশি রিসোর্স নেই প্রঙ্গো বে-তে। আগামী
শুভ্র পিঞ্জর-১

বেশ কিছুদিন এই দুর্ঘটনার রহস্য নিয়ে ব্যস্ত থাকতে হবে ওদেরকে। আমাদের হামলাকারীরা এর মধ্যে নিজেদের সমস্ত ট্র্যাক মুছে ফেলতে পারবে।'

‘আপনি বলতে চাইছেন, তেলের ডাম্প উড়িয়ে দেয়া হয়েছে স্বেফ একটা ক্লিনআপ অপারেশনের জন্য?’ অবিশ্বাসের সুর ফুটল রিচার্ডের কঠে।

‘না, ঠিক তা বলছি না,’ ম্যাসন বলল। ‘এর সঙ্গে আরও কোনও উদ্দেশ্য থাকতে পারে। তবে আমাদের ব্যাপারটা যে একটা, তাতে কোনও সন্দেহ নেই। তা ছাড়া এই বিস্ফোরণে তদন্ত পিছানো ছাড়াও আরেকটা উপকার হচ্ছে ওদের। এত বড় একটা দুর্ঘটনা... আমি তার প্রত্যক্ষদর্শী... ইচ্ছা থাকুক বানা-থাকুক, পত্রিকা থেকে নির্ধাত নির্দেশ দেয়া হবে আমাকে এটার কাভারেজ দেবার জন্য। অতএব এই এলাকা ছেড়ে অন্য কোথাও... সোজা কথায় ওমেগা স্টেশনে যেতে পারছি না আমি। ব্যাপারটা বোঝাতে পেরেছি?’

‘ডিস্ট্র্যাকশন অ্যাও মিসডিরেকশন...’ বিড়বিড় করল অ্যাবি, ‘হ্যাঁ, কিছুটা পরিষ্কার হয়েছে। কিন্তু আরও উদ্দেশ্য থাকতে পারে বলেছিলেন, সেটা কী?’

কাঁধ ঝাঁকাল ম্যাসন। ‘এই মাপের একটা দুর্ঘটনা শুধু আমাদেরকে ঠেকানোর জন্য ঘটাতে যাবে না কেউ। ওটা মশা মারতে কামান দাগার মত হয়ে যায়। আমি বলব, পুরোটা পূর্ব-পরিকল্পিত ছিল... আমাদেরকে শেষ মুহূর্তে যোগ করে নেয়া হয়েছে এর সঙ্গে। ডিস্ট্র্যাকশনটা আসলে পুরো পৃথিবীর জন্য। এই ঘটনার পর সবার দৃষ্টি পড়ে থাকবে প্রচ্ছো বে-র উপর। আলোচনা হবে, জল্লনা-কল্লনা চলবে... ব্যস্ত থাকবে মানুষ এ-নিয়ে। গ্যারাণ্টি দিতে পারি, চবিশ ঘণ্টা পেরুনোর আগেই সিএনএন, বিবিসি-সহ সমস্ত নিউজ চ্যানেলের প্রতিনিধি হাজির

হয়ে যাবে এখানে...’

‘তাতে সমস্যা কোথায়?’ বাধা দিয়ে জানতে চাইলেন রিচার্ড।

এক মুহূর্তের জন্য রানার চোখে চোখ রাখল ম্যাসন। তার নীলচে চোখের মণির দিকে তাকিয়ে থমকে গেল রানা। দৃষ্টি আশ্চর্য রকমের স্থির ও ক্ষুরধার। বুঝতে পারল ও—বাইরে থেকে যা-ই দেখাক, এই লোক আসলে গভীর জলের মাছ। শান্ত ভঙ্গিতে যেভাবে পরিস্থিতি বিশ্লেষণ করছে, সেটা সাধারণ কারও পক্ষে সম্ভব নয়। কে এই লোক?

‘আমি তো বলেইছি—ডিস্ট্র্যাকশন অ্যাণ্ড মিসডি঱েকশন,’ রানার থেকে চোখ ফিরিয়ে রিচার্ডের দিকে ফিরল ম্যাসন। ‘সারা দুনিয়ার দৃষ্টি যখন প্রচ্ছো বে-র উপর আটকে থাকবে, তখন অন্য কিছু ঘটানো হবে চোখের আড়ালে। ওরা চাইছে না, কেউ ওদিকে নজর দিক।’

‘মানে ওই ড্রিফট স্টেশনটার দিকে,’ বলল রানা।

মাথা ঝাঁকাল ম্যাসন। খাদে নেমে গেল গলার স্বর। ‘কিছু একটা ঘটতে চলেছে ওখানে। এমন কিছু... যা গোটা দুনিয়াকে জানতে দেয়া চলে না। ওটাকে ধামাচাপা দেয়ার জন্য প্রচ্ছো বে-র স্যাবোটাজ সম্ভবত খুবই সামান্য একটা ব্যাপার।’

আসল পরিচয় যা-ই হোক, রানা বুঝতে পারছে—একবিন্দু ভুল বলছে না লোকটা। প্রথর বিশ্লেষণী ক্ষমতা রয়েছে এর, রয়েছে ঘটনার অন্তরালে লুকিয়ে থাকা সত্যকে আঁচ করবার শক্তি।

‘এখন তা হলে আমাদের করণীয় কী?’ জিজ্ঞেস করল অ্যাবি।

কাঁধ ঝাঁকাল ম্যাসন। ‘কাকটোভিকে যাওয়া ছাড়া আর তো কিছু করার নেই আমাদের।’

ভুরুঁ নাচাল রানা। ‘কেন? ড্রিফট স্টেশনে যাবেন না? জানতে চান না, ওখানে আসলে কী ঘটছে?’ লোকটাকে বাজিয়ে দেখার শুভ পিঞ্জর-১

জন্য করল প্রশ্নটা।

‘অসম্ভব!’ দু’হাত তুলল ম্যাসন। ‘মরে গেলেও ওখানে যাচ্ছি না আমি।’

গলার স্বরে সামান্য ভেজাল অনুভব করল রানা। সম্ভবত অভিনয় করছে লোকটা। নিজ থেকে ওখানে যাবার জন্য অনুরোধ করতে চাইছে না; চাইছে ওরাই প্রস্তাবটা দিক। তাল দেবে বলে ঠিক করল। তা ছাড়া ও নিজেও কৌতূহলী হয়ে উঠেছে। বলল, ‘কিন্তু আপনার অনুমান যদি সত্যি হয়...’

‘কিস্সু যায়-আসে না। অথবা প্রাণ খোয়াবার ইচ্ছে নেই আমার। লেজ গুটিয়ে পালাতে পারলে বাঁচি।’

‘সেক্ষেত্রে পুরো ব্যাপারটা কর্তৃপক্ষের কাছে রিপোর্ট করব আমরা। কাউকে পাঠানোর ব্যবস্থা করব ওখানে।’

‘কীভাবে? সোলার ফ্লেয়ারের কারণে কমিউনিকেশনের দফা-রফা অবস্থা। ধারে-কাছে যারা আছে, তারা প্রত্যেকে বে নিয়ে ব্যস্ত থাকবে। অন্য কোনও দিকে মনোযোগ দেবার সময় কোথায়? তা ছাড়া স্বেক অনুমানের ভিত্তিতে কথা বলছি আমরা, হাতে নিরেট কোনও প্রমাণ নেই।’

‘তারমানে আমাদেরকেই যেতে হবে। এই তো?’ বাঁকা সুরে বলল রানা। লোকটা চমৎকার কৌশলে ফাঁদে ফেলেছে ওদেরকে।

অভিনয় জারি রাখল ম্যাসন। ‘তারচেয়ে ওই ফিশিং ভিলেজে কিছুদিন গা-ঢাকা দেয়া ভাল না? ঝড়-ঝাপটা কেটে গেলে নাহয় আবার মুখ দেখানো যাবে।’

‘আমার তা মনে হয় না,’ রানা বলল। ‘ভেবেছেন নিরাপদে থাকবেন ওখানে? প্রতিপক্ষ যদি সত্যিই সমস্ত ট্র্যাক মুছতে চায়, আমাদেরকে খুন করার বিকল্প নেই। খোঁজ পেতে কষ্ট হবে না, এই বিমানটা ওরা চেনে। সবচেয়ে বড় কথা, ছেট্ট ওই গ্রামে আমরা কোণঠাসা হয়ে পড়ব।’

অ্যাবি আর রিচার্ডের চেহারায় মেঘ ঘনাতে দেখল ও, কিন্তু
ম্যাসন নির্বিকার। শান্ত গলায় বলল, ‘তারমানে পালানোর চেয়ে
রুখে দাঁড়ানোকে উন্মত্ত ভাবছেন আপনি? হানা দিতে চাইছেন
ঝামেলার কেন্দ্রবিন্দুতে?’

‘অবশ্যই!’

‘যা খুশি করুন, আমি কিছু জানি না।’ সিটে হেলান দিল
সাংবাদিক। চেহারায় ক্ষণিকের জন্য ফুটে উঠল স্বত্ত্বর ছাপ,
পরক্ষণে ভর করল গান্ধীর্য।

অ্যাবির দিকে ফিরল রানা। ‘কোনও আপত্তি আছে তোমার?’

অয়েল গজের উপর নজর বোলাল অ্যাবি। ‘অতদূর যদি
যেতেই হয়, রিফিউয়েল না করে উপায় নেই আমাদের।’

‘কাকটোভিকে তো যাচ্ছিই, তাই না?’

‘ঘণ্টাখানেকের মধ্যে পৌছুব। রিফিউয়েলিং করতে ধরো
আরও এক ঘণ্টা। বাবা যদি আপত্তি না করে, এরপরে রওনা হয়ে
যেতে পারি আমরা।’

‘আমি রাজি,’ পিছন থেকে বললেন রিচার্ড।

‘গুড়,’ বলে সোজা হয়ে বসল রানা। ডুবে গেল গভীর
চিনায়।

ম্যাসনের কথাগুলো মাথায় ঘুরপাক খাচ্ছে ওর। কিছু একটা
ঘটতে চলেছে ওই নির্জন ড্রিফট স্টেশনে... বড় কিছু। সারা
দুনিয়ার চোখের আড়ালে। কী হতে পারে সেটা?

হাতে আর কোনও কাজ নেই। কাজেই...

জানতে হবে।

সিদ্ধান্ত নিয়ে ফেলেছে রানা।

এই বইটি বাংলাপিডিএফবই এর সৌজন্যে নির্মিত। বইটি ভালো লেগে
থাকলে অবশ্যই এর একটি কপি আপনার নিকটতম বুকস্টল থেকে
সংগ্রহ করার জন্য অনুরোধ করা হল। লেখক কিংবা প্রকাশকের কোন
প্রকার আর্থিক ক্ষতি আমাদের কাম্য নয়।

বাংলাপিডিএফবই ওয়াটারমার্ক বিহীন বই প্রকাশ করে থাকে। এই
পদ্ধতি অবলম্বনের কারণে আমাদের ওয়েবসাইটটির প্রসারে ও
প্রচারে বাধা আসছে। কাজেই সবার কাছে অনুরোধ করা হচ্ছে যে
আপনি এই ওয়েবসাইটটি থেকে বই ডাউনলোড করে উপকৃত
হলে, অবশ্যই আপনার পরিচিতজনদের কাছে আমাদের সাইটটি
শেয়ার করবেন।

বাংলাপিডিএফবই কর্তৃপক্ষ

BANGLAPDFBOL.COM

পনেরো

ইউ.এস.এস. পোলার সেণ্টিনেল।

পেরিস্কোপ স্ট্যাণ্ডে দাঁড়িয়ে আছেন ক্যাপ্টেন ম্যাথিউ গরডন, তাঁর সামনে জমায়েত হয়েছে ডুবোজাহাজের সমস্ত অফিসার। আগ্রহ-উত্তেজনায় থমথম করছে তাদের সবার চেহারা।

‘তোমাদের মনের অবস্থা আমি বুঝতে পারছি,’ বললেন ক্যাপ্টেন, ‘তবে এ-ও জানিয়ে দেয়া প্রয়োজন মনে করছি, ডিপ্লয় হ্বার নির্দেশ পাইনি আমরা, শুধু জরুরি অবস্থার জন্য তৈরি থাকতে বলা হয়েছে।’

অসন্তোষ দেখা দিল অফিসারদের মধ্যে। পোড় খাওয়া, অভিজ্ঞ সাবমেরিনার এরা। অত্যন্ত দায়িত্বান। মাত্র চারশো মাইল দূরে প্রচ্ছো বে-তে ঘটে যাওয়া দুর্ঘটনার খবর পেয়ে অস্ত্র হয়ে উঠেছে... তাগিদ অনুভব করছে কিছু করবার। কিন্তু সেই আগ্রহে পানি ঢেলে দিলেন ক্যাপ্টেন।

আধঘণ্টা আগে এসেছে খবরটা—শমুক গতির ইএলএফ ট্রাঙ্গমিশনের মাধ্যমে। সাগরের পানির মাঝে দিয়ে আসে এই শব্দতরঙ্গ, দীর্ঘ বিরতি নিয়ে রিসিভ করতে হয় একেকটা অক্ষর। সোলার স্টর্মের কারণে ন্যাউস্যাট আর ইউএইচএফ সিস্টেম কাজ করছে না, ইএলএফ-ই যোগাযোগের একমাত্র উপায়।

আলাক্ষায় যাবার আগ্রহ প্রকাশ করেছিল ক্রু-রা, সাহায্য

করতে চেয়েছিল তদন্ত এবং উদ্ধারকাজে। বিজ্ঞানীদের দেখভাস করতে করতে এমনিতেই হাঁপিয়ে উঠেছিল ওরা, সত্যিকার কোনও কাজে যাবার জন্য উন্মুখ হয়ে ছিল। প্রত্যেক বে-র দুর্ঘটনা সেই সুযোগ এনে দিয়েছে। কিন্তু কিছুক্ষণ আগে এসেছে ফ্লিট হেডকোয়ার্টার থেকে নতুন নির্দেশ—কোথাও যাওয়া চলবে না পোলার সেণ্টিনেলের, থাকতে হবে ড্রিফট স্টেশনের কাছেই। সবাইকে ডেকে সে-সংবাদ শোনাচ্ছেন ক্যাপ্টেন গরডন। নিজেও হতাশ হয়েছেন, তবে চেহারায় তা ফুটতে দিচ্ছেন না। নেতা হবার এই এক জুলা, কোনও দুর্বলতা প্রকাশ করা যাবে না অধ্যনদের সামনে।

‘দুর্ঘটনার কারণ সম্পর্কে কিছু জানা গেছে?’ ক্যাপ্টেনের কাছে জানতে চাইল কমাণ্ডার ফিশার।

‘উঁহঁ,’ মাথা নাড়লেন গরডন। ‘এত তাড়াতাড়ি কিছু বলা যাবে না। সবাই এখনও আগুন নেভানোতেই ব্যস্ত।’

কথাটা বলতে ভাল লাগল না তাঁর। সঠিক একটা জবাব দিতে পারলে বেশি খুশি হতেন। ইতিমধ্যে পুরো জাহাজ জুড়ে শুরু হয়েছে গুজব আর কানাকানি। কেউ ভাবছে, ইকো-টেরোরিস্টরা ঘটিয়েছে এই অঘটন, আলাক্ষার প্রকৃতি আর প্রাণিজগৎকে বাঁচাতে চাইছে খনিজ আহরণের ধ্বংসাত্মক কার্যকলাপ থেকে। কেউ আবার ভাবছে, এর পিছনে আরব তেল-ব্যবসায়ীদের হাত আছে—ট্রান্স-আলাক্ষান পাইপলাইন বঙ্গ করে দিতে পারলে গোটা উত্তর আমেরিকা নির্ভর হয়ে পড়বে মধ্যপ্রাচ্যের ক্রুড অয়েলের উপর। একই থিয়োরি অবশ্য টেক্সাসের খনিমালিকদের বেলাতেও থাটে। চিন এবং রাশাকে দায়ী করছে, এমন লোকের সংখ্যাও কম নয়। খুব অল্প কিছু লোকই শুধু ভাবছে, ব্যাপারটা স্বেক একটা ইণ্ডাস্ট্রিয়াল অ্যাকসিডেন্ট হতে পারে।

এত রকমের ধ্যান-ধারণা ছড়িয়ে পড়া ভাল নয়। গুজবের সঙ্গে বাতাসে ভর দিয়ে ডানা মেলে আতঙ্ক, কেড়ে নেয় মানুষের স্বাভাবিক বিচার-বুদ্ধি। আসল ঘটনা জানিয়ে সবাইকে শান্ত করতে পারলে তাই স্বত্ত্ব পেতেন ক্যাপ্টেন। কপাল খারাপ, সেটা সম্ভব নয়। অকুশ্লে যেহেতু যেতে পারছেন না, সব খবর এখন পেতে হবে বাইরের উৎস থেকে।

‘এর কোনও মানে হয় না,’ রাগে গজগজ করে উঠল এক অফিসার। ‘অথবা বসিয়ে রাখা হচ্ছে আমাদেরকে! ’

ঝট করে তার দিকে তাকালেন গরডন। না, ক্রু-দের মনোবল কিছুতেই ভেঙে যেতে দেবেন না তিনি। কড়া গলায় বললেন, ‘যথেষ্ট হয়েছে! এ-ব্যাপারে আর কোনও উচ্চবাচ্য করবে না কেউ! যতক্ষণ না অন্য কোনও নির্দেশ আসছে, আমরা আমাদের বর্তমান দায়িত্ব ঠিকমত পালন করব, ঠিক আছে? এর গুরুত্বও একেবারে কম নয়। মাত্র তিনদিন পরেই রাশান ডেলিগেশন আসছে পুরনো লাশগুলো নিতে। তোমরা কি চাও, বিজ্ঞানীরা একাই ওই ডেলিগেশনকে সামলাক?’

‘জী না, স্যর,’ তটস্থ কষ্টে বলল কমাণ্ডার ফিশার। ক্যাপ্টেনের কথার গৃঢ় অর্থ বুঝতে পেরেছে। অল্প যে-ক’জন মানুষ আইস স্টেশনের চার নম্বর লেভেলের রহস্য জানে, তার মধ্যে সে একজন। তাড়াতাড়ি ঘুরল অন্যান্য অফিসারদের দিকে। ‘মিটিং শেষ। সবাই নিজ নিজ কাজে যাও। খবরদার, কেউ এ-বিষয় নিয়ে আর কোনও কথা বলবে না। ’

অফিসাররা চলে গেলে একজন রেডিওম্যান উদয় হলো। হাতে একটা ক্লিপবোর্ড, ক্যাপ্টেন গরডনের কাছে এসে বলল, ‘এক্সকিউজ মি, স্যর, ফিট হেডকোয়ার্টার থেকে জরুরি একটা মেসেজ এসেছে আপনার জন্য। ফ্ল্যাশ ট্রাফিক। ’

ভুরু কঁচকালেন ক্যাপ্টেন। ‘ফ্ল্যাশ ট্রাফিক! ন্যাভস্যাট কি
১৬০

কাজ করছে?’

মাথা ঝাঁকাল রেডিওম্যান। ‘সোলার স্টর্মের ব্রেকের সময়টায় সিগনাল রিসিভ করতে পারছি। কপাল ভাল, মেসেজটা একটা ব্রেকের মাঝখানে এসেছে। অবশ্য... ডিএলএফ-এও রিপিট করা হচ্ছে ওটা।’

বিশ্ময় বোধ করলেন গরডন। সব চ্যানেলে ব্রডকাস্ট করা হচ্ছে মেসেজ... কেন? হাত বাড়িয়ে ফ্লিপবোর্ডটা নিলেন তিনি, রেডিওম্যানকে বললেন, ‘ঠিক আছে, তুমি যেতে পারো।’

নিজের স্টেশনে ফিরলেন ক্যাপ্টেন, দ্রুত এনক্রিপশন ভাঙলেন মেসেজের। তারপর পড়লেন ওটা। সাবজেক্ট হেডিং লেখা: অতিথিরা নির্ধারিত সময়ের আগেই পৌছুচ্ছে। তারপর মূল বার্তা। সেটা এ-রকম:

পোলার স্যাটেলাইট কনফার্ম করছে—কো-অর্ডিনেট
আলফা ফাইভ টু ডেসিমেল এইট ড্যাশ থ্রি সেভেনে
ডেসে উঠেছে একটি রাশান আকুলা-টু ক্লাস সাবমেরিন।
নাম ড্রাকন, নর্দার্ন ফ্লিটের ফ্ল্যাগ সাবমেরিন, রিয়ার
অ্যাডমিরাল ভ্যালেরি নিকোলায়েভ ওটার সিনিয়র
অফিসার অন বোর্ড। দূরত্ব বিশ্লেষণের ভিত্তিতে ধারণা
করা হচ্ছে, অতিথিরা নির্ধারিত সময়ের আগেই পৌছুবেন
ড্রিফট স্টেশন ওমেগায়। টাইমটেবলের এই পরিবর্তনের
কারণ এখনও জানা যায়নি। তবে প্রচ্ছো বে-র
সাম্প্রতিক দুর্ঘটনার সঙ্গে এর সম্পর্ক থাকতে পারে বলে
আশঙ্কা করা হচ্ছে। ইতিমধ্যে নিশ্চিত হয়েছি আমরা,
ওটা স্যাবোটাজ ছিল। কারা এর পিছনে জড়িত, সেটা
এখন পর্যন্ত বোঝা যাচ্ছে না।

বর্তমান পরিস্থিতির আলোকে পোলার সেণ্টিনেলকে

সর্বোচ্চ সতর্কাবস্থায় থাকবার নির্দেশ দেয়া হচ্ছে। অন্য কোনও নির্দেশ না পাওয়া... কিংবা উক্তানিমূলক কোনও ঘটনা না ঘটা পর্যন্ত অতিথিদেরকে বন্ধুপ্রতীম বলে ধরে নিতে হবে এবং সেভাবেই আপ্যায়ন করতে হবে। তবে ওমেগা ড্রিফট স্টেশন এবং আইস স্টেশন গ্রেণেলে মার্কিন যুক্তরাষ্ট্রের স্বার্থ রক্ষা করা এখনও পোলার সেপ্টিনেলের জন্য টপ প্রায়োরিটি বলে গণ্য করতে হবে।

মিশনে সহায়তা করার জন্য ডেল্টা ফোর্সের টিম পাঠানো হচ্ছে। ওদের অপারেশনাল কন্ট্রোলার (ল্যাংলি থেকে নির্বাচিত) আগেভাগেই পৌছুবে মিশন এরিয়ায়। এ-ব্যাপারে বিস্তারিত তথ্য পরবর্তীতে দেয়া হবে।

শুভকামনা রাইল। যে-কোনও পরিস্থিতির জন্য তৈরি থেকো।

— অ্যাডমিরাল হেনরি বেকেট, কমাণ্ডার অভ প্যাসিফিক ফ্লিট।

ক্লিপবোর্টটা সরিয়ে রেখে চোখ মুদলেন ক্যাপ্টেন গরডন। বোঝার চেষ্টা করলেন মেসেজের মর্মার্থ। ল্যাংলি থেকে নির্বাচন করা হয়েছে ডেল্টা ফোর্সের অপারেশনাল কন্ট্রোলার, তারমানে পুরো ব্যাপারটার সঙ্গে সিআইএ জড়িত। ওদের আঙ্গারে দেয়া হচ্ছে ডেল্টা ফোর্সের টিম—লক্ষণটা শুভ নয়। ব্ল্যাক অপসের গন্ধ পাচ্ছেন তিনি। প্যাসিফিক ফ্লিট কমাণ্ডকে ওই কন্ট্রোলারের পরিচয়ও জানানো হয়নি—এর অর্থ নেভিকে অঙ্ককারে রাখতে চাইছে সিআইএ। শক্তি হয়ে ওঠার হাজারটা কারণ দেখতে পাচ্ছেন গরডন। যে-কোনও পরিস্থিতির জন্য তৈরি থাকতে বলেছেন অ্যাডমিরাল, তারমানে খারাপ কিছু একটা ঘটতে চলেছে। কী সেটা?

চোখ খুলে এক্স.ও.-র দিকে ফিরলেন ক্যাপ্টেন। দ্বিধা ঘেড়ে
নির্দেশ দিলেন, ‘কমাণ্ডার ফিশার, জাহাজ থেকে এখুনি সমস্ত
সিভিলিয়ানকে নামিয়ে দাও। শোর লিভ বাতিল করছি আমি,
বিজ্ঞানীদেরকে ওমেগায় পৌছে দিয়ে সমস্ত ক্রু-কে ফিরিয়ে আনো
সেণ্টিনেলে। কুইক!’

একটু অবাক হলো ফিশার, তবে মাথা ঝাঁকিয়ে বলল, ‘ঠিক
আছে, স্যর।’

‘আর হ্যাঁ, সবাই এসে গেলে সেণ্টিনেলকে তৈরি রাখবে...
যেন আমার নির্দেশ পাওয়ামাত্র ডাইভ দিতে পারো।’

চিফ অভ দ্য ওয়াচ ঘাড় ফিরিয়ে তাকাল তাঁর দিকে। ‘আমরা
কি প্রচ্ছো বে-তে যাচ্ছি, স্যর?’

‘না।’ বিজ ক্রু-দের আগ্রহী মুখগুলোর উপর দিয়ে দৃষ্টি ঘুরিয়ে
আনলেন ক্যাপ্টেন। জানেন, অ্যাকশনের জন্য প্রচ্ছো বে যাবার
প্রয়োজন নেই, যা ঘটার তা এখানেই ঘটতে চলেছে খুব শীত্রি।
ক্রু-রা সেটা যথাসময়ে টের পাবে। তিনি শুধু বললেন,
'যে-কোনও পরিস্থিতির জন্য তৈরি থাকতে হবে আমাদেরকে,
বয়েজ। ...এবং পরিস্থিতি বলতে আমি সবচেয়ে খারাপটাই
বোঝাচ্ছি।'

কাকটোভিক, আলাক্ষা।

টারমাকে স্থির হয়ে দাঁড়িয়ে থাকা টুইন অটারের চারপাশে
ঘুরছে অ্যাবি, হাতে ফ্ল্যাশলাইট। বোঝার চেষ্টা করছে, আকাশযুদ্ধে
কতখানি ক্ষয়ক্ষতি হয়েছে ওর বিমানের। একটা ডানায়
অনেকগুলো বুলেটের গর্ত চোখে পড়ল, তবে কাঠামোগত কোনও
ড্যামেজ নেই। স্বন্তির নিঃশ্বাস ফেলল। ফুটোগুলো ডাক্ট টেপ দিয়ে
মুড়ে দিলেই হয়, আপাতত আর কোনও মেরামত না করলেও
চলবে।

আধঘণ্টা হলো কাকটোভিকের তুষারে ছাওয়া ছেউ ল্যাণ্ডিং স্ট্রিপে নেমে এসেছে ওরা। ফিউয়েল ততক্ষণে তলানিতে পৌছে গেছে, খক খক করে কাশছিল ইঞ্জিন। আরেকটু দেরি হলেই বিপদে পড়তে হতো। কপাল ভাল, তেমন কিছু ঘটেনি। ল্যাণ্ড করবার পরেই রানা, ম্যাসন আর রিচার্ডকে এয়ারস্ট্রিপের পাশের হ্যাঙ্গারে পাঠিয়ে দিয়েছে, ওখানে একটা মেকশিফট ডাইনার আছে, সেরে নিতে বলেছে খাওয়া-দাওয়া। ও রয়ে গেছে রিফিউয়েলিং আর বিমানের ড্যামেজ অ্যাসেমেণ্টের জন্য। রানা সাহায্য করতে চেয়েছিল, কিন্তু রাজি হয়নি অ্যাবি, বলতে গেলে জোর করেই ওকে পাঠিয়েছে ম্যাসন আর রিচার্ডের সঙ্গে, বলেছে সবার জন্য খাবারের অর্ডার দিতে। সঙ্গী হিসেবে রয়ে গেছে শুধু লোবো, ঘুরঘুর করছে আশপাশে। মাথা ঘূরিয়ে চকিতের জন্য ডাইনারের দিকে তাকাল অ্যাবি, ঘোলা কাঁচের জানালা দিয়ে দেখা যাচ্ছে সবাইকে, সামনে কফির মগ, ব্যস্ত গল্ল-গুজবে। ইনুইট এক তরুণী ওখানকার ওয়েইট্রেস, মেয়েটা টেবিলের সামনে আসতেই ছেদ পড়ল আলোচনায়, হাসিমুখে কী যেন বলতে শুরু করল রানা মেয়েটাকে। বুকের মধ্যে ঈর্ষা অনুভব করল অ্যাবি, পরক্ষণেই চোখ রাঙ্গাল নিজেকে। যে-কোনও মেয়ের সঙ্গেই হাসিমুখে কথা বলতে পারে রানা, ওতে ঈর্ষার কী আছে? ওর তো কেউ না ওই বাঙালি যুবক!

যুক্তিতে শান্ত হলো না মন। দুভোর বলে চোখ ফিরিয়ে নিল অ্যাবি। ঘুরে চলে এল বিমানের অন্যপাশে। বিশালদেহী এক মাঝবয়েসী লোক দাঁড়িয়ে আছে ফিউজেলাজের গায়ে হেলান দিয়ে, এক হাতে ধরে রেখেছে বিমানের গায়ে লাগানো ফিউয়েলিং হোস, ঠোটে ঝুলছে সিগারেট। হেঁটের হ্যাডরন, কাকটোভিকের এয়ারস্ট্রিপের মালিক। অ্যাবির পূর্ব-পরিচিত।

‘ফিউয়েলিংগের সময় সিগারেট ধরানো কি উচিত?’ বাঁকা গলায় বলল অ্যাবি।

‘কী করব?’ কাঁধ ঝাঁকাল হেট্রে। ‘বউয়ের সামনে ধরাতে পারি না যে!’ ইশারা করল ডাইনারের দিকে। কাউন্টারের ওপাশে দাঁড়িয়ে আছে তার মধ্যবয়সী স্ত্রী।

এককালে শেরিফস্ ডিপার্টমেন্টে কাজ করত হেট্রে, প্যাট্রিল ফ্লিটের বোটগুলোর দেখাশোনা করত। পরে টাকা জমিয়ে চলে আসে কাকটোভিকে, পুরনো হ্যাঙ্গারটা ভাড়া নিয়ে একটা রিপেয়ার শপ খুলে বসে। কয়েক বছর পরে একটা সাইট-সিয়িং কোম্পানি ও চালু করে সে, আলট্রালাইট বিমানে চাপিয়ে টুরিস্টদেরকে ন্যাশনাল রিজার্ভ ফরেস্টের উপর দিয়ে ঘূরিয়ে আনত। অয়েল এক্সপ্রেরেশনের কল্যাণে বড় হয়েছে সেই ব্যবসা—টুরিস্টদের পাশাপাশি এখন জিয়োলজিস্ট, রিপোর্টার আর সরকারি লোকজনও তার কাস্টোমার। সম্পত্তি পুরো এয়ারস্ট্রিপটা লিজ নিয়েছে সে, বড় করেছে আলট্রালাইট বিমানের বহর।

ফিউয়েল হোসের গজের দিকে তাকাল হেট্রে, বন্ধ করল তেলের প্রবাহ। বলল, ‘ভরে গেছে ট্যাঙ্কি।’ হোসটা খুলে নিল বিমানের গা থেকে। ‘দুটোই।’

‘ধন্যবাদ, হেট্রে।’

‘নো প্রবলেম, অ্যাবি।’ হোস গোটাতে শুরু করল হেট্রে। ‘বুলেটের গর্তগুলো কীভাবে হলো, জানতে পারি?’

‘লম্বা কাহিনি। পরে নাহয় কখনও বলব। অনেককিছু এখনও অস্পষ্ট।’

‘যেমন তোমার মর্জি,’ মুচকি হাসল হেট্রে। ‘কিন্তু ওই সুপুরুষটা কে, বলো দেখি! আগে কখনও দেখেছি বলে তো মনে পড়ে না। আমেরিকানও মনে হচ্ছে না। নতুন বয়ক্রেগও?’

‘রানার কথা বলছ? না, না, বয়ক্রেগ না। স্রেফ ক্রেগ। মাসুদ রানা... নুমার স্পেশাল প্রজেক্ট ডিরেক্টর। ছুটি কাটাতে এসেছে আলাক্ষায়।’

‘যা-ই বলো, এমন হ্যাঙ্গসাম ছেলে খুব একটা চোখে পড়ে না।
তোমার পাশে খুব মানাবে কিন্তু ওকে।’

‘ধ্যাং! কী যে বলো না!’ মুখ আরঙ্গ হলো অ্যাবির।

‘কাম অন! বিমান থেকে নামার পর কীভাবে তাকাচ্ছিলে তুমি
ওর দিকে... তা লক্ষ করেছি আমি।’

‘ওটা ছিল কৃতজ্ঞতার দৃষ্টি... প্রশংসার দৃষ্টি। নিশ্চিত মৃত্যুর
হাত থেকে আমাদেরকে বাঁচিয়ে এনেছে রানা। সেজন্যেই
হয়তো...’

‘দুঃসাহসী বলতে চাইছ? অনেক মিল তা হলে তোমাদের
মধ্যে। দারুণ জুটি হবে...’

‘থামবে?’ প্রায় ধর্মকে উঠল অ্যাবি। হেষ্টেরের চেহারা থেকে
হাসি মুছে যেতে দেখে তাড়াতাড়ি যোগ করল, ‘আ... আমি
দুঃখিত, হেষ্টের। আসলে এ-সব নিয়ে ঠাট্টা-তামাশা...’

‘ঠাট্টা করছি না, অ্যাবি,’ বলল হেষ্টের গল্পীর গলায়, ‘আমি
সিরিয়াস। উপযুক্ত এক সঙ্গীর দরকার আছে তোমার। আর
কতদিন এভাবে একা থাকবে?’

‘একা থাকাই ভাল,’ ভারী গলায় বলল অ্যাবি। ‘আমি একটা
অপয়া মেয়ে। আমার কপালে সুখ নেই। কেন খামোকা
আরেকজনকে এ-জীবনের সঙ্গে জড়াব?’

‘কেন বলছ এ-কথা? স্বামী-সন্তানকে হারিয়েছ বলে? দুর্ভাগ্য
কি আসতে পারে না মানুষের জীবনে? তাই বলে সুখী হবার চেষ্টা
করবে না... এটা কেমন কথা? বয়স তো এমন কিছু হয়নি, নতুন
করে জীবন শুরু করতে বাধা কোথায়?’

‘আমার জায়গায় যদি তুমি থাকতে...’

তিক্ত হাসি হাসল হেষ্টের। ‘ভাবছ তোমার চেয়ে খুব ভাল আছি
আমি বা জিল? আজ পর্যন্ত বাচ্চা-কাচ্চা হয়নি আমাদের।
কোনোদিন হবেও না—ডাঙ্গাররা বহুদিন আগে জানিয়ে দিয়েছে

এ-কথা। তাই বলে কি হতাশার সাগরে ডুবে গেছি আমরা? না, বরং ভুলে যেতে চেয়েছি ওই সত্যকে। যা আছে, তা-ই নিয়ে সুন্ধী হবার চেষ্টা করেছি। কষ্ট হয়েছে... অনেক পথ পাড়ি দিতে হয়েছে... কিন্তু হাল ছাঢ়িনি কোনোদিন।'

চোখ তুলে তার দিকে তাকাল অ্যাবি। বলল, 'সেজন্যে শ্রদ্ধা করি তোমাদেরকে, অবাক হই। কিন্তু প্লিজ... আমাকে ইচ্ছের বিরুদ্ধে কিছু করতে বলো না। নতুন করে জীবন শুরু করতে পারব না আমি। অতীতকে অগ্রাহ্য করা সম্ভব নয় আমার পক্ষে। স্বামী আর ছেলের স্মৃতিকে ভুলতে পারব না কিছুতেই।'

'যেখানেই থাকুক তোমার স্বামী আর ছেলে...' উদাস গলায় বলল হেষ্টের, '...আমার মনে হয় না ওরা চায় তুমি বাকি জীবন অসুবী হয়ে থাকো। যাক গে, যা বলার বলে দিয়েছি আমি। মাসুদ রানা নামের ওই ভদ্রলোককে প্রথম দেখাতেই খুব ভাল লেগে গিয়েছিল, সেজন্যেই...' কাঁধ বাঁকাল সে। 'তুমি যদি না চাও তো আমার আর কী করার আছে?'

ডাইনারের দরজা খুলে গেল। ওখান দিয়ে উঁকি দিল হেষ্টেরের স্ত্রী—জিল হ্যাডরন। কড়া গলায় বলল, 'অ্যাহি, তোমরা আর কতক্ষণ দাঁড়িয়ে থাকবে ওখানে? খাবার ঠাণ্ডা হয়ে যাচ্ছে তো!'

'আসছি, ডিয়ার!' গলা চড়িয়ে বলল হেষ্টের।

'অ্যাবি, কুকুরটা আসতে পারে, কিন্তু ওই লোকটাকে বলে দাও—সিগারেট নিয়ে ওকে আমি দরজা পেরুতে দেব না।'

'দেখলে তো?' গোমড়া মুখে অ্যাবিকে বলল হেষ্টের, 'কী এক স্বেরাচারী মহিলার সঙ্গে বাস করছি!'

হেসে ফেলল অ্যাবি। 'সিগারেট ফেলে দেয়াই মনে হয় ভাল। জিলকে রাগানো উচিত হবে না তোমার।'

আধ-খাওয়া সিগারেট পায়ের তলায় পিষে ফেলল হেষ্টের। অ্যাবিকে নিয়ে এগোল ডাইনারের দিকে।

ଶୋଲୋ

ଡ୍ରାକନେର କଟ୍ଟୋଲ ସ୍ଟେଶନେ ବସେ ଆହେନ ରିଆର ଅୟାଡ଼ମିରାଲ ନିକୋଲାଯେଡ, ଚୋଖ ସାମନେର ଭିଡ଼ିଓ ମନିଟରେ । ସାବମେରିନେର ବାଇରେ ଏକଟା କ୍ୟାମେରା ବସାନୋ ହୁଯେଛେ, ସେଟାର ଫିଡ ଫୁଟେ ଉଠିଛେ ପର୍ଦାୟ । ସାବମେରିନେର ଏକ୍ସଟିରିୟର ଲାଇଟ୍‌ଟେ ଆଲୋଯ ଆଲୋକିତ ହୁଏ ଉଠିଛେ ମାଥାର ଉପରେର ଭାସମାନ ବରଫେର କ୍ଷର । ଥାରମାଲ ସୁଟ ପରା ଚାରଜନ ଡାଇଭାର ଗତ ଆଧିଷ୍ଟଟା ଧରେ ଓଖାନେ ଏକଟା ଟାଇଟେନିୟାମେର ଗୋଲକ ବସାଇଛେ । ଆଇସ-କ୍ୟାପେର ତଳା ଫୁଟୋ କରେ ଏକ ମିଟାର ଲସ୍ବା ବେଶ କଟା ଅୟାକ୍ଷରିଂ ବୋଲ୍ଟ ଲାଗାତେ ହଜେ ତାଦେରକେ, ସେଇ ବୋଲ୍ଟେର ସଙ୍ଗେ ଆଟକାନୋ ହଜେ ଗୋଲକେର କ୍ଲ୍ୟାମ୍‌ପ । ପୁରୋ ଜିନିସଟା ମାକନ୍ଡ୍‌ସାର ମତ ସେଁଟେ ଯାଇଛେ ଆଇସ-କ୍ୟାପେର ପେଟେର ତଳାଯ ।

ଏ-ଧରନେର ମୋଟ ପାଁଚଟା ଡିଭାଇସ ଏନେହେନ ରିଆର ଅୟାଡ଼ମିରାଲ, ଏଟାଇ ଶେ । ବାକି ଚାରଟେ ଲାଗାନୋ ହୁଏ ଗେଛେ ଇତିମଧ୍ୟେ । ମୋଟାମୁଢି ଏକଶୋ ବର୍ଗକିଲୋମିଟାର ଏଲାକାର ଏକଟା ବୃକ୍ଷେର ପାଁଚଟା ପଯେଣ୍ଟେ ବସାନୋ ହୁଯେଛେ ଡିଭାଇସଗୁଲୋ । କାନ୍ଦାନିକ ଦାଗ ଟାନା ହଲେ ପଯେଣ୍ଟଗୁଲୋ ପରିଣତ ହବେ ପାଁଚ-ମାଥାର ଏକଟା ନିର୍ମୂତ ତାରକାୟ । ଏଥିନ ଶୁଦ୍ଧ ମାସ୍ଟାର ଟିଗାର ବସାନୋ ବାକି... ସେଟା ବସାତେ ହବେ ବୃକ୍ଷେର ଠିକ ମାଝଖାନେ ।

ଡାଇଭାରଦେରକେ ଛାଡ଼ିଯେ ସାମନେର କାଳୋ ପାନିର ଦିକେ ନଜର

চলে গেল রিয়ার অ্যাডমিরালের। কল্পনার চোখে দেখতে পেলেন বিশাল সেই বরফ-ঢীপ, আর তার ভিতরে লুকানো আইস স্টেশনটাকে। ট্রিগার স্থাপন করবার জন্য এরচেয়ে ভাল জায়গা আর হয় না।

মঙ্কো থেকে নির্দেশ দেয়া হয়েছে, পিতার গবেষণার সমস্ত নির্দশন সংগ্রহ করতে হবে নিকোলায়েভকে, তারপর ধ্বংস করে দিতে হবে আইস স্টেশন। কিন্তু কেউ জানে না, আরও বড় একটা উদ্দেশ্য নিয়ে অগ্রসর হচ্ছেন তিনি।

মনিটরের উপর আবার মনোযোগ দিলেন রিয়ার অ্যাডমিরাল। ডিভাইস আটকানো হয়ে গেছে। একজন ডাইভার ওটার গায়ের সুইচ চাপতেই ঠিক মাঝ বরাবর একসারি নীলচে আলো জ্বলে উঠল। ব্যস, অ্যাকটিভেট হয়ে গেছে ওটা। আলোর তলায় ফুটে উঠেছে রাশান আর্কটিক অ্যান্ড অ্যান্টার্কটিক রিসার্চ ইনসিটিউটের মনোগ্রাম।

‘এগুলো স্রেফ সায়েন্টিফিক সেন্সর?’ পাশ থেকে জানতে চাইল ক্যাপ্টেন আন্তন রুশকিন। কঠে সন্দেহের ছাপ স্পষ্ট।

‘হ্যাঁ,’ শান্ত গলায় বললেন নিকোলায়েভ। ‘ব্যাথিমেট্রি টেকনোলজির লেটেস্ট আবিষ্কার। সি-লেভেলের ওঠানামা, স্রোতের গতি-প্রকৃতি, পানির লবণাক্ততা, বরফের ঘনত্ব... সবকিছু মাপা যাবে এই একটামাত্র ডিভাইসের সাহায্যে।’

ভূরু কেঁচকাল রুশকিন। বোকা নয় সে। অনেককিছুই আঁচ করতে পারে। কাগজে-কলমে তার মিশন হলো—রিয়ার অ্যাডমিরালকে কূটনৈতিক কাজে নিয়ে যেতে হবে আমেরিকান এক রিসার্চ স্টেশনে। কিন্তু হাবভাবে সে পরিষ্কার বুঝতে পারছে, এর পিছনে আরও কিছু আছে। যে-সব ইকুইপমেণ্ট আর অস্ত্র-শস্ত্র তোলা হয়েছে ড্রাকনে, তা কূটনৈতিক কাজে লাগতে পারে না। রিয়ার অ্যাডমিরাল যে এফএসবি-র তরফ থেকে গোপন একটা শুভ পিঞ্জর-১

মেসেজ পেয়েছেন, সেটাও তার অজ্ঞান নয়। কী ধরনের নির্দেশ এসেছে সে-বার্টায়, কে জানে।

‘আপনি বলতে চাইছেন, এগুলোর কোনও মিলিটারি অ্যাপ্লিকেশন নেই?’ তীক্ষ্ণ কণ্ঠে বলল সে। ‘যেমন ধরুন, আমেরিকানদের ট্রান্সমিশনে আড়ি পাতা বা অন্য কিছু...’

কোনও জবাব দিলেন না নিকোলায়েভ। যা খুশি ভাবুক ক্যাপ্টেন, তাঁর কিছু যায়-আসে না। ডিভাইসটাকে আড়ি পাতার যন্ত্র ভাবলে বরং ভালই হয়।

রিয়ার অ্যাডমিরালের নীরবতার ভুল অর্থ করল রুশকিন। সন্তুষ্টির হাসি হাসল। ভাবছে ধরে ফেলেছে রহস্যটা। তার ভুল ভাঙানোর কোনও চেষ্টা করলেন না নিকোলায়েভ। আসল রহস্য যথাসময়ে জানবে লোকটা।

এক দশক আগে, আর্কটিক অ্যাণ্ড অ্যাণ্টার্কটিক রিসার্চ ইনসিটিউট... সংক্ষেপে এএআরআই-এর বাছাই করা কিছু বিজ্ঞানীকে নিয়ে একটা প্রজেক্ট শুরু করেছিলেন তদানীন্তন ক্যাপ্টেন নিকোলায়েভ। কেউ সেটাকে অস্বাভাবিক ভাবেনি, সেভেরোমরক্ষ নেভাল কমপ্লেক্সে সবসময়েই কোনও না কোনও পোলার রিসার্চ প্রজেক্টে চলতে থাকে। তবে শকওয়েভ নামের এই বিশেষ প্রজেক্টটা, পরিচালিত হচ্ছিল নিকোলায়েভের ব্যক্তিগত তত্ত্বাবধানে। রিসার্চার-রা শুধুমাত্র তাঁর কাছেই রিপোর্ট করত, আর কারও কাছে নয়। অন্যান্য হাজারো প্রজেক্টের মাঝে নিজের প্রজেক্টের খবর লুকিয়ে রাখতে কোনও অসুবিধে হয়নি নিকোলায়েভের। কেউ কখনও এই প্রজেক্ট নিয়ে কোনও প্রশ্ন তোলেনি... এমনকী দু'বছর আগে প্রজেক্টের ছয় বিজ্ঞানী যখন বিমান দুর্ঘটনায় মারা গেল, তখনও কেউ এ নিয়ে মাথা ঘামায়নি। কাগজে-কলমে ওখানে স্রেফ সমাপ্তি ঘটেছে প্রজেক্ট শকওয়েভের। সেভেরোমরক্ষ নেভাল কমপ্লেক্সে চলতে থাকা গবেষণা কাজের

ব্যাপারে এমনই উদাসীন কর্তৃপক্ষ। কেউ জানেও না, দুর্ঘটনার অন্তত এক বছর আগে সফল হয়েছে প্রজেক্ট। টাইটেনিয়ামের ওই গোলক সেই প্রজেক্টেরই ফলাফল।

শুরুটা ছিল খুব সাধারণ—১৯৭৯ সালে একটা রিসার্চ পেপার প্রকাশিত হয়েছিল, তাতে ব্যাখ্যা করা হয়েছিল গ্লোবাল ওয়ার্মিংডের সঙ্গে কার্বন ডাই অক্সাইডের সম্পর্ক এবং এর সম্ভাব্য ফলাফল নিয়ে। পোলার আইস ক্যাপ গলে গেলে কী ঘটবে, সে-ব্যাপারে সতর্ক করে দেয়া হয়েছিল বিশ্বকে। বলা বাহুল্য, রাশায় এই ঝুঁকি নিয়ে বিস্তারিত গবেষণার দায়িত্ব পায় আর্কটিক অ্যান্ড অ্যান্টার্কটিক রিসার্চ ইনসিটিউট। লম্বা একটা সময় ধরে তথ্য-উপাত্ত বিশ্লেষণ করে ওরা সিদ্ধান্তে উপনীত হয়: গ্রিনল্যাণ্ড আর অ্যান্টার্কটিকার বরফ গলে গেলে দুনিয়াজুড়ে সি-লেভেল বেড়ে যাবে পুরো দুইশ' ফুট! কিন্তু উভর মেরুর বরফ নিয়ে অমন চিন্তার কিছু নেই বলে রায় দেয় ওরা। ওই বরফ এমনিতেই পানিতে ভাসছে, কাজেই গলে গেলেও পানির উচ্চতা বেশি বাড়ার কোনও সম্ভাবনা নেই। অনেকটা গ্লাস-ভর্তি পানিতে আইস কিউব গলবার মত ব্যাপার আর কী।

মোটামুটি বছর দশেক চলেছে এই থিয়োরি, এরপরেই এএআরআই-এর এক বিজ্ঞানী আবিষ্কার করেন—পৃথিবীর ডগা থেকে রাতারাতি পোলার আইস ক্যাপ উধাও হয়ে গেলে ভয়াবহ বিপর্যয় দেখা দিতে পারে। আর্কটিক সাগরের ইনসুলেটের হিসেবে কাজ করে আইস ক্যাপ, এ-জিনিস না থাকলে সৌরশক্তি প্রতিফলিত করবার ক্ষমতা হারাবে সাগরটা। পানি বাঞ্ছীভূত হবে অতি দ্রুত, অ্যাটমোফ্রিয়ারে ঢুকে পড়বে অস্বাভাবিক বেশি পরিমাণে জলকণ। এই জলকণ পুরো পৃথিবীজুড়ে বাড়িয়ে দেবে বৃষ্টিবাদল আর তুষারপাত। এর ফলে ভয়াবহ বিপর্যয় ঘটবে পরিবেশে। দেখা দেবে বন্যা, ক্ষতি করবে কৃষিকাজের, নষ্ট হয়ে শুভ পিঞ্জর-১

যাবে ইকোসিস্টেম। অচল হয়ে পড়বে বিভিন্ন দেশের অর্থনীতি।
নড়ে যাবে পৃথিবীর ক্ষমতার ভারসাম্য।

ব্যাপারটার প্রমাণ পাওয়া গেল ১৯৯৭ সালে, যখন প্রশান্ত
মহাসাগরের উষ্ণ স্নেতের গতিপথে সামান্য পরিবর্তন ঘটল। এর
ফলে তীব্র তাপপ্রবাহে আক্রান্ত হলো ইন্দোনেশিয়া আর
মালয়েশিয়া-সহ প্যাসিফিকের পশ্চিমদিকের সমস্ত দ্বীপ...
সেইসঙ্গে পেরু থেকে শুরু করে মেক্সিকো পর্যন্ত সেগ্রাল
আমেরিকার সবগুলো দেশ। জাতিসংঘের হিসেবে প্রায় পঞ্চাশ
হাজার মানুষ মারা গিয়েছিল সে-সময়, অর্থনীতিতে ক্ষয়ক্ষতি
হয়েছিল নবুই বিলিয়ন ডলারের। এ কেবল এক বছরের হিসাব,
তাপপ্রবাহ দীর্ঘ সময় অক্ষুণ্ণ থাকলে আরও কত কী ঘটতে পারত,
তা কল্পনা করা যায় না। পোলার আইস ক্যাপ গলে গলে ঠিক
তেমনই একটা ঘটনা ঘটবে। তবে তার প্রভাব শুধু আর্কটিক
সাগরে সীমাবদ্ধ থাকবে না, ছড়িয়ে পড়বে পুরো পৃথিবীর বুকে।
বদলে যাবে পরিবেশ ও জলবায়ু... এমন এক বিপর্যয় দেখা
দেবে, যা দুনিয়ার ইতিহাসে কোনোদিন দেখা যায়নি।

বলা বাহুল্য, এ-ধরনের সম্ভাবনার সপক্ষে জোরালো প্রমাণ
থাকায় ব্যতিব্যস্ত হয়ে ওঠে সবাই। গঠন করা হয় বড় বড়
বিশেষজ্ঞ-দল, তাঁরা খোঁজ নিতে শুরু করেন, কোনোভাবে
পোলার আইস ক্যাপ গলিয়ে দেয়া সম্ভব কি না। তবে খুব শীঘ্ৰ
জানা গেল, আইস ক্যাপ গলাবার জন্য যে-ধরনের এনার্জি
দরকার, তার অস্তিত্ব নেই পৃথিবীতে। এমনকী নিউক্লিয়ার
এক্সপ্লোশন ঘটিয়েও এ-কাজ করা সম্ভব নয়। ফলে ওখানেই
চুকে-বুকে গেল ব্যাপারটা।

কিন্তু পরবর্তী সময়ে এআরআই-এর এক বিজ্ঞানী হাজির
হলেন ইন্টারেস্টিং আরেক থিয়োরি নিয়ে। তাঁর মতে, বিপর্যয়ের
জন্য গোটা আইস ক্যাপ গলানোর কোনও প্রয়োজন নেই,

প্রয়োজন শুধু এর ভারসাম্য নষ্ট করে দেয়া। যদি আইস ক্যাপের সামান্য অংশ গলিয়ে দেয়া যায়, এবং বাকিটুকুকে ভেঙে টুকরো টুকরো করে দেয়া হয়, তা হলে আর্কটিকের একটা গ্রীষ্মই অবশিষ্ট কাজ করবার জন্য যথেষ্ট। আইসক্যাপ ভেঙে দেয়া হলে সূর্যকিরণ সাগরপৃষ্ঠের অনেক বেশি জায়গায় পৌছুতে পারবে, গরম করে তুলতে পারবে ভাঙা বরফের আশপাশের পানি। ফলে ছোট টুকরোগুলো সহজেই গলে যাবে গরম পানির সংস্পর্শে এসে। সোজা কথায়—নিউক্লিয়ার বোমার প্রয়োজন নেই, সূর্যকে কাজে লাগিয়েই ঘটানো সম্ভব বিপর্যয়। বসন্তের শেষভাগে যদি ওটাকে খণ্ড-বিখণ্ড করে দেয়া যায়, তা হলে গ্রীষ্মের শেষে আইস ক্যাপের কোনও অস্তিত্ব থাকবে না।

কথা হলো, কীভাবে করা যাবে এ-কাজ? উন্নরটা পাওয়া গেল ১৯৯৮ সালে। এএআরআই-এর আরেক বিজ্ঞানী গবেষণা করছিলেন আর্কটিক আইস প্যাকের ক্রিস্টালাইয়েশন এবং প্রেশার রিজের গঠন নিয়ে। সাগরের স্রাতের প্রভাব বিশ্লেষণ করে হারমোনিস্ক্র-এর থিয়োরি খাড়া করেন তিনি। এই থিয়োরি হচ্ছে: বরফ আসলে অন্য যে-কোনও স্ফটিকের মতই ঠুনকো এক বস্তু, তীব্র প্রেশারের মাঝে সঠিক ফ্রিকোয়েন্সির শব্দতরঙ্গের মাধ্যমে জায়গামত আঘাত হানতে পারলেই পুরো আইস ক্যাপ ভেঙে টুকরো টুকরো হয়ে যাবে। ঠিক কাঁচের মত!

হারমোনিস্ক্রের এই থিয়োরি থেকেই উৎপন্নি হয় প্রজেক্ট শকওয়েভের। বিজ্ঞানীদের উদ্দেশ্য ছিল কৃত্রিমভাবে এমন একগুচ্ছ হারমোনিক ওয়েভ এবং হিট সিগনেচার তৈরি করা, যার সাহায্যে পোলার আইস ক্যাপ ভেঙে চুরমার করে দেয়া যায়।

ভিডিও মনিটরে জুলজুল করছে টাইটেনিয়ামের গোলক, উজ্জেনা অনুভব করলেন নিকোলায়েভ। কবজিতে একটা রিস্ট মনিটরও শুন্দি পিঞ্জর-১

আছে তাঁর, তাকালেন সেটার দিকে। প্রাজমা ক্রিনে জুলজুল করছে পাঁচটা বিন্দু—নির্দেশ করছে সবগুলো ডিভাইসের অবস্থান। ঠিক মাঝখানে জুলবে আরেকটা বিন্দু, যখন তিনি মাস্টার ট্রিগারটা ইঙ্গিট করবেন। বেশি দেরি নেই তার। হালকা এক টুকরো হাসি ফুটল রিয়ার অ্যাডমিরালের ঠোঁটে।

প্রজেক্ট শকওয়েভের মৃত বিজ্ঞানীরা ডিভাইসের তারকা-প্রতিম কনফিগারেশনের নাম দিয়েছিল পোলারিস অ্যারে... প্রত্বতারার নামে। তবে নিউক্লিয়ার পাওয়ারের মাস্টার ট্রিগারটার নাম অনেক বেশি টেকনিকাল—ওটা একটা সাবসোনিক ডিজিটাল ইঞ্জিন। অ্যাকটিভেট হবার পর দুই ধাপে কাজ করবে ওটা। প্রথমে একটা সন্তান আণবিক বোমার মত বিস্ফোরিত হবে, ধ্বংস করে দেবে এক মাইল ব্যাসের মধ্যকার সবকিছু; তবে তারপর ইলেক্ট্রো-ম্যাগনেটিক পালস ছড়াবে না অন্যান্য বোমার মত। তার বদলে ছড়িয়ে দেবে হারমোনিক ওয়েভ। এই তরঙ্গ একসঙ্গে আঘাত হানবে পাঁচটা গোলকের গায়ে, ঘটাবে পরবর্তী বিস্ফোরণ। হারমোনিক ওয়েভ সেই বিস্ফোরণের ধাক্কায় কয়েক শুণ শক্তিশালী হয়ে উঠবে, ছড়িয়ে পড়বে আরও বেশি জায়গা জুড়ে। পুরো পোলার আইস ক্যাপে ফাটল ধরানোর জন্য সেটাই হবে যথেষ্ট।

রুমাল দিয়ে রিস্ট মনিটর পরিষ্কার করলেন নিকোলায়েভ, তারপর ওটা ঢুকিয়ে ফেললেন শার্টের হাতার তলায়। খেয়াল করলে দেখা যাবে, ওটার এক কোণে লাল রঙের একটা হৃৎপিণ্ড আকৃতির আইকন জুলছে-নিভছে... রিয়ার অ্যাডমিরালের হৃৎস্পন্দনের সঙ্গে তাল মেলাচ্ছে ওটা।

অস্ত্রিতা অনুভব করলেন নিকোলায়েভ, আর তর সইছে না। কিন্তু এ-ও জানেন, অস্ত্রির হয়ে লাভ নেই। ধৈর্য ধরতে হবে তাঁকে। এতদিন তো তা-ই করেছেন। পুরো দুইটা বছর! অপেক্ষায় ছিলেন মোক্ষম সুযোগের... অবশ্যে পেয়েছেন সেটা।

ভাগ্যও তাঁকে সহায়তা করেছে। নইলে এত বছর পর আবিষ্কৃত হবে কেন আইস স্টেশন গ্রেণেল? সেই জায়গা, যেখানে তাঁর পিতা ইগোর নিকোলায়েভ ঘূমিয়ে আছেন! মনের সব আশা পূর্ণ হবে এবার। পিতার মৃতদেহ উদ্ধার করবেন, তাঁকে শেষ বিদায় জানাবেন, তারপর ফাটিয়ে দেবেন পোলারিস ডিভাইস... বদলে দেবেন পৃথিবীটাকে।

ভিডিও মনিটরের উপর আবার নজর দিলেন নিকোলায়েভ। ড্রাকনের এক্সটেরিয়র লাইট নিভিয়ে দেয়া হয়েছে। কিন্তু আঁধারের মাঝে জুলজুল করছে পোলারিস ডিভাইসের নীল আলো। যেন পানির তলায় ওটা আরেক ধ্রুবতারা।

বিশেষ একটা উদ্দেশ্য নিয়ে প্রজেক্ট শকওয়েভ শুরু করেছিলেন রিয়ার অ্যাডমিরাল নিকোলায়েভ। ১৯৮৯ সালের এএআরআই রিপোর্টের শেষভাগের একটা অংশ পড়ে আইডিয়াটা মাথায় আসে তাঁর। পোলার আইস ক্যাপ ধ্বংস হলে প্রাকৃতিক দুর্যোগ আর জলবায়ু পরিবর্তনের পাশাপাশি আরেকটা ব্যাপার ঘটবে—আর সেটা হবে দীর্ঘমেয়াদী। বৃষ্টি ও তুষার হয়ে আর্কটিক সাগরের বাঞ্চীভূত পানি ঝরবে স্থলভাগের উপরে, তাপমাত্রা পরিবর্তনের কারণে সেই পানি পরিণত হবে বরফে... পুরো পৃথিবী চেকে যাবে গ্লেসিয়ার আর বরফের চাদরে। সূচনা ঘটবে নতুন এক বরফ যুগের!

পোলারিস ডিভাইসের আলোর উপর দৃষ্টি নিবন্ধ করলেন নিকোলায়েভ। কঠোর হয়ে উঠল চেহারা। বরফে জমে মারা গেছেন তাঁর পিতা, তাঁকেও মুরমানক্ষের এক বরফাছাদিত ঘাঁটিতে নির্বাসিত জীবনযাপনে বাধ্য করা হচ্ছে। এ-সব অবিচারের প্রতিশোধ নেবেন তিনি... পুরো দুনিয়াকে বরফে জমিয়ে দিয়ে!

সতেরো

ভোর পাঁচটা তেতাঙ্গিশ ।

পোলার আইস ক্যাপের উপর দিয়ে উড়ছে টুইন অটার । কো-পাইলটের সিট থেকে এক লাফে সূর্যকে দিগন্ত ডিঙিয়ে উঠে আসতে দেখল রানা । নীচের বরফের গায়ে প্রতিফলিত হলো তীব্র আলো, আঘাত করল চোখে । অ্যাবির চোখে এভিয়েটের সানগ্লাস আছে, কিন্তু ওর চোখে নেই, মুখের সামনে হাত তুলতে হলো রোদের অত্যাচার থেকে বাঁচবার জন্য ।

ওকে নড়তে দেখে মাথা ঘোরাল অ্যাবি । ‘গুড মর্নিং !’

জবাবে একটু হাসল রানা । জানতে চাইল, ‘কদ্দুর এসেছি?’

‘আর বড়জোর আধুনিক্টা,’ বলল অ্যাবি । ‘আশা করি ব্রেকফাস্ট ধরতে পারব ওখানে পৌছে ।’

‘ভাল,’ বলল রানা । কফি দরকার ওর, মাথা টন্টন করছে । ঘুম পুরো হয়নি । কাকটোভিক থেকে টেকঅফ করার পর ও-ই দায়িত্ব নিয়েছিল ফ্লাইঙ্গের... মেয়েটাকে ঘুমাতে দিয়েছে রাত তিনটে পর্যন্ত । অ্যাবি জেগে ওঠার পর চেষ্টা করেছিল নিজে ঘুমাতে, কিন্তু নানান দুশ্চিন্তায় এক হতে চায়নি দু'চোখের পাতা । ঘণ্টাখানেক আগে তন্দ্রায় ঢলে পড়েছিল, কিন্তু সেটা বিশ্রামের জন্য যথেষ্ট নয় ।

সিটে সোজা হয়ে বসে জানালা দিয়ে বাইরে চোখ বোলাল রানা । সকালটা অন্ধৃত সুন্দর । দক্ষিণ-পুবদিক থেকে আসছে

নির্মল হাওয়া, সরিয়ে নিয়ে যাচ্ছে আইস ক্যাপের উপর জমে
থাকা কুয়াশা। নীচে দিগন্তবিস্তৃত শুভ প্রান্তর—কোথাও উঁচু-নিচু,
কোথাও বা মসৃণ। কোথাও ধবধবে সাদা, কোথাও বা নীলচে
রঙের পৌঁচ। সদ্য উদয় হওয়া সূর্যের লালচে আলো আছড়ে
পড়ছে এই বরফের বুকে, প্রতিফলিত হয়ে গোটা আকাশ রাঙ্গিয়ে
তুলছে রঙধনুর সাত রঙে।

‘ঝড় আসছে,’ ভারী কষ্ট শোনা গেল পিছন থেকে। ঘুম থেকে
জেগে উঠেছেন রিচার্ড ম্যানিটক। হাই তুললেন শব্দ করে।

‘কোন্দিক থেকে?’ ঘাড় ফিরিয়ে জিজ্ঞেস করল অ্যাবি।

রিচার্ড জবাব দেবার আগেই গোঙানির মত আওয়াজ করল
ম্যাসন। বৃক্ষ ইনুইটের পাশের সিটে গুটিসুটি হয়ে ঘুমাচ্ছিল,
কথাবার্তা ওনে ঘুম ভেঙে গেছে। বিমানের পিছন দিক থেকে
লোবোও মাথা বের করল। নিচু লয়ে গরগর করে উঠল প্রাণীটা।

সামনের দিকে ঝুঁকলেন রিচার্ড, আঙুল তাক করলেন
উত্তরদিকের আকাশে। ওদিকটায় এখনও আবহা অঙ্ককার, তার
মাঝে সাদাটে কী যেন পাক খাচ্ছে।

‘আইস ফগ,’ বললেন তিনি। ‘সূর্য ওঠা সত্ত্বেও কমছে
তাপমাত্রা। তুষারঝড়ের লক্ষণ।’

‘ঠিকই বলেছেন,’ একমত হলো রানা। ওর চেহারা গম্ভীর
হয়ে গেছে।

ঝড় মানেই বিপদ। মেরু এলাকার আবহাওয়ায় হালকা ঝড়
বলে কিছু নেই। হয় ফকফকে পরিষ্কার থাকবে, নয়তো তুমুল
আক্রেশ নিয়ে শুরু করবে তাওব। এই অক্ষাংশে বাতাসের গতিও
হয় ভয়াবহ। লওভও করে দেয় সবকিছু। তুষারঝড়ের মাঝখানে
দুই ফুটও দৃষ্টি চলে না।

অ্যাবির দিকে ফিরল রানা। ‘ঝড় আসার আগেই পৌছুতে
পারবে ড্রিফট স্টেশনে?’

‘পারা উচিত,’ জানাল মেয়েটা।

‘বুঁকি নিয়ো না। যতটা দ্রুত পারো এগোও।’

মাথা ঝাঁকিয়ে কোলের উপর বিছিয়ে রাখা ম্যাপ স্টাডি করল অ্যাবি। বলল, ‘মি. ম্যাসনের কো-অর্ডিনেটস্ যদি ঠিক ধাকে, তা হলে বিশ মিনিটের মধ্যে পৌছে যাব আমরা।’

‘রেডিওতে যোগাযোগ করবে নাকি?’ রিচার্ড জিজ্ঞেস করলেন। ‘আমরা যে আসছি, সেটা ওদেরকে আগেভাগে জানিয়ে দেয়া ভাল না?’

‘না,’ মাথা নাড়ল রানা। ‘কী চলছে ওখানে, তার কিছুই জানি না। এখনি ওদেরকে সতর্ক করে দেবার কোনও মানে হয় না। তা ছাড়া... রেডিও কমিউনিকেশন এখনও পুরোপুরি চালু হয়নি।’

রাতভর সমস্ত ওপেন চ্যানেলে রেডিও মনিটর করেছে ও। ভাঙা ভাঙা ট্রান্সমিশন যতটুকু রিসিভ করতে পেরেছে, তাতে বোঝা গেছে, প্রচ্ছো বে-র দুর্ঘটনা নিয়ে তোলপাড় শুরু হয়েছে সবখানে। ম্যাসনের ধারণাই ঠিক, নিউজ এজেন্সিগুলো তড়িঘড়ি করে লোক পাঠাতে শুরু করেছে অকুস্তলে।

সিটের উপর সিধে হলো ম্যাসন। বলল, ‘আচমকা ওখানে হাজির হবার ব্যাপারে কী ব্যাখ্যা দেব আমরা? মিস ম্যানিটক অবশ্য ল’অফিসার হিসেবে তদন্তের দোহাই দিতে পারবেন...’

‘উঁহঁ,’ অ্যাবি বলল। ‘ওখানে আমার কোনও একত্তিয়ার নেই। বোলচাল মারতে গেলে বরং ঝামেলা বাধার সম্ভাবনা আছে। তারচেয়ে সব ঘটনা খুলে বলব আমরা, সতর্ক করে দেব ওখানকার লোকজনকে। যারা আমাদের উপর হামলা চালিয়েছিল, মনে হয় না তারা খুব একটা পিছনে আছে।’

শূন্য আকাশে শক্তি ভঙ্গিতে চোখ বোলাল ম্যাসন, যেন তাকালেই দেখতে পাবে ধাওয়াকারীদেরকে। ‘ওখানে আমরা প্রোটেকশন পাব কি না, কে জানে?’

তার দিকে ফিরল রানা। ‘ওমেগা বেইস সম্পর্কে আমাদের চেয়ে বেশি জানেন আপনি। ওখানে কী ধরনের নেভাল কণ্টিনজেন্ট আছে, বলতে পারেন?’

‘আমাকে আসলে তেমন কোনও স্পেসিফিকস্ দেয়া হয়নি,’ অস্বস্তিভরা কঠে বলল ম্যাসন। ‘প্রচড়ো বে-তে নামার পর কণ্ট্যাট্রে কাছ থেকে সব জেনে নেবার কথা ছিল... কিন্তু সে-সুযোগ তো পেলাম না।’

কাঁধ ঝাঁকাল রানা। নাহ, এই লোকের কাছ থেকে কোনও সাহায্যই পাওয়া যাচ্ছে না। নিজেই ভাবতে শুরু করল, একটা রিসার্চ স্টেশনে কী ধরনের প্রতিরক্ষা ব্যবস্থা থাকতে পারে। নেভি যখন নিরাপত্তার দায়িত্ব নিয়েছে, তারমানে অন্তত একটা সাবমেরিন আছে... সেইসঙ্গে বেইসের ভিতরে সিকিউরিটি পার্সোনেল। মিডিয়া রুক্যাকআউট পালন করছে ওরা, কাউকে সহজভাবে অভ্যর্থনা জানাবে বলে মনে হয় না। বাধাও দিতে পারে। অবশ্য ঝড়টা ওঠায় একটা উপকার হবে, দুর্ঘটনার পূর্ণ আবহাওয়ায় চাইলেও ওদেরকে তাড়িয়ে দিতে পারবে না রিসার্চ বেইসের লোকজন, আশ্রয় দিতেই হবে।

‘ঠিক আছে, অ্যাবি যেভাবে বলেছে, সেভাবেই এগোব আমরা,’ জানাল রানা সঙ্গীদেরকে।

পরের কিছুটা সময় নীরবতায় কাটল। জানালা দিয়ে বাইরে তাকিয়ে রইল সবাই। হঠাৎ রিচার্ড বললেন, ‘উত্তরদিকে কী যেন দেখা যাচ্ছে। সম্ভবত লাল রঙের বিল্ডিং।’

‘হ্যাঁ, বিল্ডিং-ই,’ রানা জানাল।

‘ওটাই আমাদের ড্রিফট স্টেশন?’ সাথে জানতে চাইল ম্যাসন।

‘আমি শিয়োর না,’ ম্যাপ মেলাল অ্যাবি। ‘আপনার দেয়া কো-অর্ডিনেটসে পৌছুতে এখনও ছয় মাইল বাকি।’

‘আমার মনে হয় এটাই,’ বলল রানা। ‘ড্রিফট স্টেশন নাম
তো আর এমনি এমনি হয়নি। নিশ্চয়ই দ্বিপটা স্নোতে ভেসে
ছ’মাইল সরে এসেছে।’

‘মনে হয় ঠিকই বলছ।’

টুইন অটারের কোর্স বদলাল অ্যাবি, এগোল বিল্ডিংগুলোর
দিকে। কাছাকাছি যেতেই পরিষ্কার হলো খুঁটিনাটি। বিল্ডিং নয়,
আসলে ওগুলো জেমসওয়ে হাট—অত্যন্ত মজবুত, আর্কিটিক
অধ্যুলের কথা ভেবে তৈরি করা। ব্র্তাকার ফরমেশনে মোট
পনেরোটা হাট দেখা যাচ্ছে, ঠিক মাঝখানটায় উঁচু একটা পোলের
ডগায় উড়ছে আমেরিকার পতাকা।

‘যাক, অন্তত একটা আমেরিকান বেইসে ‘পৌছাচ্ছি,’ স্বত্তির
নিঃশ্বাস ফেলল ম্যাসন।

‘এটা ওমেগা স্টেশন হতে বাধ্য,’ জোর গলায় বলল রানা।

কয়েকটা ভেহিকল পার্ক করে রাখা হয়েছে বেইসের বাইরে।
কাছেই রয়েছে একটা পলিনিয়া, সেখান থেকে একটা ট্র্যাক গেছে
হাটগুলোর দিকে। আরেকটা ট্র্যাক দেখা গেল বরফের
গায়ে—বেইস থেকে বেরিয়ে চলে গেছে দূরের পাহাড়ের উদ্দেশে।
ঠিক কোন্ জায়গায় গেছে এই ট্র্যাক, বোঝা গেল না। তার
আগেই বাঁক নিয়ে বিমানকে নীচের সঙ্গে অ্যালাইন করল অ্যাবি।
বেইসের পাশের সমতল একটা জায়গায় ল্যাণ্ড করতে চলেছে।

টুইন অটারের ইঞ্জিনের আওয়াজ পেয়ে বাইরে বেরিয়ে এল
কিছু মানুষ। সবার গায়ে পারকা, কৌতুহল নিয়ে তাকিয়ে আছে
আকাশের দিকে। পোলার ক্যাপের এই নির্জন এলাকায় বিনা
নোটিশে কারও আগমন খুবই অস্বাভাবিক একটা ঘটনা। নীচের
দিকে চোখ বুলিয়ে একটু স্বত্তি অনুভব করল রানা—লাল, নীল,
সবুজ... হরেক রঙের পারকা দেখা যাচ্ছে। তারমানে এরা সবাই
সিভিলিয়ান—সাধারণ মানুষ। একটা সাদা পারকা নেই ওদের

মাঝে। সাদা হলো আর্কটিক অঞ্চলের ক্যামোফ্লাজের রঙ...
মিলিটারির পোশাক।

ল্যাণ্ডিং গিয়ার ডিপুয় করল অ্যাবি, নামিয়ে দিল ফ্ল্যাপ।
তারপর উচু গলায় নির্দেশ দিল, ‘সবাই সিটবেল্ট বাঁধুন!’

উপর থেকে সমতল দেখালেও আইসফিল্ড আসলে
এবড়ো-খেবড়ো। ক্ষি-তে ভর দিয়ে তার উপর নেমে এল টুইন
অটার, শুরু হলো প্রবল ঝাঁকুনি। পুরো ফিউজেলাজ যেন আর্তনাদ
করে উঠল তাতে। দ্রুত পাওয়ার অফ করল অ্যাবি, এয়ারব্রেক
ব্যবহার করল। গতি কমতে শুরু করল বিমানের। একটু পরে
থেমে গেল পুরোপুরি। স্বত্ত্বির নিঃশ্বাস ফেলল আরোহীরা।

জানালা দিয়ে বাইরে তাকাল রানা। যতদূর দৃষ্টি যায়, শুধু
বরফ আর বরফ। তার মাঝখানে বেমানানভাবে মাথা তুলে
রেখেছে ড্রিফট স্টেশনের কুঁড়েগুলো।

‘ওয়েলকামিং পার্টি আসছে।’ টুইন প্রপেলারের গুঞ্জন থেমে
গেলে বলে উঠল অ্যাবি।

ছ'টা স্নোমোবিল দেখতে পেল রানা, বেইসের দিক থেকে
তুষার উড়িয়ে ছুটে আসছে। আরোহীদের পরনে নীল রঙের
পারকা, বুকের কাছে নেভির ইনসিগনিয়া। নিশ্চয়ই বেইস
সিকিউরিটি। কাছাকাছি এসে থামল তারা। সামনের স্নোমোবিল
থেকে একজন আরোহী নেমে পড়ল। মুখের কাছে একটা বুলহর্ন
তুলে নির্দেশ দিল:

‘বিমান থেকে নেমে আসুন এক্ষুণি। দু'হাত মাথার উপর তুলে
রাখবেন। পালানোর চেষ্টা, অথবা কোনও ধরনের সন্দেহজনক
আচরণ দেখলে শুলি ছুঁড়তে বাধ্য হব আমরা।’

ফোস করে দীর্ঘশ্বাস ফেলল রানা। অভ্যর্থনার প্রকৃতি দেখেই
বোৰা যাচ্ছে, খারাবি আছে কপালে!

আইস স্টেশন গ্রেণেল।

হতভয় হয়ে বায়োলজিস্ট টিমের কাজকর্ম দেখছে শ্যারন।
রাতটা স্টেশনেই কাটিয়েছে ও, কিন্তু কল্পনা করতে পারেনি,
রাতের ভিতর এত কিছু করে ফেলবে এরা। অবশ্য এ-ও
ঠিক-স্নেক পিটের ভিতরে দিন-রাতের পার্থক্য বলে কিছু নেই।
ঘুমানোর বা বিশ্রাম নেবার সময় সম্পর্কে সম্ভবত কোনও ধারণাই
ছিল না ড. কনওয়ে বা তাঁর টিমের। ওদের কাণ-কারখানা বিস্ময়
নিয়ে দেখতে থাকল ও।

‘সাবধান!’ আইস রিস্কের ওপাশ থেকে চেঁচিয়ে উঠলেন
কনওয়ে। এত দূর থেকেও তাঁর ঠোঁট নড়তে দেখল শ্যারন।

প্রৌঢ় বায়োলজিস্টের তত্ত্বাবধানে একটা লাইটপোস্ট খাড়া
করছে দু'জন গ্র্যাজুয়েট স্টুডেন্ট। এই নিয়ে চারটা লাইট স্থাপন
করা হলো ক্লিফ ফেস্টাকে আলোকিত করে তুলবার জন্য।
কাছাকাছি চলছে একটা ডিজেল জেনারেটর, বিদ্যুৎ সরবরাহ
করছে বাতি আর অন্যান্য ইকুইপমেন্টে। আইস রিস্কের উপর
দিয়ে গেছে ওটার আঁকাবাঁকা তারের কুণ্ডলী।

জ্যাট বাঁধা জলাশয়টার উপরিভাগে বিভিন্ন জায়গায় গাঁথা
হয়েছে ছোট ছোট লাল পতাকা। মোটামুটি একই অবস্থা ক্লিফ
ফেসেরও। বেশ কটা স্টিলের যাই ঠেস দিয়ে রাখা হয়েছে ওটার
গায়ে। অসংখ্য পতাকা শোভা পাচ্ছে এখানে-ওখানে। বিভিন্ন
স্পেসিমেনের অবস্থান নির্দেশ করছে ওগুলো। আইস রিস্কের
কয়েক জায়গা আবার হলুদ ফিতে দিয়ে কর্ডন করে রাখা হয়েছে,
বরফে আটকা পড়া গ্রেণেলগুলো রয়েছে ওখানে।

ড. কনওয়ের আবিষ্কারের খবর ছড়িয়ে পড়েছে সবখানে। শুধু
বায়োলজি টিমই নয়, অন্যান্য ডিসিপ্লিনেরও বেশ কিছু কৌতুহলী
সদস্যকে দেখা যাচ্ছে গুহার ভিতর। তাদের মাঝে সুইডিশ
ওশনোগ্রাফার ড. মিকেলসেনকে দেখতে পেল শ্যারন। আইস

রিক্ষের একপাশে হাটু গেড়ে বসে আছেন তিনি, গভীর আগ্রহ
নিয়ে তাকিয়ে আছেন বরফের দিকে। তাঁর দিকে এগিয়ে গেল
ও।

গায়ে ছায়া পড়তেই চোখ তুলে তাকালেন মিকেলসেন।
'সুপ্রভাত, ড. বেকেট,' হাসিমুখে বললেন তিনি। 'আইস
স্টেশনের মাস্কট দেখতে এসেছেন?'

'গতকালই দেখে গেছি,' বলল শ্যারন।

ধীরে ধীরে উঠে দাঁড়ালেন মিকেলসেন। থুতনি চুলকালেন।
'অসাধারণ এক আবিক্ষার... কী বলেন?'

'হ্যাঁ; ঠিক যেন গল্পগাথার খ্রেণেল।'

'অ্যাম্বিউলোসিটাস নেটান্স,' শুধরে দিলেন মিকেলসেন।
'আরেকটু নির্দিষ্ট করে বললে... মানে, আমাদের হাভার্ড এক্সপার্ট
যদি ভুল করে না থাকে আর কী... অ্যাম্বিউলোসিটাস নেটান্স
আর্কটোস।'

মাথা ঝাঁকাল শ্যারন। অলরেডি আর্কটিক সাব-স্পিশিজের
নাম জুড়ে দিয়েছেন ড. কনওয়ে, মানে প্রজাতিটাকে আবিক্ষারের
কৃতিত্ব নিতে দেরি করছেন না তিনি। 'কী মনে হয় আপনার?'
মিকেলসেনকে জিজ্ঞেস করল ও। 'ক্লেইমটা কতখানি অথেন্টিক?'

'থিয়োরিটা ইন্টারেস্টিং—প্রাগৈতিহাসিক প্রাণীর পোলার
অ্যাডাপ্টেশন,' স্বীকার করলেন ওশনোগ্রাফার। 'কিন্তু এই
থিয়োরি প্রমাণ করবার জন্য অনেক কাঠখড় পোড়াতে হবে
কেভিনকে।'

'গবেষণার জন্য স্পেসিমেনের অভাব নেই ওর,' মনে করিয়ে
দিল শ্যারন।

'তা অবশ্য ঠিক। নিখুঁতভাবে জমাট বেঁধেছে প্রতিটা
স্পেসিমেন। একটাকেও যদি ঠিকমত গলাতে পারে...'

কথা শেষ হলো না তাঁর, হৈচে-এর আওয়াজ শুনে মাথা
শুভ পিঞ্জর-১

ঘোরালেন। ড. কনওয়ে উঁচু গলায় কথা বলছেন সুস্থামদেহী একজনের সঙ্গে। ড. জেফরি বেনটন... জিয়োলজি টিমের প্রধান। শ্যারনকে বাদ দিলে ওমেগা স্টেশনের বিজ্ঞানীদের মধ্যে সে-ই সর্বকনিষ্ঠ, টেনেটুনে চল্লিশ হতে পারে বয়স। কিন্তু তাই বলে পনেরো বছরের সিনিয়র কনওয়েকে ছেড়ে কথা বলছে না। মনে হলো যে-কোনও মুহূর্তে হাতাহাতি বেধে যাবে দু'জনের মধ্যে।

‘মর জুলা,’ বিরক্ত গলায় বললেন মিকেলসেন। ‘গত একঘণ্টায় এই নিয়ে তিনবার লাগল ওরা।’

‘দাঢ়ান, দেখি সমস্যাটা কী।’ বলে পা বাঢ়াল শ্যারন।

‘ডিপ্লোম্যাট সাজতে যাচ্ছেন?’ বাঁকা গলায় জিজ্ঞেস করলেন মিকেলসেন।

‘না... যাচ্ছি বেবিসিটার সাজতে,’ মুচকি হেসে জবাব দিল শ্যারন।

লম্বা লম্বা পা ফেলে ঝগড়ারত দুই বিজ্ঞানীর কাছে পৌঁছুল ও। কিন্তু ওকে যেন দেখতেই পেল না তারা।

ড. কনওয়ে বললেন, ‘...যতক্ষণ না সমস্ত স্পেসিমেন সংগ্রহ হচ্ছে, তার আগে এখান থেকে এক পা-ও নড়ছি না আমরা। এখনও তো ছবি তুলতেই শুরু করিনি।’

‘চান তো এখানে ঘর-সংসারও শুরু করতে পারেন, আমার কোনও আপত্তি নেই,’ খোঁচা মারা সুরে বলল বেনটন। ‘কিন্তু এই ক্লিফ ফেস তৈরি হয়েছে ভলক্যানিক ব্যাসল্ট দিয়ে। ড্রিল করে এখান থেকে কয়েকটা স্যাম্পল তুলতেই হবে আমাকে।’

‘কয়েকটা মানে ক'টা?’

‘বিশটার বেশি নয়।’

রাগে মুখ লাল হয়ে গেল কনওয়ের। ‘তোমার কি মাথা খারাপ হয়েছে? অতগুলো ফুটো করলে পুরো ক্লিফ ধসে পড়তে পারে। সমস্ত স্পেসিমেন আর ডেটা হারাব আমরা।’

‘একগাদা মরা প্রাণীর চেয়ে আমার কাজ অনেক বেশি
গুরুত্বপূর্ণ!’ সমান তেজে বলল বেনটন।

‘কী বললে?’ চেঁচিয়ে উঠলেন কনওয়ে।

মারামারি বেধে যাবার উপক্রম। নাক না গলিয়ে উপায় নেই।
কড়া গলায় শ্যারন ধমকে উঠল, ‘থামবেন আপনারা?’

ধমকে গেল দুই বিজ্ঞানী। মাথা ঘুরিয়ে তাকাল ওর দিকে।
দু’জনের মাঝখানে এসে দাঁড়াল শ্যারন। কোমরে হাত দিয়ে
থমথমে গলায় জিজ্ঞেস করল, ‘সমস্যা কোথায়, জানতে পারি?’

‘আপনি আসায় খুব ভাল হলো, ড. বেকেট,’ হড়বড় করে
বলল বেনটন। ‘বায়োলজি টিমকে যথেষ্ট সম্মান দেখিয়েছি
আমরা, কিন্তু ওরা আচরণ করছেন ঠিক একনায়কের মত। এখান
থেকে স্যাম্পল সংগ্রহের অধিকার আমাদেরও আছে। এত বড়
একটা আবিষ্কার...’ ক্লিফ ফেসের দিকে ইশারা করল সে, ‘...সব
উষ্টর কনওয়ের একার সম্পত্তি হতে পারে না।’

‘আবোল-তাবোল বকছে ও,’ ফুঁসে উঠলেন কনওয়ে। ‘মাত্র
এক রাত পেয়েছি আমরা সাইট প্রিপারেশনের জন্য। আমাদের
কালেকশন প্রসিডিওর ওদের বুলডোজিং টেকনিকের চেয়ে অনেক
বেশি ডেলিকেট। কেসটা স্বেফ প্রায়োরিটির। আমার কাজে ওরটা
ক্ষতিগ্রস্ত হবে না, কিন্তু ওর কাজে আমার সমস্ত স্পেসিমেন নষ্ট
হয়ে যেতে পারে।’

‘মিথ্যে কথা!’ চেঁচাল বেনটন। ‘সাবধানে কয়েক জায়গায়
ড্রিল করব আমি; খেয়াল রাখব যাতে ফসিলগুলোর কোনও ক্ষতি
না হয়।’

‘ধূলো... ভাইত্রেশন... এগুলোকে ছোট করে দেখার কোনও
অবকাশ নেই।’ শ্যারনের দিকে তাকালেন কনওয়ে। ‘আপনি কিন্তু
গতকালই আমার প্রস্তাৱ মেনে নিয়েছেন।’

মাথা ঝাঁকাল শ্যারন। ‘জেফরি, ড. কনওয়ে ঠিকই বলছেন।
শুভ পিঞ্জর-১

তা ছাড়া এত তাড়াছড়োরও কিছু দেখছি না। পঞ্চাশ বছর ধরে এখানে আছে ক্লিফট। আর দু'চারদিনে কোথাও পালিয়ে যাবে না। একটু ধৈর্য ধরলন।'

'অন্তত দশ দিন চাই আমার,' বলে উঠলেন কনওয়ে।

'তিনদিন পাচ্ছেন আপনি,' বলল শ্যারন। 'এরপর ড. বেনটন তাঁর স্যাম্পল জোগাড় করবেন। ঠিক আছে? আমি আর কিছু শুনতে চাই না।'

মুখ কালো হয়ে গেল দুই বিজ্ঞানীর। সিন্দ্বান্তটাতে কেউই খুশি হয়নি। কিন্তু পরোয়া করল না শ্যারন। দু'জনই যদি অসম্ভট্ট হয়, একটা ভারসাম্য বজায় থাকে। একজন খুশি, আর অন্যজন খেপলেই মুশকিল। ওদেরকে কিছু বলার সুযোগ না দিয়ে ড. মিকেলসেনের কাছে ফিরে এল ও।

'চমৎকার সামলেছেন,' প্রশংসার সুরে বললেন ওশনোগ্রাফার। 'মনে হচ্ছিল আরেকটু হলেই নিলডাউন করিয়ে বেত মারবেন ওদেরকে।'

'সম্ভব হলে মন্দ হতো না,' শ্যারনও এবার হাসল।

'আসুন,' ইশারা করলেন মিকেলসেন। 'কীসের জন্য কনওয়ে অমন ব্যস্ত হয়ে উঠেছে, তা আপনাকে দেখাই।'

হাত ধরে শ্যারনকে ক্লিফ ফেসের ফাটলের দিকে নিয়ে চললেন তিনি। দ্বিধা ভর করল শ্যারনের ভিতরে। বিচ্ছিরি ওই দৃশ্য আবার দেখতে চায় না। 'ওই জায়গায় আমি গেছি, ড. মিকেলসেন।'

'হ্যাঁ। কিন্তু আমাদের ঝগড়াটে বিজ্ঞানী এরপরে কী করেছে, তা কি দেখেছেন?'

কৌতূহল অনুভব করল শ্যারন এবার। দ্বিধা ঘেড়ে এগোল ফাটলের দিকে। আজ আর থারমাল সুট পরেনি ও; পরেছে স্রেফ জিস, বুট, উলের সোয়েটার আর একটা ধার করা পারকা।

ফাটলের কাছে পৌছুতেই ওপাশ থেকে ভেসে আসা গরম বাতাসের একটা ঝাপটা অনুভব করল।

এখনও ওর হাত ছাড়েননি মিকেলসেন। ফাটলে ঢুকতে ঢুকতে বললেন, ‘ব্যাপারটা খুবই অস্তুত।’

‘কী?’ জিজ্ঞেস করল শ্যারন। পরমুহূর্তে নাকে ঝাপটা মারল হালকা একটা বোটকা গন্ধ... গরম বাতাসের সঙ্গে ভেসে আসছে ওপাশ থেকে। লক্ষ করল, ছপচপ আওয়াজ তুলছে বুট—বরফ গলে পায়ের তলায় বইছে পানির মৃদু ধারা। ছাত থেকেও ঝরছে ফোঁটা ফোঁটা পানি।

কয়েক সেকেণ্ড পরেই ফাটল পেরিয়ে মাঝারি আকারের গুহাটায় বেরিয়ে এল দু'জনে। বাইরের বড় গুহার মত এটাকেও আলোকিত করে তোলা হয়েছে দুটো লাইট পোলের মাধ্যমে। ছোট একটা জেনারেটর গুঞ্জন করছে একপাশে, স্পেস হিটার বসানো হয়েছে দু'দিকের দেয়াল ঘেঁষে। গরম হয়ে আছে ভিতরটা।

গতকাল মাত্র একটা ফ্ল্যাশলাইটের আলোয় কিছুই ঠিকমত দেখা যায়নি, ছায়া আর অঙ্ককার মিলে অশুভ লাগছিল পরিবেশটা। কিন্তু আলোর আতিশয়ে গা ছমছমে ভাবটা আর অনুভব করল না শ্যারন। কৌতুহল নিয়ে ভালমত পর্যবেক্ষণ করল গুহার অভ্যন্তর।

পেটকাটা দানবটা এখনও পড়ে আছে গুহার মাঝখানে। তবে তঙ্গ বাতাসে ওটার উপরে জমে থাকা বরফের স্তর গলে গেছে, চকচক করছে নাড়ি-ভুঁড়ি আর উন্মুক্ত অঙ্গ-প্রত্যঙ্গ, ভেসে বেড়াচ্ছে বিছিরি বোটকা গন্ধ। দেখে মনে হচ্ছে বুঝি গতকাল শুরু হয়েছে কাটাকুটি, ষাট বছরের পুরনো বলে বিশ্বাসই হতে চায় না।

জানোয়ারটার কাছ থেকে সামান্য দূরত্বে চকচক করছে বাকি ছ'টা আইস বুক। তাপের প্রভাব পড়েছে ওগুলোর উপরেও।

গলতে শুরু করেছে বরফের তাল, মেঝেয় গড়াচ্ছে পানি। ঘোলাটে ভাব দূর হয়ে গেছে ওগুলোর শরীর থেকে। স্বচ্ছ কাঁচের মত দেখা যাচ্ছে ভিতরের প্রাণীগুলোকে—কুণ্ডলী পাকিয়ে শুয়ে আছে প্রেঙ্গেল-রা। নিখুঁত একটা বৃত্তের মত ভঙ্গি, শরীর কুঁকড়ে নাক ঠেকিয়ে রেখেছে লেজের সঙ্গে।

‘প্রাণীগুলোর শোয়ার ভঙ্গিতে কোনও বিশেষত্ব দেখতে পাচ্ছেন?’ জিজ্ঞেস করল মিকেলসেন।

‘একই ভঙ্গিতে রয়েছে সবাই,’ শ্যারন বলল, ‘এ-ছাড়া তো...’

কাঁধ বাঁকালেন মিকেলসেন। ‘হয়তো আমার নরডিক হেরিটেজের কারণে ভাবছি এমনটা... কিন্তু ভাইকিংদের খোদাই করা ড্রাগনের ছবির কথা মনে পড়ে যাচ্ছে আমার। ঠিক এভাবেই ঘুমাত দানবগুলো—শরীর কুঁকড়ে নাক ঠেকিয়ে রাখত লেজের সঙ্গে। জীবনের অনন্ত চক্রের প্রতীক ছিল ওই ভঙ্গিটা।’

বৃন্দ ওশনেগ্রাফারের চিন্তাধারা আঁচ করতে পারছে শ্যারন। জিজ্ঞেস করল, ‘আপনি কি বলতে চাইছেন, ভাইকিংরা আমাদের আগেই এই জমাট বাঁধা দানবগুলোর খোঁজ পেয়েছিল?’

‘অস্বাভাবিক নয়। ওরাই প্রথম পোলার এক্সপ্লোরার ছিল। নর্থ আটলান্টিক পাড়ি দিয়ে আইসল্যান্ড আর গ্রিনল্যান্ডে সবার আগে পা রেখেছিল ভাইকিংরা। কে বলতে পারে, অ্যামিউলোসিটাসের দু'চারটে স্পেসিমেন ওদিকেও ছড়িয়ে-ছিটিয়ে নেই?’

‘হ্যাঁ। যুক্তি আছে আপনার কথায়।’

‘যুক্তি-টুক্তি না, স্বেফ অলস ভাবনার কথা শোনালাম আপনাকে।’ গলতে থাকা আইস রুকগুলোর উপর আটকে গেল মিকেলসেনের দৃষ্টি। ‘তবে এর কারণে পুরনো একটা অভিশাপের কথা ও মনে পড়ে গেছে—এখানে পাওয়া লাশগুলোর কথা ভাবলে ওটাকে একেবারে উড়িয়ে দেয়া যায় না।’

একটু আড়ষ্ট হয়ে গেল শ্যারন। চার নম্বর লেভেলের রহস্য

জানা নেই বৃক্ষ ওশনোগ্রাফ'র... তা হলে কী বোঝাতে চাইছেন উনি?

গলা খাঁকারি দিয়ে নিজের বক্তব্য ব্যাখ্যা করলেন মিকেলসেন, 'রাশান বিজ্ঞানী আর স্টাফদের কথা বলছি। ট্র্যাজেডি একটা! ষাট বছর আগে কী ঘটেছিল, তা জানতে ইচ্ছে করে। স্টেশনটার এমন পরিণতি হলো কেন?'

দীর্ঘশ্বাস ফেলল শ্যারন। সমাধিতুল্য এই আইস স্টেশনে প্রথমবার পা রাখার অভিজ্ঞতা মনে পড়ে গেছে। যেদিকে তাকায় শুধু লাশ আর লাশ। কঙ্কালসার... যেন খেতে না পেয়ে মারা গেছে। কিছু কিছু লাশের মধ্যে ছিল আত্মহত্যার স্পষ্ট আলামত। তারচেয়েও ভয়াবহ পরিণতি বরণ করেছে, এমন লাশও কম ছিল না। হাবভাবে মনে হয়েছে, যেন আচমকা উন্মাদ হয়ে গিয়েছিল সবাই। কেন? জটিল এক রহস্য।

'চলিশের দশকে হারিয়ে গিয়েছিল এই বেইস,' মিকেলসেনকে নিজের থিয়োরি শোনাল শ্যারন, 'সে-আমলে স্যাটেলাইট কমিউনিকেশন ছিল না, উভর মেরুতে সাবমেরিন পৌছায়নি... এমনকী আর্কটিক সাগরের স্রোতের গতি-প্রকৃতিও ছিল অজানা। গ্রীষ্মকালের একটা ঝড়েই মূল পজিশন থেকে অনেক দূরে সরে যেতে পারত এই দ্বীপ, খুঁজে পাওয়ার কোনও উপায় ছিল না। তার সঙ্গে যদি কমিউনিকেশন ব্রেকডাউন যোগ করেন... অথবা ধরে নেন ওদের রিসাপ্লাই শিপ পৌছুতে পারেনি, তা হলে পরিস্থিতি কী দাঁড়াতে পারে, তা সহজেই অনুমেয়। সেই যুগে মঙ্গলগ্রহ আর উভর মেরুর মধ্যে খুব একটা পার্থক্য ছিল না—দুটোই ছিল ধরাঢ়োয়ার বাইরে।'

'তারপরেও... বিশ্রী একটা ট্র্যাজেডি। কীভাবে ঘটল, জানা গেলে ভাল হতো।'

'খুব শীঘ্রি রাশান ডেলিগেশন আসছে। ওরা হয়তো কিছু শুভ পিঞ্জর-১

জানে। অবশ্য... বলবে কি না সেটাই প্রশ্ন।' সন্দেহটা যুক্তিসংগত। চার নম্বর লেভেলে ওরা যা পেয়েছে, তার কোনও গ্রহণযোগ্য ব্যাখ্যা থাকতে পারে না। রাশানরা যে মুখে তালা আঁটবে, সে-ব্যাপারে ও মোটামুটি নিশ্চিত।

একদৃষ্টে বরফে আটকা পড়া গ্রেপ্তেলগুলোর দিকে তাকিয়ে আছেন মিকেলসেন, থমথম করছে চেহারা। তাঁর দৃষ্টি আকর্ষণ করে শ্যারন বলল, 'কী যেন অভিশাপের কথা বললেন... কী ওটা?'

ধীরে ধীরে ওর দিকে ফিরলেন বৃক্ষ ওশনোগ্রাফার। 'কুণ্ডলী পাকানো ড্রাগনের সম্পর্কে বলেছি আপনাকে—জীবনের অনন্ত চক্রের প্রতীক ওটা। কিন্তু আরেকটা অঙ্গ অর্থ আছে এই প্রতীকের। এই বেইসে যা ঘটে গেছে, সেটা মাথায় রাখলে বলতে হয়...'

'কী সেই অর্থ?' বাধা দিয়ে জানতে চাইল শ্যারন।

আইস ব্লকগুলোর দিকে আবার তাকালেন মিকেলসেন। ফিসফিস করে বললেন, 'নর্স ভাষায় একে বলে র্যাগনারক... মানে, পৃথিবীর ধ্বংস!'

আঠারো

অত্যন্ত স্বাস্থ্যসচেতন মেয়ে মেগান গুড। জিয়োলজি টিমের জুনিয়র রিসার্চ অ্যাসিস্টেন্ট সে. ডি. জেফরি বেনটনের অধীনে

কাজ করে। পরের শিফটের ডিউটি শুরু হতে এখনও দু'ঘণ্টা বাকি, সময়টুকু ক্ষেত্রিং করে কাটাবে বলে ঠিক করেছে। চলে এসেছে স্লেক পিটের নির্জন একটা অংশে, বরফের মেঝে ক্ষেত্রিগ্রে জন্য আদর্শ। ক্ষেত্রের ফিতে বাঁধতে বাঁধতে গতরাতের কথা মনে পড়ে যাওয়ায় ঠোঁটের কোণে মৃদু হাসি ফুটল। ড. বেন্টনের সঙ্গে পুরো রাত কাটিয়েছে আইস স্টেশনের একটা কামরায়, পেশাগত গান্ধি পেরিয়ে সম্পর্কটা ব্যক্তিগত পর্যায়ে নিয়ে গেছে ওরা। বেশ কিছুদিন থেকেই আভাসে-ইঙ্গিতে ভালবাসার কথা বলছিল বেন্টন, গতকাল সেটা মুখে উচ্চারণ করেছে। দু'জনেই কাজ-পাগল মানুষ, কোনোদিন প্রেম-ভালবাসার দিকে মনোযোগ দেয়নি... সময়ই পায়নি। কিন্তু সুমেরুর নির্জন পরিবেশে কাজও একঘেয়ে হয়ে উঠেছে, দুজনেই অনুভব করেছে সঙ্গীর অভাব। কখন যেন নিজের অজান্তে ঘনিষ্ঠ হয়ে উঠেছে ওরা।

ক্ষেত্রস পরা হয়ে গেছে, সোজা হয়ে দাঁড়াল মেগান, তাকাল সামনের দীর্ঘ টানেলের দিকে। একটু বাঁক নিয়ে এগিয়েছে ওটা। হালকা স্ট্রেচিং করে নিল মেগান, দূর করে নিল হাত-পায়ের আড়ষ্টতা। অ্যাথলিটের দেহ ওর। পা-দুটো লম্বা, ছিপছিপে... মিশেছে টান্টান নিতম্বে গিয়ে। বছরদশেক আগে ইউ.এস. অলিম্পিক টিমের স্পিড ক্ষেত্রার ছিল ও, কিন্তু দুর্ঘটনায় পায়ের একটা লিগামেন্ট ছিঁড়ে যাওয়ায় অকালসমাপ্তি ঘটেছে সেই ক্যারিয়ারের। হতাশা চাপা দিয়ে লেখাপড়ায় ফিরে গিয়েছিল, আগুর-গ্র্যাজুয়েশন শেষ করে গ্র্যাজুয়েশনের জন্য যোগ দিয়েছিল স্ট্যানফোর্ড ইউনিভার্সিটিতে। ওখানেই পরিচয় ড. জেফরি বেন্টনের সঙ্গে।

শট-ট্র্যাকের ক্ষেত্রস নিয়ে ছোট ছোট কয়েকটা কদম ফেলল মেগান। জুতোজোড়া তৈরি হয়েছে গ্র্যাফাইট আর কেভলারের শুভ পিণ্ডের-১

সংমিশ্রণে, ঠিক ওর পায়ের মাপে। পরার পরে ওগুলো ওর শরীরেরই একটা অংশে পরিণত হয়। ইনসুলেটেড একটা স্কিল সুটও পরেছে ও—লাল, সাদা আর নীল রঙের স্ট্রাইপ দেয়া; তলায় রয়েছে থারমাল আগুরঅয়ার। মাথায় হেলমেট—না, রেসিং হেলমেট নয়, ওই জিনিস সঙে আনেনি; তাই জিয়োলজিস্টদের একটা মাইনিং হেলমেট দিয়ে কাজ চালাচ্ছে। বিমের উপর ছোট একটা বাতি লাগানো আছে ওটায়।

টানেলের দিকে তাকিয়ে উত্তেজনা অনুভব করল মেগান। পোলার আইস ক্যাপের সারফেসে বহুবার ক্ষেত্ৰে ক্ষেত্ৰে ও, কিন্তু টানেলের ভিতরে এই প্রথম। কাজটা যথেষ্ট চ্যালেঞ্জিংও বটে। তবে ওর মত অভিজ্ঞ স্কেটারের কোনও অসুবিধে হবার কথা নয়। বৰং আঁকাবাঁকা পথে জ্যা-মুক্ত তীরের মত ছুটতে মজাই লাগবে।

বড় করে কয়েকবার দম নিল মেগান, তারপর শুরু করল দৌড়। দশ গজ যেতেই একটু ঢালু হয়ে গেল মেঝে, দৌড় থামিয়ে স্কেটের উপর চাপিয়ে দিল শরীরের ওজন, পিছলে এগোচ্ছে এখন। নিরুদ্ধিগ্র রইল ও, কোর্স আগেই ঠিক করা আছে, স্লেক পিটের এই অংশে কয়েক দফা জগিং করেছে ও, দেখে নিয়েছে সমস্ত অলি-গলি আর বাঁক। নিশ্চিত হয়েছে—পথে কোনও অ্যাচিত বাধা নেই, ক্ষেত্ৰে এই অংশ একেবারে অবহেলিত—রক ফরমেশন নেই... নেই কোনও বায়োলজিক্যাল স্পেসিমেন। জিয়োলজি বা বায়োলজি... কোনও টিমই আগ্রহী নয় এই সেকশনটা নিয়ে। অন্যান্য ডিপার্টমেন্টের লোকজন তো স্লেক পিটেরই ছায়া মাড়ায় না। আশা করছে আধুনিক ঘণ্টেই চক্রকার একটা পথ পেরিয়ে স্টার্টিং পয়েন্টে ফিরতে পারবে।

অন্যায়ে প্রথম বাঁক পেরুল মেগান, গতি কমাল না। কানের কাছে শৌ শৌ করে উঠল বাতাস। হাঁটু ভাঁজ করে একটু কুঁজো

হয়ে গেল ও। সামনে ইংরেজি এস হৱফের মত এঁকেবেঁকে গেছে টানেল, অত্যন্ত বিপজ্জনক। ব্যালান্স ঠিক করল ও, বাম হাত ভাঁজ করে নিয়ে গেল দেহের পিছনে। ডান হাত নেড়ে বজায় রাখল ছন্দ। আঁকাবাঁকা অংশটায় চুকে পড়ল তীব্র গতিতে।

দর্শনীয় ভঙ্গিতে এগোল মেগান। ঝড়ের বেগে একেকটা বাঁকের উল্টোপাশের দেয়ালের এক-ত্তীয়াংশ পর্যন্ত উঠে গেল, নেমে এল কোনা ঘুরে। একটুও হেরফের করল না গতির। মাত্র কয়েক সেকেণ্ড লাগল ওর জায়গাটা পার হতে। পরের অংশটা বেশ জটিল, থামতে বাধ্য হলো। সামনে অসংখ্য গুহামুখ, গোলকধাঁধার মত সুড়ঙ্গের জাল বিছিয়ে আছে ওপাশে। তবে চিন্তার কিছু নেই, জগিঙ্গের সময় স্প্রে-পেইণ্টের সাহায্যে সঠিক টানেলটা দাগ দিয়ে রেখেছে ও।

হেলমেটের ল্যাম্প ঘোরাল মেগান, খুঁজে বের করল কমলা রঙের তীরচিহ্ন। ভেজা বরফের গায়ে চকচক করছে ওগুলো। সন্তুষ্ট হয়ে সঠিক প্যাসেজে চুকে পড়ল, পা ছুঁড়ে বাড়িয়ে নিল গতি। পেরিয়ে যাচ্ছে একের পর এক অঙ্কগলি আর শাখা-টানেলের মুখ। এমনই একটা চিহ্নহীন টানেলের মুখ পেরানোর সময় চোখের কোণে ধরা পড়ল নড়াচড়া। ছায়ার মাঝে নড়ে উঠল কী যেন। বড় জোরে ছুটছে, ঠিকমত ঠাহর করতে পারল না কী ওটা। যখন ঘাড় ফেরাল, তখন বেশ কয়েক গজ এগিয়ে গেছে, হেল্যাম্পের আলো জায়গামত পৌছুল না।

দ্রুত সোজা হস্তো মেগান। এই গতিবেগে ছোটার সময় সামনের দিকে মনোযোগ রাখতে হবে, নইলে দুর্ঘটনা ঘটে যেতে পারে। তারপরেও নার্ভাসনেস কাটল না—চমকে গেছে ছায়াকে নড়তে দেখে, শিরদাঁড়ায় কেউ যেন ঢেলে দিয়েছে শীতল জল। যে ফুরফুরে মেজাজ নিয়ে ক্ষেত্ৰে শুরু করেছিল, তা বদলে গেছে বেমালুম। সেখানে ভর করেছে নিখাদ ভয় আর উদ্বেগ।

চেষ্টা করল ভয়টা দূর করতে। ‘সব চোখের ভুল!’ জোরে জোরে উচ্ছারণ করল মেগান। টানেলের দেয়ালে প্রতিধ্বনি তুলল সে-আওয়াজ। পরিবেশটা আরও ভুতুড়ে মনে হলো তাতে। আচমকা টের পেল, স্লেক পিটের এই নির্জন টানেলে ও একেবারে একা। প্রয়োজন হলেও সাহায্য করবার মত কেউ নেই!

পিছন থেকে খসখসে একটা শব্দ শুনে সচকিত হলো মেগান। আলগা কোনও বরফখণ্ড যেন আছড়ে পড়ল মেঝেতে। শুরু হলো বুকের ধড়ফড়ানি। ঝুঁকি নিয়ে আবারও মাথা ঘোরাল ও। হেডল্যাম্পের আলোয় শূন্য টানেল ছাড়া আর কিছু দৃষ্টিগোচর হলো না।

সামনে তাকাল আবার মেগান। আরেকটু হলেই একটা কমলা রঙের মার্কার মিস হয়ে যাচ্ছিল। প্রায় থেমে গিয়ে দিক বদলাতে হলো ওকে। ঢুকে গেল সঠিক টানেলে। কয়েক সেকেণ্ড পরেই টের পেল, পা কাঁপছে। তীব্র আতঙ্কের মুখে বিদ্রোহ করতে চাইছে শরীরের পেশি। আনমনে মাথা নাড়ল ও। ভুল হয়ে গেছে... আরেকটা টানেল ছিল পিছনে—ওটা একটা শর্টকাট, পাঁচ মিনিটেই ফিরে যেতে পারত স্টার্টিং পয়েন্টে। কিন্তু এই টানেলটা মাইলখানেক লম্বা, সিঙ্গেল লুপের আকৃতিতে এগিয়ে গেছে, স্কেটিংরে জন্য আদর্শ। সেজন্যেই মার্কিং করে রেখেছিল এটায়। তবে এখন আর স্কেটিংরে মেজাজে নেই মেগান। তাড়াতাড়ি এই ভুতুড়ে এলাকা ছেড়ে পারলে বাঁচে।

গতি বাড়িয়ে দিল ও। চাইল নড়তে থাকা ছায়ার সঙ্গে দূরত্ব বাড়িয়ে নিতে। কয়েক মিনিট পেরিয়ে গেল ঘটনাবিহীনভাবে। স্নায় একটু শান্ত হয়ে এল। বোকামি করেছি... ভয় পেয়েছি অথবা—নিজেকে সান্ত্বনা দিল ও। নড়ছে না ছায়া, অন্তর কোনও শব্দও নেই। বরফের গায়ে শুধু আঁচড় কাটার আওয়াজ তুলছে ওর স্কেটসের ব্লেড।

লুপের শেষ প্রান্তে পৌছে গেল মেগান একটু পরে। এদিকটাও ঢালু, তবে নিচু নয়, উঠে গেছে উপর দিকে। ঢাল ধরে উপরে ওঠার জন্য খাটতে হলো ওকে। পা নড়াতে হচ্ছে ঘন ঘন, তবে গতি কমাল না। কাজটায় ছন্দ ঝুঁজে পেল ও কয়েক সেকেণ্ডের মধ্যে, বুক থেকে নেমে গেল যেন ভারী পাথর। এই তো, আর একটু পরেই পৌছে যাবে স্টার্টিং পয়েন্টে, সেখান থেকে পরিচিত মানুষজনের মাঝে... বেন্টনের কাছে।

হাসি পেল মেগানের। কী যে হয়েছে ওর! খামোকাই অস্ত্রির হয়ে পড়েছিল। ভাগিয়ে আর কেউ ছিল না আশপাশে, নইলে খেপিয়ে জান খারাপ করে দিত...

আচমকা চিন্তার সুতো ছিঁড়ে গেল ওর। ধক করে উঠল বুক। আবারও শোনা যাচ্ছে খসখসে আওয়াজ! বরফের সঙ্গে যেন ঘষা যাচ্ছে বরফ! সবচেয়ে বড় কথা, শব্দটা এবার আসছে সামনে থেকে!

থেমে গেল মেগান। ঢেক গিলল কয়েকবার। তাকাল সামনের গুহামুখের দিকে। একটা ছায়া যেন সরে গেল ওটার সামনে দিয়ে। চোখ পিটাপিট করল ও। হেডল্যাম্পের আলো অতদূর পৌছাচ্ছে না, বোৰা যাচ্ছে না জিনিসটা কী। ইতস্তত করল মেগান, সামনে এগোবার সাহস পাচ্ছে না। কিন্তু টানেলের মাঝখানে মৃতির মত দাঁড়িয়ে থাকারও কোনও মানে হয় না। সাহস সঞ্চয় করে ধীরে ধীরে এগোতে শুরু করল ও।

‘হ্যালো?’ কাঁপা গলায় ডাকল মেগান। হতে পারে সহকর্মীদের কেউই আছে সামনে... ঘুরতে এসেছে স্নেক পিটের এই অংশে।

কোনও জবাব পাওয়া গেল না। তার বদলে থেমে গেল খসখস আওয়াজ। থামল ছায়ার নড়াচড়াও। সব এখন আগের মত স্থির।

‘হ্যালো?’ আবার ডাকল মেগান। ‘কে ওখানে?’

নিরুত্তর। সন্তর্পণে এগিয়ে চলল ও। হেডল্যাম্পের আলোয় আঁতিপাঁতি করে দেখছে টানেলের প্রতিটা ইঞ্জি। কোথাও কিছু নেই। তারপরেও ভয় ভয় ভাবটা কমল না একবিন্দু। গলার কাছে ঘুঁট পাকিয়ে উঠেছে কী যেন, শ্বাস নিতে কষ্ট হচ্ছে মেগানের।

ধীরে ধীরে লুপ আকৃতির টানেল থেকে বেরিয়ে এল ও। সামনে আবার সেই গোলকধাঁধার জাল। বুকের ধূকপুকানি বেড়েই চলেছে। কোনোমতে জায়গাটা পার হতে পারলে হয়... মনে মনে প্রতিজ্ঞা করল, আর কোনোদিন পা রাখবে না এদিককার টানেলে। ড. বেনটনের চেহারা ভেসে উঠল মানসপটে। শক্তিশালী মানুষ... সাহসী মানুষ। তার চওড়া বুকে ফিরে যেতে অস্থির হয়ে উঠেছে হন্দয়।

কমলা রঞ্জের চিহ্ন অনুসরণ করে গোলকধাঁধায় চুকে পড়ল মেগান। না, কিছুই নেই ওখানে। একটু সাহস পেল, গতি বাড়িয়ে এগোতে থাকল সামনে। দৃষ্টি সেঁটে রেখেছে সামনে, একটা চিহ্নও যেন মিস না করে। পর পর কয়েকটা বাঁক পেরুল ও। তারপর... হ্যাঁ... হেডল্যাম্পের আলোয় চকচক করে উঠল লাল দুটো চোখ!

এক কষার ভঙিতে থমকে দাঁড়াল মেগান। টের পেল, রক্ত চলাচল বেড়ে গেছে শিরা-উপশিরায়। এমন চোখ আগে কোনোদিন দেখেনি। বিশাল, প্রাণহীন, অনুভূতিহীন। চোখের মালিককে দেখতে পাচ্ছে না, এখনও সে লুকিয়ে আছে ছায়ার গভীরে। হেডল্যাম্পের আলোয় চকচক করছে শুধু মণিদুটো।

‘তীব্র আতঙ্ক অনুভব করল মেগান, পায়ে কোনও জোর পাচ্ছে না। টলমল ভঙিতে দু’পা পিছাল, তারপর খেমে পেল আবার। কি করবে স্থির করতে পারছে না। উল্টো ঘুরে ছুট লাগাতে ইচ্ছে করছে, কিন্তু আতঙ্কে অবশ হয়ে গেছে পেশি, মন্ত্রিক্ষের নির্দেশ

শুনছে না।

দীর্ঘ কয়েক মুহূর্ত ছির হয়ে রইল লাল চোখজোড়া, তারপর মিলিয়ে গেল অঙ্ককারে। এতক্ষণে সচল হলো মেগান, ঝটি করে উল্টো ঘুরল, ছুট লাগাল উর্ধবশাসে। কোন্দিকে যাচ্ছে কিছুই জানে না, শুধু জানে—পালাতে হবে এখান থেকে। পাগলের ঘত ছুঁড়ছে হাত-পা, যেন ভাঙতে চাইছে ক্ষেত্রে নিজের বেকড়। কোনও গুহামুখ দেখলেই চুকে পড়ছে তাতে। বলা বাহ্য, খুব শীত্রি পথ হারাল ও। গোলকধারার গভীরে এমন জায়গায় চলে গেল, যেখানে আগে কোনোদিন যায়নি।

সংকীর্ণ একটা প্যাসেজে পৌছুল মেগান কয়েক মিনিট পর। অচেনা। দেয়াল আর ছাত থেকে বেরিয়ে আছে অসংখ্য বরফ গজাল। তাড়াছড়ো করতে গিয়ে খোঁচা লাগল হাতে-পায়ে। ক্ষিনসূট ছিঁড়ে গিয়ে বেরিয়ে এল তাজা রক্ত। ফুঁপিয়ে উঠল মেগান, কিন্তু থামল না। ব্যথা-বেদনা অথাহ করে এগিয়ে চলল সামনে। একটু পরে চওড়া হয়ে এল প্যাসেজটা, সহজ হলো হাত-পা নড়ানো।

দম নেবার জন্য একটু থামল মেগান। ফোঁপাচ্ছে, দু'চোখ থেকে ঝরছে অশ্রু, জমাট বেঁধে যাচ্ছে গালের উপর। নিচু লয়ের একটা গরগর ভেসে এল পিছন দিক থেকে, ভীষণভাবে কেঁপে উঠল ও। ভয়ার্ট ভঙ্গিতে মাথা ঘোরাল ফেলে আসা পথের দিকে।

আবারও দেখা যাচ্ছে টকটকে লাল চোখ! তবে এবার শুধু চোখ নয়, আবছাভাবে দৃষ্টিগোচর হচ্ছে বিশাল একটা আকৃতি, গোলগাল মাথা আর সাদাটে গায়ের রঙ। প্যাসেজ ধরে ধীরে ধীরে এগিয়ে আসছে প্রাণীটা।

ভালুক না তো! ভাবল মেগান। ডিপআই সোনারে একটা আবছা আকৃতি দেখা গিয়েছিল বলে শুনেছে, এটাই কি সেটা?

কৌতুহল নিবৃত্ত করার কোনও ইচ্ছে নেই ওর মধ্যে। অস্ফুট
শুভ্র পিঞ্জর-১

একটা আর্তনাদ করে সামনে ফিরল, ছুট লাগাল প্রাণপণে। একটা বাঁক পড়ল, সেটা পেরিয়ে গেল প্রবল গতিতে। তারপরেই ঘটল অঘটন।

বাঁকের পরেই মুখ ব্যাদান করে রেখেছে অঙ্ককার এক ফাটল। জিয়োলজির ছাত্রী হিসেবে এ-ধরনের ফাটলের নাম জানে মেগান—আইস শিয়ার। প্রাকৃতিক চাপের মুখে স্ফটিকের মত ফেটে যায় বরফ, তাতেই সৃষ্টি হয় এসব ফাটলের। শেষ মুহূর্তে ওটা চোখে পড়ল ওর, হাত-পা ছুঁড়ে থামতে চাইল, কিন্তু লাভ হলো না। গতির কাছে পরাস্ত হলো সমস্ত প্রচেষ্টা, ফাটলের কিনারা পেরিয়ে শূন্যে পাখা মেলল মেগান। তারপরেই পড়তে শুরু করল নীচের দিকে। গলা চিরে বেরিয়ে এল আর্তনাদ।

ফাটলটা বেশি গভীর নয়, পনেরো থেকে বিশ ফুটের মত হবে, ওটার তলায় পা দিয়ে পড়ল ও। সঙ্গে সঙ্গে পিছলে গেল স্কেটসের তলার ব্লেড, ফল হলো মারাত্মক। কেভলারের আবরণ কাজে এল না, মড়াৎ করে ভেঙে গেল একটা গোড়ালি। অন্য পায়ের হাঁটু বাড়ি খেলো গর্তের তলায়, প্রচণ্ড বাঁকি খেলো পুরো দেহ। ব্যথায় চেঁচিয়ে উঠল মেগান। শরীর কুঁকড়ে ফেলল নিজের অজান্তে। পড়ে রইল আচ্ছন্নের মত।

কয়েক মিনিট পর সচেতন হয়ে উঠল। ব্যথার কথা ভুলে গেছে, মনে পড়ে গেছে বিপদের কথা। মাথা তুলে উপরদিকে তাকাল। বিকনের মত জুলজুল করে উঠল ওর হেডল্যাম্প। সেই আলোয় পরিষ্কার দেখা গেল অচেনা এক দানবের চেহারা।

ফাটলের কিনারায় দ্বিধাস্ত ভঙ্গিতে দাঁড়িয়ে আছে ওটা। মাথা বাড়িয়ে দেখার চেষ্টা করছে মেগানকে। চোখদুটো লাল... আগের মতই প্রাণহীন। বরফের গায়ে থাবা বসাল প্রাণীটা, শরীরের একাংশ ঢোকাল ফাটলের ভিতরে। ঘন ঘন শ্বাস ফেলছে, নাকের ফুটে দিয়ে বেরিয়ে আসছে বাঞ্চের মেঘ। গরগর করে উঠল

হঠাৎ।

স্থবির হয়ে গেছে মেগান। এতক্ষণে পরিষ্কার দেখতে পাচ্ছে দানবটাকে। ভালুক নয়, সম্পূর্ণ অন্য প্রজাতির কিছু। অন্তত আধ টন হবে ওজন, তেলতেলে মসৃণ ত্বক, পুরো দেহ ধৰ্ববে সাদা। মাথা গোল, কান নেই, ঘাড়ও নেই। মাথা সরাসরি মিশেছে ধড়ের সঙ্গে। ডলফিনের মত লম্বা একটা মুখ। নাকের ফুটোদুটো বেশ উঁচুতে—দুই চোখের মাঝামাঝি। সব মিলিয়ে ভয় জাগানো এক চেহারা।

জীববিজ্ঞানী নয় মেগান, তারপরেও বুঝতে পারছে, এই প্রাণী আধুনিক পৃথিবীর হতে পারে না। কোনোদিন কোনও রেফারেন্স বইয়ে পড়েনি এমন কোনও প্রাণীর কথা। শোনেওনি। প্রাচীতিহাসিক হবার সম্ভাবনা ষোল আনা। কিন্তু এখানে এল কোথেকে? ভুল দেখছে না তো?

একটু হাঁ করল দানব, হেডল্যাম্পের আলোয় চকচক করে উঠল দুই চোয়ালের মাঝে বসানো ধারালো দাঁতের সারি। সঙ্গে সঙ্গে টের পেল মেগান, চোখের ভুল নয়, যা দেখছে তা ভয়াবহ বাস্তব। একই সঙ্গে অনুমান করতে পারল ভবিতব্য। দানবটা শিকারি, আর ও তার শিকার! উপলব্ধি মনে আসার সঙ্গে সঙ্গে হিস্টরিয়াগ্রন্তের মত চিঢ়কার শুরু করল ও।

বিন্দুমাত্র ভাবান্তর হলো না দানবটার মধ্যে। বরফের গায়ে বসে গেল দুই থাবার ধারালো নখর, ফাটলের গা বেয়ে আস্তে আস্তে নামতে শুরু করল ওটা।

উনিশ

ওমেগা ড্রিফট স্টেশন।

অস্ত্রের ব্যারেল দেখতে দেখতে বিরক্ত হয়ে উঠেছে রানা। ঘণ্টাখানেক হলো ড্রিফট স্টেশনের মেস হলে নিয়ে আসা হয়েছে ওদেরকে, বসিয়ে রাখা হয়েছে একটা টেবিলে। তখন থেকে অস্ত্র হাতে পাহারা দিচ্ছে দুজন প্রহরী, নড়তে-চড়তে দিচ্ছে না। কপালে ব্রেকফাস্টও জোটেনি। দেয়া হয়েছে স্রেফ আলকাতরার মত কফি, সেটাই খেতে হয়েছে।

রানার পাশে বসে আছে ম্যাসন—মাথা নিচু, দু'হাতে ধরে রেখেছে কফির মগ, যেন সিন্ধান্ত নিতে পারছে না ওটায় চুমুক দেয়া উচিত হবে কি হবে না। উল্টোপাশে বসেছে অ্যাবি আর রিচার্ড। শুরুতে খুব বিরক্ত দেখাচ্ছিল মেয়েটাকে, শেরিফের ব্যাজ দেখিয়ে কাজ হয়নি, সিকিউরিটি টিম ওদেরকে অস্ত্রের মুখে বন্দি করেছে। এখন অবশ্য অনেকটাই শান্ত তার চেহারা। বোধহয় বুরাতে পেয়েছে, মাথা গরম করে লাভ নেই। তারচেয়ে পরিস্থিতির সঙ্গে তাল মেলানোই ভাল।

রানার সন্দেহ সত্তি বলে প্রমাণিত হয়েছে—প্রচড়ো বে-র ঘটনার পরে সর্বোচ্চ সতর্কতা পালন করছে এখানকার লোকজন, কোনও ঝুঁকি নিচ্ছে না। এ-ধরনের পরিস্থিতি আগেও মোকাবেলা করেছে ও, জানে—পুরোপুরি নিশ্চিত না হয়ে ওদেরকে ছাড়বে না এরা।

দুই প্রহরীর দিকে তাকাল রানা। ইউনিফর্ম থেকে বোঝা যাচ্ছে, একজন পেটি অফিসার, অন্যজন সিয়ান। দু'জনের হাতেই রাইফেল। এ-ছাড়া কোমরের হোলস্টারে শোভা পাচ্ছে পিস্টল। অ্যাবির সাইড আর্মস কেড়ে নেয়া হয়েছে। বাজেয়াপ্ত করা হয়েছে বিমানের পিছনের কেবিনে রাখা সার্ভিস শটগানটাও।

‘এত সময় লাগছে কেন ওদের?’ হঠাতে বলে উঠল অ্যাবি।
কঢ়ে অস্থিরতা।

‘কমিউনিকেশনের অবস্থা খুব খারাপ,’ শান্ত স্বরে বলল রানা।
বিশ মিনিট হলো সিকিউরিটি টিমের লিডার ওদের আই.ডি.
ভেরিফাই করতে গেছে। মেইনল্যাণ্ডে কথা বলতে হবে তাকে,
সোলার স্টর্মের ইণ্টারফ্যারেন্সের কারণে সেটা সহজ হবার কথা
না।

‘এখানকার দায়িত্বে কে আছে বলে মনে হয় তোমার?’ নতুন
প্রশ্ন ছুঁড়ল অ্যাবি।

প্রশ্নের অন্তর্নিহিত অর্থ বুঝতে অসুবিধে হলো না রানার।
সিকিউরিটি টিমের ছ'জন সদস্য ছাড়া আর কোনও মিলিটারি
পার্সোনেল চোখে পড়েনি ওদের। অথচ নেভির লোকজনে এই
স্টেশন গিজগিজ করার কথা। আকাশ থেকে দেখা পলিনিয়ার
কথা মনে পড়ল রানার—খালি ছিল ওটা। অনুমান করল, ‘সবাই
বোধহয় সাবমেরিন নিয়ে কোথাও গেছে।’

‘কীসের সাবমেরিন?’ জানতে চাইলেন রিচার্ড।

‘পুরনো সাইসেক্স স্টেশনগুলোর সাপোর্ট ভেসেল হিসেবে
নেভির সাবমেরিন থাকত। এখানে তার ব্যতিক্রম হবার কথা না।
আমার ধারণা নেভির সিনিয়র অফিসাররা এখন ওই সাবমেরিন
নিয়ে কোনও মিশনে ব্যস্ত। হয়তো প্রচ্ছো বে-তে গেছে সাহায্য
করবার জন্যে।’

‘তারপরেও রিসার্চ টিমের একজন লিডার তো থাকবে!’ বলল
শুভ পিঞ্জর-১

অ্যাবি। 'সিভিলিয়ানদের মধ্যেও চেইন অভ কমাও থাকতে বাধ্য।
যদি দায়িত্বশীল কাউকে পাওয়া যেত...'

গত এক ঘণ্টায় সিকিউরিটি টিমের পাশাপাশি বেশ কিছু
বেসামরিক মানুষ দেখেছে ওরা। মেস হলের দরজা খুলে
উকি-ঝুকি দিয়েছে তারা, চরম কৌতুহল নিয়ে। বোকা গেছে,
নবাগতদের কাছ থেকে বাইরের দুনিয়ার খবর পেতে উদ্ঘৰীব।
অবশ্য কাউকেই কাছ ঘেঁষতে দেয়নি প্রহরীরা। দূর দূর করে
তাড়িয়েছে।

'বিজ্ঞানীদের লিডার কে, জানি না,' রানা বলল। 'তবে আমার
ধারণা, সে-ও এ-মুহূর্তে হাজির নেই। নইলে এতক্ষণে নিশ্চয়ই
তার চেহারা দেখতাম আমরা।'

ওর কথা শেষ হতেই সশব্দে খুলে গেল দরজা। গটমট করে
ভিতরে ঢুকল লেফটেন্যাণ্ট কমাণ্ডার জেরোম রাইট—সিকিউরিটি
টিমের লিডার। এগিয়ে এল টেবিলের দিকে। তাকে দেখে গরগর
করে উঠল লোবো। ঘরের এক কোণে, মেঝেতে মুখ গুঁজে বসে
ছিল কুকুরটা, ঝাট করে উঠে দাঁড়াল। ইশারায় ওকে শান্ত থাকতে
বলল অ্যাবি। বসে পড়ল লোবো, তবে সবগুলো পেশি রইল
টানটান হয়ে। বিপদ দেখলেই মনিবকে রক্ষা করতে প্রস্তুত।

কাছে এসে জেনির ব্যাজ আর আই.ডি. কার্ড ফেরত দিল
রাইট। নুমার ক্রিডেনশিয়াল জমা দিয়েছিল রানা, ম্যাসন দিয়েছিল
পত্রিকার পরিচয়পত্র—ফিরিয়ে দিল ওগুলোও। বলল, 'আপনাদের
আইডেণ্টিটি ভেরিফাই করা হয়েছে। কিন্তু এখানে আপনারা কেন
এসেছেন, তা কেউই জানে না। বিশেষ করে মি. রানা... নুমা
হেডকোয়ার্টার থেকে বলা হলো, আপনি নাকি ছুটিতে আছেন!'

'আমার ব্যাপারেও কি একই কথা বলেছে?' জিজ্ঞেস করল
ম্যাসন।

'না, শুধু বলা হয়েছে—আপনি গোপন অ্যাসাইনমেন্টে

এসেছেন, সম্পাদক ছাড়া কেউ তার ডিটেইলস্ জানে না।
ভদ্রলোককে পাওয়া যায়নি।'

কোমরে ব্যাজ ঝোলাল অ্যাবি, পকেটে রেখে দিল আইডি.
কার্ড। তারপর জিজ্ঞেস করল, ‘আমার সাইড আর্মস্ আর শটগান
কোথায়?’

‘দুঃখিত,’ রাইট বলল, ‘আমাদের ক্যাপ্টেন না ফেরা পর্যন্ত
ওগুলো সিকিউরিটি টিমের জিম্মায় থাকবে।’ কষ্টের দৃঢ়তায়
বুবিয়ে দিল, তর্ক করে লাভ নেই।

চেহারায় মেঘ জমল অ্যাবির। নিরন্তর থাকতে পছন্দ করে না
ও।

‘মাফ করবেন, লেং কমাণ্ডার রাইট,’ বলল ম্যাসন। ‘আমরা
এখানে ঝামেলা বাধাতে আসিনি। এসেছি পরিত্যক্ত একটা আইস
স্টেশন আবিষ্কারের খবর শুনে...’

বিস্ময় ফুটল রাইটের চেহারায়। ‘রাশান বেইসটা?’

থমকে গেল রানা। রাশান আইস স্টেশন? আর্কটিকের এই
দুর্গম জায়গায়? সন্দেহ নেই, বড় ধরনের একটা রহস্যের
মাঝখানে নাক গলিয়ে বসেছে। অ্যাবি আর রিচার্ডের চেহারা
দেখে মনে হলো, ওরাও একই কথা ভাবছে।

নির্বিকার রইল শুধু ম্যাসন। শান্ত গলায় বলল, ‘হ্যাঁ, ওটাই।
ওই আইস স্টেশনের উপর প্রতিবেদন তৈরি করার জন্য পাঠানো
হয়েছে আমাকে সিয়াটল টাইমস থেকে। এই ভদ্রমহিলা আর
ভদ্রলোকেরা আমাকে এসকর্ট করে নিয়ে এসেছেন... ইয়ে...
আলাক্ষায় সামান্য ঝামেলা হবার পর।’

‘কারা যেন ওঁকে খুন করতে চেয়েছিল,’ রাইট প্রশ্ন করার
আগেই বলে দিল রানা।

ভুরুং কোঁচকাল লেং কমাণ্ডার। ‘সত্যি?’

‘স্যাবেটাজ করা হয়েছিল ওঁর বিমানে—ক্র্যাশ করানো
শুন্দি পিঞ্জর-১

হয়েছিল। তাতে কাজ না হওয়ায় এরপর নেমে আসে দু'জন প্যারাট্রুপার, চেষ্টা করে ওঁকে খুন করতে। কাছাকাছি ছিলাম আমি, ব্যর্থ করে দিই ওদেরকে। তারপর যাই শেরিফ ম্যানিটকের কাছে।’ ইশারায় অ্যাবিকে দেখাল রানা।

‘ওখানেই শেষ হয়নি ব্যাপারটা,’ অ্যাবি যোগ করল। ‘এরপরে ধাওয়া করা হয় আমাদেরকে। কোনোমতে প্রাণ নিয়ে পালাই আমরা। প্রড়ো বে-তে পৌছুনোর চেষ্টা করি। কিন্তু ওখানে ল্যাঙ্গ করা সম্ভব হয়নি। তার আগেই বিস্ফোরণ ঘটে ওখানকার ডিস্ট্রিবিউশন সেন্টারে। আমাদের ধারণা, পুরো ব্যাপারটার সঙ্গে ওই দুর্ঘটনার সম্পর্ক আছে।’

‘কীভাবে...’ প্রশ্ন করতে গিয়ে থেমে গেল রাইট। ‘এক মিনিট! রাশান বেইসটার খবর কীভাবে পেয়েছেন আপনারা?’

‘দুঃখিত, তথ্যদাতার পরিচয় জানাতে পারছি না আপনাকে,’ বলল ম্যাসন। ‘কথা যদি বলতেই হয়, বলতে চাই এমন কারণ সঙ্গে, যাঁর অথোরিটি আছে। যিনি অ্যাকশন নিতে পারবেন।’

থমথমে হয়ে গেল লেং কমাঞ্চার রাইটের চেহারা, অপমানিত বোধ করছে। তাকে ছোট করে দেখছে এরা। কিন্তু তাতে পাঞ্চ দিল না ম্যাসন, স্থির দৃষ্টিতে তাকাল লোকটার দিকে।

কয়েক মুহূর্ত দৃষ্টির লড়াই চলল দু'জনের মধ্যে। তারপর হার মেনে নিয়ে বলল, ‘সেক্ষেত্রে ক্যাপ্টেন গরডন না ফেরা পর্যন্ত অপেক্ষা করতে আপনাদেরকে।’

‘কখন ফিরছেন উনি?’ জানতে চাইল রানা।

জবাব দিল না রাইট। বোৰা গেল, সহসা ফেরার সম্ভাবনা নেই ক্যাপ্টেনের।

‘ওর অনুপস্থিতিতে অন্য কেউ নিশ্চয়ই দায়িত্বে আছে?’ বলল অ্যাবি। ‘রিসার্চ টিমের ইনচার্জ কোথায়? তার সঙ্গে কথা বললেও চলে আমাদের।’

‘রিসার্চারদের টিম লিডার হচ্ছেন ড. শ্যারন বেকেট,’ ইতস্তত
করে বলল রাইট। ‘তবে আপাতত উনিও এখানে নেই।’

‘তা হলে আমাদের কী হবে?’ জানতে চাইল অ্যাবি। ‘এভাবে
আমাদেরকে আটকে রাখতে পারেন না আপনি! ’

‘বলতে বাধ্য হচ্ছি... পারি, ম্যাম। সন্দেহজনক চরিত্র
আপনারা। এখানে আপনাদের উপস্থিতি অবাঞ্ছিত। যতক্ষণ না
উপর থেকে ক্লিয়ারেন্স পাচ্ছি, ততক্ষণ আপনাদেরকে বন্দি করে
রাখার সম্পূর্ণ অধিকার আছে আমার। ’

ওদেরকে আর কিছু বলার সুযোগ দিল না লেং কমাণ্ডার।
উল্টো ঘুরে বেরিয়ে গেল কামরা থেকে।

ফোস করে দীর্ঘশ্বাস ফেলল অ্যাবি। ‘ধ্যাঃ! কোনও লাভ
হলো না। ’

‘ঠিক তার উল্টো,’ বলল রানা। গলার স্বর খাদে নামিয়ে
রেখেছে, প্রহরীরা যাতে শুনতে না পায় ওদের কথা। ‘খুঁজে
পাওয়া বেইস্টা যে রাশান, তা জানতে পেরেছি। নিশ্চয়ই কিছু
পেয়েছে ওরা ওখানে। সেজনেই এভাৰ রাখাচাক। ’

মাথা ঝুঁকালা ম্যাসন। ‘ক্লিফট স্টেশন কড়াকড়ি আরেপ
করেছে নেভি। কড়িকে যোগাযোগ করতে দিচ্ছে না বাইরের
দুনিয়ার সঙ্গে। আবিষ্কারের পূর্বেটা চাগা দিয়ে রাখতে চাইছে
ওরা। এখানে আমাকে পৌছুতে বাধা দেয়া হয়েছে সে-কারণেই। ’

‘চালতে চাইছেন আমাদের মিলিটারিট বাধা দিয়েছে
আপনাকে?’ বিস্মিত গলায় বললেন রিচার্ট। ‘খুন করার চেষ্টা
করেছে?’

‘না,’ ম্যাসন মাথা নাড়ল। ‘আমেরিকান সরকার চাইলে
হাজারটা সিগ্যাল চালিলে আটকাতে পারত আমাকে। হামলা
যাবা চালিয়েছে, তাদের সে-সুযোগ ছিল না। চুপি চুপি কার্যোক্তার
করতে চেয়েছে ওরা। ’

‘রাশানরা?’

‘কী জানি। আমি শিয়োর না।’

‘সন্তুষ্টি আছে,’ রানা বলল। ‘কমাণ্ডোরা মিলিটারি
ব্যাকগ্রাউণ্ডের ছিল। ছোট একটা স্ট্রাইক টিম... সার্জিকাল
অ্যাটাক চালাবার জন্য পাঠানো হয়েছিল। রাশান হলে অবাক হব
না।’

‘কিন্তু মি. ম্যাসনকে টার্গেট করল কেন?’ ভুরু কুঁচকে জিজেস
করল অ্যাবি। ‘উনি স্রেফ একজন রিপোর্টার। বলতে গেলে
শুরুত্বহীন মানুষ।’

‘উহঁ, শুরুত্বহীন নন মোটেই। পুরো ব্যাপারটার সঙ্গে যারা
সরাসরি জড়িত, তাদের বাইরে একমাত্র ম্যাসনই জানেন এই
আবিষ্কারের কথা। খবরটা জানাজানি হওয়া থেকে ঠেকানোর জন্য
ওঁর মুখ বন্ধ করাটা হয়তো জরুরি ভেবেছে কেউ।’

ব্যাখ্যা দিল বটে, কিন্তু ওতে রানা নিজেই সন্তুষ্ট হতে পারছে
না। পুরনো একটা আইস স্টেশন নিয়ে এত রাখতাকের কী আছে?
ব্যাপারটা খুনোখুনি পর্যন্ত গড়ায় কীভাবে? নিশ্চয়ই গভীর কোনও
রহস্য আছে এর পিছনে।

দুই প্রহরীর দিকে দৃষ্টি ফেরাল ও। শরীর টান টান করে
দাঁড়িয়ে আছে ওরা, সামান্য চারজন সিভিলিয়ানকে পাহারা দেয়ার
সময় যে-ধরনের তিলেচালা আচরণ স্বাভাবিক, ওদের মধ্যে তার
বিন্দুমাত্র দেখা যাচ্ছে না। এ-ধরনের আচরণ শুধু রণক্ষেত্রে দেখা
যায়। তা ছাড়া লেং কমাণ্ডোর রাইটও অস্বাভাবিক রকমের নীরব
থেকেছে ক্যাপ্টেনের ফিরে আসার ব্যাপারে। তার আচরণ খতিয়ে
দেখল রানা। সাবমেরিনটা যদি প্রত্যো বে-র রেসকিউ মিশনে
গিয়ে থাকে, তা হলে ফিরে আসতে সময় লাগবে অন্তত কয়েক
দিন। সেক্ষেত্রে এভাবে বসিয়ে রাখা হতো না বন্দিদেরকে।
থাকার ব্যবস্থা করা হতো, নিয়ে যাওয়া হতো অ্যাকোমোডেশনের

কোনও কামরায়। নিদেনপক্ষে অস্থায়ী কোনও হোল্ডিং সেলে। তা যখন করা হয়নি, তারমানে ক্যাপ্টেন খুব শীত্রি ফিরে আসতে পারেন... সাবমেরিনটা আছে নাগালের মধ্যে। একটু অবাক হলো ও। ওটা প্রড়ো বে-তে যায়নি কেন? এত বড় একটা দুর্ঘটনা... বলতে গেলে এদের পিছনের আঙ্গিনায় ঘটেছে। খুব দ্রুত রেসপণ করতে পারত এরা। কেন করল না?

গলা খাঁকারি দিল ম্যাসন। সে-ও সম্ভবত একই ধরনের চিন্তা করছে। বলল, ‘এখানে কী ঘটছে, সেটা জানা দরকার আমাদের।’

‘মাথায় কোনও আইডিয়া থাকলে শোনাতে পারেন,’ হালকা গলায় বলল রানা।

‘রাশান ওই আইস স্টেশনে যেতে হবে আমাদেরকে,’ বলল অ্যাবি। ‘যদ্দুর বুঝতে পারছি... ওটাই সবকিছুর উৎস।’

‘কীভাবে?’ বললেন রিচার্ড। ‘আমরা এখন বন্দি। তা ছাড়া বিমানটাও এখন সিকিউরিটি টিমের পাহারায়।’

জবাব দিতে পারল না কেউ। চেহারায় প্রকট হয়ে উঠল অসহায়ত্ব।

ঠোঁট কামড়াল রানা। ষষ্ঠ ইন্দ্রিয় তারস্বরে চিৎকার করছে—বিপদ! বিপদ!! রাশা... আমেরিকা... আর বরফের তলায় লুকানো একটা গোপন ঘাঁটি। সন্দেহের কোনও অবকাশ নেই, অঙ্কের মত জুলন্ত আগুনে ঝাপ দিয়েছে ওরা।

বিশ

অধৈর্য হয়ে উঠেছে ক্যাপ্টেন আন্তন রঞ্জকিন। বিরক্ত মুখচ্ছবি দেখে পরিষ্কার বোৰা যাচ্ছে তা। ধৈর্য হারানোর পিছনে যুক্তিসঙ্গত কারণও আছে। এক ঘণ্টা হলো ইঞ্জিন বন্ধ করে চুপচাপ বসে আছে সাবমেরিন ড্রাকন, সারফেসের দু'মিটার নীচে। উপরের বরফের ছাতের সঙ্গে দূরত্ব আরও কম, মাত্র এক মিটার। ঘণ্টাখানেক আগে ওই বরফের মাঝে একটা ফাটল খুঁজে পেয়েছে ওরা, সঙ্গে সঙ্গে ইঞ্জিন বন্ধ করে ওখান দিয়ে রেডিও অ্যাণ্টেনা তুলবার নির্দেশ দিয়েছেন রিয়ার অ্যাডমিরাল নিকোলায়েভ। এফএসবি হেডকোয়ার্টার থেকে নাকি জরুরি মেসেজ আসবে। কিন্তু এক ঘণ্টা পেরিয়ে যাবার পরেও নীরব লুবিয়ান্কা, কোনও ট্রাঙ্গমিশন গাঠাচ্ছে না। চলে যাবারও উপায় নেই, ওখান থেকে গো-কোড না পেলে সামনে এগোনোর ব্যাপারে নিষেধাজ্ঞা রয়েছে।

আড়চোখে রিয়ার অ্যাডমিরালের দিকে তাকাল ক্যাপ্টেন। মূর্তির মত বসে আছেন তিনি। ভিতরে ভিতরে ধৈর্যচূড়ি ঘটলেও প্রকাশ করছেন না চেহারায়। একবার শুধু কবজিতে বাঁধা হাতঘড়ি দেখলেন।

‘এর কোনও মানে খুঁজে পাচ্ছি না আমি,’ তাঁকে শুনিয়ে শুনিয়ে বলল ক্যাপ্টেন। ‘ওমেগা স্টেশনে পৌছুতে আর মাত্র দু'দিন বাকি, এর মধ্যে কী এমন জরুরি ব্যাপার ঘটল যে নতুন

কোনও এক্সারসাইজ করতে হবে আমাদেরকে? নাকি আবার
বরফের তলায় পুঁতে হবে মিটিয়োরোলজিক্যাল ইকুইপমেণ্ট?’
শেষ কথাটা বলল জোর দিয়ে, কঢ়ে সন্দেহের ছাপ স্পষ্ট।
ক্যাপ্টেন এখনও ভাবছে ওগুলো আড়িপাতার যন্ত্র।

ভাবুক... কিছু যায়-আসে না। ভাবলেন নিকোলায়েভ।

বিজে বিরাজ করছে থমথমে পরিবেশ। প্রচ্ছে বে-র
স্যাবোটাজের খবর শুনেছে সবাই রেডিওতে। এর পিছনের রহস্য
জানা নেই ক্রু-দের, কিন্তু এটুকু বুঝতে পারছে—এ-ঘটনার
নেতৃত্বাচক প্রতিক্রিয়া দেখা দেবে আমেরিকানদের মধ্যে। সন্দেহ
আর অবিশ্বাসের দৃষ্টিতে দেখবে ওরা সবাইকে। ড্রাকনকে পড়তে
হতে পারে অযাচিত জটিলতার মুখে।

কবজিতে বাঁধা পোলারিস মনিটরের উপর চোখ বোলালেন
রিয়ার অ্যাডমিরাল। আগের যতই জুলজুল করছে পাঁচটা বিন্দু।
অপেক্ষা করছে মাস্টার ট্রিগারের জন্য। সবকিছু ঠিকঠাক
এগোচ্ছে। রাতে পোলারিস ডিভাইসের ডায়াগনস্টিক টেস্টিং
সেরেছেন নিকোলায়েভ। ক্যালিব্রেশনের সূক্ষ্ম অ্যাডজাস্টমেণ্ট
ছাড়া আর কোনও সমস্যা দেখতে পাননি। স্বত্ত্ব অনুভব করছেন
সে-কারণে। জানেন, অত্যাধুনিক সোনিক টেকনোলজির কারণে
যে-কোনও মুহূর্তে সিগনাল রিসিভ করতে পারবে তাঁর মারণান্ত্র।
সোলার স্টর্ম বা অন্য কোনও প্রাকৃতিক দুর্ঘাগে কমিউনিকেশন
বাধাগ্রস্ত হবে না। আনমনে একবার ক্রিনের কোনার হৎপিণ্ডের
আইকনটার দিকে তাকালেন। রিয়ার অ্যাডমিরালের পালসের
সঙ্গে তাল মিলিয়ে জুলছে-নিভছে ওটা। চমৎকার!

‘এক্সকিউজ মি, স্যার,’ হঠাৎ বলে উঠল রেডিও অপারেটর।
‘একটা ফ্ল্যাশ মেসেজ রিসিভ করছি আমরা.... রিয়ার অ্যাডমিরাল
নিকোলায়েভের জন্য।’

কয়েক মিনিট পরেই কয়েক হাত ঘুরে একটা ক্লিপবোর্ড
১৪-শুভ পিঞ্জর-১

পৌছুল রিয়ার অ্যাডমিরালের কাছে। শান্ত ভঙ্গিতে মেসেজটা
ডিকোড করলেন তিনি। সেটা এ-রকম:

টপ সিক্রেট।

ক্রম এফএসবি টু ড্রাকন।

সাবজেক্ট: অপারেশন কনফার্মেশন।

পার্সোনাল মেসেজ ফর ফ্লিট কমাণ্ডার।

১. পিবি-তে সফল হয়েছে অভিযান। দৃষ্টি ঘুরিয়ে দেয়া
হয়েছে প্রতিপক্ষের।

২. এক নম্বর টার্গেট, ডেজিগনেশন ওমেগার জন্য
গো-কোড অনুমোদন করা হলো। ওখানকার অপারেশন শেষ
হবার পর দুই নম্বর টার্গেট, ডেজিগনেশন থ্রেণ্ডেলে যাবার
জন্য নির্দেশ প্রদান করা হচ্ছে।

৩. প্রাইমারি অবজেকটিভ: থ্রেণ্ডেল সাইট থেকে ডেটা
এবং আলামত সংগ্রহ। সেকেণ্ডারি অবজেকটিভ: সাইট
পরিষ্কার করা।

৪. সতর্কতার জন্য জানানো যাচ্ছে যে, টার্গেট এরিয়ার
একটি ডেল্টা ফোর্স টিম মোতায়েন করা হয়েছে। ইঞ্টেল
রিপোর্টে প্রকাশ, ওদের জন্যও একই ধরনের অবজেকটিভ
নির্ধারণ করা হয়েছে। অপারেশন কন্ট্রোলারের খৌজ এখন
পর্যন্ত পাওয়া যায়নি। ডেল্টা মিশনের রঙ কালো। রিপিট,
কালো।

৫. থ্রেণ্ডেল স্টেশনের ডেটা বা আলামত কোনও
অবস্থাতেই প্রতিপক্ষের হাতে পড়তে দেয়া যাবে না।
এ-ধরনের ঘটনা এড়ানোর জন্য যে-কোনও পদক্ষেপ নেবার
অনুমোদন দেয়া হলো।

৬. এই মেসেজ রিসিভ করার পর থেকে রেডিও সাইলেন্স বজায় রাখার জন্য নির্দেশ দেয়া হচ্ছে। চরম জরুরি পরিস্থিতি ছাড়া কোনও ধরনের যোগাযোগ করা চলবে না।

৭. মেসেজ সমাপ্তি।

পুরো মেসেজ দু'বার পড়লেন নিকোলায়েভ। ডেল্টা মিশনের রঙ কালো... মানে ব্ল্যাক অপসের কথা বলা হয়েছে। গোপন অপারেশন—প্রকাশ্য অনুমোদন নেই রাষ্ট্রের তরফ থেকে। একই কথা অবশ্য তাঁদের বেলাতেও খাটে। দীর্ঘ ক্যারিয়ারে এ-ধরনের লড়াই বহুবার দেখেছেন রিয়ার অ্যাডমিরাল, প্রাণও বিপন্ন করেছেন বহুবার। অর্থ পুরোটাই রাজনৈতিক চাল। গোপন এই যুদ্ধের খবর কোথাও ফাঁস হলে সরাসরি অঙ্গীকার করবে দুই দেশের সরকার। কাউকে বলির পাঁঠা বানিয়ে তার ঘাড়ে চাপিয়ে দেয়া হবে সব দোষ।

কেন?

কারণ অঙ্গীকার এক গোমর লুকিয়ে আছে এর পিছনে, সেইসঙ্গে আছে বিরাট কোনও প্রাণিযোগের সম্ভাবনা। কেউই এর অস্তিত্ব স্বীকার করবে না, তাই বলে একে ছেড়েও দেয়া যায় না। লাভ-ক্ষতির সমীকরণটা বড় ভারী। যারা জিতবে, তারা হাতে পাবে রিয়ার অ্যাডমিরালের প্রয়াত পিতার উত্তরাধিকার—এমন এক আবিষ্কার, যা দুনিয়াকে বদলে দিতে পারে।

কার হাতে পড়বে ওটা শেষ পর্যন্ত, কেউ বলতে পারে না। তবে মনে মনে কঠিন শপথ নিয়েছেন নিকোলায়েভ, প্রাণ থাকতে ওটা আমেরিকানদের দখলে যেতে দেবেন না।

পোলারিস মনিটরে আরেকবার নজর বোলালেন তিনি। গো-কোড পেয়ে গেছেন। এবার তাঁর নিজের খেলা শুরু করবার পালা। মনিটরের পাশের রূপালি একটা বোতাম টিপে ধরলেন শুভ পিঞ্জর-১

তিনি, পুরো ত্রিশ সেকেণ্ডের জন্য। পাশে একটা লাল বোতাম আছে, তবে সতর্কভাবে এড়িয়ে গেলেন ওটাকে, খেয়াল রাখলেন যাতে চাপ না পড়ে।

রূপালি বোতামটা ত্রিশ সেকেণ্ড চেপে ধরে রাখলে অ্যাকচিভেট হবে পোলারিস। সিদ্ধান্ত পাল্টাতে চাইলে এটুকুই সময়। অ্যাকচিভেট হয়ে যাবার পর ওটাকে ঘুম পাড়াবার আর কোনও উপায় নেই। নিকোলায়েভ তা জানেন, কিন্তু একচুল সরালেন না বোতামের উপর চেপে রাখা আঙুল। দৃঢ়, এবং স্থিরপ্রতিষ্ঠিত তিনি। মনের মধ্যে কোনওরকম দ্বিধা নেই।

দীর্ঘ জীবনে মাত্তুমিকে বার বার বদলে যেতে দেখেছেন রিয়ার অ্যাডমিরাল। রাজা-বাদশাহদের জারিস্ট রাষ্ট্র থেকে কমিউনিস্টদের স্বর্গরাজ্যে পরিণত হয়েছিল রাশা—হয়েছিল স্টালিনের হাতের মোয়া। তারপর আবার ভেঙে টুকরো টুকরো হয়ে গেছে গোটা দেশ। মহা-পরাক্রমশালী সোভিয়েত ইউনিয়ন এখন নামকা ওয়াস্তে কিছু রাষ্ট্রের সমষ্টি—প্রতিটাই দরিদ্র, হতঙ্গী, ধৰ্মস্পায়। প্রতিটা পরিবর্তন দুর্বল করেছে তাঁর মাত্তুমিকে, একটু একটু করে এগিয়ে নিয়ে গেছে ধৰ্মসের দ্বারপ্রান্তে।

বাকি পৃথিবীও তার ব্যতিক্রম নয়। যুগ-যুগান্তের হিংসা আর হানাহানির বেড়াজাল থেকে আজও বেরিয়ে আসতে পারেনি বিশ্বের কোনও দেশ। সন্দেহ, অবিশ্বাস আর খুনোখুনির অতলে তলিয়ে গেছে প্রত্যেকটি দেশ, জাতি আর মানচিত্র। অসম্ভব হয়ে উঠেছে নিরীহ মানুষের বেঁচে থাকা। দিনে দিনে শুধু সমস্যা বাড়ছে, সমাধান হচ্ছে না। কেউ চেষ্টাও করছে না সমাধান করবার। পৃথিবী আর পৃথিবী নেই, হয়ে গেছে য়েলা ফেলার ডাস্টবিন।

বোতাম টিপে ধরে রাখলেন নিকোলায়েভ।

সময় এসেছে সবকিছু বদলে দেবার। পুরনো ইমারতের

জায়গায় নতুন ইমারত গড়তে চাইলে প্রথমে ভাঙ্গতে হবে পুরনোটাকে। তা-ই করতে চলেছেন তিনি। পঙ্কিল দুনিয়ার অবসান ঘটাবেন। জঘন্য এই ইতিহাস ধুয়ে মুছে যাবে... নবজাতকের মত নিষ্পাপ ও বিশুদ্ধ এক পৃথিবী জন্ম নেবে নয়। বরফযুগ পেরিয়ে।

এটাই হবে ভবিষ্যৎ প্রজন্মের জন্য রিয়ার অ্যাডমিরাল ভ্যালেরি নিকোলায়েভের উপহার।

ত্রিশ সেকেণ্ট পেরিয়ে গেছে, পোলারিস মনিটরের পাঁচটা বিন্দু এবার পালাক্রমে জুলতে-নিভতে শুরু করল। বোতামটা ছেড়ে দিলেন রিয়ার অ্যাডমিরাল। ব্যস, কাজ হয়ে গেছে। অ্যাকটিভেট করে দিয়েছেন তিনি পোলারিসকে। বাকি শুধু মাস্টার ট্রিগার বসানো। এরপরেই সত্য হবে তাঁর স্বপ্ন... ধ্বংস হয়ে যাবে পৃথিবী। মাস্টার ট্রিগারের বোতামে চাপ দেবার পর হারমোনিও ওয়েভের ধ্বংসলীলা ঠেকাতে পারবে না কেউ। কোনও অ্যাবোর্ট বাটন নেই এই ডিভাইসের, নেই কোনও ফেইল-সেইফ।

রিয়ার অ্যাডমিরালের দিকে এগিয়ে এল ক্যাপ্টেন রুশকিন। ‘স্যর?’

মাথা ঘুরিয়ে তার দিকে তাকালেন নিকোলায়েভ। ক্যাপ্টেনকে বড় তুচ্ছ মনে হলো তাঁর কাছে। পৃথিবীর ধ্বংসের সূচনা হয়ে গেছে, কিন্তু কিছুই জানা নেই বেচারার। দীর্ঘশ্বাস ফেললেন তিনি। একটাই কাজ বাকি তাঁর—উদ্ধার করতে হবে পিতার মৃতদেহ। তাকে সমাহিত করতে হবে উপযুক্ত মর্যাদায়। আর কোনও কিছুই গুরুত্বপূর্ণ নয় এর চেয়ে।

‘স্যর?’ আবার ডাকল রুশকিন। ‘কী হয়েছে?’

সংবিধ ফিরে পেলেন নিকোলায়েভ। শান্ত গলায় বললেন, ‘কিছুই না। নতুন অর্ডার এসেছে আমাদের জন্য। ইঞ্জিন চালু করো।’

ইউ.এস.এস. পোলার সেণ্টিনেল।

এক নম্বর পেরিস্কোপে চোখ লাগিয়ে রেখেছেন ক্যাপ্টেন গরডন, শান্তভাবে জরিপ করছেন চারপাশের অবারিত বরফের বিস্তার। দশ মিনিট হলো সারফেসের কাছাকাছি উঠে এসেছে সেণ্টিনেল, বরফের ফাটল দিয়ে উপরে তোলা হয়েছে পেরিস্কোপ। মেঘলা আকাশ দেখতে পাচ্ছেন ক্যাপ্টেন, বড়-সড় ঝড় হতে যাচ্ছে শীত্রি। কিন্তু আবহাওয়া নিয়ে চিন্তিত নন তিনি।

রাতভর ড্রিফট স্টেশন আর রাশান বেইসের চারদিকে টহল দিয়েছে সেণ্টিনেল, চোখ-কান খোলা রেখেছে রাশান সাবমেরিনের খুঁজে। কিন্তু এখন পর্যন্ত ছায়াও দেখা যায়নি ড্রাকনের। একদল বেলুগা তিমি ছাড়া আর কোনও সোনার কষ্ট্যাক্টও পাওয়া যায়নি। অবস্থাদৃষ্টি মনে হচ্ছে, এই এলাকায় সেণ্টিনেলই একমাত্র জলযান।

তারপরেও উভেজনা প্রশংসিত হয়নি ক্রু-দের। বিপদের আশঙ্কা করছে প্রতি মুহূর্তে। করবে না-ই বা কেন, নখদণ্ডহীন বাধের দশা ওদের—কোনও ধরনের অস্ত্র ছাড়া খুঁজে বেড়াচ্ছে রাশান নেভির অত্যাধুনিক একটা সাবমেরিনকে... বেঘোরে মারা পড়তে হবে লড়াই বেধে গেলে। ড্রাকন... মানে ড্রাগন... মনে মনে ভাবলেন ক্যাপ্টেন, নামের মধ্যেই আছে হিংস্রতার আভাস। আকুলা টু ক্লাস সাবমেরিন সম্পর্কে জানেন তিনি—অস্বাভাবিক দ্রুতগতির ক্ষাভাল টর্পেডো আর এসএসএন-১৬ অ্যাণ্টি-সাবমেরিন মিসাইল থাকে ওগুলোয়... আমেরিকান ফ্লিটের সেরা সাবমেরিনের সঙ্গে অন্যায়সে পাল্লা দিতে পারবে। যদি কোনও কারণে ড্রাকনের সঙ্গে লড়াই বাধে পোলার সেণ্টিনেলের... তা হলে ব্যাপারটা দাঁড়াবে শক্তিশালী হাঙরের সঙ্গে পুঁটি মাছের লড়াইয়ের মত।

ডিউটি ওয়াচের রেডিওম্যান উদয় হলো ক্যাপ্টেনের পিছনে।
গলা খাঁকারি দিয়ে বলল, ‘এক্সকিউজ যি, স্যর। ডেডহর্সের
কমাণ্ডারের সঙ্গে যোগাযোগ করতে পেরেছি। লাইনে আছেন
উনি। তবে ট্রাঙ্গমিশন খুব দুর্বল।’

পেরিস্কোপ ডেপথে উঠে আসার পর রেডিওম্যানকে নির্দেশ
দিয়েছিলেন ক্যাপ্টেন—প্রশংসনোদ্দেশ সঙ্গে যোগাযোগ করা যায় কি
না, চেষ্টা করে দেখতে। পরিস্থিতির হালনাগাদ অবস্থা সম্পর্কে
জানা দরকার তাঁর।

‘অসুবিধে নেই।’ পেরিস্কোপ থেকে চোখ সরালেন ক্যাপ্টেন।
হাতল ভাঁজ করে উপরে ঠেলে দিলেন পোলটাকে। নেমে এলেন
পেরিস্কোপ স্ট্যাণ্ড থেকে। ‘চলো।’

ক্যাপ্টেনকে কমিউনিকেশন রুমে নিয়ে গেল রেডিওম্যান।
বলল, ‘তাড়াতাড়ি কথা বলবেন, স্যর। লাইনটা যে-কোনও
মুহূর্তে কেটে যেতে পারে।’

মাথা ঝাঁকিয়ে রেডিও সেটের দিকে এগোলেন ক্যাপ্টেন। টুলে
বসে হেডসেট পরলেন। ‘দিস ইজ ক্যাপ্টেন গরডন।’

‘গুড মর্নিং, ক্যাপ্টেন! কমাণ্ডার ট্যানার বলছি।’ খসখসে
একটা কষ্ট ভেসে এল ওপাশ থেকে। ভলিউম ওঠানামা করছে
অবিরাম। ‘আপনার সঙ্গে যোগাযোগ হওয়ায় খুব ভাল হলো।’

‘সার্চ অ্যাও রেসকিউ কেমন এগোচ্ছে?’ জিজেস করলেন
গরডন।

‘এখনও সার্কাস চলছে এখানে। তবে আগুনটা ঠেকাতে
পেরেছি আমরা। সম্ভবত স্যাবোটিয়ারদের ব্যাপারে কিছুটা ক্লু-ও
পাওয়া গেছে।’

‘তা-ই? ওদের পরিচয় জানা গেছে?’

কয়েক মুহূর্ত নীরব রইল ট্যানার। তারপর বলল, ‘আমি আশা
করছি, জবাবটা আপনার কাছে পাওয়া যাবে।’

‘আমার কাছে!’ বিস্মিত হলেন গরডন।

‘হ্যাঁ। আপনি যোগাযোগ করার আগে আমরা ওমেগা স্টেশনকেই ডাকাডাকি করছিলাম। আসলে... ব্যাপার হয়েছে কী... ঘণ্টাখানেক আগে বেনামী একটা প্যাকেজ পেয়েছি আমরা, ওর ভিতর একটা ভিডিও ফুটেজের ডিস্ক ছিল। ওতে দেখা যাচ্ছে, বিস্ফোরণের ঠিক আগ-মুহূর্তে একটা ছোট্ট বিমান উড়ছিল এক নম্বর গ্যাদারিং স্টেশনের উপর দিয়ে। ভিডিওটা অবশ্য অস্পষ্ট... মনে হচ্ছে নাইটভিশন ক্যামেরা দিয়ে শৃঙ্খলার কাছে পুরুষ করা হয়েছে।’

‘এর সঙ্গে ওমেগা স্টেশনের সম্পর্ক কোথায়?’

‘আপনার সিকিউরিটি টিম আজ সকালে যোগাযোগ করেছিল ফেয়ারব্যাঙ্কসের শেরিফস্ ডিপার্টমেন্টের সঙ্গে, খোঁজ নিয়েছে একটা বিমান আর চারজন আরোহী সম্পর্কে। বাপ-সহ জনেক শেরিফ, নুমার এক প্রজেক্ট ডিরেক্টর আর জনেক রিপোর্টার। ভিডিও ফুটেজ থেকে বিমানের কলসাইন উদ্ধার করেছি আমরা, নিজেরাও যোগাযোগ করেছিলাম ফেয়ারব্যাঙ্কসে। তখনি জানলাম—দুটো একই বিমান।’

‘কোথায় এখন ওই বিমান?’ জানতে চাইলেন গরডন। জবাবটা আন্দাজ করতে পারছেন।

‘আজ ভোরে ওটা ওমেগা স্টেশনের পাশে ল্যাণ্ড করেছে। প্যাসেঞ্জারদের আটকে রেখেছে আপনার সিকিউরিটি।’

নিচু গলায় ভাগ্যকে গালমন্দ করলেন ক্যাপ্টেন। রাতভর জেগে ছিলেন, ভেবেছিলেন এখন একটু ঘুমিয়ে নেবেন, তা আর হলো না।

কমাণ্ডার ট্যানার বলল, ‘অলরেডি উর্ধ্বতন কর্তৃপক্ষের অনুমতি চেয়েছি আমি। বন্দিদেরকে ডেডহর্সে এনে জিজ্ঞাসাবাদ করতে চাই।’

‘আপনি কি ভাবছেন, ওরাই হামলা করেছে পাস্প স্টেশনে?’

‘এখুনি মন্তব্য করা ঠিক হবে না। নিশ্চিত হবার জন্যই জিজ্ঞাসাবাদ করতে চাইছি। আসল ঘটনা যা-ই হোক, আপাতত ওদেরকে বৈরি ধরে নেয়া ভাল।’

দীর্ঘশ্বাস ফেললেন ক্যাপ্টেন গরডন। যুক্তি আছে কমাণ্ডারের কথায়। কিন্তু প্রশ্ন হলো, পাম্প স্টেশনের হামলাকারীরা ওমেগা স্টেশনে কেন গেছে? ওরা যদি হামলাকারী না-ও হয়, ব্যাপারটা কো-ইনসিডেন্স বলে মানতে পারছেন না। একের পর এক অস্বাভাবিক ঘটনা ঘটছে—প্রথমে প্রডো বে-তে বিস্ফোরণ, তারপর রাশানদের সন্দেহজনক আচরণ, সবশেষে ওমেগায় অবাঞ্ছিত অতিথি... এতগুলো ঘটনা কাকতাল হতে পারে না কিছুতেই। নিশ্চয়ই সম্পর্ক আছে সবগুলোর মাঝে। কী সেটা?

‘বন্দি হস্তান্তরের আগে ফ্লিট হেডকোয়ার্টারের সঙ্গে কথা বলে নিতে হবে আমাকে,’ ট্যানারকে বললেন তিনি। ‘তার আগ পর্যন্ত দেখেশুনে রাখব ওদের, কিছু ভাববেন না।’

‘ঠিক আছে, ক্যাপ্টেন। গুড হান্টিং!’ যোগাযোগ বিচ্ছিন্ন করে দিল ট্যানার।

হেডসেট খুলে রাখলেন গরডন। ঘুরলেন রেডিওম্যানের দিকে। ‘ওমেগা স্টেশনে পৌছুনোমাত্র অ্যাডমিরাল বেকেটের সঙ্গে কথা বলতে চাই আমি।’

‘ঠিক আছে, স্যর। আমি সাধ্যমত চেষ্টা করব।’

কমিউনিকেশন রুম থেকে বেরিয়ে এলেন ক্যাপ্টেন, ফিরে গেলেন ব্রিজে।

কমাণ্ডার ফিশার জিজ্ঞেস করল, ‘কিছু জানা গেল, স্যর?’

‘হঁ। মনে হচ্ছে উড়ে এসে বামেলাটা এখন আমাদের কোলের মধ্যে পড়েছে।’

ভুরু কোঁচকাল ফিশার। ‘মানে, স্যর?’

‘মানে হচ্ছে আমাদেরকে এখুনি ফিরতে হবে ড্রিফট স্টেশনে।

নতুন কিছু অতিথি এসেছে, ওদেরকে খাতিরদারি করা দরকার।’
‘রাশানরা?’

‘উহঁ,’ মাথা নাড়লেন ক্যাপ্টেন। বিস্তারিত ব্যাখ্যা করার
প্রয়োজন বোধ করলেন না। নির্দেশ দিলেন, ‘ওমেগা স্টেশনের
দিকে কোর্স সেট করো।’

‘আই, আই, ক্যাপ্টেন।’ বলে চলে গেল ফিশার।

নিজের চেয়ারে বসে গভীর চিন্তায় ডুবে গেলেন ক্যাপ্টেন
গরডন। মেলাতে চেষ্টা করলেন ধাঁধাটা। কিন্তু অনেক কিছুই
এখনও অস্পষ্ট। কয়েক দফা চেষ্টা করে হাল ছেড়ে দিলেন।
খামোকা মগজকে কষ্ট দিয়ে লাভ নেই। যথাসময়ে জানা যাবে
সব। ক্লান্তি অনুভব করছেন, ড্রিফট স্টেশনে পৌছুনোর আগে
একটু ঘূর্মিয়ে নিতে পারলে ভাল হয়।

চেয়ার ছেড়ে উঠতে যাচ্ছিলেন তিনি, থেমে গেলেন সোনার
ওয়াচের সুপারভাইজরের কষ্ট শুনে।

‘উই হ্যাভ আ কণ্ট্যাষ্ট, ক্যাপ্টেন!’

পিঠ খাড়া হয়ে গেল সবার। অন্ত পায়ে সোনার স্টেশনের
দিকে এগিয়ে গেল কমাণ্ডার ফিশার, যোগ দিল সুপারভাইজর আর
টেকনিশিয়ানদের সঙ্গে। চোখ বোলাল মনিটরে ভাসতে থাকা
ডেটার উপরে।

একটু পর ঘাড় ফেরাল সে। বলল, ‘আরেকটা সাবমেরিন,
ক্যাপ্টেন। আকারে বেশ বড়।’

‘ড্রাকন।’ শান্ত গলায় বললেন গরডন।

‘আমারও তা-ই ধারণা,’ থমথম করছে কমাণ্ডার ফিশারের
কষ্ট। ‘কারণ ওটা সরাসরি ওমেগা স্টেশনের দিকে এগোচ্ছে।’

একুশ

আইস স্টেশন প্রেওল।

স্নেক পিট থেকে বেরিয়ে এসে গায়ের পারকা খুলে ফেলল
শ্যারন। স্টেশনের মূল অংশে আগের মতই গরম বিরাজ করছে।
সেইসঙ্গে ভ্যাপসা বাতাস, শরীরে ঘাম ঝরার মত অবস্থা। কিন্তু
খুব একটা খারাপ লাগল না ওর। দ্বিপের হৎপিণ্ডের কনকনে
ঠাণ্ডায় অনেকটা সময় কাটানোর পর উত্তাপটা বড় আরামদায়ক
মনে হচ্ছে। স্নেক পিটের দরজার পাশের একটা ছকে ঝুলিয়ে
রাখল পারকা।

ড. মিকেলসেনও বেরিয়ে এসেছেন ওর সঙ্গে। জ্যাকেট
খুললেন না তিনি। শুধু চেইন খুললেন, আর মাথা থেকে নামিয়ে
রাখলেন হড়। হাতের গ্লাভস খুলে পকেটে ভরে ফেললেন, দুই
তালু ঘষলেন গরম করে নেবার জন্য। তারপর জিভেস করলেন,
'এখন কী করবেন আপনি?'

'ওমেগায় ফিরে যাব,' বলল শ্যারন। 'বড় আসছে বলে খবর
পেয়েছি, তার আগেই পৌছুতে চাই ওখানে। নইলে এখানে
দু-তিনদিনের জন্য আটকা পড়ে যাব।'

'সেটা উচিত হবে না। ক্যাপ্টেন গরডন ফিরলে একসঙ্গে বসা
দরকার আপনাদের। এখানকার আবিষ্কার সম্পর্কে এখনও কিছু
জানেন না উনি।'

‘হ্যাঁ। ঠিকই বলেছেন। ওখানেই কথা হবে ওঁর সঙ্গে।’

উল্টো দিকের বন্ধ দরজাটার উপর দৃষ্টি আটকে গেল বৃক্ষ
ওশনেগ্রাফারের। প্রহরীর সংখ্যা কমিয়ে আনা হয়েছে, এখন মাত্র
একজন সিম্যান পাহারা দিচ্ছে ওখানে। বাড়তি সমস্ত লোক ফিরে
গেছে পোলার সেণ্টিনেলে।

‘কী ভাবছেন?’ জিজ্ঞেস করল শ্যারন।

‘কী আছে ওই দরজার পিছে... আমাকে জানানো যায় না?’
মদু গলায় বললেন মিকেলসেন।

‘না জানাই মঙ্গল আপনার জন্য,’ ইতস্তত করে বলল শ্যারন।

‘আমি বিজ্ঞানী,’ বললেন মিকেলসেন। ‘অজানাকে জানাই
আমার নেশা। মানা করলেও ওটার কথা না ভেবে পারছি না।’

‘সেক্ষেত্রে ধৈর্য ধরবার পরামর্শ দেব আপনাকে। একটা না
একটা সময় ঠিকই জানতে পারবেন সব।’

‘কখন সেটা?’ ভুরু নাচালেন মিকেলসেন। ‘রাশানরা আসার
পর?’

‘জানি না,’ কাঁধ ঝাঁকাল শ্যারন। ‘ব্যাপারটা আমার হাতে
নেই।’ তিক্ততা ফুটল ওর গলায়। সহকর্মীদের কাছে কোনও কিছু
গোপন রাখার পক্ষপাতী নয় ও, রাজি নয় কোনও কিছু ধামাচাপা
দিতে। বন্ধ দরজার ওপারে যা লুকিয়ে আছে, তার দায়িত্ব কাউকে
না কাউকে নিতে হবে। শাস্তি পাওয়া উচিত তাদের। অথচ
রহস্যটা গোপন করার জন্য উত্তলা হয়ে উঠেছে সরকার!

সিঁড়ি ধরে উপরে উঠতে শুরু করল শ্যারন, পিছু পিছু ড.
মিকেলসেন। হঠাৎ কম্পন অনুভব করল পায়ের তলায়। শুনতে
পেল মোটরের আবছা আওয়াজ। কয়েক সেকেণ্ড পরেই
এলিভেটরের লোহার খাঁচাটা ওদেরকে পেরিয়ে উঠে গেল উপরে।

‘এলিভেটর ঠিক হয়ে গেছে নাকি?’ বিস্মিত গলায় জিজ্ঞেস
করল ও।

‘ফস্টারের কাজ,’ নাসার ইঞ্জিনিয়ারের নাম বললেন মিকেলসেন। ‘দিনরাত খাটছে বেইসের পুরনো মেশিনারি নিয়ে। যেন নতুন খেলনা পেয়েছে একটা বাচ্চা!’

‘ভালই তো!’ হাসল শ্যারন। উঠতে থাকল উপরে।

টপ লেভেলে পৌছে বৃন্দ ওশনেগ্রাফারের কাছ থেকে বিদায় নিল ও। যে-কামরায় রাত কাটিয়েছে, চলে গেল ওখানে। গুছিয়ে নিল নিজের জিনিসপত্র। এরপর পরতে শুরু করল থারমাল রেসিং সুট। আইস বোট নিয়ে ফিরে যাবে ওমেগায়। জিয়োলজিস্ট আর বায়োলজিস্টদের মধ্যকার ঝামেলা ঘিটে যাওয়ায় আগামী দুটো দিন শান্তিতে কাটাতে পারবে বলে আশা করছে।

কামরা থেকে বেরহওতেই নেভির ইউনিফর্ম পরা এক মেয়ের মুখোমুখি হলো শ্যারন। লেফটেন্যাণ্ট লিসা ইভান্স—গ্রেণেল স্টেশনে মোতায়েন হওয়া নেভাল টিমের একমাত্র নারী-সদস্য। সুন্দর চেহারা, কিন্তু রুক্ষ। দেহ বেশ লম্বা-চওড়া। মাথায় ববকাট চুল। দেখলেই কিংবদন্তির আমাজন নারী-যোদ্ধাদের কথা মনে পড়ে যায়। এমনিতে অবশ্য লিসা খুবই অমায়িক মেয়ে। শ্রদ্ধাশীলও বটে।

‘এক্সকিউজ মি, ড. বেকেট,’ বলল সে। ‘ওমেগা থেকে একটা মেসেজ এসেছে আপনার জন্য।’

ভুরু কেঁচকাল শ্যারন। আবার কী হলো? জিজেস করল, ‘কী মেসেজ?’

‘বিমান নিয়ে কয়েকজন সিভিলিয়ান আজ তোরে ল্যাণ্ড করেছে ওখানে। সিকিউরিটির লোকেরা আটক করেছে ওদেরকে।’

বিস্ময় ফুটল শ্যারনের চেহারায়। ‘কতজন এসেছে? কী ওদের পরিচয়?’

‘মোট চারজন। একজন আলাক্ষার শেরিফ, সঙ্গে তাঁর বাবা। এ ছাড়া নুমার একজন অনারারি প্রজেক্ট ডিরেক্টর আর একজন শুভ্র পিঞ্জর-১

সাংবাদিক আছে ওঁদের সঙ্গে। সবার পরিচয় ভেরিফাই করে দেখা হয়েছে।'

'তা হলে আটকে রাখার দরকার কী?'

ইতস্তত করল লিসা। 'ইয়ে... প্রড়ো বে-র ঘটনার পর থেকে...' কথা শেষ করল না। কাঁধ ঝাঁকাল।

'হ্ম!' গল্পীর ভঙ্গিতে মাথা দোলাল শ্যারন, কেউ কোনও ঝুঁকি নিতে চাইছে না। 'কেন এসেছে ওরা, কিছু বলেছে?'

'ওরা এই স্টেশনের... মানে গ্রেণেলের খবর জানে।'

'কী! কীভাবে?'

'বলেনি,' মাথা নাড়ল লিসা। 'শুধু বলছে, ঝামেলা দেখা দিতে চলেছে এখানে। পাইপলাইনে স্যাবোটাজের সঙ্গে নাকি সম্পর্ক আছে এর। এর বেশি আর কিছু বলতে রাজি হয়নি। অথোরিটি আছে, এমন কারও সঙ্গে দেখা করতে চাইছে। আমরা অনেক চেষ্টা করেও ক্যাপ্টেন গরডনের সঙ্গে যোগাযোগ করতে পারিনি।'

বুঝল শ্যারন, ক্যাপ্টেনের অনুপস্থিতিতে ওকেই এখন সামলাতে হবে ব্যাপারটা। বলল, 'আমি এখুনি ফিরছি ওমেগা স্টেশনে। ওখানে গিয়ে কথা বলব। খবরটা জানিয়ে দিতে পারো।'

ঘুরতে যাচ্ছিল ও, থেমে গেল লিসার ডাক শুনে।

'আরেকটা ব্যাপার, ড. বেকেট! এখানে আসতে চাইছে ওরা। খুব চেঁচামেচি জুড়েছে এ-নিয়ে।'

মানা করে দিতে যাচ্ছিল শ্যারন, কিষ্ট মত বদলাল পরযুক্ত হতে। একটু আগেই বিতৰণ অনুভব করছিল এখানকার রহস্য ধামাচাপা দেওয়া নিয়ে। নিজে তাতে তাল মেলায় কীভাবে? ভালমত ভেবে দেখল ব্যাপারটা। একজন সাংবাদিক এলে মন্দ হয় না, সবকিছু টুকে নিতে পারবে... সময়-সুযোগমত প্রকাশ

করতে পারবে সব সারা পৃথিবীর সামনে। সঙ্গে যদি একজন শেরিফ আর নুমার মত বিখ্যাত সংগঠনের স্টাফ সাক্ষী হিসেবে থাকে...

আরেকটু ভাবল শ্যারন। এখন যদি ওমেগায় ফিরে যায় ও, নিঃসন্দেহে ঝড়ের কারণে আটকা পড়ে যাবে কয়েকদিনের জন্য। এর মাঝে ফিরে আসবেন ক্যাপ্টেন গরডন, কিছুতেই তিনি কোনও বহিরাগত মানুষকে ঘেঁপেল স্টেশনে আসতে দেবেন না। ইচ্ছে থাকলেও উপায় নেই, ওপরমহল থেকে কড়া নির্দেশ আছে তাঁর উপরে। কিন্তু অমন কোনও বিধি-নিষেধের জালে আবদ্ধ নয় শ্যারন। বড় করে শ্বাস নিল ও। ছেউ একটা সুযোগ সৃষ্টি হয়েছে সত্যকে বাইরের দুনিয়ায় পৌছে দেবার, এমন সুযোগ কিছুতেই হাতছাড়া করা যায় না।

লিসার দিকে ফিরল ও। নির্দেশ দিল, ‘বন্দিদেরকে এখানে নিয়ে আসার ব্যবস্থা করো।’

‘জী?’ লিসা মনে হলো কথাটা বুঝতে পারেনি।

‘এখানেই ওদের সঙ্গে কথা বলব আমি।’

একটা ভুরু উঁচু করল লিসা। ‘আমার মনে হয় না লেং কমাঞ্চার রাইট তাতে রাজি হবেন।’

‘ওদেরকে এখানেও তো আটকে রাখা যাবে,’ যুক্তি দেখাল শ্যারন। ‘রাইটকে বলো, নিরাপত্তার জন্য যত খুশি লোক পাঠাতে পারে, আমার আপত্তি নেই। কিন্তু ঝড় শুরু হবার আগেই ওদেরকে এখানে ঢাই আমি। দ্যাটস্ অ্যান অর্ডার।’

শ্যারনের দৃঢ় গলা শুনে একটু সিঁটিয়ে গেল লিসা। ক্যাপ্টেন গরডন এবং অন্যান্য সিনিয়র অফিসারদের অনুপস্থিতিতে ড. বেকেটেই যে সবকিছুর ইনচার্জ, তা মনে পড়ে গেল। ‘ইয়েস, ম্যাম!’ গোড়ালি ঠুকে বলল সে। চলে গেল রেডিওরংমের দিকে।

দীর্ঘশ্বাস ফেলে নিজের কামরায় আবার ফিরে গেল শ্যারন।

নামিয়ে রাখল জিনিসপত্র। সোজা হতেই হকচকিয়ে গেল দরজায় ড. জেফরি বেন্টনকে দেখতে পেয়ে। বধির হবার এই এক সমস্যা। পায়ের আওয়াজ শোনা যায় না।

‘কিছু হয়েছে, জেফরি?’ জিজেস করল শ্যারন।

চেহারায় উদ্বেগ ঘুটে আছে বেন্টনের। ইতস্তত করে বলল, ‘ইয়ে... মেগানকে দেখেছেন আপনি, ড. বেকেট?’

‘মেগান গুড? আপনার অ্যাসিস্টেন্ট?’

মাথা ঝাঁকাল বেন্টন।

নাক চুলকাল শ্যারন। ‘যদূর মনে পড়ে, স্নেক পিটে ঢুকেছিল আমার পিছু পিছু। হাতে স্কেটস দেখেছি ওর। হয়তো প্র্যাকটিস করছে ওখানে।’

ঘড়ি দেখল বেন্টন। ‘এক ঘণ্টা আগে ফেরার কথা ছিল ওর। একসঙ্গে আমাদের... ইয়ে... কিছু ডেটা নিয়ে বসার কথা।’

‘টানেলে আলাদা হয়ে যাবার পর থেকে দেখিনি ওকে।’

উদ্বেগের ছায়াটা আরও গাঢ় হলো বেন্টনের মুখে।

‘হারিয়ে-টারিয়ে যায়নি তো?’ অনুমান করল শ্যারন। ‘স্নেক পিটের ভিতরটা তো রীতিমত গোলকধারা।’

‘আমি বরং গিয়ে দেখি,’ বলল বেন্টন। ‘ওর রুট আমি চিনি।’ উল্টো ঘূরে হনহন করে চলে গেল সে।

‘কাউকে সঙ্গে নিয়ে যান,’ পিছন থেকে বলে দিল শ্যারন।

হাত নাড়ল বেন্টন। পরামর্শটা গ্রহণ করল না প্রত্যাখ্যান করল, বোঝা গেল না। তার অপস্থিমাণ অবয়বের দিকে তাকিয়ে থাকতে থাকতে শ্যারনও আক্রান্ত হলো উৎকণ্ঠায়। মেগানের সঙ্গে মোটামুটি ঘনিষ্ঠতা আছে ওর, বেশ পছন্দ করে মেয়েটাকে। আহত-টাহত হয়ে কোথাও পড়ে নেই তো? চিন্তিত মুখে কামরা থেকে বেরিয়ে এল ও।

ডাইনিং স্পেসে একটা টেবিলে বসে আছেন ড. মিকেলসেন।

শ্যারনকে দেখতে পেয়ে হাত নাড়লেন। সেদিকে এগিয়ে গেল
ও।

‘আপনি এখনও এখানে?’ বিস্মিত গলায় বললেন বৃন্দ
ওশনোঘাফার। ‘যাননি?’

‘প্ল্যানে সামান্য রদবদল করতে হয়েছে,’ হালকা গলায় বলল
শ্যারন। ‘যাব না ঠিক করেছি।’

‘হ্রম! এনিওয়ে, মরিসের সঙ্গে কথা বলছিলাম আমি,’ টেবিলে
উপবিষ্ট দ্বিতীয় মানুষটার দিকে ইশারা করলেন মিকেলসেন। ড.
মরিস রেনার্ড—কানাডিয়ান আবহাওয়াবিদ। ‘বাইরে কিছু সেঙ্গের
বসিয়েছে ও। ওগুলো থেকে পাওয়া ঢেটা বলছে, ঝড়টা মারাত্মক
আকার ধারণ করবে। ঝড়ের কেন্দ্রস্থলে অলরেডি ঘণ্টায় সত্ত্বে
মাইল বেগে বইছে বাতাস।’

মাথা ঝাঁকাল রেনার্ড। ‘ছেটখাট প্রলয় বলতে পারেন।
এখানে ভালমতই আটকা পড়ব আমরা।’

গম্ভীর হয়ে গেল শ্যারন। নবাগতদের সাবধানবাণী মনে পড়ে
গেছে। বিপদ দেখা দিতে চলেছে আইস স্টেশন ঘেণুলে। কেন
যেন মনে হচ্ছে, ওরা এমন কিছু জানে, যা এখানকার লোকেরা
জানে না। বিপদ বলতেও কোনও প্রাকৃতিক দুর্যোগকে
বোঝায়নি।

‘কোনও সমস্যা, ড. বেকেট?’ জিজেস করল রেনার্ড।
‘আপনাকে খুব চিন্তিত দেখাচ্ছে।’

‘না,’ তাড়াতাড়ি বলল শ্যারন। ‘কিছু না।’

ওমেগা ড্রিফট স্টেশন।

বাড়তি কোল্ড গিয়ার সরবরাহ করেছে নেভির লোকেরা,
সেখান থেকে একটা পারকা গায়ে ঢ়াল রানা, মাথায় পরল
উলের ক্যাপ, হাতে মোটা গ্লাভস। ওর সঙ্গীরাও ব্যস্ত কাপড়

পরায়। আড়চোখে প্রহরীদের দিকে তাকাল ও।

‘সানগ্লাসও লাগবে আপনাদের,’ বলে উঠল লেঃ কমাণ্ডার
রাইট।

‘আমার কাছে সানগ্লাস নেই,’ নিজের ব্যাকপ্যাক ঘেঁটে জানাল
ম্যাসন। একটু আগে বিমান থেকে প্যাকটা এনে দিয়েছে এক
নাবিক।

বিরস মুখে পকেট থেকে নিজের সানগ্লাসটাই তার হাতে তুলে
দিল রাইট, আপাতত ওমেগাতেই থাকবে সে, সানগ্লাসের
প্রয়োজন নেই। আচরণে বিরক্তি চাপা থাকল না। ড. বেকেটের
সঙ্গে কিছুতেই একমত হতে পারেনি, মন খুঁতখুঁত করছে অচেনা
মানুষগুলোকে রাশান বেইসে পাঠানোর ব্যাপারে। নির্দেশটা অন্য
কোনও সিভিলিয়ানের কাছ থেকে এলে হয়তো বা প্রতিবাদই করে
বসত। কিন্তু প্যাসিফিক সাবমেরিন ফিল্টের কমাণ্ডার অ্যাডমিরাল
হেনরি বেকেটের মেয়েকে খেপিয়ে নিজের পায়ে কুড়াল মারতে
চায়নি। বলা যায় না, বাপের কাছে অভিযোগ করে হয়তো বা তার
চাকরিই গরম করে দিল মেয়েটা!

হাঁটু গেড়ে বসে লোবোকে আলিঙ্গন করল অ্যাবি, হাত বুলিয়ে
দিল মাথায়। ‘লক্ষ্মী ছেলে হয়ে থাকিস,’ কুকুরটাকে বলল ও।
‘আমরা খুব শীত্রি ফিরব।’

মন খারাপ ওর। সাফ সাফ জানিয়ে দিয়েছে রাইট—রাশান
বেইসে কুকুর নেয়া যাবে না, ওকে রেখে যেতে হবে এখানে।
অপরিচিত মানুষের মাঝে প্রিয় কুকুরটাকে ফেলে যেতে মন চাইছে
না অ্যাবির। কিন্তু উপায়ও নেই।

পিছন থেকে অল্লবয়েসী এক নাবিক এগিয়ে এল। বলল,
‘কিছু ভাববেন না, ম্যাম। আপনার কুকুরটাকে ভালমতই
দেখেওনে রাখব আমি।’

উঠে দাঁড়িয়ে নাবিকের মুখোমুখি হলো অ্যাবি। স্থানীয়

চেহারা। নেমটালি পড়ল—জিম পাটইয়াক। বিস্মিত হয়ে বলল,
‘তুমি ইন্দুইট?’

‘হ্যাঁ, ম্যাম,’ মাথা ঝোঁকাল নাবিক। ‘এনসাইন জিম
পাটইয়াক... অ্যাট ইয়োর সার্ভিস।’

‘পাটইয়াক?’ ভুরু কোঁচকালেন রিচার্ড। এগিয়ে এলেন ওদের
দিকে। ‘তুমি জন পাটইয়াকের ছেলে নও তো?’

‘জী, স্যর। আপনি চেনেন আমার বাবাকে?’

‘চিনি না মানে!’ মুখ উজ্জ্বল হয়ে উঠল রিচার্ডের। ‘ও তো
আমার পুরনো বন্ধু! অনেকদিন দেখা নেই। অ্যাবি, তুইও তো
দেখেছিস ওদেরকে ছোটবেলায়। মনে হয় ভুলে গেছিস।
তারপর? কেমন আছে জন?’

‘বয়স হয়ে গেছে, আগের চেয়ে দুর্বল। সময় করে দেখে
আসেন না কেন ওঁকে?’

‘যাব... নিশ্চয়ই যাব।’

‘অ্যাই!’ খেঁকিয়ে উঠল রাইট। ‘তোমাদের রি-ইউনিয়ন বন্ধু
করো। বড় আসতে বেশি দেরি নেই।’

তার দিকে অগ্নিদৃষ্টি হানল অ্যাবি। জিমকে বলল, ‘আমরা তা
হলে আসি। পরে কথা হবে। খেয়াল রেখো লোবোর দিকে।’

‘একদম চিন্তা করবেন না ওকে নিয়ে।’ হাসল জিম। ‘যান।’

‘সবাই রেডি?’ জিজ্ঞেস করল রাইট। ‘তা হলে রওনা হয়ে
যান। এসকর্ট থাকছে আপনাদের সঙ্গে। প্রিজ, ওদের অবাধ্য
হবেন না। যখন যে-নির্দেশ দেয়া হবে, সেটাই পালন করবেন।
নইলে কঠোর হতে বাধ্য হবে ওরা।’

‘ইটস ওকে, লেং কয়াগার,’ রানা বলল। ‘আমাদেরকে শক্ত
ভাবার কোনও দরকার নেই।’

‘আমি শুধু সাবধান থাকতে চাইছি,’ গল্পীর গলায় বলল
রাইট। ‘দয়া করে রওনা হন এবার। দেরি করলে কর্তৃত করলে
শুভ পিঞ্জর-১

পড়বেন।'

অস্ত্রধারী চারজন প্রহরী এগিয়ে এল। ইশারা করল ওদেরকে এগোবার জন্য। মেস হল থেকে বেরিয়ে এল দলটা, হাঁটতে শুরু করল করিডোর ধরে।

রানার পাশে চলে এল অ্যাবি। বলল, 'ব্যাপারটা অস্তুত লাগছে না তোমার? আমাদেরকে রাশান বেইসে যেতে দিচ্ছে?'

'সিন্ধান্তটা এখানকার রিসার্চ টিম লিডারের,' রানা বলল। 'শুনলাম কোন্ এক অ্যাডমিরালের মেয়ে। তাই বোধহয় ঘাঁটাবার সাহস পায়নি তাকে।'

'তারপরেও...'

'কথা নয়, প্রিজ,' পিছন থেকে বলে উঠল এক এসকট। 'দ্রুত পা চালান।' অনুরোধের মত শোনালেও, আসলে আদেশ দেয়া হুলো ওদেরকে।

চুপচাপ জেমসওয়ে হাট থেকে বেরিয়ে এল দলটা। বাইরে পা রাখতেই চরম আক্রোশ নিয়ে হামলা চালাল ঠাণ্ডা বাতাস। হাত-পা জমে যাবার জোগাড়। কয়েক সেকেণ্ডের মধ্যে উন্মুক্ত চামড়া আর কাপড়-চোপড়ের উপর জমে গেল বরফের পরত। আকাশের সূর্যও ছান হয়ে গেছে, চারদিকে গোধূলির মত অঙ্ককার। তুষারবাঢ়ের পূর্ব-লক্ষণ।

স্টেশনের পাশে পার্ক করে রাখা হয়েছে দুটো স্লোক্যাট। সেদিকে ওদেরকে নিয়ে চলল এসকটরা। হঠাৎ দূর থেকে ভেসে কড়-কড়-কড়াৎ আওয়াজ। ভয়ার্ট দৃষ্টিতে সেদিকে তাকাল ম্যাসন। জিঞ্জেস করল, 'কীসের আওয়াজ?'

'বরফ ভাঙছে,' বলল রানা। 'এখানকার বাতাস অত্যন্ত শক্তিশালী। সারফেস আর প্রেশার রিজের গা থেকে ভেঙেচুরে তুলে আনছে বরফ।'

'কথা শুনে মনে হচ্ছে আপনি এ-সবের সঙে পরিচিত।'

‘আর্কটিকে আগেও এসেছি আমি। বহুবার।’

আবারও বজ্রপাতের যত আওয়াজ হলো। কপালে চিন্তার রেখা ফুটল রানার। বোঝা যাচ্ছে, চরম আকার ধারণ করতে চলেছে ঝড়। রীতিমত তাওৰ বাধিয়ে দেবে বরফদ্বীপের উপর। ওমেগা স্টেশনের দিকে চাইল—জেমসওয়ে হাটগুলো যথেষ্ট মজবুত, কিন্তু প্রকৃতির আক্রেশ পাহাড়কেও টলিয়ে দিতে পারে, মানুষের তৈরি ক'টা কুঁড়েঘর তো কোন্ ছার! আশা করল, পরিস্থিতি খারাপ হয়ে গেলে বিকল্প শেল্টার নেবার ব্যবস্থা আছে বিজ্ঞানীদের।

স্নোক্যাটের পাশে পৌছুল দলটা। অ্যাবি আর রিচার্ডকে একটায় ওঠাল এসকর্ট। অন্যটার দিকে নিয়ে চলল রানা আর ম্যাসনকে। রাইটের কৌশল বুঝতে কষ্ট হলো না রানার। বিচ্ছিন্ন করে দিচ্ছে ওদের চারজনকে—মানুষ যত কম, পাহারা দিতে তত সুবিধে।—এর মানে হলো, সামান্য এক বিন্দু বিশ্বাসও করছে না সে অতিথিদেরকে।

ওদিকে প্রথম স্নোক্যাটের সামনে, ড্রাইভারের পাশের সিটে উঠে বসেছেন রিচার্ড আর অ্যাবি। অন্তর্সহ দু'জন এসকর্ট উঠল পিছনে। ইঞ্জিন চালু করল ড্রাইভার। বলল, ‘কিছু মনে করবেন না, হিটার চালাতে পারছি না। ত্রিশ মাইল যেতে হবে আমাদেরকে, তেল বাঁচানো দরকার।’

‘অসুবিধে নেই,’ বলল অ্যাবি। ‘আমরা আলাক্ষার মানুষ, ঠাণ্ডায় অভ্যন্ত।’ স্নোক্যাটের ভিতরটা বাইরের তুলনায় গরম, খারাপ লাগছে না ওর।

মাথা বাঁকিয়ে গিয়ার বদলাল ড্রাইভার। বরফের বুকে কামড় বসাল ট্র্যাক, মুখ ঘুরিয়ে চলতে শুরু করল স্নোক্যাট। দ্বিতীয়টা আগেই রওনা হয়েছে, ওটার পিছু পিছু এগোল। কিছুদূর এগিয়েই ড্যাশবোর্ডের একটা বোতাম চাপল ড্রাইভার, নিচু লয়ের গান শুন্ন পিঞ্জর-১

ভেসে এল স্পিকার থেকে ।

‘ধ্যান্ডেরি! ’ পিছন থেকে বলে উঠল এক এসকট । ‘কী এক
মরা গান লাগিয়েছ! ভাল কিছু নেই?’

‘খবরদার! ’ হাঁশিয়ার করল ড্রাইভার । ‘ঘ্যান ঘ্যান করলে কিন্তু
উচ্চাঙ্গ সঙ্গীত বাজাব!’

‘না, না, কোনও দরকার নেই । অপূর্ব তোমার রুচি । খুব
সুন্দর গান বাজাচ্ছ !’

হেসে ফেলল অ্যাবি । চোখ ফেরাল বাইরে । দ্রুত পিছে পড়ে
যাচ্ছে ওমেগা স্টেশন । সিকি মাইল যেতেই জমাট কুয়াশার
আড়ালে আবছা হয়ে এল । সোজা হতে যাচ্ছিল ও, থেমে গেল
চোখের কোণে নড়াচড়া লক্ষ করে । স্টেশন থেকে খানিক দূরে
আলোড়ন উঠেছে বরফের গায়ে, ফুলে উঠেছে সারফেস । হঠাৎ
সশব্দে বিস্ফোরিত হলো, সেখান দিয়ে উদয় হলো কালচে একটা
আকৃতি । স্থির চোখে তাকিয়ে রইল অ্যাবি, জিনিসটা কী বুঝতে
পারছে না ।

কয়েক মুহূর্ত পরে বাতাসের তোড়ে একটু হালকা হয়ে এল
কুয়াশা, উঁচু হয়ে থাকা কোনিং টাওয়ার চিনতে পারল ও । বরফ
ভেদ করে উঠে এসেছে একটা সাবমেরিন । খোলের বিভিন্ন ফুটো
দিয়ে বেরিয়ে আসছে বাশ্পের ধারা, যেন ওটা কোনও জীবন্ত
প্রাণী । হ্যাচ খুলে যেতে দেখল ও । দ্রুতগতিতে অনেক মানুষ
নেমে আসছে সাবমেরিন থেকে ।

‘ওটা কি আপনাদের সাবমেরিন? ’ জিজেস করল অ্যাবি ।

একসঙ্গে ঘাড় ফেরাল তিন নৌ-সদস্য । ড্রাইভারের দৃষ্টিশক্তি
সবচেয়ে প্রথর । সে চেঁচিয়ে উঠল, ‘আরে! এ তো দেখছি
রাশানরা!!’

ব্রেক কষে স্লোক্যাট থামিয়ে ফেলল সে । সামনে তাকাল
অ্যাবি । রানাদের স্লোক্যাট এগিয়ে যাচ্ছে আগের গতিতে । একটু

পরেই কুয়াশার মাঝে অদৃশ্য হয়ে গেল। সাবমেরিনটা সম্পূর্ণত লক্ষ করেনি ওরা।

স্নোক্যাটের বাকি আরোহীরা তখনও তাকিয়ে আছে পিছনদিকে। শান্ত গলায় রিচার্ড বললেন, ‘সাদা পারকা পরেছে ওরা। ক্যামোফ্লাজ।’

ঠিকই বলছেন ভদ্রলোক, একমত হলো নৌ-সদস্যরা। দরজা খুলে অন্তর হাতে নেমে পড়ল একজন এসকর্ট।

‘কোথায় যাচ্ছেন?’ বলল অ্যাবি। ‘ফিরে আসুন।’

কথা শুনল না সে। মূর্তির মত দাঁড়িয়ে রইল ওমেগা স্টেশনের দিকে মুখ করে। গল্পীর চোখে জরিপ করছে রাশান সাবমেরিন আর ছোটাছুটি করতে থাকা মানুষগুলোকে।

কুয়াশার মাঝে লেজার সাইটের ঝলকানি দেখা গেল। এর খানিক পরেই বিস্ফোরণের আওয়াজ ভেসে এল সাবমেরিনের আপার ডেক থেকে। বাতাস ভেদ করে ছুটে গেল একটা রকেট, সরাসরি গিয়ে আঘাত হানল ড্রিফট স্টেশনের বাইরের দিককার একটা হাটে। লাল-কমলা শিখা ছড়িয়ে টুকরো টুকরো হয়ে গেল হাট, বরফের গায়ে সৃষ্টি হলো দশ ফুট চওড়া একটা গর্ত।

‘ওহ গড়!’ শুঙ্গিয়ে উঠল পিছনের সিটে বসা দ্বিতীয় এসকর্ট। ‘স্যাটেলাইট অ্যারে উড়িয়ে দিয়েছে ওরা!'

অ্যাবি লক্ষ করল, লাল রঙের একটা লেজার পয়েন্টার নাচানাচি করছে বরফের উপর, এগিয়ে আসছে ওদের দিকে। কয়েক সেকেণ্ড পরেই স্থির হলো স্নোক্যাটের গায়ে। ওদেরকে দেখে ফেলেছে শক্রবা!

‘মুভ!’ চেঁচাল ও।

নড়ল না ড্রাইভার। বসে আছে হতভম্বের মত। শরীর মুচড়ে একটা পা বাড়িয়ে দিল অ্যাবি, চেপে ধরল অ্যাকসেলারেটর। গিয়ার দেয়াই ছিল, ঝাঁকি খেয়ে আগে বাঢ়ল স্নোক্যাট।

‘করছেন কী আপনি?’ রাগী গলায় বলল ড্রাইভার। ধাক্কা দিয়ে সরিয়ে দিল অ্যাবির পা।

‘কী ঘটছে দেখতে পাচ্ছেন না?’ খ্যাপাটে গলায় বলল অ্যাবি। ‘আপনাদের কমিউনিকেশন সিস্টেম উড়িয়ে দিয়েছে ওরা। ভেবেছেন আমাদেরকে যেতে দেবে?’

ওর বক্তব্যকে সমর্থন করার জন্যই বুবি দূর থেকে গর্জে উঠল আগ্রেয়ান্ত্র। বরফ ছিটকাল স্লোক্যাটের দু’পাশে। নিজের রাইফেল তুলে পাল্টা গুলি চালাল বাইরে দাঁড়ানো এসকট। চেঁচাল, ‘মুভ, গড ড্যাম ইট! মুভ!!’

মাথা ঝাঁকিয়ে অ্যাকসেলারেটরে চাপ দিল ড্রাইভার, তবে জোরে ছুটল না। সঙ্গীকে তুলে নেবার ইচ্ছে।

আরেকবার গুলি করল প্রথম এসকট। তারপর উল্টো ঘুরে দৌড়াতে শুরু করল ধাবমান বাহনের পিছু পিছু। সঙ্গে সঙ্গে আরও অনেকগুলো লেজার পয়েন্টার জ্যান্ট হয়ে উঠল। এরপর ছুটে এল বুলেটের অঝোর ধারা। দৌড়ের মধ্যেই হমড়ি খেলো এসকট, মুখ থুবড়ে পড়ল বরফের উপর। পায়ের নীচটা ভেসে যাচ্ছে রক্তে।

‘ফার্নান্দেজ!’ সঙ্গীর নাম ধরে চেঁচিয়ে উঠল দ্বিতীয় এসকট। এক লাফে নেমে গেল স্লোক্যাট থেকে। দৌড়ে আহত মানুষটার কাছে গেল ও, টেনে-হিঁচড়ে নিয়ে আসতে শুরু করল বাহনের দিকে।

ব্রেক কষল ড্রাইভার। হামাগুড়ি দিয়ে পিছনের সিটে চলে গেল অ্যাবি। কয়েক মুহূর্ত পর সাহায্য করল ফার্নান্দেজকে ভিতরে ওঠাতে।

‘আগে বাড়ো!’ ড্রাইভারের উদ্দেশে চেঁচাল ফার্নান্দেজ। ‘এখানে বসে থাকলে খতম হয়ে যাব।’ উরুতে গুলি লেগেছে তার। হাবভাবে মনে হলো, ভয় বা ব্যথার চাইতে ক্রোধই বেশি

অনুভব করছে সে।

গিয়ার পাল্টে ফ্রেরবোর্ডের উপর অ্যাকসেলারেটর চেপে ধরল ড্রাইভার। বিশ্রী আওয়াজ তুলে মরিয়ার মত ছুটল স্নোক্যাট। অ্যাবি তখন ফার্নান্দেজের পায়ে রুমাল বাঁধায় ব্যস্ত।

সামনের দিকে ফ্যাল ফ্যাল করে তাকিয়ে আছেন রিচার্ড। রানাদের স্নোক্যাট অদৃশ্য হয়ে গেছে কুয়াশার আড়ালে। নিজেরাও যদি পারতেন! ভাবনাটা শেষ হবার আগেই বাইরে থেকে ভেসে এল বাতাসে শিস কাটার আওয়াজ। মাথার উপর দিয়ে উড়ে কী যেন একটা আছড়ে পড়ল সামনের বরফে।

‘যাশ্শালা!’ গাল দিয়ে উঠল ড্রাইভার।

পরক্ষণেই ঘটল বিস্ফোরণ। আকাশের পানে লাফ দিল সামনের বরফ, শকওয়েভের ধাক্কায় চৌচির হয়ে গেল উইণ্ডশিল্ড। কানে তালা লেগে গেল আরোহীদের। সচেতনভাবে নয়, স্বেফ ইঙ্গিটিক্স্টের বশে একদিকে স্নোক্যাটকে ঘূরিয়ে নেবার চেষ্টা করল ড্রাইভার। ভারী বাহনটার একদিক উঁচু হয়ে গেল, ব্যালাস নষ্ট হয়ে গেছে।

মাথা ঝনঝন করছে অ্যাবির, একটু উঁচু হয়ে চেষ্টা করল কী ঘটছে সেটা দেখতে। বরফের ধারা আর ধোঁয়ার ফাঁকফোকর দিয়ে চোখে পড়ল বিশাল এক গর্ত, বিস্ফোরকের ধাক্কায় সৃষ্টি হয়েছে, ভিতরে টলটল করছে আর্কটিকের হিম-শীতল পানি। গর্তটাকে এড়াবার জন্য যুবাছে ড্রাইভার।

খুব একটা লাভ হলো না। গর্তের কিনারায় ঠিকমত কামড় বসাতে পারছে না ট্র্যাক, পিছল খেয়ে বাহনটা নেমে যাচ্ছে নীচে। বানের মত খিস্তিখেউড় বেরুল ড্রাইভারের মুখ দিয়ে, গিয়ার বদলে সর্বোচ্চ শক্তি বের করে নিতে চাইল ইঞ্জিন থেকে। চোখ বন্ধ করে ফেলল অ্যাবি, অদ্ধৃতকে মেনে নিয়েছে, কিছুতেই আর বাঁচা সম্ভব নয়। অন্যদেরও কমবেশি একই অবস্থা।

হঠাতে ঝাপ দিল স্নোক্যাট, ঠিক যেভাবে আহত সিংহ ঝাপ দেয়... উঠে এল কয়েক ফুট। কীভাবে যেন গর্তের কিনারায় আটকে গেছে চাকার ট্র্যাক, কয়েক সেকেণ্ডের মধ্যে উঠে আসতে শুরু করল মৃত্যুকৃপ থেকে। উল্লাসে হৈ-হৈ করে উঠল পিছনের সিটের দুই নৌ-সদস্য।

কিন্তু ভাগ্য বিরুদ্ধ। সবে সোজা হতে শুরু করেছে স্নোক্যাট, এমন সময় নীচ থেকে ভেসে এল মড়মড় আওয়াজ। ভারী বাহনটার ওজনে আর্তনাদ করছে গর্তের কিনারের ঠুনকো বরফ। ঝট করে ডোর-হ্যাণ্ডেলের দিকে হাত বাড়াল অ্যাবি, চেষ্টা করবে দরজা খুলে লাফ দিয়ে বেরিয়ে যাবার... পারল না।

আচমকা অবলম্বন হারাল স্নোক্যাট, বরফধসের সঙ্গে তাল মিলিয়ে হড়মুড় করে নেমে গেল নীচে। ঘাপাস করে আছড়ে পড়ল মৃত্যুশীতল পানিতে।

বাইশ

পোলার সেটিনেলের কন্ট্রোল ব্রিজে দাঁড়িয়ে আছেন ক্যাপ্টেন গরডন। আশপাশে ভিড় জমিয়েছে ক্রু-রা। সবার চোখ চুম্বকের মত সেঁটে আছে সামনের মনিটর আর ইকুইপমেণ্ট। বাইরের একটা ডিজিটাল ক্যামেরা থেকে আসছে ফিড, দেখা যাচ্ছে আধমাইল দূরে মাথা জাগানো রাশান সাবমেরিন ড্রাকনকে। শুভ পটভূমিতে আবছাভাবে ফুটে উঠেছে ওটার আকৃতি। হাবভাবে

মনে হচ্ছে না পোলার সেণ্টিনেলের অন্তিভুর ব্যাপারে ওরা সচেতন।

‘ক্যাপ্টেন!’ ফায়ার কন্ট্রোল স্টেশন থেকে ফিসফিসিয়ে ডাকল কমাঞ্চার ফিশার। কানে একজোড়া হেডফোন লাগিয়ে রেখেছে সে। ‘হাইড্রোফোনে গোলাঞ্জির আওয়াজ পাচ্ছি আমরা।’

‘ড্যাম ইট!’ সর্বেদে বললেন ক্যাপ্টেন।

তাঁর দিকে ফিরল ফিশার। ‘আপনার নির্দেশের অপেক্ষায় আছি আমরা, ক্যাপ্টেন।’

ঠোঁট কামড়ালেন গরডন। করণীয় সম্পর্কে ভাবছেন। সোনার কল্ট্যাক্ট পাবার পর থেকে রাশান ডুবোজাহাঙ্গটাকে অনুসরণ করছেন তাঁরা—নিঃশব্দে এবং দ্রুতগতিতে। যুদ্ধাত্মক নেই সেণ্টিনেলে, তাই ড্রাকনকে বাধা না দেয়াই উভয় বলে মনে হয়েছে তাঁর কাছে। সারফেসে না ভেসে ওমেগা স্টেশনকেও সতর্ক করে দেয়া সম্ভব ছিল না। অগত্যা ছায়ার মত পিছে লেগে থেকেছেন ড্রাকনের... চেষ্টা করেছেন ওটার সেসরগুলোকে এড়িয়ে যেতে। এখন কী করবেন?

‘রকেট ফায়ারিং ডিটেক্ট করছি আমি, ক্যাপ্টেন!’ হঠাতে বলে উঠল সোনার সুপারভাইজর।

ক্রিনের দিকে ঢোক ফেরালেন ক্যাপ্টেন। সাদা একটা রেখা ফুটে উঠেছে আকাশে। বক্রাকার একটা পথে স্টেশনে এসে পৌছুল ক্ষেপণাত্মক, আঘাত হানল ছোট একটা কুটিরের গায়ে। হাইড্রোফোনের দরকার হলো না, খালি কানেই শোনা গেল বিফোরণের আওয়াজ। তারপর নেমে এল নীরবতা।

‘সম্ভবত স্যাটেলাইট অ্যারে-তে হিট করেছে ওটা,’ ফিসফিস করল ফিশার।

মাথা ঝাঁকালেন ক্যাপ্টেন। ড্রিফট স্টেশনের যোগাযোগ ব্যবস্থা ধ্বংস করে দিচ্ছে রাশানরা। স্যাটেলাইট ট্রান্সমিটার আর শুভ পিণ্ড-১

রিসিভার নষ্ট হয়ে যাওয়ায় বাইরের দুনিয়া থেকে ওমেগা স্টেশন সম্পূর্ণ বিচ্ছিন্ন। এখন যদি পোলার সেটিনেলেরও কিছু হয়, সর্বনাশের ঘোলকলা পূর্ণ হবে।

‘কী করব আমরা, ক্যাপ্টেন?’ অস্ত্রির গলায় জানতে চাইল ফিশার।

‘আপাতত কিছুই করার নেই আমাদের, রি-ইনফোর্মেণ্ট দরকার। কিন্তু এখানে কমিউনিকেশন অ্যাটেনা উঁচু করলে টের পেয়ে যাবে শক্ররা।’ কয়েক মুহূর্ত ভাবলেন গরডন। তারপর বললেন, ‘কমাঞ্চার, জাহাজের মুখ ঘোরাও। রাশান স্টেশনটায় নিয়ে চলো আমাদের। ওখান থেকে ব্রডকাস্ট করব আমরা। সিভিলিয়ানদেরকেও তুলে নেব জাহাজ। সন্দেহ নেই, ওমেগা স্টেশন দখলের পর ওদিকেই যাবে ড্রাকন।’

‘আই, আই, স্যুর।’

নিচু গলায় অর্ডার ইস্যু করল ফিশার। নিঃশব্দে পানিতে ডুব দিল সেটিনেল। হেলমস্ম্যান আর প্রেইনস্ম্যান মিলে নাক ঘোরাল ডুবোজাহাজের। ইঞ্জিনের মৃদু আওয়াজের সঙ্গে সচল হলো সাবমেরিন। দ্রুত সরতে শুরু করল ড্রাকনের নাগাল থেকে।

হাইড্রোফোনে এখনও ভেসে আসছে উপর্যুপরি শুলিবর্ষণ আর বিশ্বেরণের আওয়াজ। শব্দের সেই জঞ্জালের ভিতর হারিয়ে গেল সেটিনেলের আওয়াজ, সহজ হলো পিঠটান দেয়া। অবশ্য বাইরের আওয়াজ না থাকলেও খুব একটা অসুবিধে হতো না। নতুন প্রোপালশান সিস্টেম, এবং খোলের গায়ে সোনার-ওয়েভ গিলে খাবার মত প্রলেপ থাকার ফলে প্রচলিত যে-কোনও ডিটেকশন সিস্টেমকে ফাঁকি দিতে পারে সেটিনেল।

‘ব্রিশ মিনিটের মধ্যে রাশান স্টেশনে পৌছুব আমরা,’ ডাইভিং স্টেশন থেকে রিপোর্ট দিল কমাঞ্চার ফিশার।

‘খুব ভাল,’ বলে গম্ভীর হয়ে গেলেন ক্যাপ্টেন গরডন। চোখ

বোলালেন বিজ ক্রু-দের উপর। হতাশা বাসা বেঁধেছে সবার চেহারায়... সেইসঙ্গে চাপা ক্ষেত্র। লড়াই থেকে পালিয়ে আসার ব্যাপারটা মেনে নিতে পারছে না। কিন্তু এ-ও ঠিক, জয়ের কোনও সম্ভাবনা ছিল না তাঁদের। ঢাল-তলোয়ার ছাড়া রণক্ষেত্রে নামা হতো বোকামি। তারচেয়ে রাশান স্টেশন থেকে যে-ক'জনকে উদ্ধার করা যায়, তা-ই ভাল।

হঠাৎ শ্যারনের কথা মনে পড়ল ক্যাপ্টেনের। গতকাল প্রেগ্নেলে গেছে সে—দু'দল বিজ্ঞানীর মধ্যকার বিবাদ মীমাংসার জন্য। এর মধ্যে কি ফিরেছে ওমেগায়? নাকি এখনও রয়ে গেছে ওখানে? মেয়েটার অমঙ্গল আশঙ্কায় শুকিয়ে গেল বুক। শ্যারনের কিছু হয়ে গেলে কী জবাব দেবেন তিনি অ্যাডমিরাল বেকেটের কাছে?

ক্যাপ্টেনের পাশে এসে দাঁড়াল কমাণ্ডার ফিশার। নিচু গলায় বলল, ‘ওমেগা স্টেশন দখল করতে খুব বেশি সময় লাগবে না রাশানদের। ওদেরকে বাধা দেবার মত তো কেউই নেই ওখানে! এর অর্থ নিশ্চয়ই বুঝতে পারছেন, স্যর? খুব শীঘ্ৰি আমাদের পিছু পিছু থেরে আসবে ওরা।’

তিঙ্কতায় ভরে গেল ক্যাপ্টেনের মন। তাঁর এক্স.ও. ঠিকই বলেছে। খুব বেশি সময় পাবেন না তিনি ইভ্যাকুয়েশনের জন্য। হতাশা চাপা দিয়ে নির্দেশ দিলেন, ‘একটা বুইক রেসপন্স টিম রেডি করো, ফিশার। তুমই নেতৃত্ব দেবে ওটার। সমস্ত গিয়ার নিয়ে তৈরি থাকা চাই। সারফেস হবার সঙ্গে সঙ্গে নেমে যাবে তোমরা।’

‘ঠিক আছে, ক্যাপ্টেন। ইভ্যাকুয়েশনের জন্য কতটা সময় পাব, কিছু আন্দাজ করতে পারেন?’

দ্রুত হিসাব কষলেন গরডন। মাথায় রাখলেন দুই জাহাজের স্পিড আর অন্যান্য বিষয়। আর যা-ই হোক, ড্রাকনের সামনে শুভ পিঞ্জর-১

পড়ার বুঁকি নেয়া চলবে না তার। বললেন, ‘পনেরো মিনিট।
পনেরো মিনিটের মধ্যে আবারও ডাইভ দিতে চাই আমি।’

‘পনেরো মিনিট! বজ্জ কম হয়ে গেল না?’

‘কম-বেশি বুঝি না। দরকার হলে ঘাড় ধরে ন্যাংটো অবস্থায়
বের করে আনো সবাইকে... আমি পরোয়া করি না।
কাপড়-চোপড়, ইকুইপমেণ্ট, সাপ্লাই... কোনোকিছুর প্রয়োজন
নেই, শুধু মানুষগুলোকে চাই আমি।’

‘যেমনটা আপনার ইচ্ছে।’ স্যালিউট ঠুকে চলে গেল ফিশার।

আপন চিন্তায় আবার ডুবে গেলেন ক্যাপ্টেন গরডন।
শ্যারনের কথা ভাবছেন। কোথায় ও? কী করছে এখন?

স্লেক পিটের গভীরতম অংশে ড. বেন্টনকে অনুসরণ করে
এগোছে শ্যারন। ওমেগা স্টেশনে উদয় হওয়া চার আগস্টককে
গ্রেগোলি নিয়ে আসার নির্দেশ দেবার পর কিছুটা বিচলিত হয়ে
পড়েছিল ও। যদিও জানে, সরাসরি কোনও আদেশের বিরোধিতা
করেনি... তারপরেও কাজটা হয়েছে এক ধরনের নীরব বিদ্রোহের
মত। চার নম্বর লেভেলের রহস্য লুকিয়ে রাখার জন্যই চলছে
হাজার রকমের কড়াকড়ি, অথচ ওখানেই ও নিয়ে আসছে চারজন
অজানা-অচেনা মানুষকে। বুঝতে পেরেছে, ওর আচরণে অসম্ভব
হবেন ক্যাপ্টেন গরডন। শৃঙ্খলাপরায়ণ মানুষ, ঠিক ওর বাবার
মত—নিয়ম-কানুনের ব্যত্যয় একেবারেই পছন্দ করেন না। কিন্তু
নিজের নীতির প্রতিও অবিচল থাকতে চায় শ্যারন। চায়
এখানকার সব ঘটনার নিরপেক্ষ কিছু সাক্ষী থাকুক। সেজন্যেই
বুঁকিটা নিতে পিছপা হয়নি।

বিধাদৰ্শের দোলাচলে অস্তির হয়ে উঠেছিল ও। চুপচাপ বসে
থাকার মত মনের অবস্থা ছিল না। ঠিক করেছে কিছু একটা নিয়ে
ব্যস্ত রাখবে নিজেকে, চলে এসেছে স্লেক পিটে। দেখা যাক,
২৩৮

মেগান শুড়কে খুঁজে পাওয়া যায় কি না। কপাল ভাল, টানেলে চুকতেই দেখা পেয়ে গেছে ড. বেন্টনের। জুতোর সঙ্গে ক্র্যাম্পন আটকাচ্ছিল সে, রওনা হবার প্রস্তুতি। আর কেউ ছিল না সঙ্গে। শ্যারনের পরামর্শ উপেক্ষা করেছে লোকটা, একাই বেরচ্ছিল উদ্ধার অভিযানে।

‘সবাই ব্যস্ত,’ অজুহাতের সুরে বলেছে সে। ‘তা ছাড়া... ওয়াকি-টকি আছে আমার সঙ্গে।’

বলা বাহ্যিক, তাকে একা ছাড়েনি শ্যারন। থারমাল রেসিং সুট পরাই ছিল, শুধু একজোড়া ক্র্যাম্পন লাগিয়ে নিতে হয়েছে জুতোর নীচে। এরপর একসঙ্গে রওনা হয়েছে দু’জনে।

শ্যারনের সামনে হাঁটছে বেন্টন। মাথায় একটা মাইনিং হেলমেট পরেছে, পার হবার আগে হেডল্যাম্পের আলোয় দেখে নিচ্ছে প্রতিটা শাখা-টানেল আর গুহামুখ। খানিক পর পর মুখের কাছে তুলছে দু’হাত। ঠোঁট দেখা যাচ্ছে না, তারপরেও শ্যারন বুঝতে পারছে, মেগানের নাম ধরে ডাকাডাকি করছে সে।

উদ্বেজিত না হয়ে শান্ত ভঙ্গিতে এগোচ্ছে শ্যারন। দু’জনের মধ্যে অন্তত একজনকে মাথা ঠাণ্ডা রাখতে হবে। বেন্টনের পক্ষে সেটা সম্ভব নয়। ক্ষণে ক্ষণে উৎকর্ষ্টা বাড়ছে তার। তাই শান্ত থাকার ভূমিকাটা নিতে হচ্ছে শ্যারনকে। হাতে একটা ফ্ল্যাশলাইট রয়েছে ওর, কাঁধে ঝুলছে দড়ির গোছা। আলো ফেলে বার বার দেখে নিচ্ছে আশপাশ, ফেরার পথে যাতে পথ ভুল না করে। স্নেক পিটের অচেনা একটা অংশে এসে পড়েছে ওরা—এদিকটার ম্যাপিং করা হয়নি এখনও। চারপাশটা গোলকধার মত। যেদিকে তাকায় সেদিকেই নজরে পড়ে গুহামুখ, ছোট-বড় টানেল আর দেয়ালের গায়ে নানা আকারের ফাটল।

বরফের গায়ে স্প্রে-পেইন্টে আঁকা একটা তীরচিহ্ন স্পর্শ করল বেন্টন। ইতিমধ্যে জানতে পেরেছে শ্যারন—ওগুলো শুন্দি পিঞ্জর-১

মেগানের আঁকা। তীরচিহ্ন দিয়ে নিজের ক্ষেত্রের কোর্স ঠিক করেছে সে। অবশ্য মেয়েটাকে খোঁজার জন্য ওই তীরচিহ্নের প্রয়োজন নেই। টানেলের মেঝেতে স্পষ্টভাবে ফুটে আছে ওর ক্ষেত্রের গভীর দাগ। এই দাগ অনুসরণ করেই তল্লাশি চালাচ্ছে ওরা।

ক্রমাগত এগিয়ে চলেছে দু'জনে, একই সঙ্গে চলছে ডাকাডাকি। কিন্তু কোনও সাড়া পাওয়া যাচ্ছে না মেগানের। বিশ মিনিট হলো ঘুরপাক থাচ্ছে ওরা। হঠাৎ মেঝের দাগে একটু বৈসাদৃশ্য লক্ষ করল শ্যারন।

‘জেফরি?’ ডেকে উঠল ও।

ঘুরল বেন্টন। ‘কী হয়েছে?’

মেঝের দিকে ইশারা করল শ্যারন। ‘এখান থেকে কোর্স ছেড়েছে মেগান।’ আঙুল তুলল ডানদিকে। ‘ওদিকে গেছে।’

দেয়ালের মাঝে চওড়া একটা ফাটল দেখতে পেল ওরা, ওটার ভিতরে ঢুকে গেছে ক্ষেত্রের দাগ। অনুসরণ করল দু'জনে। এদিককার মেঝে অত্যন্ত পিছিল, ক্র্যাম্পন বিধিয়ে হাঁটতেও রীতিমত কসরত করতে হলো। কিছুদূর এগোতেই সংকীর্ণ হয়ে উঠল টানেল, ছাত আর দেয়াল থেকে বেরিয়ে আসা বরফ-গজালের মাঝ দিয়ে অগ্রসর হওয়া খুবই মুশকিল। কিন্তু থামেনি মেগান... ট্র্যাক বলছে—এর মাঝ দিয়েই এগিয়েছে ও। কারণ কী!

হঠাৎ থমকে দাঁড়াল বেন্টন। ঘাড় ফিরিয়ে পিছনদিকে তাকাল। যেন কিছু দেখার চেষ্টা করছে। শ্যারন প্রশ্নবোধক ভঙ্গিতে একটা হাত নাড়ল।

‘কীসের যেন আওয়াজ শুনলাম পিছন থেকে,’ বলল বেন্টন।

‘মেগান?’

‘উঁহঁ। মানুষের গলা না। অন্য কিছু।’

আঁতিপাঁতি করে ফেলে আসা পথের উপর দৃষ্টি বোলাল
বেন্টন। খাড়া রাখল কান। কিন্তু না, দেখা গেল না কিছু...
শোনাও গেল না। কাঁধ ঝাঁকিয়ে আবার সামনে পা বাড়াল সে।

একটু পরেই একটা খাদের কিনারে পৌছে গেল দু'জনে।
ওখানে পৌছে থাগল বেন্টন। হাঁটু গেড়ে বসল, তারপর আলো
ফেলল ভিতরে। পরমুহূর্তে মুখ থেকে রক্ত সরে গেল তার।
তাড়াতাড়ি শ্যারনও উঁকি দিল নীচে।

কালচে হয়ে আসা রক্তের পৌঁচ দেখা যাচ্ছে খাদের তলায়।
একপাটি স্কেটস্ পড়ে আছে তার পাশে... আর পড়ে আছে একটা
মাইনিং হেলমেট—হেল্ডল্যাম্প ভাঙা।

‘ও... ওগুলো মেগানের!’ কাঁপা কাঁপা গলায় বলল বেন্টন।

নীচে মেয়েটার দেহ দেখা যাচ্ছে না, তবে রক্তের দাগটা চলে
গেছে একপাশে... ওদের দৃষ্টিসীমার বাইরে।

‘ওখানে নামতে হবে আমাকে!’ হড়বড় করে বলল বেন্টন।
‘নীচ দিয়ে হয়তো বেরুবার অন্য কোনও পথ আছে... মেগান
হয়তো ওখান দিয়ে গেছে...’

তার মুখ থেকে দৃষ্টি সরিয়ে আবার খাদের তলায় তাকাল
শ্যারন। জমাট রক্তের পরিমাণ দেখে আশাবাদী হতে পারছে না;
তাই বলে মনে আঘাত দেয়া যায় না বেন্টনের। কাঁধ থেকে
দড়ির কুণ্ডলী খুলল ও। বেন্টনের দিকে বাড়িয়ে দিয়ে বলল,
‘আমই বরং নামি। ওজন কম আমার। আপনি সাপোর্ট দিতে
পারবেন। আপনার বেলায় সেটা সম্ভব হবে না আমার পক্ষে।’

কয়েক মুহূর্ত ইতস্তত করল বেন্টন, কিন্তু শ্যারনের যুক্তি
অগ্রহ্য করতে পারল না। মিনমিন করে বলল, ‘ঠিক আছে।’

হাত বাড়িয়ে দড়ি নিল সে। একটা লুপ বানিয়ে বগলের
তলায় আটকে ফেলল। দড়ির অন্যপ্রান্ত খাদের ভিতরে ফেলে
দিল শ্যারন। বেন্টনের দিকে ফিরে জিজেস করল, ‘আপনি

ରେଡ଼ି?

‘ହଁଯା । ଜଳନ୍ତି ଯାନ । ଖୁଜେ ବେର କରଣ ମେଗାନକେ ।’ ଅଞ୍ଚିରତା ଫୁଟଲ ବେନଟନେର ଗଲାଯ ।

ମାଥା ଝାକାଳ ଶ୍ୟାରନ । ଫ୍ଲ୍ୟାଶଲାଇଟ ଗୁଂଜଳ ପକେଟେ, ତାରପର ଦଢ଼ି ଧରେ ବୁଲେ ପଡ଼ିଲ । ଖାଦେର ଦେଯାଲେ ପା ଠେକିଯେ ର୍ୟାପଲିଂ କରେ ନାମଛେ । ଏକଟୁ ପରେଇ ପା ଠେକଲ ତଳାଯ । ଦଢ଼ି ଛେଡେ ଚେଁଚାଲ, ‘ପୌଛେ ଗେଛି !’

ପାଯେର ଆଓସାଜ ହଲୋ, ଖାଦେର କିନାରାଯ ଏସେ ଉଁକି ଦିଲ ବେନଟନ । ଦଢ଼ିର ବାଧନ ଖୋଲେନି । କୀ ଯେନ ବଲଲ ଶ୍ୟାରନକେ ଉଦ୍‌ଦେଶ କରେ, କିନ୍ତୁ ଚୋଖେର ଉପର ତାର ହେଡଲ୍ୟାମ୍ପେର ଆଲୋ ପଡ଼ାଯ ଠୋଟେର ନଡ଼ାଚଡ଼ା ବୁଝାତେ ପାରିଲ ନା ଓ । ହାତ ନାଡ଼ିଲ କେବଳ ।

ପକେଟ ଥେକେ ଫ୍ଲ୍ୟାଶଲାଇଟ ବେର କରିଲ ଶ୍ୟାରନ । ମେରୋତେ ଆଲୋ ଫେଲିତେ ଶୁରୁ କରେଛେ, ଏମନ ସମୟ ଟେର ପେଲ—ଉଳ୍କଟ ଏକଟା ଗଞ୍ଜ ଭାସଛେ ବାତାସେ—ବନ୍ଦ ଗୁହା, ବା ସୁଡଙ୍ଗେ ସ୍ୟେ-ରକମ ଭାସେ । ଗୁମୋଟ, ଭାରୀ, ଦମ ଆଟକେ ଆସା । ଜୋରେ ଜୋରେ ଶ୍ୟାମ ଟାନିଲ ଓ, ଚେଷ୍ଟା କରିଲ ବାଡ଼ି ଅଞ୍ଚିଜେନ ପେତେ । ଖୁବ ଏକଟା ଲାଭ ହଲୋ ନା । ଗଞ୍ଜ ଭୁଲେ ମନୋଯୋଗ ଦିଲ ହାତେର କାଜେ ।

ରଙ୍ଗେର ଦାଗ ଅନୁସରଣ କରେ ଏଗୋଲ ଓ । କିଛୁଦୂର ଗିଯେଇ ଓଟା ମିଶେ ଗେଛେ ଦେଯାଲେର ଗାସେ । ଫ୍ଲ୍ୟାଶଲାଇଟ ଘୋରାଳ ଶ୍ୟାରନ । ନା, ମେଶେନି ଦାଗ । ବଡୁସଡୁ ଏକଟା ଖୋଜିଲେର ମତ ଦେଖା ଯାଚେ, ଓଟାର ଭିତରେ ଗେଛେ ରଙ୍ଗଟା । ଆଲୋ ଫେଲେ ଭାଲମତ ଦେଖିଲ । ନା, ଖୋଜିଲେ ନନ୍ଦ । ଛୋଟ ଏକଟା ସୁଡଙ୍ଗ—ଢାଲୁ, ନେମେ ଗେଛେ ନୀଚେ । ଦେଖିତେ ଅନେକଟା ସୁଯାରେଜେର ଡ୍ରେନେର ମତ ।

ମୁଖେର କାହେ ହାତ ତୁଳିଲ ଶ୍ୟାରନ । ଗଲା ଚଢ଼ିଯେ ଡାକଲ, ‘ମେଗାନ ! ଆଛ ତୁମି ଓଖାନେ ?’

ଜବାବ ଏସେଛେ କି ନା ବୋଝାର ଉପାୟ ନେଇ, କାନେ ଶୋନେ ନା ଓ । ଉପରଦିକେ ମୁଖ ତୁଲେ ତାକାଳ । ମେଗାନ ଯଦି ଜବାବ ଦେଯ,

বেন্টন শুনতে পাবে। কিন্তু লোকটাকে অন্যদিকে মনোযোগী মনে হলো। খাদের তলায় আর তাকিয়ে নেই, মাথা ঘুরিয়ে রেখেছে পিছনদিকে... দেখতে চাইছে কী যেন।

কয়েক পা এগোল শ্যারন, পরক্ষণে থেমে গেল। কী যেন বাড়ি খেয়েছে জুতোর সঙ্গে। আলো ঘোরাল মেঝের দিকে। মেগানের জুতোটা দেখতে পেল, ওর পায়ের সঙ্গে বাড়ি খেয়ে ছিটকে গেছে দেয়ালের দিকে। দু'পাক খেয়ে থামল। সঙ্গে সঙ্গে আঁতকে উঠল শ্যারন।

খালি নয় জুতোটা। তাজা মাংস আর হাড়ি বেরিয়ে আছে উপর দিয়ে! ভিতরে রয়ে গেছে গোড়ালি-সহ মেগানের পায়ের নীচের অংশ।

আতঙ্কে চিৎকার করল শ্যারন। কোনও আওয়াজ বেরল না মুখ দিয়ে। অথবা হয়তো বেরল, কিন্তু নিশ্চিত হবার কোনও উপায় নেই ওর। সভয়ে পিছিয়ে গেল, পিঠ ঠেকাল উল্টোদিকের দেয়ালে। তাড়াতাড়ি আবার উপরে তাকাল, কিন্তু কেউ নেই ওখানে।

‘জেফরি!’ ডাকল শ্যারন।

সাড়া দিল না জিয়োলজিস্ট। তার হেডল্যাম্পের আলো দেখতে পাচ্ছে ও—নেচে বেড়াচ্ছে টানেলের দেয়াল আর ছাতের গায়ে। একই সঙ্গে নাচছে খাদের ভিতরে বুলতে থাকা দড়িটাও। করছে কী লোকটা!

‘জেফরি!!’ আবার ডাকল শ্যারন। এবার আগের চেয়ে জোরে।

সঙ্গে সঙ্গে থেমে গেল আলোর নাচ, টানেলের ছাতে স্থির হলো ওটা। স্থির হয়ে গেল দড়িটাও। কিন্তু খাদের কিনারায় উঁকি দিল না বেন্টন। বুকের ভিতরে হাতুড়ির বাড়ি পড়তে থাকল শ্যারনের। গলার ভিতরে দলা পাকিয়ে উঠেছে কী যেন। দুই

চোখে আতঙ্ক নিয়ে তাকিয়ে রইল উপর দিকে।

হঠাৎ একটা ছায়া সরে গেল বেনটনের হেডল্যাম্পের সামনে দিয়ে। বিশাল... কুঁজো একটা আকৃতি...

ফ্ল্যাশলাইটটা অস্ত্রের মত দু'হাতে বাগিয়ে ধরল শ্যারন। কিন্তু প্রবল আতঙ্কে থরথর করে কাঁপছে পুরো দেহ। ফ্ল্যাশলাইটটা ভীষণভাবে নড়তে থাকল হাতের ভিতরে।

আবারও দেখা গেল ছায়াটা। ধীরে ধীরে ছোট হচ্ছে... তারমানে এগিয়ে আসছে খাদের দিকে। সমস্ত সাহস উবে গেল শ্যারনের। পাশ ফিরে ছুটতে শুরু করল ও। খোঁড়লের কাছে গিয়ে ডাইভ দিল। চুকে পড়ল ভিতরে। হামাগুড়ি দিচ্ছে পাগলের মত। একটাই চিন্তা মাথায়—পালাতে হবে... পালাতে হবে ওকে!

কিছুদূর যেতে হাত-পা ফসকাল, ঢালু সুড়ঙ্গ ধরে পিছলে নামতে শুরু করল ও। গতি বাড়ছে প্রতিমুহূর্তে। চেষ্টা করেও থামাতে পারল না নিজেকে। কতক্ষণ ওভাবে কাটল বলতে পারবে না, হঠাৎ একটা ঝাঁকি খেয়ে থেমে গেল দেহটা। ফ্ল্যাশলাইটের আলোয় দেখল, আবার সমান্তরাল হয়ে এসেছে সুড়ঙ্গ। কয়েক গজ দূরে ওটার অন্যপ্রান্তের মুখ।

সুড়ঙ্গ থেকে বেরিয়ে এল শ্যারন। বরফের গভীরে ছোট একটা প্রকোষ্ঠে এসে পৌছেছে। ছাত বেশি উঁচু নয়। দাঁড়াতে গেলে মাথা বাড়ি খাবে উপরে। দাঁড়াল না ও। ফ্ল্যাশলাইট ঘোরাল চারদিকে। পরিণত হলো পাথরে।

এ কোথায় এসেছে ও!

ছোট প্রকোষ্ঠের পুরোটা জুড়ে ছড়িয়ে ছিটিয়ে পড়ে আছে অগণিত হাড়। কিছু ধবধবে সাদা, কিছু আবার কালচে হয়ে এসেছে কালের প্রবাহে। বীভৎসভাবে পড়ে আছে মানুষ আর অন্যান্য জন্তু-জানোয়ারের মাথার খুলি, বুকের খাঁচা, আর হাত-পায়ের হাড়ি! চকচক করছে ফ্ল্যাশলাইটের আলোয়।

একটাই অর্থ হতে পারে এর। মাংসাশী, হিংস্র কোনও পশুর
গুহা এটা!

প্রকোষ্ঠের এককোণে লাল-নীল রঙ চোখে পড়ল শ্যারনের।
আলোটা ওখানে ফেলতেই দৃশ্যমান হলো দলা পাকানো তাজা
একটা দেহ—রক্ষে ভিজে একাকার, পরনে ক্ষিন সুট।

ফুঁপিয়ে উঠল শ্যারন। পেয়েছে ও মেগানকে।

তেইশ

স্নোক্যাটের পিছনের সিটে দুই এসকর্টের সঙ্গে ধন্তাধন্তি করছে
রানা। ‘মুখ ঘোরান স্নোক্যাটের!’ চেঁচিয়ে উঠল ও।

কনুইয়ের এক গুঁতো খেল ও নাকের উপর। চোখের সামনে
জুলে উঠল লাল-নীল তারা। জোর গুঁতো খেয়ে ব্যথায় কুঁচকে
গেছে মুখমণ্ডল, সিটের উপর নেতৃত্বে পড়ল ও।

‘চুপচাপ বসে থাকুন, নইলে আপনাকে হ্যাওকাফ পরাতে
বাধ্য হব আমরা,’ ডানপাশ থেকে হৃষ্টির সুরে বলল
লেফটেন্যাণ্ট মাইকেল গ্রিন—প্রথম এসকর্ট।

দ্বিতীয় এসকর্ট বসে আছে রানার অন্যপাশে। গাঁটাগোটা
শরীরের এক নাবিক, নাম ডেভ পার্ল... ইতিমধ্যে পিতল বের
করে ফেলেছে সে হোলস্টার থেকে। অন্তর্টার মুখ স্নোক্যাটের
ছাতের দিকে তোলা, তাই বলে হৃষ্টিটা দুর্বল হলো না একটুও।

‘শান্ত হোন, মি. রানা,’ সামনের সিট থেকে বলল ম্যাসন।
শুভ্র পিঞ্জর-১

‘উদ্ভেজিত হয়ে লাভ নেই কোনও।’

‘কীভাবে শান্ত থাকব, বলতে পারেন?’ রাগী গলায় বলল
রানা। ‘পিছনের ওরা বিপদে পড়েছে... সাহায্য দরকার ওদের!’

‘কিছু করার নেই,’ বলল ধীন। ‘আমরা অন্যরকম অর্ডার
পেয়েছি।’

কয়েক মিনিট আগে রেডিওতে ওদের সঙ্গে যোগাযোগ
করেছে লেঃ কমাণ্ডার রাইট। ওমেগা স্টেশনে আক্রমণের খবর
জানিয়েছে, তারপর নির্দেশ দিয়েছে—যেভাবে হোক, রাশান
বেইসে পৌছে সতর্ক করে দিতে হবে সবাইকে। স্যাটেলাইট
অ্যারে ধ্বংস হয়ে যাওয়ায় তার পক্ষে সম্ভব হচ্ছে না ড. শ্যারন
বেকেটের সঙ্গে যোগাযোগ করা।

মেসেজ শেষ করতে পারেনি রাইট, অপ্রত্যাশিত
বিস্ফোরণের আওয়াজের সঙ্গে বিচ্ছিন্ন হয়ে গেছে যোগাযোগ।
দূরে চলতে থাকা গোলাণ্ডলির আওয়াজ শুনতে পেয়েছে
স্নোক্যাটের আরোহীরা, অ্যাবি আর রিচার্ডের জন্য সেজন্যেই
উদ্বিগ্ন হয়ে উঠেছে রানা। পিছনে দেখা যাচ্ছে না কোনও কিছু,
কুয়াশা আর তীব্র বাতাসে উড়তে থাকা তুষারের আড়ালে ঢাকা
পড়ে গেছে প্রকৃতি। চেষ্টা করেও রেডিওতে পাওয়া যায়নি দ্বিতীয়
স্নোক্যাটটাকে। উল্টো ঘুরে ঝৌঝ নিতে চাইছিল রানা, কিন্তু ধীন
রাজি হয়নি। অগত্যা গায়ের জোরে বাহনের নিয়ন্ত্রণ নিতে
চাইছিল ও।

মাথা বনবান করছে রানার। মুখের ভিতর রক্তের স্বাদ
পাচ্ছে। বড় একটা টেঁক গিলে বলল, ‘আরেকবার ডেকে দেখুন
ওদেরকে। প্রিজ!’

মাথা ঝাঁকিয়ে রেডিওর মাউথপিস মুখের কাছে তুলল ওদের
ড্রাইভার। ‘ক্যাট টু... দিস ইজ ক্যাট ওয়ান। রেসপন্স প্রিজ।
ওভার।’

নিরুন্নৰ রইল স্পিকার।

‘হতে পারে ব্যাপারটা স্বেক কমিউনিকেশন ফেইলিওর,’ কাঁধ
বাঁকাল দ্রাইভার। ‘ওরা যে বিপদে পড়েছে, এমন কোনও প্রমাণ
পাইনি আমরা।’

তার কথা বিশ্বাস করল না রানা। প্রমাণের দরকার নেই, ওর
ষষ্ঠ ইন্দ্রিয় তারস্বরে জানাচ্ছে—বিপদে পড়েছে অ্যাবি আর
রিচার্ড। অথচ সাহায্য করবার উপায় নেই। প্রকট হয়ে উঠল
নিজের অসহায়ত্ব। অন্তত দু'মাইল এগিয়ে গেছে ওরা। এখন
যদি উল্টো ঘোরেও, প্রতিপক্ষের আগে পৌছুতে পারবে না
সঙ্গীদের কাছে।

‘সাহস রাখুন, মি. রানা,’ নরম সুরে বলল ম্যাসন। ‘কিছু
হবে না ওঁদের।’

আশ্বাসে কাজ হলো না। কিন্তু রানা নিরূপায়। মূর্তির মত
বসে রইল ও। তুষারের পর্দা ভেদ করে এগিয়ে চলল ওদের
স্নোক্যাট।

চেসিসের সঙ্গে বাড়ি খেয়ে ক্ষণিকের জন্য অচেতন হয়ে পড়েছিল
অ্যাবি, জ্ঞান ফিরল ঠাণ্ডা পানির কনকনে স্পর্শে। ইস্টিক্স্টের
বশে হাত-পা ছুঁড়ল, মাথা তুলল পানির উপর। দ্রুত চোখ
বোলাল চারপাশে।

উল্টে গেছে স্নোক্যাট। কেবিনের অর্ধেকটা ভরে গেছে
পানিতে, বাড়ছে দ্রুত। ইঞ্জিন এখনও গর্জন করছে, তার কারণে
কাঁপছে বাহনটা। ছাতের লাইট জুলছে পানির নীচে, ম্লান আলো
ছড়িয়ে দিচ্ছে কেবিনের অভ্যন্তরে।

ভুস করে পাশে ভেসে উঠল একটা মাথা। রিচার্ড ম্যানিটক।
জোরে জোরে শ্বাস ফেলছেন।

‘বাবা!’ ডেকে উঠল অ্যাবি। এগিয়ে গেল তাঁর দিকে।

‘আ... আমি ঠিক আছি,’ বললেন রিচার্ড। ‘কাঁধে শুধু একটু ব্যথা পেয়েছি। বাকিদের কী অবস্থা?’

ড্রাইভারের দিকে তাকাল অ্যাবি। নিম্পন্ডভাবে পানিতে ভাসছে সে। মাথাটা হেলে আছে অস্তুত ভঙ্গিতে—নিশ্চয়ই ঘাড় ভেঙে গেছে। দুই এসকট অবশ্য ঠিক আছে। টানা-হেঁচড়া করছে দরজার হাতল নিয়ে।

দরজার গায়ে কাঁধ ঠেকাল ফার্নান্ডেজ, ধাক্কা দিল কয়েকবার। কিন্তু অনড় রইল পাল্লা। ‘ধ্যান্তেরি!’ সখেদে বলল সে, পিছিয়ে এল হাঁপাতে হাঁপাতে। তার পায়ের ক্ষত থেকে রক্ত বেরঝে অবিরাম, লাল হয়ে যাচ্ছে পানি। ‘জানালা ভাঙতে হবে আমাদেরকে। দেখো কিছু পাওয়া যায় কি না, পাওয়েল।’ সঙ্গীর উদ্দেশে বলল সে।

এগিয়ে গেল অ্যাবি। ‘পেয়েছি!’ বলে হাত বাড়িয়ে দিল। পাওয়েল নামের দ্বিতীয় এসকটের হোলস্টার থেকে বের করে আনল পিস্টল। ‘সরে দাঁড়ান আপনারা।’

ঘুরে উইগুশিল্ডের দিকে পিস্টল তাক করল ও। টিপে দিল ট্রিগার। বদ্ব জায়গায় কানে তালা লাগার মত আওয়াজ হলো, পরক্ষণে শোনা গেল কাঁচ ভাঙার শব্দ। প্রবল বেগে আর্কটিকের স্রোত চুক্তে শুরু করল কেবিনের ভিতর।

‘হ্যাঁ, ওতেই চলবে,’ বলল ফার্নান্ডেজ।

রাগী ভঙ্গিতে অ্যাবির কাছ থেকে পিস্টল কেড়ে নিল পাওয়েল।

‘ওর আচরণে কিছু মনে করবেন না,’ ফার্নান্ডেজ বলল। ‘ওর জিনিসে অন্য কেউ হাত লাগাক, স্টো পছন্দ করে না পাওয়েল।’

‘এসব কথাবার্তা পরে বললেও তো চলে, নাকি?’ বিরক্ত গলায় বলল অ্যাবি। ‘বেরুতে পারি আমরা?’

‘লেডিজ ফাস্ট’

তর্কে গেল না অ্যাবি। ডুব দিল পানিতে, হাত-পা ছুঁড়ল, বেরিয়ে এল উইশিল্ডের ফাঁক গলে। এবার ভালমত হামলা চালাল শীতল পানি। খুলির ভিতর যেন হাজারটা সুচ বিধতে শুরু করল ওর, প্রতিটা অস্থিসংযোগে কেউ ছুরিকাঘাত করছে একই সঙ্গে। অসাড় হয়ে যাচ্ছে পুরো শরীর। জামাকাপড় ভিজে যেন ভারী হয়ে গেছে কয়েক টন, ওকে টেনে নীচে নিয়ে যাচ্ছে। দুই পা দিয়ে পরম্পরকে খোঁচা মেরে বুটদুটো খুলে ফেলতে সক্ষম হলো অ্যাবি, পতনের গতি কমল খানিকটা। হাত-পা পাগলের মত ছুঁড়তে শুরু করল ও, কিছুদূর উঠে তাকাল পিছনদিকে।

ওর পিছু পিছু বাকিরাও বেরিয়ে এসেছে স্নোক্যাট থেকে। ফার্নান্দেজকে সাহায্য করছে পাওয়েল, ওদের ঠিক পিছনে রয়েছেন রিচার্ড। ওরা বেরিয়ে আসতেই আচমকা যেন খসে পড়ল স্নোক্যাট, নেমে যেতে শুরু করল সুনীল সাগরের গভীরে। চকিতের জন্য ড্রাইভারের প্রাণহীন মুখটা দেখতে পেল অ্যাবি, একটু পরে বাহনসহ অদৃশ্য হয়ে গেল দেহটা।

দ্রুত পানির উপরে ভেসে উঠল অ্যাবি, কয়েক সেকেণ্টের মধ্যে বাকিরাও মাথা তুলল। গর্তের একপাশের ভাঙ্গচোরা কিনার লক্ষ্য করে এগোল সবাই, এবড়ো-খেবড়ো দেয়ালের খাঁজে হাত-পা বাধিয়ে উপরে উঠে যাওয়া সম্ভব বলে মনে হচ্ছে।

পানি ছেড়ে একে একে উঠে পড়ল ওরা। প্রথমে পাওয়েল, তারপর ফার্নান্দেজ আর রিচার্ড, সবশেষে অ্যাবি। দলবদ্ধভাবে বাইতে শুরু করল দেয়াল। একে অন্যকে সাহায্য করছে উপরে উঠতে। সামান্য উচ্চতা, কিন্তু সেটাই হয়ে উঠল অসম্ভব একটা কাজ। চোখের পলকে ভেজা কাপড় পরিণত হলো বরফে, ভেজা শুরু পিঞ্জর-১

চুল জমে সেঁটে গেল খুলির সঙ্গে, তাপ হারিয়ে আড়ষ্ট হয়ে যেতে চাইল পেশি।

স্বেফ অস্তিত্ব রক্ষার তাগিদে উপরদিকে উঠে চলল চারজন। যেন অনন্তকাল পর দেখা পেল বরফের উপরিভাগের। হাঁপাতে হাঁপাতে গর্তের বাইরে বেরিয়ে এল ওরা। শুয়ে পড়ল হাত-পা ছড়িয়ে। আর চলছে না দেহ।

বাতাসের তোড় বেড়ে গেছে, নিশ্চল দেহগুলোর উপর আছড়ে পড়ছে তুষারকণ। বুঝে গেল অ্যাবি, মরতে চলেছে ওরা। সলিলসমাধির বদলে বেছে নিয়েছে ঠাণ্ডা বরফের কবর। চোখ মুদল ও।

হামাগুড়ি দিয়ে ওর কাছে এলেন রিচার্ড। জড়িয়ে ধরলেন মেয়েকে। নিজ শরীরকে বর্ম বানিয়ে রক্ষা করতে চাইছেন মেয়েকে। কতকাল পর এভাবে পিতার আলিঙ্গন পেল, বলতে পারবে না অ্যাবি। তবে সেই ছোটবেলার মত অনুভূতিরই সৃষ্টি হলো এবারও। মনে হলো আর কোনও ভয় নেই... এই তো, ওর পাশেই আছে বাবা।

চোখ থেকে পানি বের হয়ে এল অ্যাবির। গালের উপর জমাট বাঁধল অশ্রুধারা। ফিসফিস করে বলল, ‘বাবা, আমি...’

‘শ্ৰশ্ৰ! ঠোঁটের কাছে আঙুল তুললেন রিচার্ড। ‘কথা বলিস না। শক্তি সঞ্চয় কর্।’

‘কীসের জন্য?’ বলতে চাইল অ্যাবি। কিন্তু কোনও কথা বেরুল না ওর মুখ দিয়ে।

চরিশ

ইউ.এস.এস পোলার সেন্টিনেল।

‘কাইলাইট অ্যাহেড! চড়া গলায় রিপোর্ট দিল চিফ অভ দ্য ওয়াচ। ‘চল্লিশ ডিগ্রি পোর্টসাইডে।’ এর অর্থ, বরফের মাঝে একটা ফাঁকা জায়গা খুঁজে পেয়েছে সে।

‘বাঁচা গেল,’ বিড়বিড় করলেন ক্যাপ্টেন গরডন। দ্রুত ঘোরালেন পেরিস্কোপের মুখ। রাশান বেইসের কাছাকাছি পৌছে গেছেন তাঁরা, মাথা তোলার মত পলিনিয়া খুঁজে বেড়াচ্ছিলেন, তাড়াতাড়ি পেয়ে যাওয়ায় খুব ভাল হলো। সারফেসে প্রতি মুহূর্তে খারাপ হচ্ছে আবহাওয়া। যত দেরি করবেন, ততই বাধ্যগ্রস্ত হবে তাঁদের রেসকিউ অপারেশন।

ক্ষেপে বরফের কালচে ছাত দেখলেন ক্যাপ্টেন, পানি ও মিশমিশে কালো; তবে যে-দিকটা ইঙ্গিত করেছে চিফ অভ দ্য ওয়াচ, সেখান দিয়ে চোখে পড়ছে এক চিলতে আলো... পানির ওখানে দেখা যাচ্ছে নীলচে আভা। স্বন্তির নিঃশ্বাস ফেলে তিনি বললেন, ‘থ্যাঙ্ক গড! ইটস্ আ পলিনিয়া!’ তাড়াতাড়ি জারি করলেন নির্দেশ, ‘পোর্ট ইঞ্জিন, অ্যাহেড ওয়ান-থার্ড। স্টোরবোর্ড ইঞ্জিন, ব্যাক ওয়ান-থার্ড। ডানদিকে ফুল রাডার! হেলমস্ম্যান, ওই কাইলাইটের তলায় নিয়ে চলো আমাদেরকে।’

মৃদু ঝাঁকুনির সঙ্গে সাড়া দিল সেন্টিনেল। ধীরে ধীরে মুখ ঘোরাল। ইঞ্জিনের পাওয়ার একটু বাড়াবার নির্দেশ দিলেন শুভ পিঞ্জর-১

ক্যাপ্টেন, ডুবোজাহাজকে নিয়ে চললেন পলিনিয়ার দিকে।

‘উপরের রিডিং কেমন?’ জানতে চাইলেন তিনি।

‘ভাল, স্যর,’ জবাব দিল চিফ অভ দ্য ওয়াচ। ‘পলিনিয়ার সারফেসে তিন থেকে ছ’ইঞ্চি বরফের আন্তর পড়েছে, তবে ওটা আমাদের জন্য কোনও সমস্যা না।’

কপাল ভাল বলতে হবে। ক্ষোপে পলিনিয়ার আশপাশের বরফ দেখলেন গরডন, ওগুলো অনেক পুরু। হাঙরের দাঁতের মত নেমে এসেছে পানির গভীরে। জলাশয়টা বুজেও যেতে পারত!

‘স্কাইলাইটের তলায় পৌছেছি আমরা,’ একটু পরে ডাইভিং-স্টেশন থেকে রিপোর্ট দিল কমান্ডার ফিশার।

‘অল স্টপ! রাজার অ্যামিডশিপস্!’ নির্দেশ দিলেন ক্যাপ্টেন। থেমে গেল সাবমেরিন। পেরিস্কোপ ঘুরিয়ে চারপাশ দেখে নিলেন তিনি। নিশ্চিত হলেন, ভেসে ওঠার সময় কোথাও ঘষা খাবে না সেটিনেল। সন্তুষ্ট হয়ে পেরিস্কোপের ছিপ ভাঁজ করলেন। হাইড্রোলিক কন্ট্রোল রিঙে চাপ দিয়ে হাউজিংের ভিতরে ঢুকিয়ে ফেললেন পেরিস্কোপ। ‘ওকে, চলো ভেসে ওঠা যাক। এক্স.ও., সাবধানে উপরদিকে ওঠাও আমাদেরকে।’

মাথা ঝাঁকিয়ে নতুন নির্দেশ প্রচার করল ফিশার। পাস্প চালু হবার আওয়াজ পাওয়া গেল, ব্যালাস্ট ট্যাঙ্ক থেকে বের করে দেয়া হচ্ছে পানি। মন্ত্র গতিতে উপরদিকে রওনা হলো ডুবোজাহাজ।

ক্যাপ্টেনের পাশে এসে দাঁড়াল ফিশার। বলল, ‘রাশানরা আমাদের ব্যালাস্টের আওয়াজ পাবে।’

‘কিছুই করার নেই,’ শ্রাগ করলেন ক্যাপ্টেন। ‘তোমার ইভ্যাকুয়েশন টিম রেডি তো?’

‘জী, স্যর। পোশাক পরে অপেক্ষা করছে। আশা করছি দশ মিনিটের মধ্যে বের করে আনতে পারব সবাইকে।’

‘কাউকে ফেলে এসো না,’ বললেন ক্যাপ্টেন। মনে মনে শ্যারনের কথা ভাবছেন।

‘আপনি নিশ্চিন্ত থাকতে পারেন, স্যার।’ আশ্বাস দিল ফিশার।
‘রেডি ফর আইস!’ হাঁক ছাড়ল চিফ অভ দ্য ওয়াচ।

পরমুহূর্তে জলাশয়ের জমাট সারফেসে আঘাত হানল সেণ্টিনেলের কোনিং টাওয়ার। বাঁকি খেলো পুরো ভুবোজাহাজ, উপরে ওঠার গতিতে সামান্য ছন্দপতন ঘটল, তবে এরপরেই শোনা গেল বরফ ভাঙার শব্দ। পলিনিয়ার মাঝখানে অতিকায় তিমির মত ধীরে ধীরে শরীর জাগাল সেণ্টিনেল।

‘সমস্ত হ্যাচ খুলে দাও,’ আদেশ দিল ফিশার। ‘শোর টিমকে জড়ো হতে বলো হ্যাচের তলায়।’ আদেশ শেষ করে সে নিজেও ছুটল।

ব্রিশ সেকেণ্ডের মধ্যে বাইরের হিমেল হাওয়া ঢুকে পড়ল সাবমেরিনের অভ্যন্তরে। পারকা পরে ফ্রোয়ার্ড হ্যাচের নীচে ইভ্যাকুয়েশন টিমের সঙ্গে যোগ দিল কমাণ্ডার ফিশার। দ্রুত চেক করে নিল সমস্ত অস্ত্র। দলের সবাই রাইফেল আর সাইড আর্মস বহন করছে। বিপদ দেখা দিলে সক্ষেত্র দেবার জন্য নেয়া হয়েছে সিগনাল ফ্রেয়ার।

‘ও.কে,’ সম্মত হয়ে বলল ফিশার। ‘মুভ করো সবাই।’

ল্যাডার বেয়ে উঠতে শুরু করল দলের সদস্যরা। ক্যাপ্টেন গরডন এসেছেন ওদেরকে বিদায় দিতে। ফিশারকে বললেন, ‘পনেরো মিনিট, ভুলে যেয়ো না।’

‘যথেষ্ট সময়,’ শুকনো একটা হাসি ফুটল ফিশারের ঠোঁটে। ক্যাপ্টেনকে স্যালিউট করে ল্যাডারে উঠে গেল সে। সবাই বেরিয়ে যাবার পর বন্ধ করে দেয়া হলো হ্যাচ।

ব্রিজে ফিরে এলেন ক্যাপ্টেন। পেরিস্কোপ তুললেন। বুকের ভিতর অনুভব করলেন প্রবল অস্থিরতা। ইভ্যাকুয়েশনের কাজটা শুভ পিঞ্জর-১

নিজে তদারক করতে পারলে ভাল হতো, কিন্তু জাহাজ ছেড়ে বেরুন্নো চলবে না তাঁর। পেরিস্কোপে চোখ রেখে বাইরের পরিস্থিতি বোঝার চেষ্টা করলেন। ছোট স্কোপে বেশি কিছু দৃষ্টিগোচর হয় না। তাই কয়েক মিনিট পরেই নেমে এলেন পেরিস্কোপ স্ট্যাণ্ড থেকে।

‘চিফ, ব্রিজ এখন তোমার দায়িত্বে,’ বললেন তিনি। ‘আমি সাইক্লপসে যাচ্ছি। শোর টিম যোগাযোগ করলে ওখানকার ইন্টারকমে মিলিয়ে দিয়ো।’

‘ঠিক আছে, স্যর।’

ব্রিজ ছেড়ে ডুরোজাহাজের নাকের দিকে এগোলেন ক্যাপ্টেন গরডন। আশা করছেন সাইক্লপস থেকে ভালমত দেখতে পাবেন বাইরের দৃশ্য। প্যাসেজ ধরে একটু পরেই পৌছুলেন ওখানে। ভিতরে কেউ নেই। স্বচ্ছ দেয়ালের সামনে গিয়ে দাঁড়ালেন তিনি। খোলের গায়ে বাঢ়ি খাচ্ছে পলিনিয়ার পানি, ছলাঞ্ছল শব্দ তুলছে। তার ওপাশের দুনিয়া অস্পষ্ট। উড়ন্ত তুষার ঢেকে দিয়েছে বিস্তীর্ণ বরফ প্রান্তর। আবহাভাবে দেখা যাচ্ছে আইস স্টেশনে ঢোকার প্রবেশপথ। বাতাসের বিরুদ্ধে যুদ্ধ করে সেদিকে এগিয়ে যাচ্ছে কমাওয়ার ফিশারের টিম। একটু পরেই দৃষ্টিসীমার বাইরে চলে গেল ওরা।

খড়খড় করে উঠল ইন্টারকম। শোনা গেল চিফ অভ দ্য ওয়াচের কণ্ঠ। ‘ক্যাপ্টেন গরডন, দিস ইজ ব্রিজ।’

ইন্টারকমের রিসিভার তুলে কানে ঠেকালেন ক্যাপ্টেন। ‘গো অ্যাহেড, ব্রিজ।’

‘স্যর, আমাদের রেডিওম্যান জানাল, ন্যাভস্যাট নাকি কাজ করছে না। সম্ভবত আবারও শুরু হয়েছে সোলার স্টর্ম। আমরা এ-মুহূর্তে কোনও ব্রডকাস্ট করতে পারছি না।’

ঠোট কামড়ালেন ক্যাপ্টেন। মড়ার উপর খাড়ার ঘা বোধহয়

একেই বলে। ন্যাভস্যাট চালু না হলে রি-এনফোর্সমেণ্ট চাইতে পারছেন না ওঁরা। ‘কতক্ষণ বন্ধ থাকবে স্যাটেলাইট কমিউনিকেশন, কিছু আন্দাজ করতে পারো?’

‘বলা মুশ্কিল, স্যর। রেডিওম্যান বলছে, কপাল ভাল হলে মাঝে মধ্যে ইন্টারফ্যারেন্স কমে যেতে পারে, কিন্তু সেটা কখন বা কতক্ষণের জন্য ঘটবে, তা বোৰাৰ উপায় নেই। ধৰে নেয়া ভাল, সন্ধ্যা নামার আগে থামছে না সোলার স্টৰ্ম।’

‘আৱ কোনও বিকল্প?’

‘আপনি বললে ইউএইচএফ দিয়ে চেষ্টা করে দেখা যেতে পারে। আয়োনোফিয়ারে বাউল করে হয়তো কিছুদূৰ যাবে আমাদের ট্রান্সমিশন, কিন্তু এই আবহাওয়ায় ওটা কেউ রিসিভ করতে পারবে কি না কে জানে। প্ৰত্যো বে-ৱে সঙ্গে যোগাযোগ কৱা যাবে ওভাৰে।’

‘ঠিক আছে, যতক্ষণ আমৱা ভেসে আছি, রেডিওম্যানকে চেষ্টা চালাতে বলো। সেইসঙ্গে একটা স্লট রেডি করতে বলো ওকে, বৱফেৰ মাৰখানে লুকিয়ে রেখে যাব। সূৰ্য ডোৰাৰ পৱে ট্রান্সমিট কৱবে ওটা।’ স্লট, বা এসএলওটি-ৱ অৰ্থ, সাবমেরিন লঞ্চড ওয়ানওয়ে ট্রান্সমিটাৰ। এক ধৰনেৰ কমিউনিকেশন ডিভাইস। মেসেজ রেকড কৱে রাখা যায়, ট্রান্সমিশনেৰ সময়টা ঠিক কৱে দেয়া যায় টাইমাৱে... অনেকটা অ্যালার্ম ঘড়িৰ মত।

‘আই, আই, ক্যাপ্টেন।’

ঘড়ি দেখলেন গৱড়োন। পাঁচ মিনিট পেৱিয়ে গেছে। সামনে আৱাৰ নজৰ দিলেন তিনি। বেড়ে গেছে তুষারপাত। দূৰেৱ প্ৰেশাৰ রিজগুলোৱ অবয়ব দেখা যাচ্ছে কোনোমতে, ডিটেইলস বোৰাৰ উপায় নেই। তাৰপৰেও একদৃষ্টে তাকিয়ে থাকলেন ক্যাপ্টেন। আৱও এক মিনিট পেৱল। হঠাৎ দেখা গেল ভূতেৱ মত কিছু ছায়ামূৰ্তি, দ্রুতপায়ে এগিয়ে আসছে সেণ্টিনেলেৰ

দিকে। উদ্বারকৃতদের প্রথম গ্রন্থ।

হ্যাচ খুলে যাবার শব্দ পেলেন ক্যাপ্টেন। বিজ্ঞানী আর রিসার্চারদেরকে সাবমেরিনে ঢোকাতে শুরু করেছে তাঁর নাবিকেরা। ততক্ষণে আরও মানুষ উদয় হয়েছে প্রথম গ্রন্থের পিছু পিছু। কতজন আসছে, গোনার চেষ্টা করলেন তিনি, কিন্তু পারলেন না। তুষারের আড়ালে ঘোলাটে দেখাচ্ছে সবগুলো আকৃতি। কাউকে আলাদা করা যাচ্ছে না।

আবারও আওয়াজ করল ইন্টারকম। ‘ক্যাপ্টেন, দিস ইজ ব্রিজ। কমাণ্ডার ফিশার আপনার সঙ্গে কথা বলতে চান।’

স্ট্যাটিকের খসখসানি চলল কয়েক মুহূর্ত, এরপর শোনা গেল এক্স.ও.-র দুর্বল গলা। ‘ক্যাপ্টেন? আমরা বেইসের সবগুলো লেভেল ক্লিয়ার করেছি। বাকি আছে শুধু স্লেক পিট... মানে টানেল নেটওয়ার্ক। বুলহর্ন নিয়ে আমার দু'জন লোক চুকেছে ওখানে। যারা ভিতরে আছে, তাদেরকে বের করে আনবে।’

শ্যারনের কথা জিজ্ঞেস করলেন ক্যাপ্টেন। ‘ড. বেকেটের ব্যাপারে কিছু জানতে পেরেছ?’

‘আমাদেরকে বলা হয়েছে উনি এখানেই আছেন। ওমেগায় ফিরে যাননি।’

স্বন্তির নিঃশ্বাস ফেললেন গরডন। যাক, শ্যারন তা হলে রাশানদের হামলার মুখে পড়েনি। কিন্তু ফিশারের পরের কথায় স্বন্তিটা উবে গেল।

‘...কিন্তু স্যর, ওঁকে অনেকক্ষণ থেকে দেখেনি কেউ। যদূর বুঝতে পেরেছি, একজন জিয়োলজিস্টের সঙ্গে স্লেক পিটে চুকেছেন উনি—নিখৌজ এক রিসার্চারের সন্ধানে।’

‘ফিশার, ড. বেকেটকে খুঁজে বের করো। কাউকে ফেলে এসো না।’

‘রজার দ্যাট, স্যর।’

ঘড়ি দেখে নিলেন ক্যাপ্টেন। ‘আর সাত মিনিট আছে তোমার হাতে।’

ফিশার জবাব দেবার আগেই ট্রাঙ্গমিশনে নাক গলাল ব্রিজ। চিফ অভ দ্য ওয়াচ বলল, ‘এক্সকিউজ মি, স্যুর। গত কয়েক মিনিট থেকে হাইড্রোফোনে গোলাগুলির আওয়াজ থেমে গেছে। সোনারেও শোনা যাচ্ছে সন্দেহজনক ইকো—এয়ার ভেণ্টিং, প্রোপালশনের আওয়াজ, ইত্যাদি। মনে হচ্ছে রাশান সাবমেরিনটা ডাইভ দিচ্ছে, স্যুর।’

মাথা নাড়লেন ক্যাপ্টেন। সময় ফুরিয়ে গেছে। আইস স্টেশনের দিকে রওনা হয়ে গেছে ড্রাকন। ওটা আসার আগেই গা-ঢাকা দিতে হবে তাঁদেরকে।

‘ফিশারের সঙ্গে মিলিয়ে দাও আবার,’ বললেন তিনি।
‘ইয়েস, স্যুর।’

কয়েক মুহূর্ত পরে আবার শোনা গেল এক্স.ও.-র গলা। ‘ফিশার বলছি।’

‘কমাণ্ডার, আমাদের বন্ধুরা রওনা হয়ে গেছে,’ বললেন গরডন। ‘এক্সকুণি বেরিয়ে এসো ওখান থেকে।’

‘কিন্তু আমরা তো এখনও স্নেক পিট খালি করতে পারিনি।’

‘ঠিক তিনি মিনিট সময় পাচ্ছ। এরপর তোমার চেহারা দেখতে চাই আমি।’

‘ঠিক আছে, স্যুর।’

চোখ মুদে বড় করে একটা শ্বাস নিলেন ক্যাপ্টেন। তারপর বেরিয়ে এলেন সাইক্লুপস্ থেকে। ফিরে এলেন ব্রিজে। উদ্ধারকৃত বিজ্ঞানীরা ভিড় জমিয়েছে ওখানে, সবার চোখে বিভ্রান্ত দৃষ্টি, কী ঘটছে বুঝতে পারছে না।

ক্যাপ্টেনকে দেখে ভিড় থেকে এগিয়ে এলেন ড. মিকেলসেন। বললেন, ‘আমি জানি আপনি ব্যস্ত, ক্যাপ্টেন।

কিন্তু...

‘কী বলবেন তাড়াতাড়ি বলুন, ড. মিকেলসেন। ভূমিকার দরকার নেই।’

‘ড. বেকেট... উনি এখনও রয়ে গেছেন স্লেক পিটে।’

‘হ্যা�... জানি,’ আবেগহীন গলায় বললেন ক্যাপ্টেন। দুশ্চিন্তা অনুভব করছেন, কিন্তু সেটা ফুটতে দিলেন না চেহারায়।

‘ওঁকে বের করে আনছেন তো?’

‘সাধ্যমত চেষ্টা করছি।’

উত্তরটায় সন্তুষ্ট হলেন না বৃক্ষ ওশনেগ্রাফার। শ্যারনকে আপন মেয়ের ঘত স্লেহ করেন তিনি, ওর জন্য উৎকর্ষায় শুকিয়ে যাচ্ছে বুক।

‘ক্যাপ্টেন?’ চিফ অভ দ্য ওয়াচ ডাকল। ‘কমাণ্ডার ফিশার আবার যোগাযোগ করেছেন।’

ঘড়ি দেখলেন ক্যাপ্টেন। তিনি মিনিট পেরিয়ে গেছে। ফিশার এখনও ফেরেনি কেন? রেডিওর দিকে এগিয়ে গেলেন তিনি। মাউথপিস তুলে রাগী গলায় বললেন, ‘ফিশার, ওখানে কী করছ তুমি এখনও?’

‘সরি, স্যর। কয়েকজন সিভিলিয়ানের খোঁজ পাইনি এখনও। লেফটেন্যান্ট লিসা ইভান্সকে নিয়ে স্লেক পিটে ঢুকেছি। যদি অনুমতি দেন তো এখানে থেকে যেতে চাই... নিখোঁজ সিভিলিয়ানদের নিরাপত্তার জন্য। ওদেরকে খুঁজে বের করব, তারপর ভাল কোনও জায়গায় গা-ঢাকা দেব বলে ভাবছি। আশা করি ধরা পড়ব না।’

কী বলবেন ভোবে পেলেন না ক্যাপ্টেন। তাঁকে সিদ্ধান্ত নিতে সাহায্য করল নাসা থেকে আসা ইঞ্জিনিয়ার মাইলস্ ফস্টার। ভিড়ের মাঝ থেকে বেরিয়ে এসে বলল, ‘কমাণ্ডারকে পুরো বেইসের নকশা দিয়ে এসেছি আমি। অ্যাক্রেস টানেল থেকে শুরু

করে পুরনো কনস্ট্রাকশন শাফট পর্যন্ত সবকিছু মার্কিং করা আছে ওতে। লুকানোর জাহাগা খুঁজে নিতে পারবেন।'

ঠোঁট কামড়ে একটু চিন্তা করলেন ক্যাপ্টেন, একই সঙ্গে চোখ বোলালেন বিজ্ঞানীদের উপর। সবাই ড্যাব ড্যাব করে তাকিয়ে আছে তাঁর দিকে, সিন্ধান্ত জানতে উন্মুখ। তবে চেহারা দেখেই বোঝা যাচ্ছে, পিছনে রয়ে যাওয়া সহকর্মীদের নিয়ে উদ্বিগ্ন ওরা, চাইছে তাদের বাঁচাবার একটা ব্যবস্থা নিন ক্যাপ্টেন।

গলা খাঁকারি দিলেন গরডন। তারপর রেডিওতে বললেন, 'কমাওয়ার ফিশার, আমাদের পক্ষে অপেক্ষা করা সম্ভব নয়। দেরি করলে সবাই বিপদে পড়ব।'

'আমি জানি, স্যর,' বলল ফিশার।

'বাকিদের খুঁজে বের করো। নিরাপদে রেখো ওদের। আমরা সময়-সুযোগমত ফিরে আসব তোমাদেরকে তুলে নিতে।'

'রজার, স্যর। ওভার অ্যাও আউট।'

গন্তব্য ভঙ্গিতে মাউথপিস নামিয়ে রাখলেন ক্যাপ্টেন। তাঁর দিকে এগিয়ে এলেন ড. মিকেলসেন। বললেন, 'ওদেরকে ফেলে যাবেন আপনি?'

'আর কোনও উপায় নেই।' চিফ অভ দ্য ওয়াচের দিকে ফিরলেন ক্যাপ্টেন। এক শব্দে দিলেন পরের নির্দেশ। 'ডাইভ!'

হাপরের মত ওঠানামা করছে শ্যারনের বুক, গুটিসুটি হয়ে বসে আছে ও অচেনা জানোয়ারের গুহাটাতে। পচা রক্তমাংসের গন্ধে ভারী হয়ে আছে ওখানকার বাতাস। আতঙ্কিত চোখে মেগানের প্রাণহীন দেহের দিকে তাকিয়ে আছে শ্যারন। দেহ তো নয়, যেন একটা ভাঙাচোরা ম্যানিকিন। বীভৎস। হিংস্র কোনও পশুর নৃশংস আক্রমণের চিহ্ন ফুটে রয়েছে মেয়েটির শরীরে। চিৎ হয়ে পড়ে আছে লাশটা—দলা পাকানো অবয়ব দেখে বোঝা যাচ্ছে,

হাড়গোড় একটাও আন্ত নেই, ভেঙে গুঁড়ো গুঁড়ো হয়ে গেছে। মুখমণ্ডলও থেঁতলানো। সম্ভবত ওর নড়াচড়া বন্ধ করার জন্য বরফের উপর বারবার আছাড় মারা হয়েছিল।

মেগানের পেটের দিক থেকে দৃষ্টি সরিয়ে রাখার ব্যর্থ চেষ্টা করল শ্যারন। হাঁ হয়ে আছে ওখানটা—খেয়ে ফেলা হয়েছে নাড়িভুঁড়ি, লিভার আর কিডনি। পেটের গহ্বরটা এখন শূন্য, রক্তের হালকা ধারা চুইয়ে পড়ছে গুহার মেঝেতে। এমন দৃশ্য বনে-জঙ্গলে দেখেছে শ্যারন। নেকড়ের পাল তাদের শিকারের পেটের অংশ খায় আগে। কিন্তু বরফ-দ্বীপের এত গভীরে নেকড়ে আসবে কোথেকে?

না, নেকড়ে নয়। অন্য কোনও মাংসাশী জানোয়ার। মের ভালুক? তা-ও বিশ্বাস করতে পারল না। টানেলের কোথাও ভালুকের চিহ্ন দেখেনি বিজ্ঞানীরা। তারমানে অন্য কোনও প্রাণী। কী ওটা?

ডিপআই সোনারে দেখা সেই ঘোলা আকৃতিটার কথা মনে পড়ল শ্যারনের। এখন ও নিশ্চিত, ওটা সোনার ওয়েভের প্রতিবিম্ব ছিল না। সত্যি কোনও প্রাণীকে ডিটেক্ট করেছিল যষ্টা। ওটাও নিশ্চয়ই টের পেয়েছিল সোনার ওয়েভের প্রবাহ, পালিয়ে পিয়েছিল সে-কারণেই। কিন্তু এমন কোন প্রাণী আছে, যেটা সোনার ওয়েভ ডিটেক্ট করতে পারে? ভাল করে ভাবল শ্যারন। বাদুড়, ডলফিন... আর তিমি!

মেগানের পেটকাটা লাশের দিকে তাকাল শ্যারন, সঙ্গে সঙ্গে আরেকটা দৃশ্য ভেসে উঠল মানসপটে। বরফের তালের উপরে পেটকাটা অবস্থায় পড়ে থাকা আরেকটা প্রাণী। ড. কলওয়ের অ্যামিউলোসিটাস নেটোনস। আধুনিক তিমির পূর্বপুরুষ। ওয়াকিং ওয়েইল... কিংবদন্তির গ্রেগেল!

চমকে উঠল শ্যারন। এ কি সত্যি হতে পারে? জমাট

স্পেসিমেনের পাশাপাশি একটা জ্যান্ত গ্রেণেলও কি থাকতে পারে এই বরফ-ঢীপের ভিতরে? শিরদাঁড়া বেয়ে শীতল একটা স্নোত বয়ে গেল ওর। ব্যাপারটা অবিশ্বাস্য... কিন্তু আর কোনও ব্যাখ্যা ও তো নেই। নেকড়ে হতে পারে না... ভালুক হতে পারে না... তা হলে কীসে খুন করল মেগানকে? কে খেয়েছে ওর নাড়িভুঁড়ি?

আচমকা পরিবেশ-পরিস্থিতি সম্পর্কে সচেতন হয়ে উঠল শ্যারন। গ্রেণেল হোক বা অন্য কিছু... হিংস্র একটা জানোয়ারের গুহায় আটকা পড়েছে ও। ঢোকা এবং বেরুনোর রাস্তা একটাই। সবচেয়ে বড় কথা, জানোয়ারটা কোথায়, তা বোঝার কোনও উপায় নেই ওর। ওটা বাইরে ঘুরছে, নাকি এ-মুহূর্তে গুহাতেই ফিরছে, তা জানে না ও। বধির হবার কারণে আগাম সঙ্কেতও পাওয়া সম্ভব নয়। শ্বাস ফেলার আওয়াজ, গর্জন, বা সুড়ঙ্গ ধরে আসার সময় খসখসানি... কোনও কিছুই শুনতে পাবে না।

সুড়ঙ্গের ভিতরটা চকিতে দেখে নিল শ্যারন। শূন্য। ওপাশ থেকে ড. বেনটনের হেডল্যাম্পের আলো আবছাভাবে চুকছে সুড়ঙ্গে। বের হয়ে যাবার চেষ্টা করবে কি না, ভাবল একবার। পরক্ষণে মত পাল্টাল। সুড়ঙ্গের ওপাশে ওঁৎ পেতে বসে থাকতে পারে জানোয়ারটা।

বিকল্প পথের খৌজে গুহার দেয়ালে ফ্ল্যাশলাইটের আলো ফেলল শ্যারন। আর কোনও সুড়ঙ্গ নেই, তবে ছোট-বড় হাজারো ফাটল দেখা যাচ্ছে দেয়ালের গায়ে—প্রেশারের কারণে সৃষ্টি হয়েছে। কোনোটাই খুব একটা বড় নয়। কাজেই ওখানে আশ্রয় পাবার আশা করা বৃথা। বসে থাকতে হবে এখানেই।

আবারও সুড়ঙ্গে উঁকি দিল শ্যারন। সঙ্গে সঙ্গে ধক করে উঠল বুক। বেনটনের হেডল্যাম্পের আলো ঠিকমত চুকছে না সুড়ঙ্গে। বিশাল একটা ছায়া গতিরোধ করেছে আলোর। ধীরে ধীরে বড় হচ্ছে ছায়াটা।

ঝটপট হাতের ফ্ল্যাশলাইট নিভিয়ে ফেলল শ্যারন। হামাগুড়ি দিয়ে সরে গেল সুড়ঙ্গের কাছ থেকে। একটু পরেই ওখান দিয়ে মাথা বের করল সাদাটে একটা আকৃতি... গুহায় চুকচ্চে। আলোর অভাবে বোৰা যাচ্ছে না কী ওটা।

কাঁপতে কাঁপতে উঠে দাঁড়াল শ্যারন। হাত বাড়াতেই দেয়ালের গায়ে একটা ফাটলের অস্তিত্ব অনুভব করল। দেরি না করে চুকে পড়ল ওটায়। সরু ফাটল, ঠিকমত ঢোকা গেল না। কসরত শুরু করল ও। শরীরের অর্ধেকটা ঢোকাতেই দম আটকে এল, চাপ পড়ছে বুকের উপরে। শুণিয়ে উঠল।

সুড়ঙ্গের মুখে থেমে গেল প্রাণীটা। সন্দিহান হয়ে উঠেছে। দেরি করল না শ্যারন, ফ্ল্যাশলাইট জ্বলে ছুঁড়ে দিল মেগানের লাশের পাশে, যাতে ওদিকে মনোযোগ আকৃষ্ট হয় জানোয়ারটার। তারপর শরীর বাঁকিয়ে-চুরিয়ে আবারও চুকতে শুরু করল ফাটলের ভিতরে। মাথায় চিন্তার ঝড় বইছে। অঙ্ককারে কীভাবে দেখে ওটা? বডি হিট? ভাইব্রেশন? নাকি বিড়ালের মত চোখ আছে ওটার?

মাথায় সুটের হড় তুলে দিল শ্যারন। বরফ-দেয়ালের গায়ে হাতের তালু ঘষল, ভেজা হাতে মুছল উন্মুক্ত মুখমণ্ডল। ওর ইনসুলেটেড রেসিং সুট শরীরের উভাপকে ঢেকে রাখবে, মুখ ভিজিয়ে চামড়ার তাপও কমিয়েছে। দেখা যাক এতে কাজ হয় কি না। ভাইব্রেশন এড়ানোর জন্য স্থির হয়ে গেল, শ্বাস ফেলল খুব আস্তে। তারপর চোখ ফেরাল সুড়ঙ্গের মুখের দিকে।

কয়েক সেকেণ্ট স্থির থাকার পর আবারও চুকতে শুরু করেছে প্রাণীটা। ফ্ল্যাশলাইটের আভায় পরিষ্কার দেখা গেল চেহারা। বেলুগা তিমির সঙ্গে মিল আছে—তেমনি ফ্যাকাসে সাদা চামড়া, গোল মাথা, আর লম্বা চোয়াল। লম্বা দেহ, মাথা থেকে লেজ পর্যন্ত অন্তত দশ ফুট দৈর্ঘ্য। আধ টনের কম হবে না ওজন।

তিমির সঙ্গে পার্থক্য হলো, হাত আর পা দেখা যাচ্ছে প্রাণীটার শরীরে।

দৃষ্টি বিস্ফারিত হয়ে গেল শ্যারনের।

ওটা একটা গ্রেগেল। জ্যান্ত!

হামাগুড়ি দিয়ে গুহায় ঢুকেছে দানবটা। চোয়াল সামান্য হাঁ হয়ে আছে, ক্ষুরধার দাঁতের ফাঁকে দেখা যাচ্ছে তাজা রক্ত... জেফরি বেনটনের রক্ত! চিংকার করতে ইচ্ছে হলো শ্যারনের, পারল না।

ওটাকে নাক টানতে দেখল ও। গন্ধ শুকছে, বোধহয় টের পেয়েছে কেউ অনুপ্রবেশ করেছে তার গুহায়। সরীসৃপের মত ঘুরতে শুরু করল ভিতরে। ফ্ল্যাশলাইটের আলোয় চকচক করছে মসৃণ চামড়া—পানির তলায় টর্পেডোর মত ছুটতে, কিংবা বরফের টানেলে পিছলে চলার জন্য আদর্শ। কুঁৎকুতে কালো চোখজোড়া কুঁচকে রেখেছে, যেন সহ্য করতে পারছে না আলো।

শ্যারনের সামনে দিয়ে ঘুরে গেল দানবটা, মনোযোগ আটকে আছে জুলতে থাকা ফ্ল্যাশলাইটের দিকে। ওর কয়েক গজ দূরে গিয়ে থামল। উঠে দাঁড়াল আলোর দিকে মুখ করে। টান টান হলো দুই পা, নখ বসে গেল মেঝের বরফে, ঘাড় আর হাতের সংযোগস্থলে উঁচু হলো কাঁধ। দু'পায়ে ভর দিয়েই লেজের বাপটা মারল, তার ধাক্কায় এদিক-ওদিক ছিটকে গেল হাড়ের স্তুপ।

একটু সময় স্থির রাইল গ্রেগেল, তারপরেই সিংহের মত ঝাঁপ দিল, আছড়ে পড়ল মেগানের লাশের উপরে। এরপর পাগলের মত দুই হাত চালাল, ধারালো নখের আঁচড়ে ছিন্নভিন্ন করতে থাকল লাশটাকে। বাড়ি খেয়ে ফ্ল্যাশলাইটটা উড়ে গেল একপাশে।

বীভৎস এই দৃশ্য দেখে বমি পেল শ্যারনের। কোনোমতে মুখের সামনে হাত এনে চিংকার ঠেকাল নিজের।

ଲାଶେର ଉପର ତାଙ୍କର ଶେଷ କରେ ଫ୍ଲ୍ୟାଶଲାଇଟ୍‌ର ପିଛନେ ଲାଗଲ ଘେଡ଼େଲ । ଥାବା ଦିଯେ ଏଦିକ-ଓଦିକ ଛୁଡ଼େ ଫେଲତେ ଲାଗଲ ଓଟାକେ । ଶେଷ ପୟଞ୍ଚ ଦେଯାଲେ ବାଡ଼ି ଖେଯେ ଭେଣେ ଗେଲ କାଁଚ, ନିଭେ ଗେଲ ବାଲବ । ଗାଢ଼ ଆଁଧାରେ ଛେଯେ ଗେଲ ଗୁହାର ଅଭ୍ୟନ୍ତର ।

ଦମ ଆଟକେ ଅପେକ୍ଷା କରଛେ ଶ୍ୟାରନ । ଏରପର କୀ ସ୍ଟବେ କେ ଜାନେ । ଭୟେ ଥରଥର କରେ କାଁପଛେ ।

ଏକଟୁ ପରେ ସୁଡ଼ଙ୍ଗମୁଖ ଦିଯେ ଆସା ଆଲୋର ଆଭାୟ ସାମାନ୍ୟ ପରିକାର ହଲୋ ଦୃଷ୍ଟି । ଚୋଖେ ପଡ଼ିଲ ଦାନବଟାର ଅବସବ । ଆଲୋଛାୟାର ମାଝେ ଭୂତେର ମତ ଲାଗଛେ ସାଦା ଦେହଟକେ ।

ଗୁହାର ଭିତରେ ଆବାରଓ ଚକ୍ରର ଦିତେ ଶୁରୁ କରଲ ଓଟା । ଏକବାର, ଦୁ'ବାର । ନିଶ୍ଚୟଇ ଟେର ପେଯେଛେ ଶ୍ୟାରନେର ଉପାସ୍ତି । କରେକ ଦଫା ଘୋରାଘୁରି କରେ ଗୁହାର ଠିକ ମାଝଖାନେ ସ୍ଥିର ହଲୋ । ଏବାର ଚୁପଚାପ ମାଥା ଘୋରାଛେ । ସମୟ ନିଯେ ତାକାଚେ ଦେଯାଲେର ପ୍ରତିଟା ଫାଟିଲ ଆର ଗର୍ତ୍ତେର ଦିକେ । ଶରୀରେର ସବକ'ଟା ଲୋମ ଦାଁଡ଼ିଯେ ଗେଲ ଶ୍ୟାରନେର । କପାଳ ବୈଯେ ଭୂର୍ବ ଉପରେ ନେମେ ଏଲ ଏକ ଫୌଁଟା ଘାମ ।

ହଠାତ୍ ସୁରେ ଦାଁଡ଼ାଲ ଘେଡ଼େଲ । ଜୋରେ ଜୋରେ ନାକ ଟାନଛେ, ସ୍ଥିର ଦୃଷ୍ଟିତେ ତାକିଯେ ଆଛେ ଶ୍ୟାରନେର ଫାଟିଲଟାର ଦିକେ । ଆଆରାମ ଖାଚାହାଡ଼ା ହବାର ଦଶା ହଲୋ ଓର । ଚିତ୍କାର କରବାରଓ ଆର ଶକ୍ତି ନେଇ ।

ତାତେ ଲାଭଓ ହବେ ନା କୋନାଓ ।

ଧୀରେ ଧୀରେ ଏଗୋତେ ଶୁରୁ କରଲ ଦାନବଟା । ଖୁଲେ ଗେଲ ଚୋଯାଲ, ବେରିଯେ ଏଲ ଧାରାଲୋ ଦାଁତେର ସାରି ।

পঁচিশ

বেঁচে আছে অ্যাবি... যদি এটাকে বেঁচে থাকা বলে আর কী। ঠাণ্ডায় সম্পূর্ণ অসাড় হয়ে গেছে শরীর, কোনও অনুভূতি নেই দেহের কোথাও। ঘোর লাগা একটা অবস্থা, সবকিছুই কেমন যেন স্বপ্নের মত লাগছে।

ওর গায়ের উপরে পড়ে আছেন রিচার্ড, আলিঙ্গন ছাড়েননি...
পড়ে আছেন চোখ মুদে, জীবনের সাড়া নেই। নড়তে পারছে না অ্যাবি, তা হলে পালস চেক করে দেখত। ইতিমধ্যে জমে জোড়া লেগে গেছে পিতা-কন্যার পোশাক, দু'জনকে এক করে দিয়েছে। তুষারের পুরু আন্তর পড়তে শুরু করেছে দুজনের গায়ে। খুব শীত্বি বরফের নীচে ঢাকা পড়বে শরীরদুটো।

নড়তে চাইল অ্যাবি, কিন্তু পারল না। হাত-পা অনুভূতি হারিয়েছে। শুরুতে শীতে কাঁপছিল, এখন খেমে গেছে তা-ও। হৃৎপিণ্ড আর রক্ত সম্ভালন করছে না শরীরের আনাচে-কানাচে। সার্ভাইভাল মোডে ঢলে গেছে দেহ্যন্ত, চেষ্টা করছে শুধু ভিতরটাকে গরম রাখতে। ঠাণ্ডা-গরম কিছুই আর টের পাচ্ছে না ও, নিখর লাগছে পুরো পৃথিবী। জেগে থাকতে কষ্ট হচ্ছে, তবু চোখ মুদল না। ঘুমালে ঢলে পড়বে মৃত্যুর কোলে।

এভাবে ঘরতে ঢায় না অ্যাবি। ডাকতে চাইল বাবাকে... চাইল কাঁদতে। কিন্তু কোনোটাই সম্ভব নয়—আড়ষ্ট হয়ে গেছে মুখের পেশি, জমে গেছে অশ্রুগঠি। অব্যক্ত এক যন্ত্রণায় বুক শুন্ন পিঞ্জর-১

দুমড়ে-মুচড়ে যেতে চাইল। কত কী স্বপ্ন ছিল জীবনে, ছিল কত আশা-আকাঙ্ক্ষা... সব বুঝি এভাবেই শেষ হয়ে যাবে!

আর পারছে না অ্যাবি, ধীরে ধীরে এক হতে শুরু করল দু'চোখের পাতা। হঠাৎ চমকে উঠল। দুম দুম করে শব্দ হচ্ছে কাছে কোথাও। তারপরেই আতশবাজির মত আকাশে উঠে গেল অনেকগুলো জ্বলজ্বলে জিনিস, উপরে গিয়ে বিস্ফোরিত হলো। তুষারঝড় অগ্রাহ্য করে আলোকিত হয়ে উঠল চতুর্দিক। সিগনাল ফ্লেয়ার!

চোখ পিটপিট করল অ্যাবি। ফ্লেয়ারের আলোয় ধাঁধিয়ে যাচ্ছে চোখ। গুমগুম আওয়াজ শুনল এরপর। তুষারের পর্দা ভেদ করে বেরিয়ে এল কালো কয়েকটা আকৃতি। দেখতে অনেকটা স্নোমোবিলের মত, কিন্তু স্নোমোবিল নয়। ওদের খুব কাছে এসে থামল ওগুলো। এবার বাহনগুলোকে চিনল অ্যাবি। ছোট আকারের এক্সপ্রেরিমেণ্টাল হোভারক্র্যাফট—মাত্র দু'জন আরোহী চড়তে পারে। খানা-খন্দালা বরফ প্রান্তরের উপর দিয়ে চলাচলের জন্য স্নোমোবিলের চেয়ে অনেক বেশি কার্যকর।

লাফ দিয়ে কয়েকজন লোক নেমে এল হোভারক্র্যাফট থেকে। সবার পরনে সাদা পারকা, হাতে রাইফেল। সতর্ক ভঙ্গিতে এগোল পড়ে থাকা মানুষগুলোর দিকে। পাশে এসে পা দিয়ে গুঁতো দিল, তারপর নিচু হয়ে পরীক্ষা করল নাড়ি। রাশান ভাষায় তাদেরকে কথা বলতে শুনল অ্যাবি। দু'জন ওর দিকে এগিয়ে এল, টানাটানি করে ছাড়িয়ে নিল রিচার্ডের আলিঙ্গন থেকে। তারপর ধরাধরি করে নিয়ে চলল হোভারক্র্যাফটের দিকে।

সন্তুষ্ট জ্ঞান হারিয়ে ফেলেছিল, কারণ আবার যখন চোখ খুলল অ্যাবি, তখন নাকে-মুখে লাগছে ঠাণ্ডা বাতাস আর তুষারের তীব্র ঝাপটা। দেখল, একটা হোভারক্র্যাফটের পিছনের সিটে

পড়ে আছে ও, বেল্ট দিয়ে আটকানো অবস্থায়। ঠিক সামনেই
বসে আছে চালক—তার গায়ে উলের সোয়েটার ছাড়া কিছু নেই।
বিস্মিত হয়ে অ্যাবি লক্ষ করল, লোকটার পারকা ওর নিজের
পরনে। পশমি হড় তুলে দেয়া হয়েছে মাথায়। মাথা একটু কাত
করে সামনে তাকাল ও। ড্রিফট স্টেশনের দিকে ছুটে চলেছে
হোভারক্র্যাফট।

দ্বিতীয়বারের মত জ্ঞান হারাল অ্যাবি।

তীব্র যন্ত্রণা নিয়ে চেতনা ফিরল ওর। যেন জ্যান্ত ঝলসানো
হচ্ছে ওকে, পুরো শরীরে ঢালা হচ্ছে অ্যাসিড! মনে হলো চামড়া
খুলে পড়বে। ব্যথায় চিংকার করে উঠল, কিন্তু কোনও আওয়াজ
বেরুল না গলা দিয়ে। ঝটকা দিয়ে সরে যেতে চাইল, আর তখনি
টের পেল—একজোড়া হাত ধরে রেখেছে ওকে পিছন থেকে।

‘শান্ত হোন, মিস ম্যানিটক,’ হাতের মালিক বলল পিছন
থেকে। নারীকষ্ট। ‘কোনও ভয় নেই।’ কার উদ্দেশে যেন নির্দেশ
দিল সে, ‘আরেকটু গরম পানি ছাড়ো।’

পুরোপুরি সচেতন হয়ে উঠল অ্যাবি। সম্পূর্ণ নগ্ন অবস্থায়
শাওয়ারের নীচে দাঁড়িয়ে আছে ও। ধূমায়িত পানির প্রবাহ বয়ে
যাচ্ছে শরীরের উপর দিয়ে। এতক্ষণে কথা বলার শক্তি খুঁজে
পেল। বলল, ‘আ... আমার শরীর পুড়ে যাচ্ছে!'

‘পানিটা আসলে অত গরম না,’ বলল কষ্টটা। ‘আপনার
চামড়ায় আবার রঙ চলাচল শুরু হচ্ছে, সেজন্যেই ব্যথা পাচ্ছেন।
কয়েক জায়গায় ফ্রস্টবাইটও আছে। সামান্য মরফিন দেয়া হয়েছে
আপনাকে পেইনকিলার হিসেবে।’

মাথা ঘুরিয়ে বক্তার দিকে তাকাল অ্যাবি। অল্লবয়েসী একটা
মেয়ে... আমেরিকান। নিশ্চয়ই ওমেগা স্টেশনের কোনও
রিসার্চার। তা হলে এখানেই ফিরিয়ে আনা হয়েছে ওদের?

‘হাই!’ বলল মেয়েটা। ‘আমি ড্রুসিলা কোল।’

‘পরিচিত হয়ে খুশি হলাম,’ শুকনো হাসি দিয়ে বলল অ্যাবি।

শাওয়ারের নীচে আরও পাঁচ মিনিট কাটানোর পর তোয়ালে জড়িয়ে বের করে আনা হলো ওকে। পাশে আরেকটা শাওয়ার দেখতে পেল অ্যাবি, ওটার ভিতরে গোসল করানো হচ্ছে আরেকজনকে। দরজা ফাঁক হয়ে আছে... পাওয়েলের চেহারা দেখল ও।

অ্যাবিকে ইঁটতে সাহায্য করল ড্রুসিলা, বাথরুম থেকে নিয়ে এল বড় একটা কামরায়। ইউনিফর্ম পরা নেভির লোকজন অলসভাবে শয়ে-বসে আছে ওখানে। অ্যাবিকে দেখতে পেয়ে উঠে দাঁড়াল একজন, এগিয়ে এল কাছে। লেঃ কমাঞ্চার রাইট।

‘কেমন বোধ করছেন?’ জিজ্ঞেস করল সে। গলায় আন্তরিকতা।

জবাব দিল না অ্যাবি। কাঁপতে কাঁপতে বলল, ‘আমার বাবা...’

‘ভাল আছেন। ওই তো... আগুন পোহাচ্ছেন।’ আঙুল তুলে কামরার একপান্তে ফায়ারপ্রেস দেখাল রাইট। তার সামনে হাত মেলে বসে আছেন বৃদ্ধ ইন্দুইট। টাফ ওল্ড গাই! নাকের ডগায় সামান্য ফ্রস্টবাইট ছাড়া আর কিছু হয়নি। শরীরটা বরফের তৈরি নির্ধাত!

বুকের উপর থেকে এক মণ পাথর যেন নেমে গেল অ্যাবির। এগোতে চাইল বাবার দিকে, কিন্তু শরীরে কাঁপুনি ওঠায় সামনে যাওয়া সম্ভব হলো না। অগত্যা বসে পড়ল একটা বেঞ্চে। কাঁপুনি নিয়ে দুশ্চিন্তা করছে না। বাড়তে শুরু করেছে দেহের ভিতরকার তাপ—কাঁপুনি তারই প্রতিক্রিয়া। কয়েক সেকেণ্ড পরেই সাড়া ফিরতে শুরু করল হাত-পায়ে। প্রতিটা লোমকূপে হাজারো সুই ফোঁটানোর মত অনুভূতি হলো। দাঁতে দাঁত পিষে ব্যথাটা সহ্য করল ও।

প্রায় মিনিটপাঁচেক চলল এই অত্যাচার, এরপর কমতে শুরু করল ব্যথাবোধ। লেং কমাণ্ডার রাইটের দিকে তাকাল ও। বলল, ‘পাওয়েলকে দেখতে পেয়েছি শাওয়ারে। কিন্তু ফার্নান্ডেজ...’

‘দুঃখিত। রাশান প্রহরীরা পৌছনোর আগেই মারা গেছে ও।’

মন খারাপ হয়ে গেল অ্যাবির। উঠে দাঁড়াল ও। হাঁটতে অসুবিধে হচ্ছে না, এগিয়ে গেল পিতার দিকে। পিছনে পায়ের শব্দ শুনে ঘাড় ফেরালেন রিচার্ড। মেয়েকে দেখে হাসি ফুটল মুখে।

‘এসে গেছিস?’ বললেন তিনি। ‘আয়, আমার পাশে বোস।’

একটা চেয়ার টেনে বসল অ্যাবি।

‘কপাল ভাল আমাদের,’ বললেন রিচার্ড, ‘বেঁচে গেছি।’

‘এটাকে বেঁচে যাওয়া বলছ?’ ম্যান শোনাল অ্যাবির কণ্ঠ।
‘কোথায় আটকা পড়েছি, সে-খেয়াল আছে?’

‘মরে গেলেই বা কী লাভ হতো? যতক্ষণ শ্বাস, ততক্ষণ আশ।’

হাতে একটা কফির মগ নিয়ে অ্যাবির কাছে এল রাইট।
বাড়িয়ে ধরে বলল, ‘খান এটা। কফি খেলে শরীর গরম হবে।’

তাকে ধন্যবাদ জানিয়ে কফি নিল অ্যাবি। মগে চুমুক দিতে
দিতে চোখ বোলাল চারপাশে। ড্রিফট স্টেশনের একটা
ডরমিটরিতে বন্দি হয়ে আছে ওরা। দু’পাশের দেয়াল ঘেষে সারি
সারি চারপায়া খাট, মাঝখানে বিছু চেয়ার-টেবিল আর বেধও।
আটকা পড়া বিজ্ঞানী, রিসার্চার আর নেভির লোকজন
ছড়িয়ে-ছিটিয়ে বসে আছে সবানে।

রাইটের দিকে ফিরল ও। ‘কী ঘটেছে, একটু খুলে বলবেন?’

‘খুলে বলার কিছু নেই,’ কাঁধ ঝাঁকাল রাইট। ‘রাশানরা গায়ের
জোরে এই ওমেগা স্টেশন দখল করে নিয়েছে।’

‘সেটা আমিও বুঝতে পেরেছি। প্রশ্ন হচ্ছে, কেন?’

‘আমি শিয়োর না,’ বলল রাইট। ‘সম্ভবত পুরনো রাশান স্টেশন, যেখানে আপনাদের নিয়ে যাওয়া হচ্ছিল, তার সঙ্গে সম্পর্ক আছে এর। যদূর বুঝেছি, কিছু লুকানো আছে ওখানে... রাশানরা সেটা হাতে পেতে চাইছে। আমাদের সবাইকে পালা করে জেরা করছে ওরা, জানার চেষ্টা করছে—কে কী জানি। আপনাদেরকেও উদ্বার করে এনেছে সে-কারণে। ভেবেছিল কিছু নিয়ে পালিয়ে যাচ্ছিলেন আপনারা। আমি অবশ্য জানিয়ে দিয়েছি, আপনারা আইস স্টেশন বা সাবমেরিনের কেউ নন।’

‘কী খুঁজছে ওরা, কোনও আইডিয়া করতে পারেন?’

‘দুঃখিত। ওই বেইসের ব্যাপারে কিছুই জানা নেই আমার। ওখানকার অপারেশন চলছে নিড-টু-নো বেসিসে।’

‘নিড-টু-নো?’

‘হ্যাঁ। সিনিয়ররা বোধহয় ভেবেছেন আমাকে কোনও কিছু না জানালেও চলে।’

‘এখন তা হলে কী করবেন?’

‘করার কিছু নেই, ম্যাম,’ হতাশা ফুটল রাইটের গলায়। ‘আমার সিকিউরিটি টিম খুবই ছোট, তার মধ্যে পাঁচজনকে খুন করেছে রাশানরা। আত্মসমর্পণ করতে বাধ্য হই আমরা। এরপর সিভিলিয়ানদের সঙ্গে এখানে বন্দি করা হয়েছে আমাদেরকে। বাইরে পাহারা আছে, উল্টোপাল্টা কিছু করতে গেলেই খুন হয়ে যেতে হবে। বলা হয়েছে—যদি সহায়তা করি, তা হলে আটচলিশ ঘণ্টার মধ্যে মুক্তি দেয়া হবে সবাইকে।’

‘বিশ্বাস করেছেন কথাটা?’

জবাব দিল না রাইট, নীরব হয়ে গেল।

রিচার্ড জিজেস করলেন, ‘অন্য স্লোক্যাট্টার কোনও খবর জানেন? যেটায় রানা আর ম্যাসন গেল?’

‘ধরা পড়েনি, এটুকু বলতে পারি। ওদের সঙ্গে কথা হয়েছিল

আমার। বলে দিয়েছিলাম, রাশান বেইসে গিয়ে সবাইকে সতর্ক করে দিতে। পেরেছে কি না জানি না।'

রানা ধরা পড়েনি শুনে স্বস্তি অনুভব করল অ্যাবি। কফিতে আরেকটা চুমুক দিয়ে জিজ্ঞেস করল, 'বাকি সবাই এখানে?'

মাথা ঝাঁকাল রাইট। 'যারা বেঁচে আছে আর কী।'

ভুরু ফুঁচকে কামরার ভিতরে দৃষ্টি বোলাল অ্যাবি, বিশেষ একজনকে খুঁজছে। কিন্তু তাকে দেখতে পেল না। 'এনসাইন পাটইয়াক কোথায়?' জানতে চাইল ও।

'এখানে নেই,' বলল রাইট। 'কয়েকজনের খোঁজ পাইনি আমরা। পাটইয়াক একজন... আর কিছু সিভিলিয়ান। কী ঘটেছে ওদের ভাগ্যে, বলা মুশকিল। গুরুতর আহত কয়েকজনকে হসপিটাল উইঙ্গে নিয়ে গেছে রাশানরা, ওদের ভিতর থাকতে পারে।'

পিতার সঙ্গে চোখাচোখি করল অ্যাবি। লোবোর জন্য দুশ্চিন্তা অনুভব করছে। ব্যাপারটা বুঝতে পেরে একটা হাত বাড়িয়ে দিলেন রিচার্ড, ধরলেন মেয়ের হাত। চাপ দিয়ে বোঝালেন, সাহস হারালে চলবে না। এরপর রাইটের দিকে তাকিয়ে বললেন, 'আটচল্লিশ ঘণ্টা, না? এরপর সত্যিই ওরা ছেড়ে দেবে সবাইকে?'

'আমি জানি না, মি. ম্যানিটক।'

ফোঁস করে শ্বাস ফেলল অ্যাবি। 'তার মানে ছাড়বে না।'

'যা খুশি ভাবতে পারেন,' বলল রাইট। 'কিন্তু বাস্তবতা হলো, এ-মুহূর্তে ওরা আমাদের চেয়ে অনেক বেশি শক্তিশালী। সংখ্যার দিক থেকে... অন্ত্রের দিক থেকে। আমাদের কাছে একটা ছুরিও নেই।'

'কিন্তু আপনাদের তো একটা সাবমেরিন আছে!'

'পোলার সেণ্টিনেল স্রেফ একটা রিসার্চ সাবমেরিন, ম্যাম। কোনও আর্মামেণ্ট নেই ওটাতে। ওটা সম্ভবত সাহায্যের আশায় শুভ্র পিঞ্জর-১

এলাকা ছেড়ে চলে গেছে। মানে... যদি রাশান সাবমেরিনটার
কবলে না পড়ে থাকে আর কী।'

'তা হলে কী করব আমরা? হাত-পা গুটিয়ে বসে থাকব?
ভরসা করব রাশানদের কথার উপরে?'

'না!' নতুন একটা কষ্ট শোনা গেল।

একসঙ্গে ওদিকে মাথা ঘোরাল সবাই। এসে পড়েছে
পাওয়েল, শাওয়ার নেয়া শেষ হয়েছে তার। একটা চেয়ার টেনে
বসে পড়ল ফায়ারপ্লেসের সামনে। তারপর বলল, 'ফার্নান্দেজকে
খুন করেছে ওরা; সবাইকেই করবে। চুপচাপ বসে থাকা মানে
চুপচাপ মৃত্যুকে বরণ করে নেয়া।'

গম্ভীর হয়ে গেল সবাই। কেউ কোনও কথা বলল না কয়েক
মুহূর্ত।

শেষ পর্যন্ত নীরবতা ভেঙে অ্যাবি বলল, 'সেক্ষেত্রে একটা
প্ল্যান দরকার আমাদের।'

ছাবিশ

কমাণ্ডার ফিশার নিশ্চিত, পথ হারিয়েছে ওরা। আশঙ্কাটা মাথায়
চাপার সঙ্গে সঙ্গে খিচড়ে গেছে ঘোজাজ। এমনিতে শান্ত স্বভাবের
মানুষ সে, কিন্তু এই টানেলের গোলকধার্ধা স্বয়ং মহাত্মা গান্ধীরও
ধৈর্য্যতি ঘটাবে নিঃসন্দেহে। এমন বিত্তিকিছিরি জায়গা আগে
কোনোদিন দেখেনি সে। যেদিকে তাকায় শুধু বরফ আর বরফ।

সামনে, পিছনে, উপরে, নীচে... সবখানে একই দৃশ্য। দিক ঠিক
রাখা দায়।

ফিশারের ঠিক সামনে হাঁটছে লেফটেন্যাণ্ট লিসা ইভান্স।
হাবভাবে ঘাবড়ে যাবার কোনও চিহ্ন দেখা যাচ্ছে না। পাথরের
তৈরি নার্ভ নাকি? মেয়েটা নতুন একটা টানেলে চুকতে যাচ্ছে
দেখে হাঁক ছাড়ল কমাওয়ার, ‘লিসা! কোথায় যাচ্ছ তুমি?’

দেয়ালের উপর আলো ফেলল লিসা। বেগুনি রঙের একটা
প্রতীক দেখা যাচ্ছে ওখানে। বলল, ‘মার্কিং করা এরিয়ার মধ্যে
এটাই শুধু দেখা বাকি, স্যর। শুনেছি এদিককার গুহায় কাজ করে
বিজ্ঞানীরা।’

‘মার্কিং ছাড়া এলাকাও আছে নাকি?’ বিশ্মিত গলায় জিজ্ঞেস
করল ফিশার।

‘জী, স্যর। ওই অংশ আরও বড়। এখানে শেষ করে ওদিকে
যাব নাহয়। বাড়তি কিছু পেইণ্ট ক্যান নিতে হবে তখন—দেয়ালে
দাগ দেবার জন্য। নইলে পথ হারাবার ভয় আছে।’

‘এখনও পথ হারাইনি বলতে চাইছ?’

হেসে উঠল লিসা। ‘কী যে বলেন না! এদিকের সব দেয়ালে
মার্কিং আছে, দেখতে পাচ্ছেন না? চাইলেও তো পথ হারাতে
পারবেন না।’

বিরক্ত ভঙ্গিতে তাকে এগোবার ইশারা করল ফিশার।

ইভ্যাকুয়েশনের সময় দলের দু'জন সদস্যকে স্নেক পিটে
পাঠিয়েছিল সে। বুলহর্ন নিয়ে হাঁকডাক করেছে তারা, সবাইকে
বের হয়ে আসতে বলেছে। তাড়াহড়োয় সব জায়গায় ঠিকমত টুঁ
মারতে পারেনি তারা; যাদেরকে বের হতে দেখেছে, তাদেরকে
নিয়েই সন্তুষ্ট খেকেছে। কিন্তু পরে... হিসাব মিলাতে গিয়ে দেখা
গেল বেশ ক'জন নিখোঁজ। এদের মধ্যে একজন হলো ড. শ্যারন
বেকেট—ওমেগা স্টেশনের প্রধান। ওই পরিস্থিতিতে ফিরে যেতে

পারেনি ফিশার, পিছনে রয়ে গেছে কর্তব্যের তাগিদে। স্বেচ্ছায় তার সঙ্গে যোগ দিয়েছে লেং লিসা। রাশান স্টেশনের নিরাপত্তার দায়িত্বে ছিল সে, অপরাধবোধে ভুগছিল সবাইকে সরাতে না পারায়।

হাঁটতে হাঁটতে মেয়েটার কর্তব্যপরায়ণতার প্রশংসা করল কমাওয়ার মনে মনে। জুনিয়র অফিসারদের মধ্যে এমনটা সচরাচর দেখা যায় না... তাও আবার মেয়েদের মধ্যে। চমৎকার মেয়ে এই লিসা, চোখ দিয়ে মাপল তাকে ফিশার। লম্বা-চওড়া দেহ আর ববকাট চুল মিলিয়ে জাত-যোদ্ধার মত লাগছে। আসলেও তা-ই। মেয়েলিপনা নেই এই মেয়ের মধ্যে, আচার-আচরণ খাঁটি নেভাল অফিসারের মত।

টানেলের দিকে চোখ ফেরাল ফিশার। 'মনে পড়ে গেছে দায়িত্বের কথা। নিঝোঁজ বিজ্ঞানীদের খুঁজে বের করতে হবে, নিশ্চিত করতে হবে তাদের নিরাপত্তা। মুখের সামনে বুলহর্ন তুলে সুইচ টিপল। উদান্ত কষ্টে বলল, 'দিস ইজ কমাওয়ার টিমোথি ফিশার। কেউ আমার কথা শুনতে পেলে সাড়া দিন!'

টানেলের দেয়ালে বাড়ি খেয়ে প্রতিধ্বনি উঠল। বুলহর্ন নামিয়ে একটু অপেক্ষা করল ফিশার জবাব শোনার আশায়। অবশ্য জবাব পাবে বলে আশা করছে না। আধমণ্টা যাবৎ স্নেক পিটের এখানে-ওখানে হাঁক ছাঢ়ছে সে, এখন পর্যন্ত সাড়া দেয়নি কেউ। কিন্তু এবার তার ব্যতিক্রম ঘটল। দূর থেকে কে যেন পাল্টা চিৎকার করে উঠল। দূরত্বের কারণে অস্পষ্ট শোনাল আওয়াজ।

দাঁড়িয়ে গেল লিসা। ফিসফিস করে বলল, 'শুনতে পেয়েছেন?'

'হ্যাঁ। ওদিক থেকে এসেছে।' আঙুল তুলল ফিশার। 'মুভ!'

পাশের একটা টানেলে চুকে পড়ল দু'জনে। এগোল দ্রুত

পায়ে। একটু পরেই বিশাল একটা গুহায় বেরিয়ে এল। থমকে দাঁড়াল ফিশার। জমাট বাঁধা একটা জলাশয়ের উপর দাঁড়িয়ে আছে সে। পুরো গুহা জুড়ে পড়ে আছে জেনারেটর আর অন্যান্য ইকুইপমেণ্ট। একপাশে ভলকানিক পাথরের বিশাল এক ক্লিফ ফেস—উদ্ভাসিত হয়ে আছে ক্রিম আলোয়।

‘ক্রাইস্ট!’ ফিসফিস করে বলল কমাণ্ডার ফিশার।

বেঁটেখাটো, টাক মাথার এক বিজ্ঞানী এগিয়ে এলেন ওদের দিকে। সঙ্গে অল্লবয়েসী দুই অ্যাসিস্টেন্ট। ওদেরকে দেখে লিসা বিশ্মিত কষ্টে বলল, ‘ড. কনওয়ে! আপনি এখনও এখানে কেন? ইভ্যাকুয়েশনের খবর পাননি?’

‘হ্যাঁ, পেয়েছি,’ বিরক্ত গলায় বললেন কনওয়ে। ‘কিন্তু আমার কাজের সঙ্গে পলিটিন্সের কোনও সম্পর্ক নেই। দিস ইজ সায়েন্স। স্টেশনের নিয়ন্ত্রণ যার হাতেই থাকুক, কিছু যায়-আসে না। আমার স্পেসিমেনগুলো ঠিক থাকলেই হয়। যত বিপদই আসুক, ওগুলোকে ফেলে যেতে পারব না আমি... বিশেষ করে এমন একটা স্পর্শকাতর মুহূর্তে। থঅয়িং প্রসেস প্রায় শেষ—বরফ গলিয়ে স্পেসিমেনগুলোকে বের করে আনছি আমরা।’

‘স্পেসিমেন! থঅয়িং!!’ হতভম্বের মত বলল ফিশার। ‘কী বলছেন এসব?’

‘ওগুলোকে রক্ষা করতে হবে!’ জোর গলায় বললেন কনওয়ে। ‘ব্যাপারটা বোঝার চেষ্টা করুন... ডেটা কোরাপশনের ঝুঁকি নিতে পারি না আমি!’

দুই অ্যাসিস্টেন্ট নার্ভাস ভঙ্গিতে নড়াচড়া করছে, খেয়াল করল ফিশার। সম্ভবত বসের যুক্তি মেনে নিতে পারছে না ওরা। বয়স বেশি না ওদের—জীবনের বহু সাধ-আহুদ মেটানো বাকি। পাগলাটে এক বিজ্ঞানীর জন্য প্রাণের উপর ঝুঁকি নেবার কোনও মানে হয়?

‘ଆସନୁ ଆପନାଦେର ଦେଖାଇ,’ ବଲଲେନ କନ୍ତୁଯେ । ‘ଇ.ଇ.ଜି. ଅୟାଷ୍ଟିଭିଟି ଡିଟେକ୍ଟ କରଛି ଆମରା ।’ କଥା ଶେଷ କରେଇ ଉଲ୍ଟୋ ଘୁରେ ହନହନିଯେ ହାଟତେ ଶୁରୁ କରଲେନ । ତାକେ ଅନୁସରଣ କରଲ ବାକିରା ।

‘ଡ. ବେକେଟେ କି ଏଥାନେ?’ ଜିଜ୍ଞେସ କରଲ ଲିସା ।

‘ନା ତୋ!’ ବଲଲେନ କନ୍ତୁଯେ । ‘କେନ... ଏଥାନେ ଥାକାର କଥା ନାକି?’

‘ଏଦିକେଇ କୋଥାଓ ଆଛେନ ଉନି । ଡ. ବେନଟନେର ସଙ୍ଗେ ଏସେହେନ ଜିଯୋଲଜି ଡିପାର୍ଟମେଣ୍ଟେର ଏକ ଜୁନିୟର ରିସାର୍ଚରକେ ଥୁଜିତେ ।’

‘ଏ-ବ୍ୟାପାରେ ଆମାର କିଛୁ ଜାନା ନେଇ । ଗତକାଳ ଥେକେ ଏଥାନେ କାଜ କରଛି ଆମରା, ବାଇରେ ଯାଇନି । ଖାଓୟା-ଦାଓୟାଓ ସେରେଛି ଏଥାନେଇ ।’

କୁଣ୍ଠ ଫେସେର ସାମନେ ପୌଛେ ଗେଲ ଓରା । ଫାଟିଲ ଧରେ ଓପାଶେର ଶୁହାୟ ସଙ୍ଗୀଦେର ନିଯେ ଚଲଲେନ କନ୍ତୁଯେ । କିଛୁଦୂର ଯେତେଇ ଶୋନା ଗେଲ ମେଘେତେ ବୟେ ଯାଓୟା ପାନିର ଉପର ଛପଛପ ଆଓୟାଜ—ଅନ୍ୟପ୍ରାନ୍ତ ଥେକେ ଦୌଡ଼େ ଆସଛେ କେ ଯେନ । ହାଲକା-ପାତଳା ଗଡ଼ନେର ଏକ ତରୁଣୀ ଉଦୟ ହଲୋ କରେକ ସେକେଣ୍ଡ ପର । ବାଇଶ-ତେଇଶେର ବେଶ ହବେ ନା ବୟସ । ଡ. କନ୍ତୁଯେର ଆରେକ ଅୟାସିସଟେଣ୍ଟ । ହାପାଚେ ।

‘ଥାମୋ, ଥାମୋ!’ ହାତ ତୁଲେ ବଲେ ଉଠିଲେନ କନ୍ତୁଯେ । ‘ଏଭାବେ ଛୁଟିଛ କେନ, ଲିଲି?’

‘ପ୍ରଫେସର!’ ଭୟାର୍ତ୍ତ ଗଲାୟ ବଲଲ ଲିଲି ନାମେର ମେଯେଟା । ‘ଓଥାନେ... ଓଥାନେ...’

‘କୀ ହେଁବେ?’

ପିଛନଦିକେ ଇଶାରା କରଲ ଲିଲି, ମୁଖ ଦିଯେ କଥା ବେରଙ୍ଗଲ ନା । ଭୀଷଣ ଭୟ ପେଯେଛେ, ବିକ୍ଷାରିତ ହେଁ ଆଛେ ଦୁ’ଚୋଥ ।

‘କୋନ୍ତା ସମସ୍ୟା ଦେଖା ଦିଯେଛେ?’ ଜିଜ୍ଞେସ କରଲେନ କନ୍ତୁଯେ ।

প্রথমে নেতিবাচক ভঙ্গিতে মাথা নাড়ুল লিলি, তারপর আবার ইতিবাচকভাবে।

‘ধ্যান্দেরি!’ বিরক্তি প্রকাশ করলেন কনওয়ে। ‘কী বলছ কিছুই বুঝতে পারছি না। চলো আমার সঙ্গে।’

সামনে পা বাঢ়ালেন তিনি। প্যাসেজ পেরিয়ে বেরিয়ে এলেন ছোট গুহাটায়। পিছু পিছু বাকিরা। ভিতরে পা দিয়েই নাক-মুখ কুঁচকে ফেলতে বাধ্য হলো ফিশার আর লিসা। বিছিরি বোটকা গঙ্গে নাড়িভুঁড়ি উল্টে আসার জোগাড়। গন্ধটা আসছে গুহার মাঝখানে পড়ে থাকা একটা পেটকাটা অস্তুত জন্ম থেকে।

শুধু ওটাই নয়, অক্ষত অবস্থায় আরও ছ'টা স্পেসিমেন দেখতে পেল ফিশার—মেঝের উপর কুণ্ডলী পাকিয়ে পড়ে আছে, আশপাশে গলা-আধগলা বরফের টুকরো। বরফ গলিয়ে বের করে আনা হয়েছে ওগুলোকে। দুটো প্রাণীর শরীরের সঙ্গে মেডিক্যাল ইকুইপমেন্টের ওয়ায়্যার লাগিয়েছে বায়োলজিস্টরা—অন্যপ্রাণে ভিডিও মনিটর। পর্দায় ওঠানামা করছে সবুজ রেখা।

গুহার ভিতরে নজর বোলালেন কনওয়ে। ভুরু কুঁচকে বললেন, ‘কই... কিছুই তো দেখছি না।’ লিলির দিকে ফিরলেন। ‘তুমি অমন করলে কেন?’

হাত তুলে একটা প্রাণীকে দেখাল লিলি। পেটকাটা স্পেসিমেনের পাশে পড়ে আছে ওটা। বলল, ‘ওটাকে নড়তে দেখেছি আমি।’

‘নেশা করেছ? নাকি মাথা খারাপ হয়ে গেছে? নিশ্চয়ই আলো-ছায়ার কারসাজিতে ভয় পেয়েছ।’

ধমক খেয়ে মিহিয়ে গেল মেয়েটা। কিন্তু চেহারা দেখে বোঝা যাচ্ছে, ব্যাখ্যাটা বিশ্বাস হয়নি তার।

ফিশার আর লিসার দিকে ফিরলেন কনওয়ে। বললেন, ‘ই.ই.জি. রিডিং দেখে ঘাবড়ে গেছে ও। অভিজ্ঞতা কম কি না!’

‘ই.ই.জি.? মানে ব্রেনওয়েভের কথা বলছেন?’ বিশ্বয় প্রকাশ করল ফিশার। হেঁটে মনিটরের সামনে গিয়ে দাঁড়াল সে।

‘ঠিক ব্রেনওয়েভ না,’ এগিয়ে এসে বললেন কনওয়ে। ‘ই.ই.জি. হলো ব্রেনের মধ্যকার এক ধরনের ইলেকট্রিকাল পালস। স্পেসিমেনগুলোর মধ্যে এর নমুনা পেয়েছি আমরা।’

ঘুরে তাঁর মুখোমুখি হলো ফিশার। ‘বলতে চাইছেন এগুলো জ্যান্ত?’

‘না, না। তা হবে কেন? স্পেসিমেনগুলো পঞ্চাশ হাজার বছরের পুরনো। তবে হঠাতে করে যদি কোনও জ্যান্ত প্রাণী বরফে জমাট বেঁধে যায়, তা হলে এ-ধরনের ঘটনা ঘটতে পারে। মগজের কেমিকালগুলোও জমাট বেঁধে যায় সেক্ষেত্রে, নষ্ট হবার সময় পায় না। পরে যখন দেহটাকে গরম করতে শুরু করবেন আপনি, কেমিকালগুলো স্বাভাবিক অবস্থায় ফিরে আসবে। কিছুটা সময়ের জন্য নিউরো-কেমিকাল রিঅ্যাকশনও চলতে থাকবে। তবে প্রাণীটা যেহেতু মৃত, ওই রিঅ্যাকশন বেশিক্ষণ স্থায়ী হবে না। আন্তে আন্তে থেমে যাবে। কেন আমি এখান থেকে নড়ছি না, বুঝতে পারছেন নিশ্চয়ই? থেমে যাবার আগেই প্রাগৈতিহাসিক এই প্রাণীগুলোর নিউরো-কেমিকাল ডেটা সংগ্রহ করতে হবে আমাকে। এ-ধরনের অ্যাস্ট্রিভিটি গত পঞ্চাশ হাজার বছরে কেউ দেখেনি!'

‘যা-ই বলুন, দানবগুলো মরে পড়ে থাকলেই খুশি হব আমি,’ অস্বস্তিভরা গলায় বলল ফিশার।

যেন তার কথা শুনেই আচমকা ঝাঁকি খেলো একটা স্পেসিমেনের দেহ। কুণ্ডলী খুলে সোজা হতে শুরু করল ওটা, লেজের আঘাতে পড়ে গেল একটা লাইট-পোল। চমকে উঠল সবাই... এমনকী ড. কনওয়েও। চরম অবিশ্বাস নিয়ে তাকাল দানবটার দিকে।

ধীরে ধীরে পুরো সোজা হয়ে গেল ওটার শরীর। তারপরেই

শুরু হলো শরীর মোচড়ানো। ডাঙায় তোলা মাছের মত মেঝেতে লাফ-বাঁপ দিতে থাকল। খিঁচুনি হচ্ছে গোটা শরীরে—কখনও টান টান হয়ে যাচ্ছে চামড়া, কখনও বা শিথিল।

মোহগ্রস্তের মত প্রাণীটার দিকে এগিয়ে গেলেন কনওয়ে। ফিসফিসিয়ে বললেন, ‘প্রাণ ফিরে পাচ্ছে ও! অবিশ্বাস্য!!’

‘ডষ্টের!’ পিছন থেকে ডাক দিল ফিশার।

আর তখুনি বিজ্ঞানীর দিকে বাঁপ দিল দানব। চোয়াল খুলে গেছে, উজ্জ্বল আলোয় চকচক করছে ধারালো দাঁতের সারি। খপ্প করে তাঁর কলারের পিছনটা চেপে ধরল ফিশার, একটানে সরিয়ে আনল পিছনে। বিজ্ঞানীর নাগাল না পেয়ে মেঝেতে আছড়ে পড়ল দানব, শরীর মোচড়ানো থামেনি।

ঝট করে রাইফেল তুলল ফিশার। তাক করল প্রাণীটার দিকে। ট্রিগার চাপার আগেই বোঁ করে উঠল মাথা, গলার কাছে উঠে এল বমি। চোয়ালের হাড়ে অনুভব করল অদ্ভুত কম্পন। একই অবস্থা বাকি সবার—দু'হাতে কান চেপে ধরেছে। কী ঘটছে, সেটা সাবমেরিনার হবার সুবাদে পরিষ্কার বুঝতে পারল কমাণ্ডার।

আন্ট্রাসোনিক সাউণ্ড! বেরিয়ে আসছে দানবটার মুখ দিয়ে!

‘দেখুন!’ কনওয়ের এক অ্যাসিস্টেন্ট চেঁচিয়ে উঠল, হাত তুলে রেখেছে ই.ই.জি. মেশিনগুলোর দিকে।

ঘাঢ় ফেরাল ফিশার, ক্রিনের দিকে তাকাল। এতক্ষণের অলস সবুজ রেখা এখন রীতিমত লাফালাফি করছে পুরো ক্রিন জুড়ে। বেড়ে গেছে মন্তিক্ষের অ্যাস্ট্রিভিটি। মেশিনদুটোর সঙ্গে জোড়া দেয়া স্পেসিমেনগুলোও এখন কাঁপতে শুরু করেছে। ঝট করে খুলে গেল আরও একটা কুণ্ডলী পাকানো দেহ।

‘মুভ!’ চেঁচিয়ে উঠল ফিশার। সবাইকে নিয়ে ছুটল ফাটলের ভিতরে। ড. কনওয়ে নড়তে চাইছিলেন না, তাঁকে একরকম শুভ পিঞ্জর-১

টেনে-হিঁচড়ে নিয়ে আসতে হলো। পিঠ্টান দেয়াই উচিত, কিন্তু কৌতুহলের সামনে হার মানল আতঙ্ক। ফাটলে চুকে থেমে গেল সবাই। ওখান থেকে উকি দিল এরপর কী ঘটে তা দেখার জন্য।

‘ইটস্ আমেইজিং!’ বলে উঠলেন কনওয়ে। ‘পরম্পরের সঙ্গে যোগাযোগ করছে ওরা!'

‘আল্ট্রাসোনিক সাউণ্ডের সাহায্যে?’ প্রশ্ন ফিশারের।

‘পুরনো আমলের তিমির গান,’ বললেন কনওয়ে। ‘অ্যাম্বিউলোসিটাসরা আধুনিক তিমির পূর্বপুরুষ, ওদের কাছ থেকেই হয়তো গান গাওয়ার ক্ষমতা পেয়েছে আজকের তিমিরা। যদূর বুঝলাম, ওই আল্ট্রাসোনিকস্ এক ধরনের বায়োলজিক্যাল ট্রিগার... সবাইকে জাগিয়ে তুলছে শীতনিদ্রা থেকে। এক ধরনের ডিফেন্স মেকানিজম... নিরাপত্তার জন্য একাড়া হতে চাইছে ওরা।’

প্রথম যে-দানবটা জেগে উঠেছে, ওটার খিঁচুনি থেমে যেতে দেখল ওরা। মেঝেতে শুয়ে শুয়ে হাঁপাচ্ছে এখন ওটা, ঘড়ঘড় শব্দে শ্বাস ফেলছে। ধীরে ধীরে হিংস্র হয়ে উঠে চেহারা। বিপদের আভাস পেল কমাঞ্চার ফিশার। প্রাণীটার দিকে রাইফেল তুলল সে।

খপ্ করে রাইফেলের ব্যারেল ধরে ফেললেন ড. কনওয়ে, নামিয়ে দিলেন নীচে। চাপা গলায় বললেন, ‘আপনার কি মাথা খারাপ হয়েছে, কমাঞ্চার? স্মরণকালের শ্রেষ্ঠ আবিষ্কার আমাদের সামনে... আর আপনি ওটাকে গুলি করতে চাইছেন?’

‘কিছু মনে করবেন না, ডক্টর,’ চাঁছাছোলা গলায় বলল ফিশার। ‘যা করছি, বুঝেশুনেই করছি আমি। পরিষ্কার বুঝতে পারছি—দানবগুলো বিপজ্জনক। এমনিতেই যথেষ্ট বিপদের মধ্যে আছি সবাই, নতুন বিপদ ঘাড়ে নেবার প্রয়োজন দেখছি না।’

‘তাই বলে আপনাকে আমি গুলি চালাতে দেব না,’ গেঁয়ারের মত বললেন কনওয়ে।

‘বেশ, তা হলে আপনার আবিষ্কার এখানেই থাকুক। আমরা বরং কেটে পড়ি। আসুন।’ ফাটল থেকে বেরুবার জন্য ইশারা করল কমাওয়ার।

‘কিন্তু... কিন্তু আমার স্পেসিমেনগুলোর প্রোটেকশন দরকার।’

‘ভাল করে তাকান ওদের দিকে। আপনার সাহায্য দরকার নেই ওদের; নিজেরাই নিজেদের প্রোটেকশন দিতে পারবে... কোনও সন্দেহ নেই তাতে।’ বাঁকা সুরে বলল ফিশার। ‘আর কোনও কথা নয়, ডেন্ট। হাঁটুন! লিসা, সবাইকে বের করো এখান থেকে।’

খেদিয়ে সবাইকে ফাটল থেকে বের করে আনল দুই নেভাল অফিসার। আইস রিঙ্কের উপর দিয়ে হাঁটিয়ে নিয়ে চলল। যত দ্রুত সম্ভব স্নেক পিট থেকে বেরিয়ে যেতে চায়।

‘রাশানরা নিশ্চয়ই জানে এই স্পেসিমেনগুলোর কথা,’ বলে উঠলেন ড. কনওয়ে। ‘সেজন্যেই বেইসের দখল নেবার জন্য অস্ত্র হয়ে উঠেছে। জ্যান্ট অ্যামিউলোসিটাস আবিষ্কারের ক্রেডিট নিতে চায় ওরা।’

কমাওয়ার ফিশার জানে, তাঁর ধারণা ভুল। অন্ন যে-ক’জন মানুষ বেইসের চার নম্বর লেভেলের রহস্য জানে, তার মধ্যে সে একজন। বৈজ্ঞানিক কোনও আবিষ্কারের প্রতি আঁগ্রহ নেই রাশানদের, ওরা আসছে এখানকার সবকিছু ধামাচাপা দেবার জন্য।

আইস রিঙ্কের প্রায় শেষপ্রাপ্তে পৌছে গেছে ওরা, এমন সময় চেঁচিয়ে উঠল লিসা। ‘কমাওয়ার! আমাদের পিছনে!!’

পাঁই করে ঘূরল ফিশার। চোখ বড় হয়ে গেল সঙ্গে সঙ্গে। ক্লিফ ফেসের ফাটল দিয়ে বেরিয়ে এসেছে একটা দানব। তার পিছনে আরেকটা বেরুল... তারপর আরও একটা...! দু’পায়ে ভর দিয়ে উঠে দাঁড়িয়েছে ওগুলো। হাঁটছে টলমল পায়ে... নির্দিষ্ট শুভ পিঞ্জর-১

একটা উদ্দেশ্য নিয়ে। লোভীর মত হাঁ হয়ে আছে সবগুলো প্রাণীর মুখ। পদ্ধতি হাজার বছরের অভূক্ত, খাবারের জন্য পাগল হয়ে উঠেছে ওরা।

‘ইন্টারেস্টিং!’ মন্তব্য করলেন কনওয়ে।

‘জলদি হাঁটুন!’ চেঁচিয়ে উঠল ফিশার। ‘আমাদেরকে বেরিয়ে যেতে হবে এখান থেকে!!’

চি�ৎকারটা বেরতেই ঝট করে ওদের দিকে ঘুরে গেল তিন দানবের মুখ। চোয়ালে আবারও আল্ট্রাসোনিকসের কম্পন অনুভব করল কমাণ্ডার। সোনারের মত শব্দতরঙ্গ ছুঁড়ে দানবগুলো... ট্র্যাক করছে ওদেরকে!

‘শিট!’ গাল দিয়ে উঠল ফিশার। ওদেরকে ধরতেই উঠে এসেছে প্রাণীগুলো!

নতুন দুটো মুখ উদয় হলো ক্লিফের ফাটল থেকে। সেদিকে তাকিয়ে ফিশার নির্দেশ দিল, ‘লিসা, সবাইকে নিয়ে যাও এখান থেকে। পথ তো চেনো... যা-ই ঘটুক, খামবে না কিছুতেই। মেইন বেইসে পৌছুতে হবে তোমাদেরকে। বুঝতে পেরেছ?’

‘আর আপনি, স্যার?’ জিজ্ঞেস করল লিসা।

‘আমি তোমাদের পিছনেই আছি। চেষ্টা করব জানোয়ার-গুলোকে দূরে রাখতে। নাউ মুভ!’

রাইফেল উঁচু করল ফিশার।

‘না... প্রিজ, কর্মাণ্ডার!’ অনুনয় করলেন কনওয়ে।

‘দুঃখিত, ডক্টর,’ রুক্ষ গলায় বলল ফিশার। ‘আমি নিরংপায়।’

এই বইটি বাংলাপিডিএফবই এর সৌজন্যে নির্মিত। বইটি ভালো লেগে
থাকলে অবশ্যই এর একটি কপি আপনার নিকটতম বুকস্টল থেকে
সংগ্রহ করার জন্য অনুরোধ করা হল। লেখক কিংবা প্রকাশকের কোন
প্রকার আর্থিক ক্ষতি আমাদের কাম্য নয়।

বাংলাপিডিএফবই ওয়াটারমার্ক বিহীন বই প্রকাশ করে থাকে। এই
পদ্ধতি অবলম্বনের কারণে আমাদের ওয়েবসাইটটির প্রসারে ও
প্রচারে বাধা আসছে। কাজেই সবার কাছে অনুরোধ করা হচ্ছে যে
আপনি এই ওয়েবসাইটটি থেকে বই ডাউনলোড করে উপকৃত
হলে, অবশ্যই আপনার পরিচিতজনদের কাছে আমাদের সাইটটি
শেয়ার করবেন।

বাংলাপিডিএফবই কর্তৃপক্ষ

BANGLAPDFBOL.COM

সাতাশ

পিঠ ব্যথা হয়ে গেছে রানার। গত একঘণ্টা ধরে আইস ক্যাপের
রুক্ষ প্রান্তরের উপর দিয়ে সর্বোচ্চ গতিতে স্লোক্যাট চালাচ্ছে
বাহনটার ড্রাইভার—পেটি অফিসার টমাস লয়েড। পরোয়া করছে
না খানাখন্দের। ফলে ঝালমুড়ির ডাক্বার মত অবিরাম ঝাঁকি
খাচ্ছে স্লোক্যাট। ঝড় বয়ে যাচ্ছে আরোহীদের উপর দিয়ে। পুরো
শরীর টন্টন করছে রানার। জানালা দিয়ে বাইরে তাকাল ও।
তুষারপাত সামান্য কমেছে, তবে কমেনি বাতাসের তাওব। প্রবল
আক্রোশ নিয়ে আছড়ে পড়ছে ছোট স্লোক্যাটের গায়ে।

অনেকক্ষণ আগেই সঙ্গীদেরকে বোঝানোর চেষ্টায় ক্ষান্ত
দিয়েছে রানা। নৌ-সদস্যরা রাশান বেইসে পৌছুনোর ব্যাপারে
বন্ধপরিকর, কিছুতেই উল্টো ঘুরে কাউকে সাহায্য করতে যাবে
না। রানার অনুরোধে দ্বিতীয় স্লোক্যাটকে রেডিওতে কয়েক দফা
ডাকাডাকি করেছিল ড্রাইভার। কিন্তু কোনও জবাব আসেনি।
আসবে বলে মনেও হয় না। রাশান বেইসকেও শর্ট ব্যাণ্ডে
ডেকেছিল ড্রাইভার, ওখানেও কেউ সাড়া দেয়নি। আপাতদৃষ্টিতে
মনে হচ্ছে, শুভ্রতার এই রাজত্বে ওরা সম্পূর্ণ একা।

অ্যাবি আর রিচার্ডকে নিয়ে চরম দুর্ঘিতায় ভুগছে রানা। কী
ঘটেছে ওদের ভাগ্যে কে জানে! বন্দি হয়েছে? নাকি তার চেয়েও
খারাপ কিছু? ভাবতে চাইছে না ও, কিন্তু মাথা থেকে তাড়াতেও
পারছে না বন্ধুদের অঙ্গলের আশঙ্কা। কীভাবে ওদেরকে সাহায্য
শুভ পিঞ্জর-১

করা যায়, এ-নিয়ে মাথা ঘামিয়েছে কিছুক্ষণ, তবে কোনও পথ দেখতে পায়নি। রাশান বেইসে পৌছনোর পর হয়তো সুযোগ আসবে... সে-আশায় ধৈর্য ধরেছে ও।

‘ওই তো স্টেশনটা!’ হঠাতে বলে উঠল পেটি অফিসার লয়েড। ইঙ্গিত করল সামনের দিকে। কঢ়ে স্বন্দির সুর। ‘যাক, অন্তত বাতি জ্বলে রেখেছে ওরা।’

সামনের দিকে ঝুঁকল রানা, চোখ পিটপিট করে বোঝার চেষ্টা করল বেইস্টা কোথায়। বিশাল এক প্রেশার রিজ চোখে পড়ল ওর, ওটার গায়ে বাতাসে ভেসে আছড়ে পড়ে তুষারের ধারা, পরিষ্কারভাবে দেখা যায় না কিছু। কয়েক সেকেণ্ড তাকিয়ে থাকার পরে গোড়ার কাছে আবছা একটা আলোর আভা সন্তুষ্ট করতে পারল।

‘কই... কোথায় স্টেশন?’ বলে উঠল ম্যাসন। রানার মত তীক্ষ্ণ নয় তার দৃষ্টি। ‘আমি তো কিছুই দেখছি না।’

‘বরফের নীচে,’ বলল লয়েড। ‘আগুরগাউও বেইস ওটা।’

বাঁকুনি খেতে খেতে আলো লক্ষ্য করে এগোল স্নোক্যাট। কিছুদূর যেতেই পার্ক করে রাখা আরও কিছু বাহন দেখতে পেল রানা—ক্ষি-ডু আর স্নোক্যাট... খোঁড়লে ঢোকানো একটা আইসবোটও আছে। প্রেশার রিজের আড়ালে থাকায় বাতাসের ঝাপটা কম লাগছে ওগুলোর গায়ে, তারপরেও অন্তত ছ’ইঞ্জিন তুষার জমে গেছে সবগুলোর উপরে।

পার্কিং এরিয়া পেরিয়ে এল লয়েড, সোজা বেইসের এন্ট্রান্স টানেলের দিকে স্নোক্যাট ছোটাচ্ছে। হঠাতে গাল দিয়ে উঠল লেফটেন্যাণ্ট গ্রিন।

একসঙ্গে ঘুরে গেল স্নোক্যাটের সব আরোহীর মুখ। তুষারের পর্দা ভেদ করে অঙ্গুত এক দৃশ্য ফুটে উঠেছে। বরফের আন্তর ভেঙেচুরে মাথা তুলেছে অতিকায় এক সাবমেরিনের কোনিং

টাওয়ার!

‘এসে পড়েছে রাশানরা!’ উত্তেজিত গলায় বলল ডেভ পার্ল।

রানা লক্ষ করল, পলিনিয়াটা বড় ছোট হয়ে গেছে বিশাল আকুলা ক্লাস সাবমেরিনের জন্য। কোনিং টাওয়ার তুলবার পর চারপাশে খুব একটা জায়গা নেই, খোলের অনেকখানিই ঢাকা পড়ে আছে পুরু বরফের তলায়। তার মানে একসঙ্গে আপার ডেকের সবকটা হ্যাচ খুলতে পারবে না ওরা। কোনিং টাওয়ারের হ্যাচ দিয়ে বের হয়ে আসতে হবে সবাইকে। কিছুটা সময় পাবে ওরা স্টকে পড়ার জন্য।

‘এগোন!’ লয়েডের উদ্দেশে চেঁচিয়ে উঠল ও। ব্রেক কষে স্নোক্যাট দাঁড় করিয়ে ফেলেছে সে। ফ্যাল ফ্যাল করে তাকিয়ে আছে সাবমেরিনের দিকে। ‘দাঁড়িয়ে থাকবেন না।’

‘আমাদের ফিউয়েল প্রায় শেষ,’ হতাশ গলায় বলল লয়েড। ‘পালিয়ে বেশিদূর যেতে পারব না।’

লোকটাকে বোঝাবার চেষ্টা বৃথা, তাতে খামোকা সময় নষ্ট হবে। বাটকা দিয়ে সামনে ঝুঁকল রানা, ধাক্কা দিয়ে লয়েডকে সরিয়ে দিল ড্রাইভিং সিট থেকে, নিজে বসে পড়ল স্টিয়ারিঙের পিছনে।

‘অ্যাই!’ গর্জে উঠল ঘিন। ‘কী করছেন আপনি?’

‘সবার প্রাণ বাঁচাচ্ছি,’ বলল রানা। ‘হাতের কাছে যা পান শক্ত করে ধরুন।’

সগর্জনে স্নোক্যাটকে আগে বাড়াল ও। কাভার দরকার ওদের, বাইরে থাকার অর্থ নিশ্চিত মৃত্যু। হাইড্রোফোনে নিশ্চয়ই স্নোক্যাটের ইঞ্জিনের আওয়াজ শুনেছে রাশানরা, খুব শীঘ্র ছুটে আসবে ওদেরকে বাধা দিতে। তার আগেই পৌছুতে হবে আইস বেইসে—ওটাই এ-মুহূর্তে একমাত্র আশ্রয়।

প্রবেশপথের টানেলের দিকে বাহনকে ছুটতে দেখে রানার শুভ পিঞ্জর-১

পরিকল্পনা বুঝে নিল লেফটেন্যাণ্ট ছিন। প্রতিবাদ করল না আর। শরীর বাঁকিয়ে পিছনে নজর দিল। কোনিং টাওয়ার বেয়ে নামতে শুরু করেছে রাশানরা। সবার পরনে সাদা পারকা, হাতে অটোমেটিক ফায়ার আর্মস। মাটিতে পা রেখেই অন্ত তাক করল ধাবমান স্নোক্যাটের দিকে।

‘বেরিয়ে এসেছে ওরা!’ চেঁচাল ছিন। ‘ফায়ার ওপেন করতে যাচ্ছে!’

‘ধৈর্য ধরুন!’ দাঁতে দাঁত পিষে বলল রানা। ‘আর একটু...’

লাফবাঁপ দিতে দিতে বরফের উপর দিয়ে ছুটছে স্নোক্যাট। পিছনে গর্জে উঠল রাশানদের আগ্নেয়ান্ত্র। ছুটে এল বাঁকে বাঁকে বুলেট। স্নোক্যাটের পিছনে ইস্পাতের ফুলকি উড়ল, ভেঙে পড়ল কাঁচ, গুলির আঘাতে রিয়ার-এণ্ড বাঁকরা হয়ে যাচ্ছে বাহনটার।

‘মাথা নামিয়ে রাখুন সবাই!’ চেঁচিয়ে নির্দেশ দিল রানা। সঙ্গে সঙ্গে সিটের উপর প্রায় শুয়ে পড়ল সবাই।

আঁকাবাঁকা পথে ছুটছে স্নোক্যাট, দূরত্ব বাড়ার সঙ্গে লক্ষ্যভেদ কঠিন হয়ে উঠছে রাশানদের জন্য। একটু পরে পৌছে গেল ওরা আইস স্টেশনের প্রবেশপথের সামনে। স্পিড কমাল না রানা, অ্যাকসেলারেটর চেপে বুনো ষাড়ের মত ছুটে চলল সামনে।

‘ওহ গড়! ওর মতলব বুঝতে পেরে আঁতকে উঠল ম্যাসন।

‘হোল্ড অন! চেঁচিয়ে উঠল রানা।

পরমুহূর্তে লাফ দিয়ে টানেলে ছুকে গেল স্নোক্যাট। দু’পাশের দেয়াল আর ছাত একেবারে চেপে বসেছে চেসিসের গায়ে, ঘষা খেতে খেতে এগিয়ে চলল বাহনটা।

‘মি. রানা!’ আচমকা চেঁচিয়ে উঠল ম্যাসন।

তার ডাক শুনে ছাতের দিকে তাকিয়েই আঁতকে উঠল রানা। স্নোক্যাটের ঠেলা-ধাক্কায় টানেলের কাঠামো দুর্বল হয়ে গেছে। চোখের সামনে সৃষ্টি হচ্ছে আঁকাবাঁকা অসংখ্য ফাটল। খসে

পড়তে যাচ্ছে পুরো টানেলটা। দাঁতে দাঁত পিষে অ্যাকসেলারেটর চেপে ধরে রাখল ও। নেমে আসতে থাকা বরফের টুকরো পিষে ছুটে চলল স্নোক্যাট। পিছনে ভয়ানক আওয়াজ হলো, টানেল ধসে পড়তে শুরু করেছে। তার সঙ্গে তাল মিলিয়ে যেন জীবনবাজি রেখে ছুটছে স্নোক্যাট। প্রতি মুহূর্তে বাড়ছে বাহনের উপর আছড়ে পড়তে থাকা বরফের পরিমাণ, বড় চাঁই নেমে আসাটা এখন স্বেফ সময়ের ব্যাপার।

তাও হাল ছাড়ল না রানা, অ্যাকসেলারেটর চেপে এগিয়ে নিয়ে চলল বাহনটাকে। পঞ্চাশ গজের মত যেতেই স্টিলের ভারী একজোড়া দরজা পড়ল, মরিয়ার মত তার উপর ঝাপিয়ে পড়ল স্নোক্যাট। ধাতব সংঘর্ষের বিশ্রী শব্দ হলো, তুবড়ে গেল স্নোক্যাটের নাক, কিন্তু প্রচণ্ড চাপের মুখে নতি স্বীকার করতে বাধ্য হলো দরজার পাল্লাদুটো। বেঁকে গেল পক্ষাঘাতগ্রস্তের মত, কবজা থেকে ছিঁড়ে ছিটকে গেল দূরে। ড্যাশবোর্ড আর চেসিসের গায়ে বাঢ়ি খেয়ে তখন আরোহীদের অচেতন দশা।

কয়েক মিনিট পর সচেতন হয়ে উঠল রানা। উঠে বসল সিটে। থেমে গেছে টানেলধসের বুক-কাঁপানো আওয়াজ। যশ্চারোগীর মত অনবরত কেশে চলেছে শুধু ওদের বাহন। ইগনিশন-কি ঘুরিয়ে ইঞ্জিন বন্ধ করে দিল ও। তাকাল পিছনে।

শেষ হয়েছে টানেলের ধস। পেরিয়ে আসা পঞ্চাশ গজ জায়গা এখন পুরোপুরি বরফের দখলে। কপালে হাত দিল রানা, স্টিয়ারিঙের সঙ্গে বাঢ়ি খেয়ে ফুলে গেছে একটা পাশ। বাকিদের দিকে ফিরল। ‘সবাই ঠিক আছেন?’

‘কীসের ঠিক?’ ককিয়ে উঠে বলল ম্যাসন। কপালের ব্যাণ্ডেজ চুইয়ে রক্ত পড়ছে তার। ‘আপনি একটা বন্ধ উন্নাদ।’

‘উঁহঁ, দুঃসাহসী,’ পিছন থেকে বলল ত্রিন। ‘নাইস জব, মি. রানা।’

‘প্রশংসা-ট্রিশংসা পরে করলেও চলবে,’ বিব্রত কঢ়ে বলল
রানা। ‘চলুন আগে বেরোই এখন থেকে।’

উইগুশিল্ড ভেঙ্গে গেছে সংঘর্ষে, ওখানকার ঝাঁক গলে হড়ের
উপর দিয়ে পিছলে নেমে এল সবাই। পিছনদিকে তাকাল ডেভ
পার্ল। শিস দিয়ে বলল, ‘চমৎকার! এখানে পৌছুতে হলে যথেষ্ট
খাটতে হবে ওই শুয়োরগুলোকে! রানার দিকে ফিরল। ‘ধসটা কি
ইচ্ছে করে নামিয়েছেন?’

‘নাহুঁ! মাথা নাড়ল রানা। ‘ওটা স্বেফ ভাগ্য।’

‘যা-ই হোক, কাজের কাজ হয়েছে একটা।’

‘চলুন এগোনো যাক,’ বলল গ্রিন। ‘রেকেজটা রাশানদের
ঠেকিয়ে রাখবে বটে, কিন্তু অনন্তকাল নয়। তার আগেই ভাল
দেখে একটা ডিফেন্সিভ পেজিশনে পৌছুতে হবে আমাদেরকে।
বেইসের লোকজনকেও সরিয়ে নিতে হবে নিরাপদ জায়গায়।’

প্যাসেজ ধরে পা চালাল পাঁচজনে। রানার পাশে চলে এল
গ্রিন। ইতিমধ্যে দুঃসাহসী বাঙালি যুবকটির প্রতি শ্রদ্ধা সৃষ্টি হয়েছে
তার মনে। ওর হাতে একটা নাইন মিলিমিটার বেরেটা পিস্তল
গুঁজে দিয়ে বলল, ‘চালাতে জানেন তো?’

‘হ্যা,’ বলল রানা। ‘আমি আর্মিতে ছিলাম... রিটায়ার্ড
মেজর।’

সমবাদারের ভঙ্গিতে মাথা ঝাঁকাল গ্রিন। ‘তাই তো বলি...
এনিওয়ে, আপনি সঙ্গে থাকায় খুব ভাল লাগছে এখন।’

‘শুনে খুশি হলাম।’ স্বষ্টির নিঃশ্বাস ফেলল রানা। যাক, এখন
আর ওকে শক্র ভাবছে না লোকটা।

প্যাসেজ পেরিয়ে একটু পরেই টপ লেভেলের বৃত্তাকার কমন
এরিয়ায় বেরিয়ে এল ওরা। সবকিছু অগোছালো অবস্থায় পড়ে
আছে ওখানে। টেবিলের উপরে আধ-খাওয়া প্লেট-গ্লাস... উল্টে
পড়ে আছে কতগুলো চেয়ার। দ্রুত আশপাশের সবগুলো কামরা

চেক করা হলো। শূন্য কেউ নেই।

‘কোথায় সবাই?’ বিস্মিত হয়ে প্রশ্ন করল ম্যাসন।

জবাব না দিয়ে সিঁড়ির দিকে এগোল গ্রিন। সবাইকে নিয়ে নেমে এল দুই নম্বর লেভেলে। এখানেও একই অবস্থা। খাঁ খাঁ করছে সব কামরা, একজন মানুষও নেই।

‘কেউ নেই এখানেও!’ হতভম্ব গলায় বলল পেটি অফিসার লয়েড। ‘কিন্তু গেল কোথায়? কীভাবে?’

‘পোলার সেপ্টিনেল,’ অনুমান করল গ্রিন। ‘নিশ্চয়ই বিপদ টের পেয়ে নিয়ে গেছে সবাইকে।’

‘আপনাদের সর্বমেরিন?’ জিজ্ঞেস করল রানা।

মাথা ঝাঁকাল গ্রিন।

‘এটা কোনও কথা হলো?’ বিরক্ত গলায় বলল ম্যাসন। ‘এত বিপদ মাথায় নিয়ে ওদেরকে সতর্ক করে দিতে গ্লাম আমরা... অথচ ওরা দেখছি বহু আগেই পাততাড়ি গুটিয়েছে।’

ভুরু কোঁচকাল রানা। ‘আপনি তাতে অসন্তুষ্ট? ওরা এখানে আটকা পড়লে খুশি হতেন?’

‘না, না,’ তাড়াতাড়ি বলল ম্যাসন। ‘ওদেরকে সাহায্য করতে গিয়ে আমরাই আটকা পড়ে গেলাম কিনা...’

‘আটকা আমরা এমনিতেও পড়তাম। যাবার কোনও ভায়গ তো ছিল না আমাদের।’

‘তাও অবশ্য ঠিক।’

‘আমরা এখন কী করব, স্যর?’ লেঃ গ্রিনকে জিজ্ঞেস করল পার্ল।

সিঁড়ির দিকে পা বাঢ়াল গ্রিন। ‘তিন নম্বর লেভেলে পুরনো একটা ওয়েপনস্ লকার আছে। থেনেড, পুরনো রাইফেল... যতটা পারা যায় সংগ্রহ করব আমরা।’

‘তারপর?’ জানতে চাইল ম্যাসন।

গা-ঢাকা দেব। টিকে থাকার চেষ্টা করব।'

'আপনার প্ল্যানের দ্বিতীয় অংশটা আমার পছন্দ হয়েছে,' বলল
রানা।

তিনি নম্বর লেভেলে মাত্র পা রেখেছে ওরা, এমন সময় ভেসে
এল গুলিবর্ষণের আওয়াজ। অস্পষ্ট। উপর থেকে নয়, শব্দটা
আসছে নীচ থেকে!

'গড়!' বলল লয়েড। 'এখনও কেউ আছে এখানে!'

'মনে হচ্ছে ঠিক নীচের লেভেল থেকে আসছে শব্দটা,' বলল
রানা।

'চলুন সবাই!' উত্তেজিত গলায় বলল ত্রিন।

সিঁড়ি ধরে নামতে শুরু করল পাঁচজনে, আর তখনি
বিস্ফোরণের আওয়াজে কেঁপে উঠল পুরো বেইস। এবার আওয়াজ
এসেছে উপর থেকে। থমকে গেল সবাই।

'রাশানরা এসে গেছে,' শান্ত গলায় বলল রানা। 'এন্ট্রান্স
খোলার জন্য এক্সপ্লোসিভ ব্যবহার করছে ওরা।'

'কুইক!' বলে হড়মুড় করে নামতে থাকল ত্রিন। তাকে
অনুসরণ করল বাকিরা।

চিংকার-চেঁচামেচি ভেসে এল উপর দিক থেকে। শোনা গেল
রাশান ভাষায় তর্জন-গর্জন। ধাতব মেরোতে প্রতিধ্বনি উঠল
পদশব্দের। সিঁড়ি থেকে প্রায় উড়ে এসে চার নম্বর লেভেলে নামল
সবাই।

দ্রুত চারদিকে চোখ বোলাল রানা। জায়গাটা অন্যরকম।
মাঝখানের বৃক্ষাকার অংশ খালি, কোনও আসবাবপত্র নেই।
দু'পাশে দুটো দরজা। একটা বঙ্গ, অন্যটা সামান্য ফাঁকা হয়ে
আছে।

ফাঁকা হয়ে থাকা দরজাটার দিকে আঙুল তুলল পার্ল। 'স্নেক
পিট!'

‘ঠিক বলেছ!’ হাঁপাতে হাঁপাতে বলল গ্রিন। ‘লুকানোর জন্য এরচেয়ে ভাল জায়গা আর হয় না। ওটা স্বেফ একটা গোলকধাঁধা!’

ছুটল সবাই ওদিকে।

‘কিন্তু গুলি ছুঁড়ছিল কে?’ দৌড়াতে দৌড়াতে জিজ্ঞেস করল ম্যাসন।

রানার মনেও একই প্রশ্ন।

শব্দ করে থুতু ফেলল গ্রিন। বলল, ‘প্রার্থনা করুন যাতে আমাদেরই কেউ হয়।’

তার কথার অর্থ বুঝতে কষ্ট হলো না রানার। অন্তর্ধারী আরও কয়েকজনকে পাওয়া গেলে দলে ভারী হবে ওরা। লড়াই করতে পারবে। কিন্তু আরেকটা প্রশ্ন থেকে যাচ্ছে সেঙ্কেত্রে।

নীচে এখনও পৌছায়নি রাশানরা। তা হলে কার সঙ্গে গোলাগুলি করছে ওরা?

আটাশ

শ্যারনের লুকানোর জায়গার দিকে পায়ে পায়ে এগিয়ে আসছে গ্রেণেল। হাঁ হয়ে আছে মুখ, দেখা যাচ্ছে রক্তমাখা ধারালো দাঁতের সারি। হাতের থাবায় লেগে আছে মেগানের ছেঁড়া স্কিনসুটের একটা অংশ।

ফাটলের আরও ভিতরে সেঁধিয়ে যাবার চেষ্টা কুরছিল শ্যারন,
শুভ পিঞ্জর-১

হঠাতে আল্ট্রাসোনিক সাউণ্ডের কম্পন অনুভব করল। কেঁপে উঠল চোয়ালের হাড়, শিরশিরে অনুভূতি হলো দাঁতের গোড়ায়, সড়সড় করে দাঁড়িয়ে গেল গায়ের লোম। স্থির হয়ে গেল ও, যেন একজোড়া হেডলাইট এসে পড়েছে ওর গায়ে।

মনে-প্রাণে প্রার্থনা করছে শ্যারন—আর যেন না এগোয় দানবটা। দম আটকে রাখতে রাখতে ক্লান্ত হয়ে গেছে ফুসফুস, চোখের সামনে লাল-নীল তারা দেখছে ও। কপাল ও গাল বেয়ে নামছে চিকন ঘামের ধারা।

ফাটলের এক ফুটের মধ্যে পৌছে গেল ছেগেল। পিছন দিক থেকে আলো আসায় চেহারার খুঁটিনাটি ঢাকা পড়ে গেছে, ফুটে উঠেছে শুধু অবয়বটা। চোখদুটো জুলজুল করছে বরফের গায়ে প্রতিফলিত আভায়—সেখানে খেলা করছে প্রাণহীন, শীতল দৃষ্টি। ওদিকে তাকিয়ে শ্যারন পরিষ্কার বুঝল, মরতে চলেছে ও।

তারপর... ঝট করে মাথা ঘোরাল দানব। তাকাল ওহায় ঢোকার সুড়ঙ্গের দিকে। ওটাকে নড়তে দেখে বুক ধক করে উঠল শ্যারনের, নিজের অজান্তে ফোঁস করে ছেড়ে দিল দম... পরক্ষণে ভয়ে সিঁটিয়ে গেল—ওর উপস্থিতি নিশ্চয়ই ফাঁস হয়ে গেছে!

কিন্তু ওকে অগ্রহ্য করল দানব, পুরোপুরি ঘুরে গেল সুড়ঙ্গের দিকে। একপাশে মাথা কাত করতে দেখে মনে হলো কিছু শোনার চেষ্টা করছে। কী সেটা, জানার উপায় নেই শ্যারনের। হতে পারে কেউ আসছে সুড়ঙ্গ ধরে... কিংবা বেন্টন হয়তো এখনও জীবিত, চিংকার করছে মৃত্যুযন্ত্রণায়। ব্যাপার যা-ই হোক, মেঝেতে কয়েকবার লেজ ঝাপটাল ছেগেল, তারপর তীরের বেগে বেরিয়ে গেল গুহা থেকে।

দীর্ঘ কয়েক মিনিট ফাটলের মধ্যে অপেক্ষা করল শ্যারন, তারপর বেরিয়ে এল কাঁপতে কাঁপতে। পায়ে শক্তি পাচ্ছে না,

ফাটল থেকে বেরতেই টলে উঠল, পড়ে গেল মেঝেতে। তাই
বলে থামল না। হামাগুড়ি দিয়ে এগোতে থাকল সুড়ঙ্গের দিকে।
এই মৃত্যুকূপে আর এক মুহূর্তও থাকতে রাজি নয়। মরতে হলে
বাইরে গিয়ে মরবে।

চোখ-কান খোলা রাখল শ্যারন, কিন্তু দানবটার ছায়াও দেখল
না কোথাও! ঢালু সুড়ঙ্গ ধরে ধীরে ধীরে অগ্সর হলো ও। একটু
পর পৌছে গেল সুড়ঙ্গের শেষ মাথায়। সঙ্গে সঙ্গে বের হলো না
ওখান থেকে, সাবধানে শুধু মাথা বের করল, উঁকি দিল বাইরে।
গ্রেণেলটাকে দেখতে পেল এবার। বাঁ দিকের দেয়াল বেয়ে খুব
দ্রুত উপরদিকে উঠছে, কয়েক সেকেণ্ডের মধ্যে খাদের কিনারা
টপকে অদৃশ্য হয়ে গেল। মনে হচ্ছে নতুন কোনও শিকারের
খেঁজ পেয়েছে।

চোখ ঘোরাল শ্যারন। দেয়াল ঘেঁষে এখনও ঝুলছে ওর
দড়িটা। স্থির, খসে পড়েনি। শেষবার যখন দেখেছিল, তখন ওটা
বাঁধা ছিল ড. বেনটনের গায়ে। এখনও কি আছে? জানার উপায়
একটাই।

সুড়ঙ্গ থেকে বেরিয়ে এল ও। কাছে গিয়ে দু'হাতে শক্ত করে
ধরল দড়িটা, টানাটানি করল কয়েক দফা। খুলে পড়ল না ওটা,
মনে হচ্ছে ওর ওজন নিতে পারবে। আর দেরি করল না শ্যারন,
দড়ি বেয়ে উঠতে শুরু করল উপরে। খাদের দেয়ালে পা ঠেকিয়ে
ওজন ভাগাভাগি করে নিচ্ছে। বেঁচে থাকার তীব্র আকাঙ্ক্ষা ওর
শরীরে শক্তি জোগাচ্ছে, ক্লান্তি স্পর্শ করছে না ওকে। কয়েক
সেকেণ্ডেই উঠে এল উপরে।

খাদের কিনারে সোজা হয়ে দাঁড়াতেই জেফরি বেনটনের
ক্ষত-বিক্ষত লাশ দেখতে পেল। অস্ফুট আর্তনাদ করে মুখ ঘুরিয়ে
নিল ও। মেগানের মত দশা হয়েছে জিয়োলজিস্টের। পড়ে আছে
হাত-পা ছড়িয়ে, পেটের জায়গায় মস্ত এক গর্ত—ভিতরের
শুভ পিঞ্জর-১

নাড়িভুঁড়ি থেয়ে ফেলা হয়েছে। রক্তের মোটা ধারা নেমে এসেছে সবগুলো ক্ষত থেকে, আর সেটাই বাঁচিয়েছে শ্যারনকে। চরম শীতল তাপমাত্রার কারণে জমে বরফ হয়ে গেছে রক্ত, আটকে ফেলেছে দেহটাকে। দড়ির গোড়ায় নোঙরের মত কাজ করেছে বেন্টনের জমাট বাঁধা লাশ।

চোখ মুদে বিড়বিড় করে নিহত সঙ্গীর জন্য প্রার্থনা করল শ্যারন, কাঁদছে নিঃশব্দে। প্রার্থনা শেষ হলে পায়ে পায়ে এগিয়ে গেল লাশের দিকে, মাথা থেকে খুলে নিল মাইনিং হেলমেটটা। আলো প্রয়োজন ওর—হেডল্যাম্পটা কাজে লাগাতে পারবে। হেলমেট খুলতে গিয়ে কাছ থেকে দেখতে পেল বেন্টনের চেহারা। মুখের একপাশ অদৃশ্য, থাবা দিয়ে ছিঁড়ে নেয়া হয়েছে মাংস, উঁকি দিচ্ছে খুলির হাড়। গলাও দ্বিখণ্ডিত করা হয়েছে থাবা মেরে। পুরো মুখে কালচে বরফের প্রলেপ—জমাট বাঁধা রক্ত। শিউরে উঠল শ্যারন। হেলমেট নিয়ে পিছিয়ে এল কয়েক পা। ঘুরে দাঁড়াল।

হেলমেটটা মাথায় পরল শ্যারন—একটু বড় হলো ওটা, কাত হয়ে রইল একপাশে। হেডল্যাম্পটা সোজা করে খাদের পাশের টানেলে আলো ফেলল। দানবটাকে দেখা যাচ্ছে না। ওদিকে পা বাড়াতে যাবে, এমন সময় মেঝেতে চকচক করে উঠল কী যেন।

ছোট একটা আইস অ্যাক্স—ড. বেন্টনের জিনিস। বোধহয় ওটার সাহায্যে আত্মরক্ষার চেষ্টা করেছিল, কিন্তু লাভ হয়নি। লড়াইয়ের ফাঁকে পড়ে গেছে হাত থেকে। কুঠারটা কুড়িয়ে নিল শ্যারন—হয়তো গ্রেগোলকে ঠেকানো যাবে না, তবু একটা অন্তর্ভুক্ত!

টানেলের দিকে কয়েক পা এগিয়েই আবার থমকে দাঁড়াল ও। একটা কথা মনে পড়ে গেছে... বেন্টনের বলা কথা। একাকী মেগানের খৌঁজে রওনা হতে যাচ্ছিল সে, বাধা দেয়ায় বলেছিল,

বেইসের সবাই ব্যস্ত। সেইসঙ্গে জুড়ে দিয়েছিল একটা বাক্য—তা
ছাড়া... ওয়াকি-টকি আছে আমার সঙ্গে!

উল্টো ঘুরল শ্যারন। এগিয়ে গিয়ে হাঁটু গেড়ে বসল
জিয়োলজিস্টের লাশের পাশে। ত্রন্ত হাতে তল্লাশি চালাল।
কোমরের বেল্টের সঙ্গে আটকানো অবস্থায় পাওয়া গেল যন্ত্রটা।
ওটা খুলে হাতে নিল ও। ফ্রিকোয়েন্সি চেক করল, তারপর চাপ
দিল ট্রান্সমিট বাটনে। লাল একটা বাতি জুলে উঠল ওয়াকি-টকির
গায়ে। কাঁপা কাঁপা গলায় বলল, ‘ড. শ্যারন বেকেট বলছি। যদি
কেউ আমার কথা শুনতে পান, তা হলে জেনে রাখুন—স্নেক
পিটের অচেনা একটা অংশে আটকা পড়েছি আমি। বড় আকারের
একটা শিকারি পশুর কবলে পড়েছি। মেগান গুড আর ড. জেফরি
বেনটনকে খুন করেছে ওটা। এবার আমার পালা। আশপাশেই
কোথাও আছে পশুটা... ঠিক কোথায়, তা বলতে পারব না। আমি
চেষ্টা করছি বেইসের মূল অংশে পৌছুনোর। প্লিজ... সাহায্য
করুন আমাকে। অস্ত্র-শস্ত্র নিয়ে আসবেন, প্রাণীটা অত্যন্ত ভয়ঙ্কর
এবং হিংস্র। মার্কিং করা কোনও টানেলে পৌছুতে পারলে আমি
নিজের সঠিক লোকেশন জানাব। ওভার।’

ওয়াকি-টকির স্পিকারের উপর একটা আঙুল ছো�ঝাল
শ্যারন। কেউ যদি জবাব দেয়, তা হলে হয়তো সেটা শুনতে
পাবে না, কিন্তু আঙুলের ডগায় ভাইব্রেশন অনুভব করবে।
কায়োমনোবাক্যে প্রার্থনা করল ও—জবাব দিক কেউ, কিন্তু বাস্তবে
তেমন কিছু ঘটল না। নিখর হয়ে রাইল রেডিও।

একটু অপেক্ষা করে আবারও সাহায্য চাইল ও। কিন্তু
পরিস্থিতির কোনও হেরফের হলো না তাতে। কী আর করা,
দীর্ঘশ্বাস ফেলে উঠে দাঁড়াল শ্যারন। ঘুরে ঘুরে হলো
অঙ্ককার টানেলের। হেডল্যাম্পের আলো ভিতরের ছায়া দূর
করতে পারছে না... পারছে না ওর ভয় দূর করতে। অথচ কিছুই
শুন্দি পিঞ্জর-১

করার নেই। এক হাতে ওয়াকি-টকি রাখল ও, অন্যহাতে আইস অ্যারু। তারপর দুরু দুরু বুকে এগোল সামনে।

নিজের চেষ্টায় উদ্ধার পেতে হবে ওকে।

সাবমেরিন ড্রাকনের পেরিস্কোপ স্ট্যাণ্ডের উপর দাঁড়িয়ে আছে ক্যাপ্টেন আন্তন রুশকিন। পরনে সবুজ রঙের ব্যাটল ইউনিফর্ম, পায়ে বুট। সন্তুষ্ট সে, এখন পর্যন্ত চমৎকার কাজ দেখিয়ে চলেছে তার ছেলেরা। রিপোর্ট আসছে বিভিন্ন জায়গা থেকে, কোথাও কোনও ঝামেলা নেই।

তারপরেও কোনও ঝুঁকি নিচ্ছে না রুশকিন। আইস স্টেশন গ্রেণেল দখল করা হয়েছে, কিন্তু স্লোক্যাট নিয়ে ওখানে ঢুকে পড়া আমেরিকানদের কোনও সন্দান পাওয়া যায়নি। পাঁচজনের ছোট একটা গ্রুপ, নিরাপত্তার জন্য বড় কোনও হৃমকি নয়, তবু সে নির্দেশ দিয়েছে—যে-কোনও মূল্যে ওদেরকে আটক করা চাই। আশা করা যায় খুব শীত্রি ধরা পড়বে লোকগুলো। এ-ছাড়া বাকি স্টেশন সম্পূর্ণ শূন্য অবস্থায় পাওয়া গেছে। আধঘণ্টা আগে হাইড্রোফোনে দ্বিতীয় একটা সাবমেরিনের ব্যালাস্টের আওয়াজ পেয়েছিল ওরা, সন্দৰ্ভত ওটাতে চেপেই কেটে পড়েছে সবাই।

প্রতিপক্ষের পরিচয় জানে রুশকিন—আমেরিকান এক রিসার্চ সাবমেরিন... ইউএসএস পোলার সেগ্টিনেল। হৃমকি নয় ওটা তাদের জন্য। ডুবোজাহাজটা পরীক্ষামূলক ঘড়েলের, নিরস্ত্র। এতক্ষণে নিশ্চয়ই লেজ তুলে পালাচ্ছে মেইনল্যাণ্ডের দিকে। তাড়া করতে নিষেধ করেছেন রিয়ার অ্যাডমিরাল নিকোলায়েভ।

ড্রাকনের প্রাইমারি মিশন হলো আইস স্টেশন গ্রেণেলের দখল নেয়া, এবং ওখানে একটা কমিউনিকেশন সেট স্থাপন করা। এরপর আবার ডাইভ দেবে ড্রাকন, আশপাশে উহল দেবে নতুন কোনও প্রতিপক্ষ উদয় হলে তাদেরকে ঠেকানোর জন্য। অবশ্য

এ-নিয়ে খুব একটা দুশ্চিন্তা করছে না ক্যাপ্টেন। প্ল্যান অনুসারে মাত্র বারো ঘণ্টা চলবে এই অপারেশন। এর মাঝে প্রয়োজনীয় কাজ সেরে নেবে তারা। আশা করা যায়, প্রত্যেক বে-র দুষ্টিনা ততক্ষণ ব্যতিব্যস্ত রাখবে আমেরিকান নৌবাহিনীকে।

‘ক্যাপ্টেন?’ রেডিওম্যানের ডাক শুনে ঘাড় ফেরাল রুশকিন। ‘ওমেগা স্টেশনের সঙ্গে যোগাযোগ করতে পেরেছি। ওরা একটা ট্রান্সমিটার মেরামত করেছে।’

‘সুসংবাদ,’ বলল রুশকিন। নেমে এল পেরিস্কোপ স্ট্যাণ্ড থেকে। রেডিও সেটের হেডফোন কানে ঠেকিয়ে বলল, ‘ক্যাপ্টেন রুশকিন বলছি। রিয়াল অ্যাডমিরাল নিকোলায়েভের সঙ্গে কথা বলতে চাই আমি।’

‘এক মিনিট, ক্যাপ্টেন,’ স্ট্যাটিক ভেদ করে শোনা গেল ওপাশের অপারেটরের গলা। ‘আমি খবর দিচ্ছি অ্যাডমিরালকে।’

অপেক্ষা করার ফাঁকে কথা গুছিয়ে নেবার চেষ্টা করল রুশকিন। ওরা যখন এদিকে এসেছে, তখন পিছনে রয়ে গেছেন নিকোলায়েভ। ওমেগা স্টেশনের বন্দিদেরকে ইন্টারোগেট করবেন, তল্লাশি চালাবেন উখানে। নিশ্চিত হতে চাইছেন—যে-জিনিসের খেঁজে তারা এসেছেন, তা ইতিমধ্যেই ড্রিফট স্টেশনে স্থানান্তর করা হয়েছে কি না।

এমন কক্ষে এবৎ শাস্ত মানুষ আগে কখনও দেখেনি রুশকিন। তার হৃষি সব দিকাত দেন ঠাণ্ডা মাথায়, উত্তেজনার ছিটেকোটা ও জন্ম করা যায় না তাঁর ভিতরে। এই শীতলতার সামনে আকার্টিকের তাপমাত্রাও হার মানবে। সাদা প্রেত বলে যে-ডাকনাম আছে বিয়ার অ্যাডমিরালের, তা বড়ই মানানসই। জলজ্যান্ত একটা ভূতকে দেখলে যতটা ভয় পাবে ক্যাপ্টেন, তার চেয়ে কোনও অংশেই কম ভয় পাচ্ছে না তাঁকে। দশদিন আগে... যখন এই মিশন পেল রুশকিন... যখন জানল, নর্দার্ন ফ্লিট শুভ পিঞ্জর-১

কমাণ্ডারকে নিয়ে অভিযানে যেতে হবে ওকে... বড়ই খুশি হয়েছিল, সম্মানিত বোধ করেছিল। করণ অনুভব করেছিল সমসাময়িক কলিগদের প্রতি—এমন সুযোগ ওদের কপালে জোটেনি বলে। কিন্তু... দশদিনের মাথায় পুরো উল্টো অনুভূতি কাজ করছে তার ভিতরে। অস্বীকার করবার উপায় নেই, নিকোলায়েভ জাহাজে না থাকায় স্বত্ত্ব লাগছে তার।

স্পিকারে খড়খড় আওয়াজ হতেই সংবিধি ফিরে পেল ক্যাপ্টেন। শোনা গেল রিয়ার অ্যাডমিরালের পরিচিত কঠ—বরাবরের মত নিরুত্তাপ, আবেগহীন।

‘ক্যাপ্টেন, স্ট্যাটাস কী তোমাদের?’ জানতে চাইলেন নিকোলায়েভ।

‘আইস স্টেশনের দখল নিয়েছি আমরা, স্যর,’ চোক গিলে বলল রুশকিন। ‘আপনার অনুমানই সত্যি। আমরা পৌছুনোর আগেই ভিতরের লোকজন পালিয়ে গেছে। তবে নতুন পাঁচজন ঢুকেছে ওখানে... ওদেরকে খুঁজছি আমরা।’ সংক্ষেপে স্লোক্যাট সংক্রান্ত ঘটনার বর্ণনা দিল সে। তারপর বলল, ‘স্ট্রাইক টিমের জনবল বাড়িয়ে দিয়েছি আমি—মোট বিশজন গেছে লেভেল-বাই-লেভেল সুইপ চালাবার জন্য। আশা করি খুব শীত্রি আপনার মুভমেন্টের জন্য হিন সিগনাল দিতে পারব।’

‘হিন সিগনালের প্রয়োজন নেই। আমি এখনি রওনা হচ্ছি। নিউক্লিয়ার চার্জটা কি অফলোড করা হয়েছে?’

‘জী, স্যর।’ রুশকিনের চোখের সামনে ভাসছে টাইটেনিয়ামের গোলকটার চেহারা। নিকোলায়েভের নির্দেশ অনুসারে বেইসের সবচেয়ে নীচের লেভেলে নিয়ে যাওয়া হয়েছে ওটা, আটকে দেয়া হয়েছে মেবোতে। ‘কিন্তু স্যর... আপনার এখনি আসার কোনও প্রয়োজন দেখছি না। এখনও শক্রপক্ষের লোক আছে ভিতরে, ওদেরকে বন্দি না করা পর্যন্ত জায়গাটা

‘বুঁকিপূর্ণ...’

‘ওই পাঁচজন আমেরিকানকে ধরতে পারলে কি না-পারলে, তাতে কিছু যায়-আসে না,’ রুক্ষ গলায় তাকে থামিয়ে দিলেন নিকোলায়েভ। ‘লক ডাউন দ্য বেইস। বিশেষ করে চার নম্বর লেভেল... ওটার ধারেকাছে যেন ঘেঁষতে না পারে কেউ। আমি হোভারক্র্যাফট টিমের সঙ্গে আসছি। তুমি এখনি ড্রাকনকে নিয়ে ডাইভ দাও। যত তাড়াতাড়ি সন্তুষ্পণ্ণ প্যাট্রোলিং শুরু করা দরকার। বিকেল চারটায় গ্রেণেলে আবার রন্দিভু, ঠিক আছে?’

‘ইয়েস, স্যর!’ ঘড়ি দেখল রুশকিন। তিনি ঘণ্টার মত টহল দিতে হবে তাকে। ‘ঠিক বিকেল চারটায় আবার ভেসে উঠব আমরা।’

‘খুব ভাল।’ থেমে গেল স্ট্যাটিকের আওয়াজ, ইথারে মিলিয়ে গেল সাদা প্রেতের কষ্ট।

রেডিওম্যানের দিকে ফিরল রুশকিন। ‘স্ট্রাইক টিমের লিডারের সঙ্গে কথা বলব আমি।’

‘জী, স্যর।’ কমিউনিকেশন সেটের নব আর ডায়াল নিয়ে ব্যস্ত হয়ে পড়ল রেডিওম্যান।

সোনার স্টেশনের দিক থেকে ভেসে আসা গুঞ্জনের আওয়াজে ঘাড় ফেরাল ক্যাপ্টেন। কী নিয়ে যেন তর্ক করছে ওরা, উন্ডেজিত।

ওদের দিকে এগিয়ে গেল রুশকিন। ‘কী হয়েছে?’

চেয়ার ছেড়ে উঠে দাঁড়াল সোনার চিফ। বলল, ‘অদ্ভুত কিছু রিডিং পাচ্ছি আমরা, স্যর। এর কোনও মাথামুগ্গ খুঁজে পাচ্ছি না।’

‘কী ধরনের রিডিং?’

‘মাল্টিপল অ্যাকটিভ সোনার সিগনাল। বেশ দুর্বল।’

‘কোথেকে আসছে?’ ভুরু কেঁচকাল রুশকিন। দুশ্চিন্তায় আক্রান্ত হয়েছে। একাধিক সিগনাল মানে একাধিক উৎস। হয়তো শুভ্র পিঞ্জর-১

আমেরিকান নেভির অ্যাটাক সাবমেরিন এসে পড়েছে, সঙ্গে
সারফেস শিপও থাকতে পারে।

‘ওটাই সবচেয়ে অদ্ভুত ব্যাপার, স্যর।’ ক্যাপ্টেনকে অবাক
করে দিল সোনার চিফ। ‘সিগনালগুলো আসছে আইস স্টেশনের
অভ্যন্তর থেকে।’

উন্নিশ

পিস্টল হাতে লেফটেন্যাণ্ট গ্রিনের পিছু পিছ স্নেক পিটে চুকল
রানা, আইস স্টেশনের পরিকল্পিত নির্মাণশৈলী পেরিয়ে পা রাখল
খেয়ালি প্রকৃতির বুকে। ওর পাশে হাঁটছে ম্যাসন, পিছনে রয়েছে
সিম্যান ডেভ পার্ল আর পেটি অফিসার লয়েড। টানেল ধরে
এগিয়ে চলল ওরা।

ফ্ল্যাশলাইট হাতে পথ দেখাচ্ছে গ্রিন, এন্ট্রাঙ্গের বাইরে ওই
একটাই ফ্ল্যাশলাইট পাওয়া গেছে। ভেজা, মসৃণ দেয়ালের গায়ে
প্রতিফলিত হচ্ছে আলো—কালচে বরফ পাছে নীল আভা। রানার
মনে হলো বরফের তৈরি একটা ভাস্কর্যের ভিতর ছোটাছুটি করছে
ওরা।

‘কোথায় যাচ্ছি আমরা?’ হঠাৎ জিজ্ঞেস করল ম্যাসন।

‘আরও কেউ আছে এখানে,’ বলল গ্রিন। ‘ওদের সঙ্গে যোগ
দেব আমরা।’

‘এই স্নেক পিট কত বড়?’ জানতে চাইল রানা। ইতিমধ্যে

টানেল নেটওয়ার্কের ডাকনাম জানতে পেরেছে ও।

‘যথেষ্ট বড়,’ সংক্ষেপে জবাব দিল ছিন। কথা বলে সময় নষ্ট করতে চায় না; একটু পরেই ছোট ছোট কদমে দৌড়াতে শুরু করল। তাল মেলানোর জন্য দৌড়াতে হলো বাকিদেরও। রাশানরা বেশি পিছনে নেই। দূরত্ব বাড়িয়ে নেয়া দরকার... কোন্দিকে যাচ্ছে না যাচ্ছে, সেটা নিয়ে পরে ভাবা যাবে।

সরলরেখায় এগোল না ওরা, ধাওয়াকারীদের বিভ্রান্ত করার জন্য বার বার চুকে পড়ল শাখা টানেলে। এলোমেলো পথে ধীরে ধীরে চুকে যাচ্ছে বরফ-দ্বীপের গভীরে। বড় একটা ইন্টারসেকশনে পৌছুতেই আবার শোনা গেল গুলিবর্ষণের আওয়াজ। থমকে দাঁড়াল ওরা।

ফ্যাল ফ্যাল করে চারপাশের গুহামুখগুলোর দিকে তাকাল লয়েড। ‘কোন্দিক থেকে এল শব্দটা?’

জবাবটা পাওয়া গেল কয়েক মুহূর্ত পর। ডানদিকের একটা টানেলে উদয় হলো আলোর আভা—লাফবাঁপ দিচ্ছে ক্ষণে ক্ষণে। আবারও গুলির আওয়াজ হলো... এবার খুব কাছ থেকে। বন্ধ টানেলে কানে তালা লেগে যাওয়ার জোগাড়।

‘ওই যে, ওদিকে!’ বলল রানা। ঘুরে গেল ও, হাতের পিস্তল তাক করল আলোর দিকে।

চেঁচামেচি শোনা গেল এবার। ছিন ও তার সঙ্গীরাও এবার অন্ত তুলল—বিপদ মোকাবেলা করতে প্রস্তুত। আলোর পটভূমিতে দৌড়াতে থাকা একটা ছায়ামূর্তি চোখে পড়ল ওদের। ইন্টারসেকশনের কাছে পৌছুলে দেখা গেল মানুষটার চেহারা। অল্পবয়েসী এক তরুণ... পাগলের মত ছুটছে। সামরিক বাহিনীর কেউ নয়—মাথায় লম্বা বাবরি চুল, গায়ে সিভিলিয়ান পারকা। চেহারা দেখে মনে হলো মন্ত বিপদে পড়েছে সে।

অন্তহাতে পাঁচজন মানুষকে দেখে থমকে দাঁড়াবে শুভ পিঞ্জর-১

তরুণ—এমনটাই ভেবেছিল সবাই। কিন্তু ওদেরকে অবাক করে দিয়ে দৌড় অব্যাহত রাখল সে। ভিড়কে পাশ কাটিয়ে ছুটল পিছনের টানেলের দিকে। পার হবার সময় ওদেরকে শুধু বলল, ‘পালান!

আরও মানুষ উদয় হলো তার পিছু পিছু। বয়স্ক এক বিজ্ঞানী, সঙ্গে দুই তরুণ-তরুণী। তাদের অনুসরণ করছে নেভির ইউনিফর্ম পরা এক মেয়ে।

‘লিসা!’ মেয়েটাকে চিনতে পেরে চেঁচিয়ে উঠল ত্রিন।

কুশল বিনিময়ের মুড়ে নেই লেঃ লিসা। খেঁকিয়ে উঠল, ‘ওভাবে দাঁড়িয়ে থেকো না, মাইকেল। দৌড়াও।’

দলটার পিছনে আবারও শোনা গেল শুলির আওয়াজ। মাজল ফ্ল্যাশে আলোকিত হলো টানেলের অভ্যন্তর। ইউনিফর্ম পরা আরেকজন মানুষকে দেখতে পেল ওরা। পিছনদিকে শুলি ছুঁড়তে ছুঁড়তে এগিয়ে আসছে। টানেলমুখের কাছে এসে হাঁটু গেড়ে বসল সে। একনাগাড়ে শুলি ছুঁড়ে খালি করে ফেলল ম্যাগাজিন।

‘হোয়াট দ্য হেল...’ বিশ্মিত গলায় বলল ত্রিন। ‘হচ্ছেটা কী?’

হাঁটু গেড়ে বসা মানুষটার পিছনে... টানেলের গভীরে বিশাল একটা ছায়াকে নড়তে দেখল রানা। কী ওটা, বোৰা যাচ্ছে না। মানুষ নয়, এটুকু নিশ্চিত। তা হলে কী?

কনওয়ে আর দুই রিসার্চারকে নিয়ে ওদের কাছে পৌছে গেছে লিসা। থেমে দাঁড়িয়ে উত্তেজিত গলায় বলল, ‘আমাদেরকে বেরিয়ে যেতে হবে এই টানেল থেকে। এক্ষুণি।’

‘সন্তুষ্ট না,’ ত্রিন বলল। ‘পিছনে রাশানরা আছে।’

‘জাহান্নামে যাক রাশান কুত্তারা!’ হাঁপাতে হাঁপাতে বলল লিসা। ‘আমাদের পিছনে আরও খারাপ জিনিস আসছে।’

ইউনিফর্ম পরা দ্বিতীয় মানুষটা ছুটতে শুরু করেছে। দৌড়ের মধ্যেই বদলে নিচ্ছে খালি ম্যাগাজিন।

‘আমাদেরকে পালাতে হবে, মাইকেল!’ জোর গলায় বলল
লিসা।

দ্বিদ্বন্দ্ব ঘেড়ে ফেলল তরুণ লেফটেন্যাণ্ট। লয়েড আর
পার্লের দিকে ফিরল। ‘তোমরা... সিভিলিয়ানদের সরিয়ে নাও।
এদিকটা আমরা দেখছি।’

মাথা ঝাঁকিয়ে ম্যাসনের হাত ধরল লয়েড, তাকে নিয়ে
পিছনের টানেলের দিকে ছুটল লিসা আর গবেষকদের পিছু পিছু।
রানাকেও নিয়ে যেতে চাইছিল পার্ল, কিন্তু ঘটকা দিয়ে নিজের
হাত ছাড়িয়ে নিল ও।

এক মুহূর্ত দ্বিধা করল পার্ল, শেষে জবরদস্তি না করার সিদ্ধান্ত
নিল। কেউ সেধে মরতে চাইলে তার কী? গ্রিনকে শুধু জিজ্ঞেস
করল, ‘রাশানদের ব্যাপারে কী করব, স্যর?’

‘ম্নেক পিটের এগজিট পর্যন্ত নিয়ে যাও সবাইকে,’ নির্দেশ
দিল গ্রিন। ‘ওখানেই অপেক্ষা কোরো আমাদের জন্য।’

মাথা ঝাঁকিয়ে উল্টো ঘুরল পার্ল, ছুট লাগাল বাকিদের পিছু
পিছু।

ইউনিফর্ম পরা মানুষটা এসে গেছে। তাকে চিনতে পেরে
চমকে উঠল গ্রিন। ‘কমাণ্ডার ফিশার!’ পোলার সেণ্টিনেলের
এগজিকিউটিভ অফিসার এখানে কেন!

‘গেট রেডি ফর সাপ্রেসিভ ফায়ার!’ বলল ফিশার। অবাক
হয়নি মোটেই, লেফটেন্যাণ্ট গ্রিনের উপস্থিতি যেন অত্যন্ত
স্বাভাবিক ঘটনা।

ফেলে আসা টানেলের দিকে হাঁটু গেড়ে বসল সে, কাঁধ
বরাবর তুলল রাইফেল। দু’গজ পিছনে পজিশন নিল গ্রিন।
ফ্ল্যাশলাইট তুলে দিল রানার হাতে, কমাণ্ডারের মাথার উপর দিয়ে
নিজের রাইফেল তাক করল সে। সহজ ভঙ্গিতে ফিশারের পাশে
গিয়ে দাঁড়াল রানা। একহাতে আলো ফেলল টানেলের ভিতর,
শুভ পিঞ্জর-১

অন্যহাতে তুলল নিজের হাতে ধরা পিস্তল।

বিস্মিত হয়ে ওর দিকে তাকাল ফিশার। ‘আপনি আবার কে?’

‘মাসুদ রানা... আপাতত আপনাদের সহযোগী,’ হাসল রানা। ‘বিস্তারিত পরিচয় নাহয় পরে হবে।’

‘সেক্ষেত্রে... ওয়েলকাম টু দ্য পার্টি!’ তিক্ত গলায় বলল ফিশার।

‘কে আসছে ওদিক থেকে, জানতে পারি?’ জিজেস করল রানা।

‘দুঃস্পষ্ট!’ থমথমে গলায় বলল ফিশার।

‘পার্ডন?’

‘একটু অপেক্ষা করুন। দেখলেই বুঝে যাবেন।’

ফ্ল্যাশলাইটের নাগালের বাইরে... টানেলের মুকারে একজোড়া চোখ চকচক করে উঠতে দেখল রানা। পরফ্রন্সে বোঁ করে উঠল মাথা। শিরশিরে অনুভূতি হলো দাঁত আর চোয়ালে। আল্ট্রাসোনিকস্!

‘আসছে ওরা!’ সঙ্গীদের উদ্দেশে বলল ফিশার।

আলোর মাঝখানে বিশালদেহী একটা দানব উদয় হলো এবার। ধৰধৰে সাদা চামড়া, শরীরে অনেকগুলো গুলির ক্ষত। ক্ষত থেকে গড়িয়ে নামছে লাল রঙ, সাদা চামড়ার উপরে রক্তের ধারাকে দেখাচ্ছে লাল রঙ। স্ট্রাইপের মত। হতভম্ব হয়ে গেল রানা। কী ওটা! এমন প্রাণী আগে কোনোদিন দেখেনি।

কয়েক মুহূর্ত স্থির হয়ে দাঁড়িয়ে রইল দানব, তারপরেই গর্জন করে ধৰে এল ওদের দিকে। ওটার পিছনে আরও কয়েকটা ছায়াকে নড়তে দেখল রানা। হাতের পিস্তলের দিকে চেয়ে বড় অসহায় মনে হলো নিজেকে। বিশালদেহী এই দানবের সামনে এই ছোট বেরেটা কিছুই নয়।

আল্ট্রাসোনিকসের প্রবাহ জোরালো হয়ে উঠেছে। খুলির

ভিতরে মৌমাছির গুঞ্জন অনুভব করল ও। কমাণ্ডার ফিশার চেঁচিয়ে
উঠল, ‘ফায়ার!’

একসঙ্গে ট্রিগার চাপতে শুরু করল তিনি সহযোদ্ধা। ঝাঁকে
ঝাঁকে বুলেট ছুটে গেল ধাবমান দানবটার দিকে। সাদা শরীরটায়
একের পর এক নতুন ক্ষত দেখা দিল... ছিটকে উঠল রক্ত আর
মাংস, কিন্তু থামল না ওটা। দাঁত-মুখ খিঁচিয়ে এগোতেই থাকল।

‘শালার ব্যাটা দেখি ঘরেই না!’ খিস্তি করে উঠল তিনি।

মাথা ঠাণ্ডা রাখল রানা। দুই সঙ্গীর মত এলোপাতাড়ি গুলি
ছুঁড়ল না। তার বদলে সাবধানে নিশানা করল দানবের খোলা
মুখ-গহ্বরটাকে। চেষ্টা করল ওটার মুখের ভিতরে গুলি ঢোকাতে।
প্রাণীটা ছুটতে থাকায় সহজ হলো না সে-কাজ—উপর-নীচে উঠে
যাচ্ছে বুলেট, কিংবা পুরোপুরি লক্ষ্যভূষ্ট হচ্ছে। ম্যাগাজিনের শেষ
বুলেট খরচ করার আগে মুহূর্তের বিরতি নিল ও, বড় করে শ্বাস
নিয়ে স্থির করল নিশানা, তারপর চাপ দিল ট্রিগারে।

এইবার হলো কাজ। খোলা মুখের ভিতরে ঢুকে গেল ঘাতক
বুলেট, বেরিয়ে গেল খুলি ফুটো করে। দানবের ঘাড়ের কাছে
ছিটকে উঠল রক্ত মেশানো মগজ আর হাড়। ছুটত্ত অবস্থায় ছমড়ি
খেলো ওটা। ধড়াম করে আছড়ে পড়ল মেঝেতে। নড়ল না আর।
বিশাল দেহ দিয়ে আটকে দিল টানেল। পিছনের দানবরা আর
এগোতে পারছে না ওটাকে টপকে।

গুলিবর্ষণ থামিয়ে বিস্মিত চোখে ওর দিকে তাকাল ফিশার
আর তিনি। প্রশংসার সুরে কমাণ্ডার বলল, ‘নাইস শুটিং, মি.
রানা।’

বিস্তৃত ভঙ্গিতে হাসল রানা। বলল, ‘স্রেফ ভাগ্য, আর কিছু
না।’ পিস্টলটা দেখাল—ম্যাগাজিন খালি হয়ে গেছে, হাঁ হয়ে আছে
স্লাইড। ‘ওটাই শেষ বুলেট ছিল।’

‘বিনয় করছেন, না? আমরা রাইফেল দিয়ে যা করতে পারিনি,

আপনি ওই ছোট বেরেটা দিয়ে তা করে ফেলেছেন! রিয়েলি ইম্প্রেসিভ।'

'এত প্রশংসা করবেন না। বিপদ এখনও কাটেনি।' আঙুল তুলে দানবের লাশটা দেখাল রানা। পিছনে জড়ো হয়েছে ওটার সঙ্গী-সাথীরা, চেষ্টা করছে সামনে এগোবার। 'কেটে পড়া দরকার।'

'ঠিক বলেছেন,' একমত হলো কমাণ্ডার ফিশার। 'চলুন যাওয়া যাক।'

পায়ে পায়ে পিছাতে শুরু করল তিনজনে, উল্টোদিকের টানেলের দিকে যাচ্ছে—যেটা ধরে বিজ্ঞানী আর নৌ-সদস্যরা গেছে। লাশের দিকে রাইফেল তাক করে রেখেছে ফিশার আর গ্রিন। হঠাৎ খড়খড় করে উঠল গ্রিনের কোমরের ওয়াকি-টকি। ট্রান্সমিট করছে কেউ। কিন্তু রিসেপশন দুর্বল হওয়ায় কথাগুলো বোঝা গেল না।

পিস্তলের গুলি শেষ হয়ে যাওয়ায় রানার একটা হাত মুক্ত, বাড়তি কোনও ম্যাগাজিনও নেই। গ্রিন তাই বলল, 'মি. রানা, ওয়াকি-টকিটা একটু নেবেন? কে যোগাযোগ করছে, জানা দরকার। এই ফ্রিকোয়েল্সি শুধু আমরাই ব্যবহার করি।'

সেটটা তার বেল্ট থেকে খুলে নিল রানা। কান পাতল, কিন্তু শুনতে পেল না কিছু। ট্রান্সমিশন থেমে গেছে। ডাকাডাকি করল কয়েক দফা, তবে জবাব পাওয়া গেল না। হয়তো কোনও সমস্যা হয়েছে ওপাশে। ওর জানা নেই, অন্যথাতের মানুষটি শ্রবণশক্তিহীন, ওর গলা শুনতে পাচ্ছে না।

ইতিমধ্যে ইন্টারসেকশন থেকে উল্টোদিকের টানেলে ঢুকে পড়েছে তিনজনে। দানবের নিথর দেহটার দিকে তাকিয়ে ফিশার বলল, 'এবার বোধহয় উল্টো ঘোরা যায়, ওরা আটকা পড়ে গেছে।'

কথা শেষ হবার সঙ্গে সঙ্গে নড়ে উঠল লাশ। না, প্রাণ ফিরে পায়নি, পিছন থেকে ধাক্কা খেয়ে পিছলে এগিয়ে এসেছে কয়েক ফুট।

‘ওহ গড়! আঁতকে উঠল হিন। দানবদের কৌশল বুঝতে পেরেছে। ধাক্কা দিয়ে লাশটাকে বের করে আনতে চাইছে ইন্টারসেকশনে—জায়গাটা বেশ প্রশস্ত, লাশকে পাশ কাটিয়ে আবার এগোতে পারবে জীবিতরা।

‘বড় তাড়াতাড়ি খুশি হয়ে উঠেছিলেন আপনি,’ তিক্ত গলায় বলল রানা কমাওয়ারকে।

নিচু গলায় ভাগ্যকে গাল দিয়ে উঠল ফিশার। বলল, ‘পিছাতে থাকুন, নজর রাখুন শয়তানগুলোর দিকে।’

ঠিক তখনি আবার বঁো করে উঠল রানার মাথা। প্রথম দানবটা মারা যাবার পর কমে গিয়েছিল দাঁতের শিরশিরানি—এখন ফিরে এসেছে। কিন্তু এবার ডানদিকের চোয়ালে কম্পন হচ্ছে বেশি। ভয়ানক একটা আশঙ্কা খেলা করে গেল ওর মাথায়। বাট করে ডানদিকে মাথা ঘোরাল ও। ছোট আরেকটা টানেলের মুখ দেখতে পাচ্ছে ওদিকে। রানা নজর ফেলতেই অঙ্ককারে জুলজুল করে উঠল নতুন একজোড়া চোখ।

আরেকটা দানব—ডানদিকের টানেল ধরে আসছে!

পাঁই করে ফ্ল্যাশলাইট ঘোরাল রানা, পরিষ্কার দেখতে পেল জানোয়ারটাকে। সাদা চামড়ায় ঢাকা সাঙ্কাণ এক মৃত্যুদৃত। গায়ে আলো পড়তেই ভয়ানক বেগে ছুটে এল ওর দিকে। বিদ্যুৎবেগে হাত চলাল রানা, বেল্টে ওয়াকি-টকি গুঁজে বের করে আনল পিস্তল—ওটা যে খালি, সে-কথা ভুলেই গেছে। দ্রিগার চাপল ও, খালি চেম্বারে খটাস করে পড়ল হ্যামার।

স্থির হয়ে গেল রানা। মৃত্যু এখন স্বেফ সময়ের ব্যাপার।

অঙ্ককার টানেল ধরে ভীত-সন্ত্রিষ্ঠ পায়ে এগিয়ে চলেছে শ্যারন। জানে না হ্রেণেলটা কোথায় গেছে... কেন গেছে তা-ও বলতে পারবে না। হতে পারে, সামনের কোনও বাঁকের আড়ালে ওঁ পেতে বসে আছে ওর জন্য। কিন্তু তাই বলে থেমে থাকার উপায় নেই। এগোতেই হবে ওকে, চেষ্টা করতে হবে স্নেক পিট থেকে বেরিয়ে যাবার। মাইনিং হেলমেটের হেডল্যাম্পটাই ভরসা, ওটার ক্ষীণ আলোয় পথ চলেছে ও। তীক্ষ্ণ দৃষ্টি রাখছে সামনে।

হঠাৎ হেডল্যাম্পের আলোয় দেয়ালের গায়ে কী যেন চকচক করে উঠল। কমলা রঙের স্প্রে-পেইন্টে আঁকা একটা তীরচিহ্ন—মেগানের ট্রেইল মার্কার। উজ্জেনায় বুকের ভিতর লাফিয়ে উঠল হৎপিণ। দেয়াল ধরে আরও কিছুদূর এগোল শ্যারন, খেয়াল রাখছে নতুন কোনও মার্কার পাওয়া যায় কি না।

পাওয়া গেল। সবুজ রঙের একটা ত্রিভুজ। এখানেই আরেকটা ট্রেইলের সঙ্গে মিলিত হয়েছে মেগানের ট্রেইল। ফুঁপিয়ে উঠল শ্যারন—স্বত্তিতে... আনন্দে। স্নেক পিটের ম্যাপিং করা অংশে পৌছে গেছে ও। এখান থেকে সহজে চলে যেতে পারবে মূল বেইসে।

মুখের কাছে ওয়াকি-টকি এনে ট্রাসমিট বাটন চাপল শ্যারন। বলল, ‘কেউ কি শুনতে পাচ্ছেন? আরেকটা ট্রেইল খুঁজে পেয়েছি আমি—সবুজ ত্রিভুজের। ওটা ধরে এগজিটের দিকে যাচ্ছি। অনেকক্ষণ হলো জানোয়ারটার চিহ্ন দেখিনি, কিন্তু প্লিজ... সন্তুষ্ট হলে সাহায্য করুন আমাকে।’

কথা শেষ করে ওয়াকি-টকি অফ করে দিল ও। ব্যাটারি বাঁচানো দরকার। তারপর দ্রুত পা ফেলল সবুজ ত্রিভুজ দিয়ে মার্কিং করা প্যাসেজ ধরে। যত এগোল, ততই চেনা চেনা লাগল চারপাশ—টানেল নেটওয়ার্কের যে-সব অংশে গবেষণা চলছে, নিশ্চয়ই সেখানে পৌছে গেছে।

ଝୁକି ନିଯେ ହେଡଲ୍ୟାମ୍ପ ଅଫ କରେ ଦିଲ ଶ୍ୟାରନ । ଚେନା ଜାଯଗା, ଅନ୍ଧକାରେ ସମ୍ଭବତ ଏଗୋତେ ପାରବେ । ଶୁଦ୍ଧ ଶୁଦ୍ଧ ବ୍ୟାଟାରି ଖରଚ କରାର ମାନେ ହ୍ୟ ନା । ପରେ ଆବାର କଥନ ଦରକାର ହ୍ୟ ଆଲୋ କେ ଜାନେ । ଚୋଖେ ଆଁଧାର ସଯେ ଆସାର ଜନ୍ୟ କଯେକ ମିନିଟ ସ୍ଥିର ହ୍ୟେ ଦାଁଡ଼ିଯେ ଥାକଳ ଓ । ଏକଟୁ ପର ଛାୟାର ଗଭୀରତା ଆଁଚ କରତେ ପାରଲ, ଟାନେଲ କୋନ୍ଦିକେ ଗେଛେ ନା ଗେଛେ, ବୁଝତେ ପାରଛେ ଏବାର । ଏକପାଶେର ଦେୟାଲେ ହାତ ଠେକିରେ ହାଁଟିତେ ଶୁରୁ କରଲ ।

ହଠାତ୍ ଥମକେ ଦାଁଡ଼ାଲ ଓ । ଆଲୋର କଯେକଟା ବିନ୍ଦୁ ଦେଖତେ ପାଞ୍ଚେ ଦୂରେ । ଏକଟା ସ୍ଥିର... ଫ୍ଲ୍ୟାଶଲାଇଟ ନିଃସନ୍ଦେହେ... ଅନ୍ୟଦୁଟୋ ମିଟମିଟ କରଛେ ରାତର ଆକାଶେର ତାରାର ମତ । କୀ ଓଣଲୋ? ମାଜଳ ଫ୍ଲ୍ୟାଶ? ଗୁଲି କରଛେ କେଉ? ଭାବନାଟା ଶେଷ ହବାର ଆଗେଇ ଛଢିଯେ ଗେଲ ଆଲୋର ବିନ୍ଦୁ । ମିଟମିଟ କରତେ ଥାକା ଆଲୋଗୁଲୋ ଛୁଟିଲ ଏକଦିକେ... ଆର ଫ୍ଲ୍ୟାଶଲାଇଟ ହାତେର ମାନୁଷଟା ଛୁଟ ଲାଗାଲ ଓରଇ ଦିକେ । ପାଗଲେର ମତ ଦୌଡ଼ାଚେ ସେ, ଲାଫାଲାଫି କରଛେ ହାତେର ଆଲୋ । ଦୂରତ୍ବ କମଛେ ଓର ସଙ୍ଗେ, ଆଲୋଟା କ୍ରମେଇ ଉଜ୍ଜ୍ଵଳ ହ୍ୟେ ଉଠିଛେ ।

ଉଦ୍ଧାରକାରୀ... ନିଶ୍ଚୟଇ ଉଦ୍ଧାରକାରୀ! ଭାବଲ ଶ୍ୟାରନ । ଓର ଟ୍ରୋମିଶନ ଶୁନତେ ପେଯେଛେ... ଅନ୍ତରଶତ୍ରୁ-ସହ ଏସେହେ ଓକେ ଟାନେଲ ଥେକେ ବେର କରେ ନିତେ ।

ଚିତ୍କାର କରେ ମାନୁଷଟାକେ ଡାକତେ ଇଚ୍ଛେ ହଲୋ ଶ୍ୟାରନେର, କିନ୍ତୁ ସଂ୍ଯତ କରଲ ନିଜେକେ । ଆଶପାଶେଇ କୋଥାଓ ଆଛେ ହିଂସ ପ୍ରେଣେଲ, ଚିତ୍କାର ଦିଲେ ଓର ଅବସ୍ଥାନ ଫାଁସ ହ୍ୟେ ଯାବେ । କିନ୍ତୁ ଏକଟା ସଙ୍କେତ ତୋ ଦେୟା ଦରକାର । ଝଟପଟ ହେଡଲ୍ୟାମ୍ପଟା ଜୁଲେ ଦିଲ ।

କିନ୍ତୁ ଓର ସଙ୍କେତ ଚୋଖେ ପଡ଼ିଲ ନା ଛୁଟନ୍ତ ମାନୁଷଟାର । ତାର ହାତେର ଶକ୍ତିଶାଲୀ ଫ୍ଲ୍ୟାଶଲାଇଟେର ମୁଖେ ହାରିଯେ ଗେଛେ ଶ୍ୟାରନେର ଛୋଟ୍ ହେଡଲ୍ୟାମ୍ପେର ଘାନ ଆଲୋ । ମୋଡ଼ ନିଯେ ଆରେକଟା ଟାନେଲେ ଢୁକେ ଗେଲ ସେ । ହାରିଯେ ଗେଲ ଫ୍ଲ୍ୟାଶଲାଇଟେର ଆଲୋକରଶ୍ମୀ ।

ফোঁস করে দীর্ঘশ্বাস ফেলল শ্যারন। হেডল্যাম্প নেভাবে কি না ভাবল, কিন্তু সাহস পেল না। তা ছাড়া আলো দেখে ওর খোঁজও পেতে পারে উদ্ধারকারীরা। তাড়াছড়া করে সামনে এগোল ও। তীক্ষ্ণ দৃষ্টি রাখছে দেয়ালে, সবুজ ত্রিভুজের চিহ্ন যেন মিস না করে। ট্রেইলে থাকতে পারলে নিশ্চয়ই দেখা পাবে উদ্ধারকারীদের।

হাঁটতে হাঁটতে আবার ওয়াকি-টকি অনু করল শ্যারন। কথা বলতে শুরু করল অচেনা মানুষগুলোর উদ্দেশে।

‘...সবুজ ত্রিভুজের ট্রেইল ধরে এগোচ্ছি আমি। একটু আগে দেখতে পেয়েছি তিনজনকে। যদি আমার কথা শুনতে পান, তা হলে ট্রেইলে ফিরে আসুন। সাবধানে এগোবেন। ঘেওলটা আশপাশেই কোথাও আছে...’

রানার কোমরে ঝোলানো ওয়াকি-টকির স্পিকারে শোনা যাচ্ছে নারীকর্ত। কিন্তু জবাব দেবার মত অবস্থায় নেই ও, প্রাণ হাতে নিয়ে দৌড়াচ্ছে। পিছনেই কোথাও আছে ভয়ঙ্কর দানবটা, বরফে পা ফেলার পরিষ্কার আওয়াজ শুনেছে ও।

স্রেফ কপাল বলতে হবে, দানবের প্রথম হামলা থেকে বেঁচে গেছে রানা। প্রাণীটাকে ছুটে আসতে দেখে একপাশে ঝাঁপ দিয়েছিল, আর তখনি ঘূরে দাঁড়িয়েছিল ফিশার আর ছিন। গুলি করেছিল ওটাকে লক্ষ্য করে। বুলেটের অতর্কিত আঘাতে ঘাবড়ে গিয়েছিল প্রাণীটা, ঝাঁপিয়ে পড়ার সুযোগ পায়নি। রানার নিরস্ত্র দশা সম্পর্কে সচেতন ছিল ফিশার, চেঁচিয়ে ওকে সরে যেতে বলেছে, পিছন থেকে কাভার দেবে ওরা। পরামর্শটা মেনে নিয়েছে ও, ছুট লাগিয়েছে আরেক পাশের টানেল ধরে। একটু পরেই ওয়াকি-টকিতে শোনা গেছে নারীকর্ত। কিন্তু তার সঙ্গে কথা বলার সুযোগ নেই রানার। বিছিন্ন হয়ে গেছে ও দুই সঙ্গীর কাছ

থেকে... এবং যদূর বুঝতে পারছে, শিকার হিসেবে সশন্ত দুই নেভাল অফিসারের চেয়ে নিরস্ত্র-নিঃসঙ্গ মানুষটাকেই বেশি পছন্দ হয়েছে দানবের। ধাওয়া করেছে ওকে ।

পাগলের মত এখন টানেল ধরে দৌড়াচ্ছে রানা। প্রতিরোধ গড়ার উপায় নেই—বুলেটহীন একটা পিস্তল আর ফ্ল্যাশলাইট ছাড়া কিছুই নেই ওর কাছে। কাজেই নিজের গতি কাজে লাগিয়ে চেষ্টা করছে শত্রুকে পিছনে ফেলতে। টানেলের গোলকধার ভিতরে দানবটাকে ফাঁকি দেবার ইচ্ছে ।

ভেজা, পিছিল মেঝেতে কয়েক দফা আছাড় খেলো ও; পরক্ষণে উঠে দাঁড়াল। ব্যথা-বেদনা নিয়ে মাথা ঘামাল না, উঠেই আবার দৌড়। কোন্দিকে যাচ্ছে, কিছুই জানে না। টানেল নেটওয়ার্কের পুরোটাই ওর অচেনা। দেয়ালে মার্কিং আছে বলে শুনেছে, কিন্তু ওদিকে তাকাবার সময় কোথায়?

বড় একটা বাঁক পেরতেই নতুন একটা ইন্টারসেকশনে পৌছুল রানা। সামনে দু'ভাগ হয়ে গেছে টানেলে। বাঁয়ের মুখটার পাশে বৈসাদৃশ্য লক্ষ করে থমকে দাঁড়াল। আলো ফেলল ওখানে। স্প্রে-পেইন্টে আঁকা সবুজ রঙের একটা ত্রিভুজ উদ্ভাসিত হলো ফ্ল্যাশলাইটের আলোয় ।

ট্রেইল মার্কার! এটার কথাই রেডিওতে বলছিল অচেনা মেয়েটি ।

সিদ্ধান্ত নিতে দ্বিধা করল না রানা, তুকে পড়ল ওই টানেলে। অচেনা টানেলে একাকী ছোটাছুটি করার চেয়ে একজন সঙ্গী চের ভাল। তা ছাড়া সাহায্যও চেয়েছে মেয়েটি ।

কিছুদূর যেতেই আবার শুনতে পেল সেই নারীকণ্ঠ ।

‘হ্যালো? কে ওখানে?’

এবার আর ওয়াকি-টকি থেকে নয়, সরাসরি সামনে থেকে আসছে কণ্ঠটা। বৃত্তাকার একটা পথ ঘুরে শ্যারনের পিছনে পৌছে শুন্দি পিঞ্জর-১

গেছে রানা। ফ্ল্যাশলাইট সামনে তাক করে এগিয়ে গেল ও। একটু পরেই দেখতে পেল অপরূপা এক যুবতীকে। গায়ে থারমাল সুট, মাথার উপরে বাঁকা হয়ে আছে একটা মাইনিং হেলমেট। আতঙ্কে ফ্যাকাসে হয়ে আছে মেয়েটির চেহারা। আত্মরক্ষার ভঙ্গিতে দু'হাতে বাগিয়ে ধরেছে একটা আইস-অ্যারু।

‘রিল্যান্স!’ কাছে গিয়ে বলল রানা। ‘আমি আপনার ক্ষতি করব না।’

মৃত্তির মত কয়েক মুহূর্ত দাঁড়িয়ে রইল তরণী, তারপরেই ফুঁপিয়ে উঠে বলল, ‘থ্যাঙ্ক গড়!’ ছুটে এল ওর দিকে। তবে দু'হাত দূরত্বে পৌছেই থমকে দাঁড়াল। সুন্দর দুই চোখে ভিড় জমাল বিস্ময়।

‘কে আপনি?’ জিজ্ঞেস করল শ্যারন। ‘এখানে কোথেকে এলেন? বাকিরা কোথায়?’

‘যদি রেসকিউ পার্টি চান, তা হলে আপাতত আমাকে দিয়েই কাজ চালাতে হবে,’ হালকা গলায় বলল রানা। অকেজো পিস্তলটা উঁচু করল একটু। ‘অবশ্য কতটা উপকারে আসব, জানি না। আমি নিরন্তর।’

‘কিন্তু কে আপনি?’ আবারও জানতে চাইল শ্যারন। কথা বলছে জড়ানো গলায়, স্বাভাবিকের চাহিতে চড়া সুরে। ঝরুটি করল রানা। মাতাল নাকি?

‘আমি মাসুদ রানা, ম্যাম,’ বলল ও। ‘নুমার অনারারি প্রজেক্ট ডিরেক্টর।’

‘নুমা?’ চোখ পিটিপিট করল শ্যারন। ‘আলোটা একটু নামাবেন? আপনার ঠোট ঠিকমত দেখতে পাচ্ছি না, লিপ-রিডিঙে অসুবিধে হচ্ছে। আমি বধির।’

‘ওহ সরি!’ তাড়াতাড়ি ফ্ল্যাশলাইট নিচু করল রানা। জড়ানো গলা, আর চড়াকষ্টস্বরের রহস্য পরিষ্কার হয়ে গেছে।

‘আপনি কি ওমেগা স্টেশন থেকে এসেছেন?’ জিজ্ঞেস করল
শ্যারন। মনে পড়ে গেছে ভোরে ল্যাঙ্গ করা অনাহৃত অতিথিদের
কথা।

‘জী,’ মাথা ঝাঁকাল রানা।

‘আপনার তো তা হলে বন্দি থাকার কথা,’ বিভ্রান্ত গলায়
বলল শ্যারন, ‘এখানে এলেন কী করে?’

‘অনেক কিছু ঘটে গেছে এর মাঝে, ম্যাম,’ বলল রানা। ‘এই
বেইসের সব লোককে ইভ্যাকুয়েট করেছে নেভি। রাশানরা দখল
করে নিয়েছে ওমেগা স্টেশন। এখানেও হামলা চালিয়েছে।’

‘মাই গড়!’ আঁতকে উঠল শ্যারন। ‘কখন ঘটল এতকিছু?
আপনি পিছনে রয়ে গেলেন কীভাবে?’

‘সবই বলব। তার আগে আপনার পরিচয় দিন। কে আপনি?
এখানে একাকী কী করছেন?’

‘আমি ড. শ্যারন বেকেট—হেড অভ ওমেগা ড্রিফট
স্টেশন...’

সংক্ষেপে স্নেক পিটের সব ঘটনা খুলে বলল শ্যারন।
পিছনদিকে একটা চোখ রেখে রানাও ভাগাভাগি করল নিজের
অভিজ্ঞতা। শেষে যোগ করল, ‘রেডিওতে দানবগুলোকে গ্রেণেল
নামে ডাকছিলেন আপনি। কিছু কি জানেন এই গ্রেণেল সম্পর্কে?’

‘ওগুলো প্রাগৈতিহাসিক প্রাণী—আধুনিক তিমির স্তলচর
পূর্বপুরুষ। বরফের ভিতর জমাট বাঁধা স্পেসিমেন পেয়েছি
আমরা। বায়োলজি টিমের লিডার বলছিলেন, স্পেসিমেনগুলো
পদ্ধতি হাজার বছরের পুরনো... ইতিহাসের শেষ বরফ-যুগে
বিলুপ্ত হয়ে গেছে।’

‘বিলুপ্ত হলে কী দেখলাম আমরা? অন্তত চারটে গ্রেণেল
হামলা করেছিল আমাদের উপর।’

‘চা-রটা?’ ভুরু কঁচকাল শ্যারন। ‘হ্ম... একটা থাকলে
শুভ পিঞ্জর-১

চারটেই বা অসমুব ভাবি কী করে? কথা হলো, ওরা এত বছৰ
টিকে আছে কীভাবে?’

‘যে-ভাবেই থাকুক, তাতে কিছু যায়-আসে না,’ বলল রানা।
‘এই টানেল নেটওয়ার্ক যদি ওদের বাসস্থান হয়, তা হলে এখানে
থাকা খুবই বিপজ্জনক। যত তাড়াতাড়ি সম্মুখ বেরিয়ে যাওয়া
দরকার। আর কোনও ট্রেইল চেনেন আপনি? আমাকে ধাওয়া
করছিল একটা ঘেণেল, হয়তো সবুজ ত্রিভুজের ট্রেইলে ঢুকেও
পড়েছে। অন্য কোনও পথ খুঁজে নেয়া দরকার।’

‘আ... আমি আসলে শিয়োর নই,’ ইতস্তত করে বলল
শ্যারন। ‘স্নেক পিটে খুব কম এসেছি আমি। এখানকার অলি-গলি
ভালমত চিনি না। তবে সব ট্রেইল-ই এগজিটে গিয়ে মিলবার
কথা।’

‘তা হলে এই ট্রেইলেই থাকতে হবে আমাদেরকে,’ বলল
রানা। ‘অসুবিধে নেই, চোখ-কান খোলা রেখে এগোব। যদি
কোথাও ঘেণেলের চিহ্ন দেখি... মানে নখের আঁচড়, পায়ের ছাপ,
ইত্যাদি... তা হলে ওসব জায়গা এড়িয়ে যাব।’

মাথা ঝাঁকাল শ্যারন। ওর আচরণে মুক্ষ হলো রানা, ভয়
পেলেও মাথা ঠাণ্ডা রেখেছে। একাকী মুখোমুখি হয়েছিল একটা
দানবের, সেখান থেকে বেঁচে ফিরেছে; তারপর স্বেফ একটা
ওয়াকি-টকি আর কুঠার নিয়ে এতদূর পর্যন্ত এসেছে... রীতিমত
দুঃসাহসের পরিচয় দিয়েছে মেয়েটা। তার ওপর কানে শোনে
না... অচল একটা ইন্দ্রিয় নিয়ে অসাধ্যসাধন-ই করেছে বলা
চলে। শ্রদ্ধা অনুভব করল ও তরুণী বিজ্ঞানীর প্রতি।

‘চলুন এগোই,’ বলল রানা। ‘আর প্রার্থনা করি, পথে যাতে
আর দেখা না হয় ওই ভয়ঙ্কর জানোয়ারগুলোর সঙ্গে।’

হাঁটতে শুরু করল ওরা। কিন্তু কয়েক পা গিয়েই থমকে
দাঁড়াল রানা। আবারও বোঁ করে উঠেছে মাথা, কানে অনুভব

করছে রঞ্জচাপ। শিরশির করছে দাঁত। শ্যারনের দিকে তাকাল,
ওরও দৃষ্টি বিস্ফারিত হয়ে গেছে, আল্ট্রাসোনিকসের কম্পন টের
পাছে নিঃসন্দেহে। সবচেয়ে বড় কথা, শব্দতরঙ্গের আঘাত
আসছে সামনে থেকে!

মানেটা পরিষ্কার। এগজিটের দিকে যাবার পথ রূদ্ধ করে
দিয়েছে গ্রেণেল। ওদিক থেকেই আসছে ওদেরকে ধরতে।

হতাশায় মাথা দোলাল রানা। প্রার্থনা করুল হয়নি ওদের।

(আগামী খণ্ডে সমাপ্ত)

মাসুদ রানা

শুভে পিঞ্জর

দ্বিতীয় খণ্ড

কাজী আনোয়ার হোসেন



www.banglabookpdf.blogspot.com



মাসুদ রানা ৪১৮
শুভ্র পিঞ্জর
(দ্বিতীয় খণ্ড)
কাজী আনোয়ার হোসেন



সেবা প্রকাশনী
২৪/৮ কাজী মোতাহার হোসেন সড়ক
সেগুনবাগিচা, ঢাকা-১০০০
ISBN 984-16-7418-1

এক

একঘণ্টা তাপ পোহানোর পর পুরোপুরি সুস্থ হয়ে উঠল অ্যাবি
ম্যানিটক। শরীরে অঙ্গুত এক উদ্যমও অনুভব করল ও—তবে
সেটা নতুন জীবন পাবার জন্যে, নাকি কফি আর মরফিনের
প্রভাবে... বলা মুশকিল।

ঘটনাস্থল ড্রিফট স্টেশন—ওমেগা।

একটু আগে জানতে পেরেছে ওরা—রাশান সাবমেরিনটা চলে
গেছে ওমেগার পাশ থেকে। খবরটা এসেছে এক আমেরিকান
নাবিকের মাধ্যমে—ড্রিফট স্টেশনে হামলা শুরু হবার পর রিসার্চ
ইকুইপমেন্টের গুদামে ঘাপটি মেরেছিল সে, খালিক আগে
রাশানদের চিরুনি-তল্লাশিতে ধরা পড়ে গেছে। উভয়-মধ্যম দিয়ে
তাকে ব্যারাকে নিয়ে এসেছে ওরা—বাকি বন্দিদের মাঝে। ওই
নাবিকের মুখেই শোনা গেল, সে নাকি গুদামের জানালা দিয়ে
সাবমেরিনটাকে ডুব দিতে দেখেছে।

ফায়ারপ্লেসের সামনে বসে ঠাণ্ডায় জমে যাওয়া হাত-পা
সেঁকে নিছে এখন লোকটা। হাঁটু গেড়ে নবাগতের পাশে বসল
লেফটেন্যাঞ্জ কমাওয়ার জেরোম রাইট, জানতে চাইল, ‘রাশানদের
কতজন রয়ে গেছে পিছনে, ধারণা করতে পারো?’

‘আমি শিয়োর না, স্যার,’ কাঁপা গলায় জবাব দিল নাবিক।
তার নাম ফ্রেড, এরই মধ্যে জানতে পেরেছে অ্যাবি। ‘আসার
শুরু পিঞ্জর-২

পথে দশজনের মত চোখে পড়েছে, তবে আরও থাকতে পারে।'

'দশের বেশই হবে,' চিন্তিত গলায় বলল রাইট।

'ওরা জেনকিসকে খুন করেছে, স্যর,' বলল ফ্রেড। 'স্লোক্যাট নিয়ে পালানোর চেষ্টা করছিল... সঙ্গে সঙ্গে গুলি করেছে।'

তার কাঁধে হাত রেখে সান্ত্বনা দিল রাইট। জেনকিস নামের অধস্তুতি ওই নাবিকের মৃত্যুই প্রমাণ করছে, রাশানরা অত্যন্ত সিরিয়াস। শুধু হৃষিক-ধৰ্মকি নয়, পরিস্থিতি আয়ত্তে রাখ্বার জন্য গুলি চালাবার অনুমতি দেয়া হয়েছে তাদেরকে। ইতিমধ্যে স্টেশনের প্রায় সব মিলিটারি এবং সিভিলিয়ান পার্সোনেলকে একে একে জেরা করা হয়েছে। ইন্টারোগেশনের ধরন থেকে আঁচ করেছে রাইট—পুরনো ওই আইস স্টেশনে কিছু একটা লুকানো আছে... সেটার কারণেই এসেছে রাশানরা।

'ঠিক আছে, বিশ্রাম আও তুমি,' বলে চলে যেতে উদ্যত হলো রাইট, কিন্তু থেমে গেল ফ্রেডের বাধা পেয়ে।

'আরেকটা ব্যাপার, স্যর,' বলল নাবিক। 'বরফের গায়ে রাশানদেরকে গর্ত খুঁড়তে দেখেছি আমি। ক্যানিস্টার ফেলছিল ওসব গর্তে।'

'কী ধরনের ক্যানিস্টার?'

'বিয়ার রাখার ছোট পিপের মত একেকটা। শরীর কালো রঙের, দুই মাথায় কমলা রঙের ব্যাণ্ড।'

'শিট!' উদ্বেজিত হয়ে উঠল রাইট।

শুকিয়ে যাওয়া বুট পরছিল অ্যাবি। লেঃ কমাওয়ারের কথা শুনে ঘাড় ফেরাল। 'কী ওগুলো?'

'রাশান ইনসেওয়ারি চার্জ... ভি ক্লাস এক্সপ্লোসিভ,' থমথমে গলায় জানাল রাইট। 'বরফ গলিয়ে আমাদের বেইস্টাকে সাগরের পানিতে মিশিয়ে দিতে চাইছে ওরা!'

অ্যাবির পাশাপাশি পোশাক পরছিল সিম্যান জোয়ি পাওয়েল।

পড়ল পাওয়েলের গায়ে—সূপের গোড়ায় গা-ঢাকা দিয়ে বসে ছিল লোকটা। ধাক্কা খেয়ে ছুঁক করে একটা শব্দ বেরল অ্যাবির মুখ দিয়ে। ওকে সাহায্য করল না পাওয়েল, বরং ধাক্কা দিয়ে সরিয়ে দিল দূরে। ঠোঁটের কাছে তুলল একটা আঙুল, চোখের ইশারা করল আরেকদিকে।

ওদিকে তাকাল অ্যাবি। ব্যারাকের পাশের একটা হাট দেখা যাচ্ছে আবছাভাবে। তারচেয়েও আবছাভাবে দেখা যাচ্ছে হাটের সামনে দাঁড়ানো কয়েকটা ছায়ামূর্তিকে—পার্ক করে রাখা কয়েকটা হোভারক্র্যাফট বাইকের হেডলাইটের আলোয় প্রকট হয়ে উঠেছে দেহরেখ।

সূপের আড়ালে লুকিয়ে রইল অ্যাবি আর পাওয়েল। চোখ রাখল লোকগুলোর উপর।

কয়েক মিনিট পর হাট থেকে বেরিয়ে এল দীর্ঘদেহী এক লোক। চেহারা অস্পষ্ট, তবে বাতাসে উড়েছে তার সাদা চুল। ফিসফিসিয়ে পাওয়েল জানাল, এই লোকই নাকি ইন্টারোগেট করেছে বন্দি সবাইকে। ইউনিফর্মের কাঁধে তার র্যাঙ্ক দেখেছে পাওয়েল—রিয়ার অ্যাডমিরাল।

সাদাচুলো রিয়ার অ্যাডমিরালকে দেখেই স্যালিউট দিল অপেক্ষারত রাশানরা। এরপর সবাই চড়ে বসল হোভারক্র্যাফট বাইকে। হেডলাইটের আলো উজ্জ্বল হয়ে উঠল, মুখ ঘুরিয়ে চলতে শুরু করল বাহনগুলো। একটু পরেই হারিয়ে গেল তুষারের পর্দার আড়ালে। বাতাসের গর্জনের আড়ালে চাপা পড়ে গেল ইঞ্জিনের আওয়াজ।

দলটাকে বিদায় দিয়েছে দু'জন প্রহরী। বাহনগুলো অদৃশ্য হতেই ঘুরে দাঁড়াল তারা, ফিরে গেল হাটের ভিতরে। বিশ্রী আবহাওয়ায় টহল দেওয়ার ইচ্ছে নেই।

কোথায় গেল হোভারক্র্যাফটগুলো? ভাবল অ্যাবি। নিশ্চয়ই

শুভ্র পিঞ্জর-২

পুরনো রাশান স্টেশনটায়। কয়েক ঘণ্টা আগে ওদিকেই গেছে
রানা আর ম্যাসন। পৌছুতে পেরেছে? জানে না ও। পৌছুলেও
বিপদ কমছে না ওদের। রাশানদের কবলে পড়তে চলেছে। এখন
সবকিছু নির্ভর করছে ওর ওপর।

ঈশ্বর... বিড়বিড় করল অ্যাবি... সময় থাকতেই যেন সাহায্য
পাঠাতে পারি ওখানে।

প্রার্থনা সবে শেষ করেছে, ঠিক তখনি খুব কাছ থেকে ভেসে
এল গুলির আওয়াজ। একটার পর একটা!

খপ্ করে অ্যাবির হাত চেপে ধরল পাওয়েল। টান দিয়ে দাঁড়ি
করাল। তারপর চেঁচাল, ‘দৌড়ান!’

দুই

আইস স্টেশন ছেঙ্গেল।

ঝজু, সুদর্শন যুবকটির হাত ধরে প্রাণপণে ছুটছে ড. শ্যারন
বেকেট। দৌড়াতে দৌড়াতে বিস্ময় নিয়ে তাকাচ্ছে সঙ্গীর দিকে।
সন্দেহ নেই মন্ত বিপদে পড়েছে ওরা, কিন্তু মাসুদ রানা নামের
অন্তু মানুষটা কই একটুও তো ঘাবড়ে যায়নি। নির্বিকার চেহারা
নিয়ে দৌড়াচ্ছে সে—ছোট, ছোট... দৃশ্য কদমে। দু'দফা হোঁচট
খেয়ে পড়ে যাচ্ছিল শ্যারন, কিন্তু আছাড় খাবার আগেই ওকে ধরে
ফেলেছে রানা। বোৰা গেছে, প্রাণ হাতে নিয়ে ছুটলেও একটা
চোখ সঙ্গিনীর দিকে রেখেছে সে, ওর সুবিধে-অসুবিধের প্রতি

সচেতন। এমন সপ্রতিভ মানুষ সচরাচর চোখে পড়ে না।

মনে মনে সঙ্গীর প্রশংসা করলেও বুকের ধুকপুকানি কমেনি শ্যারনের। গ্রেণেল নামের দানবটা এখনও ধাওয়া করছে ওদেরকে—ওটার মুখ দিয়ে বেরিয়ে আসা আল্ট্রাসোনিক সাউণ্ডওয়েভ ক্রমাগত আঘাত হেনে চলেছে ওদের উপর। মাথা ঝিমবিম করছে ওর, শিরশিরে অনুভূতি হচ্ছে দাঁতের গোড়ায়। রানারও একই দশা। ওদেরকে ট্র্যাক করে চলেছে দানবটা, ধাওয়া করে নিয়ে যাচ্ছে বরফ-দ্বীপের গভীর থেকে গভীরতর অংশে। www.banglabookpdf.blogspot.com

হঠাৎ রানার ঠোট নড়তে দেখল শ্যারন। বিরক্ত কগ্নে যুবকটি বলছে, ‘এখনও হামলা করছে না কেন ওটা?’

‘অপেক্ষা করছে, আমরা কোণঠাসা হলেই...’ থেমে গেল শ্যারন। মেগান গুডকে কীভাবে শিকার করেছিল দানবটা, মনে পড়ে যাচ্ছে। ‘একটা না একটা সময় বন্ধ টানেলে আটকা পড়ব আমরা, কিংবা পৌছুব বড় কোনও খাদের কিনারায়। কোথাও যাওয়ার উপায় থাকবে না। তখনই বাঁপিয়ে পড়বে ওটা।’

‘ভেরি স্মার্ট!’ তিক্ত গলায় বলল রানা। ‘একই সঙ্গে ভয়ঙ্করও বটে। দারুণ কম্বিনেশন।’

বড় একটা মোড় পেরুল দু’জনে। সামনে পিচ্ছিল মেঝে। তৈরি ছিল না, আছাড় খেতে খেতে বেঁচে গেল রানা। দাঁড়িয়ে পড়ল। শ্যারনের দিকে ফিরে বলল, ‘এভাবে ছোটাছুটির কোনও মানে হয় না। দ্বীপের গভীরে চলে যাচ্ছি আমরা... যে-দিকে যাওয়া প্রয়োজন, তার ঠিক উল্টোদিকে।’

‘আর কী-ই বা করার আছে?’ বলল শ্যারন। ‘লড়াই করবেন ওটার সঙ্গে?’ হাতে ধরা ড. বেনটনের কুঠারটা তুলল। ‘এটা দিয়ে?’

‘প্রশ্নই ওঠে না। অন্য কিছুর কথা ভাবছিলাম আমি।’

‘তা হলে ওটা আপনার ডিপার্টমেন্ট। আমি জিয়োফিজিকাল ইঞ্জিনিয়ারিংয়ের বিশেষজ্ঞ। একটা শিকারি পশুকে কীভাবে মোকাবেলা করা যায়, সে-সম্পর্কে কিছুই জানি না।’

ঠোঁট কামড়াল রানা। বলল, ‘দানবটাকে আমাদের পিছন থেকে হটাতে হবে। যদি একটা ভুয়া টোপ দেয়া যায়... আর ওটাকে পাঠিয়ে দেয়া যায় সেটার পিছনে... তা হলে হয়তো ফাঁকি দিয়ে ঠিক পথে যেতে পারব আমরা।’

‘বুদ্ধিটা মন্দ নয়। কিন্তু এখানে দাঁড়িয়ে থেকে কি বিপদ বাঢ়াছি না? যতক্ষণ না টোপ খুঁজে পাচ্ছেন, ততক্ষণ চলার মধ্যে থাকা উচিত না আমাদের?’

মাথা ঝাঁকাল রানা, শ্যারনকে নিয়ে আবারও ছুটতে শুরু করল। তবে এবার সাবধানে পা ফেলছে, পিছিল মেঝেতে আছাড় খেয়ে কোমর ভাঙতে চায় না। একই সঙ্গে ঝড়ের বেগে চলছে চিন্তা। গ্রেণেল সম্পর্কে কী জানে, স্মরণ করার চেষ্টা করল। বলতে গেলে কিছুই না। শ্যারন যতটুকু বলেছে, ততটুকুই। এই বিজ্ঞানীর অভিজ্ঞতা পর্যালোচনা করতে শুরু করল, দেখা যাক এ-থেকে কোনও জবাব মেলে কি না।

আন্ট্রাসোনিকসের মাধ্যমে শিকারকে ট্র্যাক করে গ্রেণেল, কিন্তু শ্যারনের ধারণা, প্রাণীটা আলো এবং উত্তাপের ব্যাপারেও সংবেদনশীল। প্রথমে মেয়েটাকে নিজের গুহায় খুঁজে পায়নি প্রাণীটা; পেয়েছে ফ্ল্যাশলাইট ভেঙে যাবার পরে, শ্যারন ঘামতে শুরু করার পরে।

আলো এবং তাপ। রানার মনে হচ্ছে এর মাঝেই লুকিয়ে আছে ওর সমস্যার সমাধান। কী সেটা?

আরও মিনিট দুই দৌড়ানোর পর একটা ইন্টারসেকশনে পৌছুল ওরা, আর তখনি যেন হাজার ওয়াটের একটা বালব জুলে উঠল ওর মাথায়।

‘দাঁড়ান!’ টান দিয়ে শ্যারনকে থামাল রানা।

‘কী হয়েছে?’ হাঁপাতে হাঁপাতে জিজ্ঞেস করল শ্যারন।

‘একটা বুদ্ধি পেয়েছি,’ এটুকু বলেই হাত চালাল রানা। কথা বলে সময় নষ্ট করতে চায় না।

শ্যারনের হেলমেটটা খুলে নিল ও। হেডল্যাম্পের নব ঘুরিয়ে বাড়িয়ে নিল আলো। মেয়েটির কোমরে বেল্টের সঙ্গে ঝুলছে এয়ার-ওয়ার্মিং ইউনিট—মাস্ক আর হিটারের সমন্বয়ে গড়া ছোট্ট একটা ডিভাইস। ওটাও চেয়ে নিল রানা, ডায়াল ঘুরিয়ে হিটারকে ফুল পাওয়ারে নিয়ে গেল। অল্লিঙ্কণেই উত্পন্ন হয়ে উঠল হিটারের ধাতব শরীর।

‘কী করছেন বলুন তো!’ ভুরু কোঁচকাল শ্যারন।

ইন্টারসেকশনের একটা টানেলের দিকে এগোল রানা। বলল, ‘আপনার মুখেই শুনেছি, দানবগুলো তাপ এবং আলোর প্রতি আকৃষ্ট হয়।’ হিটারটা পুরো গরম হয়ে গেছে, খালি হাতে ধরলে হাত পুড়ে যাবার মত অবস্থা। ওটাকে হেলমেটের ভিতর গুঁজে দিল ও, স্ট্র্যাপ দিয়ে এমনভাবে বাঁধল, যাতে খুলে পড়ে না যায়। তারপর জিনিসটা নেড়ে-চেড়ে দেখাল সঙ্গনীকে। ‘এটাই আমাদের টোপ।’

‘আইডিয়াটা ভাল,’ স্বীকার করল শ্যারন। ‘কাজে লাগলেই হয় এখন।’

‘জানার উপায় তো একটাই, তাই না?’ একটু হাসল রানা। তালু একটা টানেলের মুখে এসে পড়েছে, ওটার ভিতরে ছুঁড়ে দিল টোপটাকে। ঘুরপাক খেয়ে টানেলের ভিতরে আছড়ে পড়ল হলুদ রঙের মাইনিং হেলমেট, এরপর গড়াতে গড়াতে রওনা দিল নীচের দিকে। হেডল্যাম্পের আলো খেলা করছে টানেলের দেয়ালে। খানিক পরেই হারিয়ে গেল একটা বাঁকের আড়ালে। হেডল্যাম্পের মৃদু আভা ছাড়া আর কিছু দেখা যাচ্ছে না।

‘ব্যস, হয়ে গেল,’ বলে হাতের ফ্ল্যাশলাইট নিভিয়ে দিল
রানা। ‘আসুন, এবার গা-ঢাকা দিই।’

পাশের আরেকটা টানেলে চুকে পড়ল দু’জনে। মেঝেতে পড়ে
থাকা কতগুলো বরফ-পিণ্ডের পিছনে আশ্রয় নিল। বরফ গলা
পানিতে ভিজিয়ে নিল হাত-মুখ, যাতে তাপমাত্রা কমে শরীরের।
এরপর নজর রাখল ইন্টারসেকশনের দিকে। হেডল্যাম্পের আভা
স্থির হয়ে আছে, নিশ্চয়ই কোথাও গিয়ে থেমেছে ওটা।

এবার অপেক্ষার পালা। দেখা যাক টোপটা নেয় কি না
গ্রেণেল।

কেটে গেল শ্বাসরোক্তির পাঁচটা মিনিট। এরপরেই বেড়ে গেল
আল্ট্রাসোনিকসের তীব্রতা, শোনা গেল পদশব্দ। বরফ-পিণ্ডের
পিছন থেকে মাথা বের করে সাবধানে উঁকি দিল রানা।

ওই তো, নড়ছে ছায়া। কয়েক মুহূর্ত পরেই ইন্টারসেকশনে
বেরিয়ে এল বিশালদেহী এক ছায়ামূর্তি। আলোকস্বল্পতার কারণে
সাদা দেহ ছাইবর্ণ দেখাচ্ছে। ইন্টারসেকশনে পৌছেই থমকে
দাঁড়াল ওটা। মাথা ঘুরিয়ে একবার তাকাল টোপ ফেলা টানেলের
দিকে, তারপর আবার রানাদের টানেলের দিকে।

মাথা বিমবিম করে উঠল স্বানার, বমি বমি লাগছে। আগের
চেয়েও তীব্র হয়ে উঠেছে দানবটার প্রাকৃতিক সোনার। ওর বাহু
ধরে রেখেছে শ্যারন, হঠাৎ মুঠোটা শক্ত হলো। তারমানে ওরও
কষ্ট হচ্ছে এই তীব্র শব্দতরঙ্গের আঘাতে। তা-ও নড়ল না ওরা,
মূর্তির মত স্থির হয়ে থাকল। নড়লেই ফাঁদের ব্যাপারটা টের
পেয়ে যাবে শক্র।

মুখ খিঁচিয়ে রেখেছে গ্রেণেল। হাঁ হয়ে থাকা মুখের ভিতরে
দেখা যাচ্ছে ধারালো দাঁতের সারি। রানার মনে হলো, বুঝি ওদের
চালাকি ধরে ফেলেছে দানবটা... ক্ষিণ্ণ হয়ে উঠেছে। কিন্তু কয়েক
সেকেণ্ড পরেই ঘুরে দাঁড়াল ওটা। এদিকটায় যা-ই ডিটেক্ট করে

থাকুক, অঠাহ্য করবার সিদ্ধান্ত নিয়েছে। টোপটাই বেশি আকৃষ্ট করেছে ওটার আদিম মগজকে। চুকে পড়ল পাশের টানেলে।

পুরো এক মিনিট অপেক্ষা করল রানা, দানবটাকে টানেলের গভীরে যেতে সময় দিল। তারপরেই এক লাফে উঠে দাঁড়াল ও, টান দিল সঙ্গনীর হাত ধরে। সন্দেহ নেই, খুব শীত্রি নিজের ভুল বুঝতে পারবে গ্রেণেল; তখন আবার ফিরে আসবে ওদের জন্য।

ইন্টারসেকশন পেরিয়ে উল্টোপথে এগোল দু'জনে। জায়গাটা পেরহনোর সময় একবার পাশে তাকাল ওরা। টানেলের বাঁকের আড়ালে অদৃশ্য হয়ে যাচ্ছে গ্রেণেল।

দৌড়াল না ওরা, পা ফেলল সাবধানে। পায়ের আওয়াজে আকৃষ্ট হতে পারে শক্র। যতটা দ্রুত সম্ভব, এগিয়ে চলল। কিছুদূর যাবার পর ঘনঘোর অঙ্ককারের কবলে পড়ল। ইন্টারসেকশন থেকে আলোর আভা আর ভেসে আসছে না, পা ফেলাই মুশকিল। পথ চেনার উপায় নেই। তবু মিনিটদুই ওভাবেই এগোল রানা। তারপর জ্বালল নিজের ফ্ল্যাশলাইট। জ্বালল, তবে একটা হাত দিয়ে রাখল সামনে, ওজ্জুল্য কমানোর জন্য। এবার বাড়াল চলার গতি।

কথা বলছে না কেউ। সমস্ত মনোযোগ সামনে এগোনোর দিকে। রানা গম্ভীর। জানে, একটা গ্রেণেলকে ফাঁকি দিতে পারা মানেই বিপদ কেটে যাওয়া নয়। আরও গ্রেণেল আছে এই টানেল নেটওয়ার্কে। কখন-কোন্দিক থেকে ওগুলো আক্রমণ চালিয়ে বসবে বলা যায় না। স্বত্ত্বির ব্যাপার একটাই—আল্ট্রাসোনিকসের উৎপাত থেমে গেছে। তারমানে কাছাকাছি নেই ওগুলো।

অনেকক্ষণ পেরিয়ে যাবার পর ঝুঁকি নিয়ে মুখের কাছে ওয়াকি-টকি তুলল রানা। ফ্ল্যাশলাইটটা শ্যারনের হাতে তুলে দিয়ে চাপল ট্রান্সমিট বাটন। ফিসফিসিয়ে ডাকল, ‘লেফটেন্যাণ্ট হিন? আমার কথা শুনতে পাচ্ছেন? ওভার।’

কয়েক সেকেও পেরিয়ে যাবার পর খড়খড় করে উঠল
স্পিকার। মৃদু, প্রায় অস্পষ্ট গলা। লেং মাইকেল ত্রিন নয়।
ভলিউম কমিয়ে দিল রানা।

‘কমাঞ্চার টিমোথি ফিশার বলছি,’ শোনা গেল ওপাশ থেকে।
‘কে ওখানে? মি. রানা... আপনি?’

‘হ্যাঁ, কমাঞ্চার।’

‘কোথায় আপনি?’

‘বলতে পারলে খুশি হতাম। কিন্তু আশপাশের কিছুই চিনি
না। আপনারা কোথায়?’

‘স্লেক পিটের এগজিটের সামনে জড়ো হয়েছি আমরা।
আপনি আসতে পারবেন এখানে?’

‘চেষ্টা করব সাধ্যমত। তবে আমি একা নই... ড. বেকেটকে
খুঁজে পেয়েছি।’

‘তা-ই? খুব ভাল।’

ঠিক তখনি পিছন থেকে ভেসে এল চাপা গর্জন। থমকে
দাঁড়াল রানা। ওর গায়ে ধাক্কা খেলো শ্যারন।

‘কী হয়েছে?’ রানার থমথমে চেহারা লক্ষ করে জানতে চাইল
তরুণী বিজ্ঞানী।

‘আমাদের বন্ধু সন্তুষ্ট ধোঁকাটা ধরে ফেলেছে,’ বলল রানা।
নিচু হয়ে খুলতে শুরু করল বুটের ফিতে।

‘কী করছেন আপনি?’ বিস্ময় ফুটল শ্যারনের চেহারায়।

‘দৌড়াতে হবে আমাদেরকে,’ ব্যাখ্যা করল রানা। ‘আপনার
তো ক্র্যাম্পন আছে, কিন্তু এই বুট নিয়ে দৌড়াতে গেলে আমি
আছাড় খাব নির্ধাত। তারচেয়ে খালি পা হয়ে যাওয়া ভাল। বেশি
ট্র্যাকশন পাব বরফে।’

দ্রুত বুট আর মোজা খুলে ফেলল ও। ঝুলিয়ে নিল গলায়।
তারপর সোজা হয়ে দাঁড়াল। ওর উন্মুক্ত চামড়াকে আঁকড়ে ধরল

ঠাণ্ডা বরফের মেঝে—জমিয়ে আটকে ফেলতে চাইছে। তাই পা পিছলানোর ঝুঁকি কমল।

মুখের কাছে আবার ওয়াকি-টকি তুলল রানা। ‘কমাঞ্জার ফিশার, আমি আর ড. বেকেট ছুট লাগাচ্ছি আপনাদের দিকে। তবে পিছনে একটা লেজ থাকছে। অভ্যর্থনা জানাবার জন্য তৈরি থাকুন।’

‘যেভাবে পারেন পৌছান এ-পর্যন্ত,’ বলল ফিশার। ‘বাকিটা আমরা সামলাব। খুব ভাল হতো যদি বলতে পারতেন ঠিক কোথায় আছেন আপনারা। হয়তো এগিয়ে গিয়ে সাহায্য করতে পারতাম।’

‘কোনও চিহ্ন দেখলেই বলব।’ শ্যারনের হাত ধরল রানা। ‘চলুন, একটা স্প্রিং দেয়া যাক।’

মাথা ঝাঁকাল শ্যারন। তারপরেই একসঙ্গে ছুটতে শুরু করল দু’জনে। উর্ধ্বশাসে দৌড়াচ্ছে। মেয়েটির স্ট্যামিনা দেখে বিস্মিত না হয়ে পারল না রানা। গত কয়েক ঘণ্টা ধরে ঘুরপাক থাচ্ছে স্নেক পিটের অলি-গলিতে, কিন্তু ক্লান্তির কোনও চিহ্ন নেই। ওর সঙ্গে পাল্লা দিয়ে দৌড়াচ্ছে!

ছোটখাট কয়েকটা অলিগলি পেরিয়ে বড় একটা প্যাসেজে পৌছুল ওরা খানিক পর। ফ্ল্যাশলাইটের আলোয় দেয়ালে আঁকা নীল রঙের একটা বৃত্ত দেখতে পেল রানা। কিছুদূর এগোলে চোখে পড়ল দ্বিতীয় আরেকটা বৃত্ত।

‘ম্যাপিং করা এরিয়ায় পৌছেছি আমরা,’ জানাল শ্যারন।

মাথা ঝাঁকিয়ে ওয়াকি-টকিতে কথা বলল রানা। ‘কমাঞ্জার, আমরা নীল বৃত্তের প্যাসেজ ধরে আসছি।’

‘রজার দ্যাট, মি. রানা,’ বলল ফিশার। ‘এগোতে থাকুন। আমরাও আসছি আপনাদের দিকে।’

কোমরের বেল্টে ওয়াকি-টকি গুঁজে দৌড়ের গতি বাঢ়িয়ে দিল
শুভ পিঞ্জর-২

রানা। এতক্ষণে একটু আশার আলো দেখতে পাচ্ছে।

কিন্তু কয়েক সেকেন্ড পরেই সেই আলো নিভে গেল। আবারও বোঁ করে উঠল মাথা। দাঁতের গোড়ায় শুরু হলো শনশনানি। আল্ট্রাসোনিকস্!

নিচু গলায় ভাগ্যকে গাল দিল রানা। দানবটা খোঁজ পেয়ে গেছে ওদের।

একটু থামল ও। ঘাড় ফিরিয়ে পিছনে তাকাল। দীর্ঘ প্যাসেজের শেষ প্রান্তে... অঙ্ককারের ভিতর জুলজুল করছে দুটো রক্তলাল চোখ।

গ্রেণেলের গর্জনে কেঁপে উঠল বরফ-সুড়ঙ্গ।

দাঁতে দাঁত পিষল রানা। শ্যারনের দিকে ফিরে রুক্ষ গলায় বলল, ‘মুভ!’

তিনি

তুষারবড় ভেদ করে পাওয়েলের পিছু পিছু দৌড়াচ্ছে অ্যাবি। যতটা সম্ভব নিচু করে রেখেছে শরীর—ওদের অবয়ব যেন পরিষ্কারভাবে দেখতে না পায় প্রতিপক্ষ। তবে শুধু মানুষ নয়, প্রকৃতিও যেন খেপে উঠেছে দুই পলাতককে ঠেকানোর জন্য। প্রবল আক্রেশ নিয়ে বাঁপিয়ে পড়ছে বাতাস ওদের গায়ে, চেষ্টা করছে উড়িয়ে নিয়ে যেতে। পতপত করে উড়েছে অ্যাবির গায়ে আলখাল্লার মত করে বাঁধা কম্বল। বাঁধন ছিঁড়ে উড়ে যেত বহু

আগেই, যদি না অ্যাবি দুই হাতে শক্ত করে ধরে রাখত ওটা।
কম্বলের একটা প্রান্ত মুখের উপর মুড়ে রেখেছে ও, উন্মুক্ত রয়েছে
শুধু গগলসে ঢাকা চোখজোড়া।

পিছনে, এখনও শোনা যাচ্ছে গোলাগুলির আওয়াজ। তবে
ওদেরকে লক্ষ্য করে গুলি করছে না রাশানরা। পূর্ব-নির্ধারিত
পরিকল্পনা অনুসারে ব্যারাকের ভিতরে হাসামা সৃষ্টি করেছে লেং
কমাওর রাইট ও তার সঙ্গীরা, চেষ্টা করছে দরজা ভেঙে বেরিয়ে
যেতে... ওদেরকে থামাবার জন্য অন্ত ব্যবহার করছে রাশান
প্রহরীরা। পুরোটাই আসলে ডাইভারশন—শক্রপক্ষকে ব্যতিব্যস্ত
করে তুলছে রাইট, যাতে সেই সুযোগে পালিয়ে যেতে পারে অ্যাবি
ও পাওয়েল।

মনে মনে প্রার্থনা করল অ্যাবি, এটা করতে গিয়ে কারও যেন
প্রাণ না যায়। বিশেষ করে নিজের বয়োবৃন্দ পিতার জন্য উদ্বেগ
বোধ করছে ও।

ওদের প্ল্যানটা অত্যন্ত সরল। বিমান নিয়ে টেকঅফ করবে,
রেডিওতে সাহায্য চাইবে। রেডিও যদি কাজ না করে, সোজা
মেইনল্যাণ্ডে গিয়ে সরাসরি দেখা করবে স্থানীয় কর্তৃপক্ষের সঙ্গে।

বড় একটা জেমসওয়ে হাট পেরিয়ে এল দু'জনে। সামনে
ড্রিফট স্টেশনের পার্কিং এরিয়া। তুষারের ঝড়-বাপটার মাঝে
নিষ্প্রাণ দাঁড়িয়ে আছে ছোট-বড় নানা আকারের ঘান। কিন্তু
অ্যাবির টুইন অটার বিমানটাকে দেখা যাচ্ছে না কোথাও।
দ্রষ্টিসীমা মাত্র দশ গজ, নিশ্চয়ই বিমানটা আরও দূরে।

একটু থেমে টুইন অটার এবং নিজেদের অবস্থান আন্দাজ
করে নিল অ্যাবি। ভয়ানক তুষারপাত হচ্ছে; এখন হিসেবে
সামান্য এদিক ওদিক হলে দেখা যাবে অটারের পাশ কাটিয়ে চলে
গেছে বহুদূর। এখন অক্ষের মত ঘুরে বেড়াবার উপায় নেই
ওদের। রাশানদের হাতে যদি খুন না-ও হয়, ঠাণ্ডায় মারা পড়বে
শুভ পিঞ্জর-২

নির্ধাত।

শরীর জমে যেতে শুরু করেছে ইতিমধ্যেই। কাপড়-চোপড় ভেদ করে একেবারে অস্থিমজ্জায় আঘাত হানছে চরম শৈত্য-প্রবাহ। সারা মুখে তীব্র জলুনি অনুভব করছে অ্যাবি, মনে হচ্ছে দুই গাল শিরিষ কাগজ দিয়ে ঘষে দিয়েছে কেউ। আড়ষ্ট হয়ে আছে অস্থিসংযোগগুলোও।

একটু অপেক্ষা করল দু'জনে, আশা করল বাতাসের তোড় খানিকটা কমে আসবে। তা হলে হয়তো দেখা যাবে বিমানটাকে। কিন্তু কয়েক মিনিট পেরিয়ে যাবার পরেও যখন অবস্থার কোনও হেরফের ঘটল না, ধৈর্য হারাল পাওয়েল।

‘চলুন এগোই,’ বলল সে। ‘আর অপেক্ষা করা যায় না।’

গোলাগুলির আওয়াজ থেমে গেছে, ব্যারাকের বিদ্রোহ দমিয়ে দিয়েছে রাশানরা। মাথা গুলে ওদের দু'জনকে পাওয়া যাবে না, তখুনি শুরু হবে তল্লাশি। তার আগেই পালাতে হবে ওদেরকে। মাথা ঝাঁকিয়ে পাওয়েলের প্রস্তাবে সম্মতি দিল অ্যাবি।

বাতাসের তীব্র ঝাপটা অগ্রহ্য করে পা বাড়াল পাওয়েল, তার পিছনে ও। কয়েক মিনিটের মধ্যে পার্কিং এরিয়া পেরিয়ে বরফ প্রান্তরে পৌঁছুল। আরও কিছুদূর গিয়ে মাথা ঘোরাল অ্যাবি, তাকাল পিছনে। ঝাড়ের ভিতরে অদৃশ্য হয়ে গেছে ড্রিফট স্টেশন। আবছাভাবে দেখা যাচ্ছে শুধু কয়েকটা লাইটপোস্টের আলো।

কষ্টেস্ত্রে এগিয়ে চলল ওরা। চারপাশে নজর বুলিয়ে আঁতিপাঁতি করে খুঁজছে বিমানটাকে, কিন্তু কোনও চিহ্ন নেই। দৃষ্টি অঙ্গ করা তুষারের পর্দায় ঢেকে গেছে পৃথিবী। পায়ের তলাতেও পুরু তুষার। বাতাসের ধাক্কায় সোজা পথে এগোনো দায়। ধীরে ধীরে উদ্বিগ্ন হয়ে উঠল অ্যাবি—অনেকক্ষণ হয়ে গেছে, এর মধ্যে বিমানটার কাছে পৌছে যাওয়া উচিত ছিল ওদের।

হঠাৎ সামনে মিটগিট করে উঠল একটা আলো। বেইসের

বৰতি হতে পারে না, বাতাস এখনও সামনে থেকে বইছে, তারমানে মুখ ঘুরে যায়নি ওদের। তা হলে কীসের আলো ওটা? ভাবছে দু'জনে, এমন সময় কালো একটা আকৃতি ফুটে উঠল শুভ্র পটভূমিতে—আস্তে আস্তে বড় হচ্ছে। থমকে দাঁড়াল অ্যাবি আর পাওয়েল। কী ওটা!

কয়েক মুহূর্ত পরেই চারপেয়ে একটা জানোয়ার বেরিয়ে এল তুষারের আড়াল থেকে। ডেকে উঠল ঘেউ ঘেউ করে।

‘লোবো!’ আনন্দের আতিশয্যে প্রায় চেঁচিয়ে উঠল অ্যাবি।
বসে পড়ল হাঁটু গেড়ে।

ওর কোলের মাঝে ঝাঁপিয়ে পড়ল কুকুরটা, জিভ বের করে চেটে দিল গাল। ওটার দেহের পিছনে মিটমিটে আলোটা আবার দেখতে পেল অ্যাবি—প্রকট হচ্ছে ধীরে ধীরে। না, লাইটপোস্ট নয়... জুলন্ত ফ্রেয়ার হাতে লম্বা একটা মূর্তি... লোবোর পিছু পিছু উদয় হলো ওদের সামনে। ক্ষণিকের জন্য শরীর আড়ষ্ট হয়ে উঠল অ্যাবির, ধরা পড়ে গেছে বোধহয়। কিন্তু পরক্ষণে ঢিল পড়ল পেশিতে। মানুষটার পারকা দেখতে পাচ্ছে। সাদা নয়, গাঢ় নীল—আমেরিকান নেভি মার্কা দেয়া।

‘হাই, মিস ম্যানিটক!’ বলে উঠল এনসাইন জিম পাটইয়াক। এর কাছেই লোবোকে রেখে গিয়েছিল ওরা। ‘লোবোকে অস্থির হয়ে উঠতে দেখেই বুঝেছি, আপনি বা আপনার বাবা ছাড়া আর কেউ হতে পারে না। অভ্যর্থনা জানাবার জন্য বেরিয়ে এসেছি তাই।’

‘কোথেকে বেরহলে?’ বিস্মিত গলায় জানতে চাইল পাওয়েল।
‘লুকিয়েছিলে কোথায়? রাশানরা তোমাকে খুঁজে পায়নি কেন?’

ফ্রেয়ার নেড়ে পিছনদিকে ইশারা করল জিম। ‘শেরিফ ম্যানিটকের বিমানে। গঙ্গোল শুরু হবার আগেই বিপদ আঁচ করতে পেরেছিল লোবো। গর্জন করতে করতে বেরিয়ে গিয়েছিল শুভ্র পিঞ্জর-২

স্টেশন থেকে। ওকে ফেরাবার জন্য আমও পিছু পিছু বেরোই।
গোলাগুলি শুরু হতে দেখে উঠে পড়েছিলাম বিমানে, ভেবেছিলাম
রেডিওতে মে-ডে সিগনাল পাঠাব। কপাল ভাল, ওখানে তল্লাশি
করেনি ওরা।’

‘যোগাযোগ করতে পেরেছ কারও সঙ্গে?’

মাথা নাড়ল জিম। ‘সময় খুব বেশি পাইনি রেডিও
ব্যবহারের। বিমানের কার্গো স্পেসে ঘাপটি মেরে পড়ে থাকতে
হয়েছে রাশান প্যাট্রোলের চোখ এড়াবার জন্য। ঝড় শুরু হবার
পর পরিস্থিতি খানিকটা নিরাপদ হয়েছে... চলে গেছে
প্যাট্রোলগুলো। তখন থেকে চেষ্টা শুরু করেছি, কিন্তু এখনও সাড়া
পাইনি কারও—ঝড়ের কারণে কমিউনিকেশন সিস্টেম কাজ
করছে না। ফ্রেয়ার দিয়ে অ্যান্টেনার গায়ের বরফ গলাচ্ছিলাম...
তখনই আপনারা এলেন।’

লোবোর মাথায় হাত বুলিয়ে উঠে দাঁড়াল অ্যাবি। ‘এখানে
দাঁড়িয়ে কথা বলা নিরাপদ নয়। বিমানে চলো।’

‘ঠিক বলেছেন,’ মাথা ঝাঁকাল পাওয়েল। তিনজনে পা বাড়াল
বিমানের দিকে। লোবো পাশে রাইল।

‘কী করবেন বলে ভাবছেন আপনারা?’ জিঞ্জেস করল জিম।
পথ দেখাচ্ছে সে—আস্তে আস্তে টুইন অটারের অবয়ব স্পষ্ট হচ্ছে
দলটার সামনে।

‘প্রার্থনা করো, যাতে ইঞ্জিন চালু করতে পারি বিমানের।
ঝড়ের কারণে আওয়াজ শুনতে পাবে না কেউ, কিন্তু ওটা গরম
হতে সময় লাগবে অনেক।’

‘ফ্লাই করতে চাইছেন আপনি?’ বিস্মিত গলায় বলল জিম।
‘এই আবহাওয়ায়?’

‘হোয়াইটআউট কগিশনে ফ্লাই করার অভিজ্ঞতা আছে
আমার,’ সংক্ষেপে জানাল অ্যাবি। কিন্তু এ-কগৃ বলল না, শুধু

কুয়াশার মাঝখান দিয়ে ওড়ার অভিজ্ঞতা সেটা। এ-ধরনের ঝড় মোকাবেলা করেনি কখনও আগে। কথাটা বললে ঘাবড়ে যেত সঙ্গীরা।

কয়েক মিনিটের ভিতর টুইন অটারের পাশে পৌছে গেল ওরা। দ্রুত হাতে খুলে নিল আইস মুরিং, ক্ষিডের সামনে থেকে সরিয়ে নেয়া হলো গোঁজ। এরপর সবাই চড়ে বসল বিমানে। ফিউজেলাজের ভিতরটা বেশ উষ্ণ, বাতাস ঢুকতে পারছে না। গা থেকে কম্বলটা খুলে ফেলল অ্যাবি। পাইলটের সিটে বসেছে ও, কো-পাইলটের সিট দখল করেছে পাওয়েল। লোবোকে নিয়ে জিম উঠেছে পিছনে।

সুইচ টিপে মেইন পাওয়ার অন্ করল অ্যাবি। সিস্টেমস্ চেক করল। কোথাও কোনও সমস্যা নেই। এবার টগ্ল্ সুইচ টিপে অগজিলিয়ারি ব্যাটারি থেকে ডিজএনগেজ করল ইঞ্জিন-রুক হিটার। এরপর চালু করল ইঞ্জিন। সঙ্গে সঙ্গে পরিচিত কম্পন অনুভব করল, জ্যান্ত হয়ে উঠেছে যেন বিমানটা।

বাতাসের গর্জনে অনেকটাই ভোঁতা শোনাচ্ছে দুই মোটরের আওয়াজ, তারপরও পুরোপুরি চাপা পড়েছে বলা যাবে না। কদূর যাচ্ছে এই শব্দ? রাশানরা কি শুনতে পাবে? মাথা ঘুরিয়ে পাওয়েলের দিকে তাকাল অ্যাবি। কাঁধ ঝাঁকাল সে, সন্তুষ্ট অ্যাবির মনের কথা পড়তে পারছে।

দাঁত দিয়ে ঠোঁট কামড়াল অ্যাবি। রাশানরা টের পেলেও এখন আর কিছু করার নেই। টিল ছোঁড়া হয়ে গেছে, ফেরানো যাবে না। তাই আন্তে আন্তে প্রটল বাড়াল ও—ইঞ্জিনকে গরম করে নিচ্ছে। একই সঙ্গে একটা চোখ রাখল বাইরে, বিমান লক্ষ্য করে কেউ ছুটে আসছে কি না বুঝতে চায়।

‘ দু’মিনিট পেরিয়ে গেল, দেখা গেল না কাউকে। ইঞ্জিন টেম্পারেচার চেক করল অ্যাবি। কাজ চলবার মত গরম হয়েছে।
শুভ পিঞ্জর-২

সঙ্গীদের উদ্দেশে বলল, ‘গেট রেডি!’

কেউ কোনও কথা বলল না। থ্রিটল আরও বাড়াল অ্যাবি। উন্মত্তের মত ঘুরতে লাগল ইঞ্জিন প্রপের পাখাণ্ডলো, যেন যুদ্ধ ঘোষণা করল ঝড়ের বিরুদ্ধে। ভীষণভাবে কেঁপে উঠল গোটা ফিউজেলাজ... কয়েক সেকেণ্ডের জন্য। তারপরেই স্কিডগুলোকে আঁকড়ে ধরে থাকা বরফ ভেঙে গেল, ঘন্থর গতিতে সামনে এগোল টুইন অটার।

কন্ট্রোল নেড়ে বিমানের মুখ ঘুরিয়ে নিল অ্যাবি। ড্রিফট স্টেশন থেকে দূরে সরে যাচ্ছে। বাতাসের প্রবাহের বিপরীতে গিয়ে টেকঅফ করবার ইচ্ছে। তবে কাজটা সহজ হবে না।

‘সর্বনাশ! ওরা টের পেয়ে গেছে!’ হঠাৎ বলে উঠল পাওয়েল। পিছনে উঁকি দিচ্ছিল সে।

মিরর চেক করল অ্যাবি। পিছনে ঘোলাটে দুটো আলোর বিন্দু দেখা যাচ্ছে... ছুটে আসছে অটারের দিকে। হোভারক্র্যাফট। দাঁতে দাঁত পিষল ও, থ্রিটল ঠেলে দিল আরও। তীব্র আর্তনাদ করে উঠল ইঞ্জিন। লাফ দিয়ে আগে বাড়ল বিমানটা, কিন্তু সামনে থেকে ছুটে আসা বাতাসের অত্যাচারে ঠিকমত স্পিড তুলতে পারল না। এমনিতে দ্রুত টেকঅফের জন্য হেড-উইণ্ড বেশ কাজে দেয়, তবে এ-মুহূর্তে আর্কটিকের বোড়ো বাতাস ঠিক উল্টো কাজ করছে। ছেঁট বিমানকে পিষে ফেলতে চাইছে বরফের গায়ে।

‘ধরা পড়ে যাব... নির্ধাত ধরা পড়ে যাব!’ আঁতকে উঠে বলল জিম।

‘ব্যাটারা টের পেল কীভাবে?’ বলল অ্যাবি। ‘ইঞ্জিনের আওয়াজ শুনেছে? ঝড়ের মাঝখানে তো শোনা যাবার কথা নয়।’

‘বোধহয় ইনফারেড স্কোপ বসিয়েছে স্টেশনে,’ অনুমান করল পাওয়েল। ‘বিমানের ইঞ্জিন গরম হয়ে উঠতে দেখেছে ওতে।’

ইঞ্জিনের গর্জন ছাপিয়ে হঠাৎ শোনা গেল রাইফেলের

আওয়াজ। ঠক ঠক শব্দ তুলে পলায়মান অটারের গায়ে বিধল করেকটা বুলেট। তবে ক্ষয়ক্ষতি সীমাবদ্ধ রইল পিছন দিককার টেইল অ্যাসেম্বলি আর স্টোরেজ স্পেসে... কেবিন পর্যন্ত পৌছুল না। বিমানের গতি বাড়ানোর জন্য যুৰতে শুরু করল অ্যাবি।

‘কাছে চলে আসছে ওরা!’ ভয়ার্ট গলায় পিছন থেকে বলল জিম।

ডানে-বাঁয়ে তাকাল অ্যাবি। তুষারবড়ের মাঝে প্রকট হয়ে উঠছে হেডলাইটের আলো। হোভারক্র্যাফট বাইকদুটো খুব দ্রুত ছুটে আসছে, বাতাসের ঝাপটা ঠেকাতে পারছে না ওগুলোকে। অসহায়ের মত সামনে তাকাল, ঘোলা হয়ে আছে উইগুশিল্ডের ওপাশের দুনিয়া, হতাশা ছাড়া আর কিছুর অস্তিত্ব নেই ওখানে। বায়ুপ্রবাহ ঠেলে সামনে এগোনোই কঠিন হয়ে দাঁড়িয়েছে, টেকঅফ করা তো অনেক পরের কথা।

চোয়াল শক্ত হয়ে উঠল অ্যাবির। না, এত সহজে হার মানবে না। চকিতে একটা আইডিয়া খেলে গেল মাথায়।

‘হোল্ড অন!’ চেঁচিয়ে উঠল ও।

পোর্ট ইঞ্জিনের থ্রুটল কমাল অ্যাবি, বাড়িয়ে দিল স্টারবোর্ডেরটা। একই সঙ্গে ডানার ফ্ল্যাপও ডিপ্লায় করল—একদিক উপরে, অন্যদিক নীচে। মুহূর্তেই নাক ঘুরল টুইন অটারের, রানারের উপর ভর দিয়ে লাটিমের মত পাক খেতে শুরু করেছে। পুরো একশো আশি ডিগ্রি ঘুরে যেতেই থ্রুটল আর ফ্ল্যাপ ঠিক করে নিল অ্যাবি। বিমান এবার ড্রিফট স্টেশনের দিক লক্ষ্য করে ছুটল।

‘কী করছেন আপনি?’ হতভম্ব গলায় জানতে চাইল পাওয়েল।

জবাব দিল না অ্যাবি। থ্রুটল ঠেলে দুই ইঞ্জিনে সর্বোচ্চ প্রয়োর দিল। পাগলের মত ঘুরছে এখন প্রপ। আচমকা যেন স্মিস্ট লাগাল বিমান। পিছন থেকে বাতাসের ধাক্কায় ছু ছু করে শুভ পিণ্ডি-২

বেড়ে যাচ্ছে গতি।

ওর মতলব এতক্ষণে আঁচ করতে পেরেছে পাওয়েল। বলল, ‘পাগলামি করছেন আপনি, শেরিফ ম্যানিটক। টেকঅফ করবার মত ক্লিয়ারেন্স নেই সামনে!’

‘আমি জানি,’ সংক্ষেপে বলল অ্যাবি।

উইগুশিল্ডের ওপাশে চকচক করে উঠল দুই হোভারক্র্যাফটের হেলাইট। থমকে দাঁড়িয়েছে বাহনদুটো। বিমানটাকে আচমকা মুখ ঘুরিয়ে ওদের দিকে ছুটে আসতে দেখে হতভম্ব হয়ে গেছে আরোহীরা। তবে তা কয়েক মুহূর্তের জন্য। তারপরেই রাইফেল তুলে গুলি করল আবার। তাতে কাজ না হওয়ায় পাগলের মত সরে গেল অটারের গতিপথ থেকে। বিমানটা ওদেরকে পেরিয়ে চলে যেতেই পিছু পিছু ধাওয়া করল।

‘ওহ গড়! পিছন থেকে গুড়িয়ে উঠল জিয়। ‘মরব আজ!’

ওসব শুনছে না অ্যাবি। কন্ট্রোল প্যানেলে সেঁটে আছে ওর চোখ... বিশেষ করে স্পিড গজের উপর। একটু পরেই সামনে মিটিমিট করে উঠল ড্রিফট স্টেশনের আলো। ওদিকে উন্নতের মত ছুটে চলেছে অটার।

সিটের উপর সোজা হয়ে বসল অ্যাবি, টানতে শুরু করল কন্ট্রোল কলাম। একটু উঁচু হলো বিমান, অবিরাম চলতে থাকা ঝাঁকুনি কমল খানিকটা। কিন্তু এখনও টেকঅফ করবার মত গতি অর্জন করেনি বিমান। তাই উঁচু হয়েও সেটা ধরে রাখতে পারল না। আবারও দড়াম করে নামল বরফের উপর। ঝনঝন করে উঠল পুরো ফিউজেলাজ।

‘মুখ ঘোরান! চেঁচিয়ে উঠল পাওয়েল। ‘নইলে ক্র্যাশ করব আমরা!’

বধির সেজেছে যেন অ্যাবি। সঙ্গীর চিংকারে নির্বিকার রইল, এক হাতে আবারও ঠেলল থ্রটল। যদি বিন্দুমাত্র শক্তি অবশিষ্ট

থাকে ইঞ্জিনে, সেটা পেতে চায়। বিমানের কোর্স সামান্য কারেকশন দিল ও, বেইসের একটা জেমসওয়ে হাট লক্ষ্য করে ছুটল অটার।

‘প্ল্যানটা কী আপনার...’ বলতে বলতে থমকে গেল পাওয়েল। ‘হায় যিশু!’ আঁতকে উঠল সে। বুঝতে পেরেছে কী করতে চলেছে পাগলাটে মেয়েটা।

ব্যারাকের পাশে, ঠিক যেভাবে স্তুপ হয়েছিল জমাট তুষার... সামনের হাটটার পাশেও ঠিক একই রকমের একটা স্তুপ দেখা যাচ্ছে। প্রায় মসৃণ—অনেকটা ক্ষি-জাম্পের স্লোপের মত, ডগাটা মিশেছে ঢালু ছাতের গায়ে। বিমান নিয়ে ক্ষি-জাম্পই দিতে চলেছে অ্যাবি!

দ্রুতহাতে সিটিবেল্টের বাঁধন এঁটে নিল পাওয়েল। তার কয়েক মুহূর্ত পরেই তীব্রবেগে হাটের কাছে পৌছে গেল টুইন অটার। বরফের স্লোপ ধরে শাঁই করে উঠে গেল পুরো কাঠামো, চোখের পলকে উঠে এল ছাতে। থামল না, ধাতব ছাত আর রানারের সংঘর্ষের কর্কশ শব্দ তুলে ঝাপ দিল সামনে। ইতিমধ্যে ফ্ল্যাপ নামিয়ে দিয়েছে অ্যাবি, ছাত পেরিয়েই বাতাসে পাখা মেলল বিমান।

পরের কয়েকটা মিনিট হলো শ্বাসরোধকর। বিমানের কন্ট্রোল নিয়ে যুদ্ধ করল অ্যাবি। তীব্র বাতাসের মাঝে সুতোকাটা ঘূড়ির মত পাক খেলো অটার, গোঁভা খেলো, খসে পড়তে চাইল মাটিতে। কিন্তু কিছুতেই ওটাকে হার মানতে দিল না অ্যাবি। আস্তে আস্তে বিমানের মুখ ঘোরাল ও, মুখোমুখি হলো বাতাসের। বায়ুচাপের অবলম্বন নিয়ে বাড়াল উচ্চতা। এক সময় সুস্থির হলো অটার। লেভেল হয়ে উড়তে শুরু করল।

ফেঁস করে শ্বাস ফেলল অ্যাবি। এই ঠাণ্ডাতেও কপালে বিন্দু বিন্দু ঘাম জমেছে, হাতের উল্টোপিঠ দিয়ে মুছল তা। চেক করে শুন্দি পিঙ্গর-২

নিল এয়ারস্পিড, অলটিচুড় আর কম্পাস। দৃষ্টিসীমা শূন্যের কোঠায়, এখন ইনস্ট্রুমেণ্টগুলোই সামনে এগোবার সম্ভল। উইঙ্গশিল্ডের সামনে উড়ত তুষার ছাড়া কিছুই দৃষ্টিগোচর হচ্ছে না।

নড়ে উঠল পাওয়েল। সিটবেল্টের বাঁধন খুলে বিস্ফারিত চোখে তাকাল অ্যাবির দিকে। বলল, ‘আপনি বন্ধ উন্মাদ!’

‘এর জন্য রানা দায়ী,’ মুচকি হেসে বলল অ্যাবি। ‘এ-ধরনের পাগলামি আমি ওকে দেখেই শিখেছি।’

‘আমার আর কোনও অভিযোগ নেই,’ পাওয়েলের মুখেও হাসি ফুটল।

‘সত্যি, রীতিমত জাদু দেখিয়ে দিয়েছেন আপনি!’ পিছন থেকে বলল জিম।

কন্ট্রোল প্যানেলের উপর চোখ পড়তেই মুখের হাসি মুছে গেল অ্যাবির। রিজার্ভ ট্যাঙ্কের কাঁটা দ্রুত ঘুরে যাচ্ছে বাঁ দিকে। ফুল থেকে হাফ... হাফ থেকে কোয়ার্টারে পৌছে গেল দেখতে দেখতে। নিচয়ই ধাওয়াকারীদের বুলেট লেগেছে ওটার গায়ে। ফুটো দিয়ে বেরিয়ে যাচ্ছে মূল্যবান ফিউয়েল। মেইন ট্যাঙ্ক চেক করল অ্যাবি। না, ওটা স্বাভাবিক। মানে... যদি ট্যাঙ্কের আটভাগের একভাগ ফিউয়েল থাকাটা স্বাভাবিক বলা যায় আর কী।

‘কী হয়েছে?’ ওর চেহারার পরিবর্তন লক্ষ করে জানতে চাইল পাওয়েল।

‘ফিউয়েল শেষ আমাদের,’ তিঙ্ক গলায় বলল অ্যাবি।

‘কী?’ চমকে উঠল পাওয়েল। ‘কীভাবে?’

‘খুলে বলল অ্যাবি। ওর কথা শেষ হতেই খিস্তি করে উঠল পাওয়েল। শাপশাপান্ত করছে ভাগ্যকে।

‘কতদূর যেতে পারব আমরা?’ পিছন থেকে শুকনো গলায়

জিজ্ঞেস করল জিম।

‘বেশি না,’ মাথা দোলাল অ্যাবি। ‘বড়জোর পঞ্চাশ মাইল।’

‘কোথাও পৌছুনো যাবে না তা হলে,’ পাওয়েল বলল।
‘প্রচ্ছে বে এখান থেকে চারশো মাইল দূরে।’

পরিস্থিতির ভয়াবহতা বুঝতে পারছে অ্যাবি। গন্তব্যে পৌছুনো
সম্ভব নয়, বরফের মাঝখানে ল্যাণ্ড করতে হবে ওদেরকে। সঙ্গে
গরম কাপড় নেই, খাবার নেই, আগুন জ্বালাবার ব্যবস্থা
নেই—মেরু অপ্তলে এর অর্থ নিশ্চিত মৃত্যু।

‘কী করব আমরা এখন?’ হাহাকারের মত শোনাল জিমের
কষ্ট।

কেউ জবাব দিল না তার প্রশ্নের।

চার

আন্তিমের ভাঁজে আর কোনও কৌশল লুকানো নেই, ধাওয়া করে
আসা প্রেগেলটাকে ফাঁকি দেবার জন্য পা-দুটোই একমাত্র ভরসা।
তাই পাগলের মত দৌড়াচ্ছে রানা ও শ্যারন। এই দফায় বেশি
জোরে ছুটছে মেয়েটিই, খালি পায়ে তার সঙ্গে তাল মেলাতে কষ্ট
হচ্ছে রানার। আড়ষ্ট লাগছে হাঁটুর নীচ থেকে পায়ের পাতা পর্যন্ত,
যেন কোনও অনুভূতি নেই। স্বেফ তীব্র জেদের বশে কাজ করাচ্ছে
ও পেশিগুলোকে।

দানবটার এগিয়ে আসার আওয়াজ পরিষ্কার শুনতে পাচ্ছে
শ্বে পিঞ্জর-২

ওরা পিছন থেকে। সেই সঙ্গে রয়েছে আল্ট্রাসোনিকসের ক্রমাগত আঘাত। বমি বমি লাগছে ওদের। শারীরিক অসুবিধে সামাল দিয়ে দৌড়াতে বেশ কষ্ট হচ্ছে। ইচ্ছে হচ্ছে বসে পড়ে, পেট থেকে উগরে দেয় সবকিছু। একা থাকলে শ্যারন হয়তো তা-ই করত, কিন্তু অবিরাম তাড়া দিয়ে রানা ওকে বাধ্য করছে দৌড়াতে।

নীল বৃত্তের প্যাসেজ ধরে এগোচ্ছ দু'জনে। বড় একটা বাঁক পেরতেই উত্তেজিত গলায় শ্যারন বলল, ‘এই জায়গা আমি চিনি! এখান থেকে এগজিট বেশি দূরে নয়।’

‘গুড়!’ বলল রানা। ‘থামবেন না। পা চালান।’

পিছনে ফোস ফোস আওয়াজ শুনে চকিতে ঘাড় ফেরাল ও। সঙ্গে সঙ্গে আঁতকে উঠল। এসে পড়েছে দানবটা। ওদের থেকে বড়জোর পনেরো গজ দূরে ওটা। বিদ্যুৎবেগে পড়েছে একেক কদম, পায়ের নখের আঁচড়ে ছিটকে উঠছে টানেলের মেঝের বরফ।

‘যাশ-শালা!’ গাল দিয়ে উঠল রানা।

আর তখনি সামনে থেকে ভেসে এল নতুন চিৎকার।

‘গেট ডাউন।’

কে বলল কথাটা, জানে না: রানা শুধু ওদের দিকে তাক হওয়া দুটো অন্ত্রের ব্যারেল দেখতে পেল। সঙ্গে সঙ্গে ঝাপ দিল ও, এক হাতে শ্যারনকে জাপটে ধরে আছড়ে পড়ল মেঝেতে।

গর্জে উঠল আগ্নেয়ান্ত্র। রানা আর শ্যারনের গায়ের উপর দিয়ে অবোর ধারায় ছুটল বুলেট, আঘাত হানল ধাবমান গ্রেণেলের গায়ে। যেন প্রচণ্ড এক ঘূসি খেয়ে স্তুর হয়ে দাঁড়াল ওটা, গর্জে উঠল দাঁত-মুখ খিঁচিয়ে। তার জবাবে হজম করল আরও অনেকগুলো বুলেট। কয়েক সেকেণ্টের মধ্যেই বিশাল দেহটা দড়াম করে আছাড় খেলো টানেলের মেঝেতে।

রানা অতকিছু দেখছে না। শ্যারনকে সামনে ঠেলে দিল ও।
বলল, 'ক্রল করুন।'

মাকড়সার মত কিলবিল করে এগোল মেয়েটি। তার পিছু
নিল রানা, কিন্তু বেশিদূর যেতে পারল না। কী যেন আঁকড়ে ধরল
ওর একটা পা। মাথা ঘোরাল ও, সঙ্গে সঙ্গে একটা বিট মিস
করল হৎপিণি।

আহত, মুমূর্ষ ঘ্রেণেল আছড়ে পড়েছে ওর পায়ের কাছে।
সারা শরীর রক্তাক্ত, গুলিতে উড়ে গেছে মুখের একপাশ। কিন্তু
ওই অবস্থাতেও শরীর ঘষটে এগিয়ে এসেছে ওটা, শক্তিশালী
মুঠোয় আঁকড়ে ধরেছে রানার একটা পা। ওকে টেনে নিয়ে
আসতে চাইছে নিজের কাছে। এক মুহূর্তের জন্য একত্র হলো
দু'জনের দৃষ্টি। দানবের রক্তলাল চোখে পরিষ্কার খুনের নেশা
দেখতে পেল রানা। মরবে, কিন্তু তার আগে ওকেও খুন করতে
চাইছে ওটা।

পা নিয়ে টানাটানি শুরু করল রানা, কিন্তু একচুল আলগা
হলো না ঘ্রেণেলের বজ্রমুষ্টি। বরং হ্যাচকা টানে ওকে নিজের
কয়েক ফুটের মধ্যে নিয়ে গেল জানোয়ারটা। উপায়ান্তর না দেখে
কোমর থেকে আইস-অ্যাক্রটা খুলে আনল রানা। কোপ বসাল
ঘ্রেণেলের হাতে।

ব্যথায় চিত্কার করে উঠল প্রাণীটা, বাধ্য হলো মুঠো চিল
করতে। ঝটকা মেরে নিজেকে মুক্ত করল রানা। উঠে দাঁড়াল।
ঘ্রেণেল তখন আবার শরীর ঘষটে এগিয়ে আসতে শুরু করেছে।
পিছাল না রানা। দু'হাতে কুঠারটা উঁচু করল রানা। দানবটা
নগুল আসতেই শরীরের সমস্ত শক্তি দিয়ে নামিয়ে আনল
অন্তর্ট, চেলা কাঠ ফাঁড়ার মত ভঙ্গিতে কোপ বসাল ওটার মাথায়।

হাড় ভাঙার বিশ্রী শব্দ হলো, খুলি দু'ফাঁক হয়ে চুকে গেল
কুঠারের ফলা, আটকে গেল অর্ধেক পথ দিয়ে। ভীষণভাবে খিঁচুনি

খেলো দানবের গোটা দেহ। তারপরেই নিস্তেজ হয়ে গেল। কুঠারটা ওটার মাথা থেকে খুলে নিল রানা। হাঁপাতে হাঁপাতে পিছিয়ে এল কয়েক পা। দৃষ্টি সরাচ্ছে না। যেন নিশ্চিত হতে পারছে না ওটা মারা গেছে কি না।

কয়েক সেকেণ্ড পেরিয়ে গেল থমথমে নীরবতায়। তারপর টলে উঠল রানা, আর তখুনি পিছন থেকে একজোড়া হাত ধরে ফেলল ওকে। আইস-অ্যাক্সটা হাত থেকে নিয়ে নিল আরেকজন।

‘ইটস্ ওকে, মি. রানা,’ শোনা গেল নরম কণ্ঠ। ‘আপনি এখন নিরাপদ।’

মাথা ঘোরাতেই কমাঞ্চার ফিশারকে দেখতে পেল ও। হাসল একটু। ‘একেবারে ঠিক সময়ে হাজির হয়েছেন।’

‘আপনিই বরং ঠিক সময়মত পৌছেচেন,’ ফিশারও হাসল। ‘আসুন।’

পিছনের মানুষটাকে এবার দেখল রানা। লেফটেন্যাণ্ট মাইকেল গ্রিন। তার কাঁধে ভর দিয়ে খোঁড়তে খোঁড়তে এগোল ও, গ্রেণেলের নখের খোঁচায় বাম পায়ের চামড়া ছড়ে গেছে। কয়েক গজ দূরে দাঁড়িয়ে আছে শ্যারন। যোগ দিল ওদের সঙ্গে। টানেল ধরে হাঁটতে থাকল ওরা। একটু পরেই দেখা পেল বাকিদের।

রানাকে দেখতে পেয়েই ছুটে এল গ্যারি ম্যাসন। বলল, ‘মি. রানা! থ্যাঙ্ক গড়! আমি তো আপনার আশা ছেড়েই দিয়েছিলাম।’

‘ধন্যবাদটা কমাঞ্চার ফিশার আর লেং গ্রিনের প্রাপ্য,’ বলল রানা কাঠখোড়া গলায়। লোকটার উদ্বেগের মধ্যে খাদ দেখতে পাচ্ছে। মন বিষিয়ে উঠল। কখন নিজের আসল পরিচয় জানাবে সে?

‘এখনও বিপদ কাটেনি,’ বলল ফিশার। সবাইকে একত্র করে পরিষ্ঠিতি সম্পর্কে জানাল।

‘পোলার সেটিনেল চলে গেছে?’ বিস্মিত গলায় বলল
শ্যারন। ‘আমাদেরকে ফেলে?’

‘ক্যাপ্টেন গরডনের আর কোনও বিকল্প ছিল না,’ ফিশার
জানাল তাকে।

‘এখন তা হলে কী করব আমরা?’

‘আর যা-ই করি, এখানে থাকা চলবে না,’ রানা বলল।
‘দানবগুলোর চাইতে রাশানদের বিরুদ্ধে আমাদের টিকে যাওয়ার
চанс বেশি।’

‘কিন্তু আমাদের অ্যামিউনিশন ফুরিয়ে আসছে!’ প্রতিবাদের
সুরে বলল প্রিন।

‘সেক্ষেত্রে লড়াই না করে গা-ঢাকা দেয়া যেতে পারে। যদ্দূর
বুঝতে পারছি, রি-এনফোর্সমেণ্ট নিয়ে খুব শীঘ্ৰ ফিরে আসবে
পোলার সেটিনেল। ততক্ষণ যদি...’

‘ঠিক বলেছেন,’ সামনে এগিয়ে এল লেঃ লিসা ইভান্স।
ফিশারের দিকে ফিরল। ‘তিন নম্বর লেভেলে লুকানোর মত বেশ
কিছু জায়গা দেখেছি আমি, স্যর। ওখানে সার্ভিস শাফট আছে...
স্টোরেজ স্পেস আছে... আরও আছে একটা পুরনো ওয়েপনস্
লকার। লুকানো তো যাবেই, হয়তো কিছু অন্ত-শন্ত্র ও জোগাড়
করতে পারব আমরা।’

‘আইডিয়াটা মন্দ নয়,’ মাথা ঝাঁকাল ফিশার। ‘এই মৃত্যুগুহার
চাইতে যে-কোনও জায়গাই ভাল। তবে সাবধানে এগোতে হবে
আমাদেরকে।’

উল্টো ঘুরল সবাই... আর তখনি বোঁ করে উঠল মাথা। ঝাঁক
করে পিছনে তাকাল রানা। আবারও ভেসে আসছে
আল্ট্রাসোনিকস্ শব্দতরঙ্গ—এবার আগের চেয়ে জোরালোভাবে!
সঙ্গীদের দিকে তাকাল, ওরাও অনুভব করছে ব্যাপারটা।

‘ওহ্ গড়! কাতরধৰনি বেরুল প্রিনের গলা দিয়ে। নট
শন্ত পিঞ্জর-২

আগেইন!

‘মানে কী এর?’ বিস্মিত কণ্ঠে বলল শ্যারন। ‘গ্রেগোল্টা তো
মারাই গেছে। এখনও আল্ট্রাসোনিকস্ আসছে কোথেকে?’

‘ওটাই একমাত্র জ্যান্ট গ্রেগোল ছিল না, ড. বেকেট,’ বললেন
ড. কনওয়ে। ‘গুহায় যেগুলো জমাট বাঁধা অবস্থায় ছিল, সবকটাই
প্রাণ ফিরে পেয়েছে।’

‘কী! কীভাবে?’

‘এসব নিয়ে পরে আলোচনা করা যাবে,’ বলল রানা। দূরে,
অঙ্ককার টানেলের ভিতরে অনেকগুলো চোখ জুলজুল করে
উঠেছে। ‘আমাদেরকে বেরিয়ে যেতে হবে এখান থেকে।’

‘মুভ!’ চাপা গলায় হৃকুম দিল ফিশার। ‘ওগুলোকে ঠেকানোর
মত ফায়ারপাওয়ার নেই আমাদের।’

হড়োহৃড়ি পড়ে গেল দলটার মাঝে। ছুটতে শুরু করল সবাই।
পিছন থেকে ভেসে এল ক্রুক্ষ গর্জন। পলায়মান মানুষগুলোকে
ধাওয়া করল দানবের দল। যেন ইঁদুরের পিছনে লেগেছে শিকারি
বেড়াল। মাঝে মাঝে গুলি ছুঁড়ে ওগুলোকে ব্যতিব্যস্ত রাখল
নেভির লোকরা।

‘এই দিকে! চেঁচিয়ে পথ দেখাল শ্যারন।

কয়েক মিনিটের মধ্যে স্লেক পিটের ভারী দরজার সামনে
পৌছে গেল ওরা। একযোগে সবাই ঝাঁপিয়ে পড়ল পাল্লার উপরে,
ধাক্কা খেয়ে হাঁ হয়ে খুলে গেল প্রবেশপথ। হড়মুড় করে আইস
স্টেশনের চার নম্বর লেভেলে, হলঘরের মেঝেতে আছড়ে পড়ল
সবাই।

বিদ্যুৎ খেলে গেল রানার শরীরে। মাটিতে পড়েই স্প্রিংের
মত লাফ দিয়ে উঠে দাঁড়াল। ছুটে গেল দরজার দিকে। ডাকল,
‘কুইক! সাহায্য করুন আমাকে!’

সিম্যান ডেভ পার্ল আর পেটি অফিসার লয়েড হাত লাগাল

ওর সঙ্গে। তিনজনে ঠেলে বন্ধ করল পাণ্ডা। লাগিয়ে দিল হড়কো। আর তখুনি উপর থেকে ভেসে এল ফাঁকা গুলির আওয়াজ। সিঁড়ির দিকে ঘুরে গেল সবাই। অন্ত হাতে সেখান দিয়ে নেমে এল চারজন রাশান সৈনিক, সবার পরনে সাদা পারকা। নিচয়ই গোলাগুলির আওয়াজ শুনে ছুটে এসেছে।

গাল দিয়ে উঠল কমাওয়ার ফিশার। তণ্ড কড়াই থেকে জুলন্ত উন্মনে পড়া বোধহয় একেই বলে।

‘হল্ট!’ রাশান উচ্চারণে হৃষ্কার ছাড়ল এক সৈনিক। হাতের অ্যাসলট রাইফেল তাক করেছে ভিড়ের দিকে। ‘অন্ত ফেলে দাও সবাই। এক্ষুনি! ’

কেউ নড়ল না।

দলটার পায়ের কাছে একটা গুলি করল সৈনিক। তারপর চেঁচাল আবার, ‘লাস্ট ওয়ার্নিং। অন্ত ফেলো, নইলে খতম হয়ে যাবে।’

ভূমকির ভঙ্গিতে তার সঙ্গীরাও অন্ত নাড়ল।

‘নির্দেশটা মেনে নিলেই ভাল করবেন,’ ফিশারকে বলল রানা। ‘এরা সিরিয়াস।’

মাথা ঝাঁকাল কমাওয়ার, ছেড়ে দিল হাতের রাইফেল। সঙ্গীদেরকেও ইশারা করল ফেলতে। ঘানঘান শব্দে মেঝেতে আছড়ে পড়ল গ্রিন, লিসা, লয়েড আর ডেভ পার্লের অন্ত।

‘একসারিতে সামনে এগোও,’ পরবর্তী নির্দেশ দিল রাশান সৈনিক। ‘খবরদার, কোনও চালাকি নয়।’

বিনা বাক্যব্যয়ে এই নির্দেশও পালন করল বন্দিরা। আসলে দরজার কাছ থেকে সরে যেতে চাইছে।

মাত্র দশ কদম এগোল ওরা, তারপরেই পিছনে বিকট শব্দ হলো। ওপাশে ভারী কিছু একটা আছড়ে পড়ল স্নেক পিটের দরজার উপরে। লোহার পাণ্ডাদুটো কেঁপে উঠল থরথর করে।

থমকে দাঁড়াল সবাই। রাশান চার সৈনিকও হতভম্ব হয়ে গেছে।
কী ঘটেছে বুঝতে পারছে না।

পিছনে ঘাড় ফেরাল কমাঙ্গার ফিশার। আবারও দড়াম করে
কিছু বাড়ি খেলো দরজার গায়ে। পাল্লাদুটো বেঁকে গেল
খানিকটা।

প্রমাদ গুনল ফিশার। সঙ্গীদের উদ্দেশে চেঁচিয়ে উঠল, ‘গেট
ডাউন, এভরিবডি! নাউ!’

কথাটা মুখ থেকে বেরতে যা দেরি, সঙ্গে সঙ্গে মাটিতে ঝাঁপ
দিল সবাই। ওদেরকে নড়তে দেখে ট্রিগার চাপল রাশান এক
সৈনিক। পেটি অফিসার লয়েডের ভাগ্য খারাপ, ঝাঁপ দিতে
সামান্য দেরি করে ফেলেছিল, গুলিটা লাগল তার মাথার
একপাশে। রক্ত আর মগজ ছিটকে উঠল সে-আঘাতে, মেঝেতে
আছড়ে পড়ল তার প্রাণহীন দেহ। ড. কনওয়ের রিসার্চ
অ্যাসিস্টেন্ট লিলি চিৎকার করে উঠল আতঙ্কে। রূশ ভাষায়
চেঁচিয়ে উঠল সৈনিকেরা, থামতে বলছে সবাইকে।

‘গড্যাম ইট!’ গরগর করে উঠল ফিশার। ক্রোধে লাল হয়ে
গেছে তার চেহারা।

পালা করে খুনে রাশান আর পিছনের কাঁপতে থাকা দরজার
দিকে তাকাল রানা। দু’দিকেই মৃত্যু। ফাঁদে পড়ে গেছে ওরা।

এক পা এগোল রাশান সৈনিকদের নেতা। রাগী গলায় বলল,
‘কী হচ্ছে এসব? দরজার ওপাশে কী?’

‘বাছা, যদি বুদ্ধিমান হও,’ বলে উঠলেন কনওয়ে। ‘এখনি
কেটে পড়ো এখান থেকে।’

অস্ত্রের ব্যারেল তাঁর দিকে ঘোরাল সৈনিক। ‘কী বললেন...’

কথা শেষ হলো না তার। প্রচণ্ড ধাক্কায় ককিয়ে উঠল স্নেক
পিটের দরজা। চাপের মুখে হার মানল, কবজা ভেঙে হলঘরের
ভিতরে আছড়ে পড়ল পাল্লাদুটো। কয়েক সেকেণ্ড পরেই পায়ে

পায়ে একটা প্রেঙ্গল বেরিয়ে এল ওখান দিয়ে।

‘বোহ জে ময়!’ মাতৃভাষায় ঈশ্বরকে ডেকে উঠল রাশান সৈনিকদের নেতা। বিশাল দানবটাকে দেখে স্থুবির হয়ে গেছে সে। তার সঙ্গীদেরও একই অবস্থা।

জবাবে দাঁত-মুখ খিঁচিয়ে হুক্কার ছাড়ল প্রেঙ্গল। সে-আওয়াজে কেঁপে উঠল সবাই। এবার এগোতে শুরু করল ওটা।

‘ফায়ার!’ চেঁচিয়ে উঠল রাশান সৈনিকদের নেতা।

চারটে অস্ত্র থেকে একসঙ্গে ছুটল গুলির ধারা। শরীর রক্তাক্ত হয়ে গেল প্রেঙ্গলের, কিন্তু থামল না প্রাণীটা। স্থির, কিন্তু দৃঢ় পায়ে এগিয়ে আসছে। চোখে খুনের নেশা।

‘উঠে দাঁড়াবেন না কেউ,’ সঙ্গীদেরকে আতঙ্কিত হয়ে নড়তে দেখে চেঁচিয়ে উঠল রানা। ‘ক্রল করে এগোন।’

তা-ই করল সবাই, পাগলের মত হামাগুড়ি দিয়ে দ্রুত এগোতে থাকল। রাশানরা বাধা দিল না, তারা প্রেঙ্গলকে সামলাতে ব্যস্ত। রাইফেলের ম্যাগাজিন শেষ হয়ে গেল চোখের পলকে, রিলোড করবার জন্য বিরতি পড়ল গুলিবর্ষণে। ততক্ষণে আরও দুটো দানব চুকে পড়েছে দরজা গলে। মেঝেতে হামাগুড়ি দিতে থাকা মানুষগুলোর দিকে নজর দিল না ওরা, অস্ত্রধারী চার রাশানকে টার্গেট করল। হুক্কার দিয়ে ছুটে গেল তাদের দিকে।

সৈনিকদের পেরিয়ে ততক্ষণে বেশ খানিকটা এগিয়ে গেছে রানারা। পিছনে চিৎকার শুনে ঘাড় ফেরাল রানা, সঙ্গে সঙ্গে শিউরে উঠল। অস্ত্র রিলোড হবার আগেই চার সৈনিকের উপর ঝাঁপিয়ে পড়েছে প্রেঙ্গলরা। টেনে-হিঁচড়ে শুইয়ে ফেলেছে সবাইকে, দাঁত দিয়ে কামড় বসিয়েছে উন্মুক্ত চামড়ায়। আতঙ্কিত সৈনিকরা মৃত্যুযন্ত্রণায় আর্তনাদ করছে, চারপাশে রক্তের বন্যা।

চোখ ফিরিয়ে নিল রানা। তাকাল সিঁড়ির দিকে। প্রক্ষণে দমে গেল। ছোট্ট ওই সিঁড়ি বেয়ে ওরা সবাই একসঙ্গে উঠতে শুভ পিঞ্জর-২

পারবে না। তার আগেই গাউদেরকে শেষ করে ওদের উপরে
হামলা করবে দানবগুলো। কী করা যায়?

‘এদিকে!’ হঠাৎ চেঁচিয়ে উঠল শ্যারন। বিপদের তোয়াক্তা
করছে না, লাফ দিয়ে উঠে দাঁড়িয়েছে। সবাইকে নিয়ে গেল
হলঘরের উল্টো প্রান্তের বিশাল দরজাটার সামনে। ভল্ট ডোরের
মত বিশাল এক ছাইল-লক আছে ওটায়, ছাইল ঘূরিয়ে খুলে
ফেলল তালা। এরপর ধাক্কা দিয়ে পাল্লা ফাঁক করল একটু।
‘ভিতরে চুকুন সবাই!’

হৃড়োগুড়ি পড়ে গেল দলটার মধ্যে, কিন্তু ফাঁক দিয়ে
একজনের বেশি চুকতে পারছে না। দরজার পাল্লাদুটো বড়
ভারী, পুরোপুরি খোলা যাচ্ছে না—বয়সের কারণে কবজ্যায় জং-টং
ধরেছে সম্ভবত। চকিতে পিছনে তাকাল রানা। আর তখনি রাশান
সৈনিকের লাশের উপর থেকে মুখ তুলল একটা গ্রেওল। রক্তলাল
চোখ মেলে তাকাল ওর দিকে।

‘সেরেছে! এইবার আমাদের পালা!’ বলল রানা। ‘কুইক!
তাড়াতাড়ি চুকুন আপনারা।’

লাশ টপকে কয়েক পা এগোল গ্রেওল। থমকে দাঁড়াল। দাঁত
খিঁচাতে শুরু করেছে। প্রমাদ গুনল রানা। বড় অসহায় লাগছে
নিজেকে। একটা রাইফেল পেলে একচোখ দান করে দিতে দ্বিধা
করত না। উল্টো ঘূরে সঙ্গীদের ধাক্কা দিল ও। পিছনে গর্জে উঠল
গ্রেওল, ধেয়ে এল ওদের দিকে।

ঠেলা-ধাক্কা দিয়ে সবাইকে ভিতরে ঢোকাল রানা। সবশেষে
চুকল নিজে। ভিতরে চুকে দরজা বন্ধ করতে চাইল ও, কিন্তু তার
আগেই ওটার উপর ঝাঁপিয়ে পড়ল দানব। মুখের উপর দড়াম
করে বাড়ি খেল পাল্লা, ধাক্কা খেয়ে ছিটকে গেল রানা। মেঝেতে
আছড়ে পড়ল পিঠ দিয়ে। পতনের ধাক্কায় বুক থেকে বেরিয়ে গেল
বাতাস, মুখ আর ‘বুকেও অনুভব করল তীব্র ব্যথা। তারপরেও

কনুইয়ে ভর দিয়ে সোজা হলো, দানবটা ভিতরে ঢুকে পড়লে সব
শেষ।

কপাল ভাল, জং-ধরা কবজা জ্যাম হয়ে গেছে, পাল্লাটা
পুরোপুরি খুলতে পারেনি দানব। হাঁচড়ে-পাঁচড়ে উঠে দাঁড়াল
রানা, ছুটে গেল দরজার কাছে। বাকিরাও সাহায্য করল, সবার
সম্মিলিত প্রচেষ্টার কাছে হার মানল ছেওল, ইঞ্চি ইঞ্চি করে বন্ধ
হতে থাকল পাল্লা। পুরোপুরি বন্ধ হতেই ছইল ঘুরিয়ে বোল্ট
আটকে দিল রানা।

হাঁপাতে হাঁপাতে এবার পিছিয়ে এল সবাই। ওপাশ থেকে
দানবের ক্রুদ্ধ গর্জন শোনা গেল, ধূমধাম করে বার কয়েক বাড়ি
পড়ল পাল্লায়। কিন্তু এই দরজাটা যথেষ্ট শক্ত, স্লেক-পিটের
দরজার মত ভেঙে গেল না।

‘আপাতত আমরা নিরাপদ,’ বলল শ্যারন। ‘দরজাটা এক ফুট
পুরু স্টিলের তৈরি।’

গলায় ঝোলানো বুটজোড়া ছিটকে পড়ে গেছে, ওগুলো
কুড়িয়ে নিয়ে পায়ে গলাতে শুরু করল রানা। জিজ্ঞেস করল,
‘কোথায় আমরা?’

‘স্টেশনের হৎপিণ্ডে,’ বলল কমাওয়ার ফিশার। ‘এটাই
এখানকার মূল ল্যাব।’

লাইটের সুইচ টিপল কেউ। মাথার উপর মিটমিট করে জুলে
উঠল বৈদ্যুতিক আলো। বুটের ফিতে বেঁধে সোজা হয়ে দাঁড়াল
রানা। চোখ বোলাল চারপাশে। ল্যাবটা পরিত্যক্ত হলেও পরিচ্ছন্ন
এবং সুন্দরভাবে গোছানো। সার বেঁধে বসানো হয়েছে বেশ ক'টা
স্টিলের টেবিল। একপাশের দেয়াল ঘেঁষে কাঁচের আলমারি,
তাতে নানা রকম ইকুইমেন্ট আর ছোটবড় কাঁচের পাত্র গুছিয়ে
রাখা হয়েছে। আরেকপাশের দেয়াল ঘেঁষে রয়েছে বেশ ক'টা
রিফ্রিজারেশন ইউনিট। মেইন ল্যাবের সঙ্গে লাগোয়া একটা ছোট
শুভ পিঞ্জর-২

রুম আছে—দরজা খোলা, ভিতরটা অঙ্ককার।

একে একে আরও বাতি জুলে উঠছে। ল্যাবের একপ্রাণ্টে শুরু হওয়া একটা করিডোর আলোকিত হয়ে উঠল তাতে। লম্বা করিডোর... বাঁক নিয়ে হারিয়ে গেছে দৃষ্টিসীমার আড়ালে। সন্তুষ্ট পুরো লেভেলের আউটার ওয়াল ঘেঁষে বানানো হয়েছে এই করিডোর। ওদিকে তাকাতেই স্থির হয়ে গেল রানা। অন্যেরাও দেখেছে, সঙ্গে সঙ্গে চলৎশক্তি হারিয়েছে সবাই।

‘মাই গ-অ-ড! কী দেখছি আমি!’ হাহাকার করে উঠলেন ড. কনওয়ে।

পাঁচ

প্রকৃতির আক্রোশকে অগ্রাহ্য করে এগিয়ে চলেছেন রিয়ার অ্যাডমিরাল ভ্যালেরি নিকোলায়েভ। গায়ে সাদা পারকা, দু'হাতে পুরু গ্লাভস্; বাতাসের হামলা থেকে মুখকে বাঁচাচ্ছে পশমি হৃড, মোটা উলের স্কার্ফ আর একজোড়া পোলারাইজড গগলস্। সবকিছুর উপর তুষারের পুরু প্রলেপ পড়ে গেছে, দূর থেকে বিশালদেহী রিয়ার অ্যাডমিরালকে দেখাচ্ছে হিমালয়ের ত্রাস ইয়েতির মত।

হোভারক্র্যাফট বাইকের পিছনের সিটে পিঠ টানটান করে বসে আছেন তিনি। হিম-বাতাস বা ভয়াল বড়কে পরোয়া করছেন না। পিতার শেষ নিদ্রার স্থানের দিকে চলেছেন নিকোলায়েভ, বরফের

গভীরে এক শীতল সমাধির পানে, যেখনে জীবনের সবচেয়ে বড় ব্ৰহ্মপৃষ্ঠা সারবেন তিনি। কেউই তাঁকে ঠেকাতে পারবে না।

বাইক চালাচ্ছে তরুণ এক লেফটেন্যাণ্ট। রিয়ার অ্যাডমিৱালেৰ তাড়া সম্পর্কে অবগত সে, তৈৰি-শীতল বাতাস ভেদ কৱে উড়িয়ে নিয়ে চলেছে বাহনকে। অভিজ্ঞ চালক, বাতাসেৰ তোড়ে দিকভান্ত হয়নি, বাইকেৰ জাইরোস্কোপিক গাইডেন্স সিস্টেম ব্যবহাৰ কৱে প্ৰয়োজনীয় কাৱেকশন দিয়েছে কোৰ্সে। প্ৰায় সৱলৱেৰ মত একটা পথে এগিয়ে চলেছে আইস স্টেশন ঘ্ৰেণেলেৰ দিকে। এসকৱ্ট হিসেবে ওদেৱকে অনুসৰণ কৱছে আৱও দুটো বাইক।

চাৰপাশে নজৰ বোলালেন নিকোলায়েভ। স্বেফ একটা বন্ধ্যা ভূমি, প্ৰাণেৰ কোনও অস্তিত্ব নেই কোথাও। মেঘ আৱ তুষারেৰ আড়ালে ঢাকা পড়ে গেছে সূৰ্য, প্ৰায়ান্ধকাৰ পৰিবেশ বিৱাজ কৱছে গোটা বৰফ-ঘৰীপেৰ উপৱে। সুস্থ, স্বাভাৱিক কোনও মানুষেৰ বাসযোগ্য বলা যায় না কিছুতেই। নিৰন্তৰ হতাশা আৱ নিঃসঙ্গতা হামলা চালায় দেহমনে। দাঁতে দাঁত পিষলেন রিয়াৰ অ্যাডমিৱাল। এখানেই জীবনেৰ শেষ দিনগুলো কাটাতে বাধ্য কৱা হয়েছিল তাঁৰ পিতা ইগোৰ নিকোলায়েভকে—নিৰ্বাসিত, বিস্মৃত অবস্থায়। এৱ প্ৰতিশোধ নেবেন তিনি!

একটু বাঁক নিল হোভাৱত্যাফট। উঁচু একটা প্ৰেশাৰ রিজেৰ গোড়া ধৰে এগোল। রিজটাকে দেখাচ্ছে অতিকায় কোনও দানবেৰ পিঠেৰ মত। রিজ পেৱতেই চোখে পড়ল ঘোলাটে আলোৱ আভা।

ঘাড় ফেৱাল ড্রাইভাৰ। ‘ডেস্টিনেশন অ্যাহেড, স্যুৰ!’ গলা চড়িয়ে রিপোট দিল সে।

মৃদু মাথা ৰোকালেন রিয়াৰ অ্যাডমিৱাল, কোনও কথা বললেন না।

কোর্স অ্যাডজাস্ট করল ড্রাইভার। গতি কমিয়ে পাশে আসার সুযোগ দিল অন্য দুই বাহনকে। অ্যালাইন ফরমেশনে তিন হোভারক্র্যাফট ছুটে চলল আলোর উৎসের দিকে। খানিক পরে তুষারের প্রকোপ একটু কমল, অনেকখানি পরিষ্কার হয়ে এল চারপাশের দৃশ্য।

বরফের এক বিশাল মাউণ্টেইন রেঞ্জ দেখতে পেলেন রিয়ার অ্যাডমিরাল, সেইসঙ্গে অবারিত শুভ প্রান্তর। প্রান্তরের মাঝে রয়েছে একটা পলিনিয়া—সাবমেরিন ভেসে ওঠার উপযোগী জলাশয়। পলিনিয়ার উল্টোপাশে, পাহাড়শ্রেণীর গোড়ায় আছে চারকোনা এক শাফট—মানুষের তৈরি। ওখান দিয়ে বেরিয়ে আসছে আলোর রেখা।

আইস স্টেশন ঘোওলের প্রবেশপথ।

পলিনিয়ার কিনার ধরে এগোল হোভারক্র্যাফট। ইঞ্জিনের থ্রটল কমানো হলো, এয়ার-কুশনের সাপোর্ট ত্যাগ করল বাহনগুলো, টাইটেনিয়ামের ক্ষি-র উপর ভর দিয়ে নামল বরফের উপর। এন্ট্রাসের কাছাকাছি গিয়ে থেমে দাঁড়াল, পার্ক করল ছোট একটা ঢালের আড়ালে, যাতে ঝড়ের আঘাতে ক্ষতি না হয় হোভারক্র্যাফটের।

ঝটপট সিট থেকে নেমে গেল ড্রাইভার, তবে নিকোলায়েভকে খানিকটা ঝামেলা পোহাতে হলো হারনেসের বাকল খুলতে গিয়ে। জমে আটকে গেছে ওটা, গ্লাভ নিয়ে খোলা মুশকিল, খালি হাতেও সহজ হলো না। হঠাৎ তাঁর চোখ চলে গেল আইস স্টেশনের প্রবেশপথের দিকে। চৌকো এন্ট্রাসটা যেন কোনও প্রাচীন সমাধির মুখ—মিশরে এমন অনেক সমাধি লুঠ হওয়া অবস্থায় দেখেছেন তিনি। এখানেও কম-বেশি একই অবস্থা। তাঁর পিতার সমাধি লুঠ করবার জন্য হন্তে হয়ে প্রতিযোগিতায় নেমেছে আমেরিকা ও রাশা। কিন্তু আসলে তিনিই এর প্রকৃত দাবিদার।

একদৃষ্টে তাকিয়ে থাকলেন রিয়ার অ্যাডমিরাল।

‘স্যর?’ ড্রাইভারের ডাকে ধ্যান ভাঙল তাঁর, সাহায্য করবার জন্য এক হাত বাড়িয়ে দিয়েছে সে।

‘দরকার নেই,’ রুক্ষ গলায় বললেন নিকোলায়েভ। দ্রুত হাত চালিয়ে খুললেন হারনেস। তারপর নেমে এলেন বাইক থেকে। এক বালক ঠাণ্ডা হাওয়া বয়ে গেল, হাড় পর্যন্ত কেঁপে উঠল ছ-ছ করে। এভাবেই যেন ইগোর নিকোলায়েভের সমাধিতে তাঁকে অভ্যর্থনা জানাল প্রকৃতি।

দ্রুত পায়ে এন্ট্রান্সের দিকে এগিয়ে গেলেন রিয়ার অ্যাডমিরাল। সঙ্গীরা পিছু নিল তাঁর। প্রবেশপথের সামনে সিগারেট ফুঁকতে থাকা অবস্থায় একজনকে দেখা গেল। নিকোলায়েভকে দেখেই তটস্থ হয়ে উঠল সে। সিগারেট ফেলে দিয়ে সটান স্যালিউট ঠুকল।

‘গুড ইভিনিং, স্যর!’

ভুরু কোঁচকালেন রিয়ার অ্যাডমিরাল, মানুষটাকে চিনতে পেরেছেন। সাবমেরিন ড্রাকনের অফিসার—লেফটেন্যাণ্ট গরক্ষি। বাইরে কী করছে? পাহারা দিচ্ছে? অফিসারদের তো গার্ড ডিউটিতে থাকার কথা নয়!

‘কী ব্যাপার, গরক্ষি?’ জিজ্ঞেস করলেন তিনি। ‘বাইরে কী করছ?’

‘ইয়ে... আপনার জন্যই অপেক্ষা করছি, স্যর।’

‘হ্ম!’ দু’পাশে চোখ বোলালেন নিকোলায়েভ। ছড়িয়ে-ছিটিয়ে পড়ে আছে ভাঙ্গা লোহার টুকরো আর বরফের স্তূপ, দরজার জায়গাটাও হাঁ হয়ে আছে—ওমেগা স্টেশন থেকে পালিয়ে আসা গ্রুপটার কীর্তি। গেঁজের মত আটকে থাকা স্লো-ক্যাটটাকে বিক্ষেপণ ঘটিয়ে টুকরো টুকরো করা হয়েছে, সেইসঙ্গে পথ বানানো হয়েছে বরফধসের মাঝ দিয়ে। তবে সে-সব জঞ্চাল শুভ পিঞ্জর-২

পুরোপুরি সরানো হয়নি এখনও।

‘গরক্ষির দিকে ফিরলেন নিকোলায়েভ। ‘কেন অপেক্ষা করছ?’
‘দুটো সমস্যা দেখা দিয়েছে, স্যর,’ গলা খাঁকারি দিয়ে বলল
লেফটেন্যাণ্ট। ‘একটা এখানে, অন্যটা ওমেগায়। ইউ.কিউ.সি.
লাইনে আছেন ক্যাপ্টেন রুশকিন... আপনার সঙ্গে কথা বলতে
চাইছেন।’

নিকোলায়েভের চেহারায় বিরক্তি ফুটল। ঘাড় ঘুরিয়ে শূন্য
পলিনিয়ার দিকে তাকালেন। কালো রঙের একটা কেইবল,
তুষারে প্রায় ঢাকা পড়ে গেছে, এণ্ট্রাসের টানেল থেকে বেরিয়ে
মিশে গেছে জলাশয়ের কালচে পানিতে। ওটাই ইউ.কিউ.সি.
লাইন—এক ধরনের আগ্নারওঅটর টেলিফোন, সোনারের মত
কাজ করে। পার্থক্য শুধু এ-ই যে, পিং-এর বদলে ভয়েস
ট্রাঙ্গুলেশন হয় ওটায়। অন্ন দূরত্বে বেশ কার্যকর। তারমানে ড্রাকন
এখনও আশপাশেই চক্র দিচ্ছে।

‘পথ দেখাও,’ বললেন নিকোলায়েভ।

উল্টো ঘুরে হাঁটতে শুরু করল গরক্ষি, তাকে অনুসরণ করলেন
তিনি। টানেল ধরে এগিয়ে চলল দলটা।

‘সমস্যা হয়েছে বললে... কী সেটা?’ খানিক পর জানতে
চাইলেন রিয়ার অ্যাডমিরাল।

‘আমেরিকানরা, স্যর,’ বলল গরক্ষি। ‘নেভি পার্সোনেল আর
সিভিলিয়ানদের ছোট একটা গ্রুপ রয়ে গেছে এখানে। চার নম্বর
লেভেলে ঘাপটি মেরেছে ওরা। মেইন ল্যাবে চুকে দরজা আটকে
দিয়েছে। আমরা ওখানে চুক্তে পারছি না।’

‘ল্যাবে ঢোকার আগেই ঠেকানো হয়নি কেন ওদেরকে?’

‘সম্ভব ছিল না, স্যর। অঙ্গুত কতগুলো জানোয়ার হামলা
চালিয়েছিল আমাদের গার্ডদের উপরে। ওই সুযোগে ল্যাবে চুকে
পড়ে ওরা।’

‘অঙ্গুত জানোয়ার মানে?’

‘সাদা চামড়ার... বিশাল একেকটা প্রাণী। অত্যন্ত হিংস্র। এমন জানোয়ার আগে কোনোদিন দেখেনি কেউ। আমাদের রি-এনফোর্সমেণ্ট পৌছুনোর আগেই চারজন গার্ডকে খুন করেছে ওগুলো, তারপর লাশ নিয়ে ঢুকে পড়েছে বেইসের সঙ্গে লাগোয়া টানেল নেটওয়ার্কের ভিতরে। হলঘরে এখন হেভি আর্টিলারি-সহ নতুন পাহারা বসানো হয়েছে।’

গরক্ষির বর্ণনা শুনে গন্তব্বীর হয়ে গেলেন নিকোলায়েভ। মক্ষোয় তাঁর পিতার পাঠানো পুরনো রিপোর্ট পড়ে এসেছেন তিনি, শোনামাত্র বুঝতে পারছেন কীসের কথা বলা হচ্ছে।

গ্রেণেল!

এ কি সম্ভব? এখনও কি ওই প্রাণীগুলো বেঁচে আছে?

খুব শীঘ্র স্টেশনের মূল অংশে পৌছে গেলেন তাঁরা। পাঁচ নম্বর লেভেলের ডাইনিং স্পেসে বসানো হয়েছে রেডিও ইউনিট। পলিনিয়া থেকে আসা ইউ.কিউ.সি. লাইন মিলেছে একটা সেটের সঙ্গে। অল্লবয়েসী এক অপারেটর ডিউটি করছিল, রিয়ার অ্যাডমিরালকে দেখতে পেয়েই ঝট করে উঠে দাঁড়াল। স্যালিউট ঠুকল কেতাদুরস্ত ভঙ্গিতে।

‘স্যর! ক্যাপ্টেন রুশকিন লাইনে আছেন।’

‘জানি,’ নির্বিকার ভঙ্গিতে বললেন নিকোলায়েভ। এগিয়ে গিয়ে তুলে নিলেন হ্যাণ্ডসেট। ‘দিস ইজ রিয়ার অ্যাডমিরাল নিকোলায়েভ।’

‘গুড ইভিনিং, স্যর,’ ওপাশ থেকে ভেসে এল রুশকিনের কণ্ঠ। গমগম করছে তার গলা, যেন চোঙা দিয়ে কথা বলছে। ‘আর্জেন্ট একটা রিপোর্ট পেয়েছি ওমেগা স্টেশন থেকে। ওটা আপনাকে জানানো দরকার।’

‘গো অ্যাহেড।’

শুভ পিঞ্জর-২

৪৭

‘ওখানে সিকিউরিটি ব্রিচ দেখা দিয়েছে, স্যর। ব্যারাক থেকে
একজন আমেরিকান নাবিক, আর এক সিভিলিয়ান মেয়ে পালিয়ে
গেছে।’

হাত মুঠো করে ফেললেন নিকোলায়েভ। ‘হোয়াট !’

‘ওখানেই শেষ নয়। একটা বিমান নিয়ে পালিয়েছে ওরা।
ঝড়ের কারণে ওদেরকে ট্র্যাক করবার কোনও উপায় নেই। খুব
সম্ভবত ওরা আলাক্ষার উপকূলের দিকে যাচ্ছে। রেঞ্জে পৌছুতে
পারলেই সাহায্য চাইবে।’

বুকের ভিতরে তীব্র ক্রোধ অনুভব করলেন নিকোলায়েভ।
এমন ভুল ক্ষমার অযোগ্য। মিশনটার প্রধান শর্তই হলো, কোনও
সাক্ষী রাখা চলবে না। সেভাবেই প্ল্যান করা হয়েছে সব। সোলার
স্টর্ম আর তুষারঝড়ের পূর্বাভাস দেখে ঠিক করা হয়েছে
সময়সীমা। কারণ এই পরিবেশে আমেরিকানদের রিকনিসান্স
স্যাটেলাইটগুলো বরফঝীপের কিছুই দেখতে পাবে না। চাকুষ
সাক্ষী না থাকলে রাশান সরকার সরাসরি অস্থীকার করতে পারবে
ঘটনার দায়। সেজন্যে আমেরিকান রিসার্চ সাবমেরিন পোলার
সেন্টিনেলকেও নির্বিঘ্নে পালিয়ে যেতে দেয়া হয়েছে। ড্রাকন-কে
হয়তো পানিতে স্পট করেছে ওরা, কিন্তু সারফেস অপারেশন
সম্পর্কে চাকুষ ভেরিফিকেশনের কোনও সুযোগ ছিল না তাদের।
ভবিষ্যতে যত অভিযোগই উথাপন করুক ওটার ক্রু-রা, তার
সপক্ষে প্রমাণ দেখাতে পারবে না।

কিন্তু এখন পরিস্থিতি পাল্টে গেছে। মুখের ভিতরটা তেতো
ঠেকল নিকোলায়েভের। দু'জন বন্দি পালিয়ে গেছে—এমন দু'জন
মানুষ, যারা সবকিছু নিজ চোখে দেখেছে... আদালতে দাঁড়িয়ে
হলফ করে বলতে পারবে, ওমেগা স্টেশনে হামলার নেতৃত্বে ওরা
একজন রাশান রিয়ার অ্যাডমিরালকে দেখেছে।

প্রচণ্ড ক্রোধে আত্মনিয়ন্ত্রণ হারাতে বসেছিলেন নিকোলায়েভ,

হঠাৎ সামলালেন নিজেকে। বুঝতে পারছেন, রাগ করে লাভ নেই। যা হবার তা হয়ে গেছে। তা ছাড়া এ-নিয়ে এত ভাবনারও কিছু নেই। কবজিতে বাঁধা পোলারিস মনিটর স্পর্শ করলেন। তাঁর চূড়ান্ত পরিকল্পনা সফল হলে এ-সবের আর কোনও গুরুত্ব থাকবে না।

বড় করে কয়েকবার শ্বাস ফেললেন রিয়ার অ্যাডমিরাল। শান্ত করলেন স্নায়ুকে। দুশ্চিন্তা করছেন না আর। সামান্য এই ঝামেলা তাঁর সাফল্যের পথে বাধা হতে পারে না কিছুতেই। তা ছাড়া, গোপন এই যুদ্ধ হচ্ছে সরকারি নির্দেশে। এমন যুদ্ধ প্রতিনিয়তই ঘটে চলছে পৃথিবীর বিভিন্ন প্রান্তে... লোকচক্ষুর অন্তরালে। আমেরিকাই বেশিরভাগ ক্ষেত্রে ঘটায় এসব যুদ্ধ। উত্তর কোরিয়ার উপকূল, ইরাকের মরুভূমি আর চিনের পার্বত্য এলাকায় বহু ঘটনা ঘটিয়েছে ওরা, ঘটিয়েছে আর্কটিকেও। দাঁতভাঙা একটা জবাব পাওনা হয়েছে ওদের। জানা কথা, তাঁরা জয়ী হতে পারলে এই অপমানের কথা কিছুতেই ফাঁস করবে না আমেরিকা। দুনিয়ার সামনে নিজেদের ব্যর্থতা স্বীকার করে নেবে না। দরকার হলে নিজেরাই গায়েব করে দেবে সাক্ষীদেরকে।

‘স্যর!’ আগুরওঅটর টেলিফোনে ঝুঁকিনের গলা ভেসে এল। ‘আমরা আপনার নির্দেশের অপেক্ষায় আছি।’

পরিস্থিতি যাচাই করে নিলেন নিকোলায়েভ। দুই বন্দির পলায়ন নিঃসন্দেহে খারাপ খবর, তবে তাতে মিশনের বারোটা বেঁকে যায়নি। কাজ শেষ করবার জন্য এখনও যথেষ্ট সময় আছে তাঁদের হাতে, কিন্তু এখন থেকে আর কোনও ঝুঁকি নেয়া যাবে না। ওমেগা স্টেশন আর সেখানকার বন্দিরা এ-মুহূর্তে আর অ্যাসেট নয় তাঁদের জন্য, বরং একটা বোৰা। যা খুঁজছেন তাঁরা, তা গুখানে নেই।

‘ক্যাপ্টেন,’ শান্ত গলায় বললেন রিয়ার অ্যাডমিরাল।

‘ড্রাকনকে নিয়ে ওমেগায় যাও তুমি।’

‘স্যর?’

‘ওখানে পৌছে আমাদের লোকজনকে তুলে নেবে
সাবমেরিনে, ফিরে আসবে এখানে।’

‘আর বন্দিরা?’

সরাসরি জবাব দিলেন না নিকোলায়েভ। বললেন, ‘আমাদের
লোকজন ক্লিয়ার হয়ে যাবার পর ইনসেওয়ারি চার্জগুলো ফাটিয়ে
দেবে তুমি। পুরো স্টেশনটাকে তলিয়ে দেবে পানিতে। ঠিক
আছে?’

থমকে গেল ক্যাপ্টেন রুশকিন। এই মুহূর্তে ঠাণ্ডা মাথায় বন্দি
আমেরিকানদের মৃত্যুদণ্ড ঘোষণা করলেন রিয়ার অ্যাডমিরাল।
কয়েক সেকেণ্ড কোনও কথা ফুটল না তার কঢ়ে।

‘ক্যাপ্টেন! খেঁকিয়ে উঠলেন নিকোলায়েভ। ‘আমার কথা
বুঝতে পেরেছ তুমি?’

‘জী, স্যর,’ মিনমিনে গলায় জবাব দিল রুশকিন।

‘গুড়। কাজ শেষে এখানে আবার তোমাকে দেখতে চাই
আমি। আমাদের মিশন প্রায় শেষ পর্যায়ে।’

‘আপনি যা বলেন, অ্যাডমিরাল।’

হ্যাঙ্গসেট নামিয়ে রাখলেন নিকোলায়েভ। ঘুরলেন সঙ্গীদের
দিকে। এবার দ্বিতীয় সমস্যাটা নিয়ে মাথা ঘামাবেন তিনি।

ছৱি

মেইন ল্যাবে উপস্থিত প্রতিটা মানুষ দম ফেলতে ভুলে গেছে। বিশ্বারিত দৃষ্টিতে তাকিয়ে আছে তারা ল্যাব-সংলগ্ন করিডোরের দিকে। সদ্য জুলে ওঠা বাতির আলোয় সেখানে প্রকট হয়ে উঠেছে সিলিঙ্গার আকৃতির একসারি স্টিলের ট্যাঙ্ক—করিডোরের দেয়ালের সঙ্গে, নির্দিষ্ট দূরত্ব বজায় রেখে বসানো হয়েছে প্রতিটা ট্যাঙ্ক। সংখ্যায় অন্তত বিশটা। কিছুদূর গিয়েই বাঁক নিয়ে হারিয়ে গেছে করিডোর, পুরো জায়গাই এরকম ট্যাঙ্কে ভরা, বাঁকের ওপাশে আরও কতগুলো আছে কে জানে।

ট্যাঙ্কগুলোর শরীর স্টিলের হলেও সামনের অনেকখানি অংশ পুরু কাঁচ দিয়ে তৈরি। সেই কাঁচের উপর জমাট বেঁধে রয়েছে বরফের আন্তর। তবে সামনের দিককার কয়েকটা ট্যাঙ্কের বরফ গলিয়ে ফেলা হয়েছে... ফলে স্বচ্ছ কাঁচের ভিতর দিয়ে দেখা যাচ্ছে ট্যাঙ্কের অভ্যন্তর। যা দেখা যাচ্ছে, সেটাই চমকে দিয়েছে দর্শকদেরকে।

নীলচে এক ধরনের তরলে ভরে আছে সবগুলো ট্যাঙ্ক, হিমাঙ্কের নীচের তাপমাত্রায় এখন বরফে পরিণত হয়েছে সেই তরল। বরফের ভিতরে... স্ফটিকের ভিতরে আটকা পড়া পোকার মত... দেখা যাচ্ছে একটা করে অবয়ব। মানুষের অবয়ব! নগ্ন শরীর, কাঁচের উপর থাবা মারছে... প্রতিটা মুখ কুঁচকে আছে তীব্র শুভ্র পিঞ্জর-২

যন্ত্রণায়। নারী, পুরুষ... এমনকী শিশুও আছে তাদের মাঝে!

বীভৎস, ভয়-জাগানো দৃশ্য। একদৃষ্টে কিছুক্ষণ তাকিয়ে থাকল রানা, তারপর উল্টো ঘূরল। ওর সঙ্গীদের সবাইকেই আপসেট দেখাচ্ছে। ব্যতিক্রম শুধু দু'জন—শ্যারন আর কমাঞ্জার ফিশার। বোৰা যাচ্ছে, এ-দৃশ্য আগেই দেখেছে তারা। ওদের দিকে এগিয়ে গেল রানা।

‘কী এসব?’ থমথমে গলায় প্রশ্ন করল ও।

‘এটাই ধামাচাপা দিতে চাইছে রাশানরা,’ দীর্ঘশ্বাস ফেলে বলল শ্যারন। ‘প্রায় সত্ত্ব বছরের পুরনো এক গোপন গবেষণাগার... হিউম্যান এক্সপ্রেরিমেন্টেশন করেছে ওরা এখানে। আমরাও এ-সব প্রচার হতে দিতে চাইনি, সেজন্যেই ল্যাবটায় তালা ঝুলিয়ে দেন ক্যাপ্টেন গরডন, বাইরে পাহারা বসানো হয়।’

বন্ধ দরজার দিকে তাকাল রানা—লেং গ্রিন আর ডেভ পার্ল পাহারা দেয়ার ভঙ্গিতে দাঁড়িয়ে আছে দু'পাশে। ধাক্কাধাক্কিতে ক্ষান্ত দিয়েছে প্রেঙ্গেল, শোনা যাচ্ছে গোলাগুলির আওয়াজ। সন্তুষ্ট রাশানদের রি-এনফোর্সমেন্ট এসে গেছে। আপাতত প্রেঙ্গেলদের হামলা ঠেকানোয় ব্যস্ত তারা, তবে সন্দেহ নেই খুব শীত্রি ওদেরকে খুঁজতে আসবে। ল্যাবের দরজা যতই মজবুত হোক, ওদেরকে বেশিক্ষণ ঠেকিয়ে রাখা যাবে বলে মনে হচ্ছে না।

শ্যারনের দিকে দু'পা এগোল লিসা। জিজ্ঞেস করল, ‘এখানে কী ধরনের গবেষণা চলছিল বলে মনে হয় আপনার?’ ফ্যাকাসে হয়ে আছে তার চেহারা।

মাথা নাড়ল শ্যারন। ‘আমি জানি না।’ ইশারা করল কাছে দাঁড়ানো একটা কাঁচের কেবিনেটের দিকে, সেখানে সার বেঁধে সাজিয়ে রাখা হয়েছে অনেকগুলো ফাইল বাইওর—ল্যাবের নথিপত্র আর জার্নাল। ‘ওখানে হয়তো এর জবাব লুকিয়ে আছে,

কিন্তু রেকর্ডগুলো কোডেড ভাষায় লেখা, আমরা তার অর্থ উদ্ধার করতে পারিনি।'

কেবিনেটের দিকে এগিয়ে গেল ম্যাসন। দরজা খুলল। তারপর ঝুঁকে চেক করল ওগুলোর লেবেল। বলল, 'নম্বর দেখতে পাচ্ছি... না, তারিখ। ১৯৩৩-এর জানুয়ারি থেকে ১৯৪৫-এর মে মাস পর্যন্ত।'

শেষ জার্নালটা বের করে আনল সে। পাতা উল্টাতে শুরু করল।

'বারো বছর!' বলল লিসা। 'এক যুগ ধরে চলল এমন অপারেশন, অথচ কেউ টের পেল না? তা কী করে হয়?' ।

'অস্বাভাবিক কিছু নয়,' বলল শ্যারন। 'সে-আমলে যোগাযোগ ব্যবস্থা বলে কিছু ছিল না উভর মেরঞ্জতে। সহজে কেউ আসতও না এদিকে। গোপন গবেষণার জন্য আদর্শ ছিল জায়গাটা।'

'সেই সঙ্গে গবেষণাটা ধামাচাপা দেবার জন্যও,' গন্তীর গলায় যোগ করল রানা। 'কী ঘটেছিল এখানে?' ।

একটা ট্যাঙ্ক পরীক্ষা করছিলেন ড. কনওয়ে। রানার প্রশ্ন শুনে ঘাড় ফেরালেন। 'আমি কিছুটা আইডিয়া করতে পারি।'

সবাই তাকাল তাঁর দিকে।

'কী?' জিজ্ঞেস করল ফিশার।

'অ্যাম্বিউলেসিটাসের স্পেসিমেনগুলোর সঙ্গে সম্পর্ক আছে এর,' ওদের দিকে এগিয়ে এলেন জীববিজ্ঞানী। 'ঘটনা তো আপনি নিজ চোখেই দেখেছেন, কমাণ্ডার। জমাট বাঁধা স্পেসিমেনগুলো আপনাদের সামনেই জীবন ফিরে পেয়েছে।'

'কী বলছেন এসব?' চোখ বড় হয়ে গেল শ্যারনের। 'এ অসম্ভব। ওগুলো পঞ্চাশ হাজার বছরের পুরনো।'

ওর দিকে মাথা ঘোরাল ফিশার। 'বলতে বাধ্য হচ্ছি, ড. বেকেট, অবিশ্বাস্য হলেও ব্যাপারটা সত্যি। আমরা স্বচক্ষে শুন পিঞ্জর-২

দেখেছি ওগুলোকে জ্যাত হয়ে উঠতে। রীতিমত একটা মিরাকল!

‘এ-ধরনের মিরাকল প্রকৃতিতে বিরল নয়,’ বললেন কনওয়ে। ‘এক ধরনের কচ্ছপ আছে, যারা শীতকালটা জমাট বাঁধা কাদার মধ্যে ঘুমিয়ে কাটায়, বসন্তকালে বরফ গললে আবার জেগে ওঠে।’

‘ঘুমায়... কিন্তু মরে তো যায় না!’ প্রতিবাদ করল শ্যারন।

‘সেক্ষেত্রে আর্কটিকের ব্যাঙের উদাহরণ দেব আপনাকে। শীতকালে এরা জমে পাথর হয়ে যায়... থেমে যায় হৎস্পন্দন। ওই অবস্থায় যদি কাটেন ওগুলোকে, এক ফোঁটা রক্ত বের হবে না। ও-সময় এদের সমস্ত ই.ই.জি. অ্যাক্টিভিটি ও বন্ধ হয়ে যায়। সত্যি বলতে কী, সেলুলার লেভেলেও কোনও অ্যাক্টিভিটি থাকে না এদের। এটাকে সোজা ভাষায় মৃত্যু বলতে পারেন আপনি। কিন্তু বসন্ত এলেই আবার জেগে ওঠে এরা। প্রয়োজনীয় তাপ পাবার পন্থের মধ্যে সচল হয় হৎপিণ্ড, শুরু হয় রক্ত চলাচল... আর দশটা সাধারণ প্রাণীর মত লাফঝাঁপ দেয় ওরা তখন।’

‘কথাটা সত্যি,’ একমত হলো রানা। ‘এ-ধরনের ব্যাঙের কথা পড়েছি আমি।’

‘কিন্তু এটা সম্ভব হচ্ছে কী করে?’ বিশ্বিত হয়ে জানতে চাইল শ্যারন। ‘একটা শরীর জমাট বাঁধা মানেই ওটার কোষে কোষে সৃষ্টি হয় বরফ, ধ্বংস করে দেয় সেল-স্ট্রাকচারকে। ঠিক ফ্রস্টবাইটের মত। ব্যাঙগুলো বাঁচে কীভাবে?’

‘জবাবটা খুব সহজ,’ বললেন কনওয়ে।

একটা ভুরু উঁচু করল শ্যারন।

‘শুগার... মানে, চিনি।’

‘কী?’

‘আরও স্পেসিফিক্যালি বলতে গেলে বলতে হয়, গ্লুকোজ। কানাডিয়ান এক রিসার্চার আছেন... ড. কেন স্টোরি... আর্কটিক ফ্রগ নিয়ে প্রায় দশ বছর গবেষণা করেছেন। তিনি দেখেছেন,

যখনি ব্যাঙ্গের চামড়ার উপরে বরফ জমতে শুরু করে, তখনি ওটার দেহ বাড়তি মাত্রায় পুকোজ সরবরাহ করতে থাকে প্রতিটা কোষে। দেহকোষের ঘনত্ব এমন একটা পর্যায়ে নিয়ে যায়, যাতে প্রাণহারী বরফ জমতে না পারে কোষগুলোর ভিতরে।'

'কিন্তু আপনি তো বললেন ব্যাঙ্গগুলো জমাট বেঁধে যায়।'

'হ্যাঁ, তবে জমে শুধু কোষের বাইরের তরল অংশ। ভিতরের পুকোজ এক ধরনের ক্রায়োপ্রোটেক্ট্যাণ্ট বা অ্যান্টিফ্রিজ হিসেবে কোষগুলোকে সজীব রাখে। ফলে তাপ পেলে আবারও স্বাভাবিক অবস্থায় ফিরে যায় দেহ। ড. স্টোরি এই সিদ্ধান্তে উপনীত হয়েছেন যে, দেহের বিশটা জিন পুরো প্রক্রিয়াটাকে নিয়ন্ত্রণ করে। এই জিনগুলোই প্লাইকোজেনকে পুকোজে পরিণত করে। কীসের ভিত্তিতে প্রক্রিয়াটার সূচনা ঘটে, তা এখনও অজানা; তবে ধারণা করা হয়, এর পিছনে হরমোনের ভূমিকা আছে। ব্যাঙ্গের চামড়া জমতে শুরু করলেই হরমোনাল সিগনাল পায় জিনগুলো, তখনি পুকোজ বানাতে শুরু করে। সবচেয়ে অদ্ভুত ব্যাপার কী, জানেন? এই বিশটা জিন কিন্তু দুনিয়ার বহু প্রাণীর শরীরেই পাবেন!'

বড় করে শ্বাস ফেলল শ্যারন। 'তার মধ্যে কি আপনার এই ওয়াকিং ওয়েইলগুলোও আছে?'

মাথা ঝাঁকালেন ড. কনওয়ে। 'হয়তো জানেন, নতুন প্রজাতিটার নাম অ্যাস্ট্রিলোসিটাস নেটানস আর্কটোস রেখেছি আমি—আরিজিন্যাল উভচর তিমির আর্কটিক সাব-স্পিশিজ। দেহের আকার বড় হয়ে যাওয়া, চামড়া সাদা হয়ে যাওয়া... এগুলো আর্কটিক অ্যাডাপ্টেশনের চিহ্ন। তা হলে শীতনিদ্রাই বা অস্বাভাবিক হবে কেন? বছরভর পুরো মেরু অঞ্চল জমে আর গলে, তিমিগুলোও হয়তো এই ছন্দের সঙ্গে মিলিয়ে নিয়েছে নিজেদেরকে।'

শুভ পিঞ্জর-২

৫৫

‘ঠিক বলেছেন,’ সুর মেলাল কমাঞ্চার ফিশার, ‘আমরা বাস্তব প্রমাণ দেখেছি এর।’

কনওয়ে বলে চললেন, ‘এটা আসলে এক ধরনের সাসপেণ্ডে অ্যানিমেশন—ক্রায়োজেনিক্স-এর মূলমন্ত্র। কৃত্রিমভাবে যদি ব্যাপারটা ঘটানো যায়, তা হলে কত উপকার হবে, ভাবতে পারেন? এখন তো বিভিন্ন দেশের বিজ্ঞানীরাও চেষ্টা করছেন আর্কটিক ফ্রগের মডেলের সাহায্যে মানবদেহের প্রতিটি প্রত্যঙ্গ সংরক্ষণ করতে। মৃত্যুর পর চোখ, হৎপিণ্ড, লিভার, কিডনি, ইত্যাদি দান করে যায় লোকে—সেগুলো ট্র্যান্সপ্লান্ট করবার জন্য হৃড়োহৃড়ি পড়ে যায়, নইলে কয়েক ঘণ্টা পরেই নষ্ট হয়ে যায় হিউম্যান অরগান। কিন্তু ক্রায়োজেনিক্স ব্যবহার করা গেলে বছরের পর বছর সংরক্ষণ করা যাবে যে-কোনও অঙ্গ-প্রত্যঙ্গ।’

ট্যাঙ্কগুলোর দিকে তাকাল রানা। ‘এখানে কি তা-ই করা হয়েছে? আপনি কি বলতে চাইছেন, এটা এক ধরনের অরগান ব্যাক্স? মানুষের স্পেয়ার পার্টসের গুদাম?’

ওর দিকে ফিরলেন ড. কনওয়ে। ‘উহঁ। আমি মোটেই সেটা ভাবছি না।’

ভুরু কোঁচকাল রানা। ‘তা হলে?’

‘বাজি ধরে বলতে পারি, আরও বড় কিছু করছিল রাশানরা এখানে। আর্কটিক ফ্রগের বিশটা জিনের কথা বলেছি আপনাদেরকে... যেগুলো সাসপেণ্ডে অ্যানিমেশনের জন্য দায়ী... ওগুলো কিন্তু মেরুদণ্ড-ধারী সব প্রাণীর দেহেই পাওয়া যায়। তারমানে মানুষের মধ্যেও!'

বিস্ফারিত হলো শ্রোতাদের চোখ।

‘আমার বিশ্বাস, ট্যাঙ্কের মানুষগুলো রাশানদের সাসপেণ্ডে অ্যানিমেশন প্রোগ্রামের গিনিপিগ,’ বলে চললেন ড. কনওয়ে। ‘গ্রেগোলদের মাঝে আমরা যে-ক্ষমতা দেখেছি, সেটাই ওরা

মানুষের মাঝে আনতে চাইছিল। মানে বরফে জমে অনিদিষ্টকাল বেঁচে থাকার ক্ষমতা। দুনিয়ার সমস্ত বিজ্ঞানের হোলি ফ্রেইল বলতে পারেন একে... অমরত্বের সাধনা!'

জ্ঞানটি নিয়ে ট্যাক্সের ব্যথাতুর চেহারাগুলোর দিকে তাকাল রানা। 'আপনি কি বলতে চাইছেন, এই মানুষগুলো এখনও বেঁচে আছে?'

ড. কনওয়ে জবাব দেবার আগেই ধমাধম করে আওয়াজ হলো দরজায়। তাঁর কথাগুলো এতই মগ্ন হয়ে শুনছিল সবাই, আওয়াজটা শুনে চমকে উঠল। এরপরেই ওপাশ থেকে ভেসে এল একটা ভারিক্কি গলা।

'ভিতরের মানুষদের বলছি। এখনি খোলো এই দরজা। যদি না খোলো, দরজা কেটে ভিতরে ঢুকব আমরা। কথা দিচ্ছি, সেই ধরকলের মাঞ্চল কড়ায়-গুয়ায় আদায় করে নেয়া হবে।'

বঙ্গার কঠ অত্যন্ত শীতল। বোবা গেল, মিথ্যে হৃমকি দিচ্ছে না। ফ্যাকাসে হয়ে গেল সবকটা মেয়ের মুখ।

ফ্রেণ্ডেলগুলো কিছুক্ষণের জন্য দূর হয়েছে বটে, কিন্তু তার চেয়ে অনেক বড় বিপদ এখন হাজির হয়েছে দোরগোড়ায়।

সাত

বিরূপ প্রকৃতির বিরুদ্ধে যুদ্ধ করে অঙ্কের মত বিমান উড়িয়ে নিয়ে চলেছে অ্যাবি। ক্ষণে ক্ষণে হামলা চালাচ্ছে দমকা হাওয়া, শুভ্র পিঞ্জর-২

টালমাটাল করে দিচ্ছে আকাশযানটাকে, পারলে মাটিতে আছড়ে
ফেলতে চায়। শক্ত হাতে সে-সব আঘাত মোকাবেলা করছে
অ্যাবি, ব্লাইও পাইলটিং করছে যন্ত্রপাতির সাহায্যে, সারাক্ষণ চোখ
রাখছে ইন্স্ট্রুমেন্ট প্যানেলে। দশ মিনিট হলো বাইরে তাকায়নি ও,
তাতে কোনও লাভও নেই। উইগ্রিশিল্ডের ওপারে স্রেফ তুষার আর
তুষার, ভিজিবিলিটি শূন্যের কোঠায়।

কিছু দেখতে না পেলেও চোখে স্লো-গগলস্ পরেছে অ্যাবি।
বাইরে ঝড় চললেও রয়েছে মধ্যদুপুরের তীব্র সূর্যালোকের আভা,
সাদা তুষারে প্রতিফলিত হয়ে ধাঁধিয়ে দিচ্ছে চোখ। বড় ক্লান্তি
লাগছে ওর, মনে করতে পারছে না শেষ কখন ঘুমিয়েছে।

এয়ারস্পিড চেক করল অ্যাবি। খুব আস্তে এগোচ্ছে বিমান।
সামনে থেকে ধেয়ে আসা হেডউইঙ খেয়ে নিচ্ছে সব গতি।
ফিউয়েল গজের দিকে তাকানোর সাহস পেল না ও। অনেকক্ষণ
আগেই জুলে উঠেছে হলুদ বাতি, কাঁটাটাকে ডায়ালের লাল
সীমান্ত স্পর্শ করতে দেখেছে। এখন স্রেফ জুলানির বাস্প খরচ
করে চলছে ইঞ্জিন, বন্ধ হয়ে যেতে পারে যে-কোনও মুহূর্তে।

রেডিও নিয়ে গুঁতোগুঁতি করছিল পাওয়েল। কারও সঙ্গে
যোগাযোগ করতে না পেরে বিরক্ত ভঙ্গিতে অফ করে দিল সুইচ।
সখেদে বলল, ‘ধ্যান্তেরি, একদম ডেড।’

‘এখন তো শুধু কমিউনিকেশন ডেড হয়েছে,’ বলল অ্যাবি,
‘জায়গামত পৌছুতে না পারলে আমরাও মরব।’

‘আপনার প্ল্যানটা পছন্দ হচ্ছে না আমার,’ সোজাসাপ্টা ভাষায়
জানিয়ে দিল পাওয়েল।

‘আর তো কোনও বিকল্প নেই,’ যুক্তি দেখাল অ্যাবি।
‘মেইনল্যাণ্ডে পৌছুনোর মত ফিউয়েল নেই আমাদের, কোথাও না
কোথাও ল্যাঙ্ক করতেই হবে। যেখানে নামলে বাঁচার একটা আশা
থাকে, সেখানে নামাই কি ভাল নয়?’

‘কতদূরে আছি আমরা?’ পিছন থেকে জিজ্ঞেস করল জিম, লোবোর ঘাড়ে হাত বোলাচ্ছে। কুকুরটা গুটিসুটি হয়ে শুয়ে আছে তার কোলে।

‘কো-অর্ডিনেটস্ যা দিয়েছ, তা যদি ঠিক থাকে... তা হলে ধরো আর দশ মাইল।’

অসন্তুষ্ট গলায় পাওয়েল বলল, ‘আমি এখনও মানতে পারছি না ব্যাপারটা।’

তার কথায় কান দিল না অ্যাবি, দেয়ার প্রয়োজন নেই। এক দফা তর্ক-বিতর্ক হয়ে গেছে ইতিমধ্যে, তাতে হার হয়েছে পাওয়েলের। ফ্লাইঙে মনোযোগ দিল ও। সমস্ত বিদ্যা আর অভিজ্ঞতা খাটিয়ে চেষ্টা করল গতি আরেকটু বাঢ়াতে। ধীরে ধীরে বরফের আস্তর পড়ছে টুইন অটোরের গায়ে। খুব শীত্রি একতাল বরফের মত খসে পড়বে আকাশ থেকে। তার আগেই গন্তব্যে পৌছুতে হবে ওদেরকে। তীরে এসে তরী ডুবতে দেয়া যাবে না।

শ্বাসরংস্কার নীরবতায় কাটল কয়েক মিনিট। তারপরেই নড়ে উঠল জিম। উত্তেজিত ভঙ্গিতে সামনে ঝুঁকল, অ্যাবি আর পাওয়েলের কাঁধের উপর দিয়ে বাড়িয়ে দিল একটা হাত, নির্দেশ করল সামনে।

‘ওই যে... ওখানে!'

ভুরু কুঁচকে তরুণ নাবিকের ইশারামত চোখ ঘোরাল অ্যাবি। ‘কই? আমি তো কিছু...’

‘দশ ডিগ্রি স্টারবোর্ডে তাকান,’ ওকে বাধা দিয়ে বলল জিম। ‘বাতাসের তোড় কমলেই দেখতে পাবেন।’

তাকাল অ্যাবি। কয়েক সেকেন্ড পরে একটু ফাঁকের সৃষ্টি হলো উড়ন্ত তুষারের মাঝে। আবছাভাবে চোখে পড়ল নিঃসঙ্গ একটা আলো—প্রাক্তিক, না ক্রিম. বোকার উপায় নেই।

‘তুমি শিয়োর?’ অনিশ্চিত কণ্ঠে প্রশ্ন করল অ্যাবি। ‘ওটাই?’

‘হ্যাঁ,’ মাথা ঝাঁকাল জিম। ‘কোনও সন্দেহ নেই।’

গোঙানির মত আওয়াজ করল পাওয়েল। ‘আইস স্টেশন গ্রেণেল!’ বলল সে দমে যাওয়া স্বরে।

দ্বিধাদন্ত ঘোড়ে ফেলল অ্যাবি। কমাতে শুরু করল বিমানের উচ্চতা। অল্টিমিটার দেখছে বারে বারে, সেইসঙ্গে চোখ রাখছে নীচের দিকেও। ল্যাণ্ড করবার উপযুক্ত জায়গা খুঁজছে।

সিদ্ধান্তটা নেয়া হয়েছে অনেক হিসেব-নিকেশ করে। ওমেগায় ফেরা সন্তুষ্ট নয় ওদের পক্ষে, নির্ঘাত খুন হয়ে যাবে; বিকল্প আশ্রয় বলতে রয়েছে কেবল আইস স্টেশন গ্রেণেল। সমস্যা হলো, সেখানেও পৌছে গেছে রাশানরা। ভূগর্ভস্থ স্টেশনটায় গেলে ঝুঁকি আছে, তবে ওমেগার চেয়ে কম। সবচেয়ে বড় সুবিধা হলো, ওদেরকে গ্রেণেলে আশা করছে না শক্ররা। বিমানটা যদি রাশানদের দৃষ্টির আড়ালে ল্যাণ্ড করাতে পারে অ্যাবি, তা হলে সবার চোখ এড়িয়ে ভেঙ্গিলেশন শাফট ধরে স্টেশনের ভিতরে ওদেরকে নিয়ে যেতে পারবে জিম—সন্তাহখানেক ডিউটি করার সুবাদে ওখানকার লে-আউট সম্পর্কে ভাল জ্ঞান আছে তার। সারফেসের কোথায় কোথায় ভেঙ্গিলেশন শাফটের মুখ আছে, চেনে। একবার যদি ভিতরে ঢুকে পড়া যায়, লুকানোর মত জায়গা খুঁজে নিতে কষ্ট হবে না।

বলা বাহুল্য, পরিকল্পনাটা পছন্দ হয়নি পাওয়েলের। কিন্তু আর কোনও উপায়ও নেই এ-ছাড়া। তর্কে হেরে গিয়ে অগত্যা নিমরাজি হয়েছে সে।

পোর্ট সাইডের ইঞ্জিন কেশে উঠল আচমকা। পাল্টে গেল ওটার প্রপের ঘূর্ণন। কাত হয়ে গেল টুইন অটার। কন্ট্রোল নিয়ে যুক্তে শুরু করল অ্যাবি। অবশিষ্ট ইঞ্জিনটার সাহায্যে এবার ল্যাণ্ড করতে হবে ওকে।

‘হাতের কাছে যা পান শক্ত করে ধরুন,’ সঙ্গীদের উদ্দেশে

বলল ও ।

সিটের আর্মরেস্ট খামচে ধরল পাওয়েল। গুগিয়ে উঠে বলল,
‘ওহ গড়!’

বনবন করে ঘুরছে অল্টিমিটারের কাঁটা, কিন্তু নীচের
আইসফিল্ড দেখা যাচ্ছে না। ঠোঁট কামড়াল অ্যাবি—সারফেস
দেখতে না পেলে ল্যাঙ্গ করবে কীভাবে? জানালা দিয়ে বাইরে
তাকাল ও, একটু আগে দেখা আইস স্টেশনের আলোটার
রেফারেন্স নেবে, কিন্তু ওটাও অদৃশ্য। এখন ইন্স্ট্রুমেণ্ট আর
ইন্সটিফটই ভরসা।

মনে মনে একটা ম্যাপ তৈরি করে নিল অ্যাবি—ক্ষণিকের
জন্য আইস স্টেশনের আশপাশের যতখানি দেখতে পেয়েছিল,
সেই আন্দাজ মত বিমানের মুখ ঘোরাল। ততক্ষণে অল্টিমিটারের
কাঁটা দুইশ’ ফুটের নীচে নেমে এসেছে, বেড়ে গেছে বাতাসের
অত্যাচার, বিমান লেভেলে রাখা বেশ কষ্টসাধ্য হয়ে দাঁড়ালপ
বাইরে তুষারের ঘনত্ব বেড়ে গেছে—শুধু আকাশ থেকে ঝরছে
না তুষারকণা, বাতাসের ধাক্কায় উঠে আসছে নীচের প্রান্তর
থেকেও।

যতটা সম্ভব ধীরগতিতে নামতে চাইছে অ্যাবি। ব্রাইও
কণ্ঠিশনে ল্যাঙ্গ করবার এটাই নিয়ম—বিমানকে লেভেলে রেখে
সাবধানে নামতে হবে। অল্টিমিটারে চোখ রাখল ও। একশো...
নব্রুই... আশি... সন্দৰ...

‘মিস ম্যানিটক!’ আচমকা পিছন থেকে ঢেঁচিয়ে উঠল জিম।

চমকে উঠে সামনে তাকাল অ্যাবি। সঙ্গে সঙ্গে আঁতকে
উঠল। তুষারের আলোড়ন কমে গেছে উইঙ্গশিল্ডের সামনে থেকে,
সেখানে ভেসে উঠেছে উঁচু এক বরফ-প্রাচীর—প্রেশার রিজের
অংশ। এবড়ো-খেবড়ো শরীর, বাতাস বাড়ি যাচ্ছে ওটার গায়ে,
গোড়ার কাছটা কুয়াশার মত ঢেকে রেখেছে উড়ন্ত তুষার। এক
শুভ পিঞ্জর-২

ইঞ্জিন নিয়ে এই প্রাচীর পেরুনো সম্ভব নয়, প্রয়োজনীয় উচ্চতায় পৌছুনোর আগেই রিজের গায়ে আছড়ে পড়বে টুইন অটার।

দাঁতে দাঁত পিষল অ্যাবি, সামনের দিকে ঠেসে ধরল কন্ট্রোল স্টিক—ডাইভ দিল প্রায় খাড়াভাবে। যত দ্রুত সম্ভব সারফেসের কাছাকাছি পৌছুতে চাইছে। প্রাচীরটা টপকানোর যেহেতু উপায় নেই, তা হলে ল্যাণ্ড করাই ভাল।

ভারী একটা পাথরের মত পঞ্চাশ ফুট নেমে এল টুইন অটার। সামনের রিজ ততক্ষণে এগিয়ে এসেছে আরও কাছে। কিন্তু এখনও সারফেসের দেখা নেই।

ঝট করে ওর দিকে তাকাল পাওয়েল। সৃষ্টিকর্তার নাম জপা বন্ধ করে খ্যাপাটে গলায় বলল, ‘আপনি আমাদেরকে খুন করতে চাইছেন!’

পান্তি দিল না অ্যাবি। চোখ রাখল ইন্ট্রিমেটের উপর, এ-মুহূর্তে ওগুলোই ওর ইন্দ্রিয় হিসেবে কাজ করছে। অল্টিমিটার বলছে ভূমির খুব কাছাকাছি আছে ওরা, তা-ই সই। ফ্ল্যাপ নামিয়ে দিল ও পুরোপুরি। সঙ্গে সঙ্গে কেঁপে উঠল পুরো বিমান, বাতাসে ভর দিয়ে সোজা হতে শুরু করল।

এই অত্যাচার সহ্য হলো না শেষ ইঞ্জিনটার। যশ্চারোগীর মত কেশে উঠল মরণ-কাশি। বন্ধ হয়ে গেল কয়েক সেকেণ্ড পর। ডানামেলা পাথরে পরিণত হলো টুইন অটার, শুরু হলো আকাশ থেকে খসে পড়া।

‘হা যিশু!’ চেঁচিয়ে উঠল পাওয়েল। আর্মরেস্ট ছেড়ে এবার ড্যাশবোর্ড ধরে ফেলেছে সে, যেন ধাক্কা দিয়ে থামাতে চাইছে বিমানের পতন।

অস্থির হলো না অ্যাবি। অভিজ্ঞ পাইলট ও, বুঝতে পারছে—গ্লাইড করে নামছে অটার। কন্ট্রোল নেড়ে বিমানকে লেভেলে রাখল ও, অল্টিমিটার থেকে চোখ সরাল না। পনেরো...

দশ... পাঁচ... শূন্যে গিয়ে স্থির হয়ে গেল কাঁটা। কিন্তু কই... ভূমি
কোথায়?

ভুরু কোঁচকাতে যাচ্ছিল ও, আর তখুনি ঝাঁকি খেলো বিমান।
তলায় লাগানো ক্ষি-গুলো বরফ স্পর্শ করেছে।

ফ্ল্যাপের কন্ট্রোল নিয়ে খোঁচাখুঁচি শুরু করল অ্যাবি। শুভ্র
প্রাত্তরের উপর দিয়ে তীব্র বেগে পাহাড়ি প্রাচীরের দিকে ছুটে
যাচ্ছে বিমান, হিসেবের চেয়ে অনেক বেশি জোরে। পাশ থেকে
ধাক্কা দিচ্ছে হাওয়া, উল্টে ফেলতে চাইছে ছোট যান্ত্রিক
পার্থিটাকে। ফ্ল্যাপ অপারেট করে বিমানকে সিধে রাখল ও, কোর্স
বদলে নাক ঘোরাল বাতাসের দিকে।

‘মিস ম্যানিটক!’ পিছন থেকে ভেসে এল জিমের ভয়ার্ট
গলা। ‘সামনে!’

উইঙ্গশিল্ডের ওপারে দেখা যাচ্ছে বরফ-প্রাচীর, যেন সরোনে
ছুটে আসছে ওদের দিকে। স্পিড-গজের দিকে তাকাল অ্যাবি,
গতি কমেনি মোটেই, পিছিল বরফের উপর দিয়ে অন্যায়ে
ছুটছে টুইন অটার। চাকা নেই বিমানটায়, থাকলে হাইড্রলিক ব্রেক
চেপে থামানো যেত। এখন সম্মুখগতি থামানোর জন্য ফ্ল্যাপ আর
ফ্রিকশন... মানে ঘৰ্ণ-ই ভরসা। ফ্ল্যাপ যথেষ্ট আছে ওর, কিন্তু
গতি কমবার মত ফ্রিকশন হচ্ছে না মসৃণ বরফের গায়ে।
আলাক্ষার বরফ-প্রাত্তরে দীর্ঘদিন ডগ-স্লেড চালানোর অভিজ্ঞতা
আছে অ্যাবির, তাই পরিষ্কার বুঝতে পারছে ভবিতব্য। পাহাড়ের
গায়ে আছড়ে পড়বে ওরা, ঠেকাবার কোনও উপায় নেই।

বিমান আর রিজের মধ্যকার দূরত্ব পঞ্চাশ গজে পৌছুতেই
নিশ্চিত হয়ে গেল ও। ছেড়ে দিল প্রিয় টুইন অটারের আশা, প্রাণ
বাঁচানো যায় কীভাবে, সেটাই প্রশ্ন। সঙ্গীদের দিকে তাকাল ও।
বলল, ‘তৈরি হোন, আরও একটু খেলা দেখাব আমি।’

‘আরও?’ আঁতকে উঠল পাওয়েল।

বিড়বিড় করে সৃষ্টিকর্তাকে ডাকল অ্যাবি, সাহায্য কামনা করল। মন্ত ঝুঁকি নিতে চলেছে, সাফল্য নির্ভর করছে টাইমিং আর ফ্ল্যাপের উপরে।

বিমান একেবারে বরফ-প্রাচীরের কাছাকাছি পৌছুনো পর্যন্ত অপেক্ষা করল ও, তারপর হাত নাড়ল বিদ্যুৎচমকের মত। স্টারবোর্ড উইঙ্গের ফ্ল্যাপ উঠিয়ে ফেলল বট করে, পোর্ট উইঙ্গেরটা নামিয়ে দিল পুরোপুরি। কট্টোল ঘুরিয়ে টেইল ফ্ল্যাপ নাড়ল বামদিকে। সঙ্গে সঙ্গে নড়ে উঠল পুরো বিমান। ছুটত অবস্থাতেই পাক খেতে শুরু করেছে—যেন অলিম্পিকের কোনও ফিগার ক্ষেত্রার। পুরো একশো আশি ডিগ্রি ঘুরতেই লেজ দিয়ে আছড়ে পড়ল প্রাচীরের গায়ে।

ঝড়ের গর্জন ছাপিয়ে ইস্পাত ভাঙ্গার কর্কশ আওয়াজ উঠল। সংঘর্ষের ফলে দুমড়ে-মুচড়ে গেল টুইন অটারের টেইল সেকশন, ভেঙেচুরে খসে পড়ল ফিউজেলাজ থেকে—প্রাথমিক ধাক্কাটা ওটার উপর দিয়েই গেছে। কিন্তু সেখানেই শেষ নয়। টেইল সেকশনের পর ক্লিফের গায়ে বাঢ়ি খেলো বিমানের দুই ডানা, টুকরো টুকরো হয়ে গেল, তারপর বাঢ়ি খেলো কেবিন সেকশন। গুঁড়ো গুঁড়ো হয়ে খসে পড়ল সবকটা জানালার কাঁচ, সহস্র চিড় ধরল উইঙ্গশিল্ডে, পেল মাকড়সার জালের নকশা। তবে এরমধ্যে সংঘর্ষজনিত আঘাতের বেশিরভাগটাই চলে গেছে টেইল সেকশন আর দুই ডানার উপর দিয়ে, কেবিনের দেয়ালে ঢেউ খেলানো ভাঁজ পড়ে গেলেও পুরোপুরি বিধ্বস্ত হলো না। সবচেয়ে বড় কথা, স্থির হয়ে গেল বিমান।

সিটবেল্ট বাঁধা অবস্থায় ভিতরে প্রচণ্ড ঝাঁকুনি খেয়েছে তিন আরোহী, জ্ঞান হারাবার মত দশা। নিষ্ঠেজভাবে পড়ে রইল কিছুক্ষণ। একটু পর ঘেউ ঘেউ করে ডেকে উঠল লোবো। সেই ডাকে সচেতন হয়ে উঠল অ্যাবি। ঘাড় ফিরিয়ে সঙ্গীদের উদ্দেশে

বলল, ‘সবাই ঠিক আছেন? কেউ আহত হননি তো?’

‘আহত মানে?’ ককিয়ে উঠে বলল জিম। ‘নিহত হয়ে গেছি! ঝাঁকুনিতে সারা শরীর টনটন করছে আর আপনি...’

‘সিরিয়াস ইনজুরির কথা বলছি।’

‘নাহ। তবে শরীরের এই ব্যথা যেতে টাইম লাগবে।’

মুচকি হেসে পাওয়েলের দিকে ফিরল অ্যাবি। ‘আপনি?’

সিটিবেল্ট খুলতে খুলতে পাওয়েলও হাসল। ‘আই অ্যাম ওকে। আপনার দক্ষতায় সন্দেহ করা উচিত হয়নি। সত্যিই খেল দেখিয়ে দিয়েছেন! আর কখনও ঝগড়া করব না আপনার সঙ্গে।’

‘কী যে বলেন না!’ লজ্জা পেল অ্যাবি। ‘স্বেফ ভাগ্য... আর কিছু না।’

বাইরে মড়মড় করে ভাঙল কিছু। বরফের উপরে খসে পড়ল ফিউজেলাজের একটা অংশ। জিম বলল, ‘এখান থেকে বেরিয়ে যাওয়া দরকার। বিমানটা আমাদের উপর ভেঙে পড়ার আগেই।’

দ্রুত লোবোকে নিয়ে ধ্বংসস্তূপ থেকে বেরিয়ে পড়ল তিনজনে। নামার আগে অটারের ইমার্জেন্সি লকার হাতাল অ্যাবি। একজোড়া পারকা পাওয়া গেল ওখানে, সেইসঙ্গে একটা ফ্ল্যাশলাইট, এক কয়েল দড়ি, একটা ফ্লেয়ার গান আর অল্প কিছু ফ্লেয়ার। সবকিছু নিয়ে নিল ও। তারপর সত্যও নয়নে তাকাল কেবিনের দেয়ালের খালি ছকের দিকে—ওখানে ওর শটগান ছিল, গ্রেফতার হবার পর লেঃ কমাণ্ডার রাইট বাজেয়াপ্ত করেছে ওটা। কপাল সত্যিই খারাপ, অস্ত্রটা হাতে পেলে খুব কাজে দিত্ত এখন।

ভাঙ্গা ফিউজেলাজ থেকে বেরিয়ে এসে পাওয়েলকে একটা পারকা দিল অ্যাবি, নিজে পরল অন্যটা। পাওয়েলের পারকাটা ছোট হয়েছে—দুই হাতা কবজির উপরে ইঞ্চিদুয়েক উঠে রইল, শরীরটা ও খুব অঁটসাঁট। তবে সে কোনও অভিযোগ করল না। গায়ে দেবার মত একটা কিছু যে পাওয়া গেছে, তা-ই চের।

আশপাশটা দেখে নিল অ্যাবি। ক্লিফের আড়ালে বাতাসের ঝাপটা তেমন একটা লাগছে না, ঝড়ের তীব্রতাও অনেকটা কমে এসেছে। থেমে যাবে খুব শীত্রি। তবে এখনও দৃষ্টিসীমা সংকুচিত হয়ে আছে। আবছাভাবে শুধু দেখা যাচ্ছে প্রেশার রিজের অবয়ব। রাশান বেইসের আলোটা দেখা যাচ্ছে না, বোধহয় ক্লিফের পিছনে পড়েছে ওটা।

অটারের ধ্বংসস্তুপের পাশে ঘুরঘুর করছে লোবো। হঠাৎ একটা পা তুলে প্রশ্নাব করতে শুরু করল। তা লক্ষ করে পাওয়েল বলল, ‘স্মার্ট ডগ! বুট-ঝামেলা শুরু হবার আগেই বাথরুম সেরে নিচ্ছে।’

‘কিন্তু প্লেনটাকে অপমান করা হচ্ছে না?’ ভুরু কুঁচকে বলল জিম। ‘হাজার হোক, ওটা আমাদেরকে ঝড়-টড় ভেদ করে এতদূরে নিয়ে এসেছে।’

ভাঙ্গা বিমানের দিকে তাকিয়ে দীর্ঘশ্বাস ফেলল অ্যাবি। নিজের জিনিস নয়, শেরিফস্ ডিপার্টমেন্টের সম্পত্তি, তারপরেও একটা টান পড়ে গিয়েছিল বিমানটার উপর। কষ্টটা চাপা দিয়ে সঙ্গীদের দিকে ফিরল ও। ‘এবার কী?’

‘এবার অনাহৃত অতিথি হবার পালা,’ বলল পাওয়েল। মাউন্টেইন রেঞ্জের দিকে ইশারা করল। ‘পিছনের দরজা দিয়ে রাশানদের বাড়িতে অনুগ্রহবেশ করব আমরা।’

হাঁটতে শুরু করল তিনজন। জিমের কাছে জানতে চাইল অ্যাবি, ‘ভেন্টিলেশন শাফট সম্পর্কে বলো আমাকে, জিম... কোথায় মিশেছে ওটা?’

সংক্ষেপে আইস স্টেশনের এয়ার সার্কুলেশন সিস্টেম বর্ণনা করল জিম। পাস্প ব্যবহার করা হয় না ওখানে, সারফেস থেকে সরাসরি ভেন্টিলেশন শাফট তৈরি করা হয়েছে ঘাঁটির একেবারে নীচ পর্যন্ত। গরম বাতাসের চেয়ে ঠাণ্ডা বাতাসের ওজন বেশি,

তাই নীচের বাতাস গরম হলেই শাফট ধরে উঠে আসে উপরে,
তার জায়গা নেয় সারফেসের ঠাণ্ডা বাতাস।

‘ওটা আসলে এক ধরনের প্যাসিভ সার্কুলেশন সিস্টেম,’ শেষে
যোগ করল জিম। ‘নীচের একটা প্রাকৃতিক টানেল নেটওয়ার্কে
গিয়ে জমা হয় বিশুদ্ধ বাতাস... অনেকটা রিজার্ভড্যারের মত...
সেখান থেকে বাতাসটাকে স্টেশনের ভিতরের ভেটিলেশন
সিস্টেমে এয়ার-পাম্পের সাহায্যে ঢোকানো হয়।’

‘তারমানে শাফটগুলো নীচের টানেল নেটওয়ার্কে মিশেছে?’
জিজ্ঞেস করল অ্যাবি।

‘হ্যাঁ,’ মাথা ঝাঁকাল জিম। ‘রীতিমত একটা গোলকধাঁধা ওটা,
খুবই নির্জন। কেউ সহজে ঢোকে না ওখানে। কোনোমতে ওই
টানেলে ঢুকতে পারলেই আমরা নিরাপদ। কেউ খোঁজ পাবে না
আমাদের। দু’চারদিন তো বটেই, খাবার-দ্বাবার পেলে
মাসখানেকও কাটিয়ে দেয়া যাবে ঘাপটি মেরে।’

‘ইন্টারেস্টিং!’ মন্তব্য করল অ্যাবি।

‘নামটা আরও ইন্টারেস্টিং,’ বলল জিম। ‘ওটাকে আমরা বলি
স্লেক পিট।’

আট

হিউম্যান স্পেসিমেনের প্রিজার্ভেশন ট্যাঙ্কগুলোকে পাশ কাটিয়ে
বৃত্তাকার প্যাসেজ ধরে দ্রুতপায়ে এগিয়ে চলেছে রানা ও তার
শুভ পিঞ্জর-২

সঙ্গীরা। কেউ কোনও কথা বলছে না।

ট্যাঙ্কগুলো গুনছে রানা—এখন পর্যন্ত বাইশটা গুনেছে। একটু পর থমকে দাঁড়াল ও। বড় একটা মোড়ের কাছে পৌছে গেছে ওরা, কিন্তু শেষ হয়নি ট্যাঙ্কের সারি। মোড় পেরিয়ে ওপাশেও দেখা যাচ্ছে অনেকগুলো। সব মিলিয়ে পঞ্চাশটার কম হবে না, বেশিও হতে পারে। পার্থক্য শুধু এ-ই যে, সামনের ট্যাঙ্কগুলোর উল্টোপাশের দেয়ালের গায়ে দেখা যাচ্ছে ছোট-বড় বেশ কিছু জানালা আর সিল করা দরজা। কয়েকটা জানালার কাঁচ ঘষে নিয়ে ভিতরে উঁকি দিল ও। একটায় দেখতে পেল কয়েদখানার মত এক কামরা—গরাদ দিয়ে ছোট ছোট খুপরির মত করে ভাগ করা হয়েছে ভিতরটা। আরেকটা জানালা দিয়ে দেখল ছোট এক ব্যারাক—দোতলা কট শোভা পাচ্ছে কয়েক সারিতে। এ-ছাড়াও আছে ছোট-বড় বেশ কিছু অফিস আর লিভিং কোয়ার্টার।

অনুমান করল রানা, এখানেই সন্দৰ্ভত টেস্ট সাবজেক্টদের বন্দি করে রাখত রাশানরা। মানুষগুলোর জন্য খারাপ লাগল ওর। নিশ্চয়ই চরম আতঙ্কে জীবন কাটাত ওরা, একে একে নিজেদের সঙ্গী-সাথীকে বিজ্ঞানের নামে বলি হতে দেখত... অপেক্ষা করত কখন নিজের পালা আসে!

রানার পিছু পিছু হাঁটছেন ড. কনওয়ে আর শ্যারন। মাথাচাড়া দিয়ে উঠেছে দু'জনের মধ্যকার বিজ্ঞানী সত্তা, একটু পর পর বিভিন্ন ট্যাঙ্কের সামনে থামকে দাঁড়াচ্ছে ওরা, হাত দিয়ে ঘষে পরিষ্কার করছে বরফের আস্তর, উঁকি দিচ্ছে ভিতরে। কিন্তু ওতে রানার কোনও আগ্রহ নেই। কৌতুহল মরে গেছে, স্বেফ নরক মনে হচ্ছে জায়গাটাকে... মানুষের হাতে তৈরি নরক! এখান থেকে বেরিয়ে যেতে পারলে স্বত্ত্ব পাওয়া যেত। জীবনে হাজারো নিষ্ঠুরতা দেখেছে ও, কিন্তু আজও সহজভাবে নিতে পারেনি কোনোটিকেই। মানুষের উপর অত্যাচারের নমুনা দেখলে বিবর্মীষা

অনুভব করে, বিদ্রোহ করে ওঠে মন।

পিছনে, মূল ল্যাবের দিক থেকে ধাতব একটা আওয়াজ ভেসে এল হঠাৎ করে। অবাক হলো না কেউ, রাশানরা দরজা কাটতে শুরু করেছে নিশ্চয়ই। শীতল কঠের ওই মানুষটার হৃমকি শুনেই বোৰা গেছে, এখানে না তুকে ক্ষান্ত হবে না তারা। বসে থেকে শক্র হাতে শিকার হতে চায়নি ওরা, চলতে শুরু করেছে বৃত্তাকার প্যাসেজ ধরে। পথ দেখাচ্ছে কমাঞ্চার ফিশার, এখান থেকে বের হবার একটা বুদ্ধি নাকি পেয়েছে সে।

‘আর কতদূর, কমাঞ্চার?’ জিজ্ঞেস করল রানা।

হাতে একটা ম্যাপ আছে ফিশারের—নাসার এক রিসার্চারের তৈরি করা পুরো স্টেশনের নকশা। সেটা দেখে সে বলল, ‘বেশি না, বিশ গজের মত হবে।’

রানার পাশে হাঁটছে ম্যাসন, ফিশারকে জিজ্ঞেস করল, ‘ম্যাপটা কতখানি নিখুঁত? ভুল-টুল হবার সম্ভাবনা নেই তো?’

‘একেবারে নেই, সেটা বলা যাবে না,’ জানাল ফিশার। ‘আফটার অল, মূল ডিজাইন নেই আমাদের সঙ্গে। ফিজিকাল সার্ভে আর কিছুটা অনুমানের ভিত্তিতে বানানো হয়েছে এই ম্যাপ।’

‘তা হলে এটার উপর নির্ভর করা কি ঠিক হচ্ছে?’

‘আর কোনও বিকল্প থাকলে বলতে পারেন। আই অ্যাম ওপেন টু ইয়োর সাজেশনস।’

কাঁধ ঝাঁকাল ম্যাসন। দমে গেল ফিশারের কথা শুনে।

এমন সময় শোনা গেল লেং গ্রিনের ডাক, সবার সামনে হাঁটছে সে। ‘স্যর! পেয়েছি!’

এগিয়ে গেল সবাই। হাঁটু গেড়ে দেয়ালের পাশে বসে আছে গ্রিন। দুটো ট্যাক্সের মাঝখানে, দেয়ালের গায়ে একটা হ্যাচ দেখা যাচ্ছে। ওটার তলা দিয়ে বেরিয়ে এসেছে নানা রকম তার আর শুভ পিঞ্জর-২

পাইপ-ফ্লোরবোর্ড আর সিলিং হয়ে ওগুলো চলে গেছে ল্যাবের
বিভিন্ন অংশে।

হ্যাচের উপরে একটা লেআউট ডায়াগ্রাম ঝুলছে, স্টেটায়
আঙুল ঠেকিয়ে ধীন বলল, ‘আমরা এখানে।’

ডায়াগ্রামটা দেখল রানা। স্টোরেজ হলওয়ের মাঝামাঝি
জায়গায় পৌছেছে ওরা। পিছনে যতখানি দূরত্ব, সামনেও প্রায়
ততটাই। প্যাসেজটা পুরো ঘুরে এলে আবার পৌছুনো যাবে মূল
ল্যাবে।

‘কুইক!’ তাড়া লাগাল ফিশার। ‘খোলো হ্যাচটা!'

স্টিলের দুটো ক্ষ্যালপেল নিয়ে হ্যাচের স্ক্রু খোলায় ব্যস্ত হয়ে
পড়ল ধীন আর ডেভ পার্ল। রওনা হবার আগে ল্যাব থেকে যে-যা
পেয়েছে নিয়ে এসেছে অন্ত হিসেবে। কারও হাতে শোভা পাচ্ছে
ক্ষ্যালপেল, কারও হাতে হাড় কাটার করাত, কারও বা লোহার
হাতুড়ি। লেং লিসা এককাঠি সরেস, সে নিয়ে এসেছে বড়-সড়
দুটো মাংস ঝোলানোর মিট-ভুক। এ-সব ভয়ানক ইকুইপমেণ্ট
মানুষের উপর কীভাবে ব্যবহার করা হতো, তা ভাবতে চায় না
রানা; ও মেঝে থেকে স্রেফ একটা স্টিলের পাইপ কুড়িয়ে নিয়ে
এসেছে।

নিঃশব্দে সঙ্গীদের উপর নজর বোলাল রানা। কী চেহারা
হয়েছে একেকজনের! হাতে অঙ্গুত সব অন্ত... সব মিলিয়ে
দলটাকে দেখাচ্ছে প্রাগৈতিহাসিক কোনও শিকারি গোষ্ঠীর মত!

সময় পেয়ে ড. কনওয়ে আবার একটা ট্যাক্সের ভিতর উঁকি
দিতে শুরু করেছেন। একটু পরে আপনমনে বলে উঠলেন, ‘হ্ম!
ইন্টারেস্টং!’

‘নতুন কিছু পেলেন?’ জিজ্ঞেস করল রানা।

সোজা হয়ে ওর দিকে ফিরলেন জীববিজ্ঞানী। ‘এরা সবাই
আদিবাসী,’ নিচু গলায় বললেন তিনি। গলার স্বর ভেঙে গেল

একটু। বোঝা যাচ্ছে, আপসেট হয়ে গেছেন। ‘প্রত্যেকে!’

তাঁর দিকে দু’পা এগোল রানা। ‘আদিবাসী মানে?’

‘ইনুইট, আলিউট, এক্ষিমো... যা খুশি বলতে পারেন। সোজা কথায় এরা নর্দার্ন হেমিস্ফিয়ারের আদিবাসী। একই গোত্রের হলেও অবাক হব না। নিজেই দেখুন।’

একটু ধিধা করে ট্যাঙ্কের দিকে এগোল রানা। পরিষ্কার করা অংশটা দিয়ে তাকাল ভিতরে। প্রথমে মনে হলো খালি, কিন্তু চোখ নীচে নামাতেই ট্যাঙ্কের মেঝেতে গুটিসুটি হয়ে থাকা একটা শিশুকে দেখতে পেল। বাচ্চা একটা ছেলে... বছর সাত-আটের বেশি হবে না বয়স। ড. কনওয়ের কথাই ঠিক, নিঃসন্দেহে ছেলেটা ইনুইট বা এক্ষিমো গোত্রের। কালো চুল, টানা টানা চোখ, মুখের গোলগাল আকৃতি আর চামড়ার রঙ সেই সাক্ষ্যই দিচ্ছে।

চোখ মুদে রেখেছে ছেলেটি। চেহারায় অন্যদের মত যন্ত্রণার অভিব্যক্তি নেই, বরং প্রকট হয়ে আছে অসহায়ত্ব। দুই হাত একত্র করে রেখেছে বুকের কাছে, যেন প্রার্থনা করছে। বুকের ভিতর হাহাকার করে উঠল রানার। কে করেছে এই কাজ—মানুষ, না পিশাচ? নিষ্পাপ একটা শিশুর উপর কীভাবে পরীক্ষা চালাতে পারল ওরা!

চোয়াল শক্ত হয়ে উঠল রানার। দোষী মানুষগুলোকে নিজ হাতে শান্তি দেবার একটা তাগিদ অনুভব করছে। কিন্তু তা তো সন্তুষ্ট নয়! প্রায় সন্তুর বছর আগে ঘটে গেছে এ-সব। দোষীরা একজনও এখন আর বেঁচে নেই। তাদের লাশ পাওয়া গেছে এই ঘাঁটির ভিতরেই। কে জানে, হয়তো পাপের প্রায়শিক্তি করেছে ওরা প্রাণ দিয়ে।

নরম একটা হাত স্পর্শ করল রানার কাঁধ। ঘাড় ফেরাতে শ্যারনকে দেখতে পেল। মেয়েটি ওর মুখ দেখে আঁচ করে নিয়েছে মনের কথা। বলল, ‘বুঝতে পারছি কী ভাবছেন। এই শুভ পিঞ্জর-২

অন্যায়ের প্রতিশোধ নেয়া যায় কীভাবে, তাই না? একটাই উপায় আছে তার। দুনিয়ার সামনে আমরা প্রকাশ করে দেব এখানকার খবর। সবাই জানবে, সত্ত্ব বছর আগে কী ঘটে গেছে এখানে। সেজন্যেই মি. ম্যাসনকে এখানে আনার নির্দেশ দিয়েছিলাম আমি।'

'ঠিক বলছেন,' দীর্ঘশ্বাস ফেলল রানা, সরে এল ট্যাঙ্কের পাশ থেকে। 'এই একটা কাজই শুধু করতে পারি আমরা।'

ড. কনওয়ে কিছু বলছেন না দেখে মাথা ঘোরাল ও। লক্ষ করল, ভূরু কুঁচকে ট্যাঙ্কের পাশের একটা কঞ্চেল প্যানেলের দিকে তাকিয়ে আছেন ভদ্রলোক। প্যানেল নানা রকম সুইচ আর লিভার... এই ধরনের একটা করে প্যানেল সবগুলো ট্যাঙ্কের সঙ্গেই আছে। পার্থক্য হলো, এই প্যানেলটার গায়ে একটা হলুদ বাতি মিটমিট করছে।

'অস্ত্রুত ব্যাপার তো!' বিড়বিড় করলেন জীববিজ্ঞানী।

'কীসের কথা বলছেন?' জিজ্ঞেস করল রানা।

জবাব না দিয়ে এক পা এগোলেন কনওয়ে, চাপলেন প্যানেলের লিভার। সঙ্গে সঙ্গে মৃদু গুঞ্জন করে কোথাও চালু হলো একটা মোটর। কেঁপে উঠল ট্যাঙ্কের ধাতব শরীর। ছোট ছোট ফাটল দেখা দিল ভিতরের জমাট বাঁধা দ্রবণে। প্যানেলও জুলে উঠল আরও কয়েকটা বাতি।

'কী করেছেন আপনি!' বিস্মিত গলায় বলে উঠল শ্যারন।

থতমত খেয়ে পিছিয়ে এলেন ড. কনওয়ে। হতভম্ব গলায় বললেন, 'মাই গড! ট্যাঙ্কটা অপারেশনাল! আমি তো ভাবতেই পারিনি...'

কথা শেষ হলো না তাঁর। মেইন ল্যাবের দিক থেকে ভেসে এল বিকট আওয়াজ—মেঝেতে দড়াম করে আছড়ে পড়েছে কী যেন।

গাল দিয়ে উঠল কমাঞ্চার ফিশার, 'শালারা কেটে ফেলেছে দরজা! এখনি চলে আসবে! তিনি, হলো তোমাদের?'

'এই তো, আর কয়েক সেকেণ্ট, স্যর,' বলল তিনি।

দ্রুত হাত চালিয়ে শেষ স্ক্রু-টা খুলতে শুরু করল সে।

তিনির পিছনে দাঁড়িয়ে আছে ম্যাসন। একটা সার্জিকাল স্পাইক, ধরে রেখেছে দু'হাতে। অঙ্গুর গলায় সে বলল, 'তাড়াতাড়ি করুন, লেফটেন্যাণ্ট। ওরা এই এল বলে!'

আবছাভাবে শোনা গেল চেঁচামেচি, সেই সঙ্গে মেঝেতে বুটের আওয়াজ... মেইন ল্যাবের দিক থেকে আসছে। তবে ছোটাছুটি করছে না রাশানরা, এগোচ্ছে সতর্ক পদক্ষেপে, বিপদ মোকাবেলার প্রস্তুতি নিয়ে। তাই ওদেরকে দেখা গেল না।

রংদ্রশ্বাস উত্তেজনায় কেটে গেল কয়েক মুহূর্ত। তারপরেই চাপা গলায় তিনি বলল, 'হয়ে গেছে!'

হ্যাচের মুখ খুলে ফেলল সে আর ডেভ পার্ল।

'কুইক!' নির্দেশ দিল ফিশার। 'সবাই চুক্তে পড়ুন ওখানে।'

সবার আগে হ্যাচ গলে ওপাশের সুড়ঙ্গে চুকল ম্যাসন। তাকে অনুসরণ করল ফিশার আর ড. কনওয়ের দুই অ্যাসিস্টেন্ট। ডেভ পার্ল চুকল এরপর, তার পিছনে ড. কনওয়ে আর শ্যারনকে প্রায় জোর করে ঢোকাল রানা... ইনুইট বাচ্চাটার ট্যাঙ্কের সামনে থেকে যেন সরতে চাইছিল না ওরা, দাঁড়িয়ে ছিল কী ঘটে দেখবার জন্য।

সবশেষে রানা আর তিনির পালা। লেফটেন্যাণ্ট বলল, 'আপনি আগে যান, মি. রানা। আমি পিছনে থাকব।'

আপত্তি না করে মাথা ঝাঁকাল রানা। ফোকর গলে চুকবার আগে শেষবারের মত তাকাল ইনুইট বাচ্চার ট্যাঙ্কটার দিকে। খারাপ লাগছে, মনে হচ্ছে যেন একা ফেলে যাচ্ছে অসহায় শিশুটিকে। দীর্ঘশ্বাস ফেলে মুখ ঘোরাল ও, হামাঞ্চড়ি দিয়ে চুকে শুভ পিঞ্জর-২

পড়ল টানেলে।

টানেলটা বেশি বড় নয়, কোনোমতে একজন মানুষ হামাগুড়ি দিতে পারে, তৈরি করা হয়েছে বরফ খুঁড়ে। দু'পাশের দেয়াল দখল করে রেখেছে কগুইট—ওগুলোর ভিতর দিয়ে গেছে সমস্ত পাইপ আর তার। মেঝেতে বিছিয়ে রাখা হয়েছে রাবারের ম্যাট, যাতে হামাগুড়ি দিতে গিয়ে হাঁটু ছড়ে না যায়।

পাঁচ গজ যেতেই অন্ধকার হয়ে গেল ভিতরটা, টানেলে ঢুকে হ্যাচ আবার লাগিয়ে দিয়েছে গ্রিন। বাইরে স্কু-গুলো খোলা রয়ে গেল, কিন্তু তা নিয়ে চিন্তার কিছু নেই। রিসার্চ এরিয়াটা অনেক বড়—মেইন ল্যাব আর প্রিজার্ভেশন ট্যাক্সের প্যাসেজ ছাড়াও রয়েছে বন্দিদের ব্যারাক আর বেশ কিছু অফিস। সময় নিয়ে সবখানে তল্লাশি চালাতে হবে রাশানদের, আলগা হ্যাচটা সহসা ধরা পড়ে যাবার সম্ভাবনা কম। আশা করা যায় তার আগেই যথেষ্ট দূরে সরে যেতে পারবে ওরা।

খুট করে একটা শব্দ হলো সামনে, জুলে উঠল কমাণ্ডার ফিশারের ফ্ল্যাশলাইট। সেই আলোয় হামাগুড়ি দিয়ে এগিয়ে চলল দলটা। একটু পরে সুড়ঙ্গ থেকে বেরিয়ে এল বরফ খুঁড়ে বানানো একটা ছোট্ট প্রকোষ্ঠে। সার্ভিস এরিয়া ওটা, দেয়ালে ঝুলছে পেঁচায় এক জাংশান বক্স, তাতে গিয়ে মিশেছে সবগুলো কগুইট। কাঠের একটা টেবিল আর দুটো চেয়ার পড়ে আছে একপাশে। মেঝের কোনায় স্তূপ হয়ে আছে লোহার টুকরো আর রাবারের হোস, পাশে একটা জং-ধরা টুল ট্রাঙ্ক।

কাঠের একটা মই দেখা গেল এক প্রান্তে—প্রকোষ্ঠের দেয়ালের সঙ্গে সাঁটা, উঠে গেছে উপরদিকে, অদৃশ্য হয়ে গেছে ছাতে মুখ ব্যাদান করে থাকা একটা শাফটের ভিতরে। সেটার দিকে ইশারা করে ফিশার বলল, ‘ওটা বেয়ে তিন নম্বর লেভেলে উঠতে পারব আমরা।’

শাফটের তলায় গিয়ে উপরটা জরিপ করল লেং লিসা, মইয়ের ধাপগুলোও দেখল। বলল, ‘হ্যাঁ, শক্ত আছে... আমাদের ভার বইতে পারবে।’

‘উপরে ওয়েপন্স লকারটা কতদূরে?’ জিজ্ঞেস করল রানা।

‘লেভেলের মূল অংশে। ওখানে পৌছুবার জন্য ডাইভারশন প্রয়োজন হবে আমাদের।’

‘ওসব নিয়ে পরে ভাবা যাবে,’ বলে উঠল ফিশার। ‘এখানে আর এক মুহূর্তও নয়। চলুন, রওনা হওয়া যাক।’

সার্জিকাল টুলগুলো পকেটে বা কোমরে গুঁজে ফেলল সবাই, মই বাওয়ার সুবিধার্থে খালি করল হাত। দ্রুত উপরে ওঠার ক্রম ঠিক করে দিল ফিশার। সবার সামনে থাকবে সে; তারপর শ্যারন, ম্যাসন আর বায়োলজি টিম; শেষে উঠবে লিসা, রানা, ডেভ পার্ল আর লেং গ্রিন। কথা শেষ করেই মইয়ের দিকে এগিয়ে গেল ফিশার, তরতুর করে উঠে গেল উপরে, অদৃশ্য হয়ে গেল শাফটের ভিতরে। পিংপড়ের মত তাকে অনুসরণ করল বাকিরা।

লিসাকে মইয়ে উঠতে সাহায্য করছে রানা, এমন সময় শোনা গেল চিৎকার-চেঁচামেচি—পিছনে ফেলে আসা টানেলটার ভিতর থেকে! গাল দিয়ে উঠল ডেভ পার্ল, ওদের পলায়ন-পথ আবিষ্কার করে ফেলেছে শক্রপক্ষ। ছুটে আসছে পিছু পিছু।

মইয়ের দুটো ধাপ উঠে জমে গিয়েছিল লিসা, তাকে চাপা গলায় ধর্মক দিল রানা। ‘থামলেন কেন, উঠতে থাকুন! কুইক! সামনের সবাইকে তাড়াতাড়ি এগোতে বলবেন।’

মাথা ঝাঁকিয়ে দ্রুত শাফটের ভিতরে অদৃশ্য হয়ে গেল লিসা। রানা ওর পিছু নিল না, ঘুরল গ্রিন আর ডেভ পার্লের দিকে। গ্রিন বিস্মিত গলায় বলল, ‘দাঁড়িয়ে রইলেন কেন? উঠুন!'

মাথা নাড়ল রানা। ‘এভাবে পালানো যাবে না। রাশানরা আমাদের নাগাল পেয়ে যাবে। ওদের পথে একটু বাধা সৃষ্টি করা শুভ পিঞ্জর-২

দরকার।'

'কী মতলব আপনার, বলুন তো?'

কাঠের টেবিলটার দিকে এগিয়ে গেল রানা। 'এটা দিয়ে
ব্যারিকেড বসাব আমরা টানেলের মুখে। আসুন, সাহায্য করুন
আমাকে।'

তিনজনে ধরাধরি করে ভারী টেবিলটা নিয়ে গেল টানেলের
সামনে। কাত করে মুখটা ঢেকে দিতে যাবে, এমন সময় গর্জে
উঠল অটোমেটিক রাইফেল। টানেলের মুখ দিয়ে বেরিয়ে এল
এক ঝাঁক বুলেট। কাত করা টেবিলের গায়ে আঘাত হানল
ওগুলো, ছিন্নভিন্ন করে দিল কাঠ। স্বেফ কপাল বলতে হবে,
কারও গায়ে লাগেনি গুলি। কিন্তু তারপরেও স্বাভাবিক ইস্টিক্ষিটের
বশে টেবিলটা ছেড়ে দিল ডেভ পার্ল, পিছিয়ে গেল দু'পা।

'কী করছেন?' চেঁচিয়ে উঠল রানা। টানেলের মুখ ঢাকতে
হবে আমাদেরকে!'

সংবিধি ফিরে পেল ডেভ পার্ল। মাথা ঝাঁকিয়ে আবার এগোল
টেবিল ধরতে, আর তখনি মৃদু শব্দ তুলে কী যেন একটা বেরিয়ে
এল টানেল থেকে, পড়ল টেবিলের সামনে। ডিমের মত একটা
আকৃতি, তবে আকারে বড়, সবুজ রঙ, খাঁজকাটা শরীর।

'গ্রেনেড!' চেঁচিয়ে উঠল রানা। ওর ঠিক পাশেই দাঁড়িয়ে
আছে গ্রিন, তাকে জাপতে ধরে ঝাপ দিল মেঝেতে। পরক্ষণে
ঘটল বিস্ফোরণ।

রদ্ব প্রকোষ্ঠে ভয়াবহ আওয়াজে কানে তালা লেগে গেল
রানার, শকওয়েভের পাশাপাশি শরীরের উপর দিয়ে বয়ে গেল
তাপপ্রবাহ। ধাঁধিয়ে গেল চোখ। কয়েক মুহূর্ত পর পিছনে
আর্তনাদ শুনে ঘাড় ফেরাল ও, সঙ্গে সঙ্গে শিউরে উঠল। সময়মত
সরতে পারেনি ডেভ পার্ল, তার মুখের উপরে বিস্ফোরিত হয়েছে
গ্রেনেড... কিন্তু ছিন্নভিন্ন হয়নি তার শরীর, কিন্তু সারা গায়ে দাউ

দাউ করে জুলছে আগুন! সাধারণ গ্রেনেড ছিল না ওটা... ছিল একটা ইনসেগ্যারি ডিভাইস, বিস্ফোরিত হয়ে ছড়িয়ে দিয়েছে তরল অনল। সার্ভিস শাফটের ভিতরে লুকোচুরিতে নামার ইচ্ছে নেই প্রতিপক্ষের, নিষ্ঠুর একটা পদ্ধতি বেছে নিয়েছে প্লাতকদের ঘায়েল করবার জন্য।

পার্লকে সাহায্য করার জন্য এগোতে চাইল রানা, কিন্তু পারল না। শাফটের মুখ দিয়ে আবার বেরিয়ে এল বুলেটবৃষ্টি, নাগাল পেয়ে গেল জুলন্ত মানুষটার। সুতোয় বাঁধা পুতুলের মত নাচল পার্লের দেহ, তারপর তালগোল পাকিয়ে পড়ে গেল মেঝেতে। মাংসপোড়া উৎকট গঙ্গে নাক কুঁচকে গেল রানার।

‘ডেভ!’ চিৎকার করে উঠল গ্রিন। সহকর্মীর নির্মম মৃত্যু দেখে বিস্ফোরিত হয়ে গেছে দু’চোখ।

টান দিয়ে তাকে দাঁড় করাল রানা, এখন মাতম করার সময় নয়। শুধু ডেভ পার্লের দেহ নয়, আগুন ধরে গেছে কাঠের টেবিল আর আশপাশের সমস্ত জিনিসে, ক্রমশ অসহনীয় হয়ে উঠছে উত্তাপ। গলতে শুরু করেছে বরফের দেয়াল, পুরো প্রকোষ্ঠ ধসে পড়তে পারে যে-কোনও মুহূর্তে।

‘মুভ!’ চেঁচাল রানা। গ্রিনকে টেনে-হিঁচড়ে নিয়ে গেল মইয়ের কাছে। ঠেলা দিয়ে ওঠাল উপরে, তারপর অনুসরণ করল নিজেও।

মড়মড় করে আওয়াজ হলো, প্রকোষ্ঠের ছাত থেকে ভেঙে-চুরে নেমে এল বরফের এক বিরাট পিণ্ড, তবে ততক্ষণে অনেকদূর উঠে গেছে দু’জনে। চুকে পড়ল শাফটের ভিতরে।

দীর্ঘশ্বাস বেরিয়ে এল রানার বুক কাঁপিয়ে। বিপদ কাটেনি। সামনে যে রাশানদের আরেকটা গ্রুপ ওঁত পেতে অপেক্ষা করছে না, তার নিশ্চয়তা কী?

ফাঁদে পড়ার দশা হয়েছে ওদের।

নয়

ক্যাপ্টেন ম্যাথিউ গরডনের নির্দেশের অপেক্ষায় রয়েছে ইউ.এস.এস পোলার সেণ্টিনেলের ক্রু-রা। বড় দুটো বরফখণ্ডের মাঝখানে, পেরিফ্রোপ ডেপথে ডুব দিয়ে স্থির হয়ে আছে সাবমেরিনটা। সারফেসে ঘণ্টায় ষাট মাইল বেগে বয়ে যাচ্ছে তুষারবড়, কিন্তু পানির নীচে বিরাজ করছে আশ্চর্য এক শান্ত, থমথমে নীরবতা।

হাতে একটা ক্লিপবোর্ড নিয়ে নার্ভাস ভঙ্গিতে দাঁড়িয়ে আছে সেণ্টিনেলের রেডিওম্যান, তার দিকে ফিরলেন ক্যাপ্টেন। ভুরুঁ কুঁচকে বললেন, ‘তুমি বলতে চাইছ, স্যাটেলাইট কমিউনিকেশনের কোনও সম্ভাবনাই নেই?’

ঘন ঘন ঢঁক গিলল রেডিওম্যান। বলল, ‘না, স্যর। তুষারবড়ের পাশাপাশি ম্যাগনেটিক স্টর্ম হচ্ছে উপরে। যতভাবে সম্ভব চেষ্টা করে দেখেছি আমি, লাভ হয়নি।’

গম্ভীর হয়ে গেলেন ক্যাপ্টেন গরডন। সাহায্য পাবার আশা নেই, এভাবে আর বসে থাকাও চলে না। আধুনিক আগে এই রেডিওম্যানই এসে রিপোর্ট দিয়েছিল, ইউ.কিউ.সি.-তে রাশানদের একটা কমিউনিকেশন ইন্টারসেপ্ট করেছে সে। বলা বাহ্যিক, ওটা একটা আন-সিকিউর্ড চ্যানেল। সেই ইন্টারসেপশন থেকে জানা গেছে, ড্রাকনকে নির্দেশ দেয়া হয়েছে ওমেগা স্টেশন

ধ্বংস করে দেবার জন্য। কীভাবে করা হবে, তাও জানা গেছে। ইনসেণ্ডিয়ারি চার্জ ফাটাবে ওরা, স্টেশনটাকে তলিয়ে দেবে পানিতে। তারমানে ভিতরে আটকা পড়া নৌ-সদস্য এবং নিরীহ সিভিলিয়ানরা সবাই মরতে বসেছে।

খবরটা পাওয়ামাত্র নিরাপদ একটা জায়গা খুঁজে পেরিস্কোপ ডেপথে উঠে এসেছেন ক্যাপ্টেন। কমিউনিকেশন অ্যাটেনা তুলে সাহায্য চাইবার নির্দেশ দিয়েছেন। কিন্তু হা হতোস্মি, সারফেসের তীব্র ঝড় বন্ধ করে দিয়েছে যোগাযোগের সমস্ত উপায়। কেউ সাহায্য করতে আসছে না তাঁদেরকে। ওমেগার ভাগ্য নির্ভর করছে নিরস্ত্র এই রিসার্চ সাবমেরিনের উপর।

ড. লার্স মিকেলসেন এগিয়ে এলেন ক্যাপ্টেনের দিকে। ইভ্যাকুয়েট হওয়া সিভিলিয়ানদের প্রতিনিধি হিসেবে কাজ করছেন এই সুইডিশ ওশনেগ্রাফার। বললেন, ‘ওখানে যারা আটকা পড়েছে, তারা আমাদের সহকর্মী এবং বন্ধু, ক্যাপ্টেন! পরিবারের সদস্য বললেও ভুল হয় না। ওদের জন্য কিছু একটা করা উচিত আমাদের, তাতে যতই ঝুঁকি থাকুক না কেন! আমার মনে হয় না কেউ তাতে আপত্তি করবে।’

আশপাশের সবার মুখভঙ্গি জরিপ করলেন ক্যাপ্টেন গরডন। যার যার স্টেশনে দাঁড়িয়ে আছে ক্রু-রা, সবার চেহারায় দৃঢ়সংকল্পের ছাপ। কারও মধ্যে কোনও দ্বিধা নেই। কাঁধ ঝাঁকিয়ে পেরিস্কোপ স্ট্যাণ্ডে উঠে দাঁড়ালেন তিনি। নির্দেশ দেবার আগে অন্তর্দৰ্শে ভুগলেন, আবেগের বশে ভুল সিদ্ধান্ত নিচ্ছেন না তো? সন্দেহ নেই, ড. শ্যারন বেকেটের প্রতি দুর্বলতা আছে তাঁর, সে নিখোঁজ হওয়ায় উদ্বেগে আক্রান্ত হয়েছেন, উত্তলা হয়ে উঠেছেন মেয়েটাকে উদ্ধার করবার জন্য। কিন্তু তা করতে গিয়ে পুরো জাহাজ আর ক্রু-দের জীবন বিপন্ন করা কি উচিত হবে?

জানেন... সবাই উত্তলা হয়ে আছে কিছু একটা করবার জন্য,

কিন্তু সিদ্ধান্ত তো দেবেন তিনি! যে-পদক্ষেপই নেয়া হোক, সেটার সম্পূর্ণ দায় ক্যাপ্টেনের একার। আলাক্ষার উপকূলে পৌছুবার চেষ্টা করতে পারেন তাঁরা, কিংবা ওমেগায় গিয়ে চেষ্টা করতে পারেন বন্দিদের উদ্ধার করবার। কথা হলো, ড্রাকনের মত একটা আধুনিক সুসজ্জিত সাবমেরিনের বিরুদ্ধে কী করতে পারবে ছোট্ট পোলার সেণ্টিনেল। অন্ত বলতে তো রয়েছে কেবল গতি, লুকানোর ক্ষমতা আর যুদ্ধকৌশল! এ-নিয়ে কি মুখোমুখি হওয়া যাবে একটা রাশান হাঁটার-কিলার সাবমেরিনের?

নিজের সঙ্গে কয়েক মুহূর্ত যুদ্ধ করলেন ক্যাপ্টেন, শেষ পর্যন্ত ছেড়ে দিলেন হাল। বুঝতে পারছেন, যত যুক্তিই খাটান, বন্দি মানুষগুলোকে ফেলে যেতে সায় পাবেন না বিবেক থেকে। সঙ্গীদের কেউ তা চাইছেও না। কী আর করা, দীর্ঘশ্বাস ফেললেন তিনি।

রেডিওম্যানের দিকে ফিরে নির্দেশ দিলেন, ‘যাও, এখনি একটা স্লট বয়া ভাসাও। এমনভাবে ওটাকে সেট করবে, যাতে অনবরত ন্যাভস্যাটের মাধ্যমে আমাদের সাহায্যের আবেদন ট্রান্সমিট করতে থাকে। আর অপেক্ষা করা সম্ভব নয় আমাদের পক্ষে।’

‘আই, আই, স্যর!’ স্যালিউট ঠুকে চলে গেল রেডিওম্যান।

ড. মিকেলসেনের দিকে চোখাচোখি হলো ক্যাপ্টেনের, তারপর আবার চোখ ফিরিয়ে নিলেন। ডাইভিং অফিসারের উদ্দেশে বললেন, ‘পঁচাশি ফুট গভীরতায় নিয়ে চলো আমাদেরকে। ত্রিশ ডিগ্রি ডাউন অ্যাসেল।’

কৌতুহল নিয়ে সবাই তাকাল তাঁর দিকে। কোথায় যেতে চাইছেন ক্যাপ্টেন? তাঁর পরের নির্দেশে জবাব পাওয়া গেল এ-প্রশ্নের।

‘আর হ্যাঁ... আন্ট্রা-কোয়ায়েট মোডে নিয়ে যাও

সেশ্টিনেলকে। নিঃশব্দে এগোতে চাই আমি।'

সঙ্গে সঙ্গে হাসি ফুটল সবার মুখে। একটাই কারণ হতে পারে এত সাবধানে এগোবার। ওমেগায় যাচ্ছে ওরা।

যৌথ প্রচেষ্টায় ওমেগা স্টেশনের পার্শ্ববর্তী পলিনিয়ায় ধীরে ধীরে ড্রাকনকে তুলে আনছে সাবমেরিনের হেলমস্ম্যান আর প্লেইনস্ম্যান, পিছনে দাঁড়িয়ে তাদের কাজ তদারক করছে ক্যাপ্টেন আন্তন রুশকিন। ডাইভিং অফিসার ক্যাপ্টেন-লেফটেন্যাণ্ট গ্রিগোর কারপভ তার স্টেশন থেকে মনিটর করছে ডেপথ গজ, একটু পর পর জানিয়ে চলেছে গভীরতা।

‘পঞ্চাশ ফুট!’

কারপভের কঠে অস্থিরতা লক্ষ করে ঘাড় ফেরাল রুশকিন, ভুরু কুঁচকে তাকাল তার দিকে। এক বছর হলো তার সেকেও-ইন-কমাও হিসেবে কাজ করছে কারপভ, দু'জনেই পরস্পরের মনের কথা পড়তে পারে। তাই ডাইভিং অফিসারের চেহারা দেখে প্রশ্নটা বুঝতে পারল সে—সত্যিই কি রিয়ার অ্যাডমিরালের নির্দেশ পালন করতে চলেছে ওরা?

দীর্ঘশ্বাস ফেলল রুশকিন। বিবেকের দংশন যে অনুভব করছে না, তা নয়; কিন্তু আদেশ আদেশই। বিশেষ করে সামরিক বাহিনীতে অবাধ্য হবার কোনও সুযোগ নেই, তার শাস্তি মৃত্যুদণ্ড। তা ছাড়া... রিয়ার অ্যাডমিরালের যুক্তিও বুঝতে পারছে সে। দুই বন্দি পালিয়ে যাবার পর ওমেগা স্টেশন একটা ঝুঁকি হয়ে দাঁড়িয়েছে তাদের মিশনের জন্য। এ-ব্যাপারে কঠিন সিদ্ধান্ত না নিয়ে উপায় নেই।

‘অল ভেন্টস শাট!’ গলা চড়িয়ে রিপোর্ট দিল চিফ অভ দ্য ওয়াচ। ‘রেডি টু সারফেস।’

‘সারফেস!’ মাথা বাঁকিয়ে নির্দেশ দিল ক্যাপ্টেন রুশকিন।

সুইচ অন করা হলো, জ্যান্ট হয়ে উঠল সাবমেরিনের সবগুলো পাম্প। মৃদু গুঞ্জন তুলে ব্যালাস্ট ট্যাঙ্ক থেকে পানি বের করে দিতে থাকল ওগুলো, সে-জায়গা দখল করল বাতাস। মস্ণ গতিতে পলিনিয়ার বুকে তিমির মত শরীর জাগাল ড্রাকন। সমস্ত স্টেশন থেকে রিপোর্ট এল, কোথাও কোনও সমস্যা নেই।

‘হ্যাচ খুলে দাও,’ নির্দেশ দিল রুশকিন।

নির্দেশের পুনরাবৃত্তি করল কারপড, তারপর এগিয়ে এল ক্যাপ্টেনের দিকে। ‘শোর টিম তৈরি আছে,’ কাষ্ট গলায় বলল সে। থমথম করছে চেহারা। টানাপড়েন অনুভব করছে মনের ভিতর। ‘আপনার অর্ডার, ক্যাপ্টেন?’

ঘড়ি দেখল রুশকিন। বলল, ‘বন্দিরা ঠিকমত আটক আছে কি না চেক করবে ওরা। ডাবল-চেক করবে ইনসেগ্নিয়ারি ডিভাইসগুলোও। তারপর স্টেশন থেকে আমাদের সব লোক এখানে ফিরে আসবে। পনেরো মিনিটের ভিতর এসব শেষ হওয়া চাই। সবাই এসে গেলে ডাইভ দেবে ড্রাকন।’

মাথা ঝাঁকাল কারপড, দৃষ্টিতে শূন্যতা।

‘নিরাপদ গভীরতায় পৌছুনোর পর ডিটোনেট করে দেবে ইনসেগ্নিয়ারি ডিভাইস,’ শেষ নির্দেশ দিল রুশকিন। ‘ড্রিফট স্টেশনের কোনও চিহ্ন যেন না থাকে। ক্লিয়ার?’

হাঁচড়ে-পাঁচড়ে আইস রিজের উপর উঠে এল অ্যাবি। ক্ষণিক বিরতি নিল উপরে পৌছে। ব্যথায় দপদপ করছে শরীর। প্রায় খাড়া একটা দেয়াল বাওয়া সহজ কাজ নয়... বিশেষ করে উপযুক্ত ইকুইপমেন্ট ছাড়া। ধারালো বরফের খোঁচায় বিমানের ইমার্জেন্সি লকার থেকে পাওয়া দস্তানা দুটো ছিঁড়ে কুটি কুটি হয়ে গেছে, ছড়ে গেছে আঙুল, হাতের তালুও। ঝরবার আগেই জমে গেছে রক্ত। ঠাণ্ডা বাতাস কামড় বসাচ্ছে হাতের উন্মুক্ত চামড়ায়।

অ্যাবির পাশে হাত-পা ছড়িয়ে বসে আছে পাওয়েল আর জিম—ওরাও হাঁপাচ্ছে। পাওয়েলের অবস্থা বেশি খারাপ, লোবোকে পিঠে বেঁধে উপরে উঠেছে সে। ধাতস্ত হতে মিনিট পাঁচেক অপেক্ষা করল ওরা, তারপর সঙ্গীদেরকে ঠেলা-ধাক্কা দিয়ে দাঁড় করাল জিম। যত বেশি সময় বসে থাকবে এখানে, ততই আড়ষ্ট হয়ে যাবে শরীর। পরে আর নড়তে-চড়তে পারবে না।

রিজের উপর দিয়ে হাঁটতে শুরু করল তিনজনে, এসকট্টের মত লোবো রয়েছে সামনে। অ্যাবি জানতে চাইল, ‘আর কতদূর?’

কবজিতে বাঁধা ঘড়ি চোখের সামনে তুলল জিম, ওটায় একটা বিল্ট-ইন কম্পাস আছে। আঙুল তুলে ইশারা করল সামনে। বলল, ‘ওইদিকে... একশো গজের মত যেতে হবে।’

জিমের নির্দেশ করা দিকটার দিকে তাকাতেই দমে গেল অ্যাবি। পুরোটাই এবড়ো-খেবড়ো, উঁচু-নিচু বরফে ভরা। এখানে-সেখানে হাঁ করে আছে অসংখ্য পাহাড়ি ফাটল। পার হতে জান খারাপ হয়ে যাবে। এক ঘণ্টা ব্যয় করে এই পাহাড়ে উঠে এসেছে ওরা, এর তলাতেই রয়েছে ভূ-গর্ভস্থ আইস স্টেশন, পাহাড়ের গায়ে পাওয়া যাবে ভেণ্টিলেশনের শাফট। শক্রপক্ষের দৃষ্টি এড়ানোর জন্য কঠিন একটা রাস্তা বেছে নিয়েছিল... তাতে সর্বনাশ হয়ে গেছে। ঝান্তিতে ভেঙে পড়ছে এখন দেহ। সামনে পা ফেলতেই ইচ্ছে করছে না। কিন্তু আর কোনও উপায়ও নেই।

টলতে টলতে এগোল ওরা। চারপাশে বাতাসের গর্জন, যেন পাথুরে সৈকতে আছড়ে পড়ছে সাগরের উদ্দাম চেত। সেই সঙ্গে উড়ছে তুষার, জমছে তিন অভিযাত্রীর শরীরে আর পায়ের তলায়। পাওয়েলের পিছনে রইল অ্যাবি, বিশালদেহী লোকটার দেহটা বর্মের মত রক্ষা করছে ওকে। কোথায় যাচ্ছে সেদিকে নজর রইল না ওর, দৃষ্টি নিবন্ধ করে রাখল পাওয়েলের পিঠে, সেইসঙ্গে তাল মিলিয়ে ফেলছে কদমের পর কদম।

হঠাতে দুলে উঠল পাওয়েল, মুখ দিয়ে বেরিয়ে এল খিস্তি। পাতলা বরফের উপর পা পড়েছে তার, ছোট একটা গর্তের মধ্যে সেঁধিয়ে গেল হাঁটু পর্যন্ত। ভিতরে পড়ে যাবার আগেই একপাশে ডাইভ দিল সে। অঙ্গের জন্য রক্ষা পেল ভয়ানক দুর্ঘটনা থেকে।

‘আপনি ঠিক আছেন?’ তাড়াতাড়ি তার দিকে এগিয়ে গেল অ্যাবি। ‘কোথাও লাগেনি তো?’

‘ইটস্ ওকে,’ মাছি তাড়ানোর ভঙ্গিতে হাত নাড়ল পাওয়েল। ‘তবে আরও সাবধানে পা ফেলতে হবে এখন থেকে।’

‘বসে থাকবেন না,’ সামনে থেকে তাড়া লাগাল জিম। ‘জমে বরফ হবার আগেই শাফটে টুকতে হবে আমাদের।’

উঠে দাঁড়িয়ে শরীরের তুষার ঝাড়ল পাওয়েল। ‘তোমার ওই হতচাড়া শাফট আর কতদূরে?’

‘বেশি না। পৌছে গেছি প্রায়।’

কথা না বাড়িয়ে জিমকে অনুসরণ করল পাওয়েল আর অ্যাবি। ওদের চারপাশে ছোটাছুটি করতে করতে এগোল লোবোও। জানোয়ারটার মধ্যেই কেবল ক্লান্তির কোনও ছাপ নেই।

নীরবে আরও পাঁচ মিনিট এগোনোর পর পাহাড়ের অন্যপ্রান্তে পৌছে গেল ওরা। ওখান থেকে আবারও খাড়া হয়ে নেমে গেছে বরফের প্রাচীর, মিশেছে সাগরের হিমশীতল পানিতে।

‘দ্বিপের আউটার এজ এটা,’ ঘোষণা করার সুরে বলল জিম।

একটু এগিয়ে নীচে উঁকি দিল অ্যাবি, সঙ্গে সঙ্গে চক্ক দিয়ে উঠল মাথা। সাগর-সমতল থেকে অন্তত একশো ফুট উপরে দাঁড়িয়ে আছে ওরা।

‘ধ্যানেরি!’ সখেদে বলল পাওয়েল। ‘বেড়াতে আসিনি আমরা। ভেন্টিলেশন শাফট দেখাও।’

‘ওই তো!’ হাত উঁচু করল জিম।

ক্লিফের কিনার থেকে দশ গজ দূরত্বে উঁচু হয়ে আছে একটা

বরফের তিবি, সেটার গায়ে কালো একটা গর্ত। প্রাকৃতিক নয়, মানুষের তৈরি—চারকোনা। লোহার গ্রিল লাগানো আছে মুখে, তবে সেটা এ-মুহূর্তে আধ-খোলা হয়ে ঝুলছে কবজার সঙ্গে।

নিশ্চয়ই মেরু-ভালুকের কাজ, আন্দাজ করল অ্যাবি, গ্রিল খুলে সুড়ঙ্গের ভিতরে আশ্রয় খুঁজেছে। এখনও ভিতরে বসে নেই তো?

জিমকে চিন্তিত মনে হলো না। এগিয়ে গিয়ে মুখটার সামনে হাঁটু গেড়ে বসল সে। বলল, ‘সাবধানে এগোতে হবে আমাদেরকে। শাফটটা পঁয়তাল্লিশ ডিগ্রি ঢালু। সেফটির জন্য কোমরে দড়ি বেঁধে নিলে ভাল হয়। আলোও দরকার হবে।’

কোমরের বেল্টে ঝোলানো ফ্ল্যাশলাইট খুলে নিল অ্যাবি, তুলে দিল এনসাইনের হাতে। ওটা অন্য করে ভিতরে আলো ফেলল সে।

‘হ্ম,’ বলল জিম। ‘প্রথম দশ গজ সোজা গেছে শাফট। তারপর মোড় নিয়েছে ডানে। ঠিক আমাদের স্লো-হাউজের এন্ট্রান্সের মত।’

এগিয়ে গিয়ে উঁকি দিল অ্যাবি। সনাতন ইন্নুইট আর্কিটেকচারের বৈশিষ্ট্য ওটা—ঈগলুর এন্ট্রান্সে একটা বা দুটো বাঁক রাখতে হয়। এর ফলে ঠাণ্ডা বাতাস সরাসরি ঢুকতে পারে না মূল বাসস্থানে।

‘দাঁড়িয়ে রইলে কেন?’ পিছন থেকে অস্থির গলায় বলল পাওয়েল। ‘চোকো ভিতরে!'

সোজা হলো অ্যাবি, আর সঙ্গে সঙ্গে সরসর করে খাড়া হয়ে গেল ওর ঘাড়ের লোম। ষষ্ঠ ইন্দ্রিয় তারস্বরে চেঁচিয়ে উঠেছে—বিপদ! বিপদ!! ঝাট্ট করে ঘুরে দাঁড়াল ও।

‘কী হয়েছে?’ বিস্মিত গলায় জিজ্ঞেস করল পাওয়েল।

জবাব দিল না অ্যাবি, চোখের কোণে ধরা পড়েছে নড়াচড়া।

শুভ্র পিণ্ডির-২

তাকাল ওদিকে। উঁচু আরেকটা বরফের টিবি দেখতে পেল, ওটার আড়াল থেকে কী যেন বেরিয়ে আসছে। সাদা রঙের বিশাল দেহ, মাথাটা বুলেটের আকৃতি, দুই হাতে তীক্ষ্ণ নখর। শরীরের অর্ধেকটা বের করে থামল প্রাণীটা, নাক কুঁচকে গন্ধ শুকল, তারপরেই মাথা ঘোরাল ওদের দিকে।

থমকে গেল অ্যাবি। কী ওটা? পাওয়েল আর জিমও দেখতে পেয়েছে দানবটাকে, স্থির হয়ে গেল ওরাও। জীবনে দেখেনি ওরা এমন বিকট, ভয়ঙ্কর জন্ম। মনে হচ্ছে যেন অন্য গ্রহের কিছু।

গরগর করে উঠল লোবো। শরীর টানটান হয়ে গেছে। কয়েক পা এগিয়ে চিংকার করল অচেনা দানবটার উদ্দেশে... যেন হৃষি দিল সামনে না এগোবার জন্য।

হৃষির পরোয়া করল না দানব। বেঁকে গেল ওটার ঠোঁট, দেখা গেল ধারালো দাঁতের সারি। পায়ে পায়ে বেরুতে শুরু করল ওটা টিবির আড়াল থেকে।

বিপদ বোঝার জন্য ওটুকুই যথেষ্ট। আলাক্ষার বুনো এলাকার মেয়ে অ্যাবি, জানে—ধারালো দাঁতঅলা কোনও জানোয়ার যদি এগিয়ে আসে তোমার দিকে, তা হলে আর কোনও কারণে নয়, খাওয়ার জন্যই আসছে!

খপ্ করে লোবোর কলার চেপে ধরল অ্যাবি, চেঁচাল, ‘ভিতরে তুকুন সবাই! কুইক!’

দ্বিতীয়বার বলবার প্রয়োজন হলো না, শাফটের মুখের সামনে উরু হয়ে ছিল জিম, কথাটা শোনামাত্র ডাইভ দিয়ে চুকে গেল ভিতরে। লোবোকে টানতে টানতে অ্যাবিও পিছাল। কিন্তু কয়েক পা যেতেই শরীর মুচড়ে নিজেকে ছাড়িয়ে নিল লোবো, এগিয়ে গিয়ে আবারও হাঁক ছাড়ল শক্র উদ্দেশে।

‘না! লোবো! না-আ!’ চিংকার করল অ্যাবি।

‘যেতে দিন ওকে!’ বলল পাওয়েল। অ্যাবিকে ঠেলা-ধাক্কা

দিয়ে সুড়ঙ্গে ঢোকাল সে। নিজেও ঢুকল পিছু পিছু।

‘লোবো!’ আবারও ডাকল অ্যাবি। ‘চলে আয়।’

‘সামনে এগোন!’ ধমক দিয়ে উঠল পাওয়েল। ‘এখানে বসে থাকলে সবাই মরব।’

ধাক্কা দিয়ে অ্যাবিকে ত্রুল করতে বাধ্য করল সে। কয়েক গজ এগোতেই অন্ধকার হয়ে গেল সুড়ঙ্গ। খোলা মুখটায় উদয় হয়েছে একটা বিশাল দেহ, আলো ঢুকতে পারছে না।

‘সর্বনাশ!’ আঁতকে উঠল পাওয়েল। ‘ওটা পিছু নিয়েছে আমাদের!'

মোড়ের কাছে পৌছে একটু থামল অ্যাবি। মাথা ঘুরিয়ে তাকাল পিছনে। হ্যাঁ, সত্যিই আসছে দানবটা। শরীর পিছলে দ্রুতবেগে এগোচ্ছে ঢালু সুড়ঙ্গ ধরে। ওটার কয়েক ফুট সামনে রয়েছে লোবো, পাগলের মত ছুট লাগিয়ে পৌছুতে চাইছে মনিবের কাছে।

‘মুভ!’ চাপা গলায় বলে উঠল পাওয়েল। ‘থামবেন না!'

চোয়াল শক্ত করল অ্যাবি। পারকার পকেট হাতড়ে বের করে আনল ফ্রেয়ার গান। পাওয়েলকে বলল, ‘নিচু হোন।’

তর্কে না গিয়ে সুড়ঙ্গের মেঝেতে উপুড় হয়ে শুয়ে পড়ল পাওয়েল। লোবোর শরীরের উপর দিয়ে নিশানা স্থির করল অ্যাবি। তারপর টিপে দিল ট্রিগার। বিকট শব্দ করে ছুটে গেল সিগনাল ফ্রেয়ারের শেল, দানবটার নাকের ডগায় আঘাত হানল... এবং বিস্ফোরিত হলো।

উজ্জ্বল আলোর বন্যা বয়ে গেল সুড়ঙ্গের ভিতরে। তীক্ষ্ণ চিংকার করে উঠল দানব, চোখ বলসে গেছে, দেখতে পাচ্ছে না কিছু। উন্নতের মত থাবা দিল মেঝে আর দেয়ালে, তাতেও দৃষ্টি পরিষ্কার না হওয়ায় ঘাবড়ে গেল। পিছাতে শুরু করল হামাগুড়ি দিয়ে, সুড়ঙ্গ থেকে বেরিয়ে গেল কয়েক সেকেণ্ডের মধ্যে।

স্বন্তির নিঃশ্বাস ফেলল অ্যাবি। পাওয়েলকে মাড়িয়ে ওর পাশে
এসে থামল লোবো। ডেকে উঠল ঘেউ ঘেউ করে, চেটে দিল
গাল। মাথা তুলে ফ্যাল ফ্যাল করে পিছনে তাকাল পাওয়েল।
জিজ্ঞেস করল, ‘কোথায় ওটা?’

হাসল অ্যাবি। ‘পালিয়ে গেছে। শিকার হিসেবে আমাদেরকে
পছন্দ হয়নি।’

‘মত পাল্টানোর আগেই কেটে পড়া দরকার,’ চার হাত-পায়ে
ভর দিয়ে উঁচু হলো পাওয়েল। ‘চলুন এগোই। বাই দ্য ওয়ে,
আবারও খেল দেখালেন আপনি। আমাকে দেখছি আপনার ফ্যান
বানিয়ে ছাড়বেন।’

‘ধ্যাং! কী যে বলেন না!’ বিব্রত সুরে বলল অ্যাবি।
ফ্ল্যাশলাইট নিয়ে জিম অনেকটা এগিয়ে গেছে, তাড়াতাড়ি
হামাঞ্জি দিতে শুরু করল।

একটু পরেই বেশ ঢালু হয়ে গেল শাফট। ক্রল করবার আর
প্রয়োজন হলো না, পিছলে নামতে শুরু করল ওরা। হাত-পা
ঠেকিয়ে বরং পিছলানোর গতি কমাতে হলো, নইলে কোথায় গিয়ে
মুখ খুবড়ে পড়বে বলা যায় না, আহত হতে পারে।

অঙ্ককার শাফট ধরে এ-যেন পাতাল অভিমুখে যাত্রা। সামনে
আবছাভাবে দেখা যাচ্ছে জিমের ফ্ল্যাশলাইটের আভা, এ ছাড়া
সবকিছু আঁধারে ঢাকা। সময়জ্ঞান রইল না অ্যাবির, মনে হলো
অনন্তকাল ধরে নামছে ওরা। তারপর হঠাং একসময় স্থির হয়ে
গেল ফ্ল্যাশলাইটের আলো। প্রতিধ্বনি করে উঠল জিমের কণ্ঠ।

‘পৌছে গেছি আমি। আপনারা সাবধানে নামুন। শাফটের মুখ
থেকে গুহার মেঝে পাঁচ ফুট নীচে।’

শাফটের গায়ে বুট ঠেকিয়ে ব্রেক কষার চেষ্টা করল অ্যাবি।
খুব একটা লাভ হলো না। দড়াম করে গুহার মেঝেতে আছড়ে
পড়ল ও। ওর গায়ের উপর পড়ল লোবো আর পাওয়েল।

তিনজনেই ককিয়ে উঠল ব্যথায়।

তাড়াতাড়ি একটা গড়ান দিয়ে সরে গেল পাওয়েল। লোবোও লাফ দিয়ে উঠে দাঁড়াল। ব্যথাটা সয়ে এলে আস্তে আস্তে উঠে বসল অ্যাবি। তাকাল চারপাশে। ফ্ল্যাশলাইটের আলোয় আলোকিত হয়ে উঠেছে বড় একটা টানেল। কোথায় গিয়ে শেষ হয়েছে কে জানে! দু'পাশ-ই মিশেছে জমাট অঙ্ককারে।

দেয়ালের পাশে দাঁড়িয়ে আছে জিম। স্প্রে-পেইন্টে আঁকা একটা সবুজ ত্রিভুজ স্পর্শ করল আঙুল দিয়ে, কপালে ফুটে উঠেছে চিন্তার রেখা।

‘কোনও সমস্যা?’ উঠে দাঁড়িয়ে জিজ্ঞেস করল অ্যাবি। ‘ভুল জায়গায় এসেছি?’

‘না,’ মাথা নাড়ল জিম। ‘এই টানেল আমি চিনি। কিন্তু...’

কথা শেষ করল না সে। ফ্ল্যাশলাইট ঘোরাল মেঝের দিকে। মনে হলো গ্যালনখানেক লাল পেইণ্ট চেলে দিয়েছে কেউ ওখানে। কাছে গিয়ে গন্ধ শুঁকল লোবো, পরক্ষণে গরগর করে উঠল।

চমকে উঠল অ্যাবি। পেইণ্ট নয়, এ তো রক্ত! তাজা রক্ত!!

নিচু স্বরে ভাগ্যকে গালমন্দ করল পাওয়েল। ‘ড্রিফট স্টেশন ছেড়ে বেরনোই উচিত হয়নি আমাদের।’

কেউ প্রতিবাদ করল না এ কথার।

দশ

ওমেগা ড্রিফট স্টেশন থেকে একশো গজ দূরে উপুড় হয়ে আছে মাস্টার সার্জেন্ট হিউবার্ট রডহ্যাম। গায়ে পোলার হোয়াইট স্টর্ম সুট, শরীর ডুবিয়ে রেখেছে পুরু তুষারের ভিতর, দূর থেকে তার উপস্থিতি টের পাবার কোনও উপায় নেই। চোখে একটা ইনফ্রারেড বিনকিউলার লাগিয়ে রিসার্চ স্টেশনের উপর নজর রাখছে সে। হঠাৎ পলিনিয়ার পানি ভেদ করে রাশান সাবমেরিনটাকে ভেসে উঠতে দেখল।

কানে একটা জেনারেল ডাইনামিক অ্যাকুস্টিক ইয়ারপিস পরে আছে রডহ্যাম, গলায় টেপ দিয়ে লাগানো আছে সাব-ভোকাল মাইক্রোফোন। এ-দুটোর সাহায্যে বাইরের দুনিয়ার সঙ্গে যোগাযোগ রাখছে সে। সাবমেরিন ভেসে ওঠার খবর জানিয়ে দিল জায়গামত। প্রত্যুত্তরে পাহারা চালিয়ে যাবার নির্দেশ দেয়া হলো তাকে, নিষেধ করা হলো অ্যাকশনে যেতে। শুরু থেকেই এ-নির্দেশ পেয়ে আসছে সে ও তার পার্টনার। দু'জনেই কয়েক গজ তফাতে আত্মগোপন করে আছে বরফ-প্রান্তরে।

সিকি মাইল দূরে, একটা পাহাড়ি ঢালের আড়ালে খাড়া করা হয়েছে দুটো সাদা রঙের তাঁবু, সেখানে রয়েছে ডেল্টা ফোর্সের অ্যাডভাঞ্চ টিমের অবশিষ্ট চারজন কমাণ্ডো। ছয় সদস্যের দলটাকে ঘোলো ঘণ্টা আগে এয়ার-ড্রপ করা হয়েছে বরফ-দ্বীপের বুকে।

মূল দলটাও পৌছে গেছে ইতিমধ্যে। দলনেতার নাম মেজর অ্যারন উইলসন, কোডনেম ডেল্টা ওয়ান—অ্যাসল্ট টিম নিয়ে চার মাইল দূরে, র্যালি পয়েন্ট আলফায় অপেক্ষা করছে সে। সঙ্গে আছে আর্কিটিক ক্যামোফ্লাজে ঢাকা তিনটে হেলিকপ্টার, আদেশ পেলেই ছুটে আসবে হামলা চালাতে।

অস্থিরতা অনুভব করছে রডহ্যাম। সকালবেলা তার চোখের সামনেই প্রথমবারের মত উদয় হয়েছিল রাশান সাবমেরিনটা। স্বচক্ষে দেখেছে সে ড্রিফট স্টেশন দখল হয়ে যেতে, নিরীহ বিজ্ঞানী আর নেভির লোকজনকে বন্দি হতে... পালাবার চেষ্টা করে একজন নাবিক তো গুলি খেয়ে মারাই গেল! এরপর আবার বিমান নিয়ে পালাল দু'জন বন্দি, তাদেরকে ঠেকাবার প্রাণপণ চেষ্টা করল রাশানরা। এত কিছু ঘটে গেল, অর্থচ নীরব দর্শক হয়ে থাকা ছাড়া কিছুই করার ছিল না রডহ্যামের। কড়া নির্দেশ রয়েছে তার উপরে—যা-ই ঘটুক, রাশানদের কাজে নাক গলানো চলবে না। চুপচাপ সবকিছু মনিটর করে রিপোর্ট পাঠাতে হবে।

নির্দেশটা এসেছে মিশনের অপারেশনাল কমাণ্ডারের কাছ থেকে। কোথায় সে, জানে না রডহ্যাম। শুধু শুনেছে, মিশনের মূল লক্ষ্যবস্তু... যার কোডনেম ফুটবল... সেটার অবস্থান আবিষ্কারের চেষ্টা করছে কমাণ্ডার। তার আগে কোনও অ্যাকশনে যাবে না ডেল্টা ফোর্স, নইলে পুরো অপারেশন ভেঙ্গে যেতে পারে। তাই চলছে অপেক্ষার পালা... কখন পাওয়া যাবে সবুজ সক্ষেত, কখন আসল কাজে নামতে পারবে ওরা।

বিনকিউলারের ক্ষেপে চোখ রেখে সামনে তাকিয়ে রইল রডহ্যাম। পলিনিয়ায় ভেসে রয়েছে রাশান সাবমেরিন, কিন্তু ইঞ্জিন বন্ধ হয়নি ওটার। ছোট একটা শোর টিমকে নামতে দেখল জাহাজ থেকে। কয়েকজন চলে গেল রিসার্চ স্টেশনে, বাকিরা ছড়িয়ে-ছিটিয়ে পড়ল প্রান্তরের বিভিন্ন জায়গায়, হাঁটু গেড়ে কী শুন্দি পিঞ্জর-২

যেন পরীক্ষা করছে। নিশ্চয়ই ইনসেপ্টিয়ারি চার্জগুলো—সকালে
বরফ ঝুঁড়ে ওগুলো বসাতে দেখেছে রডহ্যাম।

পনেরো মিনিটের মধ্যে শোর টিমকে সাবমেরিনে ফিরতে
দেখল সে। সংখ্যা বেড়েছে ওদের। বিনকিউলারে ভাল করে
দেখল লোকগুলোকে। সবার পরনে সাদা পারকা... রাশান
ইউনিফর্ম। যদূর বোৰা যাচ্ছে, রিসার্চ স্টেশনের টিমটাকে
ফিরিয়ে নিয়ে যাচ্ছে। তা হলে বন্দিদেরকে পাহারা দিচ্ছে কে?

কী ঘটতে চলেছে, তা বুঝতে একটুও অসুবিধে হলো না
অভিজ্ঞ সার্জেণ্টের। তাড়াতাড়ি ট্রাঙ্গমিটারের বাটন চাপল সে।

‘ডেল্টা ওয়ান, রেসপন্ড!’

সঙ্গে সঙ্গে শোনা গেল মেজর উইলসনের গলা। ‘গো
অ্যাহেড, ডেল্টা ফোর!’

‘স্যার, আমার বিশ্বাস, রাশানরা রিসার্চ স্টেশন থেকে চলে
যাচ্ছে। বন্দিদেরকে সঙ্গে নেয়নি। ওদেরকে ইনসেপ্টিয়ারি চার্জ
চেক করতে দেখেছি আমি...’

‘বুঝতে পেরেছি, ডেল্টা ফোর। নতুন আদেশ এসেছে
আমাদের জন্য।’

স্নায় টানটান হয়ে গেল রডহ্যামের।

‘গো-কোড দিয়েছেন কন্ট্রোলার। তোমার লোকজনকে তৈরি
হতে বলো অ্যাকশনের জন্য।’

‘রজার দ্যাট, ডেল্টা ওয়ান।’

যোগাযোগ বিচ্ছিন্ন করে দিয়ে লুকানোর জায়গা থেকে শরীর
তুলল রডহ্যাম।

এবার শুরু হবে আসল যুদ্ধ।

সাগরের পানি চিরে দুর্বার বেগে ছুটে চলেছে ইউ.এস.এস.
পোলার সেণ্টিনেল। কন্ট্রোল ব্রিজে পাথরের মত চেহারা নিয়ে

দাঁড়িয়ে আছেন ক্যাপ্টেন গরডন। বিরাজ করছে থমথমে নীরবতা। কেউ কোনও কথা বলছে না। মিশনের গুরুত্ব অনুধাবন করতে পারছে সবাই... বুঝতে পারছে ঝুঁকির পরিমাণও। যে-কাজ করতে চলেছে ওরা, তা এক কথায় পাগলামি। ক্যাপ্টেন গরডন জানেন, সফল হলেও হয়তো বা পদচূত করা হবে তাঁকে এত বড় ঝুঁকি নেবার কারণে। কিন্তু পরোয়া করছেন না তিনি। ভাল-মন্দের বিচার করতে জানেন গরডন... জানেন, কখনও কখনও আদেশ পালনের চেয়ে বড় হয়ে দাঁড়ায় মানবিক দায়িত্ব। তারপরেও একটা প্রশ্ন থেকে যায়—কী করতে চলেছেন তিনি? কী বলা যায় এটাকে— বীরত্ব, নাকি স্বেক গাধামি?

ইতিমধ্যে কয়েকবারই উল্টো ঘুরবার নির্দেশ দিয়ে ফেলছিলেন তিনি, আলাক্ষার দিকে রওনা হতে চাইছিলেন... কিন্তু শেষ মুহূর্তে সামলেছেন নিজেকে। দ্বিধাদন্তের দোলাচলে অনবরত কাঁপছে হৃদয়—এমন পরিস্থিতিতে আর কোনও ক্যাপ্টেন কি পড়েছে অতীতে? নিজের উপর ঝুঁক হয়ে উঠেছেন তিনি, মনে হচ্ছে নেতৃত্ব দেবার যোগ্যতা নেই তাঁর।

কিন্তু তিনি সরে দাঁড়ালে দায়িত্ব নেবে কে?

‘ক্যাপ্টেন!’ চিফ অভ দ্য ওয়াচের ফিসফিসে ডাক শুনে ধ্যানভঙ্গ হলো ক্যাপ্টেনের। সাইলেন্ট মোডে এগোচ্ছে পোলার সেন্টিনেল, তারপরেও জোরে কথা বলবার সাহস পাচ্ছে না কেউ। কাছাকাছি আছে প্রতিপক্ষের সাবমেরিন, সোনারে ওরা মানুষের কঠ শুনে ফেলতে পারে।

ভুরু নাচালেন গরডন।

‘পজিশন কনফার্মড।’ জানাল চিফ অভ দ্য ওয়াচ। ‘ড্রাকন অলরেডি ওমেগার পাশে ভাসছে।’

তার স্টেশনের দিকে এগিয়ে গেলেন ক্যাপ্টেন। মনিটরে দেখলেন ওমেগার সঙ্গে তাঁদের দূরত্ব। আরও পাঁচ নটিক্যাল শুভ পিঞ্জর-২

মাইল। জিজ্ঞেস করলেন, 'কতক্ষণ আগে সারফেস করেছে ওরা?'

'বলা মুশকিল, স্যর,' হতাশ ভঙ্গিতে মাথা নাড়ল চিফ। এতক্ষণ ড্রাকনকে ট্র্যাক করতে পারেনি সে। সাইলেন্ট মোড বজায় রাখবার জন্য বন্ধ রাখতে হয়েছে অ্যাকটিভ সোনার, নইলে সেন্টিনেলের অস্তিত্ব ফাঁস হয়ে যেত। কাছাকাছি পৌছুনোয় এতক্ষণে লোকেট করা গেছে ড্রাকনকে, কিন্তু কখন ওটা ভেসে উঠেছে, জানার উপায় নেই।

কপালে ভাঁজ পড়ল ক্যাপ্টেন গরডনের। তাঁদের কাজ কঠিন হয়ে গেল। রাশানদের আগে যদি পৌছুনো যেত ওমেগায়, তা হলে একটা আশা ছিল। কিন্তু এতক্ষণে ইভ্যাকুয়েশন শুরু করে দিয়েছে ওরা। ইউ.কিউ.সি. কমিউনিকেশনে শোনা কথাগুলো যদি ঠিক থাকে, তা হলে ধরে নিতে হয়, পানিতে ডুব দিয়েই ইনসেণ্টিয়ারি চার্জগুলো ফাটিয়ে দেবে ড্রাকনের ক্যাপ্টেন। হাতে একেবারেই সময় নেই।

ক্যাপ্টেনের পাশে এসে দাঁড়াল সেন্টিনেলের ডাইভিং অফিসার লেফটেন্যাণ্ট মিচাম। বলল, 'স্যর, প্রপোজড সিনারিও-টা নিয়ে হিসেব 'সেরে ফেলেছি আমি। কয়েক ধরনের অপশন আছে আমাদের হাতে।'

'ওখানে পৌছুতে কতক্ষণ লাগবে, সেটা আগে বলো,' অস্ত্রির গলায় বললেন গরডন।

'তিন মিনিটের মধ্যে সেন্টিনেলকে পজিশনে পৌছে দিতে পারব আমি, কিন্তু নিরাপদে ভেসে উঠার জন্য আরও দু'মিনিট চাই।'

'পাঁচ মিনিট?' হতাশ গলায় বললেন গরডন। 'এ তো অনেক সময়!'

সাবমেরিনের স্পিড চেক করলেন তিনি। বিয়ালিশ নট। সাইলেন্ট মোডে একটা ডুবোজাহাজের জন্য উর্ধ্বশ্বাসে দৌড় বলা

www.facebook.com/banglabookpdf
যেতে পারে, তবে সেটা সম্ভব হচ্ছে জাহাজটা পোলার সেন্টিনেল
বলে। এরচেয়েও জোরে ছোটা যায়, কিন্তু সাহস করছেন না
তিনি। প্রপেলার বা পানির আলোড়ন শুনতে পাবে ড্রাকন... আর
তার অর্থ নিশ্চিত মৃত্যু।

ভাল করে সবকিছু ভেবে দেখলেন ক্যাপ্টেন। জায়গামত
পৌছুতে হবে তাঁদেরকে, ভেসে উঠতে হবে, তারপর চালাতে হবে
রেসকিউ অপারেশন। সবশেষে দিতে হবে পিঠ্টান। নাহ,
মিরাকল না ঘটলে এত সময় পাবার প্রশ্নই ওঠে না। কাঁধ ঝুলে
পড়ল তাঁর। রাশানদের আগে যদি পৌছুনো যেত, তা হলেও
একটা সুযোগ ছিল; কিন্তু এখন...

ডাইভিং অফিসারের থমথমে চেহারার দিকে তাকালেন
গরডন, সে-ও বুঝতে পারছে বাস্তবতা। সবাই বুঝতে পারছে।
এরপরেও এই অভিযানে যাওয়া মানে আত্মহত্যা করা। বড় করে
শ্বাস নিলেন ক্যাপ্টেন, জাহাজের মুখ ঘোরাবার নির্দেশ দেবেন।
চেষ্টা করেছিলেন, কিন্তু লাভ হয়নি। রাশানরা প্রতিযোগিতায়
হারিয়ে দিয়েছে তাঁদেরকে।

কিন্তু মুখ খুলতে গিয়েই থমকে গেলেন তিনি। মানসচোখে
ভেসে উঠল শ্যারনের চেহারা... ওর হাসিমাখা মুখ। বুকের ভিতর
শূন্যতা অনুভব করলেন। গলা খাঁকারি দিলেন তিনি। তাকালেন
চিফ অভ দ্য ওয়াচের দিকে।

‘চিফ, রাশানদেরকে একটু দেরি করিয়ে দিতে হবে
আমাদের।’

‘কীভাবে দেরি করাব, স্যর?’ বোকা বোকা কঢ়ে জানতে
চাইল চিফ।

‘অ্যাকচিভ সোনারে একটা পিং সিগনাল পাঠাও... খোঁচা দাও
ওদেরকে।’

‘স্যর?’ হতভম্ব গলায় বলল চিফ অভ দ্য ওয়াচ।

ব্যাখ্যা করলেন গরডন, ‘ড্রাকনকে আমি জানিয়ে দিতে চাই, আশপাশের পানিতে ওরাই একমাত্র সাবমেরিন নয়। বুরুক, ওদের উপর নজর রাখছি আমরা। ওরা ভাবছে অনেক আগে চলে গেছি আমরা, ওদের কুকর্মের কোনও সাক্ষী থাকছে না... কিন্তু পিং করার সঙ্গে সঙ্গে তটস্থ হয়ে উঠবে ক্যাপ্টেন, চার্জ ফাটানোর সাহস পাবে না। কী করবে না করবে, সেটা জেনে নিতে চাইবে ওদের কমাণ্ডারের কাছ থেকে। তাতে সময় লাগবে... আর ওই সময়টাই দরকার আমাদের।’

‘কিন্তু আমাদের উপস্থিতি টের পাবার সঙ্গে সঙ্গে সতর্ক হয়ে যাবে ওরা,’ প্রতিবাদের সুরে বলল মিচাম, ‘হামলাও করে বসতে পারে। আমরা রেসকিউ অপারেশন চালার কীভাবে?’

‘চিন্তা কোরো না,’ বললেন গরডন। ‘সেন্টিনেলকে উত্তর মেরুতে পাঠানোই হয়েছে স্পিড আর স্টেলথ ক্যাপাবিলিটির পরীক্ষা দেবার জন্য। সেটাই করতে চলেছি আমি।’

আশ্চর্য হলো না মিচাম। কাঁধ ঝাঁকিয়ে বলল, ‘আপনিই ভাল বোঝেন, স্যর।’

চিফ অভ দ্য ওয়াচের দিকে ফিরলেন ক্যাপ্টেন। ‘একটা পিং... তারপর আবার ডেড সাইলেন্ট, ঠিক আছে?’

‘আই আই, স্যর!’ বলে সোনার ইকুইপমেণ্ট অন্ করতে শুরু করল চিফ।

‘পিং করার সঙ্গে সঙ্গে জাহাজকে পঁয়তাল্লিশ ডিগ্রি ঘুরিয়ে নেবে,’ মিচামকে নির্দেশ দিলেন গরডন। ‘আমি চাই না ওরা আমাদের পজিশন লক করতে পারুক। দ্রুত এবং নিঃশব্দে চলাফেরা করব আমরা...’

‘ঠিক ভূতের মত,’ একটু হাসল এবার মিচাম। ‘বুঝতে পেরেছি, স্যর।’ নিজের স্টেশনে চলে গেল সে।

হঠাৎ একজন সোনার টেকনিশিয়ান লাফ দিয়ে উঠে দাঁড়াল,

পাস্তিভ সোনার মনিটর করছিল সে। উত্তেজিত গলায় বলল,
স্যার! ভেঙ্গিতের আওয়াজ পাচ্ছি আমি... ড্রাকন থেকে আসছে!

পরিবেশ-পরিস্থিতি ভুলে গিয়ে গাল বকে উঠলেন ক্যাপ্টেন।
রাশান সাবমেরিনটা ডাইভ দেবার প্রস্তুতি নিচ্ছে—ব্যালাস্ট থেকে
বাতাস বের করে দিয়ে ভরতে শুরু করেছে পানি। তারমানে
ইভ্যাকুয়েশন শেষ... বড় দেরি করে ফেলেছেন তাঁরা।

নিজের আসন থেকে ক্যাপ্টেনের দিকে ঘাড় ফেরাল চিফ অভ
দ্য ওয়াচ। নীরবে জানতে চাইল, পরিকল্পনা মোতাবেক কাজ
করবে, নাকি থামবে?

দাঁতে দাঁত পিষলেন গরডন। ‘চিফ, ঘণ্টা বাজাও ওদের
দরজায়।’

মাথা ঝাঁকিয়ে একটা বোতাম চাপল চিফ। ব্যস, হয়ে গেল
কাজ। সেণ্টিনেলের সোনার ট্রাঙ্গমিটার থেকে মৃদু একটা শব্দতরঙ্গ
ছুটে গেল ড্রাকনের দিকে।

চিল ছোঁড়া হয়ে গেছে, এখন আর তাকে ফেরাবার উপায়
নেই। নিজেদের উপস্থিতি ফাঁস করে দিয়েছেন গরডন। মাথা
ঘুরিয়ে ইশারা করলেন মিচামকে। সঙ্গে সঙ্গে নাক ঘোরাতে শুরু
করল সেণ্টিনেল, সরে আসছে পুরনো কোর্স থেকে। সিগনালের
উৎপত্তিস্থলে ডুবোজাহাজটাকে আর খুঁজে পাবে না ড্রাকন।

কয়েক মুহূর্ত কাটল রংন্ধনাস উত্তেজনায়। তারপরেই রিপোর্ট
দিল সোনার টেকনিশিয়ান, ‘ভেঙ্গিং থেমে গেছে, স্যার।’

মাথা ঝোকালেন ক্যাপ্টেন গরডন, তাঁর উদ্দেশ্য সফল
হয়েছে।

‘স্যার!’ বাট করে তাঁর দিকে মাথা ঘোরাল আরেক সোনার
টেকনিশিয়ান, মাথায় হেডফোন পরে আছে সে। ‘আরেকটা
কণ্ট্যাক্ট পাচ্ছি আমি! হাইড্রোফোনে আওয়াজ শোনা যাচ্ছে।’

‘কী!’ চমকে উঠলেন গরডন। ত্রস্ত পায়ে এগোলেন লোকটার

দিকে। ‘কোথেকে আসছে?’

একটা আঙুল উঁচু করল টেকনিশিয়ান। ‘ঠিক আমাদের মাথার উপর থেকে, স্যর।’

হেডফোনের জন্য হাত বাড়ালেন গরডন, ওটা খুলে দিল টেকনিশিয়ান। একটা ইয়ারপিস কানে ঠেকালেন তিনি, মনোযোগ দিয়ে শুনলেন শব্দটা। মনে হলো ড্রাম বাজছে... একটা নয়, অনেকগুলো। ধীরে ধীরে দ্রুততর হচ্ছে তাল। সোনারের উপর ট্রেইনিং আছে ক্যাপ্টেনের, আওয়াজটা কীসের, তা বুঝতে কষ্ট হলো না।

‘রোটর ওয়াশ!’ ফিসফিসিয়ে বললেন তিনি।

মাথা ঝাঁকিয়ে সায় দিল টেকনিশিয়ান। ‘ঠিক ধরেছেন, স্যর। দুটো হেলিকপ্টার উদয় হয়েছে আকাশে।’

ঠিক ওই সময়ে, ড্রাকনের ব্রিজে ক্যাপ্টেন রুশকিনও তার সোনার ক্রু-র কাছ থেকে একই রিপোর্ট পাচ্ছে। কিছুক্ষণ আগে অচেনা একটা পিং সিগনাল রিসিভ করেছে তারা—নিখুঁত এবং ইচ্ছাকৃত। নিঃসন্দেহে আরেকটা জলযান আছে পানির তলায়। আর এখন... আকাশে হাজির হয়েছে একজোড়া বিপদ।

উপর-নীচে শক্র... মাঝখানে ফাঁদে পড়ে গেছে ড্রাকন।

দুশ্চিন্তা অনুভব করছে রুশকিন। নীচের সাবমেরিনটা যেহেতু পিং করতে পেরেছে তাদেরকে, তার অর্থ ওরা ওয়েপন্স লক-ও করে ফেলেছে। সম্ভবত একটা টর্পেডো তাক করে রাখা হয়েছে ড্রাকনের দিকে। এখনও ওটার আওয়াজ শোনা যাচ্ছে না পানিতে, তারমানে খোঁচাটা দেয়া হয়েছে ওয়ার্নিং হিসেবে। কিছু করতে গেলেই টর্পেডো মেরে ডুবিয়ে দেয়া হবে তাদেরকে।

কী করবে ভেবে পাচ্ছে না রুশকিন। কোণঠাসা অবস্থা তার। পলিনিয়ার ভিতরে নড়াচড়ার জায়গা নেই। হামলা শুরু হলে

হাঁড়িতে আটকা পড়া মাছের দশা হবে ড্রাকনের। সাবমেরিনকে চরপাশ থেকে ঘিরে রেখেছে পুরু বরফ, ফলে ঠিকমত সোনার মুইপ চালানো সম্ভব নয়। ভাসমান অবস্থাতেও ওরা প্রায়-অঙ্গ। ঝড়ের কারণে দৃষ্টিসীমা সংকুচিত হয়ে আছে।

ডাইভিং অফিসারের কাঁধের উপর দিয়ে রেইডার ক্রিনের দিকে তাকাল রুশকিন। সমস্ত রিডিং এলোমেলো করে দিচ্ছে তুষারঝড় আর মেরু-এলাকার ম্যাগনেটিক ফ্লাক্স। দু-দুটো হেলিকপ্টার ছুটে আসছে সাবমেরিনকে লক্ষ্য করে, কিন্তু ওগুলোর উপরে লক্ষ্যস্থির করবার কোনও উপায় নেই।

‘রিজলাইন ধরে আসছে ওরা,’ বলে উঠল কারপভ। ‘অনেক নীচ দিয়ে।’

‘মিসাইল লঞ্চ ডিটেক্ট করছি আমি, ক্যাপ্টেন!’ সোনার টেকনিশিয়ান চেঁচিয়ে উঠল।

শাপ-শাপান্ত করে উঠল রুশকিন। এক্সটেরিয়র ক্যামেরার মনিটরগুলো প্রায় অচল—প্রেশার রিজের আবছা অবয়ব ছাড়া আর কিছুই বোঝা যাচ্ছে না ওতে, বাকি দুনিয়া সাদা।

‘এরিয়াল কাউন্টার-মেয়ার!’ চেঁচিয়ে নির্দেশ দিল সে। ‘শ্যাফ ওড়াও!'

শাই শাই করে আকাশে উড়ল শ্যাফ, বিস্ফোরিত হয়ে ধাতুকণার একটা মেঘ তৈরি করবে—মিসাইলের জন্য তৈরি করে দেবে কৃত্রিম একটা টার্গেট, সাবমেরিনে আর আঘাত হানবে না ওটা কিন্তু এ-পদ্ধতিটা শতভাগ কার্যকর নয়।

ভাসমান অবস্থার চাইতে নাজুক আর কোনও অবস্থা হতে পারে না সাবমেরিনের জন্য। রুশকিন বুঝতে পারছে, এরচেয়ে সাগরের মেঝেতে পড়ে থাকা অনেক ভাল। গোল্লায় যাক নীচের সাবমেরিন। মিসাইল-সজ্জিত দুটো অ্যাটাক হেলিকপ্টারের চেয়ে নিঃসঙ্গ আরেকটা ডুবোজাহাজকে মোকাবেলা করাই বুদ্ধিমানের শুভ পিঞ্জর-২

কাজ।

‘ফ্লাড নেগোটিভ!’ নতুন নির্দেশ দিল সে। ‘ইমার্জেন্সি ডাইভের সঙ্কেত বাজাও!’

সঙ্গে সঙ্গে ড্রাকনের অভ্যন্তর গমগম করে উঠল ডাইভ-অ্যালার্মের বিকট আওয়াজে। ব্যালাস্টে ঢুকতে থাকা পানির প্রবাহ কাঁপিয়ে দিল পুরো খোল।

ফায়ার-কন্ট্রোল স্টেশনের ক্রু-র দিকে তাকাল রুশকিন। ‘যতক্ষণ না পুরোপুরি ডুব দিচ্ছি, শ্যাফ ওড়াতে থাকো।’ এরপর ফিরল ওয়েপস অফিসারের দিকে। ‘নীচে কে অপেক্ষা করছে, জানতে চাই আমি। পলিনিয়া ক্লিয়ার হ্বার সঙ্গে সঙ্গে যেন ফায়ার ওপেন করতে পারি ওদের উপর।’

‘ইয়েস, স্যর্বে!’ চেঁচিয়ে জবাব দিল ওয়েপস অফিসার।

ভিডিও মনিটরে চোখ ফেরাল রুশকিন। শক্তি হয়ে উঠল। শ্যাফ কাজ করছে না, আকাশে ওঠার সঙ্গে সঙ্গে ওটার তৈরি মেঘকে উড়িয়ে নিয়ে যাচ্ছে তীব্র বাতাস। নাঞ্জা করে দিচ্ছে সাবমেরিনকে।

ব্যালাস্ট ট্যাঙ্ক ভরে যেতেই ভারী পাথরের মত নামতে শুরু করল ড্রাকন। কিন্তু শেষ মুহূর্তে মনিটরে একটা আলোড়ন লক্ষ করল রুশকিন। উড়ন্ত তুষারের পর্দা ভেদ করে কালচে একটা আকৃতি ছুটে আসছে তাদের দিকে।

একটা সাইডওয়াইগার মিসাইল!

দম আটকে এল রুশকিনের। পরক্ষণে ফেনায়িত পানি ঢেকে ফেলল ক্যামেরাকে, হারিয়ে গেল বাইরের দৃশ্য। সেকেণ্টের ব্যবধানে ঘটল বিস্ফোরণ।

কানে তালা লেগে গেল বিকট আওয়াজে। ড্রাকনের দেহ এমনভাবে ঝাঁকি খেলো, যেন অতিকায়। একটা স্লেজহ্যামার দিয়ে আঘাত করা হয়েছে খোলে। মেঝেতে ছিটকে পড়ল রুশকিন সেই

ঝাঁকিতে, একই সঙ্গে কাত হয়ে গেল সাবমেরিন। ক্যামেরাটা অবার উঠে এল পানির উপরে। মনিটরে ভেসে উঠল পলিনিয়ার একটা অংশ, কিনারটা গায়ের হয়ে গেছে... সেখানে বিশাল একটা গর্ত। ধোঁয়া উঠছে ওখান থেকে।

ভাগ্যকে বিশ্বাস করতে পারল না রুশকিন—মিসাইল লক্ষ্যভ্রষ্ট হয়েছে... অল্লের জন্য রক্ষা পেয়েছে ড্রাকন। শেষ মুহূর্তে সামান্য মেঘ তৈরি করতে পেরেছিল শ্যাফ, সেটাই ঘুরিয়ে দিয়েছে ক্ষেপণাস্ত্রের গতিপথ।

তবে প্রচণ্ড শকওয়েভের ধাক্কায় একপাশে সরে গেছে সাবমেরিন, দড়াম করে বাড়ি খেলো পলিনিয়ার অক্ষত কিনারায়। ডুবতে না পেরে ভেসে উঠল আবার, তবে বেশি স্ময়ের জন্য নয়। পরিপূর্ণ ব্যালাস্টের ওজনে ডুবতে শুরু করল দ্রুত।

হাঁচড়ে-পাঁচড়ে উঠে দাঁড়াতেই দ্বিতীয় একটা মনিটরের উপর চোখ পড়ল রুশকিনের। এই ক্যামেরাটা পানির তলায় ডুবে গেছে, কিন্তু একটু কোনাকুনিভাবে ফোকাস হয়ে আছে উপরদিকে। ইমেজ স্থির নয়, পানির আলোড়নে কাঁপছে, তারপরও স্বচ্ছ সাগরজল ভেদ করে বোৰা যাচ্ছে ওপাশের দৃশ্য।

মনিটরে পোলার ক্যামোফ্লাজ পরা একজন সৈনিককে দেখতে পেল সে, ছুটে আসছে পলিনিয়ার কিনারে। কাঁধে লম্বা একটা টিউব... তাক করে রেখেছে ক্যামেরার দিকে। অস্ত্রটা চিনতে পেরে চমকে উঠল রাশান ক্যাপ্টেন—রকেট লঞ্চার! ওটার মুখে ঝলসে উঠল আগুনের গোলা।

‘রেডি ফর ইম্প্যাট!’ চেঁচিয়ে উঠল রুশকিন।

তার চিংকার মিলিয়ে যাওয়ার আগেই রকেটের আঘাতে কেঁপে উঠল ড্রাকন। এবার আর মিস করেনি প্রতিপক্ষ। সাবমেরিনের আফটে আঘাত হানল আর্মার-পিয়ার্সিং রকেট, খোল শুভ পিঞ্জর-২

ফুটো করে ভিতরে চুকে বিস্ফোরিত হলো।

তারস্থরে বেজে উঠল অ্যালার্ম, পানি চুকতে শুরু করেছে খোলের ভিতরে। খোলা দরজা দিয়ে পাক খেয়ে বিজে চুকল কালো ধোঁয়া। খক খক করে কাশতে লাগল সবাই।

ব্যালাস্ট ট্যাঙ্ক টইটম্বুর, এ-অবস্থায় স্টার্ন সেকশন পানিতে ভরে যেতেই পানির উপরে উঠে গেল ড্রাকনের নাক, কোনাকুনি একটা ভঙ্গিতে ডুবতে শুরু করল। প্লেইনস্ম্যান যুঝছে সাবমেরিনকে লেভেলে আনার জন্য, তার উদ্দেশে কারপভকে চেঁচাতে শুনল রুশকিন। ধাতব শব্দ ভেসে এল পিছন থেকে স্বয়ংক্রিয়ভাবে বন্ধ হয়ে যাচ্ছে সবগুলো ওয়াটারটাইট হ্যাচ, স্টার্ন সেকশনকে আলাদা করে ফেলছে ডুবোজাহাজের বাকি অংশ থেকে, নইলে পানি চুকে পড়বে খোলের সবখানে।

ভিডিও মনিটরের দিকে আবার তাকাল রুশকিন। বাইরের দৃশ্য পরিষ্কার দেখা যাচ্ছে, ক্যামেরা উঠে গেছে পানির উপরে। রকেট-লঢ়ারঅলা লোকটাকে খুঁজল... ওই তো, পলিনিয়ার পাড় ধরে দৌড়াচ্ছে সে, উর্ধ্বশাসে পালিয়ে যাচ্ছে সাবমেরিনের কাছ থেকে। কিন্তু কেন?

জবাবটা পাওয়া গেল কয়েক সেকেণ্ট পর, যখন উড়ন্ত তুষারের মাঝ থেকে বেরিয়ে এল দুটো হেলিকপ্টার—সিকোরক্ষি সি-হক আর সিকোরক্ষি এইচ-নাইটি টু হেলিবাস। সি-হকটা ছুটে এল পলিয়ানার দিকে, আর ড্রিফট স্টেশনের দিকে গেল হেলিবাসটা। ক্যামেরায় হেলিবাসের দরজা খুলে যেতে দেখল রুশকিন, পরমুহূর্তে র্যাপলিং করে ওটা থেকে নেমে এল একদল সশস্ত্র লোক। ওদের পরিচয় আঁচ করতে কষ্ট হলো না—ইউ.এস. ডেল্টা ফোর্স... রিয়ার অ্যাডমিরাল নিকোলায়েভ এদের ব্যাপারে সতর্ক করে দিয়েছিলেন তাকে।

রোটরের তীব্র আওয়াজে সচকিত হয়ে উঠল রাশান

ক্যাপ্টেন। সি-হকটা চলে এসেছে পলিনিয়ার উপরে, চক্রর দিতে শুরু করেছে ড্রাকনকে ঘিরে—ঠিক যেভাবে অসহায় শিকারকে ঘিরে চক্রর দেয় হাঙ্গর। হতাশায় মাথা দোলাল রুশকিন। কিছু করার নেই, ঘায়েল হয়েছে ড্রাকন, প্রায় খাড়া হয়ে ডুবে যেতে বসেছে সাগরে, কোনও উপায় নেই ডুবোজাহাজটাকে বাঁচাবার... লড়াই করা তো অনেক পরের কথা। এখন শুধু প্রতিপক্ষের কাছে দয়া ভিক্ষা চাওয়া যেতে পারে, বন্দি হবার পর যেন মানবিক আচরণ করা হয় রাশানদের প্রতি।

জাহাজ ত্যাগ করবার আদেশ দেবার জন্য মুখ খুলল রুশকিন, আর তখনি ক্যামেরার সামনে দিয়ে উড়ে গেল সি-হক। মনিটরের দিকে তাকিয়ে চোখ পিটিপিট করল সে, কপ্টারটার আগুরক্যারিজে বৈসাদৃশ্য লক্ষ করেছে—কী যেন ঝুলছে ওটার তলায়। হতবাক হয়ে কয়েক মুহূর্ত দাঁড়িয়ে থাকার পর চেনা গেল ওগুলো।

ড্রাম... ধূসর রঙের অনেকগুলো ড্রাম বাঁধা সি-হকের পেটের তলায়। শিরদাঁড়া বেয়ে শীতল একটা স্নোত বয়ে গেল রুশকিনের, ও-জিনিস খুব ভাল করে চেনে সে। যে-কোনও সাবমেরিনারই চেনে।

ডেপথ চার্জ... ডুবোজাহাজের যম!

বিস্ফারিত দৃষ্টিতে ড্রামগুলোকে খসে পড়তে দেখল রুশকিন। একে একে ওগুলো আছড়ে পড়তে শুরু করল ডুবন্ত সাবমেরিনের চারপাশে... একটু পরেই ঘটবে বিস্ফোরণ।

বুঝে গেল রাশান ক্যাপ্টেন—দয়া ভিক্ষা করে লাভ হবে না। দয়া দেখাতে আসেনি ওরা।

এগারো

পোলার সেটিনেলের সাইক্লপস্ চেম্বারে দাঁড়িয়ে আছেন ক্যাপ্টেন গরডন, স্বচ্ছ দেয়াল তৈর করে তাকিয়ে আছেন বাইরের সাগরের দিকে। লড়াই শুরু হবার সঙ্গে সঙ্গে নিরাপদ দূরত্বে সরে এসেছে সেটিনেল, ইঞ্জিন বন্ধ করে ভাসছে নিঃশব্দে।

মিসাইল ছোড়ার আওয়াজ পেয়েই ডিপ ডাইভের নির্দেশ দিয়েছিলেন গরডন, ধারণা করেছিলেন সেটিনেলের উপর হামলা করা হয়েছে। খানিক পর সোনার চিফ যখন রাশান ডুবোজাহাজের উপর রকেট আঘাতের খবর শোনাল, বোৰা গেল ভুল করেননি তিনি। আধ মাইল দূর থেকে বিস্ফোরণের শব্দ শুনেছেন তাঁরা, শুনেছেন ড্রাকনের খোলে কলকল করে পানি ঢোকার আওয়াজ।

কে এই হামলা চালিয়েছে, তাও আন্দাজ করতে পারছেন ক্যাপ্টেন। ডেল্টা ফোর্স... অ্যাডমিরাল হেনরি বেকেটের শেষ মেসেজে ওদের কথা বলা হয়েছিল।

তারপরেও নিজেদের উপস্থিতি প্রকাশ করবার আগে নিশ্চিত হয়ে নিতে চাইছেন গরডন। মন খুঁত খুঁত করছে তাঁর। হামলার টাইমিং বজ্জ নিখুঁত। তুষারঝড়ের মাঝখানে ডেল্টা ফোর্সের কমাণ্ডোরা পৌছুল কীভাবে? হেলিকপ্টারগুলোর আওয়াজও শোনা যায়নি কেন এর আগে? হতে পারে অনেক উপর দিয়ে উড়ে

এসেছে, হামলা চালানোর সময় নীচে নামায় হাইড্রোফোন ধরতে পেরেছে রোটরের আওয়াজ... কিন্তু পুরোপুরি সম্পৃষ্ট হতে পারছেন না গরডন।

এ-ধরনের অসঙ্গতি পছন্দ নয় তাঁর। সন্দেহপ্রবণ মানুষ তিনি, তবে একজন সাবমেরিন কমাণ্ডারের জন্য সেটা কোনও দোষ নয়। পানির তলায় অজানা বিপদ টের পাবার জন্য সার্বক্ষণিক সন্দেহবাতিক বরং একটা ভাল গুণ।

প্রশ়ঁগুলোর জবাব খুঁজছেন ক্যাপ্টেন, আর খুঁজছেন সাইক্লপস্ চেম্বারে দাঁড়িয়ে। ওখান থেকে স্বচক্ষে দেখছেন লড়াই। প্রথমে সেন্টিনেলের এক্সটারনাল ক্যামেরার সাহায্য নিতে চেয়েছিলেন, কিন্তু এত দূরের দৃশ্য জুম করতে পারছিল না ক্যামেরা। তাই উদ্ভাবনী শক্তি খাটিয়েছেন গরডন। একজোড়া দূরবীন নিয়ে চলে এসেছেন সাইক্লপস্ চেম্বারে। স্বচ্ছ দেয়াল ভেদ করে দূরবীনের সাহায্যে দেখছেন কী ঘটে না ঘটে।

আধ-মাইল দূরে, পলিনিয়ার পানিতে ডুবে যাচ্ছে ড্রাকন, নাক উঠে গেছে পানির উপরে। স্বচ্ছ পানির মধ্যে অনেকদূর পর্যন্ত পৌছুচ্ছে সারফেসের আলোর আভা, তাতে পরিষ্কার ফুটে উঠেছে রাশান ডুবোজাহাজটার অবয়ব। ষাট ডিগ্রি হেলে রয়েছে টিউবের মত আকৃতিটা... খাড়াই বলা চলে।

চুপচাপ তাকিয়ে রইলেন গরডন; জানেন, লড়াইয়ে হাঁর হয়েছে রাশানদের। ড্রাকনকে ভাসিয়ে রাখার আর কোনও উপায় নেই। জাহাজ ত্যাগের আদেশ দেবে রাশান ক্যাপ্টেন যে-কোনও মুহূর্তে। হঠাৎ সাবমেরিনটার পাশের পানিতে আলোড়ন উঠল, সেখানে দেখা গেল চোখ ঝলসানো আলো। তার পরেই ভেসে এল চাপা গুমগুম আওয়াজ—যেন বজ্রপাত হলো। ঝনঝন করে কেঁপে উঠল সেন্টিনেলের কাঠামো।

ক্ষণিকের জন্য অন্ধ হয়ে গিয়েছিলেন ক্যাপ্টেন আলোর শুভ পিঞ্জর-২

ঝলকানিতে, দৃষ্টি স্বাভাবিক হতেই ড্রাকনকে পুরো খাড়া হয়ে যেতে দেখলেন—খোলের গায়ে ধরেছে অসংখ্য ফাটল! চারদিকে ভাসছে অসংখ্য বরফখণ্ড।

‘ক্যাপ্টেন!’ জ্যান্ত হয়ে উঠল ইন্টারকমের স্পিকার। উভেজিত গলায় চেঁচাচেছে লেফটেন্যাণ্ট মিচাম। ‘ডেপথ চার্জ ডিটেক্ট করছি আমরা।’

ছোঁ মেরে রিসিভার তুলে নিলেন গরডন। ‘এখান থেকে সরিয়ে নাও আমাদেরকে! এক্ষুণি!!’

কথা শেষ করেই সাইক্লপস্ চেম্বার থেকে বেরিয়ে পড়লেন তিনি। ছুটতে শুরু করলেন ব্রিজের দিকে।

হাত পিছমোড়া করে বাঁধা, স্থির হয়ে বসে আছেন রিচার্ড ম্যানিটক। চারপাশে সবাই চেঁচামেচি করছে, কিন্তু তিনি নির্বাক, চেহারায় ফুটে উঠেছে অঙ্গুত এক প্রশান্তি। বিশ্বের গণের আওয়াজে থরথর করে কেঁপে উঠল পুরো ব্যারাক, শান্ত চোখে এদিক-ওদিক তাকালেন বৃক্ষ ইনুইট। নেভির লোকজন ব্যস্ত হয়ে উঠেছে, আসবাবপত্রের কোনায় ঘষাঘষি করে ছেঁড়ার চেষ্টা করছে হাত-পায়ের বাঁধন। কিন্তু তিনি একবিন্দু নড়লেন না।

অ্যাবি আর পাওয়েল পালিয়ে যাওয়ার পর প্লাস্টিকের স্ট্র্যাপ দিয়ে বন্দিদের হাত-পা বেঁধে রেখে গেছে রাশানরা। ব্যারাকের ভিতরে সশস্ত্র প্রহরাও বসানো হয়েছিল, কিন্তু খানিক আগে সরিয়ে নেয়া হয়েছে সেই প্রহরা। হাবভাবে মনে হয়েছে, চলে যাচ্ছে দখলদার বাহিনী।

কিন্তু কেন? যা খুঁজছিল, তা কি পেয়ে গেছে ওরা? বন্দিদের এভাবে ফেলে গেল কেন? কী অপেক্ষা করছে ওঁদের ভাগ্যে? জবাবটা আন্দাজ করতে পারছেন রিচার্ড। ভি-ক্লাস ইনসেণ্টিয়ারি চার্জগুলোর কথা শুনেছেন তিনি; বুঝে গেছেন, ওদেরকে মরার

জন্য ফেলে গেছে রাশানরা। বিস্ফোরণের আওয়াজ শুনে মনে হচ্ছে ফাটতে শুরু করেছে এক্সপ্লোসিভগুলো... মৃত্যু এখন স্বেফ সময়ের ব্যাপার।

তাই আর অস্তির হচ্ছেন না রিচার্ড। শান্তভাবে মেনে নিচ্ছেন ভাগ্যকে। অ্যাবি পালিয়ে যেতে পেরেছে, এটাই তাঁর জন্য সবচেয়ে বড় সান্ত্বনা।

‘সবাই শান্ত হোন!’ হঠাৎ গমগম করে উঠল লেং কমাওয়ার রাইটের গলা। প্রাথমিক আতঙ্ক কেটে গিয়ে স্বভাবসুলভ নেতৃত্ববোধ ফিরে পেয়েছে সে। ‘এভাবে পাগলামি করলে রক্ষা পাব না কেউ। ভাল করে খুঁজে দেখুন, ধারালো কিছু পাওয়া যায় কি না। ঘষাঘষি করে প্লাস্টিকের স্ট্র্যাপ ছেঁড়া যাবে না।’

কাজ হলো তার ভাষণে। কিছুটা সুশৃঙ্খলভাবে ব্যারাকের ভিতরে তল্লাশি চালাতে শুরু করল সবাই।

রিচার্ড তাতে যোগ দিলেন না। শুধু শরীর ঘষটে ফায়ারপ্লেসের কাছে গিয়ে বসলেন। মরবার আগে শরীরটা একটু গরম করে নিতে পারলে ক্ষতি কী!

খাড়া একটা প্রেশার রিজের আড়ালে কাভার নিয়েছে মাস্টার সার্জেন্ট রডহ্যাম, রকেট-লঢ়ারটা ফেলে রেখেছে তুষারের উপর—ওটার প্রয়োজন ফুরিয়েছে। কান ব্যথা করেছে ডেপথ চার্জ বিস্ফোরণের অবিরাম আওয়াজে। রিজলাইনের পিছনে কাভার নেবার পরেও সোলার প্লেক্সাসে ঘুসির মত লাগছে বিস্ফোরণের শকওয়েভ।

পলিনিয়ার পানিতে একের পর এক ড্রাম পড়তে দেখছে সে, দশ ফুটে সেট করা হয়েছে ডিটোনেশন, ওই গভীরতায় পৌছেই সশব্দে ফাটছে ওগুলো। ছিটকে উঠছে পানি আর বরফ, পুরো দ্বীপটাই যেন মাতাল হয়ে উঠেছে রডহ্যামের শরীরের নীচে।

ছোট পলিনিয়াটা এখন স্ক্রেফ এক নরক। জলাশয়ের কিনারা হয়ে গেছে ক্ষত-বিক্ষত, ইতস্তত জুলছে আগুন। বিশ্ফোরণের আঁচে ফুটছে পানি, টগবগ করছে, তার মাঝে খাবি খাচ্ছে রাশান সাবমেরিন। পুরোপুরি খাড়া হয়ে গেছে ওটা, ভিতরে আটকা পড়া বাতাস বয়ার মত ভাসিয়ে রাখছে কাঠামোকে, তবে বেশি সময়ের জন্য নয়। প্রতি মুহূর্তে ভাঙ্গা খোল ভরে উঠছে সাগরের পানিতে, ওজনের টানে আস্তে আস্তে তলাচ্ছে ডুবোজাহাজটা।

পানিতে দুটো দেহ ভেসে উঠতে দেখল রডহ্যাম, পরনে কমলা রঙের ফ্লোট সুট। জাহাজ ছেড়ে বেরিয়ে এসেছে দুই নাবিক। সাঁতার কেটে পাড়ে পৌছুতে চাইল তারা, কিন্তু পারল না। দুই নাবিকের ঠিক পিছনে আছড়ে পড়ল একটা ডেপথ চার্জ, কয়েক সেকেণ্ড পরেই বিশ্ফোরিত হলো। ছিন্ন-বিচ্ছিন্ন হয়ে গেল মানুষদুটো, পানি আর বরফের সঙ্গে ছিটকে গেল তাদের দেহের একেকটা অংশ।

আজ কাউকে পালাতে দেয়া হবে না।

একটু দূরে, সি-হককে ঘিরে চক্কর দিচ্ছে হেলিবাস। কমাণ্ডোদের নামিয়ে দিয়ে পলিনিয়ার কাছে চলে এসেছে ওটা, সি-হককে সাপোর্ট দেবার জন্য। ডেল্টা ওয়ানকে দেখতে পাচ্ছে না রডহ্যাম, তবে কমিউনিকেশন লিঙ্কে ভেসে আসছে তার গলা, রিসার্চ স্টেশনের দখল নেবার জন্য দলকে সংগঠিত করছে সে।

মুঞ্ছ দৃষ্টিতে পলিনিয়ার দিকে তাকিয়ে আছে রডহ্যাম। সামরিক হামলার অপূর্ব প্রদর্শনী চলছে ওখানে—বরফ, আগুন, পানি আর ধোঁয়া মিলে যেন সৃষ্টি হয়েছে অপূর্ব এক সুর-লহরীর। প্রতিটা বিশ্ফোরণের ধাক্কা অনুভব করছে শরীরের অস্থিমজ্জায়, ভাবতে ভাল লাগছে সে নিজেও এই অভিযানের একজন সদস্য।

কিন্তু হঠাতে তার মুঞ্ছতার ইতি ঘটল সাবমেরিনটা ঝাঁকি খেয়ে ওঠায়। ওটার নাকের তলায় দেখা গেল ধোঁয়া আর আগুনের

ব্রিজের একটা চেয়ার ধরে কোনোমতে দাঁড়িয়ে আছে রুশকিন, বাকি ক্রু-রাও যে যা পারে আঁকড়ে ধরে রেখেছে, চেষ্টা করছে দায়িত্ব পালন করে যাবার। কিন্তু দেয়ালের লিখন পড়তে পারছে রাশান নাবিকরা সবাই। মৃত্যু ঘটেছে ড্রাকনের—ধ্বংস হয়ে গেছে বেশিরভাগ কম্পার্টমেন্ট, খোলের বেশিরভাগটাই পানির দখলে, বন্ধ হয়ে গেছে ইঞ্জিন। ধোঁয়ায় ভরে গেছে ব্রিজ, এর মাঝে শ্বাস নেয়াই কষ্টকর... কিছু দেখা যাচ্ছে না, ভাবনা-চিন্তা করা যাচ্ছে না। ক্রমাগত বিস্ফোরণের আওয়াজে প্রায়-বধির হয়ে গেছে ওরা। ইমার্জেন্সি এয়ার-ব্রিদিং মাস্ক পরেছে সবাই, কিন্তু সামান্য এসব সেফটি ডিভাইস বাঁচাতে পারবে না কাউকে। শুধু দিতে পারবে সামান্য একটু সময়—মরণকামড় দেবার জন্য এই সময়টুকুই দরকার রুশকিনের।

‘ডিজিটাল শর্টওয়েভে মেসেজ রিলে করে দিয়েছি আমি!’ কমিউনিকেশন স্টেশন থেকে চেঁচিয়ে উঠল রেডিওম্যান। মুখ-হাতের অনেকখানি পুড়ে গেছে তার আগুন নেভাতে গিয়ে, কিন্তু তারপরেও অটলভাবে পালন করছে দায়িত্ব, নিজেদের দুর্দশার খবর পাঠিয়ে দিয়েছে প্রেগ্নেল বেইসে।

ওয়েপস অফিসারের দিকে তাকাল রুশকিন, জবাবে মৃদু মাথা বুঁকাতে দেখল তাকে। এখনও সচল রয়েছে তাদের ওয়েপস সিস্টেম, লোকটা মাথা বুঁকিয়ে বোঝাল—জটিল একটা ফায়ার কন্ট্রোল সলিউশন এবং টার্গেট ফিল্র সম্পর্ক করেছে সে। ঠোঁটের কোনা সৈষৎ বেঁকে গেল রুশকিনের—ভাগ্য হয়তো বদলাবে না, কিন্তু একটা দাঁতভাঙ্গ জবাব তো দেয়া যাবে আগ্রাসী শক্রকে।

পানির তলায় পুরোদস্ত্র যুদ্ধ করবার প্রস্তুতি নিয়ে উন্নত মেরুতে এসেছিল ড্রাকন। লং রেঞ্জ টর্পেডো আর শুভ্র পিঞ্জর-২

অ্যান্টি-সাবমেরিন মিসাইল রয়েছে তাদের সঙ্গে। এ-ছাড়া রয়েছে শর্ট রেঞ্জের একজোড়া ইউজিএসটি রকেট টর্পেডো—রাশান নৌবাহিনীর লেটেস্ট ক্ষেপণাস্ত্র। সাবমেরিনের নাকের তলায় বিশেষ দুটো টিউবে বসানো আছে ওগুলো। তবে সাবমেরিন নয়, এ-মুহূর্তে হেলিকপ্টারের উদ্দেশে ওই টর্পেডো ছুঁড়তে চলেছে রুশকিন।

টার্গেট লক করে ফেলেছে ওয়েপন্স অফিসার, একটামাত্র শব্দ বলতে হবে রুশকিনকে। সেটাই বলল সে—তার জীবনের শেষ শব্দ।

‘ফায়ার!’

ফুল স্পিডে যুদ্ধক্ষেত্র থেকে সরে আসছে পোলার সেণ্টিনেল, ডেপথ চার্জের বিক্ষেপণে তাঁদেরও ক্ষয়ক্ষতি হবার সম্ভাবনা দেখা দিয়েছিল। কংকাশন ওয়েভে ফেটে যাচ্ছিল মাথার উপরের আইস ক্যাপ, বড় বড় চাঁই খসে পড়ছিল সাবমেরিনটার গায়ে। তবে পলায়মান অবস্থাতেও ড্রাকনকে ট্র্যাক করে চলেছেন ক্যাপ্টেন গরডন।

‘ওয়েপন্স লঞ্চের আওয়াজ পাচ্ছি আমি!’ হঠাৎ চেঁচিয়ে উঠল সেণ্টিনেলের সোনার চিফ। ‘টর্পেডো!’

ঝাট করে তার দিকে ফিরলেন ক্যাপ্টেন গরডন। ‘টার্গেট?’

হেডফোনটা কানের উপর ভাল করে চেপে ধরল সোনার চিফ। ‘পানিতে না... তারমানে টার্গেট আমরা নই।’

‘তা হলে কে? কাকে লক্ষ্য করে টর্পেডো ছুঁড়ছে ওরা?’

বোকা বোকা চেহারা নিয়ে ক্যাপ্টেনের দিকে তাকাল সোনার চিফ। ‘বিশ্বাস করবেন কি না জানি না... টর্পেডোটা ছোঁড়া হয়েছে হেলিকপ্টার লক্ষ্য করে।’

সাব-ভোকাল মাইক্রোফোনে চেঁচিয়ে উঠল সার্জেণ্ট রডহ্যাম,
সতর্ক করে দিতে চাইল সি-হককে... কিন্তু দেরি হয়ে গেছে
অনেক।

তার বিস্ফারিত দৃষ্টির সামনে লঞ্চ টিউব থেকে জ্যা-মুক্ত
তীরের মত বেরিয়ে এল ইউজিএসটি টর্পেডো, পিছনে আগুন আর
ধোঁয়ার রেখা তৈরি করে ছুটল টার্গেটের দিকে। সরবার সময়
পেল না সি-হক, পলিনিয়ার উপরে স্থির হয়ে ডেপথ চার্জ
ফেলছিল, সোজা ওটার পেটে আঘাত করল ক্ষেপণাস্ত্রটা।
ফিউজেলাজ ভেঙে ঢুকে গেল শরীরে... তারপরেই বিস্ফারিত
হলো। চূর্ণ-বিচূর্ণ হয়ে উড়ে গেল আকাশযানটার বেশিরভাগ
অংশ; যে-টুকু অবশিষ্ট রইল, সে-টুকু পরিণত হলো জুলন্ত একটা
অগ্নিপিণ্ডে, খসে পড়ল পলিনিয়ার বুকে। পানিতে কয়েক সেকেণ্ট
ভেসে রইল ধ্বংসস্তূপ, এরপর ধীরে ধীরে সাবমেরিনের পিছু পিছু
তলিয়ে গেল অতল সাগরে।

স্থবির হয়ে গিয়েছিল রডহ্যাম, আকাশে বিচ্ছিরি আওয়াজ
শুনতে পেয়ে ঝাট করে মাথা তুলল। চমকে গেল সঙ্গে সঙ্গে।
হেলিবাসের শরীর থেকেও বের হচ্ছে কালো ধোঁয়া! সি-হকের
রোটরের একটা ধারালো খণ্ড গিয়ে শেলের মত আঘাত হেনেছে
ওটার ফরোয়ার্ড ক্রু-কেবিনে। পাইলট মারা পড়েছে নিঃসন্দেহে,
কারণ মাতালের মত দুলছে কপ্টারটা। হঠাৎ পুরোপুরি কাত হয়ে
গেল, বাতাসের অবলম্বন হারিয়ে সোজা নেমে আসছে ভূমিতে...
নিঃসঙ্গ যোদ্ধার মাথার উপরে!

হাঁচড়ে-পাচড়ে উঠে দাঁড়াবার চেষ্টা করল রডহ্যাম, কিন্তু মসৃণ
বরফে বারবার পিছলে গেল হাত-পা। গায়ে বাতাসের ঝাপটা
লাগায় ঘাড় ফেরাল, সঙ্গে সঙ্গে হতাশায় ছেয়ে গেল অন্তর। ওর
ত্রিশ ফুট উপরে এসে গেছে পতনরত হেলিবাস, সরে যাবার সময়
নেই। গড়ান দিয়ে চিৎ হলো সে, নড়ল না আর, স্থির চোখে
শুন্দি পিঞ্জর-২

তাকাল নিশ্চিত মৃত্যুর দিকে ।

‘ঈশ্বর!’ ফিসফিস করে ডাকল রডহ্যাম ।

পরমুহূর্তে হেলিবাস ক্র্যাশ করল তার গায়ের উপর ।

পোলার সেণ্টিনেলের ব্রিজে চুপচাপ বসে আছেন ক্যাপ্টেন গরডন, চোহারায় মেঘ—যা ঘটে গেল অন্ধ সময়ের ব্যবধানে, তা হজম করার চেষ্টা করছেন। এখনও সিচুয়েশন মনিটর করছে তাঁর অধস্তন ক্রু-রা, রিপোর্ট আসছে ক্ষণে ক্ষণে, কিন্তু কিছুই যেন তিনি ঝুঁকতে পাচ্ছেন না ।

কিছুক্ষণ আগে ডুবে গেছে ড্রাকন, হারিয়ে গেছে সাগরতলের গভীর এক খাদে, ক্রাশ ডেপথ পেরিয়ে। আর কোনোদিন ফিরে আসবে না ওটা, পানির চাপে স্বেফ একটা লোহার তালে পরিণত হয়ে পড়ে থাকবে আর্কটিক মহাসাগরের তলায় ।

কিন্তু একা মরেনি রাশান ডুবোজাহাজ। টর্পেডো ছুঁড়ে ধ্বংস করেছে একটা হেলিকপ্টার—ড্রাকনের পাশাপাশি ডুবেছে ওটার ধ্বংসস্তূপ; দ্বিতীয় কপ্টারটাও ক্র্যাশ করেছে প্রথমটার বিস্ফোরণের ধাক্কায়। স্বচক্ষে না দেখলেও সেণ্টিনেলের অত্যাধুনিক সেপর-গুলোর বদৌলতে পুরো লড়াইয়ের খুঁটিনাটি জানতে পেরেছেন ক্যাপ্টেন গরডন ।

এখন চারদিকে থমথমে নীরবতা। সেণ্টিনেলও সাইলেন্ট মোডে টহল দিচ্ছে ড্রিফট স্টেশনের নিকটবর্তী এলাকায় ।

মাথা খারাপের মত লাগছে ক্যাপ্টেনের। বাইরের দুনিয়ার সঙে যোগাযোগ বিচ্ছিন্ন, এ-অবস্থায় কী করবেন বুঝে উঠতে পারছেন না। তেমে উঠবেন? যোগাযোগ করবেন রহস্যময় হামলাকারীদের সঙে? কিন্তু ওরা যদি ডেল্টা ফোর্স না হয়? যদি দেখেন তৃতীয় আরেকটা পক্ষ ওরা, আরও বড় বিপদ দেখা দেবে না? আইস স্টেশন গ্রেণেলের ব্যাপারেই বা কী করবেন? এখনও

কি ওটা রাশানদের দখলে? নাকি ওখানেও হামলা চালানো
হয়েছে?

অসংখ্য প্রশ্ন ভিড় জমাচ্ছে তাঁর মনে, কিন্তু কোনও জবাব
খুঁজে পাচ্ছেন না। ইতিকর্তব্য ঠিক করতে দিধা করছেন
সে-কারণেই।

‘স্যর?’ লেফটেন্যাণ্ট মিচামের ডাকে ধ্যানভঙ্গ হলো তাঁর।
‘ভেসে ওঠার প্রস্তুতি নেব?’

যুক্তিসংগত প্রস্তাব, কিন্তু কেন যেন মনের সাথে পেলেন না
গরডন। যতক্ষণ উপস্থিতি লুকিয়ে রাখা যায়, ততক্ষণই
সুবিধেজনক অবস্থায় থাকবেন তাঁরা। অন্তত প্রৱোপুরি নিশ্চিত না
হয়ে চেহারা দেখানোর প্রশ্নই ওঠে না।

‘এখনও না, লেফটেন্যাণ্ট,’ মাথা নাড়লেন তিনি। ‘এখনও
না...’

প্যাসিফিক সাবমেরিন কমাণ্ড। পার্ল হারবার, হাওয়াই।

অপারেশন রুমের এক ফুট পুরু স্টিলের ব্লাস্ট ডোর খুলে
যেতেই বলিষ্ঠ ভঙ্গিতে ভিতরে প্রবেশ করলেন অ্যাডমিরাল হেনরি
বেকেট। বিশাল কক্ষটায় গতরাত থেকে নিরলসভাবে কাজ করে
চলেছে বাছাই করা কিছু মানুষ—এদের প্রত্যেকে ঘার ঘার ফিল্ড
সেরা বিশেষজ্ঞ।

কামরার মাঝখানে রয়েছে বড়-সড় একটা কনফারেন্স
টেবিল—স্থানীয় কেয়া কাঠের তৈরি, গাঢ় রঙের, হাওয়াইয়ের
ঐতিহ্যমণ্ডিত ডিজাইনে বানানো হয়েছে; তবে এ-মুহূর্তে উপরে
ছড়িয়ে-ছিটিয়ে থাকা কাগজপত্র, ফোন্ডার, ম্যাপ, ল্যাপটপ
কম্পিউটার, ইত্যাদির তলায় টেবিলের জৌলুস অদৃশ্য হয়ে
গেছে। পিছনে দরজাটা আবার বন্ধ হয়ে গেলে টেবিলের দিকে
এগোলেন অ্যাডমিরাল। ওটার চারপাশ ঘিরে বসেছে

কমিউনিকেশন, ইলেক্ট্রোনিক আর রাশা বিষয়ক বিশেষজ্ঞরা, কাজ করছে। কথা বলার প্রয়োজন হলে ফিসফিস করছে, কান্তিমত মানুষটি ছাড়া আর কাউকে শুনতে দিচ্ছে না নিজের বক্তব্য—চরম গোপনীয়তা বোধহয় একেই বলে।

দেয়ালে ঝোলানো বিশাল একটা ম্যাপের সামনে দাঁড়িয়ে আছে দীর্ঘদেহী একজন মানুষ, ম্যাপের বিভিন্ন জায়গায় জুলছে লাল-নীল বিন্দু। আর্কিটিক এলাকার বিস্তারিত মানচিত্র ওটা, পুরো উত্তর মেরু কাভার করছে। চিত্তিত মুখে ম্যাপের দিকে তাকিয়ে আছে মানুষটা, শার্টের দুই হাতা গোটানো, চেহারায় ক্লান্তির ছাপ। পিছনে পায়ের শব্দ শুনে ঘুরে দাঁড়াল।

‘অ্যাডমিরাল!’ বলল সে, বাড়তি কোনও সৌজন্য দেখাল না। সংক্ষেপে শুধু বলল, ‘তাড়াতাড়ি আসায় ধন্যবাদ।’

কিছু মনে করলেন না অ্যাডমিরাল বেকেট। চার্লস ম্যালোরি তাঁর ঘনিষ্ঠ আত্মীয়, বোনঝি-র জামাই। তারচেয়েও বড় পরিচয় হলো, সে এন.আর.ও., মানে ন্যাশনাল রিকনিসান্স অফিসের একজন সিনিয়র অ্যানালিস্ট—অত্যন্ত কাজের মানুষ। অথবা সৌজন্য দেখিয়ে সময় নষ্ট করতে পছন্দ করে না। তাই সরাসরি কাজের কথা পাড়লেন তিনি।

‘কী ব্যাপার, চার্লি?’

আটলাণ্টিক সাবমেরিন কমাণ্ডের অ্যাডমিরাল ব্রনসনের সঙ্গে কনফারেন্স কল চলছিল, এ-অবস্থায় তাঁকে ডেকে পাঠিয়েছে ম্যালোরি। কনফারেন্স অসমাপ্ত রেখে ছুটে এসেছেন বেকেট; জানেন, জরুরি না হলে ডাকাডাকি করত না সে।

‘সোসাস-এ অনেকগুলো বিস্ফোরণ পিকআপ করেছি আমরা,’ জানাল ম্যালোরি।

‘কোথায়?’ ভুরু কুঁচকে জানতে চাইলেন অ্যাডমিরাল। সোসাস হলো ওশন বেজড লিসেনিং সিস্টেম—সাগরের তলায়

বসানো অসংখ্য হাইড্রোফোনের বিশাল এক নেটওয়ার্ক।

হাতে একটা পয়েণ্টার স্টিক নিয়ে ম্যাপের উপরে টোকা দিল ম্যালোরি। বলল, ‘আমরা শতকরা আশি ভাগ নিশ্চিত যে, ওগুলো ওমেগা ড্রিফট স্টেশনের কো-অর্ডিনেটসে ঘটেছে।’

পাকস্থলীর ভিতরে শূন্যতা অনুভব করলেন অ্যাডমিরাল, শ্যারনের জন্য শক্তি হয়ে উঠেছে মন। বড় করে শ্বাস নিয়ে তিনি বললেন, ‘অ্যানালিসিস?’

‘আমাদের ধারণা, ওগুলো ডেপথ চার্জ ছিল,’ বলল ম্যালোরি। ‘বিফোরণের পর পর একটা সাবমেরিনের ডুবে যাওয়ার আওয়াজ পেয়েছি আমরা, ক্রাশ ডেপথে গিয়ে দুমড়ে-মুচড়ে গেছে ওটার খোল। বিফোরণের আগে আবছাভাবে হেলিকপ্টারের রোটরের আওয়াজও শোনা গেছে... তবে পুরোপুরি শিয়োর নই।’

‘কী মনে হয় তোমার?’ ভুরু কোঁচকালেন বেকেট। ‘স্ট্রাইক টিম?’ www.banglabookpdf.blogspot.com

মাথা ঝাঁকাল ম্যালোরি। ‘এখন পর্যন্ত পাওয়া ইন্টেল সেদিকেই নির্দেশ করছে। তবে বিগ বার্ড রিকন স্যাটেলাইট যতক্ষণ না ছবি তুলতে পারছে, নিশ্চিত হবার উপায় নেই।’

‘সোলার স্টর্মের আওতামুক্ত হতে স্পাই স্যাটেলাইটটার কত সময় লাগবে?’

‘অন্তত আরও দু’ঘণ্টা। আমার তো মনে হয়, বুরো-শুনেই চাল দিয়েছিল রাশানরা। ব্ল্যাকআউট ফেজের সঙ্গে সময় মিলিয়ে অভিযান চালিয়েছে, যাতে আমাদের চোখের আড়ালে ঘটাতে পারে সবকিছু।’

‘স্ট্রাইক টিম কি ওদের সাবমেরিনটাই ডুবিয়ে দিয়েছে?’

‘জোরালো সম্ভাবনা আছে। তবে স্ট্রাইক টিমটা যদি রাশানদের হয়ে থাকে, তা হলে ধরে নিতে হয়—পোলার সেপ্টিনেলকে ডুবিয়ে দেয়া হয়েছে।’

বুক ধড়ফড় করে উঠল অ্যাডমিরালের। জোর গলায় বললেন, 'না, তা হতে পারে না। কাজটা ডেল্টা ফোর্সের হতে বাধ্য। আমার স্পেশাল ফোর্সের কণ্ট্যাষ্ট বলেছে, ডেল্টা ফোর্সকে রাশানদের হামলা শুরু হবার আগেই ডেপ্লয় করা হয়েছিল।'

তাঁর দিকে তাকিয়ে রইল ম্যালোরি, চোখে বিষাদ। নিশ্চয়ই কোনও দুঃসংবাদ আছে। নিচু গলায় বলল, 'আরেকটা জিনিস দেখাব আপনাকে।'

কনফারেন্স টেবিলে জড়ো হওয়া টিমের উপর নজর বোলালেন অ্যাডমিরাল বেকেট। ধা-ই আবিষ্কার করে থাকুক ম্যালোরি, ওদের সঙে শেয়ার করেনি। তারমানে ব্যাপারটা সিরিয়াস... তাঁকে জরুরি সমন পাঠাবার মূল কারণ ওটাই। বুকের ধড়ফড়নি বেড়ে গেল তাঁর।

কামরার এককোণে নিজের ডেক্সে অ্যাডমিরালকে নিয়ে গেল ম্যালোরি, অন্য করল ল্যাপটপ কম্পিউটার। ক্রিনে ভেসে উঠল এন.আর.ও.-র মনোগ্রাম। নাম আর পাসওয়ার্ড টাইপ করে লগ ইন করল সিস্টেমে, তারপর ওপেন করল একটা ফাইল। ল্যাপটপটা এরপর অ্যাডমিরালের দিকে ঠেলে দিল সে।

সামনে ঝুঁকলেন অ্যাডমিরাল বেকেট, পেন্টাগনের একটা মেমো দেখা যাচ্ছে পর্দায়, টপ সিক্রেট ছান্কড় মারা। মোটা হরফে শিরোনাম দেয়া আছে উপরে— গ্রেগোলি অপারেশন।

এমনিতে এই জিনিস ম্যালোরির কাছে থাকবার কথা নয়, কিন্তু অবাক হলেন না অ্যাডমিরাল। এন.আর.ও. ভিন্ন ধারায় কাজ করে, মনিটর করে প্রশাসনের সমস্ত গুরুত্বপূর্ণ শাখার কর্মকাণ্ড, তার মধ্যে পেন্টাগন একটা। সিনিয়র অ্যানালিস্ট হিসেবে স্পর্শকাতর বহু তথ্য পায় ম্যালোরি।

পকেট থেকে একজোড়া রিডিং গ্লাস বের করে নাকের উপর বসালেন অ্যাডমিরাল, পড়তে শুরু করলেন তিন পাতার মেমোটা।

শুরুতে বর্ণনা করা হয়েছে রাশান আইস স্টেশনের ইতিহাস। পড়তে পড়তে শরীরে শিহরণ অনুভব করলেন তিনি। ব্যাপারটা অবিশ্বাস্য; কিন্তু প্রতিটা নাম, তারিখ আর ঘটনার পুজ্ঞানুপুজ্ঞ বিবরণ দেয়া আছে। বানোয়াট হতে পারে না। হিউম্যান এক্সপেরিমেণ্টেশনের অংশটা মনে করিয়ে দিল দ্বিতীয় বিশ্বযুদ্ধের কথা—নাজি কনসেন্ট্রেশন ক্যাম্পে এভাবেই গবেষণার নামে মানুষ হত্যা করত জার্মান বিজ্ঞানীরা। আশ্চর্য... এ-কাজ রাশানরাও করেছে?

অসুস্থ বোধ করলেন অ্যাডমিরাল, কিন্তু থামলেন না, পড়ে চললেন। মেমোর শেষাংশে রয়েছে ইউএস মিলিটারির করণীয় সংক্রান্ত নির্দেশনা—মিশনের উদ্দেশ্য, পদক্ষেপ এবং পরিণতি বিষয়ক বিস্তারিত বিবরণ। পরিত্যক্ত বরফ-ঘাঁটির তলায় কী লুকিয়ে আছে, তা জানতে পারলেন তিনি... জানতে পারলেন সে-জিনিস নিয়ে কী ভয়ঙ্কর পরিকল্পনা এঁটেছে তাঁদের সরকার। স্তম্ভিত হয়ে গেলেন অ্যাডমিরাল।

তাঁর কাঁধে হাত রাখল ম্যালোরি। ‘দুঃখিত, অ্যাডমিরাল। কিন্তু আমার মনে হলো, এ-সব আপনার জানা থাকা দরকার।’

বুকের ধড়ফড়ানি আচমকা পরিণত হলো তীব্র ব্যথায়, শ্বাস আটকে এল অ্যাডমিরাল বেকেটের। ‘শ্যারন!’ ফিসফিস করে ডাকলেন তিনি, তারপরেই বুক চেপে ধরে কাত হয়ে পড়ে গেলেন চেয়ার থেকে।

‘অ্যাডমিরাল!’ চেঁচিয়ে উঠল ম্যালোরি, ছুটে এল তাঁর দিকে।

হড়োহড়ি পড়ে গেল কনফারেন্স টেবিলে জড়ো হওয়া বিশেষজ্ঞদের মাঝে। কাজ ফেলে ছুটে এল তারাও। কে যেন চেঁচিয়ে উঠল, ‘অ্যামুলেন্স ডাকো!’

অ্যাডমিরালকে জড়িয়ে ধরল ম্যালোরি, উঁচু করে ধরল একটু। বলল, ‘রিল্যাক্স, অ্যাডমিরাল। এখনি সাহায্য আসছে।

কিছু হবে না আপনার।'

'ক্যাপ্টেন গরডন...' ফিসফিসিয়ে বললেন অ্যাডমিরাল, '...ক্যাপ্টেন গরডনের সঙ্গে কথা বলতে হবে আমাকে। মন্ত্র বিপদ ওদের সামনে!'

ম্যালোরির চেহারায় বিষাদের ছায়াটা গাঢ় হলো আরও। মুখে কিছু বলল না, কিন্তু অ্যাডমিরাল বুঝতে পারলেন, যা চাইছেন তা সম্ভব নয়। অনেক দেরি হয়ে গেছে তাঁদের।

বারো

আইস স্টেশন গ্রেগোলি।

ঠাণ্ডায় শরীর কাঁপছে রানার, উবু হয়ে আছে স্টেশনের ম্যাপের উপরে—ভাঁজ খুলে মেঝেতে বিছানো হয়েছে ম্যাপটা। জায়গাটা সার্ভিস টানেল সংলগ্ন আরেকটা ছোট প্রকোষ্ঠ। ওখানেই গাদাগাদি করে বসে আছে সবাই—শ্যারন, ম্যাসন, ড. কনওয়ে ও তাঁর তিনি সহকারী; সেইসঙ্গে নেভির তিনি অফিসার—ফিশার, লিসা আর গ্রিন। ডেভ পার্লের মৃত্যুর পর কেটে গেছে আধ ঘণ্টা, সার্ভিস টানেল ধরে তিনি নম্বর লেভেলের এই প্রকোষ্ঠে এসে আশ্রয় নিয়েছে ওরা, সামলে নিতে চাইছে সঙ্গীকে হারাবার বেদন। এ-ছাড়া পরবর্তী পদক্ষেপও ঠিক করা হচ্ছে এখানে বসে।

এরই মধ্যে বেশ কয়েক রকম কৌশল নিয়ে আলোচনা

করেছে ওরা—এখানেই বসে ঘাপটি মেরে থাকা; কয়েক ভাগে
ভাগ হয়ে যাওয়া, যাতে সবাই একসঙ্গে ধরা না পাঁড়ে; এমনকী
সারফেসে গিয়ে স্লো-ক্যাট আর স্কি-ডু নিয়ে পালাবার সম্ভাবনাও
বিবেচনা করা হয়েছে। কিন্তু প্রতিটা কৌশলের সুবিধে-অসুবিধে
বিশ্লেষণের পর একটা বিষয় প্রকট হয়ে উঠেছে—টিকে থাকতে
চাইলে অস্ত্র দরকার হবে ওদের।

কাজেই সিদ্ধান্ত নেয়া হয়েছে, সবার আগে রাশানদের
অস্ত্রাগারে পৌছুতে হবে। ওটার তালিকা বানাবার কাজ করেছিল
লিসা, তার কাছ থেকে জানা গেছে—দ্বিতীয় বিশ্বযুদ্ধের সময়কার
বেশ কিছু রাশান গ্রেনেডের বাল্ক, খানতিনেক জার্মান
ফ্রেম-খোয়ার, আর অ্যামিউনিশন-সহ অনেকগুলো রাশান
রাইফেল আছে ওখানে।

‘সবগুলোই কাজ করে,’ বলেছে লিসা। ‘গত সপ্তাহে টেস্ট
ফায়ার করে দেখেছি আমরা, একটা অস্ত্রেও কোনও সমস্যা
পাইনি।’

স্টেশনের লে-আউট দেখছে তাই রানা, বের করতে চাইছে
ওয়েপন লকারে পৌছুনোর নিরাপদ রাস্তা। খানিক পর পর
নড়েচড়ে উঠেছে, কাটাতে চাইছে শীতজনিত আড়ষ্টতা—নীচের
প্রকোষ্ঠ থেকে পালাবার সময় শরীর ভিজে গেছে ওর, গায়ের
পোশাকও আর্কটিকের জন্য পুরোপুরি উপযুক্ত নয়, হিম হয়ে
যাচ্ছে অস্থিমজ্জা।

‘এক মিনিটের মধ্যে ওখানে ঢুকে আবার বেরিয়ে আসা
যাবে,’ বলল লিসা। ‘কিন্তু ওখান পর্যন্ত পৌছুনোটাই সমস্যা।’

মাথা ঝাঁকিয়ে একমত হলো কমাওয়ার ফিশার। খানিক আগে
রেকি করে এসেছে ত্রিন, এখানকার সার্ভিস টানেলের হ্যাচ খুলছে
জেনারেটর রুম আর ব্যাটারি কম্পার্টমেন্টের মাঝখানে। কোনও
পাহারা নেই ওখানটায়, কিন্তু দুঃসংবাদ হলো, ওয়েপন লকারটা
শুভ পিঞ্জর-২

লেভেলের উল্টোপ্রান্তে; ওখানে যেতে হলে মাঝখানের খোলা কমন এরিয়া পার হতে হবে।

দু'হাতের তালু ঘষল রানা, মাথায় চিন্তার ঝড়। একটা না একটা পথ থাকতে বাধ্য... কিন্তু কী সেটা? খুঁটিয়ে খুঁটিয়ে ম্যাপটা দেখল ও।

জেনারেটর রংমে একটা ছোট্ট সাইড ডোর আছে, ওটা গলে পাশের ইলেকট্রিকাল রুম পর্যন্ত যাওয়া যায়, কিন্তু এরপরেই লেভেলের কমন এরিয়া। সন্দেহ নেই, পাহারা থাকবে ওখানে। তাদেরকে মোকাবেলা করবার জন্য মেইন ল্যাব থেকে আনা ছুরি-কাঁচি ছাড়া কিছুই নেই ওদের কাছে। কাজটা খুবই কঠিন... অন্তত কারও দৃষ্টি আকর্ষণ না করে সারা যাবে না মোটেই।

ফোস করে শ্বাস ফেলল রানা। মুখ তুলে তাকাল লিসার দিকে। ‘জেনারেটর রুম ছাড়া আর কোনও অ্যাকসেস নেই এই লেভেলে? ওয়েপন লকারের কাছাকাছি?’

‘আমার জানামতে... না,’ মাথা নাড়ল লিসা। ‘থাকলেও তার খোঁজ জানি না। এই নবশাই আমাদের সম্বল।’

মুখ খুলল ম্যাসন। ‘আমি তো একটাই পথ দেখছি সেঙ্কেতে। ডিস্ট্র্যাকশন সৃষ্টি করতে হবে জেনারেটর বন্ধ করে দিয়ে। সবাই যখন পাওয়ার চালু করবার জন্য ব্যস্ত হয়ে পড়বে, ওই সুযোগে ঝেড়ে দৌড় দিতে হবে অঙ্ককারের সাহায্য নিয়ে।’

‘উহঁ,’ দ্বিমত পোষণ করল কমাণ্ডার ফিশার। ‘ধরে নিচ্ছি জেনারেটরের লোকেশন ওরা জানে। পাওয়ার অফ করবার সঙ্গে সঙ্গে উল্টো বিপদে পড়ে যাব—তিন নম্বর লেভেলে দলে দলে হাজির হয়ে যাবে রাশানরা। গর্ত থেকে মুখও আর বের করতে পারব না আমরা।’

‘আরেকটা ব্যাপার আছে,’ বলে উঠল শ্যারন। এতক্ষণ সবার ঠোঁট পড়ছিল ও। ‘ব্যাটারি-চালিত ইমার্জেন্সি পাওয়ার সিস্টেম

আছে এই স্টেশনে। গত দু'সপ্তাহ ধরে চার্জ হচ্ছে ব্যাটারিগুলো। আমরা যদি জেনারেটর বন্ধ করে দিই, ব্যাটারিগুলো ভিতরের সমস্ত বাতি জ্বালিয়ে রাখবে। অন্ধকার পাব না আমরা।'

সবার কথা শুনল রানা, একটু ভাবল। তারপর বলল, 'তা হলে এক কাজ করলে কেমন হয়? জেনারেটর চালু রাখলাম আমরা, কিন্তু ইলেক্ট্রিকাল রুম থেকে বন্ধ করে দিলাম টপ লেভেলের সার্কিট।' ম্যাপের উপর আঙুল রাখল ও। 'কমাণ্ডার ফিশারের ধারণা যদি ঠিক হয়, তা হলে দলে দলে ওরা টপ লেভেলে ছুটে যাবে... এখানে আসবে না।'

'আমার মনে হয় উনি ঠিকই বলছেন, স্যর,' ফিশারকে বলল গ্রিন। 'রাশান ফোর্সের বেশিরভাগ লোক এমনিতেই টপ লেভেলে ডিফেন্সিভ পজিশনে থাকবার কথা... তা ছাড়া আমরা সারফেসে পৌছুনোর চেষ্টা করতে পারি, এ-কথা ভেবেও ওখানে তটস্থ হয়ে আছে ওরা। পাওয়ার অফ হয়ে গেলে ভাববে তা-ই ঘটতে চলেছে। সবাই ছুটে যাবে আমাদের পালানো ঠেকাতে।'

'তিনি নম্বর লেভেলের গার্ড-রাও যাবে?' ভুরু কোঁচকাল ফিশার। 'আমার কিন্তু মনে হয় না।'

'যা-ই করুন,' বলল শ্যারন, 'দোহাই যিশুর, তাড়াতাড়ি করুন। এখানে অনন্তকাল বসে থাকা যাবে না। আমাদের দেখতে না পেলে খুব শীত্রি রাশানরা সার্চ পার্টি পাঠাবে সার্ভিস টানেলে।'

'অথবা ইনসেগ্যারি প্রেনেড ছুঁড়তে শুরু করবে,' তিঙ্ক গলায় বলল ম্যাসন। 'মনে হচ্ছে না খুব দেরি আছে তার।'

দীর্ঘশ্বাস ফেলে উঠে দাঁড়াল কমাণ্ডার ফিশার। 'বেশ, তা হলে একটা চেষ্টা করে দেখা যাক। সবার যাওয়ার দরকার নেই, মানুষ বেশি হলে গোপনে চলাফেরা করা যাবে না। গ্রিন, লিসা... চলো আমার সঙ্গে।'

'আপনার আপত্তি না থাকলে আমিও আসছি,' বলে রানা ও শুভ পিঞ্জর-২

উঠল।

‘কীসের আপত্তি?’ বলে হাসল ফিশার। ‘অলরেডি নিজের যোগ্যতা দেখিয়ে দিয়েছেন আপনি, মি. রানা। আপনার মত একজন শক্ত লোক সঙ্গে থাকলে ভালই হয়।’

‘আর আমরা?’ জিজ্ঞেস করল শ্যারন।

‘এখানেই অপেক্ষা করুন,’ বলল ফিশার। ‘আমরা যত দ্রুত সম্ভব ফিরে আসব...’

‘এক্সকিউজ মি,’ বাধা দিয়ে বলল রানা, ‘জেনারেটর রুমে একজনের থাকা দরকার। আমরা যদি বিপদে পড়ি, তা হলে খবরটা বাকিদের কাছে পৌছে দিতে পারবে সে... সুযোগ পাবে ওরা এখান থেকে সরে যাওয়ার।’

‘ভাল প্রস্তাব,’ বলল ফিশার। ‘কিন্তু কে নেবে এই দায়িত্ব? এনি ভলাণ্টিয়ার?’

‘আমি,’ সোৎসাহে হাত তুলল ম্যাসন। মনে হলো করবার মত একটা কাজ পেয়ে খুশি হয়েছে।

‘তা হলে চলুন।’ ম্যাপটা ভাঁজ করে শ্যারনের হাতে তুলে দিল ফিশার। আপাতত ওটার প্রয়োজন ফুরিয়েছে, তিনি নম্বর লেভেলের প্রতিটা অংশ চেনে লিসা। রওনা হবার আগে জানিয়ে দিল প্ল্যান, ‘সার্কিট বন্ধ করে দেব আমরা, অপেক্ষা করব রাশানরা উপরে ছুটে যাওয়া পর্যন্ত। এরপরেও যে-সব গার্ড রয়ে যাবে নীচে, চুপিসারে হামলা চালিয়ে ঘায়েল করব ওদেরকে। তারপর ওয়েপস লকারে হানা দেব। ক্লিয়ার?’

মাথা ঝাঁকাল সবাই।

মেঝে থেকে স্টিলের পাইপটা কুড়িয়ে নিল রানা। সোজা হতে গিয়ে লক্ষ করল, শ্যারনের চেহারায় উদ্বেগ ফুটে উঠেছে। অভয়ের হাসি হাসল ও। বলল, ‘কিছু ভাববেন না, এ-ধরনের সিচুয়েশন আগেও ট্যাকেল করেছি আমি।’

‘খুব সাবধান, প্লিজ! অনুনয়ের মত শোনাল শ্যারনের কষ্ট।

মাথা বৌকাল রানা, তারপর অনুসরণ করল সঙ্গীদেরকে। চুকে পড়ল প্রকোষ্ঠের সঙ্গে লাগোয়া সার্ভিস টানেলের ভিতর। সামনে হামাগুড়ি দিয়ে এগোচ্ছে তিন ন্যাভাল অফিসার, এরপরে ও, সবশেষে ম্যাসন। টানেলটা ষাট ফুট লম্বা, মিশেছে জেনারেটর রুমের গায়ে। খুব শীত্রি দূরত্বটা পেরিয়ে এল ওরা, হ্যাচ খুলে পা রাখল বাইরে।

পোড়া ডিজেল আর ধোয়ার গন্ধে আচ্ছন্ন হয়ে আছে জেনারেটর রুমের বাতাস। কামরাটা খুব গরম। বিকট আওয়াজে চলছে দুটো প্রকাণ্ড জেনারেটর, ঝাঁকি খাচ্ছে অবিরাম। হাউজিং থেকে যেন ছিটকে না যায়, সেজন্যে লোহার শেকল দিয়ে আটকে রাখা হয়েছে—ঝনঝন করছে ওগুলোও। কানে তালা লেগে যাওয়ার জোগাড়। সন্দেহ নেই, ভিতরে বোম ফাটলেও বাইরে থেকে বুঝতে পারবে না কেউ।

আশপাশে নজর বোলাল রানা। বামদিকের দেয়াল ঘেঁষে বসানো হয়েছে ইমার্জেন্সি সিস্টেমের সবকটা ব্যাটারি। আকারে একেকটা দেড় টনের এয়ার-কণ্ট্রিনারের মত। ওগুলোকে অনুসরণ করে দৃষ্টি চলে গেল পাশের দেয়ালে, সঙ্গে সঙ্গে ঠোটের কোণে ফুটে উঠল এক চিলতে হাসি। ব্র্যাকেটের সঙ্গে ঝুলছে একটা বড়-সড় ফায়ার-অ্যাক্স। হাত থেকে পাইপটা ফেলে দিল ও। এগিয়ে গিয়ে ব্র্যাকেট থেকে খুলে নিল কুঠারটা।

‘ভাল জিনিস জোগাড় করেছেন তো!’ কপট ঈর্ষার সুরে বলল ত্রিন। ‘ইশশ্... আমি যদি আগে দেখতে পেতাম।’

‘ফাইগ্রারস্ কিপারস্!’ মুচকি হেসে বলল রানা, কাঁধের উপর রাখল কুঠারটা।

‘এদিকে!’ ইশারায় বলল লিসা। সাইড ডোর খুলে সবাইকে নিয়ে এল ইলেক্ট্রিকাল রুমে। ওখানকার সবকটা দেয়াল ঢাকা শুভ পিঞ্জর-২

পড়েছে আলমারির মত উঁচু ইলেকট্রিকাল প্যানেলের আড়ালে। কোন্ট্রা লেভেল ওয়ানের কন্ট্রোল কে জানে, প্যানেলের গায়ের সমস্ত মার্কিং রুশ ভাষায় লেখা। কমবেশি বিদ্যে যতটুকু আছে, তা-ই নিয়ে ব্যস্ত হয়ে পড়ল সবাই, খুঁজে চলল কাঞ্চিত সার্কিটটা।

‘পেয়েছি!’ একটু পরে বলে উঠল তিনি। হটডগ আকৃতির অনেকগুলো ফিউয়ে ভরা একটা প্যানেলের সামনে দাঁড়িয়ে আছে সে। সঙ্গীরা এগিয়ে এলে বলল, ‘এগুলোই টপ লেভেলের রিলে।’

‘আপনি শিয়োর?’ জিজ্ঞেস করল রানা।

‘আমার বাবা ইলেকট্রিশিয়ান,’ বলল তিনি। ‘রুশ ভাষাও পড়তে পারি।’ ইশারায় প্যানেলের তলায় বসানো একটা ছোট ফলক দেখাল। গুটি গুটি অক্ষরে কী কী যেন লেখা, তার মধ্যে রুশ হৰফে ১ লেখাটা চিনতে পারল রানা।

‘হ্ম,’ বলল ও। ‘ঠিকই বলেছেন।’

‘তা হলে আর দেরি কেন?’ বলে উঠল লিসা। ‘মেইন সুইচ অফ করে দাও, মাইকেল।’

‘হ্যাণ্ডেলটা জং ধরে আটকে গেছে,’ জানাল তিনি। ‘সুইচ অফ করা সম্ভব না, ফিউয়ে খুলে ফেলতে হবে।’

‘তা-ই করো।’

‘এক মিনিট।’ বলে তিনিকে থামতে ইশারা করল ফিশার। চলে গেল কামরার মূল দরজার পাশে। পাল্লা সামান্য ফাঁকা করে উঁকি দিল বাইরে—লেভেলের কমন এরিয়ায়। একটু পরে হাতের চারটা আঙুল উঁচু করে দেখাল—মানে চারজন গার্ড আছে ওখানে।

দু’মিনিট পর ফিরে এল সে। ‘মি. ম্যাসন,’ সাংবাদিককে বলল কমাওয়ার, ‘আপনাকে আর এগোতে হবে না। জেনারেটর রুমের দরজাটা বন্ধ করে বসে থাকুন এখানে। আমি চাই না, দরজা খোলার সঙ্গে জেনারেটরের আওয়াজ শুনে ঘাড় ফেরাক

গার্ডেরা ।'

মাথা ঝাঁকিয়ে সাইড-ডোরের সামনে চলে গেল ম্যাসন। পাল্টা টেনে দিয়ে প্রহরীর ঘত অবস্থান নিল।

বাকিদের দিকে ফিরল ফিশার। 'কাউন্টডাউন করছি আমি। শূন্যতে পৌছুলেই ফিউয টেনে দিতে হবে, তারপর তৈরি থেকো সবাই ছুট লাগানোর জন্য। ঠিক আছে?'

সায় দিল রানা, গ্রিন আর লিসা।

বাম হাত উঁচু করল কমাণ্ডার, পাঁচ আঙুল ছড়িয়ে রেখেছে। তারপর নিঃশব্দে ভাঁজ করতে শুরু করল একটা করে আঙুল।

পাঁচ... চার... তিন...

অক্সি-অ্যাসিটিলিন টর্চের সাহায্যে কেটে ফেলা হয়েছে মেইন ল্যাবের ভারী প্রবেশদ্বার, ভিতরে তুকে কোমরে হাত রেখে বিজয়ী সমরনায়কের ভঙ্গিতে দাঁড়িয়ে আছেন রিয়ার অ্যাডমিরাল নিকোলায়েভ। মুঝ নয়নে তাকাচ্ছেন চারদিকে। অদ্ভুত একটা স্পন্দন সৃষ্টি হয়েছে হৎপিণ্ডে। জন্মদাতার হারানো কর্মসূলের কেন্দ্রবিন্দুতে পা রেখেছেন তিনি। এখানেই... সামনের টেবিলে বসে, ছড়িয়ে-ছিটিয়ে থাকা ইকুইপমেণ্টগুলো দিয়ে... কাজ করতেন ইগোর নিকোলায়েভ; এত বছর পরেও যেন সবখানে তাঁর স্পর্শ অনুভব করছেন রিয়ার অ্যাডমিরাল।

রাশান সৈনিকরা বেশ কিছুক্ষণ আগেই ছড়িয়ে পড়েছে আমেরিকানদের খোঁজে, প্রবেশদ্বারের সামনে কেউ নেই। খোলা একটা কাঁচের কেবিনেটের সামনে গিয়ে দাঁড়ালেন নিকোলায়েভ—ওটার ভিতরেই সার বেঁধে সাজিয়ে রাখা হয়েছে ল্যাবের সমস্ত নথিপত্র। সবগুলোর গায়ে তাঁর পিতার হস্তাক্ষরে লেখা আছে সাল-তারিখ। তিনটে জার্নাল গায়ের... আসল তিনটে! দাঁতে দাঁত পিষলেন রিয়ার অ্যাডমিরাল, চোর শুভ পিঞ্জর-২।

জেনেগুনেই নিয়েছে ওগুলো। কে সেই চোর, তা আন্দাজ করতে পারছেন তিনি।

পিছনে গলা খাঁকারি শুনে ঘাড় ফেরালেন নিকোলায়েভ। লেফটেন্যাণ্ট গরস্কি দাঁড়িয়ে আছে কয়েক হাত তফাতে। নার্ভাস হয়ে আছে চেহারা।

‘কী ব্যাপার?’ জিজ্ঞেস করলেন রিয়ার অ্যাডমিরাল।

‘হাইড্রোফোনে একাধিক বিস্ফোরণের আওয়াজ পেয়েছি আমরা, স্যর,’ বলল গরস্কি। ‘ড্রিফট স্টেশনের দিক থেকে এসেছে।’

‘কী ধরনের বিস্ফোরণ?’ হালকা গলায় জানতে চাইলেন নিকোলায়েভ, ইনসেওয়িয়ারি চার্জ ফাটাতে গেছে ক্যাপ্টেন রুশকিন, বিস্ফোরণের আওয়াজ তো হবেই!

‘আগুরওয়াটার, স্যর,’ বলল গরস্কি। ‘রেডিওম্যানের ধারণা, ডেপথ চার্জের বিস্ফোরণ ছিল ওগুলো।’

‘ডেপথ চার্জ?’ কপালে ভাঁজ পড়ল নিকোলায়েভের।

‘শধু তা-ই নয়,’ টেঁক গিলে বলল গরস্কি। ‘অস্পষ্ট একটা মে-ডে সিগনালও পেয়েছি আমরা। পরিষ্কার বোৰা যায়নি মেসেজ, তবে মনে হচ্ছে ওটা ড্রাকনই ট্রাঙ্গমিট করেছে। সম্ভবত আক্রান্ত হয়েছে ওরা।’

নিশ্চয়ই ডেল্টা ফোর্স, ভাবলেন নিকোলায়েভ, রণক্ষেত্রে পৌছে গেছে ওরা, যুদ্ধ বাধিয়ে দিয়েছে।

আরও দুঃসংবাদ অপেক্ষা করছিল। কাঁপা কাঁপা গলায় গরস্কি বলল, ‘বিস্ফোরণের খানিক পরে একটা সাবমেরিন ডুবে যাওয়ার আওয়াজ পেয়েছে রেডিওম্যান, ওটার খোল দুমড়ে-মুচড়ে যেতে শুনেছে।’

কোনও প্রতিক্রিয়া দেখালেন না রিয়ার অ্যাডমিরাল, দৃষ্টি ফেরালেন কেবিনেটের দিকে। গবেষণার কাগজপত্র যে-লোক চুরি

করেছে, সে-ই ঘটিয়েছে এ-সব। ডেল্টা ফোর্সের রহস্যময় কঢ়েলার... যা খুঁজছিল তা পেয়ে যাওয়ায় খবর পাঠিয়েছে দলের লোকের কাছে, নির্দেশ দিয়েছে হামলা শুরু করবার।

‘স্যর?’ বিভ্রান্ত কষ্টে ডাকল গরক্ষি।

বড় করে শ্বাস নিয়ে ঘুরে দাঁড়ালেন নিকোলায়েভ। বললেন, ‘ড্রাকনের খবর কাউকে জানাবার প্রয়োজন নেই। আমাকে জানিয়েছ, তা-ই যথেষ্ট। রেডিওম্যানকেও মুখ বঙ্গ রাখতে বলো।’

বিস্ময় ফুটল গরক্ষির চোখের তারায়, কিন্তু তাড়াতাড়ি সামলে নিল নিজেকে। কেন ব্যাপারটা গোপন রাখতে চাইছেন রিয়ার অ্যাডমিরাল, বুঝতে পেরেছে। ড্রাকন ধ্বংস হয়ে যাওয়ার খবর জানাজানি হলে আত্মবিশ্বাস আর মনোবল হারিয়ে ফেলবে অধ্যন্তনরা। মাথা ঝাঁকিয়ে সে বলল, ‘জী, স্যর।’

‘এই স্টেশনের দখল ছাড়ব না আমরা, লেফটেন্যাণ্ট,’ বললেন নিকোলায়েভ। ‘প্রাণ গেলেও না। আমেরিকান লোকগুলোকে খুঁজে বের করব আমরা, তারপর সফল করব মিশন।’ দৃঢ় আত্মপ্রত্যয় প্রকাশ পেল তাঁর গলায়।

‘ইয়েস, স্যর!’ সুর মেলাল গরক্ষি।

‘ভাল করে শোনো কী করতে হবে তোমাকে...’ বলে নতুন নির্দেশ দিতে শুরু করলেন নিকোলায়েভ।

পোলারিস ইঞ্জিনটা ইতিমধ্যেই আনপ্যাক করে নিয়ে যাওয়া হয়েছে পাঁচ নম্বর লেভেলে, ওখানে সেট করা হয়েছে। ক্রু-রাও জানতে পেরেছে অভিযানের মূল উদ্দেশ্য—পুরনো এই বেইস থেকে গবেষণার সমস্ত নির্দেশন সরিয়ে নিতে হবে, তারপর ধ্বংস করে দিতে হবে বেইসটাকে। ওদের ধারণা, সে-কারণেই আনা হয়েছে পোলারিস ডিভাইসটা... ওটা একটা নিউক্লিয়ার বোমা; কিন্তু জিনিসটার সত্ত্বিকার ধ্বংসক্ষমতা সম্পর্কে জানেন একমাত্র নিকোলায়েভই।

রিয়ার অ্যাডমিরালের কাছ থেকে ডিভাইস আর্ম করবার কোড পেয়ে একটু ফ্যাকাসে হয়ে গেল গরফ্কির চেহারা... এই প্রথম নিউক্লিয়ার বোমা অপারেট করতে যাচ্ছে। তার চেহারা দেখে একটু মায়াই হলো নিকোলায়েভের—বেচারা তো জানে না, নিউক্লিয়ার বোমা নয়, আসলে সে চালু করবে দুনিয়াকে ধ্বংস করবার মারণাস্ত্র!

‘সবকিছু ঠিকঠাকমত হওয়া চাই,’ সবশেষে বললেন রিয়ার অ্যাডমিরাল। ‘আর ওই আমেরিকান দলটা... এখান থেকে কয়েকটা ফাইল চুরি করে নিয়ে গেছে ওরা। সেগুলো ফেরত পেতে হবে। গবেষণার কোনও কাগজপত্রই হারানো চলবে না। যে-কোনও মূল্যে হোক, ওগুলো উদ্ধার করা চাই।’

‘জী, স্যর,’ বলল গরফ্কি। ‘কিছু ভাববেন না, ওদেরকে খুঁজে বের করব আমরা।’

‘ব্যর্থ হয়ো না, গরফ্কি।’

‘হবো না, স্যর।’

‘ভাল। এবার তুমি যেতে পারো।’

ছুটে চলে গেল গরফ্কি। গন্তীর হয়ে গেলেন রিয়ার অ্যাডমিরাল। ভবিতব্য বুঝতে পারছেন—ড্রাকন ধ্বংস হয়ে গেছে, বাড়ি ফেরার কোনও উপায় নেই তাঁদের। প্রাণ নিয়েও এই বরফ-ঘাঁটি থেকে বের হওয়া যাবে বলে মনে হচ্ছে না। দুনিয়া ধ্বংস করে দিতে চাইছেন তিনি, এখন মৃত্যু নিয়ে দুশ্চিন্তা হবার কথা নয়... কিন্তু পোলারিস ডিভাইস ডিটোনেট করবার পর পিতার গবেষণার কাগজপত্র নিয়ে শেষবারের মত রাশায় ফিরবেন বলে ভেবেছিলেন—তাঁর হারানো গৌরব পুনরুদ্ধার করবার আশায়। লাশটাও মাত্তুমির মাটিতে উপযুক্ত মর্যাদায় দাফন করবার ইচ্ছে ছিল। স্বপ্নটা অপূর্ণ রয়ে গেল।

কাঁধ বাঁকালেন নিকোলায়েভ, যা হবার তা হয়ে গেছে,

এ-নিয়ে মাতম করে লাভ হবে না কোনও। বর্তমান পরিস্থিতির সঙ্গে তাল মিলিয়ে নিতে হবে পরবর্তী পদক্ষেপ। তা-ই করতে চলেছেন তিনি। কবজিতে বাঁধা পোলারিস মনিটরে নজর বোলালেন। জুলজুল করছে পাঁচটা বিন্দু... অপেক্ষা করছে মাঝখানেরটা জুলে উঠবার। বুকের ভিতরে অদম্য এক আক্রোশ অনুভব করলেন রিয়ার অ্যাডমিরাল। পিতার অন্তর্ধান আর মায়ের আত্মহত্যা দিয়ে যে-প্রতিহিংসার জীবন শুরু হয়েছিল তাঁর, আজ সেটার শেষ প্রান্তে পৌছে গেছেন। না, আর অপেক্ষা নয়। সব শেষ করে দেবেন তিনি। তাঁর প্রতিশোধের আগুনে জুলবে গোটা দুনিয়া!

হার্টবিট বেড়ে গেছে নিকোলায়েভের, পোলারিস মনিটরে ফুটে উঠল সেটার চিহ্ন। দ্রুত জুলতে নিভতে শুরু করল ক্রিনের কোনার হৃৎপিণ্ড আকৃতির ছোট আইকনটা। ওটার দিকে স্থির চোখে চেয়ে রইলেন তিনি। একটু পরেই পাঁচটা বিন্দুর মাঝখানে জুলে উঠল লাল রঙের বড় একটা বিন্দু। ঠোটের কোণে মৃদু হাসি ফুটল রিয়ার অ্যাডমিরালের। নির্দেশ পালন করেছে গরক্ষি, আর্ম করে দিয়েছে মাস্টার ট্রিগার। পুরোপুরি তৈরি ওটা, এখন আর একটামাত্র কাজ করতে হবে তাঁকে।

মনিটরের পাশের লাল বাটনটার উপরে আঙুল রাখলেন নিকোলায়েভ। কয়েক মুহূর্ত দেরি করে টিপে ধরলেন ওটা... কঁটায় কঁটায় এক মিনিট। এরপরেই জুলতে নিভতে শুরু করল লাল বিন্দু—হৃৎপিণ্ডের আইকনের সঙ্গে তাল মিলিয়ে।

ব্যস... হয়ে গেছে কাজ। পোলারিস ডিভাইসের ডিটোনেশন এখন যুক্ত হয়ে গেছে রিয়ার অ্যাডমিরালের পালসের সঙ্গে। যদি বন্ধ হয় তাঁর হৃৎস্পন্দন, বিস্ফোরিত হবে ওটা। বাঢ়তি একটা কৌশল বলা চলে একে—যদি পরিস্থিতি সম্পূর্ণ প্রতিকূল হয়ে পড়ে, এই বিস্ফোরণের হুমকিই রক্ষা করবে তাঁকে। কেউ সাহস

করবে না তাঁর প্রাণ নেবার। প্রাণ অবশ্য দেবেন তিনি—তবে সেটা নিজের ইচ্ছেয়... নিজের সুবিধামত।

বিশ্বেরণের ফলে অবসান হবে পুরনো পৃথিবীর, সূচনা ঘটবে নতুন এক অধ্যায়ের। সেই পৃথিবীতে আমেরিকান, রাশান, বা অন্য কোনও জাতি থাকবে না; থাকবে না কোনও বিভেদ; আবার যদি বিবর্তনের ফলে মানুষের সৃষ্টি হয়, তার সবচেয়ে বড় পরিচয় হবে সে মানুষ—ঠিক যেমনটা ছিল প্রাগৈতিহাসিক যুগে। একটাই দুঃখ রিয়ার অ্যাডমিরালের—নিজ চোখে সেই নিষ্কলুষ পৃথিবী দেখতে পাবেন না।

হতোদ্যম হলেন না তিনি। হতাশা নিয়েই সারাজীবন বাঁচতে শিখেছেন তিনি, হতাশার মাঝেও কর্তব্য পালন করতে শিখেছেন। এখনও তা-ই করতে হবে। দীর্ঘশ্বাস ফেলে উল্টো ঘুরতে শুরু করলেন, আর তখনি প্রিজার্ভেশন ট্যাঙ্কগুলোর প্যাসেজ থেকে ছুটে এল এক তরুণ সৈনিক।

‘স্যর! স্যর!!’ চেঁচিয়ে উঠল সে।

ভুরু কোঁচকালেন নিকোলায়েভ। ‘শাড়ের মত চেঁচাছ কেন? কী হয়েছে?’

ধর্মক খেয়ে চুপসে গেল সৈনিক। তোতলাতে তোতলাতে বলল, ‘ওখানে... ওখানে...’ ইশারা করছে প্যাসেজের দিকে।

‘কী ওখানে?’ কড়া গলায় বললেন নিকোলায়েভ। ‘আমেরিকানদের খোঁজ পেয়েছ?’ সার্ভিস টানেলটা কিছুক্ষণ আগে আবিষ্কার করেছে তাঁর সৈনিকরা, ভিতরে ইনসেপ্টিয়ারি প্রেনেড ছুঁড়ে খতম করার চেষ্টা করেছে শক্রকে। ওতে কতখানি কাজ হয়েছে, নিশ্চিত হতে পারেননি তিনি। তাই নির্দেশ দিয়েছিলেন, আগুনের তাপ কমে এলে ভিতরে ঢুকে তল্লাশি চালাতে।

‘না, স্যর, ওদেরকে পাওয়া যায়নি,’ ভয়ার্ট গলায় বলল

সৈনিক। 'কিন্তু আরেকটা জিনিস আবিষ্কার করেছি আমরা। প্লিজ, আমার সঙ্গে আসুন। নিজের চোখে না দেখলে বিশ্বাস হবে না আপনার!'

তেরো

কাউন্টডাউন শেষ হতেই ইলেক্ট্রিকাল প্যানেলের ফিউয় ধরে টানাটানি শুরু করল গ্রিন, কিন্তু মেইন সুইচের মত ওগুলোর গোড়াও জং ধরে আটকে গেছে খাঁজের মধ্যে, খুলতে চাইল না। গ্রিনকে সরে যেতে বলে সামনে এগোল রানা, হাতের ফায়ার অ্যাক্সটার এক কোপে ভেঙে দিল সবকটা ফিউয়। মৃদু বিস্ফোরণের আওয়াজ হলো, নীলচে ফুলকি দেখা গেল বৈদ্যুতিক আগুনের, উড়ল ধোঁয়া। তবে কাজ যা হবার হয়ে গেছে। দূর থেকে ভেসে এল উত্তেজিত হৈচে-এর আওয়াজ।

দরজার দিকে ইশারায় সবাইকে ডাকল কমাণ্ডার ফিশার, পাল্লা সামান্য ফাঁক করে বাইরে নজর রাখছে সে। সাদা পারকা পরা রাশান সৈন্যদেরকে সিঁড়ি ধরে দৌড়ে উপরে উঠে যেতে দেখল। সিঁড়ির গোড়ায় যে-চারজন পাহারা দিচ্ছিল, তাদের মধ্যে দু'জন চলে গেছে, রয়ে গেছে বাকি দু'জন।

'দু'জন রয়ে গেল তো!' হতাশ গলায় বলল লিসা।

'কিছু করার নেই, ওদেরকে ঘায়েল করে কার্যোদ্ধার করতে হবে,' বলল ফিশার।'

শুভ পিঞ্জর-২

১৩১

ইলেকট্রিকাল রামের দিকে পিঠ ফিরিয়ে রেখেছে দুই প্রহরী, মনোযোগ সিঁড়ির দিকে, উঁকি-বুঁকি মারছে উপরদিকে। রানা বলল, টার্গেট ভাগ করে নেয়া যাক। কমাঞ্চার ফিশার, আপনি আর তিনি রামের গার্ডকে নিন। আমি আর লেং লিসা ডানেরটাকে সামলাচ্ছি।'

'ঠিক আছে,' মাথা ঝাঁকিয়ে সায় দিল ফিশার।

'আমি কী করব?' জিজ্ঞেস করল ম্যাসন। হাতছানি দিয়ে তাকে কাছে ডেকে এনেছে রানা।

'দরজার ফাঁক দিয়ে নজর রাখুন, বাইরে,' বলল রানা। 'আমাদেরকে যদি বিপদে পড়তে দেখেন, তা হলে এক মুহূর্ত দেরি করবেন না, ফিরে যাবেন সার্ভিস টানেলে। চেষ্টা করবেন বিজ্ঞানীদের নিয়ে হারিয়ে যেতে। ক্লিয়ার?'

কিছু বলার জন্য মুখ খুলল ম্যাসন, পরক্ষণে ঘত পাল্টাল। মুখ বন্ধ করে নিঃশব্দে মাথা ঝাঁকাল। তার পোশাকের একটা অংশ উঁচু হয়ে আছে দেখে ভুরু কেঁচকাল রানা। জিজ্ঞেস করল, 'আপনার জ্যাকেটের তলায় কী?'

'কই... কিছু না তো!'

ফায়ার অ্যাক্সের ডগা দিয়ে আলতো গুঁতো মারল রানা। 'এগুলো কিছুই না?' কড়া হয়ে উঠল কষ্ট। 'বের করুন কী লুকিয়ে রেখেছেন!'

কাঁচুমাঁচু মুখে চেইন খুলে বাঁধাই করা তিনটে বাইগুর বের করল ম্যাসন। চিন্তে পারল রানা—রাশান ল্যাবের জার্নাল... এ-রকম অনেকগুলো বাইগুর সাজানো ছিল ল্যাবের একটা কেবিনেটে।

'এগুলো আপনার কাছে কেন?' রুক্ষ গলায় প্রশ্ন করল ও।

জবাব দেবার প্রয়োজন হলো না ম্যাসনের। তার আগেই কমাঞ্চার ফিশার বলে উঠলেন, 'খামোকা সময় নষ্ট করছেন, মি.

রানা। ভদ্রলোক সাংবাদিক, এই স্টেশনের উপর নিউজ করতে চান... এভিডেস জোগাড় করছেন আর কী! চলে আসুন, আমাদের হাতে সময় নেই।'

কমাঞ্চারের ভুল ধারণা ভেঙে দেয়ার ইচ্ছে হলো রানার, কিন্তু এখন তার সুযোগ নেই। অগত্যা কাঁধ ঝাঁকাল ও, ম্যাসনের মুখোশ নাহয় পরেই খোলা যাবে। দরজার দিকে ফিরল।

'রেডি?' জিজ্ঞেস করল ফিশার।

মাথা ঝাঁকাল সবাই।

বড় করে একটা শ্বাস নিল ফিশার, তারপরেই ঝট্ট করে খুলে ফেলল দরজা। ওখান দিয়ে তীরের মত ছিটকে বেরুল চারজন, ছুটে গেল দুই গার্ডের দিকে। পিছনে পায়ের আওয়াজ পেয়ে পাঁই করে ঘুরল তারা, ওঠাতে শুরু করল হাতের রাইফেল।

দেরি না করে হাতের কুঠার ছুঁড়ল রানা, বনবন করে বাতাসে দুই পাক খেলো অস্ত্রটা, তারপরেই ফলার উল্টোপাশটা ঠকাস করে আঘাত হানল ডানদিকের গার্ডের কপালে। চাইলে ফলাটাই গেঁথে দিতে পারত রানা, কিন্তু দেয়নি... চায়নি অথবা মানুষ খুন করতে। কপালের বাড়িটুকুই তার উদ্দেশ্য হাসিলের জন্য যথেষ্ট—কুঠারের ভারী ফলার আঘাতে ফাটল লোকটার মাথা, তালগোল পাকিয়ে পড়ে গেল সে মেঝের উপর। পড়তে পড়তে ত্রিগারে চাপ দিয়ে ফেলেছে, ছাতের দিকে উড়ে গেল একটা লক্ষ্যভূষ্ট বুলেট।

'ও বেহঁশ হয়েছে কি না দেখুন,' লিসাকে বলল রানা। তারপর নজর দিল দ্বিতীয় গার্ডের দিকে।

রাগবি খেলোয়াড়ের মত ডাইভ দিয়ে লোকটাকে মেঝেতে পেড়ে ফেলেছে ফিশার আর ত্রিন, দু'জনে মিলে চেষ্টা করছে তাকে আটকে ফেলবার। কিন্তু ব্যাটার গায়ে ষাঁড়ের জোর, দুই ঝটকায় মার্কিন কমাঞ্চার আর লেফটেন্যাণ্টকে দু'দিকে ছিটকে শুরু পিঞ্জর-২

ফেলে দিল। চার হাত-পায়ে ভর দিয়ে উচু হ্বার চেষ্টা করছে, এমন সময় ঝড়ের বেগে তার দিকে ছুটে গেল রানা, চোয়ালের নীচে সর্বশক্তিতে একটা পেনাল্টি-কিক মারল। দাঁতে দাঁত বাড়ি খাওয়ার ভয়ানক শব্দ হলো, মুখ থুবড়ে পড়ল লোকটা। জ্ঞান হারিয়েছে সঙ্গে সঙ্গে।

‘নাইস জব, মি. রানা!’ বলে উঠল ফিশার। ‘দেখা যাচ্ছে আপনাকে সঙ্গে এনে ভুল করিনি।’

‘প্রশংসা-ট্রশংসা নাহয় পরে করবেন,’ বলল রানা। ‘গুলির আওয়াজ কেউ শুনে থাকতে পারে। কাজ সেরে তাড়াতাড়ি আমাদের কেটে পড়া দরকার।’

‘ঠিক বলেছেন,’ ঝটপট উঠে দাঁড়াল ফিশার। ‘আসুন।’

‘সবার যাবার দরকার নেই। আপনি আর লেঃ গ্রিন গিয়ে অস্ত্র নিয়ে আসুন। আমি আর লেঃ লিসা এখানে পাহারায় থাকছি। ওদেরকেও চোখের আড়ালে সরিয়ে নিতে হবে।’ ইশারায় মেরেতে পড়ে থাকা দুই গার্ডকে দেখাল রানা।

‘গুড আইডিয়া,’ মাথা ঝাঁকাল ফিশার। ‘মাইকেল, এসো।’

চলে গেল দু’জন। লিসাকে নিয়ে কাজে নেমে পড়ল রানা। অজ্ঞান দুই গার্ডকে সরিয়ে নিল কমন এরিয়ার এক কোণে। রাইফেল দিয়ে ওখানকার সবকটা বালব ভেঙ্গে দিল ও, জায়গাটা ঢাকা পড়ে গেল অন্ধকারে। ভাল করে না তাকালে দেহদুটো দেখতে পাবে না কেউ।

ঠাণ্ডায় গা কাঁপছে রানার। গার্ডদের দিকে তাকিয়ে বুদ্ধি খেলে গেল মাথায়। একজনের গা থেকে খুলে নিল সমস্ত পোশাক, পরে ফেলল ওগুলো। লিসাকে ইতিমধ্যে পাঠিয়ে দিয়েছে ওয়েপস লকারে—ফিশার আর গ্রিনকে সাহায্য করবার জন্য। পোশাক পরা হলে একটা রাইফেল নিয়ে সিঁড়ির গোড়ায় চলে এল, নিল অজ্ঞান গার্ডের ভূমিকা। হড দিয়ে মাথা ঢেকে রেখেছে, আড়াল করে

রেখেছে চেহারা।

ঠিক সময়েই পজিশন নিয়েছে ও, কারণ কয়েক মিনিট পরেই সিঁড়িতে শোনা গেল অনেকগুলো পদশব্দ, অস্ত্র-শস্ত্র সংজ্ঞিত পাঁচজনের একটা দল নেমে আসছে উপর থেকে। রাশান ভাষায় চেঁচামেচি করছে, রানাকে দেখতে পেয়েই জানতে চাইল কোথায় গুলির শব্দ হয়েছে।

মুখ তুলল না রানা, পাল্টা রাশান ভাষায় উত্তেজিত গলায় জানাল, ও-ও শুনেছে গুলির আওয়াজ। হাতের ইশারায় দেখিয়ে দিল নীচের লেভেল। তাড়াহুড়ো করে সিঁড়ি ধরে ওদিকে চলে গেল দলটা, দ্বিতীয়বার ফিরে তাকাল না ওর দিকে। স্বস্তির শ্বাস ফেলল রানা।

‘দারুণ দেখিয়েছেন!’ ফিশারের গলা শুনে ঘাড় ফেরাল ও। খোলা একটা দরজা গলে বেরিয়ে এসেছে কমাঞ্চার, দুই কাঁধে ঝুলছে দুটো করে পুরনো রাশান রাইফেল।

পিছু পিছু গ্রিন আর লিসাও বেরুল। ওরাও রাইফেল এনেছে, সেইসঙ্গে ধরাধরি করে বের করে এনেছে একটা ছোট কাঠের বাক্স।

‘গ্রেনেড,’ বাক্সের দিকে ইশারা করে বত্রিশ পাটি দাঁত দেখিয়ে দিল গ্রিন। ‘এবার আমরাও ওদেরকে উপযুক্ত জবাব দিতে পারব।’

ইলেকট্রিকাল রুমে ফিরে গেল ওরা, কিন্তু ম্যাসনকে কোথাও দেখা গেল না। জেনারেটর রুমে গেল এরপর, সেখান থেকে টানেল ধরে ছোট প্রকোষ্ঠে... অথচ দেখা পাওয়া গেল না সাংবাদিকের। শুধু তা-ই নয়, প্রকোষ্ঠে শ্যারন বা বায়োলজি টিমও নেই।

‘ব্যাপার কী?’ বিস্মিত গলায় বলল লিসা। ‘কোথায় সবাই?’

‘রিপোর্টার ভদ্রলোক নিশ্চয়ই গুলির আওয়াজে ঘাবড়ে

শুন্ন পিঞ্জর-২

১৩৫

গিয়েছিলেন,’ অনুমান করল গ্রিন। ‘এখানে ফিরে এসে তাই সরে গেছেন সবাইকে নিয়ে... ঠিক যেমনটা তাঁকে বলা হয়েছিল।’

কথাটা বিশ্বাস হলো না রানার। ম্যাসন আর যা-ই হোক, একটামাত্র গুলির আওয়াজ শুনে পালিয়ে যাবার বান্দা নয়। তা ছাড়া ওরা যে বিপদে পড়েনি, তাও তো দেখতে পাবার কথা তার। মনের ভিতরে শঙ্কার মেষ দানা বাঁধতে শুরু করেছে, কিন্তু কাউকে বলল না কিছু। নিশ্চিত হবার আগে কারও দিকে অভিযোগের আঙুল তোলা ঠিক নয়। ও নিজেই সঙ্গীদের আস্থা হারাবে সেক্ষেত্রে।

‘কিন্তু ওরা গেছে কোন্দিকে?’ চারদিকে ফ্যাল ফ্যাল করে তাকাচ্ছে লিসা। প্রকোষ্ঠ থেকে বিভিন্ন দিকে চলে গেছে আরও চারটে টানেল, কোন্টায় চুকেছে ম্যাসন আর বিজ্ঞানীরা, কে জানে।

মেঝেতে চোখ বোলাল ফিশার—পায়ের ছাপ বা কোনও চিহ্ন পাওয়া যায় কি না খুঁজল। কিন্তু পেল না। হতাশ গলায় সে বলল, ‘নাহ, কোনও চিহ্ন নেই। ইশশ্, কেন যে একটু অপেক্ষা করল না। যদি বিপদে পড়ে...’

‘বিপদ ওদের চেয়ে আমাদেরই বেশি, স্যর,’ তিঙ্ক গলায় বলল গ্রিন। ‘ম্যাপটা নিয়ে গেছে ওরা। ওটা ছাড়া কোথাও যাওয়ার উপায় নেই আমাদের।’

একজন সৈনিকের পিছু পিছু হন হন করে হাঁটছেন রিয়ার অ্যাডমিরাল নিকোলায়েভ, মনোযোগ দু'পাশে ঠায় দাঁড়িয়ে থাকা প্রিজার্ভেশন ট্যাঙ্কগুলোর উপরে। ওগুলোর ভিতরে বন্দি মৃত মানুষগুলোর দৃষ্টি যেন অনুভব করতে পারছেন তিনি, সেইসঙ্গে অনুভব করছেন তাদের নীরব অভিযোগ—তাঁর পিতার গবেষণাই অকালমৃত্যু ডেকে এনেছে ওদের।

কিন্তু স্থানীয় এ-সব আদিবাসীরাই শুধু এই বরফ-ঘাটিতে অকালপ্রয়াত হয়নি, সময়ের ব্যবধানে এদের সঙ্গে প্রাণ গেছে ইগোর নিকোলায়েভ এবং তাঁর সহকর্মীদেরও। অর্ধশতাব্দীর বেশি সময় ধরে এখানকার অলিগলিতে পড়ে ছিল তাদের মৃতদেহ, কারও ভাগ্যে সৎকার জোটেনি। সবখানে যেন গুমরে মরছে তাদের অত্ম আত্মা।

দীর্ঘশ্বাস বেরিয়ে এল রিয়ার অ্যাডমিরালের বুক চিরে।

ঘাড় ফিরিয়ে পিছনে তাকাল সৈনিক। বলল, ‘কোনও সমস্যা, স্যর?’

‘না,’ রুক্ষ গলায় বললেন নিকোলায়েভ। ‘জলদি হাঁটো।’

কিছুক্ষণের মধ্যেই বড় একটা মোড়ের কাছে পৌছে গেল দু’জনে। ওপাশ থেকে ভেসে আসছে হালকা হাসি-ঠাট্টার আওয়াজ। মোড় পেরিয়ে জটলা করে থাকা পাঁচ সৈনিককে দেখতে পেলেন নিকোলায়েভ—অলস ভঙ্গিতে দাঁড়িয়ে আছে, সিগারেট ধরিয়ে গল্ল-গুজবে মন্ত্র।

‘হচ্ছে কী এ-সব?’ গর্জে উঠলেন নিকোলায়েভ। ‘আড়া দেবার জন্য এসেছ তোমরা?’

বাজখাই গলার ধর্মক শুনে পিলে চমকে গেল সৈনিকদের। সিগারেট ফেলে দিয়ে সটান হয়ে গেল তারা। স্যালিউট টুকল। কাঁপছে প্রত্যেকে। নিকোলায়েভ কাছে আসতেই ঝটপট সরে গেল প্যাসেজের দু’পাশে।

আলোকিত একটা ট্যাঙ্ক দেখতে পেলেন রিয়ার অ্যাডমিরাল, অন্যগুলোর মত বরফ জমে নেই ওটার গায়ে। নীলচে তরল ঝলমল করছে আলোয়। মৃদু গুঞ্জন ভেসে আসছে ওটার দিক থেকে, সম্ভবত মোটর চলছে। ট্যাঙ্কের তলা থেকে মাঝে মাঝে ভেসে উঠছে নিয়ন্ত্রিত বুদ্বুদ।

‘এটা...’ বলল তরুণ সৈনিক, ‘...এটাই দেখাতে চেয়েছি শুন্দি পিঞ্জর-২

আপনাকে, স্যর।'

ট্যাক্সের সামনে গিয়ে দাঁড়ালেন নিকোলায়েভ। ভিতর থেকে মৃদু তাপ বিকিরণ হচ্ছে। নীল রঙের তরলে ডুবে আছে ছোট্ট একটা ছেলে। চোখ বন্ধ, যেন ঘুমিয়ে আছে। আশ্চর্য জীবন্ত লাগছে ওকে।

‘এটার খবর আরও আগে জানানো হয়নি কেন আমাকে?’
জিজ্ঞেস করলেন নিকোলায়েভ।

‘আমরা ভেবেছি এটা আমেরিকানদের চালাকি... আমাদেরকে ব্যস্ত রাখবার চেষ্টা,’ বলল সৈনিক। ইশারায় ট্যাক্সের পাশের দেয়ালে একটা ফোকর দেখাল—ইনসেগ্নিয়ারি ফ্রেনেডের কালো ধোঁয়া এখনও বেরচে ওখান দিয়ে। ‘ওই যে, ওখান দিয়ে পালিয়েছে ওরা।’

‘আমাদের মনে হয়নি জিনিসটা গুরুত্বপূর্ণ,’ যোগ করল আরেকজন।

দু’চোখ জুলে উঠল নিকোলায়েভের, সৈনিকদের দিকে তাকালে ওদের ভিতরটা ভস্ম হয়ে যেত নিঃসন্দেহে। বলে কী! গুরুত্বপূর্ণ নয় মানে! দু’চার কথা শুনিয়ে দিতে ইচ্ছে হলো, কিন্তু ঘুরতে পারলেন না তিনি, সম্মোহিতের মত তাকিয়ে রইলেন ট্যাক্সের ভিতরে।

হঠাৎ ভুরু কুঁচকে উঠল তাঁর। ছেলেটার হাত কি নড়ে উঠল? তা কী করে হয়? ভুল দেখছেন? না... ওই তো, আবার ঝাঁকি খেলো হাতটা। দৃষ্টি বিস্ফারিত হয়ে গেল রিয়ার অ্যাডমিরালের।

‘একটু আগে শুরু হয়েছে এই কাও,’ পিছন থেকে বলল এক সৈনিক। ‘প্রথমে শুধু আঙুল নড়ছিল, এরপর নড়ল হাত। সঙ্গে সঙ্গে আপনাকে খবর দিতে ছুটে গেছি আমি, স্যর।’

কথাগুলো যেন কানেই গেল না রিয়ার অ্যাডমিরালের, একদৃষ্টে তাকিয়ে আছেন তিনি। শুধু হাত নয়, এবার একটা পা-ও

ছুঁড়ল ছেলেটা ।

তবে কি ও জীবিত? চুরি হওয়া জার্নালগুলোর কথা ভাবলেন নিকোলায়েভ, ওগুলোর ভিতরে লুকিয়ে আছে তাঁর প্রশ্নের জবাব। ওগুলোর জন্যই পাঠানো হয়েছে তাঁদেরকে—ইগোর নিকোলায়েভের জার্নাল আর নথিপত্র উদ্ধার করতে। শেষ যে-রিপোর্ট তিনি পাঠিয়েছিলেন মঙ্গলে, তার সত্যতা যাচাই করবার জন্য। সেই রিপোর্ট পড়ে এসেছেন রিয়ার অ্যাডমিরাল, মনে হচ্ছিল যেন শুনতে পাচ্ছিলেন পিতার কঠ। শেষ লাইনে তিনি লিখেছিলেন: আজ আমরা মৃত্যুকে জয় করেছি!

বাচ্চাটার দিকে তাকিয়ে থাকলেন নিকোলায়েভ, তবে কি সত্য বলেছিলেন তাঁর পিতা? এই তো, গবেষণার সাফল্যের প্রমাণ চোখের সামনে দেখতে পাচ্ছেন তিনি। চোখের ভুল নয়, ধোকাবাজি নয়... সঙ্গের সৈনিকরাও দেখছে একই দৃশ্য। কীভাবে এই অসম্ভবকে সম্ভব করা হলো, তার কৌশল জানার জন্য জার্নালগুলোর প্রয়োজন আছে বটে; কিন্তু আপাতত বাচ্চাটাই জার্নালে লুকানো তত্ত্বকথার জলজ্যান্ত প্রমাণ।

‘ট্যাঙ্কটা খোলার কোনও ব্যবস্থা আছে?’ জিজ্ঞেস করলেন নিকোলায়েভ।

আঙ্গুল তুলে ট্যাঙ্কের একপাশ দেখাল এক সৈনিক, সেখানে বড়-সড় একটা লিভার শোভা পাচ্ছে। রূশ ভাষায় খোলা আর বন্ধ করার সঙ্গে দেয়া আছে উপর-নীচে। সৈনিককে ইশারা করলেন রিয়ার অ্যাডমিরাল। ‘খোলো।’

এগিয়ে গেল সৈনিক, দু’হাতে আঁকড়ে ধরল লিভারটা, টানতে শুরু করল সর্বশক্তিতে। জ্যাম হয়ে গেছে ওটা, প্রথম কয়েকটা মুহূর্ত অটল রইল, শেষ পর্যন্ত চাপের মুখে নতি স্বীকার করতে বাধ্য হলো। ভেঁতা আওয়াজ করে নেমে গেল নীচের দিকে।

সঙ্গে সঙ্গে ট্যাঙ্কের ভিতরের তরল দ্রবণে আলোড়ন উঠল।
শুন্দ পিঞ্জর-২

সরে গেল মেঝের আবরণ, উন্নত হলো একটা ড্রেনেজ পাইপের মুখ। সেখান দিয়ে বেরিয়ে যেতে শুরু করল কেমিকাল। বাচ্চার দেহটাও পাক খেতে শুরু করেছে ট্যাঙ্কের ভিতর, কয়েক দফা বাঢ়ি খেলো দেয়ালে, তরল কেমিকাল পুরোপুরি বেরিয়ে গেলে দলা পাকিয়ে দেহটা পড়ে গেল ট্যাঙ্কের তলায়। কয়েক মুহূর্ত কিছু ঘটল না। তারপরেই হিসহিস আওয়াজ তুলে দরজার মত খুলে গেল ট্যাঙ্কের সামনের কাঁচের পাল্লা। ভিতর থেকে দমকা হাওয়ার মত বেরিয়ে এল কমপ্রেসড এয়ার, তাতে অ্যামোনিয়ার কড়া গন্ধ।

অন্ত পায়ে ট্যাঙ্কের ভিতরে চুকে পড়লেন নিকোলায়েভ, হাঁটু গেড়ে বসলেন ছেলেটির পাশে, পরীক্ষা করলেন নাড়ি। দেহটা গরম, কিন্তু পালস নেই কোনও। একটা হাত মুঠোয় ধরলেন শক্ত করে, যেন নিজের ইচ্ছাশক্তির জোরে বাঁচিয়ে তুলবেন ওকে। অনেককিছু জানার আছে নিকোলায়েভের এই ছেলেটির কাছে। তাঁর পিতার কথা... এই গবেষণাগারের কথা। ও কি জানে, কী ঘটেছিল এখানে? কীভাবে মারা গেল সবাই? কেন হারিয়ে গেল স্টেশনটা?

এ-সব ঘটেছে দ্বিতীয় বিশ্বযুদ্ধের শেষভাগে। জার্মানরা তখন চুকে পড়েছে রাশায়, দখল করে নিচ্ছে একের পর এক শহর। সে-অবস্থায় হঠাৎ একদিন নীরব হয়ে গেল আর্কটিকের এই বিচ্ছিন্ন রিসার্চ স্টেশন। এক মাস গেল... দু'মাস গেল... কিন্তু কোনও ধরনের যোগাযোগ করল না স্টেশনের লোকজন। যুদ্ধের ডামাডোলে কারও সময় ছিল না ব্যাপারটা তদন্ত করে দেখবার। তা ছাড়া সে-আমলে আর্কটিকের সঙ্গে যোগাযোগ ব্যবস্থা এত নাজুক ছিল যে, চেষ্টা করলেও ঠিকমত তদন্ত করা যেত কি না সন্দেহ।

বছর গড়াল, হিরোশিমা আর নাগাসাকিতে আণবিক বোমা

ফেলল আমেরিকা... অবসান ঘটল যুদ্ধের। নিউক্লিয়ার অন্ত্র পেল দুনিয়ার সবচেয়ে শক্তিশালী অস্ত্রের মর্যাদা, সবাই ব্যস্ত হয়ে পড়ল এই অন্ত্র হাতে পেতে। অর্থ, শ্রম আর মেধার বন্যা বইয়ে দেয়া হলো আণবিক প্রযুক্তির আবিষ্কার ও উন্নয়নে। আইস স্টেশন ছেওলের গবেষণা তখন গুরুত্ব হারিয়েছে, ওটার খোঁজ নেবার জন্য যে-পরিমাণ খরচ আর শ্রম দিতে হবে, তাতেও আগ্রহ পেল না সরকার। তা ছাড়া অনেক সময় পেরিয়ে গেছে ততদিনে, ভাসমান বরফ-দ্বীপটার সঠিক অবস্থান জানা নেই কারও। কোথায় চলে গেছে ওটা, কিংবা আদৌ টিকে আছে কি না, তা-ও নিশ্চিত হবার উপায় নেই। আর্কটিকের বরফ-দ্বীপ প্রতিনিয়ত ভাঙ্গড়ার শিকার হয়।

এভাবে কেটে গেল বছরের পর বছর। শেষ পর্যন্ত চিরতরে পরিত্যক্ত ঘোষণা করা হলো আইস স্টেশন ছেওলকে। ইগোর নিকোলায়েভের মৃত্যু-জয় সংগ্রান্ত রিপোর্টকে ধরে নেয়া হলো স্বেফ বৃন্দ এক খেয়ালি বিজ্ঞানীর প্রলাপ হিসেবে। ধামাচাপা দেয়া হলো সব। জন্মদাতার পরিণতি অজানা রয়ে গেল তরুণ নিকোলায়েভের কাছে। আজ... এত বছর পর সুযোগ এসেছে সে-রহস্য ভেদ করবার। মানুষটার সাফল্যের কথা দুনিয়ার সামনে প্রকাশ করবার... তাকে প্রাপ্য সম্মান দেবার।

হাত দিয়ে বাচ্চাটার মুখ মুছে দিলেন রিয়ার অ্যাডমিরাল, কপালের উপর থেকে সরিয়ে দিলেন ভেজা চুলের গোছা। আর তখনি মুঠোর ভিতর ধরা হাতটায় প্রাণস্পন্দন অনুভব করলেন তিনি। কেঁপে উঠল ওটা, তারপর শুরু হলো খিঁচুনি—শুধু হাত নয়, পুরো দেহে। হাত-পা ছুঁড়ছে ছেলেটা, পিঠ বাঁকাচ্ছে—কুণ্ডলী পাকানোর মত ভঙ্গি হলো একবার, এরপর আবার ঝট করে সিধে হলো। হাঁ হয়ে গেল মুখ, সেখান দিয়ে গলগল করে বেরিয়ে এল নীলচে তরলের দ্রবণ, ভিজিয়ে দিল রিয়ার অ্যাডমিরালের শরীর।

শুভ্র পিঞ্জর-২

যক্ষারোগীর মত ঘড়ঘড়ে আওয়াজ বেরুল গলা দিয়ে।

ঝট করে সৈনিকদের দিকে তাকালেন নিকোলায়েভ। ‘এদিকে এসো! সাহায্য করো আমাকে!’

তাড়াতাড়ি এগিয়ে গেল দু’জন। ধরাধরি করে ছেলেটাকে বের করে আনল ট্যাঙ্ক থেকে। খিঁচুনি কিছুটা কমে এসেছে, করিডোরে শোয়ানো হলো তাকে। মাথাটা ধরে রাখলেন নিকোলায়েভ, যাতে মেঝেতে বাড়ি না খায়। হঠাৎ বন্ধ চোখদুটো খুলে গেল। নড়তে শুরু করল সাদাটে দুই মণি, দৃষ্টিতে শূন্যতা।

সভয়ে পিছিয়ে গেল সৈনিকরা। একজন ফিসফিসিয়ে উঠল, ‘ওহ গড়! এ তো জ্যান্ত!!’

না, জ্যান্ত নয়—জানেন নিকোলায়েভ। কিন্তু মৃতও বলা চলে না। মাঝামাঝি আটকে আছে। খুব শীত্রি পাল্লার যে-কোনও একটা দিক ভারী হতে চলেছে। খিঁচুনিটা পার্শ্ব-প্রতিক্রিয়া, আসল কাজ হচ্ছে দেহের ভিতরে। জমে থাকা কোষগুলো ধীরে ধীরে সজীব হয়ে ওঠার চেষ্টা করছে। পারবে কি না, সেটাই এখন দেখার বিষয়।

একটু পরেই থেমে গেল খিঁচুনি। হি হি করে শীতে কাঁপতে শুরু করল ছেলেটা। ফুলে উঠল বুক, যেন বিস্ফোরিত হবে... ধনুকের মত বাঁকা হয়ে গেল পিঠ। ওভাবেই রইল কয়েক মুহূর্ত। ঠোঁটের নীলচে রঙ বদলে গিয়ে গোলাপি হয়ে উঠতে দেখলেন রিয়ার অ্যাডমিরাল, অনুভব করলেন চামড়া গরম হয়ে উঠেছে। আশাবাদী হয়ে উঠছিলেন তিনি, কিন্তু আচমকা নেতৃত্বে পড়ল দেহটা। নড়ল না আর।

গভীর বিষাদে ছেয়ে গেল নিকোলায়েভের অন্তর। তারমানে সফল হননি তাঁর পিতা। সন্দেহ নেই অনেকখানি এগিয়ে গিয়েছিলেন—ছেলেটার শারীরিক অবস্থা সে-সাক্ষ্যই দিচ্ছে—কিন্তু চূড়ান্ত সাফল্য অধরাই রয়ে গিয়েছিল।

বিষণ্ণ দৃষ্টিতে ছেলেটার মুখের দিকে তাকালেন রিয়ার অ্যাডমিরাল, আর তখনি তাঁকে বিস্মিত করে দিয়ে চোখ পিটপিট করল সে। নিয়মিত লয়ে ওঠানামা করতে শুরু করল বুক। দুর্বল ভঙ্গিতে হাতদুটো উঁচু করল, তারপর ভাঁজ করে রাখল বুকে। শীত থেকে বাঁচার চেষ্টা।

বেঁচে উঠেছে ছেলেটা!

ঠোঁট নড়ল। ফিসফিস করে বেরিয়ে এল একটা জড়ানো শব্দ। ‘ওত্হয়েত্স!’

চমকে উঠলেন নিকোলায়েভ। রূশ ভাষায় কথা বলছে ছেলেটা!

আবারও ঠোঁট নাড়ল ও। ‘ওত্হয়েত্স... পাপা!’

কী জবাব দেবেন, বুঝে উঠতে পারলেন না নিকোলায়েভ। সান্তুন্নাসূচক কিছু একটা বলবেন ভেবে মুখ খুলতে গেছেন, এমন সময় বাধা পেলেন ভারী পদশব্দে। ঘাড় ফেরাতেই লেফটেন্যাণ্ট গরক্ষিকে দেখতে পেলেন। সশস্ত্র একদল সৈনিক নিয়ে ফিরে এসেছে। কাছাকাছি এসে স্যালিউট ঠুকল। তারপর ভুরু কুঁচকে তাকাল খোলা ট্যাঙ্ক আর যেবেতে শয়ে থাকা ছেলেটার দিকে।

‘কী হয়েছে, গরক্ষি?’ জানতে চাইলেন নিকোলায়েভ।

‘স্যর...’ গলা খাঁকারি দিল লেফটেন্যাণ্ট। ‘আমেরিকান দলটা... এক নম্বর লেভেলে পাওয়ার হারিয়েছি আমরা। সম্ভবত ওরা পালাবার চেষ্টা করছে।’

মাথা নাড়লেন নিকোলায়েভ। ‘অসম্ভব।’

‘কেন, স্যর?’

‘ওরা পালাবে না, লেফটেন্যাণ্ট। পালিয়ে গিয়ে আশ্রয় নেবার মত কোনও জায়গা নেই ওদের। নিশ্চিত থাকতে পারো, এখনও ওরা স্টেশনের ভিতরেই আছে।’

‘তা হলে... তা হলে আমাদের কী করতে বলেন?’

শুভ্র পিঞ্জর-২

‘আমার অর্ডার বদলায়নি, লেফটেন্যাণ্ট।’ বাচ্চাটার চোখে
চোখ রাখলেন রিয়ার অ্যাডমিরাল। যা চাইছিলেন, তা পেয়ে
গেছেন—পিতার সাফল্যের প্রমাণ। আর কোনও কিছুর পরোয়া
করেন না তিনি। ‘খুঁজে বের করো ওদেরকে। খতম করে দাও।’

চোদ্দ

সার্ভিস টানেল ধরে হামাগুড়ি দিয়ে এগোছে গ্যারি ম্যাসন,
হাতের মুঠোয় রেখেছে ম্যাপটা। তাকে অনুসরণ করছে শ্যারন,
ড. কনওয়ে আর বার্যোলজি টিমের তিনি রিসার্চ অ্যাসিস্টেন্ট।

একটা ইন্টারসেকশনে পৌছে থামল ওরা। চারদিকে পাইপ
আর কঙুইটের জঙ্গল। ম্যাপ দেখে বাঁয়ে মোড় নিল ম্যাসন,
পাইপের তলা দিয়ে শরীর বাঁকিয়ে-চুরিয়ে চুকে পড়ল অপেক্ষাকৃত
সংকীর্ণ আরেকটা টানেলে।

শরীর ঘষা থাচ্ছে পাইপের গায়ে। উঁচু হয়ে থাকা একটা স্কু-র
খোঁচা খেয়ে ককিয়ে উঠলেন ড. কনওয়ে। জিজেস করলেন,
‘আর কতদূর যেতে হবে? এভাবে তো আর এগোতে পারছি না!'

বিজ্ঞানীর অভিযোগে কর্ণপাত করল না ম্যাসন। সামনে
আলোর আভা দেখতে পাচ্ছে। টানেলের মেঝেতে বসানো একটা
ফোকর গলে আসছে ওই আভা। ফোকরের মুখ লোহার গ্রিল
দিয়ে ঢাকা।

কাছে গিয়ে বুকে ভর দিয়ে শুয়ে পড়ল ম্যাসন। গ্রিলের ফাঁক

দিয়ে তাকাল নীচে। ছেট্ট একটা কামরা দেখা যাচ্ছে—বর্গাকার। দেয়ালগুলো মূল স্টেশনের মত ইস্পাতের তৈরি। ছাতের ঠিক মাঝখানে বুলছে একটা নিঃসঙ্গ বালব। ঠোটের কোণে হালকা হাসি ফুটল ম্যাসনের। এটাই খুঁজছিল। লুকানোর জন্য চমৎকার একটা জায়গা। মূল স্টেশন থেকে বিচ্ছিন্ন... নির্জন।

ফোকর পেরিয়ে অন্যপাশে চলে গেল সে। পা-দুটো ঘিলের উপর পৌছুলে থামল। শুরু করল লাথি। প্রথম কয়েক মিনিট অটল রইল ঘিলের পাণ্ডা। এরপরে ভেঁতা শব্দ করে ভেঙে গেল ওটাকে ধরে রাখা স্কু-গুলো। দড়াম করে নীচে আছড়ে পড়ল পাণ্ডাটা।

দেরি করল না ম্যাসন, ফোকর পলে নেমে পড়ল নীচের কামরায়। মেঝে যতটা নীচে থাকার কথা, তা নেই। দেখে একটু অবাক হলো। তবে চারপাশে নজর বোলাতেই পরিষ্কার হয়ে গেল রহস্যটা। কোনও এককালে পানি ঢুকে পড়েছিল কামরায়, জমে বরফ হয়ে গেছে—ফলে তিন ফুট কমে গেছে কামরার উচ্চতা। এখানে ওখানে বরফ ফুঁড়ে বেরিয়ে আছে বেশ কটা ড্রাম আর ক্রেটের উর্ধ্বাংশ। একপাশে একটা টুল-শেলফের নীচের তিনটে ধাপও অদৃশ্য হয়ে গেছে বরফের তলায়।

সবচেয়ে বিস্ময়কর জিনিসদুটো রয়েছে কামরার দু'পাশের দেয়ালে। বিশাল একজোড়া পিতলের হইল... অন্তত দশ ফুট উঁচু। বরফের মেঝের উপর রাখা দুটো মোটরের সঙ্গে অ্যাস্ট্রেল দিয়ে যুক্ত হয়েছে হইলগুলো। হইলের মত কামরার একপাশের একটা দেয়ালও সম্পূর্ণ পিতলের তৈরি, দুই কিনারে রয়েছে খাঁজ, হইলের দাঁতগুলো সেই খাঁজ স্পর্শ করছে।

ভুরু কঁচকাল ম্যাসন। ডানদিকের হইলটা একটু কাত হয়ে আছে। দেয়ালের গায়ে পোড়া দাগ... যেন বিস্ফোরণে মাউণ্টিং থেকে খুলে এসেছে ওটা। কাত হয়ে থাকা হইলটা ফুটো করে

দিয়েছে ইস্পাতের দেয়াল... সম্ভবত ওখান দিয়েই ঢুকেছে পানি। এগিয়ে গিয়ে ফুটোয় চোখ রাখল ম্যাসন। কিন্তু ওপাশটা একেবারে অঙ্ককার, দেখা গেল না কিছু।

পিছনে পায়ের শব্দ হলো, বাকিরাও একে একে নামতে শুরু করেছে। চারদিকে তাকিংয়ে শ্যারন জিজ্ঞেস করল, ‘কোথায় নিয়ে এলেন আমাদের?’

ওর দিকে ঘুরল ম্যাসন, যেন তার ঠোঁট পড়া যায়। ‘ম্যাপ বলছে, এটা স্টেশনের সি-গেইটের কট্টোল রুম।’ খাঁজকাটা পিল্লের দেয়ালটার দিকে ইশারা করল। ‘ওটা উঠিয়ে-নামিয়ে নীচের ডকিং স্টেশনে পানি ঢোকানো বা বের করা হতো—সাবমেরিন ঢোকানো বা বেরনোর জন্য।’

ড. কনওয়ে আর তাঁর সহকারীরাও নেমে এসেছে। নার্ভাস ভঙ্গিতে তাকাচ্ছে চারপাশে। লিলি জানতে চাইল, ‘এখানে কি আমরা নিরাপদ?’

‘অন্তত আগের চেয়ে,’ বলল ম্যাসন। ‘সার্ভিস টানেলে থাকা রিস্কি হয়ে যাচ্ছিল। সন্দেহ নেই, খুব শীত্রি সবকটা সুড়ঙ্গে গ্রেনেড মারতে শুরু করবে রাশানরা। এখানে ঘাপটি মেরে থাকলে মোটামুটি সেফ আমরা। মেইন কমপ্লেক্স থেকে বেশ দূরে এই রুম। হতে পারে, এটার খবর হয়তো জানেই না ওরা।’

কামরার দরজার দিকে এগিয়ে গেল শ্যারন। মুখ বরাবর উচ্চতায় এক টুকরো কাঁচ লাগানো। ওটা মুছে উঁকি দিল বাইরে। সংকীর্ণ একটা প্যাসেজ দেখা যাচ্ছে... চলে গেছে মেইন কমপ্লেক্সের দিকে। তবে পানি ঢুকে ওখানেও বরফ জমেছে... প্রায় বন্ধই হয়ে গেছে বলা যায়।

‘ঠিকই বলেছেন,’ বলল ও। ‘এদিক দিয়ে আসতে পারবে না রাশানরা। প্যাসেজটা বরফে প্রায় বুজে গেছে।’

‘গুড জব, মি. ম্যাসন,’ বলে উঠলেন ড. কনওয়ে। ‘খুব ভাল

জায়গা বেছেছেন।'

সাংবাদিকের দিকে ফিরল শ্যারন, চেহারায় উদ্বেগ। 'কিন্তু মি. রানা-সহ অন্যদের কী হবে?'

ঠেঁট কামড়াল ম্যাসন, ঘুরিয়ে নিল দৃষ্টি। বলল, 'আমাদের কিছু করার নেই। আশা করি নিজেদের রক্ষা করতে পারবেন ওঁরা।'

তিনি নম্বর লেভেলের কমন এরিয়ায় লড়াই শুরু হতেই পালিয়ে এসেছে সে। ওখানে অপেক্ষা করে ঝুঁকি নিতে চায়নি। বিরাট একটা দায়িত্ব রয়েছে তার কাঁধে, ধরা পড়লে সব ভজকট হয়ে যাবে। গোমরটা কাউকে জানানো চলে না, বিজ্ঞানীদের বুঝ দিয়েছে রানাদের বিপদে পড়ার কথা বলে। ওদেরকে নিয়ে চলে এসেছে স্টেশনের একদম নীচের লেভেলে। লুকানোর জন্য গেইট কন্ট্রোল রুমটা আদর্শ বলে মনে হয়েছে তার কাছে।

'আপনার প্ল্যানটা কী?' এগিয়ে এসে জানতে চাইলেন ড. কনওয়ে। 'এখানেই অপেক্ষা করবেন রাশানরা চলে না যাওয়া পর্যন্ত? কিন্তু কখন যাবে ওরা, তার তো কোনও ঠিক নেই। খাবার-দাবারও নেই আমাদের সঙ্গে। এ-অবস্থায় কতক্ষণ টিকে থাকা সম্ভব?'

ভদ্রার খালি বোতলে ভরা একটা ক্রেট টেনে নিল ম্যাসন। বাড়ি খেয়ে টুং টাং আওয়াজ করল বোতলগুলো। ক্রেটের উপর বসে সে বলল, 'দুশ্চিন্তার কিছু দেখছি না। এতক্ষণে এখানকার গোলমালের খবর পৌছে গেছে বাইরে। খুব শীত্রি সাহায্য চলে আসবে। ততক্ষণ টিকে থাকলেই চলবে।'

'কীভাবে নিশ্চিত হচ্ছেন?' শীতল গলায় জিজ্ঞেস করল শ্যারন, ওর চোখ ধকধক করছে।

মেয়েটার ক্রোধের কারণ অজানা নয় ম্যাসনের। রানা আর নেভির তিনি অফিসারকে বিপদের মুখে ফেলে পালাতে চায়নি ও।
শুভ পিঞ্জর-২

কিন্তু ভোটাভুটিতে হেরে গিয়ে ওদের সঙ্গে আসতে বাধ্য হয়েছে। কাপুরঘোষিত এই আচরণের জন্য ও সরাসরি দায়ী করছে ম্যাসনকে।

‘নিশ্চিত নই আমি,’ হালকা গলায় বলল সাংবাদিক। ‘স্রেফ একটা অনুমান।’

একটু ঘুরে বসল সে। শ্যারনের অগ্নিদৃষ্টির সামনে সংকুচিত বোধ করছে। মনোযোগ ফেরানোর জন্য জ্যাকেটের ভিতর থেকে বের করে আনল একটা বাইওয়ার—মেইন ল্যাব থেকে নিয়ে আসা তিনটের একটা। দুর্বোধ্য সঙ্কেত দিয়ে লেখা হয়েছে ওটা, সঙ্কেতের অর্থ বের করা যায় কি না দেখবে।

বিস্ময় ফুটল শ্যারনের চোখে, জার্নালটা চিনতে পেরেছে। অভিযোগের সুরে বলল, ‘ওটা আপনি ছুরি করেছেন?’

কাঁধ ঝাঁকাল ম্যাসন। ‘ছুরি না, ধার নিয়েছি বলতে পারেন। প্রথমটা, আর শেষ দুটো। মনে হলো এ-তিনটে পড়লেই সব জানা যাবে—প্রথম আর শেষ। আসুন না, আপনারাও চেষ্টা করে দেখুন, কিছু বোঝা যায় কি না।’ বাকি দুটো জার্নাল বের করে শ্যারন আর ড. কনওয়ের হাতে দিল সে।

পাতা উল্টাল দুই বিজ্ঞানী। ওদেরকে ঘিরে ধরল তিন রিসার্চ অ্যাসিস্টেন্ট।

‘এ তো স্রেফ হিজিবিজির মত দেখাচ্ছে!’ বলে উঠল নেভিল, সবচেয়ে কমবয়েসী রিসার্চার।

‘হিজিবিজি না, এটা এক ধরনের কোড,’ বলল শ্যারন। গভীর মনোযোগ দিয়ে দেখছে জার্নালের প্রতিটা পৃষ্ঠা।

‘কিন্তু কী ধরনের কোড?’ বলল ম্যাসন। নিজের কোলে রাখা জার্নালটার প্রথম পাতায় চোখ আটকে আছে তার। ‘এ-ধরনের অক্ষর আগে কোনোদিন দেখিনি।’

কয়েক মিনিট পর হাল ছেড়ে দিল শ্যারন। জার্নাল ধন্দ করে

বলল, 'সন্তুষ্ট নয়। এ-জিনিস ডিসাইফার করতে হলে পেশাদার ক্রিপ্টোলজিস্ট দরকার।'

'এনক্রিপশনের পিছনে একটাই কারণ থাকতে পারে,' ম্যাসন বলল। 'নিশ্চয়ই স্পর্শকাতর কোনও তথ্য আছে এর মধ্যে।'

'নাও থাকতে পারে,' বললেন ড. কনওয়ে। 'কোড়টার প্রতি গুরুত্ব দিচ্ছেন আপনি, কিন্তু এটা কি জানেন, বেশিরভাগ বিজ্ঞানীই তাদের গবেষণার সম্মত নথি এভাবে সংরক্ষণ করেন? হোক সেটা গোপন, বা প্রকাশ্য বিষয়।'

'কিন্তু কেন?' জ্ঞানুটি করল ম্যাসন।

'এক ধরনের প্যারানয়া বলতে পারেন... নিজের আবিষ্কার চুরি হয়ে যাওয়ার ভয়। অনাদিকাল থেকেই চলছে এটা। লিওনার্দো দ্য ভিঞ্চির গল্প শোনেননি? এমনভাবে নিজের জার্নাল লিখতেন উনি, যাতে আয়নার সামনে ধরে পড়তে হয়।'

অদ্ভুত বর্ণগুলোর দিকে তাকিয়ে রাইল ম্যাসন, বোৰ্কার চেষ্টা করল ওগুলোর ভিতরে কোনও ধরনের পরিচিত ছন্দ আছে কি না। কিন্তু তাতে লাভ হলো না। কী যেন মিস করে যাচ্ছে বার বার।

কিছুক্ষণ চুপচাপ বসে থাকার পর হঠাতে সচকিত হয়ে উঠল সে। নতুন একটা আওয়াজ শুনতে পাচ্ছে আবছাভাবে। প্রথমে মনে হলো শোনার ভুল, কিন্তু আওয়াজের তীব্রতা বাড়তেই ভেঙে গেল ভুল ধারণা।

'ক... কীসের আওয়াজ?' হতভম্ব গলায় বলল লিলি।

উঠে দাঢ়াল ম্যাসন, সঙ্গীদের মুখের দিকে পালা করে তাকাল। সবাইকে বিভ্রান্ত দেখাচ্ছে। পা বাঢ়াল সে। শব্দের উৎসের দিকে এগোল। দেয়ালের একটা ফাটল দিয়ে আসছে শব্দটা। ওখানে গিয়ে কান পাতল।

'কুকুরের ডাক না?' পিছন থেকে বলে উঠল স্যাম, বায়োলজি।
শুভ পিঞ্জর-২

টিমের তৃতীয় সদস্য।

‘কুকুর-ই... কোনও সন্দেহ নেই,’ সায় দিলেন ড. কলওয়ে।

‘একটু ভুল করছেন আপনি, ডষ্টের,’ বলল ম্যাসন। ‘শুধু কুকুর না, ওটা আসলে কুকুর আর নেকড়ের সংকর! গতকাল থেকে এতৰার শুনেছে ওই ডাক, ভুল হবার কোনও সম্ভাবনা নেই। ‘ওর নাম লোবো!'

দুটো টানেলের সংযোগস্থলে দাঁড়িয়ে আছে অ্যাবি, হাত মুঠো করে লোবোকে চুপ করতে ইশারা করল। ওর কয়েক গজ সামনে, একটা টানেলের দিকে মুখ করে চাপা স্বরে গরগর করছে কুকুরটা, শরীর কুঁজো করে নিয়েছে রক্ষণাত্মক ভঙ্গিতে, হামলা শুরু হলে মনিবকে রক্ষা করবার জন্য তৈরি।

অ্যাবির ঠিক পিছনে দাঁড়িয়ে আছে জিম পাটইয়াক, পাশে সিম্যান পাওয়েল। দেয়ালে আঁকা একটা সবুজ ত্রিভুজ দেখিয়ে জিম ফিসফিস করে বলল, ‘এই যে... এ-দিক দিয়ে যেতে হবে।’ গলা কাঁপছে তার।

লোবোকে এগোবার ইশারা করল অ্যাবি। ঘাড়ের লোম খাড়া করে হাঁটতে শুরু করল কুকুরটা, তার পিছু নিল ওরা। সতর্ক পদক্ষেপে। সমস্ত ইন্দ্রিয় খাড়া করে রেখেছে প্রত্যেকে।

ভূ-গর্ভস্থ এই টানেল নেটওয়ার্কে ওঁত পেতে থাকা বিপদ সম্পর্কে সচেতন ওরা। গত আধ ষষ্ঠীয় কয়েক দফা দেখা পেয়েছে অচেনা প্রাণীগুলোর। উপরে দেখা প্রাণীটার মতই চেহারা সবগুলোর, ওটার মতই হামলা চালাবার চেষ্টা করেছে ওদের উপর। প্রতিবারই ফ্লেয়ার ছুঁড়ে নিরস্ত করা হয়েছে ওগুলোকে। ইতিমধ্যে বুঝে গেছে ওরা—ফ্লেয়ারের উজ্জ্বল আলো আর তাপ সহ্য করতে পারে না প্রাণীগুলো। তবে এই কৌশলের মেয়াদ ফুরিয়ে এসেছে। আর মাত্র দুটো ফ্লেয়ার শেল আছে অ্যাবির

কাছে। ওগুলো শেষ হবার পর কী ঘটবে, তা ভাবতেও ভয় পাচ্ছে।

মিটমিট করে উঠল জিমের হাতের ফ্ল্যাশলাইট। ক্ষণিকের জন্য ওদেরকে ডুবিয়ে দিল অন্ধকারে। গাল দিয়ে উঠল ও, দেয়ালের গায়ে ঠুকল ফ্ল্যাশলাইটটা। আবার জুলে উঠল আলো... তবে আগের চেয়ে দুর্বল।

‘শালার পোড়া কপাল,’ গজগজ করে উঠল পাওয়েল। ‘এবার দেখি আলোটাও বেস্টমানী শুরু করেছে!'

ফ্ল্যাশলাইটটার কোনও দোষ নেই। টুইন অটারের ইমার্জেন্সি কিট থেকে ওটা সংগ্রহ করেছে অ্যাবি—পুরনো... বিমানের অরিজিন্যাল গিয়ারের অংশ। ব্যাটারিও বদলানো হয়নি বহুদিন। প্রয়োজন পড়েনি। মনে মনে নিজেকে শাপ-শাপান্ত করল অ্যাবি। ইশ্শ... আরেকটু যদি সতর্ক হতো... যদি নিয়মিত ব্যাটারি বদলাত ফ্ল্যাশলাইটের... তা হলে এই সমস্যায় পড়তে হতো না।

আবারও মিটমিট করল আলোটা। অনুনয়ের ভঙ্গিতে জিম বলল, ‘পিজ... নিভিস না! পিজ!!’

হাতের মধ্যে ফ্ল্যাশলাইটটাকে কয়েকবার ঝাঁকাল সে। সেকেণ্টের ভগ্নাংশের জন্য একটু উজ্জ্বল হলো আলো... শেষবারের মত প্রদীপ যে-ভাবে দপ্ত করে জুলে ওঠে, অনেকটা সে-ভাবে... তারপরেই নিভে গেল পুরোপুরি। হাজার চেষ্টাতেও ওটাকে আর জ্বালতে পারল না জিম।

গাঢ় একটা পর্দার মত ওদেরকে ঘিরে ধরল আঁধার। চারদিক মিশমিশে কালো। কিছু দেখা যায় না।

‘লোবো!’ ফিসফিসিয়ে ডাকল অ্যাবি।

ওর পায়ে শরীর ঘষল কুকুরটা। ডেকে উঠল ঘেউ ঘেউ করে। ওটার ঘাড়ে হাত বুলিয়ে দিল অ্যাবি। একটু শান্ত হলো তাতে লোবো।

‘এবার কী?’ জিজ্ঞেস করল জিম।

‘ফ্লেয়ার জ্বালুন,’ অ্যাবিকে বলল পাওয়েল। ‘আলো যতক্ষণ
জুলে, তার মধ্যে একটা নিরাপদ জায়গা খুঁজে নেবার চেষ্টা
করব।’

‘মাত্র দুটো শেল আছে আমার কাছে,’ জানাল অ্যাবি। ‘এখনি
যদি খরচ করে ফেলি, পরে জানোয়ারগুলো হামলা চালালে কী
করব?’

‘অঙ্ককারে বসে থেকেও তো লাভ হবে না। ওগুলোকে
আসতে দেখব না। এখানে আমরা সম্পূর্ণ অরক্ষিত।’

যুক্তিটা অকাট্য। ফ্লেয়ার গান উঁচু করল অ্যাবি। ট্রিগার
চাপতে যাবে, এমন সময় হিসিয়ে উঠল জিম।

‘দাঁড়ান! ডানে তাকান! কী ওটা? আলো?’

মাথা ঘূরিয়ে চোখ পিটপিট করল অ্যাবি। সাদাটে একটা
আভা দেখতে পেল—কিছু একটা জ্বলজ্বল করছে দূরে। বলল,
‘আলোই তো মনে হচ্ছে। স্টেশনের কোনও বাতি?’

‘মনে হয় না,’ জিম বলল। ‘এগ্রিম্স থেকে এখনও আমরা
বেশ খানিকটা দূরে।’

‘স্টেশন না হোক, আলো তো জ্বলছে!’ বলল পাওয়েল।
‘চলুন ওদিকে যাই। ফ্লেয়ার জ্বালুন।’

‘না, তাতে চোখ ধাঁধিয়ে যাবে,’ বলল অ্যাবি। ‘আলোর
উৎসটা আর আলাদা করতে পারব না।’

‘তা হলে?’

‘অঙ্ককারেই পথ খুঁজে নিতে হবে।’ ফ্লেয়ার গানটা কোমরে
গুঁজে ফেলল অ্যাবি। ‘আসুন, হাত ধরাধরি করে এগোই।’

মাঝখানে রইল ও, দু'পাশ থেকে ওর হাত ধরল পাওয়েল
আর জিম। এরপর তিনজনে হাঁটতে শুরু করল। লোবো যথারীতি
সামনে থাকছে। এগোবার গতি ধীর, আলোর অভাবে খুব

সাবধানে পা ফেলতে হচ্ছে। খানাখন্দে পা ফেলে গোড়ালি
মচকালে, সর্বনাশ!

দাঁত সারাক্ষণ শিরশির করছে অ্যাবির, মাথাও ঘূরছে অল্প
অল্প। স্লেক পিটে ঢোকার পর থেকে শুরু হয়েছে এই কাণ্ড।
সঙ্গীদের মুখেও শুনেছে একই অসুবিধের কথা। হতে পারে
ব্যাপারটা স্টেশনের জেনারেটর বা অন্য কোনও যন্ত্রের
ভাইঞ্চেশনের প্রভাব—যদিও পুরোপুরি সন্তুষ্ট হতে পারছে না
ব্যাখ্যাটায়। মূল স্টেশন থেকে এখনও বেশ দূরে ওরা, তা হলে
ভাইঞ্চেশনের প্রভাব ক্ষণে ক্ষণে কমছে—বাড়ছে কেন?

আঁকা-বাঁকা টানেল ধরে পর পর কয়েকটা বাঁক পেরুল ওরা।

একটু পর পাওয়েল বলল, ‘মেঝেটা ঢালু হয়ে এসেছে,
খেয়াল করেছেন? মনে হচ্ছে দ্বিপের আরও গভীরে নেমে যাচ্ছি
আমরা।’

‘এমন তো হবার কথা না,’ বলল জিম। ‘নিশ্চয়ই ম্যাপিং করা
ট্রেইল থেকে সরে এসেছি আমরা। পথ হারিয়েছি কি না কে
জানে।’

‘আলোটা কিন্তু উজ্জ্বল হয়েছে অনেক,’ সামনের দিকে ইশারা
করল অ্যাবি।

‘ছেটবেলায় দাদুর মুখে সেডনা-র গল্প শুনেছিলাম,’ জিম
বলল। ‘সেরকম কিছু না হলেই হয়।’

‘সেডনা!’ বিস্ময় প্রকাশ করল পাওয়েল। ‘ওটা আবার কী
জিনিস?’

‘জিনিস না, ইনুইট উপকথার দুষ্ট এক ডাইনি,’ বলল অ্যাবি।
‘জুলজুলে শরীর তার, আলো ঠিকরে বেরোয়। আঁধার রাতে সেই
আলোকে অনুসরণ করতে গিয়ে পথ হারায় নিঃসঙ্গ জেলেরা...
সংগরে ঢুবে মরে।’

‘প্রথমে দানব... এখন আবার ভূতের কাহিনি!’ সখেদে বলল
শত্রু পিঞ্জর-২

পাওয়েল। 'আর্কটিকের প্রতি বিত্কণা এসে যাচ্ছে আমার।'

আর কোনও কথা বলল না কেউ। নীরবে হেঁটে চলল। মিনিটপাঁচকে পর, বড় একটা মোড় ঘুরতেই দেখা পেল আলোর উৎসের। বড় একটা গুহার মত জায়গায় পৌছেছে ওরা, একপাশের দেয়ালে ফাটল ধরেছে, সেই ফাটল দিয়ে বেরিয়ে আসছে এক চিলতে আলো, বরফের মেঝেতে প্রতিফলিত হয়ে আবছাভাবে আলোকিত করে তুলেছে গুহার অভ্যন্তর। হাত ছেড়ে দিয়ে ফাটলের দিকে এগোল তিনজনে। ঘেউ ঘেউ করে ডাক ছাড়ল লোবো—ও-ও অঙ্ককারের কবল থেকে মুক্তি পেয়ে খুশি।

চারদিকে নজর বোলাল পাওয়েল। 'কোথায় এলাম? সামনে যাওয়ার তো কোনও রাস্তা নেই দেখছি।'

'আলোটা কীসের, সেটা আগে জানা দরকার,' বলল অ্যাবি।

ওদের কথা সম্ভবত শোনা গেছে ফাটলের ওপাশ থেকে। একটা নারীকর্ত্ত ডেকে উঠল, 'হ্যালো? কে ওখানে?'

গরগর করে উঠল লোবো।

খপ্ করে অ্যাবির হাত চেপে ধরল পাওয়েল। 'কার গলা? সেডনা না তো!'

মুচকি হাসল অ্যাবি। 'ওই ডাইনি ইংরেজি বলতে পারে না।' হাত ছাড়িয়ে সামনে এগোল ও। ধমক দিয়ে চুপ করালো লোবোকে। তারপর পাল্টা ডাক দিল, 'হ্যালো?'

'কে কথা বলছেন?' নতুন একটা গলা ভেসে এল... পুরুষকর্ত্ত।

চমকে উঠল অ্যাবি। এই গলা ও চেনে। 'ক... কে? মি. ম্যাসন?'

'মিস ম্যানিটক!' ম্যাসনও চিনল ওর গলা। 'আপনি?'

তাড়াতাড়ি ফাটলের পাশে চলে গেল অ্যাবি। বেশি বড় না ওটা, বড়জোর দুইঞ্চির মত হবে। ওখান দিয়ে আসছে আলো

আর সাংবাদিকের গলা। আবেগাপুত হয়ে পড়ল—ম্যাসন বেঁচে
আছে... তারমানে রানাও!

‘কীভাবে... ওখানে কোথেকে এলেন আপনারা?’ জিজ্ঞেস
করল ম্যাসন।

জবাব দেবার আগেই আবারও হাঁকডাক জুড়ে দিল লোবো।
এবার আগের চেয়ে জোরে গর্জন করছে, ঘুরে গেছে গুহামুখের
দিকে। ঝট করে ওদিকে ঘুরল অ্যাবি, থমকে গেল সঙ্গে সঙ্গে।
একজোড়া রঙ্গলাল চোখ জুলজুল করছে অঙ্ককারে।

‘সর্বনাশ!’ আতকে উঠল জিম।

হেলে-দুলে টানেলের অঙ্ককার থেকে আলোকিত গুহায় ঢুকল
একটা দানব। সশব্দে নাক টানছে, কুঁৎকুঁতে চোখে তাকাচ্ছে
এদিক-ওদিক। এটাই ওদের দেখা সবচেয়ে বড় দানব,
আগেরগুলো এর চেয়ে ছোট ছিল।

বিদ্যুৎ খেলে গেল অ্যাবির শরীরে। টান দিয়ে বের করে
আনল কোমরে গৌঁজা ফ্লেয়ার গানটা। টিপে দিল ট্রিগার। দানবের
দিকে উড়ে গেল ফ্লেয়ার, গায়ে বাড়ি খেয়ে আছড়ে পড়ল পায়ের
কাছে, তারপরেই চোখ ধাঁধানো আলো ছড়িয়ে বিস্ফোরিত হলো।

চিৎকার করে উঠল দানবটা। ঝটপট পিছিয়ে গেল কয়েক পা,
তারপরেই উল্টো ঘুরে ছুটে পালিয়ে গেল। অদৃশ্য হয়ে গেল
টানেলের অঙ্ককারে।

‘আলো নিভলে আবার ফিরে আসবে শটা,’ শক্তি গলায়
বলল পাওয়েল।

‘আর মাত্র একটা শেল আছে,’ বলল অ্যাবি। ‘ওটা ফুরোলেই
আমরা শেষ।’ দেয়ালের ফাটলের দিকে ফিরল। ‘ওই দানবের
ব্যাপারে কিছু জানেন আপনি, ম্যাসন?’

‘গ্রেণেল বলে ওগুলোকে,’ ম্যাসন জানাল। ‘দ্বিপের গভীরে বহু
বছর ধরে শীতনিদ্রায় ছিল, সম্প্রতি জেগে উঠেছে। আধুনিক
শুভ পিঞ্জর-২

তিমির স্তুলচর পূর্বপুরুষ। খুবই হিংস্র। যত দ্রুত পারেন সরে যান
ওগুলোর নাগাল থেকে।'

'যাওয়ার কোনও জায়গা নেই আমাদের,' অ্যাবি বলল। 'রানা
কোথায়?'

কয়েক সেকেণ্ড বিরতি নিল ম্যাসন। তারপর বলল, 'বিচ্ছিন্ন
হয়ে পড়েছি আমরা। মি. রানা স্টেশনের ভিতরেই কোথাও
আছেন... কিন্তু ঠিক কোথায়, তা বলতে পারব না।'

লোকটার কথাগুলো ঠিক আন্তরিক মনে হলো না অ্যাবির
কাছে। মনে হলো কিছু গোপন করে যাচ্ছে। কিন্তু এখন তা নিয়ে
তর্ক করবার সুযোগ নেই। বলল, 'এখান থেকে কীভাবে বেরুতে
পারি, জানেন আপনি? আমাদের ফ্ল্যাশলাইটের ব্যাটারি শেষ হয়ে
গেছে। অন্ত বলতে আছে একটা মাত্র ফ্লেয়ার।'

'আপনারা ভিতরে ঢুকলেন কীভাবে?'

'একটা ভেঙ্গিলেশন শাফট ধরে। সারফেস থেকে স্লেক পিট
পর্যন্ত নেমে এসেছে ওটা।'

'জায়গাটা একদম নিরাপদ নয়। একটু অপেক্ষা করুন।
আমাদের এখানে একটা টুল শেলফ আছে... দেখি, ফাটলটা বড়
করা যায় কি না। তা হলে এ-পাশে চলে আসতে পারবেন।'

আশাবাদী হতে পারল না অ্যাবি। পরিষ্কার দেখতে পাচ্ছে,
বরফের দেয়ালটা প্রায় তিন ফুট পুরু। শাবল-গাঁইতি থাকলেও
ফাটল বড় করতে কয়েক ঘণ্টা লেগে যাবে। ম্যাসনকে জানাল
সেট।

'এক কাজ করি না কেন?' ম্যাসনের পিছন থেকে ভেসে এল
নারীকর্ত্ত, প্রথমে যেটা শোনা গিয়েছিল। 'সি-গেইটের
মোটরদুটোর বেশ ক'টা ফিউয়েল ড্রাম আছে এখানে। সলতে
লাগিয়ে মলোটিভ ককটেলের মত ফাটানো যায় না? দেয়ালটা
হয়তো ধসিয়ে দেয়া যাবে।'

‘উহঁ, ওটা বুঁকিপূর্ণ। বিস্ফোরণে আমরাই আহত হতে পারি।’
দ্বিতীয় পোষণ করল ম্যাসন। ‘তবে ফিউয়েল ড্রামগুলো হয়তো
অন্যভাবে কাজে লাগানো যাবে। অ্যাবি, একটু দাঁড়ান। ব্যবস্থা
একটা নিছিঁ।’ ফাটলের পাশ থেকে সরে গেল ম্যাসন।

মৃদু গুঞ্জন শোনা গেল ওদিকে। সাংবাদিক তার সঙ্গীদের সঙ্গে
শলা-পরামর্শ করছে। একটু পরে অ্যাবিকে জানাল, ‘একটা বুদ্ধি
করেছি আমরা। আপনারা দেয়ালের পাশ থেকে সরে দাঁড়ান।’

ফাটলের মধ্যে কী যেন একটা গুঁজে দেয়া হলো।
হোস-নজলের মত লাগল অ্যাবির কাছে। পেট্রলের উৎকট গন্ধ
আসছে ওটা থেকে। তাড়াতাড়ি পিছিয়ে গেল ও। লোবোকে নিয়ে
পাওয়েল আর জিম আগেই সরে গেছে।

ম্যাচ ঘষার মত ফস করে একটা আওয়াজ হলো, তারপরেই
ফাটলের মাঝ দিয়ে বেরিয়ে এল আগুনের বিশাল এক গোলা।
তীব্র উত্তাপ অনুভব করল অ্যাবি, মনে হলো, ভুরু আর পাপড়ি
পুড়ে গেছে। পিছাতে গিয়ে হোঁচট খেলো ও, পড়ে গেল চিৎ
হয়ে। ছুটে এল পাওয়েল, ওকে টেনে-হিঁচড়ে সরিয়ে আনল
নিরাপদ দূরত্বে।

‘কোথাও লাগেনি তো?’ উদ্বেগমাখা গলায় জানতে চাইল
পাওয়েল।

উঠে দাঁড়িয়ে গা ঝাড়ল অ্যাবি। ‘নাহ। এই ঠাণ্ডার মধ্যে
গরমটা বরং ভালই লেগেছে।’

‘আরেকটু হলে তো পুড়েই যেতেন।’

সেটা জান্নি আছে অ্যাবির। দেয়ালের দিকে চোখ ফেরাল।
ফাটল দিয়ে বেরিয়ে আসছে তরল আগুন। ছিটকে পড়ছে গুহার
মেঝেতে, নিভেছে না। বরফের উপরে উদ্বাহু নৃত্য জুড়েছে
আগুনের শিখা। অন্তর্ভুক্ত দৃশ্য। ধীরে ধীরে বাড়ছে গুহার উত্তাপ।

‘ভাল বুদ্ধি,’ বলল অ্যাবি। ‘বরফ গলিয়ে আমাদের জন্য পথ
শুভ পিঞ্জর-২

বানানোর চেষ্টা করছেন ওঁরা !'

মেঝেতে ধীরে ধীরে বাড়ছে জুলন্ত ডিজেলের পরিমাণ, গড়তে গড়তে আসছে ওদের দিকে। পায়ে পায়ে পিছাতে থাকল তিনজনে।

'ভাল বুদ্ধি না ছাই!' বিরক্ত গলায় বলল পাওয়েল। 'ওই পথ তৈরি হবার আগে তেলে ভাজা কাবাব হয়ে যাব আমরা !'

হোস-নজল অপারেট করছে ম্যাসন, তাকে সাহায্য করছে নেভিল। একটা ম্যানুয়াল পাম্পেল হাতল ঘুরিয়ে ফিউয়েল ড্রাম থেকে হোসে ডিজেল সরবরাহ করছে স্যাম। দরজার কাছে পাহারায় রয়েছে লিলি। পানির বন্যা বয়ে যাচ্ছে ফাটলের ভিতর থেকে—বাইরের দিকে যেমন পড়ছে, পড়ছে কণ্ঠোল রুমের ভিতরেও। সেই পানিতে ভাসছে জুলন্ত ডিজেল। শেলফ থেকে পাওয়া দুটো ফায়ার-ব্ল্যাক্ষেট দিয়ে সেই আগুন নিভিয়ে যাচ্ছে ড. কনওয়ে আর শ্যারন।

'প্রেশার বাড়াও!' চেঁচিয়ে বলল ম্যাসন। তারপর নজলের লিভার ঘুরিয়ে ফাটলের আগুনে আরও বেশি করে ডিজেল ছিটাতে শুরু করল। সাবধানে কাজ করছে, সারাক্ষণ নজর রাখছে আউটওয়ার্ড প্রেশারের দিকে, নইলে ডিজেলের আগুন ওদেরকেই পুড়িয়ে মারবে।

ফাটলের কাছাকাছি এগিয়ে গেল শ্যারন, মুখের সামনে হাত তুলল বাঞ্প থেকে বাঁচার জন্য। কয়েকবার উঁকিবুঁকি দিয়ে পিছিয়ে এল আবার। ম্যাসনের দিকে তাকিয়ে বলল, 'অর্ধেকটা হয়ে গেছে।'

'কতখানি চওড়া?' জানতে চাইল ম্যাসন।

'দেড় ফুটের মত। খুব বেশি বলা যাবে না, তবে শরীর বাঁকিয়ে-চুরিয়ে ঢুকতে পারবে আপনার বন্ধুরা।'

মাথা ঝাঁকিয়ে আবার নজলের দিকে মনোযোগ দিল ম্যাসন।
ফাটল বড় না হলেই ভাল, তা হলে ঘেঁওলগুলো ওখান দিয়ে
চুকতে পারবে না কট্টোল রুমে।

লিলির চিত্কার শুনে আচমকা থতমত খেয়ে গেল সে।

‘থামুন!’

তাড়াতাড়ি লিভার ঘুরিয়ে নজল বন্ধ করল ম্যাসন। ঘুরল
মেয়েটার দিকে।

‘রাশান সোলজার!’ ফিসফিসিয়ে বলল লিলি। ‘প্যাসেজের
ওপাশের দরজাটা খুলে ফেলেছে ওরা।’

এগিয়ে গিয়ে দরজার কাঁচ দিয়ে বাইরে উঁকি দিল ম্যাসন।

‘আমাদের খোঁজ পেল কীভাবে?’ হতভস্ব গলায় বলল স্যাম।

সঙ্গীদের দিকে ফিরল ম্যাসন। ‘বোধহয় আগুনের আভা
দেখতে পেয়েছে।’

‘এ-পর্যন্ত আসতে পারবে?’ জিজেস করলেন ড. কনওয়ে।
‘প্যাসেজটা তো বরফে ভরা।’

‘পুরোপুরি নয়। কষ্টে-সৃষ্টে হামাগুড়ি দিয়ে আসা সম্ভব।
হয়তো একটু সময় লাগবে, কিন্তু ওরা আসবেই।’

‘ঝামেলা হয়ে গেল তো।’

‘তা তো বটেই।’

‘কী করব আমরা এখন?’ নার্ভাস গলায় জিজেস করল
শ্যারন।

কাঁধ ঝাঁকাল ম্যাসন। ‘নতুন একটা প্ল্যান খাড়া করা দরকার।
আগেরটা তো মাঠে মারা পড়েছে।’

‘কী প্ল্যান?’

জবাব দিল না ম্যাসন। তার বদলে অদ্ভুত একটা কাজ করল।
পারকা-র ছড়ে লাগানো ড্র-স্ট্রিং টানল সে, একটা প্রান্ত কানে
গুঁজল। এরপর শাট্টের কলার উঁচু করল, একটা কোনা চেপে ধরল
শুভ্র পিঞ্জর-২

গলার চামড়ায়। মুহূর্তে তার সাদাসিধে চেহারা বদলে যেতে দেখল বাকিরা, সেখানে ভর করল আশ্চর্য এক রুক্ষতা।

মুখ খুলল ম্যাসন। নিচু গলায় ডাকল, ‘ডেল্টা ওয়ান, দিস ইজ ডেল্টা কট্টোলার। রেসপণ্ড!’

পনেরো

হতভম্ব চোখে তাকিয়ে আছে সবাই, কিন্তু সেসবের পরোয়া করল না ছদ্মবেশী সাংবাদিক। আবারও ডাকল ডেল্টা ওয়ানকে। পারকা-র লাইনিঙের তলায় লুকানো আছে তার মিনিয়েচার ইউএইচএফ ট্রান্সমিটার, শার্টের কলারে থ্রোট মাইক—অত্যন্ত শক্তিশালী... দ্বিপের এত গভীর থেকেও বার্তা পাঠাতে সক্ষম। তবে ‘সেই বার্তা রিসিভ করবার জন্য বিশেষ ধরনের একটা ডিশ অ্যাণ্টেনা প্রয়োজন, সেটা বসানো হয়েছে ঢল্লিশ মাইল দূরে, ডেল্টা টিমের অস্থায়ী ক্যাম্পে। দ্বিপে পৌছুনোর পর থেকেই সবার অগোচরে ওদের সঙ্গে নিয়মিত যোগাযোগ রাখছে সে। সমস্যা একটাই—সে নিজে ওই ডিশ অ্যাণ্টেনা ব্যবহার করতে পারছে না; পারকার সেলাইয়ের ভিতরে রেডিও-সিগনাল রিসিভিং একটা লেয়ার বসানো হয়েছে, তবে সেটা ডিশ অ্যাণ্টেনার মত কার্যকর নয়।

কয়েক দফা ডাকাডাকির পর ভেসে এল জবাব। রিসেপশন খুব দুর্বল, ভেঙে ভেঙে আসছে।

‘ডেল্টা... রিসিভিং।’

‘স্ট্যাটাস কী তোমাদের?’ জানতে চাইল ম্যাসন।

‘টার্গেট... ডুবিয়ে দেয়া হয়েছে। ওমেগা স্টেশনের দখল ফিরে পেয়েছি। পরবর্তী নির্দেশের জন্য অপেক্ষা করছি এখন।’

সন্তোষ অনুভব করল ম্যাসন। খেলার মাঠ থেকে সরিয়ে দেয়া গেছে ড্রাকনকে—ওটা একটা বড় ধরনের ভূমকি ছিল তাদের জন্য। প্রতিপক্ষ দলের অবশিষ্ট লোকগুলোকে সামলানো সহজ হবে এবার।

‘ডেল্টা ওয়ান, বিপদে পড়েছি আমি,’ বলল সে। ‘রাশানদের কারণে এক্সট্র্যাকশনও ঝুঁকিপূর্ণ। সরাসরি কোনও হামলা চালানো হলে ওরা স্টেশনটাকে ধ্বংস করে দেবে। তাতে নষ্ট হয়ে যাবে এখানকার ল্যাব, স্পেসিমেন আর সমস্ত ডেটা। কাজেই কিছু করতে যেয়ো না। আমি চেষ্টা করে দেখছি নিজেই এখান থেকে বেরতে পারি কি না। নিরাপদ দূরত্বে পৌছুতে পারলে এক্সট্র্যাকশনের জন্য খবর দেব তোমাদেরকে। আমার অর্ডার না পেলে মুভ কোরো না।’

‘এদিকে কিছুটা সমস্যা দেখা দিয়েছে, কট্রোলার। দুটো হেলিকপ্টার হারিয়েছি আমরা—ড্রাকন থেকে টর্পেডো মেরে ধ্বংস করে দেয়া হয়েছে। ব্যাকআপ হিসেবে একটা হেলিকপ্টার পিছনে রেখে এসেছিলাম, ওটাই শুধু আছে। পুরো ফোর্সকে একসঙ্গে মুভ করাতে পারব না। এয়ার-অ্যাটাকও সম্ভব নয়।’

‘অসুবিধে নেই। আপাতত একটা ইভ্যাক টিম রেডি রাখো মুভ করাবার জন্য। সময়মত যোগাযোগ করব আমি।’

‘রজার দ্যাট, কট্রোলার।’

‘কট্রোলার আউট।’

কান থেকে ড্র-স্ট্রিং নামিয়ে ফেলল ম্যাসন। ঠিকঠাক করে নিল শাট্টের কলার। সোজা হতেই দেখল, চোখ বড় বড় করে

সবাই তাকিয়ে আছে ওর দিকে।

‘কে আপনি?’ সন্দিহান গলায় জানতে চাইল শ্যারন।

‘আসল নাম জানতে চান? ওটা ইম্পরট্যাণ্ট নয়। ম্যাসন বলে ডাকছিলেন... সেটাই চলতে থাকুক।’

‘নাম না, আমরা আপনার সত্যিকার পরিচয় জানতে চাই।’

দীর্ঘশ্বাস ফেলল ম্যাসন। লুকোচুরি করে আর লাভ নেই। এখান থেকে প্রাণ নিয়ে ফিরতে চাইলে, মিশনটা সফলভাবে শেষ করতে চাইলে বিজ্ঞানীদের সাহায্য প্রয়োজন হবে তার। তাই গলা খাঁকারি দিয়ে বলল, ‘আমি সিআইএ-র লোক। এই দ্বীপে ডেল্টা ফোর্স একটা টিম মোতায়েন করা হয়েছে... আপাতত ওদের নেতৃত্ব দিচ্ছি। শুনে খুশি হবেন, রাশানদের কবল থেকে ওরা ওমেগা স্টেশনকে মুক্ত করেছে।’

স্বন্তি ফুটল বিজ্ঞানীদের চেহারায়। ড. কনওয়ে জানতে চাইলেন, ‘আর আমাদের কলিগ-রা?’

‘আশা করি ভাল আছে সবাই,’ বলল ম্যাসন। ‘কিন্তু এই সুসংবাদে আমাদের কোনও উপকার হচ্ছে না। এখানে আমাদেরকে সাহায্য করতে পারবে না ডেল্টা ফোর্স। যত দ্রুত সম্ভব, ঘেওলে স্টেশন থেকে বেরিয়ে পড়া দরকার আমাদের... তা হলে একটা সুযোগ আছে।’

‘কীভাবে বেরুব?’ জিজ্ঞেস করল নেভিল।

দেয়ালের ফাটলের দিকে ইশারা করল ম্যাসন। ‘যে-পথে ওরা চুকেছে, সেই পথে।’

‘কিন্তু ওদিকে তো গিজগিজ করছে অ্যাম্বিউলোসিটাসগুলো।’ প্রতিবাদের সুরে বলল লিলি।

কামরার ভিতরে নজর বোলাল ম্যাসন। ‘এখানকার সাপ্লাই ঠিকমত, কাজে লাগাতে পারলে ওগুলোকে ঠেকানো যাবে। কিন্তু সেজন্যে সবাইকে একসঙ্গে কাজ করতে হবে। আসুন।’

ভদ্রকার খালি বোতলে ভরা ক্রেটার দিকে এগোল সে ।

কিছুক্ষণের জন্য থেমে গিয়েছিল আগুনের প্রবাহ, ফাটলের মধ্যে আবার সেটাকে জুলে উঠতে দেখল অ্যাবি । স্বষ্টি পেল । ওপাশে খারাপ কিছু ঘটে গেছে কি না বুঝতে পারছিল না । মেঝেতে জুলতে থাকা তেলের কারণে কাছে গিয়ে জিঞ্জেসও করতে পারছিল না । তবে এখন আর ভয় নেই । ফোকর প্রায় তৈরি হয়ে গেছে, একটু পরেই ওটা গলে স্টেশনে চুকে পড়তে পারবে ওরা ।

দুই সঙ্গীর দিকে তাকাল অ্যাবি । গুহামুখের কাছাকাছি পাহারা দিচ্ছে ওরা । ওকে ঘাড় ফেরাতে দেখে জিম বলল, ‘দানবটা যায়নি এখনও । ছায়ার মধ্যে নড়াচড়া লক্ষ করছি আমরা ।’

‘খাবারের লোভ ছাড়তে পারছে না হারামজাদা !’ খ্যাপাটে গলায় বলল পাওয়েল ।

‘এদিকে যতক্ষণ আগুন জুলছে, ততক্ষণ এগোবে না আশা করি,’ বলল অ্যাবি । ‘আপনারা সাবধানে থাকুন ।’

‘আগে জানলে একটা ফ্রেমথ্রোয়ার চাইতাম আমার জন্মদিনে,’ গজগজ করে উঠল পাওয়েল । ‘গত সপ্তাহেই ছিল দিনটা !’

দুই নাবিককে পেরিয়ে অন্ধকার টানেলে চলে গেল অ্যাবির দৃষ্টি । কী লুকিয়ে আছে ওখানে? হেঁড়েল... নরডিক উপকরণের দানব । ম্যাসনের ভাষায়, আধুনিক তিমির স্তুলচর পূর্বপুরুষ । কথাটা কি সত্যি হতে পারে? আদিবাসী ইনুইটদের মধ্যে নানা রকম গল্পাখা চালু আছে তিমিদের অশুভ আত্মার ব্যাপারে—ওগুলো নাকি সাগর ছেড়ে ডাঙায় উঠে আসে, খুন করে অসহায় যুবক-যুবতীকে । এতদিন অ্যাবি ভেবেছে ওসব কুসংস্কার, কিন্তু এখন আর নিশ্চিত নয় ।

দ্বিতীয়বারের মত আগুনের প্রবাহ থেমে যেতে দেখে দেয়ালের দিকে ফিরল ও । না, এবার আর অপ্রত্যাশিত নয় শুভ পিঞ্জর-২

ব্যাপারটা। মানুষ দেকার মত একটা ফোকর হয়ে গেছে ফাটলের জায়গায়, সেজন্যেই থামানো হয়েছে আগুন। এখুনি অবশ্য ওটা পেরুনো সন্তুষ্ণ না, মেঝেতে জুলে চলেছে ডিজেল। সেই আগুনের তেজ কমার জন্য অপেক্ষা করল ও।

•

মিনিটতিনেক পর ছোট হয়ে এল আগুনের শিখা। পা বাড়াতে গেল অ্যাবি, কিন্তু তার আগেই ফোকর গলে ওপাশ থেকে বেরিয়ে এল একজন। গায়ে একটা ফায়ার ব্ল্যাক্ষেট জড়িয়ে বেরিয়েছে। এপাশে এসেই সেটোর সাহায্যে আশপাশের একটু জায়গায় চাপড় মারল, তারপর পিছনদিকে ইশারা দিল বাকিদের।

ভুরু কুঁচকে তাকিয়ে রইল অ্যাবি। বেরিয়ে আসা মানুষটা একজন নারী। লম্বা, ছিপছিপে দেহ। গায়ে নীল রঙের থারমাল ক্ষিনসুট—সাধারণত আইস সেইলিঙ্গের সময় পরে লোকে। ফোকরে হাত ঢুকিয়ে একটা মাইনিং ল্যাটার্ন বের করে আনল মেয়েটা, উঁচু করে ধরল।

‘ড. বেকেট!’ চিনতে পেরে বলে উঠল জিম।

নিচয়ই ড. শ্যারন বেকেট—ওমেগা ড্রিফট স্টেশনের প্রধান... বুঝতে পারল অ্যাবি। নামটা শুনেছে ও আজ সকালে। কিন্তু ভদ্রমহিলা এত কমবয়েসী হবেন, আশা করেনি।

‘করছেন কী আপনি?’ এগিয়ে গিয়ে জিজ্ঞেস করল পাওয়েল। ‘বেরিয়ে এলেন কেন? আমাদের বরং ওপাশে যাওয়ার কথা।’

‘পুরুন বদলাতে হলো,’ তিক্ত হাসি হেসে বলল শ্যারন। ‘এদিকটা ওদিকের চেয়ে নিরাপদ।’

ওর কথার সত্যতা প্রমাণের জন্যই যেন শোনা গেল রাইফেলের গর্জন। কট্টোল রুমের লোহার দরজায় ধাতব শব্দ তুলল বুলেটের ধারা।

‘রাশানরা?’ ভুরু নাচাল পাওয়েল।

‘আর কে?’ সখেদে বলল শ্যারন।

ফোকর গলে আরেকজন বেরিয়ে এল। ম্যাসন। বাইরে এসে সহায় করল বাকিদেরকে বের হতে। তিনজন পুরুষ আর একটি মেয়ে। সবার চেহারায় চাপা আতঙ্ক।

দলের সবচেয়ে বয়স্ক মানুষটি ঘুরল ম্যাসনের দিকে। ‘ওরা দরজায় গুলি করছে কেন, মি. ম্যাসন? লোহার ওই দরজা তো গুলি করে ভাঙা যাবে না।’

‘তয় দেখিয়ে আমাদেরকে আটকে রাখতে চাইছে ওই কামরায়,’ বলল ম্যাসন। ‘যাতে সার্ভিস টানেল ধরে আরেক গ্রুপ এসে হামলা চালাতে পারে।’

মুখ কালো করে পাওয়েল বলল, ‘এদিকে যে-অবস্থা, তাতে ভিতরে ফিরে গিয়ে আত্মসমর্পণ করা ভাল।’

‘দু’দিকেই মৃত্যু,’ মাথা নেড়ে বলল ম্যাসন। ‘অন্তত এখানে গ্রেগোলদের সঙ্গে লড়াই করবার মত ফায়ারপাওয়ার আছে আমাদের সঙ্গে।’ পকেট থেকে একটা ভদ্রকার বোতল বের করল সে। ভিতরটা ডিজেলে ভরা, কাপড় গুঁজে আটকানো হয়েছে মুখ, তার মাঝ থেকে বের হয়ে আছে সলতে। ‘এ-রকম গোটা বিশেক বানিয়েছি। আপনাদের ফ্রেঞ্চার যদি দানবগুলোকে দূরে সরিয়ে রাখতে পারে, তা হলে হোমমেইড এই মলোটভ ককটেলগুলোও পারবে।’

‘লড়াই করে লাভ কী?’ জিজ্ঞেস করল অ্যাবি। ‘কী করতে চাইছেন আপনি?’

‘এই নরক ছেড়ে বেরিয়ে যেতে,’ বলল ম্যাসন। ‘আপনাদের ওই ভেঙ্গিলেশন শাফট ধরে।’

‘আর আমি কিনা এখানে সংসার পাতার কথা ভাবছিলাম! ঠাণ্ডা করল পাওয়েল।

‘উপরে গেলে জমে মারা পড়ব আমরা,’ প্রতিবাদ করল অ্যাবি। ‘বাইরে এখনও প্রচণ্ড বাড় হচ্ছে।’

শুভ পিঞ্জর-২

১৬৫

‘খোলা জায়গায় থাকব না আমরা, ওমেগা স্টেশনে যাব,’
বলল ম্যাসন।

‘ওমেগা! কিন্তু ওখানে তো রাশানরা...’

‘ডেল্টা ফোর্সের একটা টিম ওমেগাকে মুক্ত করেছে,’ বাধা
দিয়ে জানাল শ্যারন। ‘এখান থেকে বেরিয়ে আমরা যদি
ইভ্যাকুয়েশন পয়েন্টে পৌছুতে পারি, ওরাই এসে নিয়ে যাবে
আমাদেরকে।’

কপাল চাপড়াল পাওয়েল। ‘ডেল্টা ফোর্স? হায় যিশু, তা হলে
কেন খামোকা ওখান থেকে পালাতে গেলাম? কেন এখানে
দানবের ধাওয়া খেতে এলাম?’

‘ডেল্টা ফোর্সের কথা আপনারা জেনেছেন কীভাবে?’ অকুটি
করে জিজ্ঞেস করল অ্যাবি।

ম্যাসনের দিকে ইশারা করল শ্যারন। ‘আপনার এই বন্ধুর
মুখে। বোধহয় জানেন না, উনি সিআইএ-র লোক... ডেল্টা
ফোর্সের ওই টিমটার কঠ্টোলার।’

‘কী! চমকে উঠল অ্যাবি।

আবারও গুলির শব্দ ভেসে এল ফোকরের ওপাশ থেকে।
ম্যাসন ত্রস্ত গলায় বলল, ‘এখানে দাঁড়িয়ে থাকলে ধরা পড়ে যাব।
মুভ, এভরিওয়ান!’

নড়ল না অ্যাবি, চমক সামলে উঠতে পারেনি। ম্যাসনের
দিকে তাকিয়ে বলল, ‘এখানে হচ্ছে কী, মি. ম্যাসন?’

ওর বাহু চেপে ধরল ম্যাসন, টান দিয়ে বাধ্য করল হাঁটতে।
বলল, ‘দুঃখিত, ও-সব ব্যাখ্যা করার সময় নেই এখন। পরে
নাহয় শুনবেন।’

গুহা থেকে বেরিয়ে পড়ল ওরা। টানেলে পৌছে মলোটভের
সলতেয় লাইটারের সাহায্যে আগুন ধরাল ম্যাসন, তারপর
সর্বশক্তিতে ছুঁড়ে দিল সামনে। মাটিতে পড়ে কয়েক গড়ান খেলো

বোতলটা, তারপরেই চোখ-ধাঁধানো আলো আর কান-ফাটানো
শব্দে বিস্ফোরিত হলো। চকিতের জন্য ঘেওলের পলায়মান
অবয়ব দেখতে পেল অ্যাবি। মোড় পেরিয়ে টানেলের অন্যপাশে
অদৃশ্য হয়ে গেল দানবটা।

স্যামের হাত থেকে আরেকটা বোতল নিল ম্যাসন। তারপর
দলের দিকে ফিরে বলল, ‘চলুন এগোনো যাক।’

শ্বেতো

সার্ভিস টানেলের গায়ে লাগানো লোহার একটা মই বেয়ে উপরে
উঠছে রানা ও তার সঙ্গীরা। সবার শরীরে ঝুলছে ওয়েপন্স লকার
থেকে সংগ্রহ করা অন্ত্র আর গোলাবারুণ। বাড়তি ওজন নিয়ে মই
বাইতে গিয়ে হাঁসফাঁস করছে সবাই। কথা বলছে না কেউ। সমস্ত
মনোযোগ এগিয়ে যাওয়ার দিকে।

প্ল্যানটা বেশ সরল—চলার মধ্যে থাকবে ওরা, কোথাও স্থির
হবে না। এর মাঝে পথ খুঁজবে আইস স্টেশন থেকে বেরিয়ে
পড়ার। একটা স্লট বয়া ভাসিয়ে রেখে গেছে পোলার সেন্টিনেল,
ওটা ক্রমাগত সাহায্যের আবেদন পাঠিয়ে চলেছে... খুব শীত্বি
সেই বার্তা পেয়ে আমেরিকান রি-এনফোর্সমেন্ট এসে যাবে।
ততক্ষণ লুকিয়ে থাকবে ওরা সারফেসের কোনও পাহাড়-পর্বতের
গুহায়।

ছোট একটা পেনলাইট ঝুলছে রানার গলায়, ছিনের কাছ
শুভ পিঞ্জর-২

থেকে ধার নিয়েছে, সেটার আলোয় ডানপাশের দেয়ালে একটা হরাইজন্টাল শাফট দেখতে পেল। মই ছেড়ে তুকে পড়ল ওটায়। ওর পিছু পিছু শাফটে তুকল বাকিরাও। এগোবার আগে পেনলাইট ঘুরিয়ে সামনেটা দেখে নিল ও। না, সম্প্রতি এই শাফট ব্যবহার হয়েছে... এমন কোনও নির্দশন নেই।

‘সিভিলিয়ানদের কোনও চিহ্ন দেখতে পাচ্ছেন?’ পিছন থেকে জিজ্ঞেস করল কমাণ্ডার ফিশার।

‘না,’ বলল রানা। ‘এ-পথে যায়নি ওরা।’

‘ধ্যান্তেরি!’ সখেদে বলল গ্রিন। ‘গেল কোথায়? মনে হচ্ছে ওদেরকে ছাড়াই স্টেশন থেকে বেরিয়ে যেতে হবে আমাদেরকে।’

‘আশা করি লুকানোর মত একটা ভাল জায়গা খুঁজে নিতে পারবে ওরা,’ বলল রানা। ‘আমরা যদি বেরংতে পারি, ওরা নিরাপদে থাকবে। আমাদের খোঁজে সারফেসে বেরিয়ে আসবে সার্চ পার্টি। ভিতরে আর খোঁজাখুঁজি করবে না।’

‘তা-ই যেন হয়।’

নীরবতায় কেটে গেল পরের কয়েকটা মিনিট। তারপরেই শোনা গেল চাপা বিস্ফোরণের আওয়াজ। কেঁপে উঠল শাফটের দেয়াল আর মেঝে।

‘ইয়েস!’ উল্লাস প্রকাশ করল ফিশার।

মাথা ঘুরিয়ে তার দিকে তাকাল রানা। কমাণ্ডারের মুখে হাসি লক্ষ করে বলল, ‘আপনি এত খুশি কেন?’

‘বেরংনোর আগে ওয়েপন্স লকারের ভিতরে গ্রেনেড দিয়ে একটা বুবি-ট্র্যাপ বানিয়ে এসেছিলাম,’ বলল ফিশার। ‘মনে হচ্ছে ওটার স্বাদ পেয়েছে রাশানরা। ডেভ পার্লের মৃত্যুর প্রতিশোধ।’

আনমনে মাথা নাড়ল রানা। মন খারাপ হয়ে গেছে। এত মৃত্যু... এত রক্তপাত... কোনও মানে হয় এর? দু'পক্ষেই প্রাণ দিচ্ছে হতভাগ্য সৈনিকেরা—হয়তো খারাপ মানুষ নয় ওরা, স্বেফ

আদেশ পালন করছে। অথচ যারা সেই আদেশ দিচ্ছে... যারা এখানকার সমস্ত ঝামেলার হোতা... তারা রয়ে যাচ্ছে ধরাছোয়ার বাইরে। ফুলের টোকাও লাগছে না তাদের গায়ে। অন্যায়!

দ্রুত এগিয়ে চলল ওরা। শাফট থেকে বেরিয়ে এল নতুন একটা প্রকোষ্ঠে। এক আর দুই নম্বর লেভেলের মাঝামাঝি ওটা। উপরদিকে আরেকটা শাফট উঠে গেছে, সেটাতে ঢোকার আগে বাড়তি সতর্কতা পালন করল। ওদের পলায়ন ঠেকাতে নিশ্চয়ই পাহারা বাড়ানো হয়েছে স্টেশনের উপরদিকটায়, সার্ভিস টানেল আর শাফটগুলোর ভিতরে ফাঁদ বসানো হতে পারে। থাকতে পারে ডিটেকশন ডিভাইস। খুব সাবধানে তাই আগে বাড়ল ওরা।

এতসব সতর্কতার অবশ্য প্রয়োজন পড়ল না, কিছুই পাওয়া গেল না পথের মাঝখানে। খাড়া শাফট থেকে হরাইজন্টাল আরেকটা শাফটে চুকল ওরা, একটু উঁচু হয়ে সেটা গিয়ে মিশেছে এক নম্বর লেভেল। শেষ প্রান্তে রয়েছে গ্রিল লাগানো পাল্লা—ঙ্কু দিয়ে আটকানো। কাছাকাছি যেতেই শোনা গেল মানুষের গলা... রুশ ভাষায় কথা বলছে। সেইসঙ্গে পায়ের শব্দ।

পেনলাইট নিভিয়ে ফেলল রানা, গ্রিলের কাছে গিয়ে সাবধানে উঁকি দিল বাইরে। ওপাশে আইস স্টেশনের পরিত্যক্ত কিচেন। একপাশে লাইন ধরে বসানো আছে ছোট-বড় নানা আকারের স্টোভ আর আভেন। মাঝামাঝি জায়গায় উঁচু কাউণ্টার—মাছ-মাংস আর সবজি কাটার জন্য। কামরার বাকি অংশ দখল করে রেখেছে বেশ কয়েকটা শেলফ আর পুরনো আমলের ফ্রিজ। দুই পাল্লার একটা দরজা আছে অন্যপ্রান্তে। অলস ভঙ্গিতে সেটার পাশে দাঁড়িয়ে গল্ল করছে দু'জন রাশান সৈনিক।

রানার ইশারা পেয়ে হামাগুড়ি দিয়ে সামনে এগোল ফিশার। ওর পাশে এসে উঁকি দিল বাইরে। একটু পরেই কার ডাক পেয়ে যেন চলে গেল দুই সৈনিক। কিচেন এখন খালি।

রানা জিজ্ঞেস করল, ‘কী করতে চান?’

ঠোঁট কামড়াল ফিশার। তারপর বলল, ‘আরেকবার রাশান সোলজারের ভূমিকায় অভিনয় করতে পারবেন? সাজ তো নেয়াই আছে! এখনও নীচের সৈনিকের পোশাক আর পারকা পরে আছে রানা, ইঙ্গিত করল সেদিকে।

‘পারব। কিন্তু কেন?’

‘চমৎকার একটা সুযোগের সৃষ্টি হয়েছে। খেয়াল করেছেন নিশ্চয়ই, এখনও এই লেভেলের আলো জ্বালতে পারেনি ওরা, শুধু ইমার্জেন্সি লাইট জ্বলছে। যথেষ্ট ছায়া পাবেন সবখানে। হড় তুলে রাখলে কেউ ঠিকমত দেখতে পাবে না আপনার চেহারা। ইচ্ছেমত ঘুরে বেড়াতে পারবেন সবখানে।’

‘চাইছেন রেকি করে আসি?’

মাথা ঝাঁকাল ফিশার। ‘নীচের বিস্ফোরণ নিয়ে ব্যস্ত হয়ে পড়েছে সবাই। এই-ই আমাদের সুযোগ। কীভাবে কোন্দিক দিয়ে পালানো যায়, সেটা দেখে আসবেন আপনি।’

‘ভাল প্রস্তাব। আমি রাজি।’

‘পুরোটাই কিন্তু আপনার অভিনয়-দক্ষতার উপরে নির্ভর করছে।’

একটু হাসল রানা। ‘সেক্ষেত্রে একটু মোটিভেশন পেলে মন্দ হয় না। চরিত্রটা ভালমত ফুটিয়ে তুলতে পারব।’

‘প্রাণ বাঁচাবার জন্য অভিনয়ে নামছেন, মোটিভেশন হিসেবে এটুকুই কি যথেষ্ট নয়?’

‘তা-ও অবশ্য ঠিক,’ মাথা ঝাঁকাল রানা। গিলের পাল্লার স্কু খুলে ফেলল ও। ফিশারের সঙ্গে শেষ কয়েকটা কথা সেরে সাপের মত পিছলে বেরিয়ে গেল টানেল থেকে। মেঝেতে নেমেই ঝট করে উঠে দাঁড়াল।

‘সাবধানে থাকবেন, মি. রানা!’ বলে উঠল ফিশার।

‘তা আর বলতে!’ হাসল রানা। দৃঢ় পায়ে এগোল দরজার
নিকুঁত।

লোবোকে পাশে নিয়ে ম্যাসনের পিছু পিছু হাঁটছে অ্যাবি। সবার
সামনে রয়েছে পাওয়েল। সলতেয় আগুন ধরিয়ে আরেকটা
বোতল ছুঁড়ে দিল সে সম্মুখপানে। বিকট আওয়াজে বিস্ফোরণ
ঘটল। আগুনের আভায় আলোকিত হয়ে উঠল টানেল। না,
গ্রেণেলদের কোনও চিহ্ন দেখা গেল না। বিশ মিনিট হয়ে গেল
দানবগুলোর ছায়াও চোখে পড়েনি ওদের।

ড. কনওয়ে ইতিমধ্যে একটা ব্যাখ্যা দিয়েছেন এর। তাঁর
মতে, প্রাণীগুলো যেহেতু বরফের গভীরে বাস করে, সেহেতু
অঙ্ককার এবং হিম তাপমাত্রায় অভ্যন্ত। সামান্য পরিমাণে তাপ
কিংবা আলো ওদেরকে আকৃষ্ট করে বটে, কিন্তু বেশি পরিমাণে
তাপ আর আলো ওদের ইন্দ্রিয়ের জন্য পীড়িদায়ক হয়ে দাঁড়ায়।
সেজন্যেই পালিয়ে যায় ওরা।

তাঁর ধারণা সত্যি প্রমাণিত হয়েছে। নিরাপদে মার্কিং করা
ট্রেইলে পৌছুতে পেরেছে ওরা। এখন দ্রুত পায়ে এগোচ্ছে
ভেগিংলেশন শাফটের দিকে। পিছু পিছু রাশানদেরও ধাওয়া করে
আসবার কথা, কিন্তু কেন যেন আসেনি। হতে পারে গ্রেণেলদের
ব্যাপারে সচেতন ওরা, স্নেক পিটে চুকে বিপদে পড়তে চায়নি।
হয়তো ভাবছে ওদের হয়ে দানবগুলোই খতম করে দেবে পলাতক
মানুষগুলোকে।

লম্বা কদম ফেলে ম্যাসনের পাশে চলে এল অ্যাবি।
অভিযোগের সুরে বলল, ‘আপনার কাছে কৈফিয়ত পাওনা হয়েছে
আমার।’

কাঁধ ঝাঁকাল ম্যাসন। বলল, ‘মিশনটা পূর্ব-পরিকল্পিত...
রাশানরা এই বেইসের ব্যাপারে উৎসাহী হয়ে উঠেছে দেখে
শুন্দি পিঞ্জর-২

আয়োজন করা হয়। অ্যাডভাস ম্যান হিসেবে পাঠানো হয়েছিল আমাকে, ডেল্টা ফোর্স মোতায়েন হবার আগেই এখানকার গোপন ফাইলপত্র সরিয়ে নেবার জন্য। আমার কাভার কীভাবে রাশানদের কাছে ফাঁস হলো, সেটা একটা রহস্য। হতে পারে সিআইএ-র ভেতর ওদের চর আছে। তার কাছে আমার মিশন সম্পর্কে জানতে পেরে আলাক্ষায় অ্যামবুশ করে ওরা, ক্র্যাশ করায় আমার বিমানকে। মি. রানা যদি সময়মত হাজির না হতেন, নির্ঘাত মারা পড়তাম।'

'এ-সব তখন আমাদেরকে খুলে বলেননি কেন?'

দীর্ঘশ্বাস ফেলল ম্যাসন। 'কড়া নির্দেশ ছিল আমার উপরে—গোপনীয়তা বজায় রাখার জন্য। এই নির্দেশ এসেছে সরকারের সবচেয়ে উঁচুমহল থেকে, মিস ম্যানিটক! প্রত্যেক বে-র হামলার পরে ব্যাপারটা আরও নাজুক আকার ধারণ করে। যে-কোনও মূল্যে এখানে পৌছুনো জরুরি হয়ে পড়ে আমার জন্য। সে-কাজে আপনাকে আর মি. রানাকে ব্যবহার না করে উপায় ছিল না। আমি দুঃখিত।'

'এতসব সামান্য এক ক্রায়োজেনিকস্ রিসার্চের জন্য ঘটছে?' বিরক্ত গলায় বলল অ্যাবি। ইতিমধ্যে শ্যারনের সঙ্গে প্রাথমিক আলাপ-পরিচয় সেরে নিয়েছে ও। তার মুখে শুনেছে আইস স্টেশনের গোপন ল্যাবরেটরির খবর।

'সামান্য বলছেন একে? মৃত্যুকে পরাস্ত করবার কৌশল... এর গুরুত্ব কতখানি, তা আন্দাজ করতে পারছেন না?'

'তাই বলে আমাকে... আমার বাবাকে, বা রানার মত একজন হৃদয়বান মানুষকে এই বিপদের মধ্যে টেনে আনার কোনও অধিকার নেই আপনার। এ আপনার একার যুদ্ধ... কেন আমাদেরকে জড়ালেন?'

'দোষ আপনাদেরও কম নয়,' চাঁছাছোলা গলায় বলল

ম্যাসন। 'স্বীকার করছি, এখানে আসার আইডিয়াটা আমিই লুকিয়েছি আপনাদের মাথায়; কিন্তু সিদ্ধান্ত তো নিয়েছেন নিজেরাই! যদি না আসতেন, তা হলে কি জোর খাটাতে পারতাম? কৌতুহলী হয়ে উঠেছিল কে? রহস্য ভেদ করতে উত্তলা হয়ে উঠেছিল কে? আপনারাই তো!'

'আপনার কথা ভেবে! অভিনয় করেছেন আপনি... নিজেকে অসহায়, দুর্বল দেখিয়েছেন। এমন ভাব করেছেন, যেন আমরা না থাকলে বেঘোরে খুন হয়ে যাবেন!'

'আমার জায়গায় থাকলে বুঝতেন, অভিনয়টা কেন জরুরি ছিল। আপনার... বা আপনার বাবার জন্য নয়; মি. রানাকে রিক্রুট করবার জন্য। ওর সম্পর্কে কতখানি জানেন, বলতে পারি না; কিন্তু একটা কথা জেনে রাখুন—মাসুদ রানার মত উদ্যমী, কৌশলী এবং বেপরোয়া লোক দুনিয়ায় খুব কম আছে। দেখামাত্র তাঁকে চিনতে পারি আমি, বুঝতে পারি—এ-লোকের সাহায্য পেলে আমার কাজ কতখানি সহজ হয়ে যাবে। ওকে দলে ভিড়িয়ে ভুল যে করিনি, তার প্রমাণ তো হয়েই গেছে। নিজের পরিচয় আমি লুকিয়ে রাখতে পেরেছি এতটা সময়, মি. রানাই সামাল দিয়েছেন সমস্ত বিপদ। তা ছাড়া বলতে দ্বিধা নেই, উনি সঙ্গে না থাকলে আমাদের অনেকেই এতক্ষণ পর্যন্ত বেঁচে থাকত না। হি সেইভ্যাস আস অল!'

'আর ওর জন্যে কী করেছেন আপনি? ড. বেকেটের কাছে তো শুনলাম, রানাকে বিপদে পড়তে দেখে পালিয়ে এসেছেন!'

'আমাকে সে-রকম নির্দেশই দিয়েছিলেন মি. রানা।' বলে অ্যাবির কাঁধে হাত রাখল ম্যাসন। 'প্রিজ, মিস ম্যানিটক, আমাকে বোবার চেষ্টা করলুন। দেশের স্বার্থে... মিশনের স্বার্থে এ-সব করেছি আমি। আর কিছু নয়। পরিস্থিতি এতটা ভয়ানক হয়ে দাঁড়াবে, তা আশা করিনি। সেজন্য শুধু দুঃখই প্রকাশ করতে শুভ পিঞ্জর-২

পারি...’

‘এই কথাগুলো আপনার রানাকে বলা উচিত...’ গলা ধরে
এল অ্যাবির।

‘কিছু ভাববেন না,’ ওকে অভয় দিল ম্যাসন। ‘মি. রানা
কঠিন পাত্র। এত সহজে ওঁকে ঘায়েল করতে পারবে না
রাশানরা। ওদেরকে অতীতে বহুবার ঘোল খাইয়েছেন
উনি—এজেন্সিতে ওঁর ফাইল দেখেছি আমি। দেখবেন, খুব শীঘ্ৰ
বহাল তবিয়তে ফিরে আসবেন ভদ্রলোক। আপাতত নিজেদের
নিরাপত্তা নিয়ে ভাবতে হবে আমাদেরকে। এই নরক থেকে যদি
বেরুতে পারি, ডেল্টা ফোর্সকে পাঠাব মিলিটারি অপারেশনের
জন্য। রাশানদেরকে ঝোঁটিয়ে বিদায় করবে ওরা। বলা যায় না,
মি. রানাকেও হয়তো উদ্ধার করতে পারবে।’

মাথা ঝাঁকিয়ে ম্যাসনের পাশ থেকে সরে গেল অ্যাবি। বিশ্বাস
করেনি ওর একটা কথাও। শুরু থেকে ওদেরকে ধোকা দিয়েছে
এই লোক, বার বার ঠেলে দিয়েছে বিপদের মুখে। অথচ তার
হাতের মুঠোয় ডেল্টা ফোর্সের একটা টিম ছিল... চাইলেই সাহায্য
করতে পারত সবাইকে। কিন্তু করেনি। কেন? যাতে ল্যাব থেকে
ফাইল হাতানোর কাজে বাধা না পড়ে। মানুষের জীবনের চাইতে
যার কাছে সামান্য কটা কাগজের মূল্য বেশি, তাকে বিশ্বাস করবে
কী করে?

রানার জন্য ভীষণ দুশ্চিন্তা হচ্ছে ওর। নেভির তিনজন
অফিসার-সহ ওয়েপন্স লকারে অস্ত্র আনতে গিয়েছিল বলে শুনেছে
শ্যারনের কাছে, পথে নাকি বিপদে পড়েছিল... সেজন্যেই পালিয়ে
এসেছিল ম্যাসন। কিন্তু তারপর? এখন কী অবস্থায় আছে
মানুষটা? বেঁচে আছে, না মরে গেছে? বুক খাঁ খাঁ করতে লাগল
অ্যাবির। বছদিন পর... বছ বছর পর... একজন পুরুষের জন্য
এমন উদ্বেগ অনুভব করছে ও। এটা কি কেবলই বক্সুত্ত, না

ভালবাসা? জানে না। শুধু জানে, রানাকে আরেকবার দেখতে না
পেলে মূল্যহীন হবে ওর বেঁচে থাকা।

‘ভেটিলেশন শাফটটা দেখতে পাচ্ছি আমি!’

পাওয়েলের ডাকে সংবিধি ফিরল অ্যাবির। সামনে তাকাল।
ওই তো, মেঝেতে দেখা যাচ্ছে রঙের দাগ। তার পাশে, দেয়ালে
মুখ ব্যাদান করে রেখেছে বড় একটা কালো গর্ত—ভেটিলেশন
শাফটের মুখ। ওখান দিয়েই কয়েক ঘণ্টা আগে ঢুকেছিল
পাওয়েল, জিম আর ও।

চলার গতি বাড়িয়ে দিল সবাই। শাফটের মুখের সামনে গিয়ে
জড়ো হলো। আলো ফেলে ভিতরটা দেখল ম্যাসন। বড় খাড়।
উপর থেকে পিছলে নামার জন্য ভাল, কিন্তু উঠতে গেলে কষ্ট
আছে। সঙ্গীদের দিকে ফিরে বলল, ‘আমাদের একজনকে আগে
যেতে হবে। উপরে গিয়ে যদি একটা দড়ি ফেলতে পারে নীচে,
সেটা বেয়ে উঠতে পারব বাকিরা।’

‘দড়ি নেই আমাদের সঙ্গে,’ জানাল নেভিল।

‘আছে,’ বলে উঠল জিম। ‘বিমান থেকে একটা দড়ির গোছা
নিয়ে এসেছিলাম আমরা। প্রেগ্নেলের ধাওয়া খেয়ে যখন শাফটে
ঢুকি, ওটা ফেলে দিয়েছিলাম কাঁধ থেকে। এগ্রান্সের কাছাকাছিই
আছে ওটা।’

‘কতটা লম্বা?’ জিজ্ঞেস করল ম্যাসন। ‘এ-পর্যন্ত পৌঁছুবে?’

‘মেপে দেখিনি, তবে পৌঁছুবে বলে মনে হয়েছিল।’

‘গুড়। তা হলে কে যাবে, সেটা ঠিক করে ফেলা যাক।’

‘আমিই যাই,’ বলল শ্যারন। ‘শাফটের দেয়াল একেবারে
মসৃণ। আমার পায়ে ক্র্যাম্পন আছে...’ জুতোর তলায় লাগানো
কঁটাঅলা ক্র্যাম্পনগুলোর দিকে ইঙ্গিত করল, ‘আপনাদের চেয়ে
অনেক সহজে উঠে যেতে পারব। এ-জিনিস আপনাদের কারও
পায়ে লাগবে না। আমার মাপে তৈরি।’

‘আমার পায়ে লাগবে... একই সাইজের জুতো আমাদের,’
বলে এগিয়ে এল অ্যাবি। ‘কিছু মনে করবেন না, ড. বেকেট
তবে আমি গেলে বেশি ভাল হয়। আপনার যে কিছুটা সীমাবদ্ধতা
আছে, তা তো অস্বীকার করতে পারবেন না।’

ওর বধিরতার কথা বলছে অ্যাবি, বুঝতে পারল শ্যারন।
উপরে একটা ছেঙ্গেল আছে, ওটা যদি শাফটে হামলা চালিয়ে
বসে, আগে থেকে সতর্ক হতে পারবে না ও... শুনবে না ওটার
এগিয়ে আসার শব্দ। যুক্তিটা অগ্রহ্য করবার নয়।

‘ক্লাইম্বিংরে অভিজ্ঞতা আছে আপনার?’ জানতে চাইল ও।

‘হ্যাঁ,’ মাথা ঝাঁকাল অ্যাবি।

আপত্তি না করে ক্র্যাম্পন খুলে দিল শ্যারন। মেঝেতে বসে
ওগুলো পরতে শুরু করল অ্যাবি।

সি-গেটের কণ্ঠেল রুম থেকে একটা আইস-অ্যাক্র নিয়ে
এসেছে স্যাম, সেটা বাড়িয়ে ধরল। ‘এটাও কাজে লাগবে
আপনার।’

‘থ্যাক্স,’ বলে কুঠারটা নিল অ্যাবি। উঠে দাঁড়াল। ওর হাতে
দুটো মলোটভ ককটেল আর লাইটার তুলে দিল ম্যাসন। বলল,
‘সাবধানে যাবেন। বেশি ঝুঁকি নেবার দরকার নেই, বিপদ দেখা
দিলে ফিরে আসবেন এখানে। পরে নাহয় আবার চেষ্টা করা
যাবে।’

লাইটার আর বোতলদুটো পারকার পকেটে ঢুকিয়ে ফেলল
অ্যাবি। বলল, ‘কিছু ভাববেন না। আশা করি একবারেই সারতে
পারব কাজ।’ জিমের দিকে তাকাল। ‘লোবোকে দেখে রেখো।
ছেঙ্গেলগুলোর গন্ধে অস্থির হয়ে উঠেছে ও। খেপে গিয়ে
ওগুলোকে ধাওয়া করতে পারে।’

‘আমার উপর আস্থা রাখুন,’ বলল জিম। ‘ওকে কোথাও
যেতে দেব না।’

‘তা হলে চলি।’

পাওয়েল আর ম্যাসন অ্যাবিকে উঁচু করে ধরল, হাঁচড়ে-পাঁচড়ে শাফটের ভিতর ঢুকে গেল ও। ঢুকেই দেয়ালে গাঁথল ক্র্যাম্পন, যাতে পিছলে আবার বেরিয়ে না যায়। একটু অপেক্ষা করল ঠিকমত আটকেছে কি না বোঝার জন্য, এরপর সন্তুষ্ট হয়ে এগোতে শুরু করল।

যত উঠছে, ততই খাড়া হচ্ছে শাফট। নামার সময় বোঝা যায়নি। উঠতে গিয়ে খবর হয়ে গেল। শুধু ক্র্যাম্পন বিঁধিয়ে আর কাজ হচ্ছে না। আইস-অ্যাক্রটাও ব্যবহার করল অ্যাবি। কোপ মেরে দেয়ালে গাঁথছে ওটা, হাতল ধরে শরীর জাগাচ্ছে, তারপর ওঠাচ্ছে একটা করে পা।

অমানুষিক পরিশ্রম হচ্ছে, সময় লাগছে প্রচুর, অথচ ওঠার গতি খুবই মন্ত্র। পা আর হাতের পেশি টন টন করছে ব্যথায়। কিছুক্ষণ পর পর বিশ্রাম নিতে বাধ্য হচ্ছে অ্যাবি। কতটা সময় পেরুচ্ছে, কিছু বলতে পারবে না।

অর্ধেক দূরত্ব পেরুতেই ফুরিয়ে এল শক্তি। তবে হার মানল না অ্যাবি। সিন্ধান্ত নিল, এখন থেকে আর কোনও বিশ্রাম নেবে না। শাফটের দেয়াল যখন সমান্তরাল হতে দেখল, মনে হলো অঙ্গান হয়ে যাবে। থামতে বাধ্য হলো ও, পেশিগুলো সাড়া দিচ্ছে না। কিছুক্ষণ পর কুঠারের হাতল দু'হাতে ধরে একটু একটু করে উঠে এল। হাঁচড়ে-পাঁচড়ে শাফটের সমান্তরাল অংশে উঠে চিত হয়ে শুয়ে কিছুক্ষণ হাঁপালো ও, চোখে-মুখে অঙ্ককার দেখছে, হাপরের মত ওঠানামা করছে বুক।

ধাতস্ত হতে কয়েক মিনিট লাগল অ্যাবির। শ্বাস-প্রশ্বাস স্বাভাবিক হলে চার হাত-পায়ে ভর দিয়ে উঁচু হলো, তাকাল সামনে। আলো নেই ওর সঙ্গে, তবে সামনে আবছা একটা আভা চোখে পড়ছে। নিচ্যেই এন্ট্রান্স গলে আসছে আলো। হামাগুড়ি

দিয়ে এগোতে শুরু করল ও, তবে তাড়াভড়ো করল না।
তাড়াভড়োর ফল ভাল হয় না, বাবার কাছে এ-শিক্ষা পেয়েছে।
কথাটা মনে পড়তেই পিতার কথাও মনে পড়ল। একটু স্বস্তি
পেল। ওমেগা স্টেশন মুক্ত করেছে ডেল্টা ফোর্স, তারমানে রিচার্ড
ম্যানিটকও মুক্ত... নিরাপদ। অন্তত একটা দুশ্চিন্তা তো কমল।

এখন আর কষ্ট হচ্ছে না চলতে। ধীর-স্থির ভঙ্গিতে সামনে
এগোলো অ্যাবি। অল্লাস্ফণেই পৌছে গেল প্রথম মোড়টার কাছে।
ওখানে থামল একটু। উঁকি দিল অন্যপাশে। না, ঘেওলেটা নেই।
এন্ট্রান্স গলে চুকছে দিনের আলো। বাতাসের শনশনানি ছাড়া আর
কোনও আওয়াজ নেই।

মোড় পেরুল অ্যাবি। এগিয়ে চলল এন্ট্রান্সের দিকে। কাজ
এখনও অনেকটাই বাকি। বাইরে গিয়ে দড়ির গোছাটা খুঁজে বের
করতে হবে, ওটা আটকাতে হবে ত্রিলের পাল্লায়, নামিয়ে দিতে
হবে শাফটের নীচে। কথা হলো, নিরাপদে কাজগুলো করতে
পারবে কি না... বাইরে দানবটা ওর জন্য অপেক্ষা করছে কি না।

সময়ই এর জবাব দেবে।

সতেরো

গটমট করে কিচেন থেকে বেরিয়ে এল রানা। ইতিমধ্যে মাথার
উপর টেনে দিয়েছে পারকার ভড়। বাড়তি অস্ত্র-শস্ত্র রেখে এসেছে—
পিছনে, কাঁধে ঝুলছে তিন নম্বর লেভেলের প্রহরীর কাছ থেকে

নেয়া একে-ফোরটি সেভেন রাইফেলটা।

ছায়ায় ছায়ায় এগোল ও, আলোয় গেল না। লক্ষ করল, কমন এরিয়ার মাঝখানে জমায়েত হয়ে আছে রাশান সৈনিকরা, সিঁড়ির আশপাশে। নীচ থেকে কালো ধোয়া উঠে আসছে ওখান দিয়ে—ওয়েপন লকারের বিস্ফোরণ এর জন্য দায়ী। একটু পর স্ট্রিচার-সহ দু'জনকে উঠে আসতে দেখল। পোড়া একটা দেহ তুলে এনেছে ওরা। আরও দুটো লাশ ওঠানো হয়েছে এর আগে—কমন এরিয়ার মাঝামাঝি জায়গায় শুইয়ে রাখা হয়েছে ওগুলোকে। স্ট্রিচার নিয়ে সেদিকে চলল দুই বাহক। তাদের পিছু পিছু উঠে এল দু'জন অফিসার, থমথমে চেহারা। উত্তেজনার সৃষ্টি হলো জমায়েত সৈনিকদের মাঝে। শুরু হয়ে গেল শাপ-শাপান্ত। চোদগুষ্টি উদ্বার করছে পলাতকদের।

সৈনিকদেরকে ব্যস্ত হয়ে উঠতে দেখল রানা। জুলে উঠল অনেকগুলো ফ্ল্যাশলাইট, টহলে যাওয়ার প্রস্তুতি নিচ্ছে ওরা। একটা আলোকরশ্মি ওর সামনে দিয়ে ঘুরে গেল, তাড়াতাড়ি মুখ ফিরিয়ে নিল রানা। দ্রুত এগোতে গিয়ে বাড়ি খেলো একটা চেয়ারের সঙ্গে—খটাস করে আওয়াজ হলো, মেঝেতে কাত হয়ে পড়ে গেল চেয়ারটা। কেউ একজন উঁচু গলায় গাল দিল ওকে উদ্দেশ করে। না শোনার ভান করে এগিয়ে চলল ও।

স্টেশনে ঢোকার প্যাসেজের সামনে পৌছে থামল রানা। উকি দিল ওখান থেকে। এগ্রিসের কাছে টুকরো টুকরো হয়ে পড়ে আছে ওদের স্নো-ক্যাট, তবে ওটার ধ্বংসস্তূপ বুজিয়ে দিয়েছে অনেকখানি জায়গা। খানিকটা অংশ পরিষ্কার করে মানুষ চলাচলের জায়গা করা হয়েছে, ওখানে অস্ত্রহাতে পাহারা দিচ্ছে দু'জন সৈনিক। তবে এগ্রিসের বাইরে আরও মানুষের নড়াচড়া দেখা গেল।

ভালমত সবকিছু দেখে নিচ্ছে রানা। এটাই ওর শুভ পিঞ্জর-২

দায়িত্ব—পুরো জায়গাটা রেকি করতে হবে, জানতে হবে কতজন
শক্র রয়েছে এখানে। ওদেরকে সামলানো যদি সম্ভব মনে হয়, তা
হলে খবর দেবে বাকিদেরকে। তারপর ওয়েপঙ্গ লকার থেকে
পাওয়া ঘেনেড ফাটিয়ে সৃষ্টি করবে ডাইভারশন, রাশানদের ব্যস্ত
করে দিয়ে ছুট লাগাবে এণ্টিসের পথ ধরে।

ইতি-উতি তাকচিল রানা, কানের কাছে হৃষ্কার শুনে চমকে
উঠল। কখন যেন পিছনে চলে এসেছে লোকটা, তার পায়ের
আওয়াজ শুনতে পায়নি।

দীর্ঘশ্বাস ফেলে ঘুরে দাঁড়াল ও। পাহাড়ের মত বিশাল এক
দৈত্য দাঁড়িয়ে আছে কোমরে হাত রেখে। অন্তত সাত ফুট লম্বা,
দু-এক ইঞ্চি বেশিও হতে পারে। স্বাস্থ্যও তেমনি। পশ্চমি পারকা
আর উলের প্যাণ্ট পরা অবস্থায় লোকটাকে ভালুকের মত
দেখাচ্ছে। র্যাঙ্ক খুঁজল রানা তার পোশাকে, পেল না। হাবভাবে
অফিসার বলে মনে হচ্ছে না, বরং শ্রমিকনেতা টাইপের আচরণ
করছে। জেসিও হবার সম্ভাবনা বেশি।

খেঁকিয়ে উঠল লোকটা। বিচ্ছিরি ভাষায় কৈফিয়ত দাবি
করল, কাজে ঝাঁকি দিয়ে এখানে দাঁড়িয়ে আছে কেন ও। রুশ
ভাষা জানে রানা, কিন্তু লম্বা-চওড়া ফিরিস্তি দিতে গেলে ধরা পড়ে
যাবার সম্ভাবনা আছে। খাঁটি রাশানদের সঙ্গে মিলবে না ওর
উচ্চারণ, সন্দিহান হয়ে উঠবে লোকটা। তাই দু'হাত তুলে হাল
ছেড়ে দেবার ভঙ্গি করল ও। রুশ ভাষায় বলল একটামাত্র শব্দ,
'দুঃখিত।'

'দুঃখিত মানে?' চেঁচিয়ে উঠল দৈত্য। 'তোমার কাছে দুঃখিত
শুনতে এসেছি নাকি? চলো এখুনি!'

খপ করে রানার কাঁধ চেপে ধরল সে। টানতে শুরু করল।
আর তাতেই ঘটল বিপন্নি। ঝাঁকি খেয়ে রানার পারকার পকেট
থেকে বেরিয়ে এল একটা ঘেনেড। ঠং করে আছড়ে পড়ল

মেঝেতে। প্রমাদ শুনল ও। গড়িয়ে দৈত্যের পায়ের কাছে গিয়ে
থামল ওটা।

ভুরু কুঁচকে ছেনেডটা কুড়িয়ে নিল দৈত্য। মুখের সামনে
তুলতেই বড় হয়ে গেল চোখ। এ-জিনিস তো স্ট্যাণ্ডার্ড সাপ্লাই
নয়! অনেক পুরনো ছেনেড... যেমনটা এই বেইসের ওয়েপন
লকারে থাকার কথা! চেঁচিয়ে ওঠার জন্য মুখ খুলল সে।

বিদ্যুৎ খেলে গেল রানার শরীরে, এক ঝটকায় রাইফেলটা
কাঁধ থেকে নামাল ও। ব্যারেলটা হাতে ধরে মুগুরের মত বাটটা
চালাল দৈত্যের মুখে। মড়মড় করে উঠল চোয়ালের হাড়, অঙ্গুট
আর্তনাদ করে মেঝেতে আছাড় খেলো লোকটা। সঙ্গে সঙ্গে কমন
এরিয়া থেকে ঘাড় ফেরাল সমস্ত রাশান সৈনিক।

তাড়াতাড়ি দৈত্যের পাশে হাঁটু গেড়ে বসল রানা, ভাব দেখাল
যেন সাহায্য করতে চাইছে লোকটাকে। কিন্তু ও বসার সঙ্গে সঙ্গে
ছোবল মারল দৈত্যের দু'হাত, খপ্ করে আঁকড়ে ধরল ওর গলা।
দম আটকে এল রানার, চোখের সামনে নাচতে শুরু করল
লাল-নীল তারা। শ্বাসনালী ভেঙ্গেই যাবে বোধহয়। অঙ্গের মত
মেঝে হাতড়াল ও, পেয়ে গেল ছেনেডটা, ওটা মুখের কাছে এনে
একটানে খুলে ফেলল পিন।

ওর গলা ছেড়ে দিল দৈত্য। ছেনেডের পিন খুলতে দেখে
ভড়কে গেছে। পাগলের মত ক্রল করে সরে যাবার চেষ্টা করল
রানার কাছ থেকে। কাশতে কাশতে বসে পড়ল রানা, ঘাড়
ফেরাতেই লক্ষ করল, পাগলের মত ছোটাছুটি করছে কমন
এরিয়ার সৈনিকরা। মনে পড়ে গেল, ওর হাতে পিন খোলা
ছেনেড!

ভাবনা-চিন্তার সময় নেই। সিঁড়ির দিকে ছেনেডটা ছুঁড়ে দিল
রানা, উঠে দাঁড়িয়ে ছুট লাগাল এন্ট্রান্সের প্যাসেজের দিকে। ওখান
পর্যন্ত পৌছুবে না শকওয়েভের ধাক্কা। কিন্তু দু'পা যেতেই পিছনে
শুভ্র পিঞ্জর-২

ঘটল বিস্ফোরণ। যেন পিঠে হাতুড়ির বাড়ি পড়ল, উড়ে গিয়ে মেঝেতে আছড়ে পড়ল ও।

কানে তালা লেগে গেছে, কোনোমতে উঠে বসল রানা। ঘাড় ফিরিয়ে তাকাল পিছনে। সঙ্গে সঙ্গে আঁতকে উঠল। কিচেনের দরজা খুলে ঝড়ের বেগে বেরিয়ে এসেছে কমাওয়ার ফিশার ও তার দুই সহকারী, ছুট লাগিয়েছে এন্ট্রাসের দিকে। বিস্ফোরণটাকেই সঙ্কেত বলে ভেবেছে তারা। বোকা নাকি? ওদেরকে সঙ্কেত না দিয়ে তো ঘেনেড ফাটাবার কথা ছিল না ওর!

চেঁচিয়ে ওদেরকে ফিরে যাবার জন্য বলল রানা, কিন্তু গলা ভেঙে গেল। তা ছাড়া হৈচে শুরু হয়ে গেছে চারদিকে, এর মাঝে ওর গলা শুনতেও পাবে না ওরা। তাড়াতাড়ি উঠে দাঁড়াল ও, হাত নেড়ে সঙ্কেত দেবার চেষ্টা করল তিন সঙ্গীকে... কিন্তু থেমে গেল পিছনে পায়ের আওয়াজ হওয়ায়।

পাঁই করে ঘুরে দাঁড়াল রানা। এন্ট্রাসের দিক থেকে অস্ত্র বাগিয়ে ছুটে এসেছে দুই প্রহরী, অস্ত্রের ব্যারেল সোজা ওর বুক বরাবর তাক করা। পরিস্থিতি প্রতিকূল, ধীরে ধীরে দু'হাত তুলে আনল ও।

আত্মসমর্পণের এই ভঙ্গি দেখেও না দেখার ভান করল দুই প্রহরী। ট্রিগার চাপল ডানদিকের লোকটা!

ভেন্টিলেশন শাফটের দিকে একদ্রষ্টে তাকিয়ে আছে শ্যারন। প্রায় বিশ মিনিট হলো ওটার ভিতরে অদৃশ্য হয়ে গেছে অ্যাবি। শুধু ও-ই নয়, দলের সবাই জড়ে হয়েছে শাফটের মুখের কাছে, উদ্বেগ আর উৎকণ্ঠা নিয়ে তাকিয়ে আছে ওটার দিকে।

চারপাশে অনেক মানুষ, তারপরেও নিজেকে বড় একা লাগছে শ্যারনের। চাপা গলায় ফিসফিস করছে ওরা, আলোচনা করছে নিজেদের মধ্যে, সে-সবের কিছুই শুনতে পাচ্ছে না ও।

ইচ্ছ করছে না লিপ-রিডিং করতে। একসঙ্গে থেকেও তাই
বিচ্ছন্ন হয়ে পড়েছে। দীর্ঘশ্বাস বেরিয়ে এল শ্যারনের বুক চিরে।
হ্রণশক্তি কোনোদিন ফিরে পাবে না ও, তারমানে সাধারণ
মনুষের সঙ্গে ওর এই দূরত্বও ঘুচবে না কখনও।

তিনি সহকারীর সঙ্গে কী নিয়ে যেন কথা বলছেন ড.
কনওয়ে। সেদিকে মনোযোগ দিল শ্যারন, দেখা যাক কী নিয়ে
আলোচনা করছেন ভদ্রলোক। খানিক পরেই বুঝতে পারল,
গ্রেগোলদের জীবনধারা নিয়ে একটা থিয়োরি খাড়া করেছেন তিনি।
কনওয়ের মতে, প্রজাতিটা তাদের দীর্ঘ জীবন্দশার একটা বড়
অংশ কাটায় শীতনিদ্রার মাঝে। আর্কটিকের পরিবেশে
খাবার-দাবারের সঙ্কট রয়েছে ওদের, হাইবারনেশনের সময়
সে-সমস্যা নেই... কাজেই ব্যাপারটা তাদের টিকে থাকার একটা
অবিচ্ছেদ্য অংশ। কনওয়ে ধারণা করছেন, ঘুমন্ত সঙ্গীদের রক্ষা
করবার জন্য পালাত্বমে একটা বা দুটো গ্রেগোল জেগে থাকে,
পাহারা দেয় পুরো টানেল নেটওয়ার্কে। সিলমাছ বা অন্য কোনও
সামুদ্রিক প্রাণী থেয়ে বেঁচে থাকে গ্রেগোল-প্রহরীরা। আইস রিঙ্কের
কয়েক জায়গায় থাবা দিয়ে খোঁড়া গর্ত দেখেছেন কনওয়ে,
নিশ্চয়ই সেখান থেকে বেরিয়ে এসেছে ঘুমন্ত গ্রেগোল, পাহারার
পালাবদলের জন্য।

‘সম্ভবত এভাবেই এত বছর ধরে লুকিয়ে থাকতে পেরেছে
ওরা,’ সবশেষে বললেন ভদ্রলোক। ‘একটা বা দুটোর বেশি প্রাণী
কখনও অ্যাকচিভ থাকেনি, কাজেই ওদের খোঁজ পায়নি কেউ।
বলা কঠিন এরা কতকাল ধরে আছে পৃথিবীর বুকে। তবে আমার
ধারণা, প্রাচীনকালে এদেরকে দেখেই সূচনা হয়েছে বিভিন্ন ধরনের
তুষারদানব বা রাক্ষসের কাহিনির...’

‘...কিংবা বেউলফের গ্রেগোলের,’ যোগ করল শ্যারন। ‘কিন্তু
ওদের সংখ্যা এত কম কেন? সার্ভাইভাল টেকনিক যদি এতই
শুভ পিঞ্জর-২

নিখুঁত হবে, তা হলে তো পুরো দ্বীপ গ্রেণ্ডেলে গিজগিজ করবার কথা।'

'আমি' বলব এর জন্য ওদের প্রজননক্ষমতার সীমাবদ্ধতা দায়ী,' বললেন কনওয়ে। 'ইউ সি... অস্বাভাবিক রকমের দীর্ঘ জীবন থাকায় বংশধরের প্রয়োজন পড়ে না এদের। প্রকৃতিও তাই হয়তো কমিয়ে দিয়েছে ওদের প্রজননক্ষমতা। হাইবারনেশনও হয়তো নেতিবাচক প্রভাব ফেলছে ওদের রিপ্রোডাকচিভ অর্গানে। এর ফলাফল সহজেই অনুমেয়। যত দীর্ঘ জীবনই থাকুক না এদের, এক সময় মরতে হচ্ছেই... কিন্তু সে-জায়গা নিচে না কোনও নতুন বংশধর। কমতে কমতে হয়তো আট-দশটায় এসে ঠেকেছে।'

গম্ভীর হয়ে গেল শ্যারন। সংখ্যায় কম হলেও দানবগুলো যথেষ্ট বিপজ্জনক। কোথায় ওগুলো এখন? মলোটভের ভয় দেখিয়ে অনন্তকাল ঠেকিয়ে রাখা সম্ভব নয় ভয়ঙ্কর প্রাণীগুলোকে।

হঠাতে সবার মধ্যে চাক্ষুল্য লক্ষ করল ও। কী ব্যাপার? কয়েক সেকেণ্ড পরেই পরিষ্কার হয়ে গেল কারণটা। শাফটের মুখ দিয়ে নেমে আসছে একটা দড়ি। তারমানে আলাক্ষার ওই শেরিফ ঠিকমতই পৌছুতে পেরেছে উপরে। খুশি হয়ে উঠল সবাই।

দলের উদ্দেশ্যে ম্যাসন বলল, 'দড়ির উপর চাপ কমাবার জন্য একসঙ্গে যাব না সবাই। তিনজন করে উঠবে। প্রথমে যাবে মেয়েরা...' শ্যারন আর লিলির দিকে ইশারা করল, '...আর আমি। এরপরে ড. কনওয়ে, স্যাম আর নেভিল। সবশেষে কুকুরটাকে নিয়ে উঠবেন পাওয়েল আর পাটইয়াক। কারও কোনও আপত্তি আছে?'

দেখা গেল নেই। কাজেই হাতছানি দিয়ে লিলিকে ডাকল সে। তাকে সাহায্য করল দড়ি ধরে উঠতে। এরপর হাত বাঢ়াল শ্যারনের দিকে।

‘দরকার নেই,’ বলল শ্যারন। ‘দড়ি বাওয়ার অভ্যাস আছে আমার। আপনি আগে উঠুন, আমি পিছনে থাকব।’

মাথা ঝাঁকিয়ে তরতর করে দড়ি বাইতে শুরু করল ম্যাসন। তাকে অনুসরণ করল শ্যারন।

কষ্টকর কাজ, তারপরেও মুক্তির সন্ধাবনা শক্তি জোগাল ওদেরকে। খাড়া অংশটা পেরিয়ে এল বেশ দ্রুতই, এরপর সমান্তরাল অংশে হামাগুড়ি দিয়ে বেরিয়ে গেল বরফ-দ্বীপের সারফেসে।

চারপাশে হাওয়ার গর্জন অনেকটা কমে গেছে। শ্যারন উঠে দাঁড়াতেই অ্যাবি বলল, ‘ঝড় থেমে যাচ্ছে।’

গালের উন্মুক্ত চামড়া মুহূর্তেই অসাড় হয়ে গেছে শ্যারনের। হাড়িডমজ্জায় আঘাত হানছে ঠাণ্ডা বাতাস। কমে যাওয়া অবস্থাতেই যদি এই দশা হয়, তা হলে খারাপ আবহাওয়াটা কেমন ছিল?

শাফটের ভিতরে ঝুঁকে দড়িতে ঝাঁকি দিচ্ছে ম্যাসন, সঙ্কেত পাঠাচ্ছে পরের গ্রন্থের কাছে। একটু পরে উঠে দাঁড়িয়ে বলল, ‘তাড়াতাড়ি কাজ সারতে হবে আমাদের। ঝড় থেমে গেলে কাভার হারাব।’

অস্থির ভঙ্গিতে অপেক্ষা করতে থাকল ওরা। মিনিট পাঁচেক পরে দেখা পেল ড. কনওয়ে ও তাঁর দুই সহকারী। দড়ি ধরে আবারও সঙ্কেত পাঠাল ম্যাসন।

হঠাৎ স্থির হয়ে গেল শ্যারন। ঘাড়ের লোম সরসর করে দাঁড়িয়ে গেছে, বোঁ করে উঠেছে মাথা। দাঁতের গোড়ায় সেই পরিচিত শিরশিরানি!

আল্ট্রাসোনিকস্বি!

‘থামুন!’ চেঁচিয়ে উঠল ও। ‘গ্রেণেল!’

চমকে উঠল সবাই। ম্যাসনকে পারকার পকেট থেকে একটা শুভ পিঞ্জর-২

মলোটিভ বের করতে দেখল শ্যারন। ঝট করে উঠে দাঁড়িয়ে সে
বলল, ‘নীচ থেকে চেঁচামেচি শুনতে পাচ্ছি। ওরাও বিপদে
পড়েছে!’

সলতেয় আগুন ধরাবার চেষ্টা করল সে। কিন্তু বাতাসের
তোড়ে বারবার নিতে যাচ্ছে লাইটারের শিখা।

ভয়ার্ত গলায় ড. কনওয়ে বললেন, ‘সম্মিলিত আক্রমণ!
সোনার ওয়েভের মাধ্যমে পরস্পরের সঙ্গে যোগাযোগ করছে
ওরা।’

ফ্যাল ফ্যাল করে চারদিকে তাকাল শ্যারন। অ্যামবুশের মধ্যে
পড়েছে ওরা! তুষারের পর্দার পিছনে একটা কালচে অবয়ব ভেসে
উঠতে দেখল, হেলেন্দুলে এগিয়ে আসছে ওদের দিকে।

সলতেয় আগুন ধরাতে পেরেছে ম্যাসন, ছুঁড়ে মারল এগোতে
থাকা দানবটার দিকে। ধপ্ করে তুষারের একটা স্তুপের উপরে
পড়ল ওটা, নিতে গেল সঙ্গে সঙ্গে। চোখের কোণে নড়াচড়া ধরা
পড়ায় ঝট করে মাথা ঘোরাল শ্যারন, ডানদিক থেকে এগিয়ে
আসছে আরেকটা দানব। বামদিক থেকেও। সামনেও দেখা গেল
নতুন একটাকে।

সবদিক থেকে ওদেরকে ঘিরে ফেলছে হিংস্র প্রাণীগুলো।

ওর সামনে এসে দাঁড়াল অ্যাবি। হাতে একটা জুলন্ত
মলোটিভ। . .

‘তাজা তুষারের উপর ফেলবেন না!’ চেঁচিয়ে বলল শ্যারন।
‘ওগুলো ভেজা।’

মাথা ঝাঁকিয়ে বোতলটা ছুঁড়ে মারল অ্যাবি। তুষার ফুঁড়ে
বেরিয়ে থাকা বড় একটা পাথরের উপর পড়ল ওটা, বিক্ষেপিত
হলো বিকট শুন্দ আর আলো ছাড়িয়ে। থমকে দাঁড়াল গ্রেণেলের
দল, কিন্তু পালাল না।

আল্ট্রাসোনিকসের প্রবাহ বেড়ে গেল হঠাৎ, বমি বমি লাগল

‘তরনের। খেপে গেছে দানবগুলো, আবারও এগোতে শুরু করছে পায়ে পায়ে। খোলা ময়দানে মলোটভের বিস্ফোরণ ভয় দেখাতে পারেনি ওগুলোকে।

‘ভেটিলেশন শাফটে ফিরে যান সবাই!’ চেঁচিয়ে উঠল ম্যাসন। ‘এক্ষুণি!'

শাফটের দিকে ঘুরে গেল শ্যারন, আর তখনি ওটার ভিতর থেকে ঝাঁপ দিয়ে বেরিয়ে এল লোবো—তারস্বরে গর্জন করছে। বিপদের গন্ধ পেয়ে জেগে উঠেছে নেকড়ে-সুলভ হিংস্রতা। গ্রেণেলগুলোর দিকে ছুট লাগাবার চেষ্টা করল, কিন্তু পারল না অ্যাবি তার কলার ধরে ফেলায়।

‘না, লোবো... না!'

চারপাশে চিৎকার-চেঁচামেচি চলছে, তার কিছুই শুনতে পাচ্ছে না শ্যারন। পাগলের মত ঠোঁট নড়ছে সবার, লিপ-রিডিং অসম্ভব। শাফটের দিকে কেউ যাচ্ছে না কেন, ভেবে অবাক হলো ও। একটু পরেই জবাব পাওয়া গেল তার।

পাগলের মত হামাগুড়ি দিয়ে শাফট থেকে বেরিয়ে এল পাওয়েল।

‘সরে যান!’ চেঁচিয়ে উঠল সে, ঠোঁট পড়তে পারল শ্যারন। ‘শয়তানগুলো আমাদের পিছু পিছু আসছে!'

পাওয়েলের পিছনে বেরিয়ে এল জিম। পারকার বাম হাতা আগুনে ঝলসে গেছে, এখনও জুলছে ধিকিধিকি। শাফট থেকে বেরিয়ে গড়ান খেলো, ভেজা তুষারে ঘষে নেভাল হাতার আগুন। শাফটের মুখ দিয়ে বেরিয়ে এল কালো ধোঁয়ার কুণ্ডলী।

‘হোয়াট দ্য...’ বিস্মিত গলায় বলে উঠল ম্যাসন।

‘একসঙ্গে দুটো মলোটভ ফাটিয়ে ধসিয়ে দিয়েছি শাফট,’ বলল জিম। ‘দানবগুলো যেন আসতে না পারে...’ কথাটা বলতে বলতে দেখতে পেল বাইরের গ্রেণেলগুলোকে। আঁতকে উঠল শুরু পিঞ্জর-২

সঙ্গে সঙ্গে। 'হা যিশু!'

পালা করে শাফট আর এগোতে থাকা দানবদের দিকে তাকাল শ্যারন। কোথাও যাবার উপায় নেই। ফাঁদে পড়ে গেছে ওরা। ব্যাপারটা বাকিরাও বুঝতে পেরেছে। স্থির হয়ে গেল সবাই। পিছাতে শুরু করল পায়ে পায়ে। শাফটের মুখের কাছে এসে থামতে বাধ্য হলো, পিঠে পিঠ ঠেকে গেছে সবার।

ধীরে ধীরে আরও এগিয়ে এল গ্রেণেলের দল। মৃত্যু এখন স্বেফ সময়ের ব্যাপার।

আঠারো

তাড়াভুংড়োয় নিশানা মিস করেছে প্রহরী, তাই বলে পুরোপুরি ব্যর্থ হলো না। কাঁধে বুলেটের ভারী আঘাত পেয়ে আধপাক ঘুরে গেল রানা, মুখ খুবড়ে পড়ল প্যাসেজের মেঝেতে। ব্যথায় চোখেমুখে অঙ্ককার দেখল, তারপরেও মুখ তুলল একটু। দুই প্রহরী তখন থেমে গিয়ে রাইফেল তাক করেছে ওর কপাল বরাবর।

শরীর শক্ত করে ফেলল রানা, এখনি সব শেষ হয়ে যাবে। গুলির আওয়াজ শুনল, কিন্তু অদ্ভুত ব্যাপার... মাজল ফ্ল্যাশ দেখল না প্রহরীদের রাইফেলের ডগায়। তার বদলে মাথা বিক্ষেরিত হলো একজনের; গলা আর বুকে রক্ত নিয়ে পিছনদিকে ছিটকে পড়ল আরেকজন।

ঝট করে পিছনে তাকাল রানা। প্যাসেজের মুখে এসে

পড়েছে কমাণ্ডার ফিশার ও তার দুই সঙ্গী, ধোয়া উড়েছে তাদের হাতের রাইফেল থেকে। ওরাই জীবন বাঁচিয়েছে ওর।

চার হাত-পায়ে ভর দিয়ে উঁচু হবার চেষ্টা করল রানা, কিন্তু পারল না। ধপ করে আবার পড়ে গেল মেঝেতে। পিছনে রুশ ভাষায় হাঁকডাক শোনা গেল, ওদেরকে দেখতে পেয়ে ছুটে আসছে আরও রাশান সৈনিক। লিসা আর ত্রিন গুলি ছুঁড়ে নিরস্ত করল তাদেরকে। ছুঁড়ে দিল দুটো গ্রেনেড। বিস্ফোরণের আওয়াজে কানে তালা লেগে গেল রানার।

ওর কাছে ছুটে এল ফিশার, সাহায্য করল উঠে দাঁড়াতে। জিজেস করল, ‘দৌড়াতে পারবেন? নাকি কাঁধে তুলে নেব?’

‘পারব।’

‘তা হলে দৌড়ান!’

ছুটতে শুরু করল দু’জনে। কমন এরিয়ার দিকে গুলি ছুঁড়তে ছুঁড়তে লিসা আর ত্রিনও অনুসরণ করল ওদেরকে।

নতুন করে হাঁকডাক শুরু হলো। প্রাথমিক বিশ্বজ্ঞান কাটিয়ে সংগঠিত হয়ে উঠেছে রাশান সৈন্যরা। ছুটে এল এক পশলা গুলি। মেঝেতে ডাইভ দিয়ে সেগুলোকে এড়াল রানা ও তার সঙ্গীরা। হামাগুড়ি দিয়ে চলে গেল দেয়াল ঘেঁষে দাঁড়িয়ে থাকা কয়েকটা কন্ট্রোল বক্সের পিছনে। ওখান থেকে চালাল পাল্টা গুলি।

সামনে থেকেও গুলি ছুটে এল। বোৰা গেল, প্রহরী শুধু এন্ট্রান্সের ভিতরে না, বাইরেও মোতায়েন করা হয়েছে। গোলমালের আভাস পেয়ে ওখান থেকে গুলি করছে তারা।

‘ফাঁদে পড়ে গেছি আমরা!’ চেঁচিয়ে উঠল লিসা।

‘জানি,’ বলল ফিশার। ‘মি. রানা, কোনও আইডিয়া থাকলে বলতে পারেন। মি. রানা!'

রানা যেন অন্য জগতে হারিয়ে গেছে। কন্ট্রোল বক্সের আড়াল থেকে উঁকি দিচ্ছিল ও, ধোয়ার মাঝে সাদা চুলঅলা একজন শুভ পিঙ্গর-২

ব্যক্তিত্বান বৃন্দকে উদয় হতে দেখল... নিশ্চয়ই সিঁড়ি ভেঙে নীচ থেকে উঠে এসেছে। পরনে ট্রেটকোট, চেহারায় রুক্ষতা... দু'হাতের ভাঁজে ছোট একটা ছেলেকে ধরে রেখেছে লোকটা। গোলাগুলির আওয়াজে ভয় পেয়ে গেছে ছেলেটা, দু'হাতে কান চেপে ধরে কাঁদছে। চমকে উঠল রানা, এখানে এই বয়সের বাচ্চা এল কোথেকে? পরক্ষণে চমক বাড়ল আরও—ছেলেটাকে চেনা চেনা লাগছে! তা কী করে হয়?

‘মি. রানা!!’ আবারও ডেকে উঠল ফিশার। সংবিধি ফিরে পেল ও।

‘বলুন।’

‘দু’পাশ থেকে চেপে ধরেছে ওরা আমাদেরকে। কী করা যায়?’

‘গ্রেনেড ব্যবহার করুন। ওরা যখন বেসামাল হয়ে পড়বে, তখন ঝেড়ে দৌড় দিতে হবে... আর কোনও রাস্তা নেই।’

মাথা ঝাঁকিয়ে ছিন আর লিসাকে ইশারা করল ফিশার। এক গড়ান দিয়ে প্যাসেজের মাঝখানে চলে গেল ওরা, গ্রেনেড ছুঁড়ল—একটা এন্ট্রাপের বাইরে, অন্যটা কমন এরিয়ার দিকে। তারপর আবার গড়ান দিয়ে ফিরে এল কন্ট্রোল বক্সের পিছনে।

কান ফাটানো আওয়াজে ফাটল গ্রেনেডদুটো। সঙ্গে সঙ্গে থেমে গেল গুলিবর্ষণ।

‘মুভ!’ চেঁচিয়ে উঠল ফিশার।

আড়াল থেকে বেরিয়ে এন্ট্রাপের দিকে উর্ধ্বশাসে ছুটল চারজনে। দরজার কাছাকাছি পৌছে গেছে, এমন সময় গর্জে উঠল একটা রাইফেল। সবার পিছনে ছিল ছিন, হড়মুড় করে মেরেতে পড়ে গেল সে। থমকে দাঁড়াল রানা। ঘাড় ফেরাতেই লেফটেন্যাণ্টের পিঠে রক্ত দেখতে পেল।

একটু উঁচু হলো ছিন। চেঁচিয়ে বলল, ‘থামবেন না। পালান।’

‘কিন্তু আপনি...’ বলতে গেল রানা।

‘ভুলে যান আমার কথা! পালান! আমি এদিকটা কাভার নিচ্ছি।’

কষ্টে-সৃষ্টে উঠে বসল সে। উল্টো দিকে ফিরে বসল। হাতে তুলে নিল রাইফেল। মনটা কষ্টে ছটফট করে উঠল রানার। ম্ত্যুর আগেও হাল ছাড়ছে না দুঃসাহসী মানুষটা। জীবনের শেষ কটা মুহূর্ত ব্যয় করতে চাইছে সঙ্গীদের বাঁচাবার জন্য। ওর জন্য কিছু করবার ইচ্ছে হলো রানার, কিন্তু সে-উপায় নেই।

‘পালান, মি. রানা, পালান!!’ আবার চেঁচাল গ্রিন। টিপতে শুরু করল রাইফেলের ট্রিগার।

কিছু করার নেই, উল্টো ঘুরে আবার দৌড়াতে শুরু করল রানা। কয়েক সেকেণ্ডের মধ্যে পেরিয়ে এল এন্ট্রাসের ভাঙ্গচোরা দরজা। ওপাশে দলা পাকিয়ে পড়ে আছে দুটো মানবদেহ—রাশান প্রহরী, গ্রেনেড একেবারে ওদের মুখের উপর ফেটেছে।

এক লাফে লাশদুটো টপকাল রানা, যোগ দিল ফিশার আর লিসার সঙ্গে। এন্ট্রাসের চওড়া টানেল পেরিয়ে একটা বরফস্তূপের পিছনে থেমেছে দু’জনে।

‘মাইকেল?’ গ্রিনের কথা জিজ্ঞেস করল লিসা।

হতাশ ভঙ্গিতে মাথা নাড়ল রানা। চোখ ছলছল করে উঠল লিসার। ফিশার নির্বিকার রইল। জিজ্ঞেস করল, ‘আপনার কাঁধের কী অবস্থা?’

ক্ষত পরীক্ষা করল রানা। কাঁধের মাংস ভেদ করে বেরিয়ে গেছে বুলেট। কপাল ভাল, কোনও ধরনীতে আঘাত হানেনি। ভারী পোশাক ব্যাণ্ডেজের মত কাজ করছে, বাইরে বেরুন্নোর সঙ্গে সঙ্গে ঠাণ্ডায় রক্তও জমে গেছে। আড়ষ্ট হয়ে আছে জায়গাটা।

‘ফ্রেশ উও,’ বলল ও। ‘সিরিয়াস কিছু নয়।’

‘থ্যাক্ষ গড়!’ বলল ফিশার। ‘এখানে বসে থাকা চলবে না।

আসুন আমার সঙ্গে। পার্কিং এরিয়াটা ওদিকে।' ডানদিকে আঙুল তুলল সে, তবে তুষারপাতের কারণে দেখা গেল না কিছু।

বরফ স্তুপের পিছন থেকে বেরিয়ে আবার দৌড় শুরু করল ওরা। পার্কিং এরিয়া থেকে একটা বাহন চুরি করে পালাবার ইচ্ছে। কিন্তু ওখান পর্যন্ত পৌছুতে হবে আগে।

বিশ গজ যেতেই পায়ের কাছে ছিটকে উঠল বরফ। শোনা গেল গুলির আওয়াজ। ডাইভ দিল তিনজনে, আরেকটা বরফস্তুপের পিছনে চলে গেল হামাগুড়ি দিয়ে।

'স্লাইপার!' হাঁপাতে হাঁপাতে বলল লিসা। 'স্লাইপার বসানো হয়েছে বাইরে।'

'হ্যাঁ,' একমত হলো ফিশার। 'কিন্তু কোথায়?'

যে-দিক থেকে গুলি এসেছে, সে-দিকটা চঞ্চল চোখে জরিপ করল রানা। দেখতে পেল উঁচু এক প্রেশার রিজ—আইস স্টেশনের এন্ট্রাঙ্কে যেটা দূর থেকে অদৃশ্য করে রেখেছে। রিজের মাঝখানে ছোট একটা গিরিখাতের মত আছে, ওখানে মাথা তুলে রেখেছে একটা কমলা রঙের বড়-সড় তাঁবু। বিন্দুপ আবহাওয়ায় পজিশন নেবার জন্য উপযুক্ত জায়গা।

'ওই যে,' আঙুল তুলে দেখাল রানা। 'ওখানে।'

'ওই তাঁবুতে আইস স্টেশন থেকে তুলে আনা সমস্ত লাশ রেখেছি আমরা,' জানাল লিসা। 'ঘূরপথে পিছন দিয়ে ঢোকা যায় ওটাতে; পথটা আমি চিনি। যাব?'

'একা যাবেন?' ভুরু কোঁচকাল রানা।

'সবাই রঙনা দিলে টের পেয়ে যাবে ওরা। আপনারা এদিক থেকে ব্যস্ত রাখুন ওদেরকে। যেন ভাবে, আমরা এখানেই পজিশন নিয়েছি।'

রানা বা ফিশারকে আর কিছু বলবার সুযোগ দিল না লিসা। ক্রল করে চলে গেল একদিকে। তাঁবুর দিকে রাইফেল তাক করল

রানা আর ফিশার। বিরতি নিয়ে ছুঁড়তে শুরু করল একের পর এক গুলি। জানে না, আজ কিছুই ওদের প্ল্যানমত ঘটবে না।
ব্যর্থ হতে চলেছে লিসা।

ভেটিলেশন শাফটের মুখের সামনে দাঁড়িয়ে আছে সবাই, অপেক্ষা করছে নিশ্চিত মৃত্যুর জন্য। কিন্তু এত সহজে হার মানতে রাজিনয় পাওয়েল। জিমকে নিয়ে এগিয়ে গেল সামনে। দুটো মলোটভ আছে তার কাছে—একটা জিমকে দিল, অন্যটা নিল নিজে। সলতের কাছে লাইটার তুলে অপেক্ষা করতে লাগল, দানবগুলোকে আসতে দিচ্ছে কাছে।

পাঁচটা গ্রেণেল দাঁড়িয়ে আছে ওদের মুখোমুখি। ক্ষণিকের জন্য থেমে গেছে প্রাণীগুলো। খুব কাছেই কোথায় যেন একের পর এক বিস্ফোরণ ঘটছে, শকওয়েভের ধাক্কায় কাঁপছে পায়ের নীচে বরফ। এই কাঁপুনিই থামিয়েছে দানবগুলোকে।

‘স্টেশন থেকে আসছে আওয়াজ,’ বলল জিম। ‘লড়াই চলছে ওখানে।’

মাথা ঝাঁকাল পাওয়েল। ‘খুব সন্তুষ্ট গ্রেনেড ফাটছে।’

গ্রেনেডগুলোর সাময়িক এই বিভ্রান্তিই সুযোগ করে দিয়েছে নতুন একটা কৌশল আঁটবার। জটিল কোনও কৌশল নয়—বেশ সরল, কিন্তু নির্মম।

সলতের আগুন ধরিয়ে কয়েক পা এগোল পাওয়েল, মলোটভটা মাথার উপর নেড়ে চেঁচিয়ে উঠল, ‘অ্যাই, খবিসের দল! এইদিকে তাকা!’

বিস্ফোরণের আওয়াজ শুনে পিছনদিকে ঘাড় ফিরিয়ে তাকিয়ে ছিল গ্রেণেলগুলো, এবার সোজা হলো। শীতল চোখে জরিপ করল পাওয়েলকে। চারটা গ্রেণেল দাঁড়িয়ে রইল আগের মত, কিন্তু পঞ্চমটা এগোল দু'পা... যেন চ্যালেঞ্জ করুল করছে।

‘ওটাই, মি. পাওয়েল!’ চেঁচিয়ে উঠলেন ড. কনওয়ে। ‘ওটাই এদের লিডার!’

‘গুড়!’ হাসল পাওয়েল। চোখ রাখল গ্রেণেল-নেতার চোখে। ‘তোমাকেই তো চাইছিলাম।’ এটাই তার প্ল্যান—নেতাকে ঘায়েল করবে। তা দেখিয়ে যদি ভড়কানো যায় বাকিগুলোকে!

পুঁচকে শিকারটার ওন্দ্রত্য বোধহয় সহ্য হলো না দানবটার, মুখ খিঁচিয়ে চেহারা হিংস্র করে তুলল, তারপর হাঁ করে ছুটে এল ভয়ানক গতিতে। সেকেণ্টের ভগ্নাংশের মধ্যে নিশানা স্থির করল পাওয়েল—নিয়মিত রাগবি খেলে সে, নির্দিষ্ট লক্ষ্যে রাগবির বল ছুঁড়ে দেয়ায় অভ্যন্ত। আলতো হাতে মলোটভটা থ্রো করল।

দানবের হাঁ করা মুখ বরাবর ছুটে গেল ওটা। ইঙ্গিটিক্সটের বশে চোয়াল বন্ধ করল গ্রেণেল, দু'সারি দাঁতের মাঝখানে আটকে ফেলল বোতলটাকে, ঝাড়া দিয়ে ফেলে দেয়ার চেষ্টা করল একপাশে... আর তখনি বিস্ফোরিত হলো ওটা।

চিৎকার করে উঠল গ্রেণেলদের লিডার। চোয়ালের অনেকখানি উড়ে গেছে ওটার, পুড়ে গেছে মুখ, জ্বলন্ত তেল ঢুকে পড়েছে পাকস্থলীতে। কুঁজো হয়ে কাশতে শুরু করল, দমকে দমকে ক্ষত-বিক্ষত মুখ দিয়ে বেরিয়ে আসছে আগুন—যেন পুরাকালের ড্রাগন ওটা। মাংসপোড়া গম্ভী ভারী হয়ে উঠল বাত্স। কয়েক সেকেণ্টের মধ্যেই দড়াম করে বরফের উপর আছড়ে পড়ল দেহটা। কাঁপল একটু, তারপর স্থির হয়ে গেল।

নড়ে উঠল বাকি গ্রেণেলরা। লিডারকে মরতে দেখে সাহস হারিয়েছে। উল্টো ঘুরে ছুট লাগাল। লাইটার ছুঁড়ে দিয়ে জিমের উদ্দেশে চেঁচিয়ে উঠল পাওয়েল, ‘এবার, জিম! এবার!’

সলতেয় দ্রুত আগুন ধরাল জিম। তারপর কয়েক পা দৌড়ে গিয়ে সর্বশক্তিতে ছুঁড়ল বোতলটা। ধাবমান গ্রেণেলদের মাথার উপর দিয়ে উড়ে গেল ওটা, কয়েক হাত সামনে পড়ে বিস্ফোরিত

হলো। ছত্রভঙ্গ হয়ে গেল দানবের দল। যে যেদিকে পারে, ছুটে পালাল।

বরফের উপর পড়ে থাকা ঘেণ্টেলটার দিকে এক নজর তাকাল পাওয়েল, এখনও নাকের ফুটো আর মুখ দিয়ে বেরিয়ে আসছে কালো ধোয়া। চেহারা নিষ্ঠুর হয়ে উঠল তার। সঙ্গীদের দিকে ফিরে বলল, ‘চলুন যাওয়া যাক। ওরা আবার ফিরে আসতে পারে।’

প্রাণপণে দৌড়াতে শুরু করল পাঁচজন মানুষ। সবার সামনে জিম আর লোবো, পথ দেখাচ্ছে ওরা, পাহাড়ি চূড়া থেকে নীচে নিয়ে যাচ্ছে সবাইকে। ওদের পিছনে পাওয়েল; তারপর ম্যাসন, শ্যারন আর অ্যাবি। সবশেষে ড. কনওয়েকে নিয়ে ছুটছে লিলি, নেভিল আর স্যাম।

শেষ মলোটভটা সামনে ছুঁড়ল পাওয়েল। ওটা বিস্ফোরিত হতেই ভয়ার্ট গর্জন শোনা গেল। দু'পাশ থেকে আবারও এগিয়ে আসছিল ঘেণ্টেলের দল, আগুন দেখে পিছিয়ে গেল। দৌড়ের গতি বাড়িয়ে দিল পলাতকেরা।

হঠাতে চিন্কার করে উঠল নেভিল। বরফের গায়ে একটা গর্তের ভিতর চুকে গেছে তার পা, হমড়ি খেয়ে পড়ল। টানাটানি করে তাকে ওঠাচ্ছে স্যাম আর লিলি।

‘তাড়াতাড়ি করুন!’ সামনে থেকে চেঁচাল পাওয়েল।

‘হয়ে গেছে,’ সমতলে পা তুলে নার্ভাস হাসি হাসল নেভিল। ‘আরও সাবধানে এগোতে হবে এরপর থেকে...’

কথা শেষ হলো না তার, আচমকা মড়মড় শব্দ তুলে ফেটে গেল তলার বরফ, সৃষ্টি হলো বিশাল এক ফোকরের। চমকে উঠে পিছনদিকে ছিটকে পড়ল স্যাম আর লিলি। নেভিল সে-সুযোগ পেল না। বিরাট এক হাঁ করে সেখান দিয়ে লাফিয়ে উঠল একটা ঘেণ্টেল, নাগালে পৌছেই কামড়ে ধরল নেভিলের পা, ওকে দিয়ে শুভ পিঞ্জর-২

নেমে গেল নীচে।

একটা আর্টিকার বেরিয়ে এল হতভাগ্য রিসার্চ অ্যাসিস্টেন্টের গলা চিরে। তাকে সাহায্য করবার কোনও সুযোগ পেল না সঙ্গীরা, চোখের পলকে গর্তের ভিতরে অদৃশ্য হয়ে গেল বেচারা।

‘নেভিল!’ চেঁচিয়ে উঠল লিলি। পরক্ষণে ফুঁপিয়ে উঠল।

হতভস্ম হয়ে গেছে সবাই, নিজের চোখকে বিশ্বাস করতে পারছে না। তোতলাতে তোতলাতে শ্যারন বলল, ‘ক... কীভাবে...’

‘আমাদেরকে ট্র্যাক করছে ওরা,’ বললেন ড. কনওয়ে। ‘পায়ের শব্দ পাচ্ছে নীচের টানেল থেকে। সেটার সঙ্গে তাল মিলিয়ে এগোচ্ছে। কোথাও কোনও গর্ত বা ফাটল পেলেই আবার আক্রমণ করবে।’

‘তাই বলে এখানে দাঁড়িয়ে থাকা যায় না!’ প্রতিবাদের সুরে বলল ম্যাসন।

‘আমি সাবধানে এগোবার পরামর্শ দেব,’ বললেন কনওয়ে।

‘যাতে উপরের দানবগুলো হামলা চালাতে পারে?’ গজগজ করে উঠল পাওয়েল। ‘আর একটাও মলোটভ নেই আমাদের কাছে।’

‘সারফেসের কাছাকাছি নেমে এসেছি আমরা,’ কনওয়েকে সমর্থন দিল জিম। ‘বেশিক্ষণ লাগবে না পৌছুতে। সাবধানে এগোনোই ভাল।’

ঠোঁট কাঘড়াল পাওয়েল। উভয়সঙ্কটে পড়ে গেছে ওরা; কিন্তু এ-কথাও ঠিক, তাড়াভুড়ো করলে বিপদ বাড়বে বৈ কমবে না। অগত্যা কাঁধ ঝাঁকাল। জিমের দিকে তাকিয়ে বলল, ‘ঠিক আছে, সাবধানেই যতটা দ্রুত পারা যায় এগোও।’ বাকিদের দিকে ফিরল। ‘এক্সারিতে হাঁটবেন সবাই। আগেরজন যেখানে পা

ক্ষেত্রে হচ্ছে, সেখানে পা ফেলবেন... অন্য কোথাও নয়।'

আবার শুরু হলো পথচলা। বুক টিব টিব করছে সবার। বিস্তীর্ণ বরফটালের কোথায় না কোথায় চোরাগর্ত লুকিয়ে আছে কে জানে। খানিক পর কাছেই এক জায়গার বরফ ফুলে উঠতে দেখা গেল, যেন কিছু ধাক্কা দিচ্ছে নীচ থেকে। বুরো ফেলল ওরা, সাবধানে এগোবার পরও লুকানো যাচ্ছে না পায়ের আওয়াজ। গ্রেণেলরা এখনও টানেল ধরে অনুসরণ করে চলেছে ওদেরকে।

তবে নতুন কোনও বিপত্তি ছাড়াই ঢাল থেকে নেমে আসতে পারল ওরা। সামনের একটা রিজ দেখিয়ে জিম উঁচু গলায় বলল, 'ওটা পেরুলেই আইস স্টেশনের পার্কিং এরিয়ায় পৌছে যাব আমরা।' www.banglabookpdf.blogspot.com

ভূমির ঢাই-উত্তরাই কমে এসেছে সামনে। হাঁটার গতি বাঢ়ানো হলো। রিজের পাশ ঘূরে গিরিখাতের মত একটা জায়গার মাঝ দিয়ে এগিয়ে চলল দলটা। ওটা থেকে বেরুলেই পৌছে যাবে খোলা প্রান্তরে। খাতের মুখের কাছে পৌছেছে ওরা, এমন সময় শোনা গেল গোলাগুলির আওয়াজ।

হাতের ইশারায় সবাইকে থামাল পাওয়েল, তারপর এগিয়ে গেল সামনে। বরফ-প্রাচীরের পিছনে লুকিয়ে উঁকি দিল ওপাশে।

'রাশানদের সঙ্গে লড়াই করছে কেউ,' ফিসফিসিয়ে বলল জিম।

'ডেল্টা টিম?' জিজ্ঞাসু দৃষ্টিতে ম্যাসনের দিকে তাকাল অ্যাবি।

মাথা নাড়ল সিআইএ এজেন্ট। 'না, ওদেরকে হামলা চালাবার অনুমতি দিইনি আমি।'

'তা হলে?'

কাঁধ ঝাঁকাল ম্যাসন।

হাতছানি দিয়ে সবাইকে কাছে ডাকল পাওয়েল। ইশারায় দেখাল, গিরিখাত থেকে বেরুলেই পার্কিং এরিয়া। মুখের বিশ শুভ পিঞ্জর-২

গজের মধ্যে দাঢ়িয়ে আছে একটা স্নো-ক্যাট, বাকিগুলোও রয়েছে কাছাকাছি।

‘গোলমাল থামলেই রওনা দেব আমরা,’ জানাল সে।

প্রাচীরের কোনা থেকে ওপাশে উকি দিল অ্যাবি। দাঢ়িয়ে থাকা বাহনগুলোর মাঝে দিয়ে দৃষ্টি পড়ল পাহাড়ের গোড়ায়। একটা বরফস্তূপের আড়ালে উপুড় হয়ে আছে দু’জন মানুষ, গুলি ছুঁড়ছে বামদিকের আরেকটা গিরিখাতের দিকে। জবাবে ওদিক থেকেও চালানো হচ্ছে গুলি। তবে ভাল পজিশন নিয়েছে মানুষদু’জন, বরফস্তূপে মাথা কুটছে বিপক্ষের বুলেট, ওদের গায়ে লাগছে না। এত দূর থেকে দুই পক্ষের পরিচয় আন্দাজ করা মুশকিল। উড়তে থাকা তুষারের কারণে চেহারা বা পোশাক, কোনোটাই পরিষ্কার দেখা যাচ্ছে না।

হঠাৎ ডাক ছাড়ল লোবো। দলছুট হয়ে পাগলের মত দৌড়াতে শুরু করল—পার্কিং এরিয়া পেরিয়ে খোলা প্রান্তরের দিকে চলে যাচ্ছে। ওকে থামাবার জন্য ছুটতে যাচ্ছিল অ্যাবি, থেমে গেল পাওয়েল খপ্প করে হাত ধরে ফেলায়।

‘যেতে দিন ওকে!’ হিসিয়ে উঠল সে। ‘ওই দেখুন।’

চোখ ফেরাতেই আইস স্টেশনের এন্ট্রান্সে নড়াচড়া লক্ষ করল অ্যাবি। বেরিয়ে আসছে একের পর এক ছায়ামূর্তি, হাতে উদ্যত অন্ত। লড়াই আরও ভয়াবহ আকার ধারণ করতে চলেছে।

‘লোবো!’ হাহাকারের মত ডেকে উঠল ও। কিন্তু সাড়া পাওয়া গেল না কুকুরটার। রণক্ষেত্রের মাঝে হারিয়ে গেছে প্রাণীটা।

একটু পরেই বেড়ে গেল গোলাগুলির আওয়াজ। গিরিখাত ছেড়ে বেরুবার কোনও উপায় নেই।

‘কী করব আমরা এখন?’ হতভয় গলায় বলে উঠলেন কলওয়ে।

কেউ জবাব দিল না তার।

উনিশ

একটা চিৎকার শুনে ঘাড় ফেরাল রানা, চমকে উঠে দেখল, লিসার উপর ঝাঁপিয়ে পড়েছে দুটো ছায়ামূর্তি। স্নো-ক্যামোফ্লাজ পরে আছে লোকদুটো, এন্ট্রান্সের কাছাকাছি একটা ফাটলের ভিতর লুকিয়ে ছিল; লেফটেন্যাণ্ট লিসাকে দেখতে পেয়েই হামলা চালিয়েছে।

হাত-পা ছুঁড়ল লিসা, কিল-ঘুসি মারল, কিন্তু সরাতে পারল না দুই হামলাকারীকে। কয়েক সেকেণ্টের মধ্যেই তাকে বরফের উপর ঠেসে ধরল লোকদুটো। ওকে সাহায্য করার উপায়ও রইল না... এন্ট্রান্স থেকে বেরিয়ে আসতে শুরু করেছে একের পর এক রাশান সৈনিক, সবার হাতে ভারী অস্ত্র-শস্ত্র। কয়েক জায়গায় পজিশন নিল শার্পশুটার।

নিচু গলায় ভাগ্যকে গাল দিল রানা। লিসার পরিকল্পনা ব্যর্থ হয়েছে। ওদেরকেও ঘিরে ফেলছে শক্ররা। বেইসের এন্ট্রান্সের দিকে গুলি চালিয়ে গেল ও; যাতে ওদেরকে সরাসরি গুলি করা যায়, এমন পজিশনে পৌঁছুতে না পারে কেউ। তাঁবুর দিকেও একইভাবে গুলি চালিয়ে গেল ফিশার। তবে এভাবে বেশিক্ষণ টেকা যাবে না, দ্রুত ফুরিয়ে আসছে ওদের অ্যামিউনিশন।

‘আমি ওদেরকে ব্যস্ত রাখব,’ বলল ফিশার। ‘আপনি পার্কিং এরিয়ায় চলে যান। পারলে একটা স্নো-ক্যাট বা স্কি-ডু নিয়ে শুভ পিঞ্জর-২

পালান!

‘আর আপনি?’ জিজ্ঞেস করল রানা।

প্রশ্নটা এড়িয়ে গেল ফিশার। ‘দেরি করবেন না, যান! আমি যতক্ষণ পারি ঠেকিয়ে রাখব ওদেরকে।’

‘না,’ মাথা নাড়ল রানা। ‘আপনাকে ফেলে যাচ্ছি না আমি।’

‘পাগলামি করবেন না!’ ধমকে উঠল ফিশার। ‘বাস্তবতা বোঝার চেষ্টা করুন! দু’জনেই একসঙ্গে মারা পড়লে কার কী লাভ? আপনি কেন খামোকা প্রাণ দেবেন? এ তো আপনার যুদ্ধ নয়, ঘটনাক্রমে জড়িয়ে গেছেন।’

‘যুদ্ধটা আপনারও নয়,’ জোর গলায় বলল রানা। ‘দুঃখিত, কমাঙ্গার, যাচ্ছি না আমি। বাঁচলে দু’জনেই বাঁচব, নইলে কেউই না।’

‘আপনার মত গৌয়ার লোক জীবনে দেখিনি আমি!’ বিরক্ত গলায় বলল ফিশার। ‘দু’জনের পক্ষেই কীভাবে বাঁচা সম্ভব, বলতে পারেন?’

‘কঠিন, তবে অসম্ভব নয়। গ্রেনেড আছে আপনার কাছে?’

পকেট হাতড়ে তিনটে গ্রেনেড বের করল ফিশার। দুটো জং-ধরা, অন্যটা চকচক করছে।

‘এটায় চলবে না,’ চকচকেটা দেখে বলল রানা। ‘এ তো ইনসেগ্নিয়ারি গ্রেনেড, সার্ভিস টানেলে যে-রকম ছোঁড়া হয়েছিল... আপনি কোথায় পেলেন?’

‘এন্ট্রান্সের কাছে যে-দুটো রাঁশান মরেছে, তাদের একজনের কাছ থেকে,’ বলল ফিশার। ‘কাজে লাগতে পারে ভেবে ছোঁ মেরে তুলে নিয়েছি।’

‘অন্তত এখন কাজে লাগছে না,’ গ্রেনেডটা পকেটে ভরে ফেলল রানা। অন্যদুটোর মধ্যে একটা রাখল নিজে, আরেকটা দিল ফিশারকে। ‘আমার কাউণ্টের সঙ্গে সঙ্গে ছুঁড়বেন তাঁরুর

দিকে। আমারটা ছুঁড়ব এন্ট্রাপ্সের দিকে। বিষ্ফেরণের ফলে তুষারের ঘূর্ণি উড়বে, কাভারটা কাজে লাগাব আমরা পার্কিং এরিয়া পর্যন্ত পৌছুনোর জন্য।'

মাথা ঝাঁকাল ফিশার। 'খোদা, যেন কাজ হয়!'

বড় করে একটা শ্বাস নিল রানা। তারপর গুনল, 'থি... টু... ওয়ান... এবার!'

পিন খুলে একসঙ্গে গ্রেনেড ছুঁড়ল দু'জনে। এন্ট্রাপ্সের সামনে থেকে হড়োহড়ি করে সৈনিকদেরকে সরে যেতে দেখল রানা। তাঁবুর ওখানে কী ঘটছে বোৰা মুশকিল, কিন্তু ওরাও কাভার নিচে নিঃসন্দেহে। কয়েক সেকেণ্ড পরেই বিকট শব্দে ঘটল বিষ্ফেরণ। পাক খেয়ে উপরে উঠল তুষার, দৃষ্টির আড়াল হয়ে গেল আইস স্টেশনের এন্ট্রাঙ্গ আর লাশ রাখার তাঁবু।

'মুভ!' চেঁচিয়ে উঠল রানা।

এক লাফে তুষারের স্তুপ টপকাল দু'জনে, উর্ধ্বশাসে ছুট লাগাল পার্কিং এরিয়ার দিকে। দশ গজ এগোতেই গর্জে উঠল শক্রপক্ষের রাইফেল, ছুটে এল ঝাঁকে ঝাঁকে বুলেট। টার্গেট দেখতে না পেলেও ওদের মতলব টের পেয়ে গেছে শক্ররা, এলোপাতাড়ি গুলি ছুঁড়ে ঠেকাতে চাইছে পলায়ন।

প্রথম কিছুক্ষণ লক্ষ্যভেদে ব্যর্থ হলো তারা, আশপাশ দিয়ে ছুটে গেল বুলেট, কিংবা মাথা কুটল পিছনের বরফে। তারপর হঠাতে ককিয়ে উঠল ফিশার। একটা গুলি হাঁটুর পিছনটা ছুঁয়ে বেরিয়ে গেছে। হোচ্ট খেলো সে। পরের বুলেটটা লাগল সরাসরি, শিরদাঁড়ার পাশে কোমরে।

এখন আর ফিশার ছুটতে পারছে না, রক্তক্ষরণে দ্রুত দুর্বল হয়ে পড়ছে। পারছে না, তবু চেষ্টা করছে দৌড়াতে, ফলে হোচ্ট খাচ্ছে বারবার। রানা কয়েক কদম এগিয়ে গেছে, কমাঞ্চারের অবস্থা দেখে থমকে দাঁড়াল।

শুভ্র পিঞ্জর-২

২০১

‘দাঁড়াবেন না!’ চেঁচাল ফিশার। ‘দৌড়ান্বি!

বিধিগ্রস্ত অবস্থায় দাঁড়িয়ে রইল রানা। তখনি আবার শোনা গেল গুলির আওয়াজ। ছুটে গিয়ে ওকে ধাক্কা দিল কমাণ্ডার, ফেলে দিল মাটিতে, ওর বদলে নিজেই পিঠে নিল বুলেট। পারকার পিছনদিক হয়ে উঠল টকটকে লাল। পরের বুলেটটা আধপাক ঘূরিয়ে দিল তাকে। কাঁধে লেগেছে। পা দুটো ভাঁজ হয়ে গেল। ধীরে ধীরে ঢলে পড়ল ফিশার। উপুড় হয়ে পড়েছে। জানে, এবার আর উঠতে পারবে না।

বিস্ফারিত দৃষ্টিতে তার দিকে তাকিয়ে আছে রানা। কোনোমতে একটু মাথা তুলল কমাণ্ডার। ফিসফিস করে বলল, ‘চলে যান, মি. রানা! প্রিজ... চলে যান!’ কথাটা বলেই মুখ খুবড়ে পড়ল।

পরক্ষণে একটা পরিচিত আওয়াজ কানে এল রানার—শিসের মত আওয়াজ তুলে বাতাস কাটছে কী যেন। রকেট! দু’হাতে কান চেপে বরফে উপুড় হয়ে পড়ল ও। ওদের দশ গজ দূরে এসে আছড়ে পড়ল রকেট।

বিস্ফোরণের প্রচণ্ড আওয়াজে কানে তালা লেগে গেল রানার, গায়ের উপর দিয়ে বয়ে গেল তীব্র তাপপ্রবাহ। কয়েক সেকেণ্ড পর কাশতে কাশতে উঠে বসল ও। রকেট বিস্ফোরণে বিশাল এক গর্ত সৃষ্টি হয়েছে বরফের বুকে, ওখান দিয়ে দেখা যাচ্ছে সাগরের পানি। বাতাসে ভাসছে জলকণা আর বরফকুচি। ওর চোখের সামনে ফিশারের দেহটা গড়িয়ে পড়ে গেল গর্তের ভিতরে।

দাঁতে দাঁত পিষল রানা। এক লাফে উঠে দাঁড়াল ও। পানি আর বরফের মেঘ ভেদ করে ছুটতে শুরু করল পার্কিং এরিয়ার দিকে।

প্রান্তরের মাঝ দিয়ে ছুটতে থাকা মানুষটার দিকে তাকিয়ে আছে

অ্যাবি। এতদূর থেকে চেহারা চেনা যাচ্ছে না। দু'জন বেরিয়ে এসেছিল আড়াল থেকে, একজন শুলি থেয়ে লুটিয়ে পড়ল, তারপর ঘটল বিস্ফোরণ। এখন ওই একজনই ছুটে আসছে পার্কিং এরিয়ার দিকে।

‘এখুনি মুভ করা দরকার আমাদের,’ তর পাশ থেকে বলে উঠল ম্যাসন। ‘রাশানরা লড়াই নিয়ে ব্যস্ত। এই সুযোগটা কাজে লাগিয়ে একটা স্নো-ক্যাট নিয়ে কেটে পড়তে পারি আমরা।’

‘ভাল প্রস্তাব,’ বলল পাওয়েল। ‘কেউ স্নো-ক্যাট চালাতে জানেন?’

‘আমি পারি,’ হাত তুললেন ড. কনওয়ে।

মাথা ঝাঁকাল পাওয়েল। ‘আমি আর জিম দুটো ক্ষি-ডু নিয়ে ডিকয় সাজব। বাকিদের তা হলে জায়গা হয়ে যাবে ওটায়।’ হাত তুলে কাছের একটা স্নো-ক্যাট দেখাল সে। ‘চলুন রওনা হয়ে যাই। আমি আর জিম চেষ্টা করব রাশানদের মনোযোগ ফিরিয়ে রাখতে।’

‘চলুন,’ বলল ম্যাসন।

স্নো-ক্যাটের দিকে ছুট লাগাল সিভিলিয়ানরা। পাওয়েল আর জিম দু'ভাগ হয়ে ছুটে গেল দুটো ক্ষি-ডুর দিকে।

ঝটপট যার যার বাহনে উঠতে শুরু করল সবাই। সবার আগে উঠলেন কনওয়ে, তাঁর পিছু পিছু সামনের সিটে উঠে পড়ল লিলি আর স্যাম। গাড়ির সঙ্গেই রাখা হয় এখানকার সমস্ত চাবি, সেটা খুঁজে নিয়ে ইগনিশনে ঢোকালেন কনওয়ে, মোচড় দিলেন সজোরে। খকখক করে আর্টনাদ ছাড়ল ইঞ্জিন। শক্তি হয়ে উঠল যাত্রীরা, এই আওয়াজে মড়ারও ঘূম ভাঙবে! আশার বাণী একটাই—ব্যস্ত রাশানরা হয়তো খেয়াল করবে না এ-শব্দ। রকেট বিস্ফোরণে ওদের কানে তালা লেগে যাবার কথা।

পিছনের দরজা খুলতে যাচ্ছিল অ্যাবি, ওর সঙ্গে দাঁড়িয়ে শুভ পিঞ্জর-২

আছে ম্যাসন আর শ্যারন—ওরা সবাই পিছনের সিটে উঠবে; কিন্তু ইঞ্জিনের বিকট আওয়াজ শুনে থমকে দাঁড়াল। চতুর্ভুল চোখে আইস স্টেশনের এন্ট্রান্সের দিকে তাকাল অ্যাবি, রাশানরা ছুটে আসে কি না দেখতে চায়, কিন্তু কিছুই দৃষ্টিগোচর হলো না। রকেট বিস্ফোরণের মেঘ ঢেকে রেখেছে সবকিছু। আরও দুটো ইঞ্জিন চালু হবার শব্দ শোনা গেল। স্কি-ডুতে উঠে পড়েছে পাওয়েল আর জিম।

‘তাড়াতাড়ি করুন!’ পিছন থেকে তাড়া দিল ম্যাসন।

কিন্তু নড়ল না অ্যাবি। ওর চোখ আটকে গেছে ছুটতে থাকা নিঃসঙ্গ মানুষটার দিকে। অনেক কাছে এসে পড়েছে সে। চেহারা এখনও অস্পষ্ট, কিন্তু দেখা যাচ্ছে তার গায়ের পোশাক। সাদা পারকা... রাশান ইউনিফর্ম!

ম্যাসনও লক্ষ করল এবার। গাল দিয়ে উঠল সে। ‘ও আমাদেরকে ঠেকাতে আসছে!'

কেন যেন কথাটা বিশ্বাস হলো না অ্যাবির। ও যদি রাশান সৈনিকই হবে, তা হলে দলের লোকের হামলার শিকার হয়েছে কেন? কেন তাকে লক্ষ্য করে গুলি আর রকেট ছুঁড়েছে ওরা।

ভাবনাটা শেষ হবার আগেই নতুন একটা নড়াচড়া দেখতে পেল। তুষারের মেঘ থেকে বেরিয়ে এল চতুর্ম্পদ একটা প্রাণী, ছুটে যাচ্ছে লোকটার দিকে।

‘লোর্বো!’ চমকে উঠল অ্যাবি।

‘নিশ্চয়ই ব্যাটাকে ঠেকাতে যাচ্ছে,’ খুশি খুশি গলায় বলল ম্যাসন। ‘ভালই হলো, আমাদেরকে আর ঝুঁকি নিতে হলো না। যথেষ্ট হয়েছে... এবার গাড়িতে উঠুন, মিস ম্যানিটক।’

কথাটা যেন কানে গেল না অ্যাবির। ভুরু কুঁচকে তাকিয়ে আছে ও। হাঁটু গেড়ে বসে পড়েছে মানুষটা, লোর্বোকে জড়িয়ে ধরেছে দু'হাতে। ব্যাপারটা অবিশ্বাস্য... দু'পা এগিয়ে গেল ও।

বলল, 'না! ওটা... ওটা রানা!'

তুষারের মাঝে দিয়ে কুকুরটাকে এগিয়ে আসতে দেখল রানা। চিনতে পেরেই চমকে উঠল। লোবো! এখানে কোথেকে এল? ওকে তো ওমেগা স্টেশনে রেখে এসেছিল ওরা। যেভাবেই আসুক, কুকুরটাকে দেখে অঙ্গুত এক আনন্দ সৃষ্টি হলো মনে। হাঁটু গেড়ে বসে পড়ল ও। লোবোকে জড়িয়ে ধরল দু'হাতে। মাথায়-ঘাড়ে হাত বুলিয়ে দিয়ে বলল, 'কেমন আছিস, লোবো? কোথেকে এলি?'

ওর গাল চেটে দিল লোবো। তারপরেই পারকার হাতা কামড়ে ধরে টানতে শুরু করল। ওকে নিয়ে যেতে চাইছে কোথায় যেন। একটা চিংকার শুনল রানা। চোখ তুলতেই পার্কিং এরিয়ায় হাত নাড়তে থাকা একটা ছায়ামূর্তি নজরে পড়ল।

অ্যাবি।

বাট করে উঠে দাঁড়াল রানা। লোবোর পিছু পিছু দৌড়াতে শুরু করল ওদিকে। কিন্তু কয়েক পা যেতেই আবার শোনা গেল সেই পরিচিত শব্দ—বাতাস চিরে ছুটে আসছে একটা রকেট!

কী ঘটল, কিছুই বোঝা গেল না। আচমকা সামনে আগুনের বিশাল একটা গোলা দেখতে পেল ও। বুকে এসে লাগল শকওয়েভের প্রচণ্ড ধাক্কা... পিছনদিকে ছিটকে পড়ল রানা। পতনের ধাক্কায় বুক থেকে বেরিয়ে গেল সব বাতাস। আহত কাঁধে ব্যথা পেয়ে গুড়িয়ে উঠল, চোখের সামনে জুলে উঠল লাল-মীল তারা।

নিস্তেজ হয়ে পড়ে রইল রানা, নড়বার শক্তি নেই। অনেকক্ষণ পর যখন হাঁচড়ে-পাঁচড়ে উঠে বসল, তখন কমে এসেছে ধোঁয়া। আগুনে জুলছে পার্কিং এরিয়ার বেশ ক'টা গাঢ়ি। মাঝখানে হাঁ করে আছে বিশাল এক গর্ত, সেখানে আলোড়িত হচ্ছে আর্কটিক শুভ্র পিঙ্গর-২

সাগরের হিমশীতল পানি। অ্যাবিকে দেখা গেল না কোথাও।

‘আরে, অ্যাবি! অ্যাবি কোথায় গেল?’ ফিসফিসাল রানা। বসে
রইল হাঁটু গেড়ে। অসম্ভব যন্ত্রণা!

বিশ

অবিশ্বাস্য হলেও সত্য, বেঁচে আছে অ্যাবি। কিন্তু কীভাবে, তা
বলতে পারবে না। পার্কিং এরিয়ার প্রান্তদেশে দাঁড়িয়ে ছিল ও,
হাত নাড়ছিল রানার উদ্দেশে, তারপরেই সব অঙ্ককার। বোধহয়
ক্ষণিকের জন্য জ্ঞান হারিয়ে ফেলেছিল, চোখ মেলে দেখল আগের
অবস্থানের বিশ ফুট দূরে চিৎ হয়ে পড়ে আছে—সারা শরীরে
অসহ্য ব্যথা, চোখের সামনে দুনিয়া দুলছে, চারপাশে জুলছে
পার্কিং এরিয়ার স্নো-ক্যাট আর ক্ষি-ডুগুলো।

কষ্টে-সৃষ্টে উঠে বসল ও। প্রথমেই মনে পড়ল সঙ্গীদের কথা।
ঝট করে মাথা ঘোরাল ওদিকে। মিরাকল-ই বলা চলে, ছিন্নভিন্ন
হয়নি ওদের স্নো-ক্যাট, আগুনও ধরেনি; তবে একপাশে কাত
হয়ে উল্টে রয়েছে ওটা, ভচকে গেছে চেসিস। আরেকটু হলে সদ্য
সৃষ্টি হওয়া গর্তের ভিতর পড়ে যেত। চোখের কোণে নড়াচড়া ধরা
পড়ল। শ্যারন আর ম্যাসনকে উঠে দাঁড়াতে দেখল ও, দু'জনেরই
কপালে রক্ত।

রানার খোঁজে প্রান্তরের উপর চোখ বোলাল অ্যাবি, কিন্তু
ধোঁয়া আর তুষারে ঢাকা পড়ে গেছে সব। ওকে দেখা গেল না।

দেখা গেল না লোবোকেও। দু'হাতে মুখ টেকে কাঁদতে ইচ্ছে করল ওর। শ্যারনের ডাক শুনে উঠে দাঁড়াল। বধির বিজ্ঞানী স্নো-ক্যাটের দরজা ধরে টানাটানি করছে—ভিতরে আটকা পড়া সহকর্মীদের বের করে আনতে চায়। ভিতরে ড. কনওয়ে ও তাঁর দুই সহকারীকে দুর্বলভাবে নড়তে দেখা যাচ্ছে।

ম্যাসন এগিয়ে গেল শ্যারনকে সাহায্য করতে, অ্যাবিও এগোল। হাঁটতে হাঁটতে চোখ বোলাল আশপাশে। উল্টে থাকা একটা ক্ষি-ডুর তলায় চাপা পড়ে আছে জিম, শরীরের নীচে বরফ লাল হয়ে গেছে রক্তে। নড়ছে না মানুষটা। চোখ ভরে জল এল অ্যাবির। পাওয়েলকে খোঁজার চেষ্টা করল। তার ক্ষি-ডু কাত হয়ে পড়ে আছে রিজের গোড়ায়, ইঞ্জিন এখনও চালু, কিন্তু পাওয়েলকে দেখা যাচ্ছে না কোথাও।

‘প্রিজ, সাহায্য করুন!’ চেঁচিয়ে উঠল শ্যারন। ‘দরজাটা আটকে গেছে।’ আতঙ্কে সাদা হয়ে আছে চেহারা। ভয়াবহ একটা অভিজ্ঞতা এটা তার জন্যে। অন্যেরা শব্দ শুনেছে, কিছুটা হলেও আভাস পেয়েছে বিপদের... কিন্তু বিনা মেঘে বজ্রপাতের মত সবকিছু লঙ্ঘণ হয়ে গেছে বেচারির চোখের সামনে।

দরজার হাতল ধরে কয়েক দফা টানল ম্যাসন। তারপর পিছিয়ে এসে বলল, ‘সম্ভব না। জ্যাম হয়ে গেছে একেবারে।’

‘সবাই মিলে টানলে কাজ হতে পারে। আসুন।’ দরজার দিকে এগিয়ে গেল অ্যাবি।

ওর কনুই টেনে ধরল ম্যাসন। ‘সময় নেই। ওই দেখুন।’ আঙুল তুলল সে।

ধোঁয়া আর তুষারের আড়াল থেকে প্রকট হয়ে উঠছে একদল ছায়ামূর্তি। গায়ে সাদা পোশাক, হাতে ভারী অস্ত্র-শস্ত্র।

‘রাশানদের ক্লিনআপ টিম ওটা,’ বলল ম্যাসন। ‘এখানে আসছে কেউ বেঁচে থাকলে তাকে নিকেশ করবার জন্য।

শুভ পিঞ্জর-২

২০৭

আমাদেরকে স্পট করার আগেই সরে যেতে হবে।'

'কোথায়?' প্রেশার রিজের দিকে তাকাল। 'আবার ওই গ্রেণেলদের রাজ্যে?'

'বুঁকিটা না নিয়ে উপায় নেই। বিশ মিনিটের মধ্যে এখানে পৌছুতে পারবে আমার ডেল্টা ফোর্সের টিম। যেমন করে হোক, ততক্ষণ শুধু টিকে থাকতে হবে আমাদের।'

'আরেকটা উপায় আছে,' বলে উঠল শ্যারন। 'আসুন আমার সঙ্গে।' তাড়াহুড়ো করে পার্কিং লটের আরেকদিকে ছুট লাগাল সে। ম্যাসন পিছু নিল তার।

শেষবারের মত আটকা পড়া বিজ্ঞানীদের দিকে তাকাল অ্যাবি। মনের সায় পাচ্ছে না ওদেরকে এভাবে ফেলে যেতে। কিন্তু কিছু করারও তো নেই। কোমরে বাঁধা ফাঁকা হোলস্টারে হাত বোলাল—ইশশ, পিস্তলটা থাকলেও একটা চেষ্টা করে দেখা যেত।

ওর দোনোমনো ভাব বোধহয় বুঝতে পারলেন ড. কনওয়ে। মুখে কিছু বললেন না, হাতের ইশারা করলেন চলে যেতে। বিপদের মুখে তাঁর নিঃস্বার্থ চরিত্র প্রকাশ পেল তাতে।

দাঁত দিয়ে ঠোঁট কামড়াল অ্যাবি, মনে মনে প্রতিজ্ঞা করল, যদি পারে তো ফিরে আসবে ওদেরকে উদ্ধার করতে। পাশ ফিরে ছুটল শ্যারন আর ম্যাসনের পিছু পিছু।

পাহাড়ি এক খোড়লের সামনে এসে থেমেছে বধির বিজ্ঞানী, মুখ প্রায় বুজে গেছে ওটার। ত্রুট হাতে বরফ সরাতেই শ্যারনের আইসবোটের বো দেখা গেল। স্নো-অ্যান্করের বাঁধন খুলে ফেলল ও, সঙ্গীদের ডাকল, 'হাত লাগান।'

টানাটানি করে খোড়ল থেকে বোটটা বের করে আনল ওরা। একদম অক্ষত আছে। দ্রুত মাস্টল খাড়া করল শ্যারন, পাল খাটিয়ে ফেলল। ততক্ষণে দূর থেকে ভেসে আসতে শুরু করেছে

ইঞ্জিনের আওয়াজ। ঘাড় ফিরিয়ে ঘন কুয়াশার ভিতর কয়েকটা হেডলাইট দেখতে পেল ম্যাসন।

‘হোভারক্র্যাফট!’ রুক্ষশ্বাসে বলল সে। ‘তাড়াতাড়ি করতে হবে আমাদেরকে।’

‘হয়ে গেছে!’ এক লাফে বোট থেকে নেমে এল শ্যারন। ‘ধাক্কা দিন সবাই। খোলা জায়গায় না গেলে বাতাস লাগবে না পালে।’

ঠেলা দিয়ে বোটকে এগিয়ে নিয়ে চলল তিনজনে। রিজের কিনার পেরুতেই ফুলতে শুরু করল পাল। ধীরে ধীরে আপনগতিতে চলছে এবার বাহনটা।

‘উঠে পড়ুন!’ চেঁচাল শ্যারন। ‘সামনের দিকে বসবেন... দু’জন দু’পাশে, যাতে ব্যালাস ঠিক থাকে।’

কথাটা মুখ দিয়ে বেরুতে যা দেরি, লাক দিয়ে বোটে উঠে পড়ল ম্যাসন আর অ্যাবি। শেষ একটা ধাক্কা দিয়ে শ্যারনও চড়ল। স্টার্নে বসল ও। বসেই দক্ষ হাতে টান লাগাল জিব-লাইনে। সঙ্গে সঙ্গে জোর বাতাসে বেলুনের মত ফুলে উঠল পাল, এক লাফে আগে বাঢ়ল বাহনটা।

হোভারক্র্যাফটগুলোর দিকে তাকাল অ্যাবি। স্পষ্ট হয়ে উঠেছে ওগুলোর কাঠামো। দু’জন করে আরোহী রয়েছে প্রতিটাতে। পার্কিং এরিয়ার দিকে যাচ্ছিল, ওদেরকে দেখতে পেয়েই মুখ ঘোরাল, ছুটে এল বোটকে লক্ষ্য করে।

‘ওরা দেখে ফেলেছে আমাদেরকে!’ চেঁচাল ম্যাসন।

গুলির আওয়াজ হলো। হোভারক্র্যাফটের সওয়ারীরা ফায়ার ওপেন করেছে। বোটের আশপাশ দিয়ে ছুটে গেল অনেকগুলো বুলেট, একটা বেরিয়ে গেল পাল ফুটো করে—তবে ওটা বড় কোনও ক্ষতি নয়।

‘শুয়ে পড়ুন!’ চিৎকার করল শ্যারন।

খোলের ভিতরে শরীর মিশিয়ে দিল ম্যাসন আর অ্যাবি :
শ্যারনও গুটিয়ে নিল নিজেকে। ওই অবস্থায় ফুট প্যাডাল চাপল,
একদিকে কাত হয়ে গেল বোট। রানারের উপর ভর দিয়ে
ঘোরাতে শুরু করল নাক। কয়েক সেকেণ্ড পরেই বাহনকে আবার
সিধে করে নিল ও। বাতাস এবার সরাসরি পিছন থেকে লাগছে।
টান টান হয়ে উঠল সবক'টা দড়ি। পাগলা ঘোড়ার মত দৌড়
লাগাল আইসবোট। চারপাশে শুরু হলো হাওয়ার মাতম।

বুঁকি নিয়ে একটু পরে পিছনে উঁকি দিল অ্যাবি। পিছিয়ে
পড়তে শুরু করেছে হোভারক্র্যাফটগুলো। এই বাতাসে আইস
বোটের সঙ্গে প্রতিযোগিতায় ওদের জেতার কোনও সম্ভাবনাই
নেই। আশাবাদী হয়ে উঠল অ্যাবি... তবে সেটার স্থায়িত্ব হলো
মাত্র কয়েক সেকেণ্ড।

সামনের হোভারক্র্যাফটের দু'পাশ থেকে আলোর ঝলকানি
দেখতে পেল ও। রকেট ছুঁড়েছে ওরা!

একের পর এক গুলি ছুটে আসছে রানাকে লক্ষ্য করে।
উর্ধ্বশ্বাসে দৌড়ে, গড়ান দিয়ে, কিংবা হামাগুড়ি দিয়ে
সেগুলোকে ফাঁকি দিয়ে চলেছে ও। চেষ্টা করছে পার্কিং এরিয়ার
ভাঙচোরা গাড়িগুলোর আড়ালে কাভার নিতে। খুব একটা লাভ
হচ্ছে না। ওকে ঘায়েল করবে বলে যেন পণ করেছে ধাওয়াকারী
রাশান সৈনিকেরা, ক্ষণে ক্ষণে পজিশন বদলে ঠিকই খুঁজে নিচ্ছে
ওকে। লোবোরও কোনও খোঁজ নেই। রকেট বিস্ফোরণের সঙ্গে
সঙ্গে ভয় পেয়ে কোথায় যেন পালিয়ে গেছে কুকুরটা।

থমকে দাঁড়াল রানা। রকেটের আঘাতে সৃষ্ট গর্তটা পথ রুক্ষ
করে দিয়েছে সামনে। পাশ ঘুরে এগোনো ছাড়া উপায় নেই,
তাতে সময় বেশি লাগবে। তবে পানির উপর ভাসছে মিহি
কুয়াশা, সেটার আড়াল নেয়া যেতে পারে।

যে-দিক থেকে বাতাস বইছে, তার উল্লেদিকের কিনার ধরে
এগোতে শুরু করল ও, চেষ্টা করল কুয়াশার ভিতরে মিশে
যেতে। কিন্তু এরপর কোথায় যাবে? কুয়াশার কাভার নিয়ে
অনন্তকাল লুকিয়ে থাকা সম্ভব নয়। পিছন থেকে খসাতে হবে
শক্রদের... কীভাবে?

আইসফিল্ডে নড়াচড়া লক্ষ করে ঘাড় ফেরাল রানা। একটা
আইসবোট ছুটে চলেছে পিছনে তুষার উড়িয়ে, ওটাকে ধা ওঁৰ
করছে দুটো হোভারক্র্যাফট। আইসবোটের পিছনে জোড়া
বিস্ফোরণ ঘটতে দেখল ও, শেষ মুহূর্তে দিক পাল্টে বেঁচে গেল
ওটা। কিন্তু ফুলবুরির মত তুষারের বর্ষণ নেমে এল ওটার
উপরে। গতি একটু কমল। স্পিড বাড়িয়ে শিকারের সঙ্গে দূরত্ব
কমিয়ে আনল হোভারক্র্যাফটদুটো।

পায়ের কাছের বরফে একটা বুলেট আঘাত হানতেই সচেতন
হয়ে উঠল রানা। আইসবোটের আরোহীদের নিয়ে মাথা ঘামাবার
সময় নেই। তীক্ষ্ণ আওয়াজে আরও কয়েকটা বুলেট আশপাশ
দিয়ে ছুটে যেতেই অসহায় বোধ করল, দু'দিক থেকে এগিয়ে
আসছে রাশানরা, ফাঁদে পড়ার অবস্থা ওর। লুকানোর কোনও
জায়গা দেখতে পাচ্ছে না। নজর আটকে গেল পানি ভরা গর্তের
দিকে।

ওখান দিয়ে কি...

মনে মনে দূরত্বটা হিসেব করে নিল রানা। গর্ত দিয়ে নেমে
ডুবসাঁতার কাটতে হবে, রাশান সৈনিকদের সারিকে দ্বিপের তলা
দিয়ে পেরিয়ে ভেসে উঠতে হবে প্রায় পঞ্চাশ গজ দূরের
পলিনিয়ায়। ওটার দিকে পিঠ ফিরিয়ে রেখেছে শক্ররা,
আশপাশে আর কেউ নেই। পলিনিয়া থেকে উঠে পাশের
পাহাড়-সারির ভিতরে ঢুকে পড়তে পারবে সহজে। একটা গুহা
খুঁজে নিয়ে গা ঢাকা দেয়া যাবে। এমনিতে ডুবসাঁতার দিয়ে এই
শুভ পিঞ্জর-২

দূরত্ব পাড়ি দেওয়া ওর জন্য কঠিন কিছু নয়, কিন্তু হিমশীতল
পানিতে কাজটা প্রায় অসম্ভবের পর্যায়ে পড়ে। হাইপোথারমিয়াট
আক্রান্ত হয়ে মৃত্যুর কোলে ঢলে পড়তে পারে যে-কোনও
মুহূর্তে। আশার কথা একটাই—একটা লাইটার আছে ওর কাছে
পাহাড়ি গুহায় যদি আশ্রয় নিতে পারে, আগুন জ্বলে শরীর গরম
করে নিতে পারবে। কিন্তু ততক্ষণ পর্যন্ত টিকিবে কি না, সেটাই
ভয়।

বুঝতে পারছে রানা, প্ল্যানটা তেমন একটা সুবিধের নয়
কিন্তু আর কোনও বিকল্পও তো নেই। অন্তত গুলি খেয়ে মরার
চেয়ে ডুবে মরা ভাল। যা থাকে কপালে, ভেবে ছুট লাগাল ও.
গর্তের কিনারে পৌছে ডাইভ দিল আর্কটিকের পানিতে।

অসম্ভব ঠাণ্ডা পানি মুহূর্তেই রানার ফুসফুস থেকে সমস্ত
বাতাস টেনে বের করে নিয়ে গেল। এই তাপমাত্রা বর্ণনা করবার
মত কোনও ভাষা নেই। ককিয়ে উঠল শরীরের প্রতিটা জয়েন্ট।
কাঁধের ক্ষতটা মুহূর্তেই অসাড় হয়ে গেল। জামাকাপড়ের ওজন
বেড়ে গেছে, তলিয়ে যাচ্ছে ও। হাত-পা পাগলের মত ছুঁড়তে
শুরু করল রানা, ডুবে যাবার পরিবর্তে সামনে এগোতে চায়।
প্রথম কয়েক সেকেণ্ট যেন স্থির হয়ে রইল, তারপর খেয়াল
করল—মাথার উপরে বদলাতে শুরু করেছে বরফের ছাত...
এগোচ্ছে ওর দেহ।

দিক ঠিক করে নিল রানা। পলিনিয়ার উন্মুক্ত সারফেস ভেদ
করে পানির নীচে ফুটে আছে আলোর স্তম্ভ... দ্রুত অগ্রসর হলো
ওদিকে। কিন্তু কিছুদূর যেতেই টের পেল কত বড় বোকায়ি
করেছে। ফুরিয়ে যাচ্ছে শক্তি, বুকের ভিতরে তড়পাচ্ছে হৎপিণ্ড,
চোখের সামনে দপদপ করছে কী যেন। সাড়া পাচ্ছে না
হাত-পায়ে। অথচ অর্ধেক দূরত্বে পেরুতে পারেনি।

আতঙ্ক চেপে বসতে চাইল পুরো অস্তিত্ব জুড়ে, কিন্তু

নিজেকে স্থির রাখল রানা। ভয় পেয়ে লাভ হবে না। এটা এখন
বেঁচে থাকার মরণপণ সংগ্রাম।

পাথরের মত ভারী হাত-পায়ের সাহায্যে ইঞ্চি-ইঞ্চি করে
এগোতে থাকল রানা। পুরোপুরি মেশিন বনে গেছে যেন ও,
অগ্রাহ্য করল ব্যথা-বেদন। দুই হাত যন্ত্রচালিতের মত সামনে
ছুঁড়ছে, খামচি দেয়ার ভঙ্গিতে টানছে পানি, সেই সঙ্গে পায়ের
ঠেলায় কয়েক ইঞ্চি এগিয়ে দিচ্ছে দেহটাকে। কষ্টকর কাজ,
একেক সময় হতাশ হয়ে থেমে পড়তে ইচ্ছে হচ্ছে। অনেক তো
হলো, আর কত! এত তড়পানি কীসের, যাক না চুকেবুকে
জীবনের সমস্ত হিসেব, কী আসবে-যাবে?

চোখের দৃষ্টি ক্ষীণ হয়ে এসেছে, সামনের আলোটা আবছা
হয়ে যেতে দেখল রানা। বুঝতে পারল, আয়ু ফুরিয়ে আসছে
ওর। হঠাৎ দিব্যচোখে খুব পরিচিত একটা চেহারা দেখতে পেল
ও। কাঁচাপাকা জ্ব-র নীচের অন্তর্ভেদী চোখজোড়া বিরক্ত হয়ে
তাকিয়ে রয়েছে ওর দিকে, যেন বলতে চাইছে—এত সহজে হাল
ছেড়ে দিলে, মাই বয়? মনে মনে গাল দিল রানা, শালার মরার
সময়ও বুড়োর জ্বালাতন থামবে না দেখছি! কিন্তু না, শুধু
বিসিআই চিফকেই নয়, আরও অনেককেই দেখতে পাচ্ছে ও।
প্রিয় বন্ধু সোহেল, জাহেদ, সলীল... সোহানা, রূপা... সবাই
যেন পরম উৎকণ্ঠা নিয়ে তাকিয়ে আছে ওর দিকে।
ফিসফিস করে বলছে—আর একটু, রানা... আর একটু! হাল
ছাড়িস না!

যেন এক অদ্র্শ্য শক্তির ইন্ধন পেয়ে সচকিত হলো রানা।
দাঁতে দাঁত পিঘে পাগলের মত পা নাড়ল ও, সামনে ছুঁড়ল
দু'হাত—একবার... দু'বার... বার বার। কতক্ষণ বা কত যুগ
পর বলতে পারবে না, আচমকা নিজেকে আলোকিত পানির
মাঝে আবিষ্কার করল। পৌছে গেছে... পলিনিয়ার তলায় পৌছে
শুভ পিঞ্জর-২

গেছে ও! হাত-পা ছুড়ে এবার ভেসে উঠতে শুরু করল। আর পারা যায় না, বাতাসের জন্য আকুলি-বিকুলি করছে ফুসফুস।

ভাগ্যদেবীর নিষ্ঠুর পরিহাসের তখনও কিছু বাকি ছিল। সারফেসের কাছাকাছি পৌছুতেই বরফে ঠুকে গেল রানার মাথা। বিশ্বিত হয়ে উপরে তাকাল ও, পরক্ষণে আঁতকে উঠল। ভয়াবহ তুষারবাড় জমিয়ে দিয়েছে পলিনিয়ার উপরটা! হাত মুঠো করে একটা ঘূসি বসাল ও জমাট বরফের গায়ে, কিছু হলো না। অন্তত চার ইঞ্চি পুরু হয়ে জমেছে বরফের আন্তর, খালি হাতে এ-জিনিস ভাঙ্গা সম্ভব না।

হতাশায় ছেয়ে গেল রানার অন্তর। ফিরে যাবার কোনও উপায় নেই। নেই ভেসে ওঠারও উপায়। এত কষ্ট সব বিফলে গেল... শেষ পর্যন্ত আর্কটিকের পানিতে ডুবেই মরতে হচ্ছে ওকে।

এমনি সময়ে অনেক নীচে কী যেন একটা নড়ে উঠল। ভুরু কুঁচকে সেদিকে তাকাল রানা। সাদাটে একটা আকৃতি... একটা ডুবো-গুহা থেকে তীরবেগে বেরিয়ে এসেছে। সাঁতার কাটছে ওর ত্রিশ মিটার নীচে। কয়েক সেকেণ্টের মধ্যে প্রথমটার পিছু পিছু আরও দুটো বেরুল। এবার বৃত্তাকার একটা ফরমেশনে সাঁতার কেটে ধীরে ধীরে উঠে আসছে উপরদিকে—ওকে লক্ষ্য করে। ঠিক হাঙরের মত।

কিন্তু হাঙর নয় ওগুলো। দূরত্ব খানিক কমতেই প্রাণীগুলোকে চিনতে পারল রানা।

গ্রেঙ্গেল!

ভয় পেল না রানা, চমকেও উঠল না, অন্তুত এক নির্বিকারভূত করেছে ওর মধ্যে। কোনও কিছুর পরোয়া করছে না আর। শান্ত ভঙ্গিতে মেনে নিয়েছে ভাগ্যকে।

ডুবে মরাও কপালে নেই ওর!

অ্যাবির চিত্কার শুনে শেষ মুহূর্তে বোটের নাক ঘুরিয়েছে শ্যারন, ফলে রকেটদুটো বোটের বদলে আছড়ে পড়েছে বরফের উপর। তীব্র বিস্ফোরণে নতুন দুটো গর্তের সৃষ্টি হয়েছে, সেখান থেকে উঠে আসা ছোট-বড় বরফখণ্ড বৃষ্টির মত ঝরে পড়েছে ওদের মাথার উপর।

সামনে বড়-সড় একটা বোল্ডার দেখতে পেল শ্যারন, নিপুণ হাতে সেটাকে পাশ কাটাল ও। তারপর তাকাল পিছনদিকে। গর্তের পাশ ঘুরে এগিয়ে আসছে হোভার-ক্র্যাফটদুটো। ফুট প্যাডাল, কীল বার আর জিব-লাইন নিয়ে ব্যস্ত হয়ে পড়ল ও—আঁকাবাঁকা একটা পথে ছোটাচ্ছে বাহনকে। এগোবার গতি খানিকটা কমে গেল বটে, কিন্তু রকেটের ঝুঁকি কমল। ওদেরকে সরলরেখায় না পেলে রকেট ছোঁড়া মুশকিল হয়ে যাবে ধাওয়াকারীদের জন্য।

ঘাড় ফিরিয়ে অ্যাবি বলল, ‘দারূণ দেখালেন।’

শুকনো একটা হাসি ফুটল শ্যারনের ঠোটে। ‘ধন্যবাদ। তবে বিপদ এখনও কাটেনি।’

ম্যাসনকে পারকার ড্র-স্ট্রিং টানতে দেখল ও। সেটা কানে গুঁজে শাটের কলার চেপে ধরল গলায়। এরপর নিচু গলায় কথা বলতে শুরু করল। মাথা নামিয়ে রেখেছে, ঠোট দেখা যাচ্ছে না ঠিকমত, কাজেই বুঝতে পারল না কী বলছে। তবে ধরে নিল, সাহায্য চাইছে সে ডেল্টা ফোর্সের কাছে।

‘ড. বেকেট!’ ডেকে উঠল অ্যাবি। ইশারায় দেখাল পিছনটা।

ঘাড় ফেরাতেই হোভারক্র্যাফটদুটোকে পজিশন বদলাতে দেখল শ্যারন। একসঙ্গে না এগিয়ে দু'দিকে চলে যাচ্ছে, দু'গাঁথ থেকে চেপে ধরতে চাইছে আইসবোটকে, যাতে রকেট ফায়ার করলে মিস না হয়। বাহনদুটোর এগজস্ট দিয়ে পাক খেয়ে শুভ পিঞ্জর-২

বেরহচে ঘন কালো ধোঁয়া—ইঞ্জিনকে খাটিয়ে মারহে দুই চালক, নিংড়ে বের করে আনহে পুরো শক্তি। শ্যারন বুঝতে পারল, ওকেও তা-ই করতে হবে।

বোটের স্পিডোমিটার চেক করল ও। ষাটের ঘর স্পর্শ করেছে কাঁটা—ওর ব্যক্তিগত রেকর্ড। কিন্তু এই রেকর্ড ভাঙা চাই এখন।

বিপদের ভয় দূর করে দিয়ে সেইলিঙ্গের দিকে অখণ্ড মনোযোগ দিল ও। এক হাতে টানতে শুরু করল পাল, অন্যহাতে মৃদু নাড়ল কীল বার, পা-দুটো চাপ বাড়াচ্ছে-কমাচ্ছে ফুট প্যাডলে। বোটের সঙে একাত্ম করে দিল নিজেকে। অনুভব করতে লাগল বাতাসের আক্রোশ, রানারের ঝনঝনানি, জমিনের ঢড়াই-উৎরাই। ব্রেকের উপর থেকে কমাতে শুরু করল চাপ, স্বাধীনভাবে ছুটতে দিল আইসবোটকে।

বাড়তে শুরু করল স্পিড—ষাট... বাষ্পত্তি... পঁয়ষ্পত্তি...

‘ফায়ার করছে ওরা!’ চেঁচিয়ে উঠল অ্যাবি, কিন্তু সে-চিংকার কানে গেল না শ্যারনের। ওর দৃষ্টি আটকে আছে স্পিডোমিটারের উপর।

সন্তুর... পঁচাত্তর...

আইসবোটের ডানদিকে এসে আছড়ে পড়ল রকেট। চোখ ধাঁধানো আলো ছড়াল, আবারও সৃষ্টি করল বরফের বৃষ্টি। কিন্তু সাঁই করে জায়গাটা পেরিয়ে গেল আইসবোট। এরই মধ্যে আশিতে উঠে গেছে স্পিড। সামনে র্যাম্পের মত উঁচু একটা জায়গা পড়ল, সেখানে উঠে শূন্যে ঝাঁপ দিল বাহনটা। দক্ষ উইও-সার্ফারের মত পাল ঘুরিয়ে বাতাসের সর্বোচ্চ তোড় আটকাল শ্যারন, মাটিতে নামতে না দিয়ে বোটকে ভাসিয়ে নিয়ে চলল বেশ কিছুদূর।

ভাসমান বোটের নীচে লক্ষ্যভূষ্ট হলো শক্রদের পরবর্তী

রকেট। আগুন আর উড়ন্ত বরফের প্রাচীর ভেদ করে বেরিয়ে এল বাহনটা। কয়েক সেকেণ্ড পর প্রবল বেগে নেমে এল জমিনে। স্পিডোমিটারের দিকে তাকিয়ে অন্তুত এক উল্লাস অনুভব করল শ্যারন। অকল্পনীয় বেগে ছুটছে ওরা এখন। দেখতে দেখতে নব্বই ছাড়িয়ে পঁচানবুইয়ের ঘরে চলে গেল কাঁটা।

দুরস্ত ঝঁঝঁার মত এগিয়ে চলেছে ছোট আইসবোট—বাতাসের কল্পাণে... দক্ষ চালকের কল্পাণে। শেষবারের মত একটা রকেট ছোঁড়া হলো হোভারক্র্যাফট থেকে, কিন্তু বোটের ধারেকাছেও পৌছুল না ওটা। নিষ্ফলভাবে আগুন আর বরফ ছিটাল কেবল।

হাত তুলে পিছনে ইশারা করল ম্যাসন, উল্টোদিকে ঘুরে যাচ্ছে হোভারক্র্যাফটদুটো। ‘থ্যাক্ষ গড়... ওরা ফিরে যাচ্ছে! হাল ছেড়ে দিয়েছে! কন্ট্রাচুলেশন্স, ড. বেকেট!’

ঘাড় ফেরাবার প্রয়োজন বোধ করল না শ্যারন, এমনিতেই বুঝতে পারছে—জয় হয়েছে ওদের। আইসবোটের তুমুল গতির সঙ্গে পাল্লা দিতে পারবে না আর কোনও যানবাহন। সতর্কতা হিসেবে আরও কিছুক্ষণ নিজের মত ছুটতে দিল আইসবোটকে, ধাওয়াকারীদের সঙ্গে দূরত্ব বাড়িয়ে নিতে চায়। যখন সন্তুষ্ট হলো, তখন চেপে ধরল ব্রেক; গতি কমিয়ে নিরাপদ সীমায় নামিয়ে আনবে। আর তখনি টের পেল নতুন বিপদ।

কমছে না গতি... কাজ করছে না আইস-ব্রেক। সম্ভবত বরফে আছাড় খেয়ে ভেঙে গেছে মেকানিজম। এন্ট হাতে বিকল্প কৌশল কাজে লাগাতে চাইল, নামিয়ে আনতে চাইল পাল—কিন্তু সে-ও হ্বার নয়। বাতাসের তোড়ে টান্টান হয়ে গেছে সবক'টা দড়ি, একেকটা যেন লোহার দণ্ড... কিছুতেই চিল দেয়া গেল না।

বাতাসও বেড়ে গেছে হঠাৎ। আতঙ্কিত চোখে স্পিডোমিটারের কাঁটা একশোর ঘর স্পর্শ করতে দেখল ও—ওটাই শেষ সীমা, শুভ্র পিঙ্গর-২

এরচেয়ে বেশি গতি মাপতে পারবে না ওটা। প্রমাদ গুনল। এই স্পিডে চলবার মত করে বানানো হয়নি এ বোট। ভেঙেচুরে যে-কোনও মুহূর্তে ভয়াবহ দুর্ঘটনা ঘটে যেতে পারে।

রকেটের মত বরফ-প্রান্তরের উপর দিয়ে ছুটে চলেছে আইসবোট। থামাবার উপায় নেই, ঝোড়ো বাতাসের মর্জিই হাতে যেন সঁপে দিয়েছে নিজেকে। বুঝতে পারল শ্যারন, এখনি ওটাকে থামাতে না পারলে নির্ধাত মৃত্যু। কিন্তু থামাবে কীভাবে?

একুশ

জ্ঞান হারিয়ে ফেলার দশা রানার, ওই অবস্থাতেই তাকিয়ে রইল পাক খেয়ে উঠতে থাকা তিন গ্রেণেলের দিকে। কোনও তাড়া লক্ষ করা যাচ্ছে না ওদের মধ্যে, যেন বুঝতে পেরেছে—কায়দামত পাওয়া গেছে শিকারটাকে, কোথাও পালাবার উপায় নেই তার।

শেষবারের মত বিদ্রোহ করে উঠল রানার মন—অসহায় আত্মাহতি সমর্থন করছে না। কিন্তু ভয়ঙ্কর দানবগুলোকে ঢেকাবে কী করে? স্নেক পিটের কথা মনে পড়ল—ওখানে মাইনিং হেলমেটের বাতি আর এয়ার-ওয়ার্মিং হিটার ব্যবহার করে বিভ্রান্ত করে দিয়েছিল একটা গ্রেণেলকে।

আলো আর তাপ। এ-দুটোই চাই ওর। কিন্তু সে-জিনিস পানির তলায় পাবে কীভাবে?

হঠাতে একটা কথা মনে পড়ে যাওয়ায় সচকিত হলো রানা।

তাড়াতাড়ি হাত ঢেকাল পারকার পকেটে। ধাতব একটা জিনিসের স্পর্শ পেল আঙুলে, বের করে আনল ওটা। ডিমের মত একটা বস্তু—ইনসেগ্নিয়ারি গ্রেনেড... কমাওয়ার ফিশার যেটা দিয়েছিল!

অক্সিজেনের অভাবে কার্যক্ষমতা হারাতে বসেছে মস্তিষ্ক, ক্ষীণ হয়ে এসেছে দৃষ্টি। কাঁপা কাঁপা হাতে ট্রিগার গার্ড খুঁজে বের করল ও, ফ্লিপার তুলে টিপে দিল তলার বোতামটা। নীচের দিকে তাকাল, খুঁজে বের করল সবচেয়ে কাছের গ্রেণেলটাকে, তারপর ওটার মাথার উপর ছেড়ে দিল গ্রেনেড।

দ্রুত নামতে শুরু করল ওটা। শরীর কুঁকড়ে ফেলল রানা, দু'হাতে চেপে ধরল কান। মুখ দিয়ে বের করে দিল শেষ বাতাসটুকু, তাকিয়ে রইল শিকারি দানবগুলোর দিকে।

গ্রেণেলের নাকের উপর ড্রপ করল গ্রেনেড, খোঁচা দিয়ে ওটাকে সরিয়ে দিল প্রাণীটা, তারপর আবার উঠতে শুরু করল উপরে। চোখ বন্ধ করে ফেলল রানা।

পরক্ষণে চোখ ধাঁধানো আলো ছড়িয়ে বিস্ফোরিত হলো গ্রেনেড, পানির তলায় সৃষ্টি করল বিশাল এক আগুনের গোলার। শরীরে শকওয়েভের প্রচণ্ড ধাক্কা অনুভব করল রানা, জমে যাওয়া দেহটার উপর দিয়ে বয়ে গেল তীব্র উত্তাপের প্রবাহ। টের পেল উপর দিকে ছিটকে যাচ্ছে ও। সেকেন্ডের ভগ্নাংশের মধ্যে বেরিয়ে এল পানি থেকে। বিস্ফোরণের ধাক্কায় চৌচির হয়ে গেছে পলিনিয়ার জমাট সারফেসের একটা অংশ, ফুলবুরির মত ছিটকে উঠেছে পানি আর বরফ। সেগুলোর সঙ্গে রান্নাও ভাসল শূন্যে—তবে মাত্র এক মুহূর্তের জন্য। তারপরেই আবার ঝপাস করে আছড়ে পড়ল পানিতে।

বেশ কিছুদূর ডুবে গেল ও। তবে ইতিমধ্যে শ্বাস টেনে নিতে পেরেছে, বেড়েছে আয়ু। একটু অপেক্ষা করল ও ধাতস্ত হবার শুরু পিঞ্জর-২

জন্য, সেই সুযোগে দেখে নিল নীচটা। রক্ত মিশে গোলাপি হয়ে গেছে সাগরের সুনীল পানি, তার মাঝে নিষ্পন্দ পাক খাচ্ছে তিন দানবের দেহ। ধীরে ধীরে নেমে যাচ্ছে অতলে। মারা গেছে ওরা।

মাথা দপদপ করছে, বিদ্রোহ জানাতে শুরু করেছে শরীরের প্রতিটা কোষ। আর সন্তুষ্ট নয়। হাতু-পা ছুঁড়তে শুরু করল রানা, একটু পরেই ভূশ করে ভেসে উঠল পলিনিয়ার সারফেসে। ভাসতে থাকা বড় একটা বরফের খণ্ড ধরে ফেলল, লাইফবয়ের মত কাজে লাগাল ওটাকে। ভীষণভাবে হাঁপাচ্ছে। সেই সঙ্গে শীতে কাঁপছে হিস্টিরিয়াগ্রাস্টের মত।

আস্তে আস্তে উপরে তাকাল রানা। মিহি জলকণা ভাসছে বাতাসে, পলিনিয়ার মাঝ থেকে আকাশে উড়ছে বাস্প। দীর্ঘশ্বাস ফেলল ও। গোপনে পালাবে ভেবেছিল, তা আর হলো না। পলিনিয়ার বিস্ফোরণ নিঃসন্দেহে দেখতে পেয়েছে শক্ররা। আস্তে আস্তে সাঁতার কেটে পাড়ের দিকে এগোল, পানি থেকে ওঠার একটা জায়গা খুঁজে নেবে।

পায়ের শব্দ শোনা গেল একটু পরেই। একে একে গর্তের কিনারে উদয় হলো রাশান সৈনিকেরা। হাতের অন্ত তাক করল ওর দিকে।

আর কিছু করবার নেই। পরাজয় মেনে নিল রানা।

বিপদের প্রকৃতি দুই সঙ্গীর কাছে ব্যাখ্যা করেছে শ্যারন। একটাই উপায় আছে রক্ষা পাবার, সেজন্যে সাহায্য প্রয়োজন। বোটের চালকের আসনে থাকতে হবে ওকে, ঝুঁকির কাজটা করতে হবে অন্য কাউকে। অ্যাবি রাজি হয়ে গেল নির্দিধায়।

পাটাতনের নীচ থেকে একটা আইস অ্যাস্ক্র বের করে দিল শ্যারন। সেটা হাতে নিয়ে অ্যাবি জানতে চাইল, ‘কী করতে হবে আমাকে?’

‘পালের দড়ি কাটতে হবে কয়েকটা,’ বুমের দিকে ইশারা করে বলল শ্যারন। ‘ওগুলো সব জ্যাম হয়ে গেছে। না কাটলে স্পিড কমাতে পারব না।’

বেলুনের মত ফুলে থাকা পালের দিকে তাকাল অ্যাবি। তারপর আবার ফিরল শ্যারনের দিকে। ‘কোন্টা কোন্টা কাটতে হবে, দেখিয়ে দিন।’

একে একে কয়েকটা দড়ি দেখাল তরঙ্গী বিজ্ঞানী। বলল, ‘ওগুলো হলেই চলবে। দেখবেন, বাড়তি দড়ি যেন না কাটে। তা হলে নেতিয়ে পড়বে পাল। পুরোপুরি খেমে যাব আমরা।’

‘আর শুধু ও-কটা কাটলে?’

‘চিলে হয়ে যাবে পালটা। বাকি দড়িগুলো অপারেট করতে পারব আমি।’

মাথা ঝাঁকিয়ে মাস্তলের দিকে এগোল অ্যাবি। এতক্ষণ মাথা নামিয়ে রেখেছিল, এবার একটু উঁচু হলো। সঙ্গে সঙ্গে ঝাঁপিয়ে পড়ল তীব্র বাতাস, উড়িয়ে নিতে চাইল ওকে। চারপাশে শাই শাই করে পিছিয়ে যাচ্ছে দু’পাশের জমাট বরফ, ঝাপসা দেখাচ্ছে সবকিছু। ঝোড়ো বাতাস উদ্বাম বেগে ছুটিয়ে নিয়ে চলেছে ওদেরকে... দুই কানে শোঁ শোঁ হাওয়ার গর্জন। বোটের তলা থেকে ভেসে আসা রানারের শব্দ তো নয়, মনে হচ্ছে খোলের নীচে ফোঁস ফোঁস করছে একদল সাপ।

কুঠারটা একহাতে নিয়ে অন্যহাতে হ্যাঙ্গেইল ধরল অ্যাবি। পায়ে পায়ে এগিয়ে গেল মাস্তলের দিকে। বাতাসের ঝাপটায় ব্যালাস রাখা মুশকিল। কাছে গিয়ে জাপটে ধরল মাস্তল।

ওর প্রথম লক্ষ্য বুমের সঙ্গে পালের বাঁধন। সময় নিয়ে লক্ষ্যস্থির করল ও, তারপর আস্তে আস্তে কোপ দিতে শুরু করল গিঁঠের উপরে। ঠাশশ্ব করে একটা শব্দ হলো হঠাৎ—পাশ থেকে ছুটে এল একটা বাঁধনচেঁড়া দড়ি, নড়বার আগেই চাবুকের মত শুভ পিঞ্জর-২

আঘাত হানল ওর গালে ।

তৈব ব্যথায় মাস্তুল ছেড়ে দিল অ্যাবি, সঙ্গে সঙ্গে বাতাসের ধাক্কায় চলে গেল বোটের কিনারে, রেইল টপকে পড়ে যেতে শুরু করল। সাপের মত ছোবল দিল ম্যাসনের হাত, ধরে ফেলল ওর বেল্ট, টান দিয়ে ফিরিয়ে আনল ভিতরে।

‘থ্য... থ্যাঙ্কস!’ কাঁপতে কাঁপতে বলল অ্যাবি।

‘আরও সাবধানে কাজ করুন,’ শান্ত গলায় বলল ম্যাসন।

মাস্তুল ধরে আবার উঁচু হলো অ্যাবি, কোপাতে শুরু করল বুমের গিঁষ্ঠ। আচমকা ছিঁড়ে গেল ওটা। পতাকার মত পত পত করে উঠল পালের মুক্ত কোনা, বুমটা মুগুরের মত ছুটে এল ওর দিকে। এবারও সরবার সময় পেল না অ্যাবি, অঙ্কের মত হাত ছুঁড়ল, নাগালে পেতেই ধরে ফেলল বুমটা। ওকে নিয়েই ঘড়ির কাঁটার মত ঘুরল ওটা। পায়ের নীচের অবলম্বন হারাল ও।

‘অ্যাবি!’ চেঁচিয়ে উঠল শ্যারন।

পুরোপুরি ঘুরে গেছে বুম, একটা প্রান্ত বেরিয়ে গেছে বোটের বাইরে। সেখানেই ঝুলছে অ্যাবি। পায়ের তলায় কিছু নেই, শুধু ছুট্টি বরফ, পড়লে হাড়গোড় একটা ও আন্ত থাকবে না। আতঙ্কিত হয়ে লক্ষ করল অ্যাবি, পিছলাতে শুরু করেছে ওর দেহ। পড়ে যাচ্ছে বুম থেকে। যুদ্ধ শুরু করল টিকে থাকবার জন্য।

বোটের ভিতরে নড়ে উঠল ম্যাসন, বুমের গোড়া ধরে টানতে শুরু করল, অ্যাবিকে ভিতরে নিয়ে আসতে চায়। কিন্তু বাতাসের অত্যাচার আর বাড়তি ওজনের কারণে সহজ হলো না কাজটা। টানাহ্যাচড়া করে মাত্র কয়েক ইঞ্চি নড়িয়েছে, এমন সময় ভাঙ্গচোরা প্রান্তরে ঝাঁকি খেলো আইসবোট। চিৎকার করে বুম থেকে খসে পড়ল অ্যাবি। তবে ঝাঁকির সাথে আপনাআপনি ঘুরে গেছে বুম, বোটের ভিতরে আছড়ে পড়ল ও, মাথার পিছনটা ঠুকে গেল হ্যাণ্ডেইলের সঙ্গে।

হামাগুড়ি দিয়ে ওর কাছে এল ম্যাসন। 'ঠিক আছেন আপনি? কোথা ও লাগেনি তো?'

হাত দিয়ে মাথার পিছনটা ঘষল অ্যাবি। 'না। কোনও সমস্যা নেই।' হাত বাড়াল পাটাতনে পড়ে থাকা কুঠারের দিকে।

ওর হাত ধরে ফেলল ম্যাসন। 'থাক। আপনাকে আর কষ্ট করতে হবে না। বাকিটা আমিই সামলাচ্ছ।'

মাস্তুলের কাছে চলে গেল সে, উঠে দাঁড়াল। দ্রুত কেটে চলল একের পর এক বাঁধন। বিপদে যে পড়ছে না, তা নয়; কিন্তু চিতাবাঘের মত ক্ষিপ্রতায় এড়িয়ে যাচ্ছে সেগুলোকে। সবমিলিয়ে তিন-চারটে দড়ির বাড়ি খেলো, সেগুলো সিরিয়াস কিছু নয়। কাজ শেষ করে ফিরে এল অ্যাবির কাছে।

'আপনি তো দেখছি এক্সপার্ট লোক!' অভিযোগের সুরে বলল অ্যাবি। 'আমাকে বিপদের মুখে ঠেললেন কেন?'

'আমি কোথায় ঠেললাম?' হাসল ম্যাসন। 'আপনিই তো হাত তুলে আমার আগে ভলাণ্টিয়ার হয়ে গেলেন!'

'নিয়ন্ত্রণ ফিরে পেয়েছি আমি,' চেঁচিয়ে জানাল শ্যারন। 'স্পিড কমাচ্ছি।'

কয়েক মিনিটের মধ্যে প্রমাণ পাওয়া গেল কথাটার। কমে এল হাওয়ার শনশনানি, কমল বোটের কাঁপন, দু'পাশের প্রাকৃতিক দৃশ্যও দেখা গেল পরিষ্কারভাবে। গতির কারণে এতক্ষণ সবকিছু ঘোলাটে দেখাচ্ছিল।

একটু পরেই শোনা গেল রোটরের গুরুত্বস্তীর আওয়াজ, পাহাড়ে পাহাড়ে বাড়ি খেয়ে প্রতিধ্বনি তুলছে... গুমগুম শব্দে ভরিয়ে তুলছে চারপাশ। আকাশের দিকে একসঙ্গে মুখ তুলল বোটের তিন আরোহী। একটু পরেই দেখতে পেল হেলিকপ্টারটাকে—সিকোরক্সি সি-হক... পাহাড়ের পিছন থেকে বেরিয়ে এসেছে। এগোচ্ছে আইসবোটকে লক্ষ্য করে।

শুভ পিঞ্জর-২

২২৩

ফিউজেলাজের গায়ে জুলজুল করছে আমেরিকান পতাকা।

‘ডেল্টা ফোর্সের হেলিকপ্টার,’ সঙ্গীদের জানাল ম্যাসন।
‘আমাদেরকে পিকআপ করতে আসছে।’

চোখ ছলছল করে উঠল অ্যাবির। মুক্তির আনন্দে নয়,
আনন্দটা ভাগভাগি করবার জন্য রানা পাশে নেই বলে। বুক চিরে
বেরিয়ে এল দীর্ঘশ্বাস।

কলারে লুকানো মাইক্রোফোন গলায় ঠেকাল ম্যাসন। ‘ডেল্টা
ওয়ান, দিস ইজ ডেল্টা কন্ট্রোলার। আমরা নিরাপদ। খুব শীঘ্ৰ
ওমেগায় ফিরে আসছি। কাউকে বলো আমাদের জন্য গৱেষণা কফির
ব্যবস্থা করতে।’

বাইশ

মেইন ল্যাবের প্রিজন এরিয়ার ছোট একটা সেলে বসে আছে
রানা, কাঁপছে হি হি করে। এক সেট শুকনো পোশাক দেয়া
হয়েছে ওকে—উলের প্যান্ট, সবুজ রঙের একটা হৃত্তালা
সোয়েট-শার্ট, আর একজোড়া বুট। ভেজা কাপড়গুলো পড়ে আছে
সেলের এককোণে। কিন্তু শুকনো কাপড় পরেও ঠাণ্ডা কিছুতেই
কাটছে না—আর্কটিকের পানিতে সাঁতার কেটে হাতিডমজ্জা জমিয়ে
ফেলেছে ও।

বন্দি করার সময় নিপুণ হাতে শরীরতলাশি করা হয়েছে ওর।
কেড়ে নেয়া হয়েছে টুকিটাকি সমস্ত জিনিস আর ওয়ালেট।

তারপর শুকনো কাপড়-সহ প্রকোষ্ঠে ঢুকিয়ে লাগিয়ে দেয়া হয়েছে তালা। চলে গেছে প্রহরীরা। কোথায়, কে জানে।

এতক্ষণ বলতে গেলে হঁশ ছিল না রানার, ঘোরের মধ্যে নড়াচড়া করেছে, কাপড় বদলেছে। কিন্তু ধীরে ধীরে ফিরে আসছে বোধশক্তি। মাথা ঘুরিয়ে সেলের ভিতরটা দেখল। তিনদিকে লোহার গরাদ, পিছনদিকটায় ইঁটের দেয়াল। প্রাইভেসি বলে কিছু নেই, টয়লেটও নেই। প্রকৃতির ডাক সামলানোর জন্য জং-ধরা একটা বালতি কেবল রেখে দেয়া হয়েছে এককোণে। ফার্নিচার বলতে স্রেফ একটা স্টিলের চারপায়া, তার উপর কোনও তোষক-বালিশ নেই।

‘কী অবস্থা আপনার?’

প্রশ্ন শুনে ঘাড় ফেরাল রানা। পাশের সেলের গরাদ ধরে দাঁড়িয়ে আছে স্যাম—বায়োলজি টিমের রিসার্চ অ্যাসিস্টেন্ট।

‘আছি কোনোরকম,’ দাঁত কপাটি ঠেকিয়ে জড়ানো গলায় বলল রানা। সেলের ভিতরে ড. কনওয়ে আর লিলিকেও দেখতে পাচ্ছে। আরেকটা ছেলে ছিল না? নেভিল না কী যেন নাম... সে কোথায়? ঠিকমত ভাবতে পারছে না রানা।

‘মি. রানা?’

লিসার ডাক শুনে মুখ ঘোরাল রানা। মুখোমুখি আরেকটা সেলে বসে আছে মেয়েটা। সারা মুখে কালসিটে, একটা চোখ বুজে এসেছে, ফেটে গেছে ঠোঁট।

‘কমাণ্ডার ফিশার কোথায়, মি. রানা?’

জবাব না দিয়ে মাথা নাড়ল রানা। মগজ যেন বাড়ি খেলো খুলির দু’পাশে, চোখের সামনে জুলে উঠল লাল-নীল ফুটকি।

ফুঁপিয়ে উঠল লিসা। একে একে সব সহকর্মীকে হারিয়েছে—ফিশার, গ্রিন, ডেভ পার্ল, টম, পাওয়েল... বেঁচে আছে ও একা!

স্যামের পাশে এসে দাঁড়ালেন ড. কনওয়ে। বললেন, ‘মি. রানা, একটা ব্যাপার জানা থাকা দরকার আপনার। আপনার বান্ধবী... মানে মিস ম্যানিটক...’

বাটু করে তার দিকে তাকাল রানা, মাথা ব্যথার পরোয়া করল না। ‘কী হয়েছে ওর?’

‘না, না, খারাপ কিছু না। আমাদের সঙ্গেই ছিলেন উনি। পরে ড. বেকেট আর সিআইএ-র ওই ভদ্রলোকের সঙ্গে একটা আইসবোটে চড়ে পালাতে দেখেছি ওঁদের।’

স্বস্তি বোধ করল রানা—দৃশ্যটা ও নিজেও দেখেছে, কিন্তু বোটে যে অ্যাবি ছিল, তা জানত না। বোটটা শেষ পর্যন্ত পালাতে পেরেছে কি না, তাও অজানা। আরও একটা ব্যাপার পরিষ্কার হচ্ছে না। ‘কীসের সিআইএ?’ জানতে চাইল ও।

‘ওফ-ফো, আপনি বোধহয় জানেন না, গ্যারি ম্যাসন আসলে সিআইএ এজেন্ট। এখানে এসেছিল ল্যাব থেকে গবেষণার কাগজপত্র উদ্বার করতে।’

সন্দেহটা আগেই হয়েছিল রানার, কনওয়ের কথা শুনে পরিষ্কার হয়ে গেল সব। ‘হ্যাঁ, ওর কাছে তিনটে জার্নাল দেখেছি আমি,’ বলল ও। ‘ল্যাব থেকে চুরি করেছে। বোধহয় ওগুলোর কারণেই আমাদেরকে ফেলে পালিয়ে গিয়েছিল। কী ঘটেছিল, বলুন তো।’

সংক্ষেপে সার্ভিস টানেল থেকে পালানোর ঘটনা বর্ণনা করলেন কনওয়ে। শেষে যোগ করলেন, ‘অল্ল-স্বল্প রংশ ভাষা জানি আমি। পার্ডেরকে বলতে শুনেছি, মি. ম্যাসনের চুরি করা জার্নালগুলো নাকি খুবই গুরুত্বপূর্ণ। ওগুলোর জন্য পাগল হয়ে গেছে তাদের বস। আমরাও সম্ভবত সেই কারণেই বেঁচে আছি। জার্নালগুলোর হিসেব জানতে চাওয়া হবে আমাদের কাছে।’

‘হিসেব চেয়ে তো লাভ নেই।’ হতাশ গলায় বলল রানা। ‘মরে

গেলেও ম্যাসন ওগুলো ফেরত দেবে ভেবেছেন? ও আমাদেরকে উদ্ধার করার জন্যে একটা আঙুল নাড়বে বলেও মনে হয় না।'

'কী করব তা হলে আমরা?' হাহাকারের সুরে বলে উঠল স্যাম।

'জানি না,' বলল রানা। ধীরে ধীরে একটা ক্রোধ মাথাচাড়া দিয়ে উঠছে ওর ভিতরে। ওদের সঙ্গে ছলচাতুরি করেছে ম্যাসন, নিয়ে এসেছে চরম বিপদের মাঝখানে—শুধুই নিজের স্বার্থসিদ্ধির জন্য। কাজশেষে আবার ফেলে গেছে নিশ্চিত মৃত্যুর মুখে। ডেল্টা ফোর্সের মত একটা অত্যাধুনিক বাহিনী ছিল তার সঙ্গে, চাইলে যখন-তখন সাহায্য করতে পারত সবাইকে। অথচ করেনি। এতবড় শয়তানকে ছেড়ে দেয়া যায় না। প্রতিজ্ঞা করল ও, সময়-সুযোগ পেলে এর প্রায়শিত্ব করাবে ওকে দিয়ে।

মেঝেতে বুটের আওয়াজ হলো, অন্ধহাতে উদয় হলো দু'জন রাশান গার্ড। রানার সেলের দরজা খুলে হুকুম দিল, 'এসো আমাদের সঙ্গে।'

'কোথায়?' জানতে চাইল রানা।

'গেলেই দেখতে পাবে।'

কেন, কোথায় নেয়া হচ্ছে ওকে, বুঝতে পারছে রানা। ইন্টারোগেশন। জানতে চাওয়া হবে হারানো জার্নালগুলোর খবর। বলা বাল্ল্য, ওদেরকে সন্তুষ্ট করতে পারবে না ও। তারপর? একটা ব্যাপারে রানা নিশ্চিত—এই বরফ-দ্বীপ থেকে প্রাণ নিয়ে ফিরতে দেয়া হবে না কাউকে। রাখা হবে না এখানে ঘটে যাওয়া ঘটনার কোনও সাক্ষী। তারমানে আর কখনও দেখা হবে না বন্দি সঙ্গীদের সঙ্গে। শেষবারের মত ওদের দিকে তাকাল ও, মনে মনে বিদায় নিল। তারপর পা বাড়াল গার্ডদের সঙ্গে।

প্রিজন এরিয়া থেকে বের করে চার নম্বর লেভেলের গভীরতর একটা অংশে ওকে নিয়ে চলল লোকদুটো। প্রিজার্ভেশন ট্যাক্সের শুভ পিঞ্জর-২

করিডোর পেরিয়ে ছোট্ট একটা ইনার হলে পৌছুল। সেখান থেকে সংকীর্ণ একটা প্যাসেজ ধরে আলাদা একটা কামরায়। দরজা খুলে ওকে ভিতরে ঢুকতে ইশারা করল দুই গার্ড।

চৌকাঠ পেরিয়ে চমৎকারভাবে সাজানো একটা অফিসকক্ষ দেখতে পেল রানা। বিশাল ডেস্ক, বইয়ের শেলফ, কেবিনেট, ইত্যাদি দামি মেহগনি কাঠের তৈরি। দেয়ালে কার্বকাজ করা কাঠের প্যানেল। মেঝেতে একটা ভালুকের চামড়ার কার্পেট, মাথাটা অক্ষত। কার্পেটের উপর বসে থাকা একটা বাচ্চা ছেলের উপর দৃষ্টি আটকে গেল ওর—আনমনে ভালুকের মাথায় হাত বোলাচ্ছে সে, ফিসফিস করে কী যেন বলছে অনর্গল।

দোরগোড়ায় মানুষের উপস্থিতি টের পেয়ে মুখ তুলে তাকাল ছেলেটা, সঙ্গে সঙ্গে একটা হার্টবিট মিস করে গেল রানার হৃৎপিণ্ড। এই চেহারা ও চেনে... এই ছেলেকেও ও চেনে! প্রিজার্ভেশন ট্যাক্সের সেই বাচ্চাটা। বিস্ময়ে বিস্ময় হয়ে থমকে দাঁড়াল ও।

নতুন একটা কষ্ট শোনা গেল এই সময়—শীতল, কর্তৃত্বভরা। ঘাড় ফেরাল রানা। রংমের কোণে সোফায় বসে বই পড়ছেন একজন বৃন্দ। গার্ডদের চলে যেতে বললেন তিনি, তারপর উঠে দাঁড়ালেন। রানার পিছনে বন্ধ হয়ে গেল দরজা।

হেঁটে রানার দিকে এগিয়ে এলেন বৃন্দ। বেশ লম্বা... ছ'ফুটের উপরে। টানটান দেহ, বয়সের ভারে ন্যুজ হয়ে পড়েনি। পরনে রাশান নৌবাহিনীর কালো ইউনিফর্ম। কলারে শোভা পাচ্ছে র্যাক—রিয়ার অ্যাডমিরাল। মাথাভর্তি সাদা চুল তাঁর, দু'চোখে অন্তর্ভেদী দৃষ্টি। এ-মুহূর্তে রানাকে জরিপ করছে চোখদুটো। এক দেখাতেই বুঁকে ফেলল রানা—রাশান বাহিনীর লিডারের সামনে দাঁড়িয়ে আছে ও।

‘বসো, প্লিজ।’ ডেস্কের সামনের চেয়ার দেখিয়ে নিখুঁত ২২৮ www.banglabookpdf.blogspot.com

ইংরেজিতে বললেন রিয়ার অ্যাডমিরাল।

বসল রানা। ওর মুখোমুখি, ডেক্সের ওপাশের চামড়ায় মোড়া
পিঠ-উঁচু চেয়ার দখল করলেন বৃদ্ধ। শান্ত গলায় বললেন, ‘আমি
রিয়ার অ্যাডমিরাল ভ্যালেরি নিকোলায়েভ। কমাঞ্চার অভি রাশান
নর্দার্ন ফ্লিট। তুমি?’

‘মাসুদ রানা,’ শুধু নাম বলে ক্ষান্ত রইল রানা।

ডেক্সের উপর পড়ে আছে ওর ওয়ালেট, সেটা থেকে ওর
ড্রাইভিং লাইসেন্স বের করলেন নিকোলায়েভ। নজর বুলিয়ে
বললেন, ‘তুমি তো আমেরিকান নও। এখানে কী করছ?’

‘যদি বলি সৌভাগ্যক্রমে হাজির হয়েছি, বিশ্বাস করবেন?
বাঁকা সুরে বলল রানা।

চোখজোড়া জুলে উঠল রিয়ার অ্যাডমিরালের। কেউ তাঁকে
তুচ্ছ-তাচ্ছিল্য করছে, এটা সহ্য করতে পারেন না একেবারেই।
থমথমে গলায় বললেন, ‘শোনো মিস্টার, ভদ্রভাবে যদি জবাব
দিতে না চাও, তা হলে বিকল্প ব্যবস্থাও...’

‘আপনাদের ভদ্রতার ধরন জানা আছে আমার,’ চাঁচাছোলা
গলায় বলল রানা। ‘কী চান তা সরাসরি বলে ফেলুন। আমি
এখানে খোশগল্প করতে আসিনি।’

দাঁতে দাঁত পিষলেন নিকোলায়েভ, মনে হলো এখনি রাগে
ফেটে পড়বেন। খোঁচাটা একটু বেশি হয়ে গেছে। মুখ খুলতে
গেলেন তিনি, কিন্তু বাধা পড়ল মেঝে থেকে বাচ্চাটা উঠে পড়ায়।
কাছে এসে রিয়ার অ্যাডমিরালের হাত ধরল সে। ওর দিকে
তাকিয়েই যেন সমস্ত রাগ পানি হয়ে গেল তাঁর।

‘ও প্রিজার্ভেশন ট্যাক্সের ওই বাচ্চাটা না?’ জিজ্ঞেস করল
রানা।

‘হ্যাঁ,’ পরম স্নেহে শিশুটির মাথায় হাত বুলিয়ে দিলেন
নিকোলায়েভ। ‘আমার বাবার গবেষণার মিরাকল।’

‘আপনার বাবা?’ ভুরু কঁচকাল রান।

মাথা বাঁকালেন রিয়ার অ্যাডমিরাল। ‘ইগোর নিকোলায়েভ...
দ্য প্রেট ম্যান। রাশার সর্বকালের সর্বসেরা আর্কটিক সায়েন্টিস্ট
এই রিসার্চ বেইসের প্রধান হিসেবে সাসপেন্ডেড অ্যানিমেশন এবং
ক্রায়োজেনিক ফ্রিজিং নিয়ে গবেষণা করছিলেন তিনি।’

‘তাই বলে বলপ্রয়োগ করে ধরে আনা মানুষের উপর পরীক্ষা-
নিরীক্ষা!’ পরিষ্কার অভিযোগ ফুটল রানার গলায়।

বড় করে শ্বাস ফেললেন নিকোলায়েভ। ‘এখনকার যুগে
ব্যাপারটা অন্যায় মনে হতে পারে, কিন্তু তখনকার সময়টা ছিল
ভিন্ন। যাকে এখন আমরা নির্ণয়ে তা বা নীতি-বিবর্জিত বলে আখ্যা
দিচ্ছি, সেই আমলে ওটাই ছিল বৈজ্ঞানিক গবেষণার স্বীকৃত
পদ্ধা।’ কগ্নস্বর একটু কোমল হলো তাঁর—কিছুটা লজ্জিত, কিছুটা
আবার গর্বিত। ‘আমার বাবার আমলে... মানে দুই বিশ্বযুদ্ধের
মধ্যবর্তী সময়টার কথা বলছি... প্রথিবীর পরিস্থিতি ছিল খুবই
অশান্ত। নিত্য-নতুন আবিষ্কারের নেশায় মন্ত হয়ে ছিল প্রতিটি
দেশ, চেষ্টা করছিল কীভাবে একে অন্যকে টেক্কা দিতে পারে।
যুদ্ধ-বিশ্বহ ছিল নিত্য-নৈমিত্তিক ঘটনা। তাই যুদ্ধের ময়দানে
সৈন্যদের প্রাণহানি কমানোটা হয়ে ওঠে অত্যন্ত গুরুত্বপূর্ণ একটা
ইস্যু। ক্রায়োজেনিকস্ এবং সাসপেন্ডেড অ্যানিমেশনের ধারণাটা
তখনই আসে বিজ্ঞানীদের মাথায়। ইউ সি... এ-দুটো পদ্ধতির
সাহায্যে গুরুতর আহত সৈন্যদের জমিয়ে ফেলা যায়, সময় নিয়ে
চিকিৎসা করা যায় তাদের। কেউ যদি তাৎক্ষণিকভাবে চিকিৎসার
অযোগ্য হয়, তা হলে অনিদিষ্ট কালের জন্যও তাকে বাঁচিয়ে রাখা
সম্ভব... যতদিন না তাকে সুস্থ করবার মত টেকনোলজি আবিষ্কার
হচ্ছে। ক্রায়োজেনিকসের সাহায্যে বছরের পর বছর ধরে সংরক্ষণ
করা যায় হিউম্যান অর্গান। সাসপেন্ডেড অ্যানিমেশন প্রজাতি
করতে পারে জরা আর মৃত্যুকে... একজন মানুষকে বাঁচিয়ে

রাখতে পারে অনন্তকাল! বুঝতেই পারছ... সামরিক দিক থেকেই হোক, বা পিওর মেডিক্যাল সেসে... এ-দুটো আবিষ্কার বদলে দেবার ক্ষমতা রাখে দুনিয়াকে।'

'এতই যদি মহান হবে কাজটা, তা হলে আপনার সরকার নিজেদেরই কিছু লোককে গিনিপিগ বানিয়ে পাঠাল না কেন?' বিরক্ত গলায় বলল রানা। 'কেন এখানকার আদিবাসীদের উপর চালানো হলো পরীক্ষা-নিরীক্ষা?'

চোখদুটো একটু ছোট হয়ে এল রিয়ার অ্যাডমিরালের। প্রচলন এক টুকরো হাসি ফুটল তাঁর ঠাঁটে। বললেন, 'এখানে কী চলছে, সে-ব্যাপারে কিছুই জানো না তুমি, তাই না?'

'না। সত্যিই জানি না।' স্বীকার করল রানা।

'তা হলে কি এটাও জানো না, আমার বাবার হারানো জার্নালগুলো কোথায়?'

একবার ভাবল মিথ্যে বলবে, পরক্ষণে চিন্তাটা বাতিল করে দিল রানা। ম্যাসনের মত দু'মুখো সাপের জন্য মিথ্যে বলবার আগ্রহ পাচ্ছে না। 'শুধু এটুকুই বলতে পারি, ওগুলো এখন আর এই বেইসের ত্রিসীমানায় নেই।'

'পাচার হয়ে গেছে বলতে চাইছ?' ভূরং কোঁচকালেন নিকোলায়েভ। 'আইসবোটে করে? ওই গ্রাপ্টা ছাড়া আর তোকেউ পালাতে পারেনি।'

'ওরা পালাতে পেরেছে?' জিজ্ঞেস করল রানা, বুকের মধ্যে জেগে উঠেছে আশা। তবে কি অ্যাবি নিরাপদ?

মাথা ঝাঁকালেন নিকোলায়েভ। 'আমার লোকেরা ধরতে পারেনি ওদের। ড্যাম ফাইন সেইলিং! ওমেগায় চলে গেছে ওরা।'

'থ্যাক্ষ গড!' স্বত্তির নিঃশ্বাস ফেলল রানা। 'ওটায় আমার এক প্রিয় বান্ধবী ছিল।'

'তা হলে সে কেমার চেয়ে বড় বিপদে আছে,' থমথমে গলায় শুভ পিঙ্গর-২

বললেন রিয়ার অ্যাডমিরাল।

‘মানে?’ কথাটা ধাঁধার মত লাগল রানার কাছে। অ্যাবি এখনও বিপদে থাকে কী করে?

‘ভেবো না সব শেষ হয়ে গেছে,’ বললেন নিকোলায়েভ। ‘এত সহজে রেহাই পাচ্ছি না আমাদের কেউই। কারণ কী, জানো?’ রানার চোখে চোখ রাখলেন তিনি। ‘এই আইস স্টেশন... এটা রাশান বেইস নয়... আমেরিকান।’

ওয়েগা স্টেশনের পাশে এসে থামল আইসবোট। এক লাফে ওটা থেকে নেমে এল অ্যাবি। ওর দৃষ্টি চলে গেল নিকটবর্তী পলিনিয়ার দিকে। এক নজরেই বোৰা যাচ্ছে, ওখানে ভয়ানক কিছু একটা ঘটে গেছে। পুড়ে কালো হয়ে গেছে পলিনিয়ার কিনার, পানিতে ভাসছে তেলের আস্তর। কাছেই পড়ে আছে একটা হেলিকপ্টারের ধ্বংসাবশেষ, এখনও আগুন জুলছে। বাতাসে ধোঁয়া আর পোড়া তেলের গন্ধ।

মাথার উপরে কান ফাটানো আওয়াজে ঘুরছে সচল সি-হকের রোটর, শেষ কয়েক মাইল আইসবোটকে এসকর্ট করে নিয়ে এসেছে। একটা চৰু দিয়ে নিরাপদ দূরত্বে নামতে শুরু করল। পাল নামানোয় ব্যস্ত হয়ে পড়ল শ্যারন, রানারের নীচে গুঁজে দিল কাঠের গেঁজ। এরপর আইস অ্যাক্ষের সঙ্গে বাঁধল বোটকে। রোটর-ওশে তুষার উড়তে শুরু করেছে, মুখের সামনে একটা হাত ভাঁজ করে হেলিকপ্টারের দিকে এগিয়ে গেল ম্যাসন।

স্টেশনের ভিতর থেকে কয়েকজন সৈনিক বেরিয়ে এসেছে, পরনে সাদা রঙের স্নো-গিয়ার, হাতে অস্ত্র। অ্যাবি আর শ্যারনের কাছে এসে একজন বলল, ‘ম্যাম, আসুন আমাদের সঙ্গে। বাইরে থাকা নিরাপদ নয়।’

ওদের পিছু পিছু হাঁটতে শুরু করল অ্যাবি আর শ্যারন।

তুষারপাত থেমে গেছে, কিন্তু বাতাস এখনও প্রবল আঞ্চলিক বয়ে যাচ্ছে জেমসওয়ে হাটগুলোর উপর দিয়ে। একবার পা হড়কাল অ্যাবির, তবে পড়ে যাওয়ার আগেই পাশ থেকে ওকে ধরে ফেলল এক সৈনিক। সর্বক্ষণ খেয়াল রাখছে লোকগুলো ওদের দিকে। নিচু গলায় ধন্যবাদ জানাল অ্যাবি, এরপর থেকে সাবধানে ফেলল পা। একটু পরেই বুঝে গেল কোথায় নিয়ে যাওয়া হচ্ছে ওদেরকে। ও আর পাওয়েল যে-ব্যারাক থেকে পালিয়েছিল, সেটাতেই। তবে কি এখনও মুক্তি দেয়া হয়নি ড্রিফট স্টেশনের লোকজনকে?

কয়েক মিনিট পর ওর ধারণাই সত্যি বলে প্রমাণিত হলো। ব্যারাকের সামনে পৌছুতেই পাথর-মুখো সশস্ত্র গার্ড দেখতে পেল অ্যাবি... ঠিক যেমন লোক রাশানরা মোতায়েন করেছিল। ব্যারাকের ভিতরে এখনও রয়ে গেছে ওর সঙ্গীরা। এর কোনও মানে খুঁজে পেল না। জিজ্ঞাসু দৃষ্টিতে তাকাল এসকর্টের দিকে।

‘আপনাদের নিরাপত্তার জন্য এ-ব্যবস্থা নেয়া হয়েছে,’ বলল এসকর্ট। ‘যতক্ষণ না সব ঝামেলা চুকে-বুকে যাচ্ছে, সবাইকে এক জায়গায় রাখার চেষ্টা করছি আমরা। সবাইকে তো আর আলাদাভাবে প্রোটেকশন দেয়া সম্ভব নয়।’

একেবারে অযৌক্তিক নয় কথাটা, তারপরেও কেন যেন বিশ্বাস হলো না অ্যাবির। তবে মুখ ফুটে কিছু বলল না। একদিক থেকে ব্যাপারটা মন্দও নয়। বিপদ দেখা দিলে একজোট হয়ে কাজ করতে পারবে ওরা।

ব্যারাকে চুকতেই মুখোমুখি হলো লেং কমাঙ্গার রাইটের সঙ্গে। একটা হাত স্লিঙে ঝুলছে তার, মাথায় ব্যাণ্ডেজ... তার তলায় ঢাকা পড়েছে একটা চোখ।

অ্যাবিকে দেখে উজ্জ্বল হয়ে উঠল রাইটের ভাল চোখটার তারা। বলল, ‘আমাদেরকে ফেলে থাকতে পারলেন না বুঝি?’

‘এ কী অবস্থা আপনার?’ বিস্মিত গলায় বলল অ্যাবি।

‘এখানকার সবাইকে রক্ষা করা আমার দায়িত্ব,’ মলিন হাসি ফুটল রাইটের ঠোটে। ‘দায়িত্ব একটু সিরিয়াসলি নিয়ে ফেলেছিলাম।’

আর কিছু ব্যাখ্যা করল না সে। জিভেস করবার সুযোগও পেল না অ্যাবি। ভিড়ের মাঝে পিতাকে দেখতে পেয়েছে। সঙ্গে সঙ্গে আবেগ উঠলে উঠল বুকের ভিতর।

‘বাবা!’ বলে ছুটে গেল ও। বাঁপিয়ে পড়ল পিতার বুকে।

মেয়েকে দু’হাতের আলিঙ্গনে টেনে নিলেন বৃক্ষ ইনুইট। মাথায় হাত বুলিয়ে দিয়ে আশ্বাস দিলেন, ‘সব ঠিক হয়ে যাবে, মা... সব ঠিক হয়ে যাবে।’

কিছুক্ষণ কাটল ওভাবে। এরপর সবাই ঘিরে ধরল অ্যাবি আর শ্যারনকে। আইস স্টেশন ফ্রেণ্ডেলে নিজেদের অভিজ্ঞতা ভাগাভাগি করে খুলে বলল ওরা।

‘আর আমার ছেলে... রানা?’ ওদের কথা শেষ হলে উদ্বেগের সুরে জানতে চাইলেন রিচার্ড।

‘আ... আমি জানি না,’ কাঁপা গলায় বলল অ্যাবি। ‘পার্কিং এরিয়ার দিকে এগিয়ে যাচ্ছিল, তখনি রকেট ফাটল। এরপরে ওকে বা লোবোকে দেখতে পাইনি আর। ওরা সম্ভবত...’

কথাটা শেষ করতে পারল না ও, মুখ নিচু করে ফেলল। গম্ভীর হয়ে গেলেন রিচার্ড।

দরজা খুলে যাবার শব্দ হলো এ-সময়। গটিমট করে ব্যারাকে ঢুকল গ্যারি ম্যাসন, সঙ্গে আরেকজন। নবাগতের পরনে স্টর্ম সুট, বগলের তলায় একটা হলমেট ধরে রেখেছে। বয়স ত্রিশের কোঠায়, রুক্ষ মুখ, গালের একপাশে একটা কাটা দাগ হিংস্র করে তুলেছে চেহারাকে।

‘...আমি এর বিপক্ষে,’ তাকে বলতে শুনল অ্যাবি। ‘দেরি

করবার পিছনে কোনও যুক্তি দেখতে পাচ্ছি না। রাশানরা ওদের ডিফেন্স আরও শক্ত করবার আগেই হামলা করা দরকার।'

শ্যারনের সঙ্গে তাদের দিকে এগিয়ে গেল অ্যাবি।

'হাই!' ওদেরকে দেখে হাত নাড়ল ম্যাসন। 'কেমন আছেন আপনারা? কোনও সমস্যা বোধ করছেন না তো?'

মাথা নাড়ল অ্যাবি আর শ্যারন। সঙ্গীর সঙ্গে ওদেরকে পরিচয় করিয়ে দিল সিআইএ এজেন্ট। 'মেজর অ্যারন উইলসন—ডেল্টা ফোর্সের টিম লিডার।'

মৃদু হেসে মাথা বাঁকাল মেয়ে দু'জন। শ্যারন জিজ্ঞেস করল, 'কী নিয়ে আলোচনা করছিলেন আপনারা?'

'বর্তমান পরিস্থিতি নিয়ে।' জ্যাকেটের ভিতর থেকে ছেগেল বেইসের জার্নালগুলো বের করল ম্যাসন। নামিয়ে রাখল ব্যারাকের একটা টেবিলের উপর। 'এগুলোর জন্য এসেছি আমি। কিন্তু এখন পর্যন্ত কোনও মাথামুড়ু বুঝে পাচ্ছি না লেখাগুলোর।' প্রথম জার্নালের পাতা উল্টাল। 'কোডিং-টা খুবই জটিল। আমাদের দেখা আর কোনও কোডের সঙ্গে বিন্দুমাত্র মিল নেই। এখানে আপনারা তো সবাই বিজ্ঞানী... জিনিয়াস লোকজন... ভাবলাম হয়তো সাহায্য করতে পারবেন আমাদেরকে।'

'খামোকা সময় নষ্ট করছেন,' বিরক্ত গলায় বলল উইলসন। 'আগে আমাকে অপারেশন চালাতে দিন। আমার লোকেরা দু'ঘণ্টার মধ্যে আইস স্টেশনের দখল নিতে পারবে। তারপর যত খুশি ডিসাইফার এক্সপার্ট আনিয়ে জার্নালের কোড ভাঙ্গতে পারবেন।'

'আর তখন যদি দেখি এই তিনটে খাতায় কিছুই নেই?' ভুরুঁ কঁচকাল ম্যাসন। 'আসল জিনিস রয়ে গেছে আইস স্টেশনের ভিতর?'

'সমস্যা কোথায়? বেইসটা তো আমাদের দখলেই থাকবে।

কেবল তিনটা কেন, ল্যাব থেকে সমস্ত জার্নাল এনে দিতে পারব
আপনাকে।'

'রাশান ওই রিয়ার অ্যাডমিরালকে এত সহজ পাত্র ভাবলে
ভুল করবে,' থমথমে গলায় বলল ম্যাসন। 'পরিস্থিতি বেগতিক
দেখলে ল্যাব-ট্যাব সব ধ্রংস করে দিতে পারে। না... অঙ্গের মত
আক্রমণ চালাব না আমি। আগে শিয়োর হয়ে নিতে চাই।'

তার সঙ্গে মনে মনে একমত হলো অ্যাবি। কোনও কিছু না
জেনে হামলা চালানো উচিত হবে না। খোলা জার্নালের উপর
চোখ চলে গেল ওর। হরফগুলো চেনা চেনা লাগছে। ভুরু কুঁচকে
গেল ওর। একটু ঝুঁকল জার্নালের উপরে।

'কী দেখছেন?' জানতে চাইল ম্যাসন।

কয়েকটা সঙ্কেতের উপর আঙুল রাখল অ্যাবি। 'এখানে
গ্রেণেল লেখা আছে।'

ঝাট করে সবার মুখ ঘুরে গেল ওর দিকে। হতভম্ব গলায়
ম্যাসন বলল, 'আপনি পড়তে পারছেন এই কোড?'

মাথা নাড়ল অ্যাবি। 'না। কোনও অর্থ হয় না এসবের।'
জার্নালটা ঘুরিয়ে ধরল রিচার্ডের দিকে। 'বাবা, তুমি পড়তে
পারো?'

কয়েক মুহূর্ত তাকিয়ে থেকে রিচার্ডও মাথা নাড়লেন। 'নাহ।
পারছি না।'

'কী বলছেন কিছুই বুঝতে পারছি না,' বলল ম্যাসন।
'পড়তেই যদি না পারেন, তা হলে ওখানে গ্রেণেল লেখা বুঝলেন
কীভাবে?'

কয়েকটা পাতা উল্টে-পাল্টে দেখল অ্যাবি। বলল,
'হরফগুলো ইনাক্টিটুট—মানে ইনুইট আর এক্ষিমোদের বর্ণমালা।
কিন্তু লেখাটা নয়। শব্দগুলোর কোনও অর্থই হয় না। গ্রেণেল
শব্দটাই শুধু উচ্চারণ অনুসারে ঠিকমত লেখা হয়েছে, সেজন্যে

ওটা পড়তে পেরেছি।'

'উচ্চারণ অনুসারে?'

মাথা ঝাঁকাল অ্যাবি।

দু'চোখ জুলজুল করে উঠল ম্যাসনের। 'আবোল-তাবোল যা-ই হোক, প্রথম লাইনটা উচ্চারণ করে পড়ে শোনাতে পারবেন?'

'চেষ্টা করতে পারি।' গলা খাঁকারি দিল অ্যাবি। তারপর থেমে থেমে পড়ল, 'ই... স্টের... ইয়া... লেদ... ইয়ান... নয়... স্টান... যি... ফ্রেঙ্গেল।'

পিঠ খাড়া হয়ে গেল ম্যাসনের। উত্তেজিত গলায় সে বলল, 'ও... ওটা রাশান! আপনি রংশ ভাষা বলছেন, মিস ম্যানিটক।' ঠিকমত পুনরাবৃত্তি করল কথাটার, 'ইঙ্গোরিয়া লেদিয়ানয় স্নানযি ফ্রেঙ্গেল... এর মানে হচ্ছে, আইস স্টেশন ফ্রেঙ্গেলের ইতিহাস!'

বোকা বোকা চোখে তার দিকে মুখ তুলে তাকাল অ্যাবি।

কপাল চাপড়াল ম্যাসন। 'আগেই বোকা উচিত ছিল, স্টেশনের লিডার লোকটা ইনুইট জানবে। ওরাই তো ছিল ওর টেস্ট সাবজেক্ট। ভাষা না জানলে ওদের সঙ্গে কথা বলবে কীভাবে? কোডও বানিয়েছে ওই জ্ঞান থেকেই। সাধারণ রংশ বাক্য... লিখেছে ইনুইট অক্ষর দিয়ে।' অ্যাবির দিকে ফিরল। 'অনুবাদের কাজে আপনাকে সাহায্য করতে হবে, মিস ম্যানিটক।'

'সবগুলো জার্নাল?' চোখ কপালে তুলল অ্যাবি।

'না... শুধু বাছাই করা কিছু অংশ। আমার জানা প্রয়োজন, সঠিক রেকর্ডগুলো আনতে পেরেছি কি না।'

এতক্ষণ চুপ করে ছিল শ্যারন। এবার শীতল স্বরে বলল, 'আপনি ওদের রিসার্চ নোটগুলো চাইছেন, তাই না?'

জবাব দিল না ম্যাসন, টেবিল থেকে তুলে নিল জার্নালটা। উল্টাতে শুরু করল একটার পর একটা পাতা। শ্যারনের দিকে শুধু পিঞ্জর-২

ফিরে ঠোট নাড়ুল অ্যাবি, জিজেস করল—ওকে বিশ্বাস করেন
আপনি?

সাবধানে মাথা এদিক-ওদিক নাড়ুল শ্যারন। অ্যাবির ধারণা
বন্ধমূল হলো সঙ্গে সঙ্গে। এই ডেল্টা ফোর্স, বা গ্যারি ম্যাসন...
কারও উপরই আস্থা রাখা চলবে না ওদের।

তেইশ

রানাকে চমকে দিতে পেরে খুশি হয়ে উঠেছেন রিয়ার অ্যাডমিরাল
নিকোলায়েভ। মিটিমিটি হাসি ফুটে উঠল তাঁর ঠোটে।

‘আপনি মিথ্যে বলছেন,’ শান্ত গলায় বলল রানা। ‘এটা
আমেরিকান বেইস হতেই পারে না। স্টেশনের আনাচে-কানাচে চুঁ
মেরেছি আমি। সমস্ত চিহ্ন, সক্ষেত, সাইনবোর্ড... এমনকী প্রতিটা
যন্ত্রপাতি রাশান!'

‘কারণ, মি. রানা, আর্কটিকের এই ডিসকভারিটা আমাদের।
রাশান সরকার চায় না আমাদের আবিষ্কার আমেরিকানরা চুরি
করছে, এটার ফায়দা লুটুক।’ চেয়ারে হেলান দিলেন তিনি। ‘তবে
হ্যাঁ... প্রজেক্টের ফাঙ্গিং এবং তত্ত্বাবধানের কাজ দেয়া হয়েছিল
ওদেরকে।’

‘তারমানে জয়েন্ট প্রজেক্ট?’

মাথা ঝাঁকালেন রিয়ার অ্যাডমিরাল। ‘হ্যাঁ।’

‘ওরা টাকা জুগিয়েছে, আর আপনারা সেটা খরচ করেছেন?’

ঠোটের কোনা বেকে গেল নিকোলায়েভের। ‘শুধু টাকা নয়, ওরা আরও অনেককিছুই জুগিয়েছে।’ বাচ্চাটাকে টেনে কোলের উপর বসালেন তিনি, সে-ও পরম নির্ভরতায় মাথা ঠেকাল তাঁর বুকে। ‘তোমাকে বলতে আপত্তি নেই, এই বেইস আসলে আমেরিকানরা বানিয়ে দিয়েছে, সমস্ত ফিউঘেল আর খাবার-দ্বাবার সাপ্লাই করেছে। আর সাপ্লাই করেছে টেস্ট সাবজেক্ট!’

‘কীভাবে?’

‘উনিশশো সাঁইত্রিশ সালের কোনও এক সময়ে আমেরিকান আর্মির একটা ক্র্যাক টিমকে ড্রপ করা হয় লেক অ্যাঞ্জিলুনি-র পারে। ওখানকার একটা নির্জন এক্ষিমো গ্রামে হামলা করে ওরা, কিডন্যাপ করে গ্রামের সমস্ত নারী-পুরুষ এবং শিশুকে। এক্ষিমোদের গোরস্থান থেকে সমস্ত লাশও তুলে আনে ওরা—বরফের গভীরে লাশ অবিকৃত থাকে, এ-কথা তো জানো? জ্যান্ত মানুষের পাশাপাশি লাশগুলো ব্যবহার করা হতো কম্প্যারেটিভ রিসার্চ ম্যাটেরিয়াল হিসেবে।’

‘পুরো একটা গ্রাম গায়েব হয়ে গেল, কেউ এ-নিয়ে হৈচে করেনি?’

‘পুরনো খবরের কাগজ ঘাঁটলে দু-একটা নিউজ পেতে পারো। কিন্তু তারপরেও... অসভ্য, অশিক্ষিত কিছু এক্ষিমোকে নিয়ে কে অত মাথা ঘামায়?’

চেহারা গল্পীর হয়ে উঠল রানার। ‘আমার ধারণা ছিল, আমেরিকানরা আর যা-ই করুক, হিউম্যান এক্সপেরিমেণ্টেশন সাপোর্ট করে না।’

‘তা হলে তোমাকে ইতিহাসের পাতা থেকে কিছুটা শিক্ষা দিতে হয়।’ হেসে একটা চুরঞ্চি ধরালেন নিকোলায়েভ। ‘আমেরিকানদের লম্বা হিস্ট্রি আছে মানুষকে গিনিপিগ বানাবার... বিশেষ করে যাদেরকে ওরা খুব একটা শুরুত্বপূর্ণ বলে মনে করে শুভ পিঞ্জর-২

না, তাদেরকে। টাসকেজি সিফিলিস স্টাডি-র নাম শুনেছ? দুইশ' নিঘোকে ইচ্ছাকৃতভাবে সিফিলিসে আক্রান্ত করা হয়েছিল সে-গবেষণায়। ওদেরকে বলা হয়নি কী রোগ হয়েছে, চিকিৎসাও দেয়া হয়নি। বরং বিজ্ঞানীরা খাতা-কলম নিয়ে বসে বসে টুকেছে ওরা কীভাবে, কতটা কষ্ট পেয়ে মারা যায়... মরবার আগে সিফিলিস রোগীর কী কী উপসর্গ দেখা দেয়।'

'ওটা তো সম্ভবত ত্রিশের দশকের ঘটনা।'

'আরও সাম্প্রতিক উদাহরণ চাও? উনিশশো চল্লিশ সালে শিকাগোর এক কারাগারে চারশো কয়েদিকে ম্যালেরিয়ায় আক্রান্ত করা হয়, যাতে নতুন একটা এক্সপেরিমেণ্টাল ড্রাগের কার্যকারিতা পরীক্ষা করা যায়। মানবতা-বিরোধী ট্রাইবুনালে এই পরীক্ষার উদাহরণ টেনে নার্থসিরা তাদের বর্বর পরীক্ষা-নিরীক্ষাকে বৈধ বলে প্রমাণ করতে চেয়েছিল।'

'নার্থসিদের কথা এখানে না তোলাই ভাল, ওরা যা করেছে তার কোনও তুলনাই হয় না,' মন্তব্য করল রানা। 'আমেরিকার প্রতি আমার বিশেষ কোনও দুর্বলতা নেই, বরং চরিত্রহীন বৈদেশিক নীতির জন্য একরাশ ঘৃণা আছে; কিন্তু তারপরেও নার্থসিদের কাজকর্মের সঙ্গে আমেরিকানদের তুলনা চলে না।'

'হাহ!' তাচ্ছিল্যের একটা আওয়াজ করলেন নিকোলায়েভ। 'অপারেশন পেপারক্লিপকে কী বলবে? যুদ্ধজয়ের পর নার্থসি বিজ্ঞানীদের রিত্রুট করেছিল আমেরিকান ইন্টেলিজেন্স, ওদের নাম-ধার বদলে সুযোগ করে দিয়েছিল টপ-সিক্রেট বিভিন্ন প্রজেক্টে কাজ করবার। একই কাজ করা হয়েছিল জাপানি যুদ্ধবন্দি বিজ্ঞানীদের বেংগায়। আমেরিকান সৈন্যদের উপরেই এক্সপেরিমেন্ট চালিয়েছে ওরা। পঁচানবুই সালে আমেরিকান সরকার স্বীকার করে নিয়েছে এই অভিযোগের সত্যতা।'

'মেনে নিলাম আপনার সব কথা,' বলল রানা। 'কিন্তু আপনার

সব উদাহরণ তো অন্তত ষাট বছর আগেকার।'

'দ্যাট্স্ আ গুড পয়েল্ট,' চুরুটে বড় একটা টান দিলেন নিকোলায়েভ। 'এই বেইস তো সেই আমলেই তৈরি।'

'তা-ও অবশ্য ঠিক।'

কথায় পেয়ে বসেছে রিয়ার অ্যাডমিরালকে। বললেন, 'শুধু ষাট বছর আগে নয়, এরপরেও সিআইএ আর আমেরিকান ডিপার্টমেন্ট অভি ডিফেন্স গোপনে সাধারণ জনগণের ওপর প্রচুর গবেষণা চালিয়েছে। পদ্ধতি আর ষাটের দশকে বড় বড় বহু শহরে বায়োলজিকাল আর কেমিকাল এজেন্ট ছড়িয়ে তার প্রতিক্রিয়া স্টাডি করা হয়েছে। এখনও চলছে এসব। ওয়েল ডকুমেন্টেড কেসের অভাব নেই—এলএসডি এক্সমেরিমেন্ট, রেডিয়েশন এক্সপোজার টেস্ট, নার্ভ-গ্যাস ডেভেলপমেন্ট, বায়োলজিকাল রিসার্চ... বলতে শুরু করলে এ-তালিকা শেষ হবার নয়। এরপরেও কি তুমি অবাক হবে এখানকার গবেষণার সঙ্গে আমেরিকানদের যোগাযোগের কথা শুনলে?'

'আমি আমেরিকানদের কথা শুনে অবাক হইনি,' বলল রানা। 'অবাক হয়েছি আপনাদের সম্পৃক্ততা দেখে। আমেরিকার নির্লজ্জ নীতিহীনতার কথা কমবেশি সবাই জানে। রাশার ব্যাপারে কিন্তু কখনও তেমন কিছু শোনা যায়নি। এখন দেখছি আমার সে-ধারণা পাল্টাতে হবে!'

'সবকিছু না জেনে এ-ধরনের মন্তব্য করা উচিত হচ্ছে না তোমার,' উত্তেজনা ফুটল নিকোলায়েভের গলায়। 'মন্দ মানুষ দুর্বিয়ার সব জায়গাতেই আছে। আমার বাবাকে এখানে নির্বাসন দেয়া হয়েছিল, ধরে নিয়ে আসা হয়েছিল অস্ত্রের মুখে—তা জানো? বাধ্য করা হয়েছিল এই বিষয়ে গবেষণা করতে...'

'তাই বলে নিরীহ একদল মানুষের উপর এক্সপেরিমেন্ট চালাবেন উনি? দুঃখিত, রিয়ার অ্যাডমিরাল, রক্তের ভিতর

পৈশাচিক ট্রেও না থাকলে এ-ধরনের কাজে বাধ্য করা যায় না কাউকে ।

দাঁত কিড়মিড় করলেন নিকোলায়েভ, উদ্ধাত ক্রোধকে সামাল দিতে হিমশিম খেয়ে যাচ্ছেন। আচমকা অনুভব করলেন, ভুল কিছু বলছে না সামনে বসা এই দুঃসাহসী যুবকটি। সত্যিই তো... কীভাবে এই নিষ্ঠুরতায় অংশ নিতে পারলেন তাঁর পিতা? এখন যা করছেন তিনি, সেটাই বা কী? রক্তেই পৈশাচিকতা আছে তাঁদের, কোনও সন্দেহ নেই। পিতা-পুত্র মিলে চরম অন্যায় করেছেন তাঁরা... করে চলেছেন অমার্জনীয় অপরাধ। কোলে বসা শিশুটির দিকে তাকালেন... ওর নিষ্পাপ চেহারার দিকে তাকিয়ে মাথা হেঁট হয়ে যেতে চাইল।

কয়েক মিনিট চুপ করে রইলেন নিকোলায়েভ, তারপর গলা চড়িয়ে ডাকলেন গার্ডদের।

‘নিয়ে যাও ওকে,’ রানার দিকে আঙুলের ইশারা করে বললেন তিনি। ‘ওর প্রয়োজন ফুরিয়েছে!’ গলার স্বরেই বোৰা গেল, মৃত্যুদণ্ড ঘোষণা করলেন তিনি রানার।

কী বুবল কে জানে, পিঠ খাড়া করে বসল বাচ্চাটা। রিয়ার অ্যাডমিরালের মুখের দিকে তাকিয়ে ডাকল, ‘পাপা!'

কেন তাঁকে বাবা বলে ডাকছে ও, অনুমান করতে পারছেন নিকোলায়েভ। পিতার ছবি দেখেছেন তিনি, দু'জনের চেহারায় আশ্চর্য মিল রয়েছে। একই রকম ঝাঁকড়া সাদা চুল, ধূসর চোখে একই ধরনের বরফশীতল দৃষ্টি। নিশ্চয়ই ইগোর নিকোলায়েভকে বাবা বলে ডাকত বাচ্চাটা, দীর্ঘ ঘুমে কত বছর কেটে গেছে জানে না, জেগে উঠে তাই একই চেহারার আরেকজন মানুষকে দেখে সেই বাবা-ই মনে করছে।

পরম যমতায় ছেলেটির গাল স্পর্শ করলেন নিকোলায়েভ। ওই চোখদুটো তাঁর পিতাকে দেখেছে। ওর হাতদুটো তাঁর

পিতাকে ছুঁয়েছে। অন্দুর এক বন্ধন অনুভব করলেন তিনি শিশুটির সঙ্গে। নিচয়ই একে পুত্রত্ব স্নেহ করতেন ইগোর, নইলে ও তাঁকে বাবা বলে ডাকত কেন? তিনিই বা সেই স্নেহ না দিয়ে পারবেন কী করে? বুক চিরে একটা দীর্ঘশ্বাস বেরিয়ে এল রিয়ার অ্যাডমিরালের। নিঃসঙ্গ পৃথিবীতে এই প্রথম তিনি কারও প্রতি টান অনুভব করছেন। এই প্রথম কেউ তাঁর হৃদয়ে স্থান পেয়েছে। বুঝি তাঁর অনুভূতি বুঝতে পারল ছেলেটি। একটু হেসে কী যেন বলল। রাশান নয়, অচেনা ভাষা।

‘কী বলছ তুমি?’ জানতে চাইলেন রিয়ার অ্যাডমিরাল।

দরজার কাছে চলে গিয়েছিল রানা, ওখানে থেমে দাঁড়াল। ঘাড় ফিরিয়ে বলল, ‘ও ইন্দুইট ভাষায় কথা বলছে।’

‘তুমি এ-ভাষা জানো?’ জিজেস করলেন নিকোলায়েভ।

কয়েক বছর আগেই নুমার সহকর্মী এবং এক্সিমো বন্ধু ডট জুনোর কাছে ভাষাটা শিখে নিয়েছে রানা। মাথা ঝাঁকিয়ে বলল, ‘কাজ চালাবার মত জানি।’

‘ক... কী বলছে ও?’ সাধ্বে জানতে চাইলেন নিকোলায়েভ।

টেবিলের কাছে ফিরে এল রানা। বাচ্চাটার দিকে ঝুঁকে বলল, ‘কিনাউভিট?’

চোখ উজ্জ্বল হয়ে উঠল ছেলেটির। হাসিমুখে বলল, ‘সাকিনক... সাকি!'

ফ্যাল ফ্যাল করে তাকিয়ে আছেন রিয়ার অ্যাডমিরাল। সোজা হয়ে রানা বলল, ‘ওর নাম জিজেস করলাম। ও জানাল, সাকিনক... সংক্ষেপে সাকি।’

ছেলেটির কপালের উপর পড়ে থাকা চুলের গোছা সরিয়ে দিলেন নিকোলায়েভ। বিড়বিড় করে বললেন, ‘সাকি!’ নামটা পছন্দ হয়েছে তাঁর। মানিয়েছে খুব।

হাত তুলে একই ভঙ্গিতে তাঁর গোছা চুল সরাল ছেলেটা।

‘নানুক!’ বলে হেসে উঠল খিলখিল করে।

‘শ্বেত ভালুক,’ অনুবাদ করল রানা। ‘চুলের কারণে আপনাকে
শ্বেত ভালুক বলছে ও।’

একটু হাসলেন রিয়ার অ্যাডমিরাল। ‘আমার বাবার চুলও
এমনই ছিল।’

‘ও কি ভাবছে আপনি আর উনি একই লোক?’ জ্ঞানুটি করে
জানতে চাইল রানা।

মাথা ঝাঁকালেন নিকোলায়েভ। ‘ওর কোনও আইডিয়া নেই
মাঝখানে কত সময় পেরিয়ে গেছে।’

হড়বড় করে কী যেন বলতে শুরু করল সাকি। জিজ্ঞাসু
দৃষ্টিতে রানার দিকে তাকালেন রিয়ার অ্যাডমিরাল। ‘এখন আবার
কী বলছে?’

‘ও বলছে, আপনার নাকি এখনও ঘুমিয়ে থাকার কথা।’

‘ঘুম?’

চমকে উঠলেন নিকোলায়েভ, ঢট করে রানার চোখের দিকে
চেয়েই সরিয়ে নিলেন দৃষ্টি। দু’জনের মনে একই চিন্তা খেলছে।
যা ভাবছেন তাঁরা, সেই কথাই কি বলছে সাকি? মানসচোখে
ভেসে উঠল করিডোরের প্রিজার্ভেশন ট্যাঙ্কগুলোর দৃশ্য।

‘ন... না,’ কেঁপে উঠল রিয়ার অ্যাডমিরালের কণ্ঠ। ‘এ
কীভাবে সম্ভব? মি. রানা, ওকে জিজ্ঞেস করো, কোথায় ঘুমানোর
কথা আমার?’

আবারও বাচ্চাটার দিকে ঝুঁকল রানা। ‘সাকি? ন তাইমা?’

দ্রুত আরও কিছু কথা বলল সাকি, তারপর নেমে গেল
নিকোলায়েভের কোল থেকে।

‘কুজানামিক,’ বলল রানা, ইংরেজিতে আবার পুনরাবৃত্তি করল
কথাটার। ‘ধন্যবাদ।’

চেয়ার ছেড়ে উঠে দাঁড়ালেন নিকোলায়েভ। ‘ও কি জানে,

আমার বাবা কোথায়?

দরজার কাছে চলে গেছে সাকি। প্রশ্নটার জবাবেই যেন হাতছানি দিয়ে ডাকল, ‘মালিঙ্গা!’

অনুবাদ করল রানা, ‘ওর সঙ্গে যেতে বলছে আমাদেরকে। ও দেখিয়ে দিতে পারবে।’

টেবিল ঘিরে বসে আছে শ্যারন, অ্যাবি, ম্যাসন আর মেজের উইলসন। জার্নাল পড়ে চলেছে অ্যাবি, উচ্চারণ শুনে সেটাকে রাশানে রূপান্তরিত করছে ম্যাসন। ইতিমধ্যে প্রথম খাতাটা পড়া শেষ হয়েছে। ওটা থেকে জানা গেছে আইস স্টেশন ছেগুলের গোড়াপত্তন এবং এর পূর্ব-কথা। পুরো ব্যাপারটার সঙ্গে জড়িয়ে আছে ১৮৭৯ সালের জিনেট-দুর্ঘটনার কর্তৃণ ইতিহাস।

ইউ.এস.এস জিনেট ছিল আমেরিকান একটা স্টিমার। আর্কটিক মহাসাগরের মাঝ দিয়ে আমেরিকা থেকে রাশা যাওয়ার নতুন রুট খোঁজার মিশন নিয়ে বেরিয়েছিল জাহাজটা। কিন্তু দুর্ভাগ্যক্রমে পোলার আইসক্যাপের বরফের মাঝে আটকা পড়ে যায় ওটা, পুরো দু'দুটো শীতকাল কাটায় বন্দি অবস্থায়। পরে ১৮৮১ সালে বরফের ঢাপে বিধ্বস্ত হয়ে যায় স্টিমার। তিনটে লাইফবোট নিয়ে সার্ভাইভাররা সাগরে ভেসে পড়ে, ভয়াবহ দুঃখকষ্ট সহ্য করে শেষ পর্যন্ত সাইবেরিয়ায় পৌছায় দুটি বোট।

তৃতীয় বোটটার ভাগ্যে কী ঘটেছিল, তা আজ পর্যন্ত রহস্য। কিন্তু ইগোর নিকোলায়েভের জার্নাল পড়ে জানা গেল, রহস্যটা ভেদ করতে পেরেছিল রাশানরা। একটা ডায়েরি উদ্ধার করে তারা, সেই ডায়েরির কিছু এন্ট্রি হ্বহু তুলে রাখা হয়েছে জার্নালে। একটা অংশ অনুবাদ করেছে অ্যাবি আর ম্যাসন, সেটা এ-রকম:

শনিবার, পহেলা অক্টোবর, ১৮৮১।

শুভ পিঞ্জর-২

২৪৫

ঈশ্বর মুখ তুলে তাকিয়েছেন, জবাব দিয়েছেন
আমাদের প্রার্থনার। রাতভর ঝড়-ঝঞ্চা মোকাবেলা করে,
খোলের ভিতরের পানি সেঁচে, আর তারপুলিনের তলায়
শীতে কেঁপে শেষ পর্যন্ত টিকে গেছি আমরা। ভোরের
সূর্যের সঙ্গে পরিষ্কার হয়ে এসেছে আকাশ। একটা
দ্বীপের দেখা পেয়েছি আমরা... তবে মাটির দ্বীপ নয়।
বরফের দ্বীপ। শরীর ভর্তি ফাটল আর ছোট-বড় নানা
আকারের গুহা। ওই দ্বীপে আশ্রয় নিয়েছি আমরা,
বরফের ভিতরে খুঁজে পেয়েছি অচেনা কিছু জানোয়ারের
অবিকৃত লাশ। খিদের তাড়নায় ওগুলোর মাংসই খেতে
শুরু করেছি। মাংসটা বেশ সুস্বাদু ও মিষ্টি। ঈশ্বর
দয়াময়।

এটুকু পড়া হতেই কামরার ভিতরে নজর বুলিয়েছে শ্যারন।
এখানকার সবাই জানে কোন জানোয়ারের কথা বলা হয়েছে
ভায়েরিতে। গ্রেণেল। মাংসটা মিষ্টি কেন, তাও বোবা যাচ্ছে। ড.
কনওয়ে ব্যাখ্যা দিয়েছেন এর। শীতনিদ্রার সময়ে বাড়তি গুকোজ
জমা হয় দানবগুলোর কোষে কোষে। ওগুলোই ক্রায়োপ্রোটেক্টেন্ট
হিসেবে রক্ষা করে দেহগুলোকে। গুকোজ মানে চিনি... আর চিনি
মানেই মিষ্টি।

অ্যাবি আর ম্যাসন ততক্ষণে পরের এন্ট্রি নিয়ে ব্যস্ত হয়ে
পড়েছে।

দোসরা অঞ্চোবর।

মাত্র তিনজন বেঁচে আছি আমরা। জানি না কী
অপরাধের শাস্তি পেতে হলো আমাদেরকে... কীসের
প্রতিশোধ নিলেন ঈশ্বর। গতরাতে মৃত্যুর ওপার থেকে

ফিরে এসেছিল অচেনা জানোয়ারগুলো, জাবন ফিরে পেয়েছিল ওদের প্রাণহীন লাশ। তারপর হিংস্র দানবের মত ঝাঁপিয়ে পড়েছিল আমাদের ঘুমত সাথীদের উপরে। সকালে যাদের মাংস খেয়েছিলাম আমরা, এবার তারাই খেলো আমাদের। বহু কষ্টে আমরা তিনজন লাইফবোট পর্যন্ত পৌছাই, আবার ভেসে পড়ি সাগরে। তারপরেও রক্ষা নেই, একটা দানব পিছু ধাওয়া করতে থাকে আমাদের। কপাল ভাল, একটা হার্পুন ছিল বোটে, সেটা গেঁথে দানবটাকে হত্যা করি আমরা। লাশটা পিছু পিছু টেনেছি অনেকক্ষণ, যতক্ষণ না নিশ্চিত হতে পেরেছি ওটা মারা গেছে। শেষ পর্যন্ত লাশটা বোটে তুলে মাথাটা কেটে নিই আমরা, যাতে সভ্যজগতে ফিরে দেখাতে পারি ঈশ্বরের প্রতিহিংসার নমুনা...

আরেকটু এগোবার পর বোৰা গেল, শেষ কাজটা সুফল বয়ে আনেনি ওদের জন্য। টানা তিনদিন সাগরে কাটাবার পর তিন অভিযাত্রী সাইবেরিয়ার উপকূলে এক নির্জন গ্রামে পৌছায়। গ্রামবাসীরা ছিল অশিক্ষিত, কুসংস্কারাচ্ছন্ন। দানবের মাথা দেখে আতঙ্কিত হয়ে পড়ে তারা, ওটার টানে বাকি দানবগুলো গ্রামের উপর হামলা চালাবে বলে শক্তি হয়ে পড়ে। ইগোর নিকোলায়েভের বর্ণনা থেকে জানা গেল—তিন অভিযাত্রীকে খুন করে ওরা, দানবের মাথাটা মন্ত্রপূত পানিতে ধুয়ে ওদের উপাসনালয়ের তলায় পুঁতে ফেলে।

এই কাহিনি পরবর্তী তিন দশক ধরে নানা রকম গল্পাখার মাধ্যমে ছড়িয়ে পড়ে দূর-দূরান্তে। শেষ পর্যন্ত কৌতৃহলী এক রাশান ইতিহাসবিদ কাহিনিটার উৎস খুঁজে বের করেন... মাটি খুঁড়ে উদ্ধার করেন দানবটার খুলি, গ্রামবাসীদের কাছ থেকে শুন্ন পিঞ্জর-২

জোগাড় করেন নাবিকের ডায়েরিটা, তারপর ফিরে আসেন সেইট পিটার্সবার্গে। মেরু এলাকার উপরে দুনিয়ার সবচেয়ে সমৃদ্ধ লাইব্রেরি হিসেবে পরিচিত রাশার আর্কটিক অ্যাণ্ড অ্যাণ্টার্কটিক রিসার্চ ইন্সটিউটে খুলি-সহ ডায়েরিটা জমা দেন তিনি, অল্প কিছুদিনের মধ্যে বিজ্ঞানীরা উৎসাহী হয়ে উঠেন অচেনা ওই প্রাণীর ব্যাপারে।

শুরু হয় তল্লাশি। কিন্তু নিহত নাবিকের বর্ণনা থেকে ওই বরফ-দ্বীপ খুঁজে বের করা সহজ ছিল না। টানা দুই দশক খোঁজাখুঁজির পর ওটার সন্ধান পায় রাশানরা। সেই সঙ্গে খুঁজে পায় ঘুমন্ত গ্রেণেলদের।

জার্নালের এই অংশে এসে অস্থিরতা প্রকাশ করল ম্যাসন। অধৈর্য হয়ে উঠেছে, আইস স্টেশনের ইতিহাস নিয়ে মাথাব্যথা নেই তার। অ্যাবিকে শেষ দুটো জার্নাল পড়তে বলল। আসলে ফাঁস হতে দিল না আইস স্টেশনের সঙ্গে আমেরিকানদের সম্পৃক্ততার তথ্য। জার্নালে নিশ্চয়ই উল্লেখ আছে তার।

শুরু হলো দ্বিতীয় জার্নাল অনুবাদের কাজ। খানিক পরে ডেল্টা ফোর্সের দু'জন সৈনিক উদয় হলো, কী যেন বলল মেজর উইলসনের কানে কানে। মাথা ঝাঁকিয়ে কঢ়েলারের দিকে ফিরল মেজর। বলল, ‘আমরা রেডি, স্যর। আপনি অর্ডার দিলেই রওনা হতে পারি আইস স্টেশনের উদ্দেশে।’

‘এখনও না,’ বলল ম্যাসন। ‘আমাকে আগে শিয়োর হতে হবে, যা খুঁজছি তা এই জার্নালগুলোর ভিতরে আছে কি না।’

দ্রুত এগোলঁ সে আর অ্যাবি। চেষ্টা করল শুরুত্বপূর্ণ তথ্যগুলো উদ্ধার করতে। কিন্তু অল্পক্ষণেই টের পেল, কোডেড এন্ট্রিগুলোর ভিতরেও হেঁয়ালি করে গেছে ইগোর নিকোলায়েভ, আবিষ্কারের খুঁটিনাটি বিবরণ দেয়নি। এটুকু জানা গেল, গ্রেণেলগুলোর চামড়ার তলার ঘ্যাও থেকে হরমোন সংগ্রহ করে

তার বিজ্ঞানীরা—ওই হরমোনই www.facebook.com/banglabookpdf ক্রায়ো-প্রজাতেশনের চাবিকাঠি। কিন্তু টেস্ট সাবজেক্টদের উপরে এই হরমোন প্রয়োগ করে কোনও সুফল পাওয়া যায়নি। জমানো গেছে তাদের শরীর, কিন্তু বরফ গলানোর পরে প্রাণ ফিরে পায়নি কেউই।

একটা অংশ অনুবাদ করল ম্যাসন। ‘এরপরে একটা আবছা ধারণার উপরে কাজ শুরু করলাম আমি। হরমোনের পাশাপাশি নতুন একটা কেমিক্যাল প্রয়োগ করলাম সাবজেক্টদের উপরে...’ কেমিক্যালটার নাম উল্লেখ করা হয়নি। ‘ওটাই প্রথমবারের মত সফল রিসাসিটেশন দেখাল আমাদেরকে।’

ওটার সাবজেক্ট ছিল ঘোলো বছর বয়েসী এক এক্সিমো মেয়ে। কিন্তু বেশিক্ষণ বাঁচেনি সে। ঘুম থেকে জেগে ওঠার কয়েক মিনিট পরেই খিঁচুনি উঠে মারা যায়। তারপরেও, ব্যাপারটা ছিল ড. নিকোলায়েভের জন্য বিশাল এক অগ্রগতি।

বিবরণটা পড়তে গিয়ে বিচলিত হয়ে পড়ল অ্যাবি। কারণটা আঁচ করতে পেরেছে শ্যারন। আধা-ইনুইট ও, এক্সিমোরা ওরই স্বজাতি। তাদের উপর নিষ্ঠুর পরীক্ষা-নিরীক্ষার বর্ণনা পড়ে নিজেকে স্থির রাখা মুশ্কিল।

জার্নালের তারিখগুলো থেকে জানা গেল, পরের তিন বছর ওই সাফল্যের উপরেই কাজ করতে থাকে ড. নিকোলায়েভ। একের পর এক সাবজেক্টের উপর পরীক্ষা চালিয়ে পদ্ধতিটা করে তোলে পরিশীলিত। ওই অংশগুলো বাদ দিয়ে গেল ম্যাসন, এক্সপেরিমেন্টের বিবরণ শেনায় আগ্রহী নয় সে। খোলা হলো শেষ জার্নাল। এখানে পাওয়া গেল কাজিক্ষিত তথ্য।

উনিশশো পঁয়তাল্লিশ সালের মাঝামাঝি সময়ে গ্রেগোলের হরমোন এবং রহস্যময় সেই কেমিক্যালের সঠিক মিশ্রণ তৈরি করতে সক্ষম হয় ড. নিকোলায়েভ। তার ভাষায়, ব্যাপারটা স্বেচ্ছ ভাগ্য, বিজ্ঞানের খুব একটা ভূমিকা ছিল না ওতে। কারণ তার শুভ পিঞ্জর-২

পক্ষে ওই মিশ্রণ দ্বিতীয়বার তৈরি করা সম্ভব নয়—কোন্
অনুপাতে, বা কীভাবে দুটোকে মেলাতে হবে, সেটাই নাকি সে
নিশ্চিত নয়। কাজেই নির্দিষ্ট কোনও ফর্মুলাও লিখে যাওয়া সম্ভব
নয়। যেভাবেই ঘটে থাকুক ব্যাপারটা, তড়িঘড়ি করে এক ব্যাচ
সেরাম বানিয়ে ফেলে সে। সেই সেরামের সাহায্যে প্রথমবারের
মত সফলভাবে জাগিয়ে তোলে এক সাবজেক্টকে।

অপ্রত্যাশিতভাবে এখানেই শেষ জার্নালের এন্ট্রি। সেরামের
স্যাম্পলগুলোর কী হলো, বা কীভাবে ধ্বংস হয়ে গেল আইস
স্টেশন... এ-সংক্রান্ত কিছু লেখা নেই।

জার্নালটা বন্ধ করে অ্যাবি বলল, ‘ব্যস, এ-ই।’

‘আরও কিছু থাকতে বাধ্য!’ বলল ম্যাসন—বিশ্বাস থেকে নয়,
আশা থেকে। জার্নালটা টেনে নিয়ে শেষের সাদা পাতাগুলো
উলটাতে থাকল দ্রুত।

বিজ্ঞানীদের মানসিকতার ব্যাপারে শ্যারন ওয়াকিবহাল।
বলল, ‘খামোকাই সময় নষ্ট করছেন, ওতে কিছু পাবেন না। যদ্দূর
বুঝেছি, সাফল্যের মাত্রার সঙ্গে তাল মিলিয়ে প্যারানয়েড হয়ে
উঠেছিলেন ড. নিকোলায়েভ। এজন্যেই এত হেঁয়ালি করেছেন
জার্নালে। ফর্মুলা লেখা নেই ওতে। আমার তো মনে হয়, ওই
স্যাম্পলগুলোই তার আবিষ্কারের একমাত্র নির্দর্শন।’

সত্যটা উপলব্ধি করতে পেরে তিঙ্গতা জমল ম্যাসনের
চেহারায়। সশঙ্কে জার্নাল বন্ধ করল সে।

‘কী করবেন তা হলে, স্যর?’ জানতে চাইল মেজর উইলসন।

‘ফিরে যেতে হবে আমাদেরকে,’ বলল ম্যাসন। ‘ওই
স্যাম্পলগুলোই আসল... ওগুলো রয়ে গেছে আইস স্টেশনের
ভিতরে। রাশানরা ওগুলো ধ্বংস করে দেবার আগেই হানা দিতে
হবে আমাদেরকে।’

‘আমরা তৈরি আছি। কখন মুভ করতে চান?’

‘এখুনি। কোনও সময় দেয়া যাবে না ওদেরকে।’

উঠে দাঁড়াল মেজর উইলসন।

‘আপনি যান, আমি আসছি,’ বলে তাকে বিদায় দিল ম্যাসন।
তারপর একত্র করল সবকটা জার্নাল। গুঁজল বগলের তলায়।

অ্যাবি আরেকটু পড়ে দেখতে চাইছিল। জিঞ্জেস করল, ‘নিয়ে
যাবেন ওগুলো?’

‘দুঃখিত, এগুলো হাতছাড়া করা চলবে না আমার। তবে
আরেকটু রিভিউ করা দরকার সবগুলো এগ্রিট। বলা যায় না, বাদ
দেয়া অংশগুলোর ভিতরে হয়তো ইস্পরট্যাণ্ট কিছু রয়ে গেছে।’

অকুটি করল অ্যাবি। ‘কী চাইছেন ঠিক করে বলুন তো?’

পালা করে পিতা-কন্যার দিকে তাকাল ম্যাসন। ‘আপনাদের
একজন আমাদের সঙ্গে গেলে খুব ভাল হয়।’

‘কী বললেন?’ তীক্ষ্ণ স্বরে বলল অ্যাবি। ‘আবারও বিপদের
মাঝে ফেলতে চাইছেন আমাদের? যথেষ্ট ঝুঁকি কি নিইনি আপনার
জন্য?’

‘অস্বীকার করছি না,’ মিনমিন করে বলল ম্যাসন। ‘কিন্তু
এখনও ওখানে ড. কনওয়ে আর তাঁর দুই অ্যাসিস্টেন্ট আটকা
পড়ে আছে। মি. রানার ব্যাপারেও নিশ্চিতভাবে বলা যাচ্ছে না,
হয়তো উনিও আছেন। আপনাদের সাহায্য হয়তো কাজে লাগবে
ওদের।’

সন্দেহ ঘনাল অ্যাবির চোখে। ম্যাসনের ভালমানুষি অভিনয়
পছন্দ হচ্ছে না। রিচার্ড বললেন, ‘যেতেই যদি হয়, তা হলে
এবার নাহয় আমি...’

‘না, বাবা,’ রাধা দিল অ্যাবি। ‘তোমাকে যেতে দেব না আমি
কিছুতেই।’

‘আমি আসলে আপনাকেই প্রেফার করছি,’ ওকে বলল
ম্যাসন। ‘স্টেশনটার ব্যাপারে মোটামুটি অভিজ্ঞতা হয়েছে
শুভ পিঞ্জর-২

আপনার। অনুবাদের সময় সেটা কাজে লাগতে পারে।'

ঠোঁট কামড়ে একটু ভাবল অ্যাবি। ম্যাসনকে সাহায্য করবার কোনও ইচ্ছে নেই ওর, কিন্তু রানার কথা বলে ওকে দ্বিধায় ফেলে দিয়েছে লোকটা। কয়েক সেকেণ্ড পর মুখ তুলে বলল, 'ঠিক আছে, মি. ম্যাসন। এক শর্তে যেতে পারি আমি।' কোমরের খালি হোলস্টারের দিকে ইশারা করল। 'আমার পিস্টলটা ফেরত চাই।'

'নিশ্চয়ই,' হাসল ম্যাসন। 'এবার আর রিস্ক নেব না আমরা। সবাই সশস্ত্র থাকবে। তৈরি হয়ে নিন। একটু পরেই বেরংব আমরা।'

ব্যারাক থেকে বেরিয়ে গেল সে, সঙ্গে ডেকে নিয়ে গেল লেঃ কমাণ্ডার রাইটকে। পিতার কাছ থেকে বিদায় নেয়ায় ব্যস্ত হয়ে পড়ল অ্যাবি। ব্যারাকের জানালার কাছে গিয়ে দাঁড়াল শ্যারন, তাকাল বাইরে। রাইটের সঙ্গে কথা বলছে ম্যাসন, ঠোঁট পড়া গেল সহজে—ডেল্টা ফোর্সের সদস্যরা চলে যাবে, রাইটকে ওমেগা স্টেশনের নিরাপত্তার দায়িত্ব বুঝে নিতে বলল। এরপর চলে গেল হেলিকপ্টারের কাছে, মেজর উইলসন যেখানে দাঁড়িয়ে।

টেবিলের উপর একটা বিনকিউলার ফেলে গেছে উইলসন, সেটা তুলে নিল তরুণী বিজ্ঞানী। ফোকাস অ্যাডজাস্ট করল হেলিকপ্টার বরাবর। ম্যাসন আর উইলসনের ঠোঁট এবার দেখা যাচ্ছে পরিষ্কারভাবে।

'রিপোর্ট!' বলল ম্যাসন।

'এভরিথিং ইজ সেট। আমাদের ইনভলভমেন্ট জানতে পারবে না কেউ। দোষ চাঁপবে রাশানদের ঘাড়ে।'

এরপর ঘুরে গেল দু'জনে। ঠোঁট দেখা গেল না আর।

অ্যাবি বেরিয়ে গেছে, শ্যারনের পাশে এসে দাঁড়ালেন রিচার্ড। জিজ্ঞেস করলেন, 'কী দেখছেন অত মনোযোগ দিয়ে?'

নিজের সন্দেহের কথা প্রকাশ করতে ঘাস্তিল শ্যারন, কিন্তু

ঘাড় ফেরাতে গিয়ে থমকে গেল। বো করে উঠেছে মাথা, খাড়া হয়ে গেছে লোম, দাঁতের গোড়ায় ফিরে এসেছে সেই পরিচিত শিরশিরানি। আন্ত্রাসোনিক ওয়েভ!

এ কী করে হয়? আইস স্টেশন থেকে ত্রিশ মাইল দূরে আছে ওরা... এ-পর্যন্ত প্রেগেলগুলো আসে কী করে? কিন্তু এ ছাড়া আর কোনও ব্যাখ্যাও তো নেই!

‘কী হয়েছে?’ জিজেস করলেন রিচার্ড।

‘বিপদ!’ ফিসফিস করে বলল শ্যারন।

চবিশ

হাত ধরে রানাকে টেনে নিয়ে চলেছে সাকি। প্রিজন এরিয়া পেরিয়ে এল ওরা, এরপর এগোল প্রিজার্ভেশন ট্যাক্সের বৃত্তাকার করিডোর ধরে। প্রিজন এরিয়ার পাশ দিয়ে যাওয়ার সময় ড. কনওয়ের সঙ্গে চোখাচোখি হলো রানার। দৃষ্টি বিস্ফারিত হতে দেখল জীববিজ্ঞানীর, সাকিকে চিনতে পেরেছেন। তাঁর উদ্দেশে শুধু কাঁধ ঝাঁকাল রানা, কথা বলার সুযোগ পেল না।

‘মালিঙ্গা!’ আবার বলল ছেলেটা, বাড়িয়ে দিল হাঁটার গতি।

দুই গার্ডকে নিয়ে ওদেরকে অনুসরণ করছেন নিকোলায়েভ। তিনজনেই সশস্ত্র—গার্ডদের হাতে রাইফেল, রিয়ার অ্যাডমিরালের হাতে শোভা পাচ্ছে একটা অটোমেটিক পিস্টল। সবগুলো অন্ত্রের ব্যারেল তাক করে রাখা হয়েছে ওদের দিকে। কোনও ধরনের শুভ্র পিণ্ডি-২

কৌশল খাটানোর ইচ্ছে বহু আগেই ত্যাগ করেছে রানা। অন্ত্রের ভয়ে নয়; গোলাগুলি শুরু হলে নিষ্পাপ বাচ্চাটার ক্ষতি হতে পারে, এই ভেবে।

‘কোথায় যেতে হবে, তা কি ও জানে?’ একটু পর অধৈর্য হয়ে জিজেস করলেন নিকোলায়েভ। প্রশ্নটা ইনাক্টিউট ভাষায় পুনারাবৃত্তি করল রানা।

‘ইই!’ মাথা ঝাঁকিয়ে জবাব দিল সাকি। হ্যাঁ।

আগেরবার পুরো করিডোর ঘোরা হয়নি, এবার সাকির কল্যাণে প্যাসেজের শেষ প্রান্ত পর্যন্ত যাওয়ার সুযোগ হলো রানার। যেখানে ওটা শেষ হয়েছে, সেখানে ধবধবে সাদা দেয়াল। দরজা-জানালা নেই। প্রথম দর্শনে নিরেট বলে মনে হলো। একটু বিভ্রান্তি নিয়ে সাকির দিকে তাকাল রানা।

মুচকি হাসল সাকি। তারপর এগিয়ে গিয়ে দেয়ালের গায়ে, হাত রাখল, চাপ দিল বিশেষ একটা জায়গায়। পরক্ষণে ঘড়ঘড় শব্দে সরে গেল নিরেট দেয়াল—ঠিক যেন আলিবাবার গুহা! রানা বুঝল, দেয়ালে একটা প্রেশার সুইচ লুকানো আছে। দেয়ালের ওপাশে দেখা গেল ভারী একটা স্টিল ডোর, মাঝখানটায় প্রকাণ এক পিতলের ভুইল—অনেকটা ব্যান্ক-ভল্টের দরজার মত।

হড়বড় করে রানাকে কিছু বলল সাকি। নিকোলায়েভের দিকে ফিরে ও জানাল, ‘এই দরজার ওপাশেই নাকি আপনার গোপন কামরা।’

দরজার দিকে স্থির দৃষ্টিতে কয়েক সেকেণ্ড তাকিয়ে থাকলেন নিকোলায়েভ, তারপর রানাকে নির্দেশ দিলেন, ‘খোলো ওটা।’

ভুইল ধরে খানিকক্ষণ মোচড়ামুচড়ি করল রানা, নড়তে পারল না একবিন্দু। সম্ভবত বরফ জমে জ্যাম হয়ে গেছে। হাত ব্যথা হয়ে গেল। শেষে ঘাড় ফিরিয়ে বলল, ‘এভাবে সম্ভব না। একটা শাবল দেয়া যাবে?’

ওর ব্যৰ্থ চেষ্টা দেখে খিলখিল করে হাসল সাকি। এগিয়ে গিয়ে ছইলের গোড়ায় আঙুল টোকাল। খুট করে একটা শব্দ শুনে বোৰা গেল, খিলি জাতীয় কিছু একটা খুলে গেল। সঙ্গে সঙ্গে রানার হাতের মুঠোয় মস্ণভাবে ঘূরতে শুরু করল ছইল, যেন গতকালই তেল দেয়া হয়েছে।

ছইল দু'পাক ঘূরে যেতেই কোকের ক্যানের সিল ভাঙার মত মৃদু একটা শব্দ হলো, সামান্য ফাঁক হয়ে গেল দরজার পাল্লা। শীতল হাওয়ার প্রবাহ বেরিয়ে এল ওখান দিয়ে, যেন ফ্রিজের দরজা খোলা হয়েছে। ধাক্কা দিয়ে দরজা পুরোপুরি খুলে ফেলল রানা।

মিটমিট করে কয়েক দফা কেঁপে জুলে উঠল বাতি, আলোকিত হয়ে উঠল ওপাশ। মাঝারি আকারের একটা কামরা দেখতে পেল ওরা—মূল স্টেশনের অংশ নয়, সার্ভিস টানেলের মত বরফ খুঁড়ে তৈরি করা হয়েছে। ভিতরটা ল্যাবের মত সজ্জিত। তিনদিকের দেয়াল কুঁদে বানানো হয়েছে শেলফ, ওগুলোই কাজ করছে ওঅর্কটেবিল হিসেবে। শেলফের উপর ছড়িয়ে-ছিটিয়ে পড়ে আছে স্টেইনলেস স্টিলের নানান ইকুইপমেণ্ট। পেছনের দেয়াল ঘেঁষে দাঁড়িয়ে আছে একটা কাঁচের কেবিনেট, ওটার তাকের খাঁজে এক সারিতে সাজিয়ে রাখা হয়েছে অনেকগুলো সিরিঞ্জ—সংখ্যায় পঞ্চাশটার কম না। প্রত্যেকটার ভিতরে নীলচে দ্রবণ।

কামরার ভিতরে পা দিয়েই থমকে দাঁড়াল সাকি। দৃষ্টিতে ফুটল বিভ্রান্তি। সামনে তাকিয়ে রইল কয়েক মুহূর্ত, তারপর ঘাড় ফিরিয়ে তাকাল রিয়ার অ্যাডমিরালের দিকে।

তার এই বিভ্রান্তির কারণ বুঝতে অসুবিধে হলো না রানার। মেঝের উপরে হাত-পা ছড়িয়ে পড়ে আছে একজন মানুষ। শরীরের উপর বরফের আন্তর পড়ে গেলেও মুখের অবয়ব এবং শুভ্র পিঞ্জর-২

মাথার দুধ-সাদা ঝাঁকড়া চুল দেখে অনুমান করা গেল মানুষটার পরিচয়। ইগোর নিকোলায়েভ। রিয়ার অ্যাডমিরালের সঙ্গে বিস্ময়কর মিল আছে তার।

অস্ফুট একটা আওয়াজ বেরিয়ে এল নিকোলায়েভের গলা দিয়ে। হস্তদন্ত হয়ে সামনে এগোলেন তিনি। বসে পড়লেন পিতার দেহের পাশে। হাত বাড়িয়ে স্পর্শ করলেন দেহটা।

চামড়া নীল হয়ে গেছে ইগোর নিকোলায়েভের। বরফে জমে কার্ডবোর্ডের মত ভঙ্গুর দশা কাপড়চোপড়ের। শার্টের বাম হাতা কনুই পর্যন্ত গোটানো, চামড়ার উপরে একটা ছোট ফুটো, রক্ত জমে আছে। পাশেই মেঘের উপরে ভাঙচোরা অবস্থায় পড়ে আছে একটা সিরিঞ্জ।

কাঁচের কেবিনেটের দরজা খুলল রানা, ভিতর থেকে তুলে নিল একটা সিরিঞ্জ, বিস্মিত হয়ে লক্ষ করল—সাব-যিরো টেম্পারেচারে জমে যায়নি ভিতরের দ্রবণটা। এখনও তরল অবস্থায় আছে। এটাই নিশ্চয়ই সেই ক্রায়োজেনিক সেরাম।

রিয়ার অ্যাডমিরালের দিকে ফিরল ও। বলল, ‘মনে হচ্ছে ইঞ্জেকশন নিয়েছিলেন উনি।’

কিছু বললেন না নিকোলায়েভ, একদৃষ্টিতে তাকিয়ে আছেন পিতার মুখের দিকে। কী ভাবছেন বোবা যাচ্ছে পরিষ্কার। এখনও কি বেঁচে আছেন ইগোর নিকোলায়েভ? ছোট ছেলেটির মত?

ওঅর্কটেবিলের উপর পড়ে থাকা একটা জার্নালের উপর চোখ পড়ল রানার। আধখোলা। শেষ মুহূর্তে কিছু লিখছিলেন হয়তো বিজ্ঞানী। কাছে গিয়ে ওটা তুলে নিল ও। পাতা উল্টাল। মেইন ল্যাবের জার্নালগুলোর সঙ্গে কোনও পার্থক্য নেই, ভিতরে ইনাক্টিটুট হ্রফে পাতার পর পাতা লেখা। ডট জুনোর কাছে পড়তেও শিখেছে রানা, যদিও খুব ভাল পারে না। তারপরেও চেষ্টা করল লেখাগুলো পড়তে। কয়েকটা শব্দ পড়ে থামল। অর্থ

ঝট কৰে ওৱ দিকে মুখ তুলে তাকালেন রিয়াৱ অ্যাডমিৱাল।
'রাশান বলছ কেন?'

'রাশান?' ভুৱ কোঁচকাল রানা। পৱক্ষণে চমকে উঠল। তাই তো! ইগোৱ নিকোলায়েভ কোন্ কোডে লিখেছেন জাৰ্নাল, বুঝে ফেলল মুহূৰ্তে।

ৱানাৱ হাতে ধৰা খাতাটাৱ উপৱ নজৱ পড়ল রিয়াৱ অ্যাডমিৱালেৱ। 'ওটা কি আমাৱ বাবাৱ জাৰ্নাল?'

'হ্যা,' বলল রানা। 'এটাই সম্ভবত শেষ ভলিউম।'

'তুমি পড়তে পাৱছ?'

'কোডটা কঠিন কিছু নয়। রাশান-ই লিখেছেন উনি, তবে ইনুইট অক্ষৱে।'

উঠে দাঁড়ালেন রিয়াৱ অ্যাডমিৱাল। সাকি পাশে এসে দাঁড়িয়েছে, ওকে জড়িয়ে ধৰলেন এক হাতে। বললেন, 'পড়ো... পঞ্জি।'

মাথা বাঁকাল রানা। আস্তে আস্তে পড়তে শুৱ কৱল ইগোৱ নিকোলায়েভেৱ জাৰ্নাল। পৱিষ্ঠার হতে শুৱ কৱল বেইসকে ঘিৱে গড়ে ওঠা দুৰ্জ্যে রহস্য।

জাৰ্নালটা এক অৰ্থে ইগোৱ নিকোলায়েভেৱ শেষ স্বীকাৰোক্তি। পড়তে গিয়ে বোৰা গেল, গবেষণা-জীবনেৱ শেষদিকে এসে বিবেক ও মানবতা জেগে ওঠে তাঁৰ ভিতৱে। এৱ পিছনে সাকিৰ ভূমিকা ছিল সবচেয়ে বেশি। এই স্টেশনেই জন্ম নেয় বাচ্চাটা, ব্যৰ্থ এক্সপ্রেৰিমেন্টে বাবা-মা মাৱা গেলে অনাথ হয়ে পড়ে। রাশায় নিজেৱ ছেলেকে ওৱ মত বয়সেই ফেলে এসেছিলেন ইগোৱ, পিতৃস্থেহ জেগে ওঠে তাঁৰ হৃদয়ে। কৱে বসেন মস্ত বড় এক ভুল... একজন গবেষকেৱ জন্য যেটা কৱা সম্পূৰ্ণ বাৱণ—টেস্ট সাবজেক্টকে নাম দেয়া, সাবজেক্টকে

ভালবাসা! কিন্তু এই ভুলটুকুই জীবনের মোড় ঘুরিয়ে দেয় তাঁর।
পেশা আর বিবেকের মধ্যকার তীব্র দ্বন্দ্ব সৃষ্টি হয় তাঁর ভিতর।

ব্যাপারটা যখন ঘটে, তখন গবেষণায় সফল হয়েছেন তিনি।
গ্রেগোলদের হরমোন কাজে লাগাবার সঠিক পদ্ধতি আবিষ্কার করে
ফেলেছেন। শুরুতে মৃত গ্রেগোলের হরমোন সংগ্রহ করছিলেন
তাঁরা—ওটাই ছিল সবচেয়ে বড় ভুল। ইগোর আবিষ্কার করেন,
মৃত নয়... আসলে জীবিত গ্রেগোলের শরীর থেকে হরমোনটা
নিতে হবে তাঁদেরকে, নইলে ওটার কার্যকারিতা নষ্ট হয়ে যায়।
এরপরে বিশেষ একটা কেমিক্যালের সাহায্যে ওটাকে করে তুলতে
হবে মানবদেহের জন্য সহনশীল। বলা বাহ্য্য, কেমিক্যালের নাম
উল্লেখ করেননি তিনি। এরপরেও বেশ কিছুদিন সাফল্য অধরা
ছিল তাঁর কাছে। শেষ পর্যন্ত তিনি বুঝতে পারেন, একটা
অনুষ্টক কাজে লাগাননি তাঁরা—তাপমাত্রা। দ্বীপের গভীরের
তাপমাত্রা! গ্রেগোলদের আবাসের তাপমাত্রা!

ল্যাবের ভিতরে নজর ঘুরিয়ে আনল রানা। এবার বোৰা
যাচ্ছে, কেন বরফ খুঁড়ে বানানো হয়েছে এটা। দ্বীপের গভীরের
ন্যাচারাল তাপমাত্রা পাবার জন্যে।

যা হোক, ধাঁধার এই অংশটা পরিষ্কার হয়ে যেতে বাকি কাজ
অতি সহজে সমাধা করেন ইগোর। গ্রেগোলের নির্যাস এবং দ্বীপের
পরিবেশ... এই দুই মিলিয়ে প্রথমবারের মত সফল পুনর্জীবন দেন
এক টেস্ট সাবজেক্টকে। কিন্তু দুঃখের বিষয়, প্রথম ব্যাচের সেরাম
ছাড়া আর কোনও ব্যাচ দিয়ে তিনি এই সাফল্যের পুনরাবৃত্তি
করতে পারেননি। তাই প্রথম ব্যাচের সব সেরাম তিনি সিরিঞ্জে
ভরে রেখে দেন নিজের এই একান্ত গবেষণাগারে। ভেবেছিলেন
সময়-সুযোগ নিয়ে ওগুলোর অ্যানালিসিস করবেন, বের করবেন
কীভাবে এই সেরাম বিপুল পরিমাণে তৈরি করা যায়।

কিন্তু তা আর হলো না। এক রাতে সাকির দিকে তাকিয়ে

হাহাকার বেরিয়ে আসে তাঁর বুক চিরে। সাফল্যের জন্য কী মূল্য দিয়েছেন, তা অনুধাবন করেন। মনে পড়ে যায় তাঁর হাতে মারা পড়া অসহায় মানুষগুলোর মুখ। নিজের প্রতি ঘৃণায় বিষয়ে ওঠে তাঁর অস্তর। সেই সঙ্গে ঘৃণা অনুভব করেন সুদূর রাশায় বসে থাকা কুচক্রী রাজনীতিকদের উপর, যারা তাঁকে এমন জগন্য কাজ করতে বাধ্য করেছে। তাঁর এই বিত্ক্ষণ আরও বেড়ে যায় জার্মানদের ইহুদি হত্যার কাহিনি শুনতে পেয়ে।

‘স্বাভাবিক,’ বললেন নিকোলায়েভ। ‘আমরা রাশান ইহুদি।’

ইগোর নিকোলায়েভের আত্মপরিকল্পনা আসার কারণ বুঝতে পারল রানা। স্বজাতির উপর অবিচার হবার কাহিনি শুনে স্পষ্ট বুঝেছিলেন তিনি, নিজেও এক্ষিমো আদিবাসীদের উপর সেই অবিচারই চালাচ্ছেন। তবে আর দশটা মানুষের চেয়ে ব্যতিক্রম ছিলেন ইগোর, সিদ্ধান্ত নিয়েছিলেন প্রায়শিক্ত করবার। ঠিক করেছিলেন, অন্যায়পথে তিনি যে-সাফল্য পেয়েছেন, তার সুফল কিছুতেই রাশায় বসে থাকা কুচক্রীদেরকে ভোগ করতে দেবেন না। একই ধরনের মনোভাব পোষণ করে, এমন কিছু সঙ্গী পেয়ে গেলেন তিনি সহকর্মীদের মাঝে। চরম একটা সিদ্ধান্ত নেন তাঁরা এরপর। নিজেরাই স্যাবোটাজ করেন নিজেদের বেইসের। নষ্ট করে দেন রেডিও, খোল ফুটো করে দেন বেইসের ট্রাসপোর্ট সাবমেরিনটার। বাইরের পৃথিবী থেকে বিছিন্ন হয়ে পড়ে আইস স্টেশন গ্রেণেল, আর্কটিক মহাসাগরের স্নোতে ধীপের সঙ্গে ভেসে চলে অজ্ঞানাব উদ্দেশ্যে। কোথাও যাওয়ার উপায় ছিল না তাঁদের, ছিল না পালাবার কোনও উপায়। বরং হিস্ত গ্রেণেলরা সংঘবন্ধভাবে চালাচ্ছিল একের পর এক আক্রমণ। ধীরে ধীরে উন্ন্যাদ হয়ে ওঠেন আটকা পড়া বিজ্ঞানীরা। সবইকে ক্রায়োজেনিক প্রক্রিয়ায় জমিয়ে ফেলার প্রস্তাব দিয়েছিলেন ইগোর, কিন্তু রাজি করাতে পারেননি। শেষ পর্যন্ত নিরীহ টেস্ট শুভ পিঞ্জর-২

সাবজেক্টদেরকে শীতলন্দুয়ায় পাঠিয়ে দেন তিনি, ভয়াল পরিণতির হাত থেকে রক্ষা পাবার জন্য। নিজেও তা-ই করবার সিদ্ধান্ত নেন।

এখানেই শেষ জার্নাল। মাটিতে পড়ে থাকা ভাঙা সিরিশ, আর ইগোর নিকোলায়েভের হাতের উপর ঘুরে এল রানার দৃষ্টি বোৰা যাচ্ছে সেরামটা নিয়েছিলেন তিনি। কিন্তু তাতে কি কাজ হয়েছে?

স্থবির হয়ে গেছেন রিয়ার অ্যাডমিরাল নিকোলায়েভ। বিড়বিড় করে বললেন, ‘তা হলে... তা হলে আমার বাবাই ধ্বংস করেছেন এই স্টেশন? কারও ষড়যন্ত্রের শিকার হননি?’

‘যদূর বুবতে পারছি, এ-ছাড়া আর কোনও উপায় ছিল না তাঁর হাতে,’ জার্নালটা নামিয়ে রাখল রানা। ‘ওই সেরাম যদি রাশান সরকারের হাতে পড়ত, এখানকার অন্যায়-অবিচার আর মানুষ খুনের ঘটনা বৈধতা পেয়ে যেত। ওটাই হয়ে উঠত স্বাভাবিক রীতি, আরও অনেকেই নিঃসংকোচে উৎসাহী হয়ে উঠত হিউম্যান এক্সপ্রেসিমেন্টেশনের মাধ্যমে নিজেদের গবেষণা চালানোয়। গবেষণার নামে মানবহত্যার এই রীতির প্রচলন ঘটাতে চাননি তিনি।’

দৃষ্টি বিস্ফারিত হয়ে গেল রিয়ার অ্যাডমিরালের। নিচু করে ফেললেন মাথা। ‘এ কী করেছি আমি! ফিসফিসিয়ে বললেন তিনি। আঙুল দিয়ে স্পর্শ করলেন কবজিতে বাঁধা পোলারিস মনিটর। ‘আমার বাবার আত্মত্যাগ... আমার বাবার শেষ ইচ্ছে... স্টোকেই ব্যর্থ করে দেবার জন্য লড়াই করছি! চেষ্টা করছি তাঁর আবিক্ষারকে পৃথিবীর সামনে তুলে ধরতে!

কেউ কোনও কথা বলল না। কয়েক মুহূর্ত নীরবতা বিরাজ করল, তারপরেই করিডোরে শোনা গেল নতুন পদশব্দ। ত্রন্ত পায়ে একজন রাশান সৈনিক উদয় হলো। স্যালিউট ঠুকে বলল,

‘মাফ করবেন, স্যর, কিন্তু এইমাত্র ইউ.কিউ.সি.-র হাইকোর্টে হেলিকপ্টারের আওয়াজ শুনেছি আমরা। ওমেগা বেইস থেকে টেকঅফ করেছে ওটা। সম্ভবত এদিকেই আসছে।’

‘নিশ্চয়ই ডেল্টা ফোর্স,’ অনুমান করল রানা। ‘ওরা হামলা চালাবার সিদ্ধান্ত নিয়েছে, রিয়ার অ্যাডমিরাল। কী করবেন আপনি?’

মুহূর্তে বদলে গেল নিকোলায়েভের পরাজিত চেহারা। পিঠ সোজা করে দাঁড়ালেন তিনি। দৃঢ়প্রতিজ্ঞার সুরে বললেন, ‘এখানকার আবিষ্কার লুকিয়ে রাখবার জন্য প্রাণ দিয়েছেন আমার বাবা। আমি কিছুতেই তার অন্যথা হতে দিতে পারি না।’ পোলারিস মনিটরের দিকে তাকালেন। ‘এখনও চাল বাকি আছে আমার। চলো।’

হেলিকপ্টারের পিছনে উঠেছে অ্যাবি, তাকিয়ে আছে জানালা দিয়ে। রোটরওশে তুষারের ঘূর্ণি উঠেছে, ছোট একটা মেঘের মত ঢেকে ফেলেছে কপ্টারকে, আচ্ছন্ন করে রেখেছে দৃষ্টিসীমা। উচ্চতা বেড়ে যেতে নীচে পড়ে গেল সেই তুষার, পরিষ্কার হয়ে এল চারদিক। বাতাসের ধাক্কায় কয়েক সেকেণ্ড টালমাটাল করল আকাশযানটা, তবে পাইলট দক্ষ হাতে সামলে নিল সেটা। সামনে এগোলো।

অ্যাবির হেডফোন খড়খড় করে উঠল। শোনা গেল ম্যাসনের কণ্ঠ। হেলিকপ্টারের সামনে, পাইলটের পাশের সিটে বসেছে সে; তাকে দেখতে পাচ্ছে না অ্যাবি। ইন্টারনাল রেডিওতে কথা বলছে লোকটা।

‘মিস ম্যানিটক, শেষ জার্নালটা পড়তে শুরু করুন। আমি সাহায্য করব অনুবাদে। দেখা যাক, নতুন কোনও সূত্র পাওয়া যায় কি না।’

হেলিকপ্টারে ওঠার পর অ্যাবিকে জার্নালগুলো দিয়েছে ম্যাসন। শেষ জার্নালটা কোলে তুলে নিল ও, মলাট উল্টানোর আগে নজর বোলাল সহযাত্রীদের উপর। ডেল্টা ফোর্স টিমের বারো জন সদস্য রয়েছে ওদের সঙ্গে। জাম্পসিটে স্ট্র্যাপ বেঁধে বসেছে তারা, হাতে অন্ত। মুহূর্তের নোটিশে যুদ্ধে নামার জন্য তৈরি। সবার মধ্যে চাপা উত্তেজনা। দলনেতা মেজর উইলসনকে একটু বেশিই উত্তেজিত দেখাচ্ছে। থমথমে চেহারা নিয়ে বাইরে তাকিয়ে আছে সে।

অ্যাবিও তাকাল। জানালার ওপারে দিগন্ত-বিস্তৃত আইসফিল্ড। দূরত্বের কারণে ওমেগা স্টেশনের লাল বিল্ডিংগুলো ঘোলাটে হয়ে এসেছে। সূর্য প্রায় ডুরু-ডুরু অবস্থা, ডুবতে গিয়েও ডুবছে না অনেকক্ষণ থেকে। উত্তর মেরুর মাঝ-গ্রীষ্মে কয়েক ঘণ্টা স্থায়ী হয় এই গোধূলি। অন্ধকার পছন্দ করে না অ্যাবি, তারপরেও মনে হচ্ছে রাত নামলে মন্দ হতো না। অবসান ঘটত ভয়াবহ এই দিনটার।

দীর্ঘশ্বাস ফেলে জার্নালের মলাট উল্টাল ও। পড়তে শুরু করবে, এমন সময় চোখের কোণে কী যেন ধরা পড়ল। ঝাট করে ঘাড় ফেরাল ও। দিগন্তের কাছে ছিটকে উঠেছে লাল-কমলা রঙ-বিশাল এক আগুনের গোলা। তার আড়ালে অদৃশ্য হয়ে গেছে ওমেগা স্টেশন। হেডফোন ভেদ করে বিস্ফোরণের আবছা আওয়াজ পৌছল কানে। এরপরেই এল শকওয়েভের ধাক্কা, কেঁপে উঠল গোটা হেলিকপ্টার।

দৃষ্টি বিস্ফারিত হয়ে গেল অ্যাবির, নিষ্ফল আঁচড় কাটল জানালার কাঁচে। সৈশ্বর! না!! ওর বাবা রয়ে গেছে ওখানে!!!

ডেল্টা ফোর্সের সদস্যরা চক্ষুল হয়ে উঠেছে, সিট ছেড়ে সবাই ছুটে এল হেলিকপ্টারের একপাশে, কী ঘটেছে দেখতে চায়। ফ্যাল ফ্যাল করে ওরা তাকিয়ে রইল আগুনের লেলিহান শিখার

দিকে। কয়েক মিনিট জুলুল সেই আগুন, তারপর ধীরে ধীরে স্থিমিত হয়ে এল। মিথ্যে আশা নিয়ে বরফ-প্রান্তরের দিকে তাকাল অ্যাবি। দেখল, ওমেগা স্টেশনের আর চিহ্ন নেই কোথাও। তার বদলে মুখ ব্যাদান করে আছে বিশাল এক গর্ত, ভিতরে ছলকাচ্ছে আর্কটিকের পানি।

‘গড়্যাম ইট!’ রেডিওতে গাল দিয়ে উঠল ম্যাসন। ‘হোয়াট দ্য হেল ইজ দ্যাট, সার্জেণ্ট গ্ল্যাডস্টোন? তুমি তো রিপোর্ট দিয়েছিলে, রাশানদের সবকটা ইনসেভিয়ারি ডিভাইস ডি-অ্যাকটিভেট করা হয়েছে! ’

‘সত্যিই করা হয়েছিল, স্যর! ’ হতভম্ব গলায় জানাল সার্জেণ্ট। ‘আ... আমি জানি না কীভাবে এটা ঘটল। হতে পারে একটা মিস করে গেছি আমরা। ’

অ্যাবির চোখ ভরে গেছে নীরব অঙ্গৃতে। মনে পড়ে যাচ্ছে পিতার হাসিমাখা স্নেহময় মুখ... আর কোনোদিন সে-মুখ দেখবে না ও। ছলছল ঢেখে তাকাল সহ্যাত্মীদের দিকে। সবার চেহারায় নিখাদ বিস্ময়... সেই সঙ্গে সহানুভূতির ছাপ ফুটেছে। শুধু একজনের ফোটেনি।

মেজের উইলসন, ডেল্টা ওয়ান। নিস্পৃহ চোখে তাকিয়ে আছে সে আরেকদিকে।

তীব্র আতঙ্ক চেপে বসল অ্যাবির বুকে। বুরো ফেলেছে সত্যটা। কান পাতল ম্যাসনের গালাগাল শোনার জন্য, তাতেও মিশে আছে কপটতা। কোনও সন্দেহ নেই, পুরোটাই অভিনয়, একটা নীচ ষড়যন্ত্র। দুর্ঘটনায় ধ্বংস হয়নি ওমেগা স্টেশন, ধ্বংস করে দেয়া হয়েছে। শুধু রাশানরা নয়, আমেরিকান এই সৈন্যরাও নির্দেশ পেয়েছে সবকিছু ধামাচাপা দেবার। কোনও সাক্ষী রাখছে না এরা, রাখছে না ওদের অপকর্মের কোনও আলামত।

তারমানে ওর জন্যও মৃত্যুদণ্ড নির্ধারিত হয়ে আছে। কোলের শব্দ পিণ্ডৰ-২

উপর খোলা জার্নালের দিকে তাকাল অ্যাবি। ওটাই এখনও ওকে বাঁচিয়ে রেখেছে—জার্নালের ইনাক্টিটুট হরফগুলো! প্রয়োজন ফুরানোর সঙ্গে সঙ্গে ওকেও পিতার ভাগ্য বরণ করতে হবে।

রেডিওতে ওকে সান্ত্বনা দিয়ে চলেছে ম্যাসন, কিন্তু কোনও কিছুই আর কানে চুকছে না অ্যাবির। অশ্রুসজল চোখে জার্নালের পাতা উল্টাল ও। আনমনে হাত দিল কোমরের শূন্য হোলস্টারে।

আরেকটা মিথ্যা প্রতিশ্রূতি। ওকে পিস্তল দেয়নি ম্যাসন। দেবেও না।

পঁচিশ

প্রিজন সেলে আবার ফিরে এসেছে রানা। ওর সঙ্গে সাকিকেও রাখা হয়েছে। ছেলেটা গুরুত্বপূর্ণ তথ্য দিলে সেটা জানতে চান রিয়ার অ্যাডমিরাল। রানাকে নির্দেশ দিয়েছেন ওর সঙ্গে কথাবার্তা চালিয়ে যেতে। কিন্তু ছেলেটাকে ক্লান্ত দেখাচ্ছে। তাই কথা না বলে ওকে বিছানায় শুইয়ে দিয়েছে রানা। নিজের পারকা খুলে চাদরের মত ঢেকে দিয়েছে শরীর। মাথায় হাত বুলিয়ে ঘুম পাড়িয়ে দিয়েছে। সাকি কোনও ঝাপতি করেনি।

মেঝেতে বসে ঘুমন্ত মুখটার দিকে তাকিয়ে আছে রানা। চেহারাটা আশ্চর্য নিষ্পাপ... দেখলেই মায়া হয়। ইগোর নিকোলায়েভ কেন দুর্বল হয়ে পড়েছিলেন, বোঝা যাচ্ছে পরিষ্কার। ছেট্ট এই দেবশিশু পাথরের মনও গলিয়ে দিতে পারে। দুর্ভাগ্য,

এই অন্ন বয়সেই পৃথিবীর চরম নিষ্ঠুরতা দেখতে হয়েছে
শিশুটিকে।

‘অবিশ্বাস্য!’ রানার পিছন থেকে ফিসফিস করে উঠলেন ড. কনওয়ে। গরাদ ধরে দাঁড়িয়ে আছেন তিনি, একদৃষ্টে তাকিয়ে আছেন ঘুমন্ত সাকির দিকে। ইগোর নিকোলায়েভের জার্নাল পড়ে যা যা জানতে পেরেছে, সেগুলো ইতিমধ্যে তাঁকে জানিয়েছে রানা। ‘ওকে একটু স্টাডি করতে পারলে জীবন সার্থক হতো! আর কিছু না হোক, ওর এক ফোঁটা রক্তও যদি মাইক্রোক্ষোপের তলায় রেখে দেখতে পারতাম!'

হতাশায় মাথা নাড়ল রানা। এ-ই না হলে বিজ্ঞানী? যেখানে এখন জীবন-মরণের প্রশ্ন, সেখানে ইনি ভাবছেন সাকিকে স্টাডি করবার কথা। চাইবার কথা মুক্তি, তার বদলে চাইছেন বাচ্চাটার এক ফোঁটা রক্ত!

‘ব্যাপারটা আমি ভাল করে ভেবে দেখেছি, মি. রানা,’ বললেন কনওয়ে। ‘গ্রেণেলের হরমোন যেভাবে কাজে লাগাতে চেয়েছেন ড. নিকোলায়েভ, সেটা সত্যিই লজিকাল। আর হ্যাঁ, জ্যান্ত গ্রেণেল থেকেই সংগ্রহ করতে হবে ওই হরমোন; কারণ মৃত্যুর সঙ্গে সঙ্গে নানা রকম কেমিক্যাল রিঅ্যাকশন শুরু হয় জীবদেহে। জিন সিকোয়েন্স ডেঙে পড়ে। কাজেই গ্ল্যাণ্ডুলাই স্বাভাবিক হরমোন তৈরিতে অক্ষম হবার কথা। ইউ সি... এই হরমোনই কিন্তু সবকিছুর চাবিকাঠি। গ্রেণেলের চামড়া জমতে শুরু করলেই গ্ল্যাণ্ড থেকে এই হরমোনের নিঃসরণ শুরু হয়। হরমোনটা প্রতিটি কোষে গুকোজের ঘনত্ব বাড়িয়ে দেয়। ফলে চরম শীতল তাপমাত্রাতেও নষ্ট হয় না কোষ, সজীব থাকে। প্রয়োজনীয় তাপ পেলে ফিরে আসে স্বাভাবিক অবস্থায়। যতটুকু বুঝতে পারছি, গ্রেণেলের হরমোন মানবদেহে কাজ না করার কোনও কারণ নেই। আমরা দু'দলই স্তন্যপায়ী প্রাণী। অ্যানাটমিকালি প্রাচুর মিল শুভ পিঞ্জর-২

আছে আমাদের। মানুষের ডায়াবেটিস চিকিৎসায় গরু-ছাগলের ইনসুলিন ব্যবহার হয়, জানেন তো? এটাও অনেকটা সে-রকমই একটা ব্যাপার। যে-কাজ করেছেন ড. নিকোলায়েভ, তার তুলনা হয় না। রীতিমত ব্রিলিয়ান্ট!

আর সহ্য হলো না রানার, ঝট করে ফিরল জীববিজ্ঞানীর দিকে। রাগী গলায় বলল, ‘ব্রিলিয়ান্ট? আপনার মাথা খারাপ হয়ে গেছে, ড. কনওয়ে। এখানে ব্রিলিয়ান্ট কিছু ঘটেনি। যা ঘটেছে তা স্বেফ পৈশাচিকতা। ধারণা করতে পারেন কী করা হয়েছে এখানে মানুষের উপর? কতজন প্রাণ দিয়েছে এই ল্যাবে?’ ঘুমন্ত সাকির দিকে ইশারা করল। ‘ওই বাচ্চাটাকে দেখুন। ওকে কি ল্যাবরেটরির ইন্দুর বলে মনে হচ্ছে আপনার?’

সভয়ে দু’কদম পিছিয়ে গেলেন কনওয়ে। বললেন, ‘মাফ করবেন, মি. রানা। আমি আসলে...’

রানা বুঝতে পারছে, নিরীহ এই বিজ্ঞানীর সঙ্গে রাগ করা উচিত হচ্ছে না; কিন্তু নিজেকে নিয়ন্ত্রণও করতে পারছে না ও। হিসিয়ে উঠে বলল, ‘কাউকে না কাউকে এর দায় নিতে হবে... শাস্তি পেতে হবে! সবকিছুরই একটা সীমা আছে। সভ্যতার উন্নতি আর অগ্রগতির দোহাই দিয়ে বিজ্ঞানীরা যা-খুশি-তাই করতে পারে না!’

‘আ... আমি দৃঢ়খ্যত, মি. রানা,’ তোতলাতে তোতলাতে বললেন কনওয়ে। ‘ও... ওভাবে কথা বলা ঠিক হয়নি।’

‘বাদ দিন, মি. রানা,’ বলে উঠল লিসা। ‘খামোকা ড. কনওয়ের সঙ্গে রাগ করে লাভ নেই। উনি এখানকার অনাচারের জন্য দায়ী নন।’

‘আমি জানি,’ বলল রানা। ‘কিন্তু ব্যাপারটা ভাবলেই মাথায় রক্ত চড়ে যাচ্ছে। বিজ্ঞানের নামে মানুষ খুন... কী করে পারে লোকে?’

‘ওরা থামলেই কি মানুষ খুন বস্ক হবে?’ বলল লিসা।
‘আমাদের কথাই ধরত্ন। মরতে বসেছি... কিন্তু তার জন্য কোন
বিজ্ঞানী দায়ী নয়। দায়ী এক পাগলাটে রিয়ার অ্যাডমিরাল।’

‘ডেল্টা ফোর্স আসবে না?’ কাতর গলায় জানতে চাইল লিলি।
‘ওরা আমাদেরকে উদ্ধার করবে না?’

জবাব দেবার আগে রিয়ার অ্যাডমিরাল নিকোলায়েভের কথা
ভাবল রানা। একরোখা মানুষ, কিছুতেই আত্মসমর্পণ করবেন না।
উন্নাদনা লক্ষ করেছে ও লোকটার চোখের তারায়—সেটা
আমেরিকানদের অন্ত বা হিংস্র গ্রেণেলের চেয়ে অনেক গুণ
ভয়ঙ্কর। প্রাণ দেবার জন্য মুখিয়ে আছেন তিনি। একা মরবেন না,
সঙ্গে যে-ক'জনকে পারেন নিয়ে যাবেন। সন্দেহ নেই, সেই
কাতারে বন্দিরা থাকবে। কীভাবে ফেরানো যায় তাকে?

ঘুমস্ত বাচ্চাটার দিকে তাকাল রানা। শুধু ওর দিকে তাকাবার
সময় নরম হয় রিয়ার অ্যাডমিরালের দৃষ্টি। যদূর বুঝেছে, এই
বাচ্চাটার মধ্যে ক্ষমতা আছে নিকোলায়েভকে বদলে দেবার...
তাকে ধৰৎসের পথ থেকে ফিরিয়ে আনবার। ঠিক যেভাবে রিয়ার
অ্যাডমিরালের পিতাকে বদলে দিয়েছিল। কিন্তু এ-ধরনের
চারিত্রিক পরিবর্তনে সময় লাগে... সেই সময় তো নেই ওদের
হাতে। নিকোলায়েভ এখন এক আহত সিংহ, নিজের গুহায়
কোণঠাসা হয়ে পড়েছেন। এরচেয়ে ভয়াবহ অথবা বিপজ্জনক
আর কিছু হতে পারে না।

‘কী ভাবছেন, মি. রানা?’ জিজেস করল লিসা।

ওর দিকে ফিরল রানা। ‘রাশানদের সংখ্যা বেশি নয়, সব
মিলিয়ে বারো-চৌদজন হতে পারে। কিন্তু চমৎকার একটা
ডিফেন্সিভ পজিশনে আছে ওরা, বড় মাপের যে-কোনও বাহিনীকে
ঠেকিয়ে রাখতে পারবে অনায়াসে। ফুল ফ্রন্টাল অ্যাসল্ট ছাড়া
উপায় নেই ডেল্টা ফোর্সের, কিন্তু ওটাও হবে ভয়ঙ্কর রক্তক্ষয়ী
শুভ পিঞ্জর-২

লড়াই। প্রচুর প্রাণহানি হবে ওদের।'

'তারপরেও ওরা আসবে,' আশাবাদীর মত বলল স্যাম।
'আসবে না?'

প্রিজন সেলের সবার দিকে পালা করে তাকাল রানা। পাঁচজন মানুষ... সাকিকে ধরলে ছয়। কিন্তু ওদের জন্য খামোকা ঝুঁকি নিতে যাবে না গ্যারি ম্যাসনের মত হিসেবি শয়তান। সে যদি আসে, আসবে ইগোর নিকোলায়েভের সেরামগুলোর জন্য। ওগুলো হাতে পাওয়ার উপর নির্ভর করছে তার মিশনের সাফল্য। দরকার হলে বন্দিদেরকে উৎসর্গও করে দেবে সেই সাফল্য পাবার বিনিময়ে।

ব্যাপারটা লিসাও অনুধাবন করতে পারছে। দমে যাওয়া গলায় বলল, 'ওরা আমাদের জন্য আসবে না, তাই না, মি. রানা? আমরা ওদের জন্য প্রায়োরিটি নই।'

চুপ করে রইল রানা। নীরবতা নেমে এল প্রিজন এরিয়ায়।

কয়েক মিনিট পরে সশঙ্কে খুলে গেল সদর দরজা। উদয় হলেন রিয়ার অ্যাডমিরাল নিকোলায়েভ, সঙ্গে দুই গার্ড। রানার সেলের পামনে এসে বললেন, 'তোমাদেরকে জানাতে এসেছি, ওমেগা ড্রিফট স্টেশন ধ্বংস করে দিয়েছে ডেল্টা ফোর্স।'

লাফ দিয়ে উঠে দাঁড়াল লিসা। 'মিথ্যে কথা!'

রানা কিছু বলল না, স্থির দৃষ্টিতে তাকাল নিকোলায়েভের দিকে। ওমেগা স্টেশন যদি সত্যিই ধ্বংস হয়ে থাকে, তার মানে মারা গেছে অ্যাবি, শ্যারন আর রিচার্ডও। নিষ্ঠুর এই সত্য মেনে নিতে কষ্ট হচ্ছে ওর।

'মিথ্যে বলছি না,' লিসার দিকে ফিরলেন রিয়ার অ্যাডমিরাল। গলা আশ্র্য রকম শান্ত। 'ওদের হেলিকপ্টার টেকঅফ করবার কয়েক মিনিট পরেই হাইড্রোফোনে শোনা গেছে বিস্ফোরণের আওয়াজ। ওমেগা স্টেশন যেখানে থাকবার কথা, সেখানে এখন

পানির কুলকুল আওয়াজ ছাড়া আর কিছুই শোনা যাচ্ছে না।'

'কেন ওরা এ-কাজ করবে?' ফুঁসে উঠে জিজ্ঞেস করল লিসা।

মৃদু হেসে রানার দিকে তাকালেন নিকোলায়েভ। 'সেটা কি
বলে দিতে হবে?'

'কোনও সাক্ষী রাখতে চাইছে না ওরা,' থমথমে গলায় বলল
রানা। 'রাইট?'

'এগজ্যাস্টলি,' মাথা ঝাঁকালেন রিয়ার অ্যাডমিরাল। 'আমরা
যা চেয়েছি, আমেরিকানরাও ঠিক তা-ই চাইছে। গোপনে সরিয়ে
নিতে চাইছে এখানকার রিসার্চ ম্যাটেরিয়াল, তারপর ধ্বংস করে
দিতে চাইছে সব।'

'না-আ!' প্রায় চেঁচিয়ে উঠল লিসা—অবিশ্বাসে নয়, বরং
কথাটা সত্য হওয়া সম্ভব, সেটা ভেবে।

ওর দিকে ঝক্কেপ করলেন না রিয়ার অ্যাডমিরাল, ইশারা
করলেন একজন গার্ডকে। এগিয়ে এসে রানার সেলের দরজা
খুলে দিল সে, তারপর পিছিয়ে গিয়ে রাইফেল তাক করল ওর
উপর। নির্দেশ দিল, 'বেরিয়ে আসুন।'

'এখন আবুর কী চান?' রাগী গলায় জানতে চাইল রান্না।

'আমি চাই, ওদেরকে থামাবার কাজে তুমি আমাকে সাহায্য
করবে, মি. রানা,' বললেন নিকোলায়েভ। 'যে-জিনিসকে লুকাবার
জন্য আমার বাবা প্রাণ দিয়েছেন, তা আমি কিছুতেই রাশান বা
আমেরিকান সরকারের হাতে পড়তে দিতে পারি না।'

কয়েক মুহূর্ত নড়ল না রানা, রিয়ার অ্যাডমিরালকে সাহায্য
করবার কোনও ইচ্ছে নেই ওর। ধ্বংস হয়ে যাক লোকটা, খুন
হয়ে যাক... ওর কী? কিন্তু গ্যারি ম্যাসনের কথা ভাবতেই আগুন
জ্বলে উঠল মাথায়। অ্যাবি আর রিচার্ডকে ঠাণ্ডা মাথায় খুন করেছে
পিশাচটা, সেইসঙ্গে খুন করেছে রিসার্চ স্টেশনের সবাইকে। নিজ
হাতে ম্যাসনকে শান্তি দিতে না পারলে মরেও শান্তি পাবে না।

শুভ পিঞ্জর-২

২৬৯

আর তাকে বাগে পাবার একটাই উপায় আছে এখন—হাত
মেলাতে হবে রিয়ার অ্যাডমিরালের সঙ্গে।

কাঁধ ঝাঁকাল রানা। বেশ, তবে তা-ই হোক। এক শয়তানকে
নিকেশ করবার জন্য আপাতত আরেক শয়তানের সঙ্গে জোট
বাঁধবে ও।

‘আপনার প্ল্যানটা আগে জানতে চাই,’ বলল ও অবশ্যে।
‘কী করাতে চাইছেন আমাকে দিয়ে?’

‘সাদা পতাকা নিয়ে যাবে তুমি,’ বললেন নিকোলায়েভ।
‘ডেল্টা ফোর্সের লিডার... মানে যে-লোকটা এখান থেকে জার্নাল
চুরি করেছে... তার সঙ্গে পরিচয় আছে তোমার। ওর সঙ্গে কথা
বলবে তুমি; বুঝিয়ে দেবে, গায়ের জোরে এখানে ঢুকতে চাইলে
কী ঘটতে পারে। সোজা কথায়, ওকে নিরস্ত করবে তুমি।’

‘লোকটা কথা বলার মুডে থাকবে বলে মনে হয় না। আমাকে
দেখামাত্র গুলি করে বসতে পারে। কীভাবে ওকে নিরস্ত করব,
বলতে পারেন?’

‘ও যাতে গুলি না ছোঁড়ে, সে-ব্যবস্থা ও থাকবে।’

‘কী ব্যবস্থা?’

‘এমন কিছু নেবে তুমি, যেটার দিকে গুলি ছোঁড়ার সাহস হবে
না ওর।’

‘মানে?’

ওদের কথাবার্তা শুনে জেগে গেছে সাকি। উঠে বসেছে
বিছানায়। চোখ কচলাচ্ছে। ওর দিকে তাকিয়ে নিকোলায়েভ
বললেন, ‘সাকি যাবে তোমার সঙ্গে।’

চোখের পানি কিছুতেই থামাতে পারছে না অ্যাবি, তারপরেও
জড়নো গলায় পড়ে চলেছে ইগোর নিকোলায়েভের জার্নাল। কী
বলছে কিছুই জানে না, শুধু উচ্চারণ করে চলেছে ইনাক্টিভুট

হৰফে লেখা শব্দগুলো। শুধু জানে, এ-কাজে নিজেকে ব্যস্ত না রাখলে পাগলামি করে বসবে... করে বসবে প্রাণ হারাবার মত কোনও ভুল। এখুনি মরতে চায় না অ্যাবি, অন্তত পিতৃহত্যার প্রতিশোধ না নেয়া পর্যন্ত নয়।

ওর মুখোমুখি এসে বসেছে মেজের উইলসন, শীতল চোখে ওর দিকে তাকিয়ে আছে। মাঝে মাঝে শুধু বিরতি নিচ্ছে বাইরে নজর বোলাবার জন্য। দিগন্তে মিলিয়ে গেছে ড্রিফট স্টেশনের আগুন আৱ ধোঁয়া। চলে আসার আগে একবার ওটার উপর দিয়ে চক্ক দিয়ে এসেছে ওরা, কিন্তু কাউকে জীবন্ত দেখতে পায়নি।

হেডফোনে পাইলটের গলা শুনতে পেয়ে থামল অ্যাবি। ‘আইস স্টেশন ডেড অ্যাহেড!’ রিপোর্ট দেবার ভঙ্গিতে বলল লোকটা।

‘মিসাইল অ্যাটাকের জন্য তৈরি হও,’ নির্দেশ দিল ম্যাসন। ‘অন মাই কমাও।’

মিসাইল অ্যাটাক? পিঠ খাড়া হয়ে গেল অ্যাবির।

‘কো-অর্ডিনেটস্ লকড।’

‘ফায়ার!'

তাড়াতাড়ি জানালা দিয়ে বাইরে উঁকি দিল অ্যাবি। ছউশ্শশ্শ জাতীয় একটা আওয়াজ তুলে ছুটেছে মিসাইল... আইস স্টেশনের এন্ট্রাল থেকে একটু দূরে, গিরিখাতের ভিতরে গিয়ে আঘাত হানল। লাফ দিয়ে উঠে এল আগুনের গোলা; বরফ, পাথর আৱ কমলা রঙের তাঁবুর খণ্ড-বিখণ্ড অংশ ছিটকে গেল চারদিকে। জায়গাটা চিনতে পারল অ্যাবি, ওখান থেকেই রকেট হামলা চালাচ্ছিল রাশানরা... একটা তাঁবুর ভিতর থেকে। মিসাইল ছুঁড়ে ঘাতকদের নিকেশ কৱল ম্যাসন, যাতে কপ্টার নিরাপদে ল্যাও করতে পারে।

ধীরে ধীরে নামতে শুরু কৱল সি-হক। রোটরওঅশে তুষারের শুভ পিঞ্জর-২

ঘূর্ণি উঠল নীচের আইসফিল্ড থেকে ।

‘টিম ওয়ান, মুভ!’ চেঁচিয়ে উঠল মেজর উইলসন ওরফে
ডেল্টা ওয়ান ।

ঝাটপট খুলে গেল কপ্টারের একপাশের দরজা । পাগলা
হাওয়া ঢুকে পড়ল কেবিনের ভিতরে । যেন কামড় বসাল অ্যাবির
উন্নুক্ত চামড়ায় । ইতিমধ্যে কয়েকটা দড়ি ফেলা হয়েছে নীচে,
ওগুলোর সাহায্যে র্যাপলিং করে নেমে গেল ছ’জন সৈনিক ।

‘টিম টু!’ আবার চেঁচাল ডেল্টা ওয়ান ।

এবার অ্যাবির পাশের দরজা খুলে গেল, ক্রসউইগ হামলে
পড়ল ওর গায়ে । আরেকটু হলে উড়ে চলে যাচ্ছিল জার্নালটা,
তাড়াতাড়ি বুকের সঙ্গে ওটাকে জাপটে ধরল ও । অ্যাবিকে
ঠেলাধাক্কা দিয়ে এপাশ দিয়েও নামতে শুরু করল সৈনিকরা ।
শেষে রয়ে গেল মাত্র তিনজন—ডেল্টা ওয়ান এবং দু’জন গানার ।

‘সাইড গান অপারেট করো!’ চেঁচিয়ে দুই গানারকে নির্দেশ
দিল মেজর উইলসন ।

ঝাটপট পজিশন নিল লোকদুটো । ফিউজেলাজের দু’পাশে,
বাইরের দিকে মুখ করে বসানো হয়েছে দুটো বড়সড় হাই
ক্যালিবারের কামান, পা ঝুলিয়ে ওগুলোর পিছনে বসল তারা ।

একটু সামনে ঝুঁকে বাইরে উঁকি দিল অ্যাবি । রকেট
বিস্ফোরণের ধোঁয়া সরে যেতে শুরু করেছে, পরিষ্কার হয়ে উঠল
আইসফিল্ড । নেমে যাওয়া সৈনিকদের দেখতে পেল ও,
শৃঙ্খলাবদ্ধভাবে একজোট হয়েছে, তারপর উপুড় হয়ে শুয়ে
পড়েছে বরফের উপর ।

‘ফায়ার!’ চিন্কার করল ডেল্টা ওয়ান ।

একসঙ্গে গর্জে উঠল সবক’টা আগ্নেয়ান্ত্র, ওগুলোর টার্গেটের
দিকে চোখ ঘোরাল অ্যাবি । নিঃসঙ্গ এক রাশান সৈনিক, আড়াল
থেকে বেরিয়ে ছুট লাগিয়েছিল এন্ট্রান্সের দিকে, কিন্তু বুলেটের

অবোর ধারা ছিন্নাভন্ন করে ফেলল তাকে।

‘আরেকটু নীচে নামো,’ রেডিওতে পাইলটকে নির্দেশ দিল
মেজর উইলসন।

সরাসরি নয়, একটু পিছিয়ে গিয়ে নামতে শুরু করল সি-হক,
যাতে এন্ট্রান্স আর হেলিকপ্টারের মাঝামাঝি থাকে ডেল্টা ফোর্সের
সদস্যরা। বিপদ দেখা দিলে ওরা হেলিকপ্টারকে রক্ষা করবে।
ইতিমধ্যে তারা এগোতে শুরু করেছে এন্ট্রান্সের দিকে।

‘রিপোর্ট পাঠাচ্ছে আমার লোকেরা,’ খানিক পরে রেডিওতে
বলল উইলসন। ‘সারফেস আমাদের দখলে, তবে এন্ট্রান্সে কড়া
প্রতিরোধ গড়েছে রাশানরা।’

‘ল্যাণ্ড করা কি নিরাপদ?’ জিজ্ঞেস করল ম্যাসন।

‘আশা করি। স্টেশন পুরোপুরি দখল না হওয়া পর্যন্ত ভেসে
থাকতে পারলে ভাল হতো, কিন্তু আমাদের ফিউয়েলের স্টক
সীমিত। বেশিক্ষণ ফ্লাই করলে পরে আলাক্ষ্য ফিরতে পারব না;
ল্যাণ্ড করাই ভাল।’

‘তা হলে ল্যাণ্ড করো।’

‘এক মিনিট, স্যর।’ বলে ইয়ারফোন কানে চেপে ধরল
উইলসন। থ্রোট মাইকে নিচু গলায় কথা বলল অপরপক্ষের সঙ্গে।
তারপর জানাল, ‘নতুন রিপোর্ট, স্যর। এন্ট্রান্সে মুভমেন্ট লক্ষ্য
করেছে গ্রাউণ্ড টিম। সাদা পতাকা তুলে বেরিয়ে আসছে একটা
লোক।’

‘কী!’, বিস্ময় প্রকাশ করল ম্যাসন। ‘এত তাড়াতাড়ি?’

মুখ ঘুরিয়ে নেয়া হলো হেলিকপ্টারের। খোলা দরজা এখন
স্টেশনের এন্ট্রান্সের মুখোমুখি। ওদিকে তাকাতেই নিঃসঙ্গ একজন
নানুষকে দাঁড়িয়ে থাকতে দেখল অ্যাবি, সঙ্গে সঙ্গে ধক করে উঠল
হংপও। পরনের পারকাটা চিনতে পেরেছে, চিনতে পেরেছে
দাঁড়িয়ে থাকার ভঙ্গিটাও।

‘ওই তো, রানা!’ প্রায় চেঁচিয়ে উঠল ও।

‘আপনি শিয়োর?’ সন্দিহান গলায় জানতে চাইল ম্যাসন।

‘হ্যাঁ। কোনও সন্দেহ নেই।’

‘স্যর!’ বলল উইলসন। ‘একটা বাচ্চা ছেলেও আছে
লোকটার সঙ্গে।’

ভুরু কুঁচকে ভাল করে তাকাল অ্যাবি। হ্যাঁ, তা-ই তো! ছোট
একটা বাচ্চা লুকিয়ে আছে রানার পিছনে। মাঝে মাঝে ভয়ার্ট
ভঙ্গিতে উকি দিচ্ছে মাথা বের করে। আগে ওকে খেয়াল করেনি
অ্যাবি। অবাক হলো—এই যুদ্ধের ময়দানে ওই বাচ্চা এল
কোথেকে?

‘ল্যাও করো!’ পাইলটকে নির্দেশ দিল ম্যাসন।

একটু দুলে উঠে নামতে শুরু করল হেলিকপ্টার।

সতর্ক করে দেবার সুরে উইলসন বলল, ‘ব্যাপারটা বুঝে
নেবার আগ পর্যন্ত এয়ারবোর্ন থাকলে বোধহয় ভাল হয়, স্যর।’

‘তার কোনও প্রয়োজন নেই,’ ম্যাসন বলল। ‘দৃত হিসেবে
মি. রানাকে পাঠিয়েছে রিয়ার অ্যাডমিরাল। দেখা যাক কী বলার
আছে তার। হয়তো ওকে আমাদের কাজেও লাগানো যাবে।’

চরম দুঃখকষ্টের মাঝেও ছোট একটুখানি আশা জুলে উঠল
অ্যাবির মনের গহীনে। অবশ্যে দেখা হতে চলেছে ওর
সত্যিকারের বন্ধুর সঙ্গে! ওকে দেখলেই অস্তুত একটা সাহস
অনুভব করে ও।

আইসফিল্ড স্পর্শ করল কপ্টারের স্কিড। চারদিকে তুষার
উড়তে শুরু করেছে, রোটরের গতি কমাল পাইলট। তার উদ্দেশে
উইলসন বলল, ‘ইঞ্জিন বন্ধ কোরো ন। কামেলা দেখা দিলে
মুহূর্তের নোটিশে টেকঅফ করতে হবে আমাদেরকে।’

‘ঠিক আছে, মেজর।’

ককপিট থেকে মেইন কেবিনে চলে এল ম্যাসন। উইলসনকে

‘আর আপনি?’ জিজ্ঞেস করল উইলসন।

‘আমি রানার সঙ্গে দেখা করতে যাচ্ছি। যথেষ্ট তেলেসমাতি দেখিয়েছেন ভদ্রলোক গতকাল থেকে। আমাদের প্রাণ বাঁচিয়েছেন কয়েকবার। দেখা যাক, এখন আর কী করতে পারেন উনি।’ অ্যাবির দিকে ফিরল ম্যাসন। ‘আপনিও এখানে থাকলে ভাল হয়।’

‘অসম্ভব!’ জোর গলায় প্রতিবাদ জানাল অ্যাবি। ‘রানা ওখানে আর আমি এখানে? কিছুতেই তা হবার নয়।’ সিটের হারনেস খুলে ফেলল ও।

দীর্ঘশ্বাস ফেলে কাঁধ ঝাঁকাল ম্যাসন। তারপর নেমে গেল হেলিকপ্টার থেকে। ওর পিছু পিছু নামল অ্যাবি। একটু কুঁজো হয়ে রোটরের সীমানা পেরুল ওরা, তারপরেই ওদেরকে অভ্যর্থনা জানাল ডেল্টা ফোর্সের তিন সৈনিক। এসকট করে নিয়ে চলল সামনে।

আশপাশে নজর বোলাল অ্যাবি। এন্ট্রাস থেকে ত্রিশ গজ দূরে অন্তর্হাতে পজিশন নিয়েছে ডেল্টা ফোর্সের গ্রাউণ্ড টিম। তাদের অন্ত্রের মুখে স্থির হয়ে দাঁড়িয়ে আছে রানা, হাতে একটা ছোট্ট সাদা পতাকা। ছুটে গিয়ে ওর বুকে ঝাঁপিয়ে পড়বার ইচ্ছেটা বহু কষ্টে দমন করল অ্যাবি।

পিছনে দাঁড়ানো বাচ্চাটা নড়ে উঠল। তার সামনে হাঁটু গেড়ে বসল রানা, কী যেন বলল নিচু স্বরে। বাচ্চাটা দু'হাতে জড়িয়ে ধরল ওকে। বড়দের একটা পারকা পরানো হয়েছে তাকে—গ্রেটকোটের মত ঝুল গিয়ে মিশেছে বরফে। লম্বা হাতাদুটো গুটিয়ে দেয়া হয়েছে কবজি পর্যন্ত। অন্তুত দেখাচ্ছে খুব :

কাছে যেতেই বাচ্চাটার চেহারা দেখতে পেল অ্যাবি। সঙ্গে
সঙ্গে হ হ করে উঠল বুক। ওর মৃত ছেলের সঙ্গে মিল আছে
চেহারায়। বয়সও এমনই ছিল মারা যাওয়ার সময়। মাতৃস্নেহ
উথলে উঠল ওর বুকের ভিতর। চোখ বড় বড় করে তাকিয়ে
আছে ছেলেটা। চেহারায় আতঙ্ক। নিশ্চয়ই গোলাগুলির আওয়াজে
ভয় পেয়ে গেছে।

‘মি. রানা!’ কাছে গিয়ে বলে উঠল ম্যাসন। ‘হোয়াট আ
প্রেয়াণ্ট সারপ্রাইয়!

ঘাড় ফিরিয়ে তাকাল রানা। বিস্ময় আর স্বন্দি ফুটল অ্যাবিকে
জীবিত দেখতে পেয়ে। ধীরে ধীরে উঠে দাঁড়াল ও। এবার শীতল
চোখে মাপল সিআইএ এজেন্ট আর দু'পাশে দাঁড়ানো
এসকর্টদেরকে। বাঁকা গলায় বলল, ‘হ্যালো, গ্যারি! এ-ই তা হলে
তোমার সত্যিকার চেহারা?’

হাসল ম্যাসন। ‘আপনি কি এখনও রেগে আছেন আমার
ওপর? কাম অন... অন্তত আপনি তো কাভারের গুরুত্ব বোঝেন!

তার কথায় কান দিল না রানা, তাকাল অ্যাবির দিকে। ‘তুমি
ঠিক আছ, অ্যাবি?’

নিজেকে আর নিয়ন্ত্রণে রাখতে পারল না অ্যাবি। ছুটে গিয়ে
জড়িয়ে ধরল রানাকে। চোখ ভরে এল পানিতে। জড়ানো গলায়
বলল, ‘রানা... আমার বাবা...’

পাল্টা আলিঙ্গন করল রানা। ফিসফিস করে বলল, ‘শান্ত
হও। আমি সব জানি। কী ঘটেছে... আর কে এর জন্য দায়ী...
স-অ-ব! নিশ্চিত থাকো, ওদেরকে এর মূল্য চুকাতে হবে।’

‘আপনাদের পুনর্মিলনে বাধা দিতে হচ্ছে বলে দৃঢ়খিত,
বেরসিকের মত বলল ম্যাসন। ‘কিন্তু আপনার হাতে সাদা পতাকা
কেন, মি. রানা, জানতে পারি?’

অ্যাবিকে ছেড়ে দিয়ে তার দিকে তাকাল রানা। ‘রিয়ার

www.facebook.com/banglabookpdf আমাকে। একটা মেসেজ দিয়ে।'

'কী মেসেজ?'

'রক্তপাত এড়াতে চান তিনি। সন্ধি করতে চান। ওঁর ভাষায়, দু'পক্ষই আধা-মিরাকল নিয়ে বসে আছে। আপনার কাছে আছে টেকনিক্যাল নোট, আর তাঁর কাছে আছে স্যাম্পলগুলো। একটা ছাড়া অন্যটা অসম্পূর্ণ।'

'কী করে বুঝাব লোকটা ধান্ধা দিচ্ছে না?'

'প্রমাণ নিয়ে এসেছি আমি।' একটু সরে গিয়ে সাকিকে দেখতে দিল রানা।

'কে ও?' বিস্মিত গলায় জানতে চাইল অ্যাবি।

'ওর নাম সাকি,' বলল রানা। 'বিশ্বাস করবেন কি না জানি না, ওর বয়স আমার বা আপনার চেয়ে বেশি।'

'ঠিক বুঝলাম না,' জ্ঞানুষ্ঠি করে বলল ম্যাসন।

'ভাল করে তাকিয়ে দেখুন, একে চেনেন আপনি—প্রিজার্ভেশন ট্যাঙ্কে দেখেছেন—যেটা চালু ছিল। সাসপেণ্ডেড অ্যানিমেশনে ছিল ও, আবার প্রাণ ফিরে পেয়েছে।'

'মাই গড়!' বিস্ময় ফুটল ম্যাসনের চোখের তারায়। 'এটা ওই ছেলেটা? তারমানে সেরামটা সত্যিই কাজ করে?'

'সেটা তো নিজ চোখেই দেখতে পাচ্ছেন। কিন্তু জেনে রাখুন, সেরামের স্যাম্পলগুলো এখন রিয়ার অ্যাডমিরালের হাতে। নীচের একটা গোপন ভল্টে রাখা আছে সব। আপনারা যদি জোর করে আইস স্টেশনে তুকবার চেষ্টা করেন, স্যাম্পলগুলো নষ্ট করে দেবেন উনি।'

হৃষকি শুনে একটু ক্রুদ্ধ হলো ম্যাসন। 'কী চায় লোকটা?'

'বলেছি তো, সন্ধি।'

'কীভাবে? কী ধরনের সন্ধি?'

‘সেটা আপনারা নিজেরাই আলাপ করে ঠিক করবেন। যদি রাজি থাকেন, নিজের লোকজনকে এক নম্বর লেভেল থেকে সরিয়ে নেবেন রিয়ার অ্যাডমিরাল, ওখানেই হবে আলোচনা। পাঁচজন লোক নিয়ে ওখানে যেতে পারবেন আপনি। অস্ত্রও নিতে পারবেন। কিন্তু যদি আলোচনার নামে ওঁকে ফাঁদে ফেলার বা খুন করার চেষ্টা করেন, নীচের লোকজনকে নির্দেশ দেয়া থাকবে, স্যাম্পলগুলো গ্রেনেড ফাটিয়ে ধ্বংস করে দেবে তারা।’

ঠেঁটি কামড়াল ম্যাসন। ভাল চাল দিয়েছে রাশান সমরনাথক, কোনও সন্দেহ নেই।

‘আমার মনে হয় রাজি হয়ে যাওয়াই ভাল,’ যোগ করল রানা। ‘তেমন কোনও বিকল্প তো দেখতে পাচ্ছ না। হয় শয়তানের সঙ্গে হাত মেলান, নয়তো খালি হাতে ফিরে যান এখান থেকে।’

নিচু গলায় গাল দিয়ে উঠল ম্যাসন। কোনও জবাব না দিয়ে একটু দূরে সরে গেল। পারকার কলারে লুকানো রেডিও-র সাহায্যে কথা বলতে শুরু করল ডেল্টা ওয়ানের সঙ্গে।

‘ডেল্টা ফোর্সের টিম লিডারের সঙ্গে পরামর্শ করছে,’ বলল অ্যাবি। ‘চোরাই জার্নাল-সঁহ হেলিকপ্টারে বসে আছে লোকটা। কিন্তু এই সন্ধির ব্যাপারটা কী? ওদের মধ্যে কাউকে কি বিশ্বাস করা যায়?’

‘তোমাকে ছাড়া এ-মুহূর্তে আর কাউকেই বিশ্বাস করি না আমি,’ শান্ত গলায় বলল রানা।

ওর হাত মুঠো করে ধরল অ্যাবি। ‘তারমানে বাঁচার কোনও সুযোগ নেই আমাদের?’

একটু হাসল রানা। ‘কে বলেছে নেই? ভয় পেয়ো না, আমরা এখনও বেঁচে আছি।’ আশ্বাসটা নিজের কানেই কেমন যেন ফাঁপা শোনাল। সন্দেহ নেই, ঘোরতর বিপদের মধ্যে রয়েছে ওরা।

একটু পর ফিরে এল ম্যাসন। বলল, ‘আপনার কথাই ঠিক, মি. রানা। রাশান বাস্টার্টার প্রস্তাবে সাড়া দেয়া ছাড়া আর কোনও পথ নেই আমাদের সামনে।’

তিনজন এসকট সঙ্গেই আছে, আরও দু'জনকে ‘হাতছানি দিয়ে ডাকল সে।

‘একজন বেশি হয়ে যাচ্ছে আপনার,’ বলল রানা।

‘কোথায়?’ অবাক হলো ম্যাসন। ‘পাঁচজনই তো নিছি।’

‘অ্যাবি যাচ্ছে আমাদের সঙ্গে,’ শান্ত গলায় জানিয়ে দিল রানা। ‘ওকে এখানে রেখে নড়ছি না আমি। একটা অস্ত্রও চাই ওর।’

‘দেখুন, মি. রানা...’ প্রতিবাদ করতে গেল ম্যাসন।

‘হয় ও যাবে, নয়তো আমি যাব না,’ কড়া গলায় বলল রানা। ‘আর আমি যদি না ফিরি, ভল্ট ধ্বংস করে দেবেন রিয়ার অ্যাডমিরাল। তেমনটাই বলে দিয়েছেন।’

থম মেরে গেল ম্যাসন। ‘বেশ, জোরাজুরি করব না। কিন্তু মিস ম্যানিটক বাইরে থাকলেই বেশি নিরাপদ থাকতেন।’

‘সেটা আমাকে বুঝতে দিন। পিস্তল, প্লিজ।’

ম্যাসনের ইশারা পেয়ে অ্যাবির হাতে একটা নাইন মিলিমিটারের অটোমেটিক তুলে দিল এক সৈনিক। অস্ত্রটা হাতে পেয়ে এক মুহূর্তের জন্য থমকে গেল অ্যাবি। ম্যাসনকে গুলি করবে কি না ভাবছে। বাহুতে চাপ দিয়ে ওকে নিরস্ত করল রানা।

‘চলুন, এগোনো যাক,’ বলল ম্যাসন।

মাথা ঝাঁকিয়ে উল্টো ঘুরল রানা। সাকিকে কোলে তুলে নিল, তারপর এগোতে শুরু করল এন্ট্রান্সের দিকে। ওদেরকে রওনা শুন্ন পিঞ্জর-২

হতে দেখে সরে গেল রাশান সৈনিকেরা, নিরাপদেই টানেলে তুকতে পারল ছোট দলটা। লম্বা কদম ফেলে পৌছে গেল এক নম্বর লেভেলের প্রবেশপথে। স্টেশনের গরম বাতাস যেন অভ্যর্থনা জানাল নবাগতদের।

নির্বিকার ভঙ্গিতে হাঁটলেও মনে মনে শক্তি রানা। রিয়ার অ্যাডমিরাল নিকোলায়েভ কী প্ল্যান এঁটেছেন, তা জানা নেই ওর। ওকে শুধু দায়িত্ব দেয়া হয়েছে ম্যাসনকে এক নম্বর লেভেলে নিয়ে আসার, বাকিটা তিনি নিজেই সামলাবেন বলে জানিয়ে দিয়েছেন। কৌশলটা যে রক্তপাতহীন হবে না, সে তো বোঝাই যায়। একা থাকলে দুশ্চিন্তা করত না রানা, কিন্তু এখন অ্যাবি আছে ওর সঙ্গে। ছোট সাকির কথাও ভাবতে হচ্ছে।

প্রবেশপথ পেরিয়ে এক নম্বর লেভেলের সেগ্রাল এরিয়ায় পা রাখল দলটা। ইতিমধ্যে মেরামত করে নেয়া হয়েছে নষ্ট ফিউজ, সবগুলো বাতি জুলছে উজ্জ্বলভাবে। আশপাশে সৈনিকদের কাউকে দেখা গেল না, শুধু গ্রেনেড বিস্ফোরণে নিহতদের লাশ স্তূপ করে রাখা হয়েছে একপাশে। রাশান পক্ষের একজনই শুধু হাজির—রিয়ার অ্যাডমিরাল নিকোলায়েভ। স্টেয়ারকেসের পাশে, এলিভেটরের সামনে দাঁড়িয়ে আছেন তিনি। এলিভেটরের দরজা খোলা, নিকোলায়েভের একটা পা ওটার ভিতরে; চাইলেই চট করে ঢুকে যেতে পারবেন। আরেকটা জিনিস দেখা গেল ওখানে—টাইটেনিয়ামের একটা গোলক... অক্ষের জায়গাটায় মিটমিট করছে এক সারি নীল বাতি। চেহারাই বলে দিচ্ছে—ওটা একটা বোমা। পাঁচ নম্বর লেভেল থেকে এলিভেটরে করে ওটা উপরে নিয়ে এসেছেন তিনি।

শঙ্কা বেড়ে গেল রানার। যা ভেবেছিল, তার চেয়েও খারাপ আকার ধারণ করছে পরিস্থিতি। কী করতে চাইছেন নিকোলায়েভ?

‘স্বাগতম!’ গমগম করে উঠল রিয়ার অ্যাডমিরালের গলা।

দাঁড়িয়ে পড়ল দলটা : সামনে এগিয়ে ম্যাসন বলল, ‘আপনি নিশ্চয়ই রিয়ার অ্যাডমিরাল নিকোলায়েভ? নাইস টু সি ইউ।’

‘আর তুমি নিশ্চয়ই ডেল্টা ফোর্সের কমাণ্ডার? নাম জানি না বলে অভ্যর্থনা জানাতে পারছি না।’

‘গ্যারি ম্যাসন... অ্যাট ইয়োর সার্ভিস।’ একটু বাউ করে বলল সিআইএ এজেন্ট।

পরমুহূর্তে শোনা গেল ভারী পদশব্দ। এন্ট্রান্সের দিক থেকে দৌড়ে ভিতরে প্রবেশ করল আরও পাঁচজন ডেল্টা ফোর্সের সৈনিক। সবার অন্ত তাক হয়ে গেল রিয়ার অ্যাডমিরালের দিকে। সোজা হয়ে কূর হাসি হাসল ম্যাসন। বোৰা গেল, নিকোলায়েভের হৃষ্কিটাকে মোটেই পাত্তা দেয়নি সে।

‘মিশনের বারোটা বাজাতে চলেছ তুমি,’ শীতল গলায় বললেন নিকোলায়েভ। ‘আমার কিছু হয়ে গেলে স্যাম্পলগুলো নষ্ট করে দেবে আমার লোকেরা।’

‘গোল্লায় যাক স্যাম্পল! ’ খ্যাপাটে গলায় বলল ম্যাসন। ইতিমধ্যে সাকিকে কোল থেকে নামিয়ে দিয়েছে রানা, এক টানে বাচ্চাটাকে নিয়ে এল নিজের কাছে। ‘একেই শুধু চাই আমার—এই রিসার্চ সাবজেক্টকে। আসার পথে আপনার বাবার জার্নাল অনুবাদ করেছি আমরা। ওখানে বলা আছে, রিভাইভড স্পেসিমেনের শরীরে এক সপ্তাহ পর্যন্ত অ্যাকটিভ থাকে হরমোনটা। বুঝতেই পারছেন, এই ছেলের শরীর থেকে সহজেই সেটা ডিস্ট্রিবিউ করে নিতে পারব আমরা। যা নিয়ে দর কষাকষি করতে এসেছেন, তা মূল্যহীন। তারপরেও একটা সুযোগ দিচ্ছি আপনাকে। স্যাম্পলগুলোর বিনিময়ে আপনার প্রাণ। তবে এই অফারের আয়ু মাত্র এক মিনিট। এর মধ্যেই সিন্ধান্ত জানাতে হবে আপনাকে।’

‘তোমার উদারতার জন্য ধন্যবাদ,’ মীরস গলায় বললেন শুভ পিঞ্জর-২

নিকোলায়েড। 'তবে ওই এক মিনিটের প্রয়োজন নেই আমার।'

পরক্ষণে শোনা গেল বিকট বিশ্ফোরণের আওয়াজ। কেঁপে উঠল পায়ের তলার মেঝে। ধোঁয়ায় ভরে গেল চারপাশ। ছাত থেকে নেমে এল ভাঙা কংক্রিটের ঢল। অ্যাবিকে জাপটে ধরে ঝাপ দিল রানা, মেঝেতে পড়েই কয়েক গড়ান দিয়ে সরে এল দূরে। ঢলের বুক কাঁপানো আওয়াজ করে এলে মাথা তুলে তাকাল চারপাশে।

আইস স্টেশনের প্রবেশপথ অদৃশ্য হয়ে গেছে, টানেল ধসে বুজে গেছে জায়গাটা। শুধু তা-ই নয়, ছাতেরও অনেকখানি জায়গা ভেঙেচুরে নেমে এসেছে নীচে। নিচয়ই হাই পাওয়ারের এক্সপ্লোসিভ বসিয়েছিল রাশানরা। বেইসের ভিতরে আটকে ফেলেছে সবাইকে।

ককাতে ককাতে উঠতে শুরু করল ডেল্টা ফোর্সের সদস্যরা। কমবেশি আহত হয়েছে সবাই। দু'জন সৈনিক অঙ্কা পেয়েছে কংক্রিটের তলায় চাপা পড়ে। ম্যাসনের কপাল কেটে গেছে। উঠে বসে ফ্যাল ফ্যাল করে চারপাশে তাকাচ্ছে। সৌভাগ্যক্রমে কিছু হয়নি সাকির। তবে ঘাবড়ে গেছে বাচ্চাটা, হামাগুড়ি দিয়ে চলে এল রানা আর অ্যাবির কাছে।

রিয়ার অ্যাডমিরালের খোঁজে চোখ বোলাল রানা, কিন্তু দেখতে পেল না তাঁকে। বুবি ট্র্যাপের বোমাগুলো ফাটিয়েই নীচে নেমে গেছেন সিঁড়ি ধরে। এলিভেটরটা এখনও থমকে আছে আগের জায়গায়। মিটমিট করছে টাইটেনিয়ামের গোলকের নীল আলো।

'শুয়োরের বাচ্চা!' গাল দিয়ে উঠল ম্যাসন। 'ওকে আমি ছাড়ব না।' সৈনিকদের দিকে তাকাল সে। 'অ্যাই, দাঁড়িয়ে দাঁড়িয়ে দেখছ কী? হামলা শুরু করো!'

খ্যাপা সিআইএ এজেন্টের দিকে তাকাল রানা, তারপর

তাকাল সিঁড়ির দিকে। দাঘশাস বোরয়ে এল ওর বুক চিরে।
দু'দুটো উন্মাদের কবলে পড়েছে ওরা, কেউ কারও চেয়ে কম
নয়।

এর পরিণতি কিছুতেই ভাল হতে পারে না।

ছাবিশ

পোলার সেণ্টিনেলের নোজ সেকশনে, ক্যাপ্টেন গরডনের পাশে
বসে আছে শ্যারন—দু'জনেই গভীর মনোযোগে তাকিয়ে আছে
ডিপআই সোনারের মনিটরের দিকে। বেশ কিছু বিজ্ঞানী আর
নাবিক ডিড় জমিয়েছে ওদের পিছনে, উঁকি-রুঁকি মেরে দেখতে
চাইছে সোনারের ইমেজ। ব্যর্থ হলে স্বচ্ছ দেয়াল ভেদ করে
তাকাছে বাইরে, যেন তাতেই কৌতুহল নিবৃত্ত হবে।

একহাতে শ্যারনকে জড়িয়ে ধরে রেখেছেন গরডন, যেন
ছাড়লেই আবার হারিয়ে যাবে ও। শ্যারন আপত্তি করেনি।
ক্যাপ্টেনের ইস্পাতকঠিন বাহুবন্ধনে নিজেকে অনেক বেশি
নিরাপদ মনে হচ্ছে ওর।

আধঘণ্টা আগে, ওমেগা স্টেশনে সম্পূর্ণ ভিন্ন অবস্থায় ছিল
ও। ডেল্টা ফোর্সের মতলব নিয়ে শক্তি হয়ে পড়েছিল, তার সঙ্গে
যোগ হয়েছিল আল্ট্রাসোনিকস্ শব্দতরঙ্গ... গ্রেণেলদের হামলার
পূর্ব-সক্ষেত। ভয়ে মাথা খারাপ হবার দশা হয়েছিল ওর। কিন্তু
আসলে ওটা গ্রেণেলদের সক্ষেত ছিল না, ছিল ডিপআই

শুভ পিঞ্জর-২

২৪৩

সোনারের। ওই শব্দতরঙ্গের সাহায্যে ড্রিফট স্টেশনের ভিতরের পরিস্থিতি মনিটর করছিল পোলার সেণ্টিনেল।

ওই সঙ্কেত পাবার কয়েক মিনিট পরেই সবাইকে অবাক করে দিয়ে ব্যারাকে হাজির হন ক্যাপ্টেন গরডন, দলবল নিয়ে। সাবমেরিন নিয়ে ফিরে এসেছিলেন তিনি, ড্রিফট স্টেশনের সবাইকে উদ্ধার করবার জন্য। পলিনিয়ায় সারফেস করেননি সাবমেরিনকে, করেছেন স্টেশনের ওশনোগ্রাফি সেন্টারে। গবেষণার সুবিধার্থে ওখানে বরফ খুঁড়ে ছোট আরেকটা জলাশয় বানিয়ে রেখেছিল বিজ্ঞানীরা, সেটাই ব্যবহার করেন তিনি। নিঃশব্দে ভেসে ওঠেন জেমসওয়ে হাটের ভিতরে। শব্দ শোনেনি কেউ, কোনিং টাওয়ারও দৃষ্টির আড়ালে থাকায় তাঁদের উপস্থিতি ফাঁস হয়নি। ডেল্টা ফোর্সকে কেন যেন বিশ্বাস করতে পারেননি ক্যাপ্টেন, সেজন্যেই এই সতর্কতা।

সেই সতর্কতার ফল মিলেছে। ডেল্টা ফোর্সের হেলিকপ্টার টেকঅফ করার পর পরই সবাইকে সেণ্টিনেলে নিয়ে আসেন গরডন। ডাইভ দেন। আর তার একটু পরেই বিস্ফোরিত হয় রাশানদের ইনসেগ্নিয়ারি ডিভাইসগুলো। এরপর আর ডেল্টা ফোর্সের উদ্দেশ্য নিয়ে কোনও সন্দেহ থাকে না। ওরা এখানে এসেছে সবাইকে খতম করবার জন্য!

এখন আবার চলছে নিঃশব্দ নজরদারির কাজ। সুযোগ খুঁজছেন ক্যাপ্টেন গরডন আইস স্টেশন গ্রেণেল থেকে বাকি বন্দিদের উদ্ধার করে আনবার। চালু করা হয়েছে ডিপআই সোনার, এক্স-রে ইমেজের আদলে বরফ-ঘাঁটির ভিতরের দৃশ্য ফুটে উঠছে পর্দায়। ওখানে বিশাল এক বিস্ফোরণ প্রত্যক্ষ করেছে ওরা কিছুক্ষণ আগে।

শ্যারনের বাহুতে চাপ দিলেন গরডন। ও মুখ ঘোরালে বললেন, ‘পরিস্থিতি খুব গুরুতর মনে হচ্ছে। কীভাবে সাহায্য করা

সম্ভব বুঝতে পারছি না। মনে তো হচ্ছে পুরো এন্ট্রান্সটাই ধসে
পড়েছে। ভিতরে আটকা পড়ে গেছে ওরা।'

'না! এভাবে হাল ছাড়বেন না আপনারা!' শ্যারন মুখ খোলার
আগেই পিছন থেকে বলে উঠলেন রিচার্ড ম্যানিটক। এগিয়ে এসে
মনিটরের একটা অবয়বের উপর আঙুল রাখলেন। 'ওটা অ্যাবি...
আমার মেয়ে। এখনও বেঁচে আছে ও!'

'কীভাবে চিনলেন?' বিশ্মিত হয়ে জানতে চাইল শ্যারন।

'বিশ বছর বয়সে পা ভেঙে গিয়েছিল ওর, ডাক্তাররা
অ্যালুমিনিয়ামের পাত লাগিয়ে জোড়া দিয়েছেন। ওই তো, দেখা
যাচ্ছে পাতটা।' আঙুল দিয়ে দেখালেন রিচার্ড।

ভাল করে দেখল শ্যারন। বোধহয় ঠিকই বলছেন বৃদ্ধ
ইন্দুইট। শরীরের মাংস ব্য হাড়ের চেয়ে অ্যালুমিনিয়ামের ঘনত্ব
অনেক বেশি, বেশ স্পষ্ট দেখা যাচ্ছে ওটা। অ্যাবি ছাড়া আর কে?
রানার কথা ভাবল। দুঃসাহসী ওই বাঙালি যুবকও কি আছে
অ্যাবির সঙ্গে? শ্যারনের প্রাণ বাঁচিয়েছে রানা, কৃতজ্ঞ হয়ে আছে
সে ওই দুঃসাহসী যুবকের প্রতি। কোনওভাবে সাহায্য করতে
পারলে কৃতার্থ হবে। কিন্তু জানে না কীভাবে কী করবে।

ভাবনাটা শেষ হবার আগেই উজ্জ্বল হয়ে উঠল ক্রিন।
স্টেশনের মিড-লেভেলে বিশাল একটা আলোর ঝলকানি ফুটে
উঠেছে। সম্ভবত সিঁড়ি দিয়ে প্রেনেড ফেলা হয়েছে নীচে। উপরে
ছোট ছোট আরও কিছু হলদে দাগ ফুটল। অগ্নিবর্ষণ করছে
সৈনিকদের হাতের অস্ত্র।

একটু পরেই সিঁড়ি ধরে নামতে শুরু করল ডেল্টা ফোর্স। গুলি
ছুঁড়ছে ক্রমাগত—সাথেসিভ ফায়ার, যাতে কেউ কাছে ঘেঁষতে না
পারে ওদের।

যুদ্ধ বেঁধে গেছে পুরোদমে।

আবারও একটা গ্রেনেড ফাটল, অ্যাবির পায়ের তলায় কেঁপে উঠল মেঝে। সাকিকে দু'হাতে জড়িয়ে ধরেছে ও, চেষ্টা করছে নিজের শরীরকে বর্ম বানিয়ে শিশুটিকে রক্ষা করতে। ভয় পেয়ে চিংকার করছে সাকি, কাঁদছে। সেই কান্না শুনে অ্যাবির ভিতরে জেগে উঠেছে মাতৃ-প্রবৃত্তি, মনে হচ্ছে যেন বাচ্চাটা ওরই সেই হারানো সন্তান। www.banglabookpdf.blogspot.com

ওদের ঠিক পাশেই আছে রানা। মেঝে থেকে একটা রাইফেল কুড়িয়ে নিয়েছে ও, সেটা হাতে নিয়ে হাঁটু গেড়ে বসে আছে, তৈরি। কেউ হামলা চালাবার চেষ্টা করলেই গুলি ছুঁড়বে—তা সে আমেরিকান বা রাশান, যে-ই হোক না কেন।

সিঁড়ির ফোকর দিয়ে ভেসে আসছে চেঁচামেচি আর হুক্কার। সেই সঙ্গে আসছে ঘন কালো ধোয়া। নিশ্চয়ই কোথাও আগুন ধরে গেছে। বেইস্টা স্টিল আর কংক্রিটের তৈরি হলেও ইনসুলেশনের জন্য তুলো, খড়, ইত্যাদি দাহ্য পদার্থ ব্যবহার করা হয়েছে। ধোয়ার চেহারা দেখে বুঝতে কষ্ট হলো না, আগুন ধরেছে সেই ইনসুলেশনেই।

পুড়তে শুরু করেছে আইস স্টেশন গ্রেণেল।

ম্যাসন যে পাগলামি করছে, তাতে কোনও সন্দেহ নেই। বেইসের দখল নিয়েই বা কী লাভ হবে তার? এখানে তো কবর হয়ে গেছে ওদের। তার উপর আছে টাইটেনিয়ামের অদ্ভুত গোলক... মানে ওই বোমাটা। দলের একজনকে ওটা ডি-অ্যাকটিভেট করবার জন্য পাঠিয়েছে ম্যাসন, কিন্তু লোকটার চেহারা দেখে বোঝা যাচ্ছে—সুবিধা করতে পারছে না সে। হামলা না চালিয়ে এখান থেকে বেরংবার একটা রাস্তা খুঁজলেই ভাল করত ম্যাসন। কিন্তু ক্রোধে অঙ্গ হয়ে গেছে লোকটা। দলের সৈনিকদের পাঠিয়ে দিয়েছে নীচে।

সিঁড়ির পাশে উরু হয়ে বসে আছে ম্যাসন, খ্রোট মাইকে

যোগাযোগ রাখছে অ্যাটিক পাটির সঙ্গে। তার পাশে চলে গেল
রানা। নিজের ভাবনার কথা খুলে বলল।

‘ওসব আমার জানা আছে, মি. রানা,’ বিরক্ত গলায় বলল
ম্যাসন। ‘কিন্তু কীভাবে এখান থেকে বেরুব, বলতে পারেন?
বাইরে রি-এনফোর্সমেণ্ট নেই বললেই চলে, প্রায় সবাইকেই নিয়ে
এসেছি এখানে। যারা বাইরে আছে, তাদের পক্ষে বরফ খুঁড়ে
রাস্তা তৈরি করা সম্ভব নয়।’

‘এক্সপ্লোসিভ?’ পরামর্শ দিল রানা।

‘গ্রেনেড ফাটিয়ে কাজ হবে না,’ বলল ম্যাসন। ‘হেলিকপ্টারে
মিসাইল আছে, কিন্তু ওই জিনিস ছুঁড়লে ভিতরের সবাই মারা
পড়ব।’

‘ওরা তা হলে কী করবে?’

‘কিছুই না। অলরেডি বলে দিয়েছি হেলিকপ্টারকে, সবাইকে
নিয়ে যেন ত্রিশ মাইল দূরে চলে যায়। জার্নালগুলো নষ্ট হবার
বুঁকি নিতে পারি না আমি।’

‘ত্রিশ মাইল!’ বিস্ময় ফুটল রানার গলায়। ‘একটু বাড়াবাড়ি
হয়ে গেল না?’

এলিভেটরে বসে থাকা গোলকের দিকে ইশারা করল ম্যাসন।
‘ওটা নিউক্লিয়ার। অন্তত আমার ওই বস্ব-এক্সপার্ট তা-ই বলছে।’

‘সর্বনাশ!’ চমকে উঠল রানা। ‘তা হলে তো ওটাই আগে
ডি-অ্যাকটিভেট করা দরকার।’

‘চেষ্টা চলছে,’ চাঁচাছোলা গলায় বলল ম্যাসন। ‘এর মধ্যে
বেইসের দখল নিতে চাই। বোঝাপড়া করতে চাই ওই বেজন্মাটার
সঙ্গে।’

হতাশ ভঙ্গিতে মাথা দোলাল রানা। খ্যাপা সিআইএ
এজেন্টকে বোঝানোর চেষ্টা করে লাভ নেই। নিকোলায়েভকে
শায়েস্তা করা ছাড়া আর কিছু ভাবছে না সে। চিন্তিত ভঙ্গিতে
শুভ পিঞ্জর-২

টাইটেনিয়ামের গোলকটার দিকে তাকাল, কিন্তু আশার আলো দেখল না। এ-ধরনের নিউক্লিয়ার বোমার সঙ্গে মোটেই পরিচিত নয় ও। নইলে একবার চেষ্টা করে দেখা যেত ওটাকে ডি-অ্যাকটিভেট করা যায় কি না।

গোলাগুলির আওয়াজ কমে এল খানিক পরে। সিঁড়িতে শোনা গেল পায়ের আওয়াজ। বন্দি এক রাশান সৈনিককে নিয়ে উঠে এল দু'জন মার্কিন সৈন্য। বন্দির বয়স বেশি নয়, টেনে-টুনে বিশ-বাইশ হতে পারে। আতঙ্কে সাদা হয়ে আছে চেহারা। ম্যাসনের পায়ের কাছে ছুঁড়ে ফেলা হলো তাকে।

‘রিপোর্ট! খেঁকিয়ে উঠল ম্যাসন।

‘ওরা আত্মসমর্পণ করছে, স্যর,’ স্যালিউট ঠুকে বলল একজন, কাঁধে সার্জেন্টের র্যাফ। ‘তিনি নম্বর লেভেলে আরও দু'জনকে আটকানো হয়েছে।’

‘আর বাকিরা?’

‘থতম,’ সংক্ষেপে বলল সার্জেন্ট। ‘সবক’টা লেভেল ক্লিয়ার করেছি আমরা... চার নম্বর বাদে। ওখানে এখনও তল্লাশি চলছে।’

‘রিয়ার অ্যাডমিরাল নিকোলায়েভ?’

‘এখনও পাওয়া যায়নি।’ পড়ে থাকা রাশানের দিকে ইশারা করল সার্জেন্ট। ‘ও বলল, অ্যাডমিরাল নাকি চার নম্বর লেভেলে গেছে। কিন্তু কোথায় ঘাপটি মেরেছে, তা এখনও বোঝা যাচ্ছে না। ব্যাটাকে আরেকটু প্যাদানি দিলে হয়তো বা জানা যেতে পারে।’

‘হ্রম,’ বলল ম্যাসন। রাশান সৈনিকের উদ্দেশে কিছু বলবে ভেবে মুখ খুলতে গেল, কিন্তু বাধা পেল এলিভেটর থেকে তার বম্ব-এক্সপার্ট ফিরে আসায়।

‘এক্সকিউজ মি, স্যর।’

লোকটার দিকে ফিরল ম্যাসন। 'সুসংবাদ, না দুঃসংবাদ?'

'দুঃসংবাদই বলা চলে। এ-ধরনের ডিভাইস আগে কখনও দেখিনি আমি... আগা-মাথা কিছুই বুঝতে পারছি না। শুধু এটুকু বলতে পারি, ওটা একটা লো-ইয়িল্ড নিউক্লিয়ার ডিভাইস—লো-রেডিয়েশন রিস্ক। স্ট্যাগার্ড কোনও বোমা নয়। মনে হচ্ছে কোনও ধরনের ডিজরাপ্টার। অনেকটা আমাদের ইলেক্ট্রো-ম্যাগনেটিক পালস্ ওয়েপনের মত। নিউক্লিয়ার বিস্ফোরণটা ছোট এবং গৌণ, ওটা শুধু পালস্ সৃষ্টি করবার কাজে ব্যবহার হবে।'

'ইলেক্ট্রো-ম্যাগনেটিক পালস্?'

'না, স্যর। এটা অন্য কোনও পালস্ তৈরি করবে। কী সেটা, আমি বলতে পারছি না।'

'বেশ, তা হলে এক্সপ্লোশনের উপর জোর দেয়া যাক। ছোট হবে বললে। কত ছোট?'

কাঁধ ঝাঁকাল বস্ব-এক্সপার্ট। 'নিউক্লিয়ার বোমার হিসেবে খুবই ছোট, তাই বলে অগ্রহ্য করবার মত নয়। শকওয়েভটা এই দ্বিপক্ষে ডিমের খোসার মত চুরমার করে দেবে। ওই বিস্ফোরণে বাঁচব না আমরা কেউই।'

'ডি-অ্যাকটিভেট করা যায় না?'

'না, স্যর,' মাথা নাড়ল বস্ব-এক্সপার্ট। 'ট্রিগারটা সাবসোনিক। এক্সটারনাল একটা ডিটোনেটরের সঙ্গে কানেক্টেড। অ্যাবোর্ট কোড না পেলে কিছু করার নেই। ওটার গায়ে টাইমার দেখেছি আমি... আর পঞ্চান্ন মিনিট পরেই ঘটবে বিস্ফোরণ।'

দুশ্চিন্তা ঘনাল ম্যাসনের চেহারায়। 'নিশ্চয়ই নিকোলায়েভের কাছে আছে ওই কোড। ওকে খুঁজে পেতে হবে।' পায়ের কাছে পড়ে থাকা রাশান সৈনিকের বুকে লাথি দিল একটা। 'অ্যাই ব্যাটা, তোর বস্ কোথায়? কথা বল, নইলে এখনি নাক-কান কাটতে শুরু করব।'

তাড়াতাড়ি এগিয়ে এল রানা। বলল, ‘ওর উপর টৰ্চার চালাবার প্ৰয়োজন নেই। রিয়াৱ অ্যাডমিৱাল কোথায়, তা আমি জানি।’

ঝাট কৱে ওৱ দিকে তাকাল ম্যাসন। ‘কোথায়?’

‘চাৰ নম্বৰ লেভেলে। স্যাম্পলেৱ সেই ভল্টে। চলো, আমি দেখিয়ে দিচ্ছি।’

কয়েক মুহূৰ্ত শীতল চোখে রানাকে ঘাচাই কৱল ম্যাসন। বোৰ্বাৱ চেষ্টা কৱল, ও ধাঙ্গা দিচ্ছে কি না। সন্তুষ্ট হয়ে তাকাল রাশান সৈনিকটিৱ দিকে। ‘একে তো তা হলে আৱ দৱকাৱ নেই।’ কথাটা বলেই একমুহূৰ্ত দেৱি না কৱে গুলি কৱল সৈনিকেৱ কপাল বৰাবৰ।

কানে তালা লাগাব মত আওয়াজ হলো, মেঝেতে ছিটকে গেল খুলিৱ ভাঙা টুকৱো, রক্ত আৱ ঘগজ। বীভৎস এই দৃশ্য দেখে চিৎকাৱ কৱে উঠল অ্যাবি। ম্যাসনেৱ পিস্তলটা ঘুৱে গেল রানাৱ দিকে।

দাঁতে দাঁত পিষল রানা, অসহায় সৈনিকটিকে বাঁচাতে চেয়েছিল... সেজন্যেই সাহায্যেৱ হাত বাড়িয়েছিল ম্যাসনেৱ দিকে। কিন্তু তাৱ মৰ্যাদা রাখল না পিশাচটা।

‘কেন খুন কৱলে ওকে?’ ম্যাসনকে জিজেস কৱল ও। গলার স্বৰে ফুটল চাপা ক্ৰোধ।

‘কৈফিয়ত দিতে বাধ্য নই আমি,’ উদ্বৃত কঢ়ে বলল ম্যাসন। ‘পথ দেখান, নইলে আপনাৱও ওই একই দশা হবে।’

অ্যাবি আৱ সাকিৱ দিকে তাকাল রানা। এখনও ফোপাচ্ছে বাচ্চাটা, শৰীৱ দিয়ে তাকে আড়াল কৱে রেখেছে অ্যাবি। দেখা গেল, ম্যাসনেৱ গাৰ্ড দুজন প্ৰস্তুত। রানা একটু নড়ে উঠলেই গুলি কৱবে। অ্যাবিৱ দিকে ইঙ্গিত কৱল ও, ‘আৱ ওৱা?’

‘ওৱা এখানেই থাকবে,’ বলল ম্যাসন। ‘এবাৱ আৱ আপনাৱ

জোরাজুরি কাজে আসবে না, মি. রানা। রাইফেল ফেলে দিন।
মিস ম্যানিটক, আপনার পিস্তলও ফেরত চাই আমি।'

বাধা দিয়ে লাভ হবে না। অগত্যা কাঁধ থেকে রাইফেলটা
ফেলে দিল রানা। ওর ইশারায় অ্যাবিও তার পিস্তল ছুঁড়ে দিল
মেরোতে।

'গুড ডিসিশান,' মাথা ঝাঁকাল ম্যাসন। একজন সৈনিক সরিয়ে
নিল অন্তর্দুটো। 'এবার রওনা হতে হয়, মি. রানা।'

একটু ঝুঁকে অ্যাবি আর সাকির কাছ থেকে বিদায় নিল রানা।
'শীত্রি ফিরে আসছি আমি। কিছু ভেবো না তোমরা।'

বস্ব-এক্সপার্টের দিকে ফিরল ম্যাসন। 'তোমার কাজ চালিয়ে
যাও। ওদের দিকেও নজর রেখো।' অ্যাবি আর সাকিকে দেখিয়ে
জুড়ল শেষ বাক্যটা।

'সাবধানে থেকো,' রানাকে বলল অ্যাবি।

মাথা ঝাঁকিয়ে সোজা হলো রানা। সিঁড়ির কাছে অপেক্ষা
করছে ম্যাসন, এগিয়ে গেল সেদিকে। একটু পরেই দুই গার্ডসহ
ওদেরকে অদৃশ্য হয়ে যেতে দেখল অ্যাবি।

বস্ব-এক্সপার্ট ফিরে গেছে গোল ডিভাইস্টার কাছে। সাকিকে
জড়িয়ে ধরে বসে রইল অ্যাবি। কেটে গেল বেশ কিছুটা সময়।
তারপর হঠাতে নতুন একটা কণ্ঠ শুনতে পেল ও। ফিসফিস করে
কথা বলছে... ডাকছে ওর নাম ধরে।

'অ্যাবি, আপনি কি আমার কথা শুনতে পাচ্ছেন?'

বিস্মিত হয়ে পিছনে তাকাল অ্যাবি। কই, কেউ নেই তো!
তখুনি আবার শোনা গেল কণ্ঠটা।

'অ্যাবি, দিস ইজ ক্যাপ্টেন ম্যাথিউ গরডন ফ্রম পোলার
সেন্টিনেলে। আমার কথা শুনতে পেলে একটু নড়ুন।'

ভুরু কেঁচকাল অ্যাবি। কণ্ঠটা আসছে উল্টে পড়ে থাকা
একটা কমিউনিকেশন সেট থেকে। ইউ.কিউ.সি. লাইন ওটা...
শুভ পিঞ্জর-২

এখনও অক্ষত। বস্তু-এক্সপার্টের দিকে তাকাল ও। কিছুই টের পায়নি সে, টাইটেনিয়ামের গোলকটার পাশে বসে আপনমনে কাজ করে চলেছে।

সাকিকে নিয়ে একটু একটু করে ইউ.কিউ.সি. লাইনের দিকে এগিয়ে গেল অ্যাবি।

পোলার সেন্টিনেলের বিজে, কমিউনিকেশন স্টেশনে দাঁড়িয়ে আছেন ক্যাপ্টেন গরডন, কানে ঠেকিয়ে রেখেছেন ইউ.কিউ.সি. টেলিফোনের রিসিভার। ইন্টারকম খড়খড় করে ওঠায় ঘাড় ফেরালেন।

‘নড়ছে ও, ক্যাপ্টেন!’ উদ্ভেজিত গলায় জানাল শ্যারন। সাইক্লপস্ চেম্বারে বসে ডিপআই সোনারে অ্যাবিকে মনিটর করছে ও। ‘এগোচে সেটের দিকে।’

স্বন্তি বোধ করলেন ক্যাপ্টেন, অবশ্যে যোগাযোগ করা গেছে মেয়েটির সঙ্গে। কপালই বলতে হবে, আইস স্টেশনের এন্ট্রাঙ্গ ধসে পড়লেও ইউ.কিউ.সি.-র লাইনের কোনও ক্ষতি হয়নি। স্বেফ সৌভাগ্য, আর কিছু না। তারচেয়েও বড় সৌভাগ্য মেয়েটিকে একা পেয়ে যাওয়া। ডেল্টা ফোর্স আশপাশে থাকলে যোগাযোগ করা যেত না ওর সঙ্গে।

‘অ্যাবি, আপনাকে আমরা সোনারে দেখতে পাচ্ছি,’ বললেন গরডন। ‘আমাদের সঙ্গে কথা বলতে পারবেন? আপনার সেটটায় একটা রিসিভার থাকার কথা—পুরনো আমলের টেলিফোনের মত। ওটায় কথা বললেই শুনতে পাব আমরা।’

অপেক্ষা করতে থাকলেন ক্যাপ্টেন, সেইসঙ্গে নীরব প্রার্থনা। কী ধরনের সাহায্য করতে পারবেন, তা অস্পষ্ট; কিন্তু প্ল্যান খাড়া করবার জন্য ভিতরের সত্ত্বিকার পরিস্থিতি জানতে হবে তাঁকে।

কাম অন... বিড়বিড় করলেন তিনি... কথা বলো মেয়ে!

ধ্বনিস্তূপ হাতড়ে ইউ.কিউ.সি.-র রিসিভার ঘের করল অ্যাবি, কিন্তু পরক্ষণে দমে গেল। তার ছিঁড়ে গেছে ওটার, কথা বলা সম্ভব নয়। চরম হতাশায় কান্না পেল ওর।

কয়েক মিনিট কেটে গেলে আবার শোনা গেল ক্যাপ্টেন গরডনের কষ্ট।

‘মনে হচ্ছে আপনার ওখানে কোনও সমস্যা আছে, তাই যোগাযোগ করতে পারছেন না। দয়া করে হতাশ হবেন না। কান খাড়া রেখেছি আমরা, মিনিট করছি স্টেশনের সমস্ত কমিউনিকেশন। আপনাকে স্বেফ একটা রেডিও সেট জোগাড় করতে হবে... ওয়াকি-টকিতেও কাজ চলবে। চেষ্টা করে দেখুন কিছু পান কি না। সাবধানে থাকবেন। ডেল্টা ফোর্স টের পেলে শুধু আপনি না, আমরাও বিপদে পড়ব।’

আশাবাদী হতে পারল না অ্যাবি। কোথায় ‘পাবে ও রেডিও? পেলেই বা কী উপকার হবে? পাতালপুরির এই কারাগার থেকে কীভাবে ওদেরকে উদ্ধার করবে সেপ্টিনেলের ক্রু-রা?

টাইটেনিয়াম ডিভাইসের নীল আলোর দিকে তাকিয়ে চরম হতাশায় ডুবে গেল অ্যাবি। আর কতক্ষণ? বড় ঝান্ত হয়ে পড়েছে ও, লড়াই করবার শক্তি নেই। প্রায় দু'দিন হলো ঠিকমত ঘুমাতে পারেনি.... মোকাবেলা করতে হয়েছে একের পর এক প্রাণসংহারী বিপদের। সমস্ত শক্তি নিঃশেষ হয়ে গেছে ওর। সাকির দিকে তাকিয়ে দীর্ঘশ্বাস ফেলল। ওর জন্যে কিছু করতে পারলে ভাল হতো। ভয়ে জড়সড় হয়ে আছে বাচ্চাটা। পরম মমতায় তাকে আরও একটু জড়িয়ে ধরল ও।

এবার নতুন একটা কষ্ট ভেসে এল স্পিকারে।

‘অ্যাবি, কিছু ভাববেন না। আমরা আছি আপনার পাশে।
শুভ পিঞ্জর-২

যতক্ষণ না আপনাদেরকে উদ্ধার করতে পারছি, এখান থেকে
কোথাও যাচ্ছি না আমরা।'

চমকে উঠল অ্যাবি। এ কী করে হয়? শ্যারনের গলা ওটা!
ওর তো ওমেগা স্টেশনের সঙ্গে হাওয়ায় মিশে যাওয়ার কথা!
তবে কি...

সন্দেহটা সত্য হলো সঙ্গে সঙ্গে। স্পিকারে ভেসে এল রিচার্ড
ম্যানিটকের গলা।

'অ্যাবি... মা আমার... ভয় পাস নে। ক্যাপ্টেন গরডনের কথা
শোন। চেষ্টা কৰ্ একটা রেডিও জোগাড় করতে। আমরা
অপেক্ষায় আছি তোর।'

চোখ জলে ভরে এল অ্যাবির। দুঃখে নয়, অন্তুত এক
আনন্দে। ওর বাবা বেঁচে আছে! মুহূর্তেই দূর হয়ে গেল সমস্ত
হতাশা। না, পড়ে পড়ে নীরবে মৃত্যুকে বরণ করবে না ও।
যেভাবেই হোক, বাবার কাছে ফিরতে হবে ওকে।

দ্রুত আশপাশে নজর বোলাল অ্যাবি। ওই তো, মৃত রাশান
সৈনিকের বুক পকেট থেকে বেরিয়ে আছে একটা ছোট
ওয়াকি-টকির অ্যাটেনা! সাকিকে কোলে নিয়ে উঠে দাঁড়াল ও,
ঘুমপাড়ানি গান গাইতে এগোল লাশের দিকে।

কাজ থামিয়ে বিরক্ত চোখে ওর দিকে তাকাল বস্ব-এক্সপার্ট,
ঠোটের কাছে আঙুল তুলে ইশারা করল চুপ থাকতে। গানের
আওয়াজে অসুবিধে হচ্ছে তার। ততক্ষণে লাশের পাশে পৌঁছে
গেছে অ্যাবি। বিস্তৃত ভঙ্গিতে মাথা ঝাঁকাল ও, লোকটা মুখ
ঘোরাতেই বসে পড়ল হাঁটু গেড়ে, চটপট তুলে নিল
ওয়াকি-টকিটা, ওটা গুঁজে রাখল ওর আর সাকির শরীরের
মাঝখানে। উঠে দাঁড়িয়ে আগের জায়গাতে আবার ফিরে গেল ও।

পেয়ে গেছে ওয়াকি-টকি, স্বস্তির নিঃশ্বাস ফেলল অ্যাবি। কিন্তু
এবার? নিউক্লিয়ার বোমাটার দিকে আবারও শক্তি চোখে তাকাল
২৯৪

রানা-৪১৮

এখন একমাত্র রানাই ভরসা।

সাতাশ

দু'পাশে সারি সারি প্রিজার্ভেশন ট্যাঙ্ক, মাঝখান দিয়ে দ্রুতপায়ে
হাঁটছে রানা। দুই গার্ডকে নিয়ে ওকে অনুসরণ করছে ম্যাসন।
ডেল্টা ফোর্সের বাকি সদস্যদেরকে মোতায়েন করা হয়েছে
লেভেলের গুরুত্বপূর্ণ বিভিন্ন পয়েষ্টে। রাশান সৈনিক কেউ আর
বেঁচে নেই, খুন করা হয়েছে সবাইকে। রিয়ার অ্যাডমিরালকে
হাতে পেলেই স্টেশনটা নিজের দখলে রয়েছে বলে দাবি করতে
পারবে সিআইএ এজেন্ট।

দীর্ঘ করিডোরের শেষ প্রান্তে পৌছে থামল রানা। প্রেশার
সুইচে চাপ দেবার আগে দ্বিধায় ভুগল একটু। নিকোলায়েভের
প্রতি সহানুভূতি আছে ওর, লোকটাকে বাঘের মুখে ছুঁড়ে দেয়া
উচিত হবে কি না বুঝতে পারছে না। অথচ কোনও উপায়ও
নেই। নিজে একা মরলে ক্ষতি ছিল না, কিন্তু নিকোলায়েভের
নিউক্লিয়ার ডিভাইস খুন করবে সাকি আর অ্যাবি-সহ বন্দি
নিরপরাধ বিজ্ঞানীদের সবাইকে। সেটা কিছুতেই হতে দেয়া যায়
না। দীর্ঘশ্বাস ফেলে মনকে শক্ত করল ও।

‘কোথায় নিয়ে এলেন?’ পিছন থেকে বলল ম্যাসন। ‘এখানে
শুভ পিঞ্জর-২

তো কিছুই নেই।'

'ধৈর্য ধরো,' বলে লুকানো প্রেশার সুইচে চাপ দিল রানা। ঘড়ঘড় শব্দ তুলে সরে গেল দেয়াল। বেরিয়ে এল স্টিলের দরজা। হইলের গোড়ার ল্যাচও খুলল ও। তারপর ঘোরাতে শুরু করল হইলটা।

'ইন্টারেস্টিং!' মন্তব্য করল ম্যাসন। 'আপনি আগে চুকবেন, মি. রানা। রিয়ার অ্যাডমিরাল যদি গোলাগুলি শুরু করেন, আমি তার শিকার হতে চাই না।'

'জানতাম এ-কথাই বলবে তুমি,' রুক্ষ গলায় বলল রানা।

হইল ঘুরে গেছে পুরোপুরি। ধাক্কা দিয়ে দরজাটা খুলে ফেলল ও। চুকল না ভিতরে। তার বদলে ডাকল, 'রিয়ার অ্যাডমিরাল, আমি মাসুদ রানা। ভিতরে আসতে পারি?'

কয়েক মুহূর্তের নীরবতা বিরাজ করল। তারপর শোনা গেল নিকোলায়েভের গুরুগম্ভীর কণ্ঠস্বর। 'এসো।'

সাবধানে ল্যাবের ভিতরে পা রাখল রানা। ভেবেছিল পিস্তল তাক করে থাকতে দেখবে নিকোলায়েভকে, কিন্তু বাস্তবে দেখল ভিন্ন দৃশ্য। হাঁটু গেড়ে পিতার দেহের পাশে বসে আছেন তিনি, নিরস্ত্র। চেহারায় গভীর বিষাদ। স্যাম্পলের কেবিনেটের দিকে তাকাল রানা, সবগুলো সিরিঞ্জ অক্ষত। নষ্ট করেননি রিয়ার অ্যাডমিরাল।

'ক্লিয়ার!' চেঁচিয়ে সঙ্গীদেরকে বলল রানা। 'ভিতরে চুকতে পারো তোমরা, ম্যাসন।'

তারপরেও ঝুঁকি নিল না তিন মার্কিনী। উঁকি-ঝুঁকি মেরে দেখে নিল ভিতরটা। তারপর অস্ত্র উঁচিয়ে চুকল ম্যাসন আর এক সৈনিক। সার্জেন্ট রয়ে গেল বাইরে।

'হ্যালো, রিয়ার অ্যাডমিরাল। আবার দেখা হয়ে গেল আমাদের!' কপট অভিবাদন জানাল ম্যাসন। 'একটা প্রস্তাৱ

www.facebook.com/banglabookpdf
দিয়েছিলাম আপনাকে। এখনও সময় আছে ওটা বিবেচনা
করবার।'

কিছুই বললেন না নিকোলায়েভ। মাথা নিচু করে তাকিয়ে
রইলেন পিতার মুখের দিকে।

'কে ওটা?' রানাকে জিজ্ঞেস করল ম্যাসন।

'চেহারা দেখে বুঝতে পারছ না?' বলল রানা। 'ইগোর
নিকোলায়েভ... রিয়ার অ্যাডমিরালের বাবা। স্যাবোটাজ করে এই
স্টেশনকে উনিই ধ্বংস করে দিয়েছিলেন। তারপর সেরাম
ইনজেক্ট করেছেন নিজের দেহে। কাজ হয়েছে কি হয়নি, আমার
জানা নেই।'

'যেমন বাপ, তেমন ছেলে!' মন্তব্য করল ম্যাসন। 'রিয়ার
অ্যাডমিরাল, এভাবে সবকিছু শেষ করে দেবার কোনও মানে হয়
না। এখনও সুযোগ আছে। বোমার অ্যাবোর্ট কোড দিন আমাকে,
তা হলে বেঁচে যাবেন।'

ঝাট করে মাথা তুললেন নিকোলায়েভ। 'বেঁচে যাব?' ত্রুদ্ধ
গলায় বললেন তিনি। 'যেভাবে আমার লোকজনকে বাঁচিয়ে
দিয়েছ তুমি? যেভাবে ওমেগা স্টেশনে নিজেদের লোকজনকে
বাঁচিয়েছ? দুঃখিত, তোমার কথায় বিন্দুমাত্র আস্থা নেই আমার।'
এক হাত তুলে পোলারিস মনিটর উন্মুক্ত করলেন। উপরের ওই
সোনিক চার্জটা বেয়াল্টিশ মিনিট পরে ফাটবে। আমাকে তুমি
ঠেকাতে পারবে না।'

'এই বেয়াল্টিশ মিনিটে নরকদর্শন করাতে পারি আপনাকে,'
হৃমকি দিল ম্যাসন।

'হাহ!' তাচ্ছিল্যের ভঙ্গিতে হাসলেন নিকোলায়েভ। 'আমাকে
টর্চারের ভয় দেখিয়ে লাভ নেই, বাঢ়া। মরবার জন্য তৈরি হয়েই
এসেছি আমি, কোনও কিছুকেই আর ভয় পাই না।'

রেগে-মেগে কিছু বলতে যাচ্ছিল ম্যাসন, তাকে বাধা দিল
শুভ্র পিঙ্গর-২

রানা। বলল, ‘এক মিনিট, অ্যাডমিরাল। সোনিক চার্জ বলতে কী বোঝাচ্ছেন? ওটা কি নিউক্লিয়ার বোমা নয়?’

‘ট্রিগারটা নিউক্লিয়ার,’ ব্যাখ্যা করলেন নিকোলায়েভ। ‘সোনিক চার্জ তৈরি করবে ওটা। আর সেই চার্জ এই দ্বীপকে টুকরো টুকরো করে দেবে।’

‘তার আগে আপনাকেই আমি টুকরো টুকরো করে দেব!’
সরোষে বলল ম্যাসন। হ্যামার টানল পিস্তলের।

পোলারিস মনিটরে টোকা দিলেন নিকোলায়েভ। ‘সেক্ষেত্রে জেনে খুশি হবে, ট্রিগারটা আমার হার্টবিটের সঙ্গে কানেক্টেড। হার্টবিট থামলেই কাউণ্টডাউন রিসেট হয়ে এক মিনিটে নেমে আসবে। এক ধরনের ফেইল-সেফটি বলতে পারো একে। আমাকে খুন করা মানে নিজেকে খুন করা।’

বাকশক্তি হারাল ম্যাসন। রিয়ার অ্যাডমিরাল ধাপ্তা দিচ্ছেন বলে মনে হচ্ছে না। কী করবে ভেবে পেল না। দাঁত কিড়মিড় করল কেবল।

দু’পা এগোল রানা। ‘আপনি পাগলামি করছেন, রিয়ার অ্যাডমিরাল,’ বলল ও। ‘কাকে খুন করতে চাইছেন আপনি? আমাদেরকে? সেইসঙ্গে আপনার বাবাও কি মারা যাবেন না?’ ইশারা করল ইগোর নিকোলায়েভের দেহের দিকে। ‘সেরাম কেন নিয়েছিলেন উনি? নিশ্চয়ই বেঁচে থাকবার আকাঙ্ক্ষা থেকে! ছেলে হয়ে বাবাকে খুন করবেন আপনি?’

থমকে গেলেন নিকোলায়েভ। দ্বিধাদ্বন্দ্বের মেঘ জমল তাঁর চেহারায়।

‘সাকির কথাও নিশ্চয়ই ভুলে যাননি?’ যোগ করল রানা। ‘আপনাকে নিজের পিতা বলে ভাবে ও, ‘ভালবাসে। ছোট্ট ওই বাচ্চাও তো মারা যাবে সোনিক চার্জের বিস্ফোরণে! আপনি একজন যোদ্ধা, রিয়ার অ্যাডমিরাল... আর সত্যিকার কোনও

যোদ্ধা শিশুহত্যা করে না। প্লিজ, ভাল করে ভেবে দেখুন কী
করতে চলেছেন আপনি !'

কথাগুলো অন্তরে বিধল যেন নিকোলায়েভের। মাথা নিচু করে
ফেললেন। ওভাবেই রইলেন কিছুক্ষণ। তারপর দীর্ঘশ্বাস ফেলে
বললেন, 'অ্যাবোট কোডটা দশ ডিজিটের। প্রথমে সোজা,
তারপরে উল্টোদিক থেকে টাইপ করতে হবে।'

'তাড়াতাড়ি বলুন ডিজিটগুলো !' তাড়া লাগাল ম্যাসন।

মাথা তুললেন নিকোলায়েভ। 'কোডটা দেবার আগে তোমার
কাছ থেকে একটা প্রতিশ্রূতি চাই আমি, মিস্টার।'

'কী ?'

'আমাকে নিয়ে যা খুশি করতে পারো, কিন্তু কথা দাও—ছোট্ট
ছেলেটার কিছু হতে দেবে না তুমি।'

'তা তো বটেই ! ও তো একটা অমৃল্য অ্যাসেট !'

'না !' গমগম করে উঠল নিকোলায়েভের গলা। 'কোনও ল্যাবে
নেয়া চলবে না ওকে। গিনিপিগ বানানো চলবে না। সেরাম চাই?
প্রয়োজনের চেয়েও বেশি স্যাম্পল পাচ্ছ।' ইশারায় পিছনের
কেবিনেট দেখালেন তিনি। 'দয়া করে ছেলেটাকে আর কষ্ট দিয়ো
না। কথা দাও, ওকে তুমি স্বাভাবিক জীবনযাপন করতে দেবে।'

মাথা ঝাঁকাল ম্যাসন। 'বেশ, কথা দিলাম।'

'খুব ভাল। এবার তা হলে কোডটা লিখে নাওঁ। কাগজ-কলম
আছে ?'

'তার দরকার নেই।' পকেট থেকে একটা ছোট্ট ভয়েস
রেকর্ড বের করল ম্যাসন। 'আপনি বলুন।'

থেমে থেমে দশটা সংখ্যা বললেন নিকোলায়েভ। সেগুলো
রেকর্ড করে নিল ম্যাসন। নিশ্চিত হবার জন্য বাজিয়েও শোনাল
তাঁকে।

'হ্যাঁ, ঠিক আছে,' বললেন নিকোলায়েভ।

ইগোর নিকোলায়েভের মাথায় লাগল বুলেট, বিছিরি আওয়াজ তুলে চৌচির হয়ে গেল বরফে জমাট বাঁধা মাথাটা—যেন মাটিতে আছড়ে ফেলে ভাঙা হয়েছে একটা কাঁচের গ্লাস। এদিক-ওদিক ছিটকে গেল জমাট মগজ, রক্ত আর খুলির টুকরো

চমকে উঠল রানা লোকটার এই পৈশাচিকতা দেখে।

এবার আর প্রশ্ন করবার প্রয়োজন হলো না। ম্যাসন নিজ থেকে বলল, ‘গুলি করবার জন্য হাত নিশপিশ করছিল। এক নিকোলায়েভের উপর যখন চালানো গেল না, অন্যজনের উপর চালালাম আর কী।’

পাথর হয়ে গেছেন রিয়ার অ্যাডমিরাল। ফ্যাল ফ্যাল করে তাকিয়ে আছেন পিতার দেহাবশেষের দিকে। মাথা নেই, এখন ওটা স্রেফ একটা ধড়। বাবাকে একটিবার জীবিত দেখবার যে-আশাটুকু ছিল, তা ধূলিসাং হয়ে গেছে নিমেষে। তীব্র ব্যথা অনুভব করছেন তিনি বুকের ভিতর।

গার্ডের দিকে ফিরল ম্যাসন। ‘নিয়ে যাও ওদেরকে। উপরে যাচ্ছ আমি। মিস ম্যানিটক আর ছেলেটাকে পাঠিয়ে দিচ্ছি। সবাইকে আটকে রাখবে প্রিজন সেলে।’

সাকির কথা উঠতেই টকটকে লাল চোখে তার দিকে তাকালেন নিকোলায়েভ। ‘তুমি কথা রাখবে না?’

‘না,’ নির্দিষ্টায় জানাল ম্যাসন। তারপর গটমট করে বেরিয়ে গেল ল্যাব থেকে।

‘উঠুন!’ ধমকের সুরে নিকোলায়েভকে বলল গার্ড।

নড়লেন না রিয়ার অ্যাডমিরাল। মূর্তির মত বসে রইলেন কয়েক মিনিট। কয়েকবার ডাকাডাকি করল গার্ড। কিন্তু ভাবাত্তর হলো না তাঁর মধ্যে।

শেষে ধৈর্য হারাল সৈনিক। গাল দিয়ে উঠল, ‘অ্যাই শালা-

এবার প্রতিক্রিয়া দেখালেন রিয়ার অ্যাডমিরাল। অহঙ্কারী
মানুষ... সামান্য এক সৈনিক তাঁকে গাল দিচ্ছে, সেটা সহ্য হলো
না। আস্তে আস্তে উঠে দাঁড়ালেন তিনি। রাগে রক্ষবর্ণ ধারণ
করেছে চেহারা। মনে হলো এখনি ঝাঁপিয়ে পড়বেন বেয়াদব
সৈনিকটির উপরে।

একটু যেন ভয় পেয়ে গেল গার্ড। বাইরে থেকে ডেকে আনল
সার্জেন্টকে। দু'জনেই অন্ত তাক করল রিয়ার অ্যাডমিরালের
দিকে। তাঁকেই বেশি বিপজ্জনক মনে হচ্ছে ওদের কাছে।

ভুল করল ওরা। লোকদুটোর মনোযোগ ওর উপর থেকে সরে
গেছে দেখে দ্রুত আগে বাড়ল রানা। ছোবল দিল ওর হাত। খপ্
করে সার্জেন্টের রাইফেল চেপে ধরল ও, সৈনিকের তলপেটে
মারল লাথি। লাথি খেয়ে লোকটা বেসামাল হয়ে যেতেই বাঘের
মত ঝাঁপিয়ে পড়লেন নিকোলায়েভ। সৈনিককে মেঝেতে ফেলে
দিয়ে চড়ে বসলেন বুকের উপরে, চেপে ধরলেন টুঁটি। খাবি খেতে
শুরু করল লোকটা। শরীর মোচড়াল। কিন্তু একচুল আলগা হলো
না নিকোলায়েভের বজ্রমুষ্ঠি। রাইফেলটাও আটকা পড়ে গেছে
দু'জনের শরীরের মাঝখানে, ওটা ব্যবহার করতে পারল না সে।
হাতের উপর শরীরের সমস্ত ওজন চাপিয়ে দিলেন নিকোলায়েভ।
ভেঙে গেল সৈনিকের শ্বাসনালী। কয়েক দফা খিঁচুনি দিয়ে স্থির
হয়ে গেল দেহটা।

রানা তখনও ধন্তাধন্তি করছে সার্জেন্টের সঙ্গে। ঘটকা দিয়ে
রাইফেল ছাড়িয়ে নেবার চেষ্টা করছে লোকটা। কিন্তু আঠার মত
লেগে রয়েছে রানা। রাইফেল তো ছাড়ছেই না, বরং পা দিয়ে
মাঝে মধ্যেই লাথি মারছে লোকটার হাঁটুতে—চেষ্টা করছে তার
ব্যালাঙ্গ নষ্ট করে দেবার। সার্জেন্ট অভিজ্ঞ ঘোদা... বুঝাতে পারল,
শুন্ন পিঞ্জর-২

রাইফেল ছাড়াবার চেষ্টা করে লাভ নেই; পারবে না। তাই বিকল্প কৌশল খাটাল। আচমকা নিজেই ছেড়ে দিল অস্ত্রটা, সেই সঙ্গে এক লাফে পিছিয়ে গেল, হাত দিল কোমরের হোলস্টারে—পিস্তল বের করে আনবে।

ব্যালাস নষ্ট হয়ে গেছে রানার। কোনোমতে একটু সিধে হতেই আঁতকে উঠল। পিস্তল উঠে এসেছে প্রতিপক্ষের হাতে। তাক হতে চলেছে ওর বুক বরাবর। বিদ্যুৎ খেলে গেল রানার শরীরে। মুগুরের মত রাইফেলটা ঝুঁড়ে দিল সার্জেন্টের দিকে। ঠক্ক করে ভারী বাটটা আঘাত হানল লোকটার কপালে। কাতরে উঠল সে, একই সঙ্গে চাপ দিল ট্রিগারে। তবে নিশানা ঠিক থাকেনি তার, লক্ষ্যপ্রষ্ট বুলেট গিয়ে বিধল ল্যাবের ছাতে।

দ্বিতীয়বার গুলি করবার আর সৌভাগ্য হলো না সার্জেন্টের। পাশ থেকে একটা গুলি এসে মাথার খুলি ফুটো করে দিল তার। ঘাড় ফিরিয়ে নিকোলায়েভের দিকে তাকাল রানা, তাঁর হাতে শোভা পাচ্ছে একটা ধূমায়িত পিস্তল—নিহত সৈনিকের কোমর থেকে জোগাড় করেছেন।

‘ধন্যবাদ, রিয়ার অ্যাডমিরাল,’ বলল রানা। ‘আপনি আমার জীবন বাঁচিয়েছেন।’

বিষণ্ণ ভঙ্গিতে মাথা নাড়লেন নিকোলায়েভ। ‘না, রানা। আমি তোমার জীবন বাঁচাইনি। স্বেফ আয়ু বাড়িয়েছি কয়েক মিনিট। আমাদের সবার মৃত্যু অনিবার্য।’

‘এ-সব ফিলোসফিকাল কথা বলবার অনেক সময় পাওয়া যাবে,’ সার্জেন্টের হাতের মুঠো থেকে পিস্তলটা মুক্ত করে বলল রানা। ‘আগে এখান থেকে কেটে পড়া দরকার। গুলির আওয়াজ নিশ্চয়ই শুনতে পেয়েছে এদের সঙ্গীসাথীরা।’

ওর কথার সত্যতা প্রমাণের জন্যই যেন শোনা গেল উত্তেজিত চেঁচামেচি। প্রিজন সেলের সামনে পাহারায় ছিল দু'জন গার্ড।

তারা ছুটে আসছে গুলির আওয়াজ পেয়ে।

‘টেক কাভার, রিয়ার অ্যাডমিরাল,’ বলল রানা। তারপর একটা রাইফেল কুড়িয়ে নিয়ে শুয়ে পড়ল ল্যাবের দরজা বরাবর। নিশানা তাক করল মোড়ের কাছে। গার্ডরা উদয় হতেই ট্রিগার চাপল নির্দিষ্টায়।

হুমড়ি খেয়ে পড়ল লোকদুটো। মাটিতে আছাড় খাওয়ার আগেই বেরিয়ে গেছে প্রাণবায়ু।

লাফ দিয়ে উঠে দাঁড়াল রানা। নিকোলায়েভকে ডাকল, ‘আসুন।’

‘কী করতে চাইছ তুমি?’ জিজ্ঞেস করলেন রিয়ার অ্যাডমিরাল।

‘ম্যাসনকে সফল হতে দেব না,’ দৃঢ় গলায় বলল রানা। ‘বোমাটা হয়তো থামাতে পারবে ও। কিন্তু আপনার বাবার তৈরি করা সেরাম কোনোদিনই হাতে পাবে না শয়তানটা। সাকিকেও ওর হাতে পড়তে দেব না আমি।’

‘আমার পক্ষ নিছ তুমি?’ বিস্মিত গলায় বললেন নিকোলায়েভ। ‘কেন?’

‘কারণ অনন্তকাল বেঁচে থাকার জন্য জন্ম হয়নি মানুষের। ওটা প্রকৃতির নিয়মবিরুদ্ধ। সবচেয়ে বড় কথা, যে-পদ্ধতিতে ওই দীর্ঘজীবনের মহীষধ আবিষ্কৃত হয়েছে, তা ক্ষমার অযোগ্য! আপনার বাবার কথাই ঠিক, স্যর। সেরামটাকে দুনিয়ার বুকে পৌছুতে দিলে বৈধতা পাবে এখানকার গণহত্যা। উৎসাহ পাবে বিজ্ঞানীরা! আমি তা হতে দিতে পারি না।’ সার্জেন্টের ইউনিফর্ম থেকে একটা গ্রেনেড খুলে নিল রানা। ‘প্লিজ, রিয়ার অ্যাডমিরাল। চলে আসুন। গ্রেনেড ফাটিয়ে সব ধ্বংস করে দেব আমি।’

দৃষ্টি বদলে গেল নিকোলায়েভের। দুঃসাহসী যুবকটিকে চিনতে ভুল হয়েছিল তাঁর, এখন সে-ভুল ভেঙে গেছে। আন্তরিক শুভ্র পিঞ্জর-২

কঠো বললেন, ‘গড় রেস ইউ, রানা।’

‘বেরোন!’ তাকে এক রকম ধাক্কা দিয়েই ল্যাব থেকে বের করল রানা। এরপর পিন খুলে ঘেনেড়টা ছুঁড়ে দিল কাঁচের কেবিনেটের গোড়ায়, বেরিয়ে এসে বন্ধ করে দিল ভল্টের দরজা।

কয়েক সেকেণ্ড পরেই চাপা গুমগুম শব্দে ছুটল বিস্ফোরণ, কেঁপে উঠল মেঝে। দরজা বন্ধ থাকায় বাইরে পৌছায়নি শকওয়েভ। ভিতরের অবস্থা দেখবার কোনও প্রয়োজন বোধ করল না। নিকোলায়েভের দিকে ফিরে বলল, ‘চলুন।’

‘এবার কী?’

‘অ্যাবি আর সাকিকে নীচে পাঠাচ্ছে ম্যাসন। গার্ডদেরকে অ্যামবুশে ফেলব।’

ছুটল দু’জনে। প্রিজন এরিয়া পেরুবার সময় দেখা হলো লিসা, ড. কনওয়ে আর দুই রিসার্চ অ্যাসিস্টেন্টের সঙ্গে। প্রশ্নবোধক দৃষ্টি নিয়ে তাকিয়ে আছে ওরা। ইশারায় ওদেরকে চুপ করে থাকতে বলে এগিয়ে চলল রানা। দ্রুতপায়ে পৌছে গেল চার নম্বর লেভেলের কমন এরিয়ায়। ওখানে পৌছুতেই শোনা গেল পায়ের আওয়াজ—সিঁড়ি ধরে উপর থেকে নেমে আসছে কয়েকজন মানুষ। নিচয়ই অ্যাবি আর সাকিকে নিয়ে আসছে ম্যাসনের দোসররা।

সিঁড়ির পিছনে অবস্থান নিল রানা আর নিকোলায়েভ। একটু পরেই দেখা পেল অ্যাবির। সাকিকে কোলে নিয়ে হাঁটছে ও। পিছনে অন্ত তাক করে রেখেছে দুই সৈনিক। মেইন ল্যাবের এন্ট্রান্সের দিকে এগোল দলটা।

নিঃশব্দে আড়াল থেকে বেরিয়ে এল রানা আর নিকোলায়েভ। ঝটিকা হামলা চালাল পিছন থেকে। এক সেকেণ্ড পরেই দেখা গেল দুই গার্ড ঘাড় মটকে পড়ে আছে মেঝেতে।

ঝট করে উল্টো ঘুরল অ্যাবি। রানাকে দেখতে পেয়ে

বিস্ফারিত হলো দু'চোখ। 'রানা!'

সাকিও নড়ে উঠল। নিকোলায়েভকে দেখতে পেয়ে ডেকে উঠল, 'পাপা!' নেমে গেল অ্যাবির কোল থেকে। ছুটে গেল তাঁর দিকে। হাঁটু গেড়ে বসে তাকে আলিঙ্গনে জড়িয়ে ধরলেন রিয়ার অ্যাডমিরাল।

'তোমরা ঠিক আছ?' এগিয়ে গিয়ে জিজ্ঞেস করল রানা।

'হ্যাঁ,' মাথা ঝাঁকাল অ্যাবি। 'কিন্তু ম্যাসনকে দেখলাম বোমা নিয়ে ব্যস্ত হয়ে পড়েছে। অ্যাবোর্ট কোড পেয়েছে ও?'

'হ্যাঁ,' মাথা ঝাঁকাল রানা। 'কিন্তু তাতে বিপদ কাটছে না। ডিটোনেশন থামিয়েই নীচে ফিরে আসবে ও—আমাদেরকে খুন করতে।'

শব্দ করে হেসে উঠলেন নিকোলায়েভ। 'আমরা একাই খুন হব না, রানা। আমেরিকান ওই কুকুরটাও খুন হবে। সেই সঙ্গে খুন হবে দুনিয়ার সব মানুষ! বললাম না, আমাদের মৃত্যু অনিবার্য?'

‘মানে?’ বিস্মিত হয়ে তাঁর দিকে ফিরল রানা।

'মিথ্যে বলেছি আমি। পোলারিসের কোনও অ্যাবোর্ট কোড নেই,' শীতল গলায় বললেন নিকোলায়েভ। তাকালেন কবজিতে বাঁধা মনিটরের দিকে। 'আর উন্নিশ মিনিট পরেই কেয়ামত নেমে আসবে পৃথিবীতে!'

আটাশ

এলিভেটর থেকে বের করে আনা হয়েছে পোলারিসের গোলক। প্যানেল খুলে উন্মুক্ত করা হয়েছে কি-বোর্ড। সেটার উপরে ঝুঁকে আছে ম্যাসন। ডেল্টা ফোর্সের বেশ কয়েকজন সৈনিক ঘিরে রেখেছে তাকে।

তাড়া অনুভব করছে সিআইএ এজেণ্ট। বোমাটা বের করতে, এবং প্যানেল খুলতে গিয়ে পেরিয়ে গেছে মূল্যবান দশটা মিনিট। তারপরেও নিজেকে শান্ত রাখল সে। মনোযোগ দিয়ে শুনল ভয়েস রেকর্ডারে ধারণ করা সংখ্যাগুলো, সেই অনুসারে একে একে টিপল সবকটা বাটন। এরপর চাপ দিল এণ্টার বাটনে।

কিছু ঘটল না।

অস্ত্রির হলো না ম্যাসন। দ্বিতীয়বারের মত টাইপ করল ডিজিটগুলো, আবার চাপল এণ্টার বাটনে। এবারও প্রতিক্রিয়াহীন রইল পোলারিস ডিভাইস।

বিরক্ত চোখে বস্ব-এক্সপার্টের দিকে চাইল ম্যাসন, হাতে একটা ইলেক্ট্রনিক মনিটর ধরে দাঁড়িয়ে আছে সে। ‘কানেকশন ঠিক আছে তো?’

‘জী, স্যর। আমার ইকুইপমেন্ট বলছে, কোডটা অ্যাকসেপ্ট করছে এই ডিভাইস... কিন্তু রেসপন্ড করছে না কেন, সেটা বুঝতে পারছি না।’

‘হয়তো টাইপেঙ্গে ভুল হয়েছে,’ বিড়াবিড় করল ম্যাসন। সময় নিয়ে ত্তীয়বারের মত কোড টিপল ডিভাইসে। বলা বাহুল্য, ব্যর্থতার পুনরাবৃত্তি ছাড়া আর কিছুই জুটল না তার ভাগ্যে।

‘অস্তুত তো!’ বলল বস্ব-এক্সপার্ট।

রাগী ভঙ্গিতে উঠে দাঁড়াল ম্যাসন। ‘অস্তুত নয় মোটেই। রাশান শুয়োরটা আমাকে ভুল কোড দিয়েছে। চলো আমার সঙ্গে। ওর মুখ কীভাবে খোলাতে হবে, তা জানা আছে আমার। কাটতে শুরু করব ওর কলজের টুকরো পিচিটাকে! দেখি কথা না বলে কতক্ষণ থাকে হারামজাদা!’

সংক্ষেপে পোলারিস ডিভাইসের খুঁটিনাটি ব্যাখ্যা করলেন রিয়ার অ্যাডমিরাল নিকোলায়েভ। চরম অবিশ্বাস নিয়ে সেই বর্ণনা শুনল রানা। উপরের গোলকটাই একমাত্র বোমা নয় শুনে চমকে উঠল। আরও পাঁচটা ডিভাইস বসানো হয়েছে পোলার আইস-ক্যাপের বিভিন্ন জায়গায়—অ্যামপ্লিফায়ার হিসেবে কাজ করবে ওগুলো, হারমোনিক ওয়েভকে বহুগুণ বাড়িয়ে ছড়িয়ে দেবে চারদিকে। ধ্বংস করে দেবে পৃথিবীর মাথার বরফ-মুকুট। আইডিয়াটা কল্পনাতীত—পৃথিবীকে আবার বরফ-যুগে ফিরিয়ে নিয়ে যেতে চাইছে লোকটা... আর সে-কাজে সফলও হতে চলেছে।

‘আপনি উন্নাদ!’ নিকোলায়েভের কথা শেষ হলে বলল রানা। ‘পাগলাগারদে পাঠানো দরকার আপনাকে!’ কঢ়ে ক্ষোভ চাপা রইল না।

নির্বিকার চোখে ওর দিকে তাকালেন নিকোলায়েভ। ‘এখনও বলছ এ-কথা? নিজের চোখে সব দেখবার পরেও বাঁচাতে চাও এই নোংরা পৃথিবীকে?’

‘অবশ্যই!’ জোর গলায় বলল রানা। ‘কারণ আমি এই পৃথিবীর অংশ। যা কিছু ভালবাসি... যা কিছুর জন্য বেঁচে থাকার শুরু পিঞ্জর-২

প্রেরণা পাই, তার সবই রয়েছে এই পৃথিবীতেই। অস্বীকার করব না, অন্যায়-অত্যাচার আর নোংরামি আছে এখানে... হয়তো বা মাত্রাতিরিক্ত পরিমাণেই... কিন্তু তার মুম্বনে এই নয় যে দুনিয়াম রসাতলে গেছে। চেষ্টা করলে এখনও অবস্থার পরিবর্তন সম্ভব। এবং, সে-চেষ্টা করেও চলেছে অনেকে।'

'এ-সব কথা এখন আর বলে কোনও লাভ নেই,' উদাস হয়ে গেলেন নিকোলায়েভ। 'চাইলেও পোলারিসকে আর থামাতে পারব না আমি। বিশ মিনিটের মধ্যে ডিটোনেশন হবে। আমরা যদি অলৌকিক কোনও উপায়ে বেঁচেও যাই প্রথম ডিভাইসের ধ্বংসলীলা থেকে, লাভ হবে না। বাকি পাঁচটা অ্যামপ্লিফায়ার বসানো হয়েছে এখন থেকে পঞ্চাশ কিলোমিটার দূরত্বের বিভিন্ন পয়েন্টে। অন্তত দুটো অ্যামপ্লিফায়ার নষ্ট না করলে হারমোনিক ওয়েভের মুভমেন্ট থামবে না। কাজটা স্বেফ অসম্ভব।'

দমে গেল রানা। কথাটা ভুল বলেননি রিয়ার অ্যাডমিরাল। তাঁর মত বদলানোর চেষ্টা করে লাভ কী? পৃথিবীর ধ্বংস তো আর তাতে ঠেকানো যাবে না!

'এক মিনিট,' উদ্ভেজিত গলায় বলে উঠল অ্যাবি। 'কাজটা সম্ভব হতেও পারে! পোলার সেন্টিনেল... সাবমেরিনটা হয়তো নষ্ট করে দিতে পারবে অ্যামপ্লিফায়ার।'

'পোলার সেন্টিনেল?' ভুরু কঁচকাল রানা। 'কোথায় পাচ্ছ ওদেরকে? এই অল্প সময়ের ভিতর যোগাযোগই বা করবে কীভাবে?'

'আছে একটা উপায়।' বলে সাকির দিকে এগিয়ে গেল অ্যাবি। বাচ্চাটার গায়ের বিশাল পারকাটার চেইন খুলে ফেলল ও। ভিতরের পকেট হাতড়ে বের করে আনল রাশান সৈনিকের সেই ওয়াকি-টকি। বাচ্চাটাকে সার্চ করা হবে না, জানত ও। তাই ওর পারকাতেই লুকিয়ে রেখেছিল যন্ত্রটা।

‘দারণ একটা কাজ করেছ, অ্যাবি!’ প্রশংসা করল রানা।
‘কিন্তু সেটিনেল কি এই ওয়াকি-টকির ট্রান্সমিশন শুনতে পাবে?’

‘ওরা অনেকক্ষণ থেকেই মনিটর করছে আমাদেরকে। ওমেগা
স্টেশনে বিস্ফোরণের আগ থেকে! বাবা, শ্যারন, আর ওখানকার
সবাইকে ইভ্যাকুয়েট করেছে ওরা, রানা! সবাই ভাল আছে!’

কীভাবে এতকিছু জানল অ্যাবি, সেটা জিজ্ঞেস করে সময় নষ্ট
করল না রানা। পরে নাহয় সে-সব জানা যাবে। ও শুধু বলল,
‘ডাকো ওদেরকে। দেখো পাও কি না।’

এরপর নিকোলায়েভের দিকে ফিরল ও। ‘এই প্ল্যান সফল
করতে হলে অ্যামপ্লিফায়ারগুলোর এগজ্যাস্ট কো-অর্ডিনেটস্ জানা
দরকার আমাদের, রিয়ার অ্যাডমিরাল।’

মাথা নাড়লেন নিকোলায়েভ। অবস্থান জানাবেন না
অ্যামপ্লিফায়ারগুলোর।

লোকটার কলার চেপে ধরবার ইচ্ছে বহু কষ্টে দমন করল
রানা। মাথা ঠাণ্ডা রেখে বাছাই করল শব্দ, বলল, ‘প্লিজ, স্যর!
আমরা সবাই মারা যাব... এই স্টেশন ধ্বংস হয়ে যাবে! জানি,
ওটাকে বিজয় ভাবছেন আপনি। কিন্তু ভাল করে ভেবে দেখুন,
আসলে কী ঘটতে চলেছে? কীসের প্রতিশোধ নিতে চাইছেন
আপনি? কার বিরুদ্ধে? এই স্টেশনে ঘটে যাওয়া অনাচারের জন্য
আপনার বাবাই দায়ী ছিলেন!’ সাকির দিকে ইশারা করল। ‘ওই
যে... ওই ছোট ছেলেটা চোখ খুলে দিয়েছিল তাঁর। আপনার বাবা
প্রায়শিকভাবে করতে চেয়েছিলেন ওকে বাঁচিয়ে রেখে—ক্রায়োজেনিক
পদ্ধতিতে ঘূম পাড়িয়ে দিয়েছিলেন ওকে। কারণ তিনি জানতেন,
ওর মত শিশুরাই পৃথিবীর ভবিষ্যৎ... ওরাই একদিন বদলে দেবে
এই নোংরা পৃথিবীকে। আপনার কোনও অধিকার নেই ওদেরকে
সেই সুযোগ থেকে বক্ষিষ্ঠ করবার।’

একদৃষ্টে সাকির দিকে তাকিয়ে রইলেন রিয়ার অ্যাডমিরাল।

হাহাকার অনুভব করলেন বুকের মাঝে। দীর্ঘশ্বাস ফেলে রানার দিকে চোখ ফেরালেন তিনি। ‘বেশ, কো-অর্ডিনেটগুলো দেব আমি। কিন্তু কোনও লাভ হবে না ওতে। হাতে সময় নেই অ্যামপ্লিফায়ার নিক্ষিয় করবার।’

মুখের কাছ থেকে ওয়াকি-টকি নামাল অ্যাবি। ‘উনি ঠিকই বলছেন। ক্যাপ্টেন গরডনের সঙ্গে কথা বললাম... বিশ মিনিটে পঞ্চাশ কিলোমিটার কাভার করা অসম্ভব। তাতেও মাত্র একটা অ্যামপ্লিফায়ারের কাছে পৌঁছুনো যাবে। দুটো কাভার করতে চাইলে পাড়ি দিতে হবে একশো কিলোমিটার! কোনও আশা নেই, রানা।’

এত সহজে হাল ছাড়বার বান্দা নয় রানা। ঠোঁট কামড়ে একটু ভাবল ও। স্মরণ করল হারমোনিক ওয়েভ সম্পর্কে কী কী জানে। হঠাৎ একটা আইডিয়া খেলে গেল মাথায়।

অ্যাবির দিকে হাত বাড়িয়ে দিল ও। ‘ওয়াকি-টকি দাও।’ যন্ত্রটা হাতে নিয়ে ডাকল অপরপ্রান্তকে। ‘ক্যাপ্টেন গরডন, দিস ইজ মাসুদ রানা।’

‘ইয়েস, মি. রানা। উই আর হিয়ার।’

‘বিকল্প একটা বুদ্ধি পেয়েছি আমি। অ্যামপ্লিফায়ার না, হারমোনিক ওয়েভের প্রথম প্রবাহটাই নষ্ট করতে হবে আপনাকে।’

‘কীভাবে?’

‘ওটা বেসিক্যালি একটা সাউণ্ডওয়েভ, রাইট? হারমোনি বা ছন্দের কারণে ধ্বংসাত্মক ক্ষমতা পায়। আমরা যদি কাছাকাছি ফ্রিকোয়েন্সির আরেকটা সাউণ্ডওয়েভ দিয়ে আঘাত হানতে পারি, ছন্দটা নষ্ট হয়ে যাবে। ধ্বংসাত্মক ক্ষমতা হারাবে ওটা।’

‘আরেকটা সাউণ্ডওয়েভ কোথায় পাব?’

‘নিজেই বানাবেন ওটা—আপনাদের ডিপআই সোনারের

সাহায্যে। ওটা দিয়ে যে-কোনও ফ্রিকোয়েন্সির শব্দতরঙ্গ তৈরি করা যায়।'

'তাই তো! ঠিকই বলেছেন আপনি!' উত্তেজনা ফুটল ক্যাপ্টেন গরডনের গলায়। 'কিন্তু ডিপআই-এর খবর আপনি জানলেন কী করে? ওটা তো একবারে নতুন এবং পরীক্ষামূলক একটা সোনার!'

'জিনিসটা নুমা তৈরি করেছে, এবং আমি ওখানকার একজন প্রজেক্ট ডিরেক্টর। ইন ফ্যাষ্ট, টেকনোলজিটা বাংলাদেশি একজন বিজ্ঞানীর আবিষ্কার... আমার মাধ্যমেই ওটা পৌছেছে নুমার হাতে। সেগুলো যে বসানো হয়েছে যন্ত্রটা, তাও জানি আমি।'

'মাই গড়!' হতভম্ব গলায় বললেন গরডন। 'আপনার ব্যাপারে দেখি অনেক কিছুই জানা বাকি আমার!'

'কী করতে হবে শুনুন,' ক্যাপ্টেনের বিস্ময়কে পাত্তা না দিয়ে বলল রানা। 'সেগুলোকে নিয়ে নিরাপদ দূরত্বে চলে যান আপনি। এখানে বিস্ফোরণ ঘটতে দেখলেই অন্ত করবেন সোনার।'

'আর আপনারা?'

'আমাদের কথা ভুলে যান,' শান্ত গলায় বলল রানা। 'আপনাকে হারমোনিক ওয়েভের ফ্রিকোয়েন্সি, আর অ্যামপ্লি-ফায়ারগুলোর লোকেশন জানিয়ে দিচ্ছি। তা হলে বুঝতে পারবেন কোথায় ওয়েভটাকে ইন্টারসেক্ষন করতে হবে।'

কথা শেষ করে ওয়াকি-টকি নিকোলায়েভের দিকে বাঢ়িয়ে ধরল ও। 'ফ্রিকোয়েন্সি আর কো-অর্ডিনেটগুলো দিন, রিয়ার অ্যাডভিসরাল।'

নিচু গলায় কথা বলতে শুরু করলেন নিকোলায়েভ, আর তখনি একটা ছায়ামূর্তি উদয় হলো স্লেক পিটের ভাঙা প্রবেশপথ পেরিয়ে। পাঁই করে ওদিকে ঘুরল রানা, রাইফেল তুলে ধরেছে।

‘না-আ!’ চেঁচিয়ে উঠল মানুষটা। ইংরেজিতে কথা বলছে।
‘গুলি করবেন না... প্লিজ!’

মানুষটাকে চিনতে পেরে বিস্ময়ে চেঁচিয়ে উঠল অ্যাবি,
‘পাওয়েল!

এগিয়ে এসে হাসল পাওয়েল। ‘হাই, মিস ম্যানিটক! আশা
করি বেশি দেরি করে ফেলিনি?’

‘আ... আপনি বেঁচে আছেন কীভাবে?’

‘আর বলবেন না... বিস্ফোরণের ধাক্কায় উড়ে গিয়ে একটা
বরফ-স্তুপের ভিতরে ঢুকে গিয়েছিলাম। হারিয়ে ফেলেছিলাম
জ্ঞান। পরে যখন ছাঁশ ফিরল, তখন আপনারা উধাও হয়ে গেছেন।
পরের কয়েক ঘণ্টা লুকিয়ে থেকে বোঝার চেষ্টা করেছি পরিষ্কৃতি।
শেষে আরেকটা ভেন্টিলেশন শাফট ধরে নেমে এসেছি নীচে...
আপনাদেরকে উদ্ধার করতে।’

‘একাকী এতবড় ঝুঁকি নিয়েছেন?’

‘একা হতে যাব কেন? ওরা আছে না?’ দরজার দিকে ইশারা
করল পাওয়েল।

মাথায় ব্যাণ্ডেজ বাঁধা একজন মানুষ বেরিয়ে এল স্নেক পিট
থেকে, ওকে দেখে আরেক দফা চমকাল অ্যাবি। ‘জিম!’

জিম একা নয়। তার পিছু পিছু ঘেউ ঘেউ করতে করতে উদয়
হলো অ্যাবির একান্ত বিশ্বস্ত কুকুরটাও।

‘লোবো!’

‘পাহাড়ের মাঝে খুঁজে পেয়েছি ওকে,’ বলল পাওয়েল।
‘দিশেহারা হয়ে ঘুরে বেড়াচ্ছিল। জিমকেও মৃত ভেবে আর আটক
করেনি রাশানরা। আসলে স্বেফ জ্ঞান হারিয়েছিল ও, রক্ত ঝরছিল
কপাল কেটে যাওয়ায়।’

‘আমরাও তো ভেবেছি ও মারা গেছে!’

‘আগামীতে দয়া করে পালস চেক করে দেখবেন।’ বলল

জিম।

‘সরি, ভুল হয়ে গেছে,’ বলল অ্যাবি। ‘কিন্তু তোমরা এসেছ কীভাবে? গ্রেণেলগুলো বাধা দেয়নি?’

কোমরে গোঁজা একটা ফ্লেয়ার গান দেখাল পাওয়েল। ‘পার্কিং এরিয়ার ভাঙচোরা স্নোক্যাটগুলোর মাঝে তল্লাশি চালিয়ে জোগাড় করেছি এটা। ফ্লেয়ার শেলও পেয়েছি বেশ কিছু। ওগুলোর সাহায্যে মোকাবেলা করেছি দানবগুলোকে। কিছু শেল এখনও রয়ে গেছে, চলুন বেরিয়ে পড়ি। এখানে আর এক মুহূর্তও নয়।’

‘ভিতরে আরও কয়েকজন রয়ে গেছে—ড. কনওয়ের টিম আর লেঃ লিসা,’ জানাল অ্যাবি। ‘চলো আগে ওদেরকে নিয়ে আসি।’

‘দাঁড়াও,’ বাধা দিল রানা। ‘আমরা সবাই যাব।’

ভুরুঁ কোঁচকাল পাওয়েল। ‘স্টেয়ারকেস্টা পাহারায় রাখা উচিত না?’

‘না। কারণ ভেগিংলেশন শাফট ধরে সারফেসে ফিরব না আমরা। বোমার এফেক্ট ওখানেই সবচেয়ে বেশি হবে।’

‘বোমা!’ চমকে উঠল পাওয়েল। ‘কীসের বোমা?’

সংক্ষেপে তাকে জানানো হলো পোলারিস ডিভাইসের কথা।

‘হায় যিশু! কপাল চাপড়াল পাওয়েল। ‘কেন মরতে এসেছিলাম এখানে?’

‘কোনও কথা নয়, মুভ! ধরকে উঠল রানা। ‘রিয়ার অ্যাডমিরাল, হলো আপনার?’

‘হ্যাঁ।’ হারমোনিক ওয়েভের ফ্রিকোয়েন্সি আর অ্যামপ্লি-ফায়ারের লোকেশন দেয়া শেষ করেছেন নিকোলায়েভ, ওয়াকি-টকি ফিরিয়ে দিলেন রানার হাতে।

‘ক্যাপ্টেন, রওনা হয়ে যান,’ বলল রানা। ‘শুভকামনা রইল। আশা করি সফল হবেন।’

শুভ পিঞ্জর-২

৩১৩

‘আপনাদের জন্যও শুভকামনা, মি. রানা!’ বললেন গরডন।
‘কথা দিছি, আমরা ফিরে আসব আপনাদের জন্য। ততক্ষণ চেষ্টা
করুন টিকে থাকতে।’

‘আমার তেমনই ইচ্ছে। ওভার অ্যাণ্ড আউট।’

সবাইকে নিয়ে মেইন ল্যাবে ফিরে এল রানা। করিডোরে গুলি
খাওয়া দুই গার্ডের পকেট থেকে জোগাড় করা হলো চাবি।
কারাগার থেকে মুক্ত করা হলো সবাইকে।

‘এবার কী করতে চাও, রানা?’ জিজেস করলেন
নিকোলায়েভ। ‘হারমোনিক ওয়েভকে ঠেকাবার একটা কৌশল
বের করেছ... কিন্তু ওতে তো মাস্টার ট্রিগারের বিস্ফোরণ থামবে
না। কীভাবে বাঁচবে বলে ভাবছ?’

‘প্ল্যান একটা আছে আমার মাথায়,’ বলল রানা। ‘ড.
কনওয়ে, একবার তো গেছেন আপনারা সি-গেইটের কন্ট্রোল
রুমে। সার্ভিস টানেল ধরে আরেকবার আমাদেরকে নিয়ে যেতে
পারবেন?’

‘পারব না মানে?’ সোৎসাহে বললেন ড. কনওয়ে।
‘ফটোগ্রাফিক মেমোরির অধিকারী আমি, মি. রানা। একবার কিছু
দেখলে সেটা আর কখনও ভুলি না।’

‘গুড়, তা হলে কাজে লাগানো যায় প্ল্যানটা।’ হাসল রানা।
ব্যাখ্যা করল কী করতে চাইছে।

‘মরেছি...’ বিড়বিড় করে উঠল পাওয়েল। ‘আজ নির্ধাত মারা
পড়েছি!'

উন্নিশ

দলবল নিয়ে চার নম্বর লেভেলে ফিরে এল ম্যাসন। প্রিজন এরিয়ায় পৌছেই থমকে দাঁড়াল। খাঁ খাঁ করছে সবক'টা সেল। মরে পড়ে আছে দুই গার্ড... বন্দিরা অদৃশ্য। তাড়াতাড়ি খোঁজ নিতে গেল ভল্টে। দরজা খুলতেই দেখতে পেল ধ্বংসযজ্ঞ। হ্রেনেড বিস্ফোরণে তচ্ছন্দ হয়ে গেছে ছোট কামরাটা। কী ঘটেছে বুঝতে এক মুহূর্তও লাগল না।

‘মাসুদ রানা!’ দাঁত কিড়মিড় করে বলল সে। ‘নিশ্চয়ই ওই মাসুদ রানার কাজ এটা। আর কারও না।’ ঝট করে ফিরল সঙ্গীদের দিকে। ‘খোঁজো ওদেরকে!'

কয়েক মিনিটের ভিতরে ফিরে এল এক সৈনিক। জানাল, ‘স্যর, ওরা সার্ভিস টানেলে ঢুকে পড়েছে।’

ভুরু কোঁচকাল ম্যাসন। কী করতে চাইছে রানা? সার্ভিস টানেলে ঢুকেছে কেন?

‘ওদের পিছনে দু’জনকে পাঠাও,’ নির্দেশ দিল সে। ‘রিয়ার অ্যাডমিরাল নিকোলায়েভ আর ছোট বাচ্চাটাকে জ্যান্ত চাই আমার। বাকিদেরকে দেখামাত্র গুলি করতে বলবে।’

কথা শেষ হওয়ামাত্র শোনা গেল বিস্ফোরণের আওয়াজ—নীচ থেকে এসেছে। পায়ের নীচে কেঁপে উঠল মেঝে।

‘ওরা লোয়ার লেভেলে চলে গেছে!’ উত্তেজিত গলায় বলল
ম্যাসন। ‘জলদি চলো ওখানে!’

সার্ভিস টানেল ধরে পাঁচ নম্বর লেভেলের সি-গেইট রুমে চলে
এসেছে রানা ও তার সঙ্গীরা। সেখান থেকে জমাট বাঁধা বরফে
ভরা করিডোর ধরে কিছুদূর এগোতেই পাওয়া গেছে ডকিং
স্টেশনে যাওয়ার একটা দরজা। ওটা পেরিয়ে দ্বিতীয় একটা
কামরায় ঢুকেছে। এখানে রয়েছে ডকিং বে-তে যাওয়ার হ্যাচ।
কষ্টসৃষ্টে হ্যাচটা খুলেছে ওরা। কিন্তু ওপাশে তাকাতেই দমে
গেছে মন। পুরো ডকিং বে এখন একটা জমাট বাঁধা বরফপিণ্ড
বৈ আর কিছুই নয়। তার ভিতরে পাথরবন্দি ফসিলের মত
আটকা পড়ে গেছে পুরনো রাশান সাবমেরিনটা—ঢাকা পড়ে
গেছে কোনিং টাওয়ার আর খোলের ভিতরে ঢুকবার সবকটা
প্রবেশপথ।

হাল ছাড়বার পাত্র নয় রানা। মৃত রাশান সৈনিকদের
দেহতলাশি করে যা যা পেয়েছে, সব নিয়ে এসেছে—তার মধ্যে
আছে দুটো ইনসেণ্টিয়ারি গ্রেনেড। পিন খুলে ছুঁড়ে দিল ওগুলো
ডকিং বে-র ভিতরে, তারপর টেনে দিল দরজা।

বিকট আওয়াজে ঘটল বিস্ফোরণ। দরজার হ্যাণ্ডেল ধরে
রেখেছিল রানা, ঘাটকা দিয়ে সরিয়ে আনল হাত। মুহূর্তের মধ্যে
আগুনের মত তেতে উঠেছে ইস্পাতের তৈরি দরজাটা। রাশান
বিস্ফোরকটার উপর শ্রদ্ধা বেড়ে গেল ওর, এখন পর্যন্ত দারুণ
কাজ দেখিয়ে চলেছে গ্রেনেডগুলো। ডকিং বে-তে কতদূর কী
করে, সেটাই এখন দেখার বিষয়।

গুম গুম আওয়াজ স্থিমিত হয়ে এলে নড়ল রানা। পারকার
হাতা টেনে নিল তালু পর্যন্ত, তারপর হ্যাণ্ডেল মোচড় দিয়ে খুলে
ফেলল দরজা। দেখল, গলে গেছে সারফেসের অনেকখানি

বরফ। পানি ফুটছে টগবগ করে। বরফ সরে গেছে কোনিং
টাওয়োরের উপর থেকে। উন্মুক্ত হয়ে গেছে হ্যাচ। ফসফরাসের
গন্ধ মেশানো বাঞ্চ বেরিয়ে এল খোলা দরজা দিয়ে। মুখ পুড়ে
যাওয়ার দশা।

নাক-মুখ ঢাকতে বাধ্য হলো সবাই। কাশতে কাশতে
পাওয়েল বলল, ‘একটা গ্রেনেড ব্যবহার করলেই চলত। এখন
ওই গরম পানি ভেঙে এগোব কীভাবে?’

ঘড়ি দেখল রানা। পোলারিস ডিটোনেশনের মাত্র তেরো
মিনিট বাকি। পানি ঠাণ্ডা হবার জন্য অপেক্ষা করা সম্ভব নয়।
সঙ্গীদের দিকে ফিরে বলল, ‘চুকুন সবাই।’

‘ওই গরম পানিতে?’ আঁতকে উঠল লিলি।

‘বড় জোর দু’একটা ফোক্ষা পড়বে পায়ে,’ বলল রানা।
‘ভয়ের কিছু নেই। মুভ!’

দ্বিধা কাটিয়ে পা বাড়াল লিসা। দরজা গলে চলে গেল
ওপাশে। তার পিছু নিল কনওয়ে ও তাঁর দুই সহকারী। এরপর
জিমকে পাঠাল রানা। বলে দিল, ‘সাবমেরিনের হ্যাচ খুলে
ভিতরে ঢোকাও সবাইকে।’

‘ঠিক আছে, মি. রানা।’ তড়িঘড়ি করে পা বাড়াল জিম।

ডক পেরিয়ে সাবমেরিন পুলে নেমে পড়ল ওরা। তলায়
এখনও বরফ, কিন্তু হাঁটু পর্যন্ত থইথই করছে পানি।
হাঁচড়ে-পাঁচড়ে সাবমেরিনের দিকে এগোল চারজনে। অ্যাবি আর
নিকোলায়েভের দিকে ফিরল রানা। ‘এবার তোমাদের পালা।
তাড়াতাড়ি যাও। গ্রেনেডের আওয়াজ নিশ্চয়ই শুনতে পেয়েছে
ম্যাসন। দলবল নিয়ে চলে আসবে যে-কোনও মুহূর্তে। আমি
আর পাওয়েল কাভার দেব পিছনটা।’

মাথা ঝাঁকিয়ে সাকিকে কোলে তুলে নিল অ্যাবি। তারপর
নিকোলায়েভের পিছু পিছু রওনা হয়ে গেল সাবমেরিনের দিকে।

শুভ্র পিঞ্জর-২

ওদের পিছু পিছু লোবোও এগোল ।

ডক থেকে পুলে নেমেই চমকে উঠল অ্যাবি । লিসাদের বেলায় হাঁটু ডুবেছিল, কিন্তু এখন পানির লেভেল উঠে এসেছে ওর উরু পর্যন্ত । বাড়ছে দ্রুত । লোবোকে রীতিমত সাঁতার কেটে এগোতে হচ্ছে । আচমকা কমেও গেছে পানির তাপমাত্রা । চারপাশে বুদ্বুদ লক্ষ করল ও ।

‘রানা !’ চেঁচিয়ে উঠল অ্যাবি । ‘সাগরের পানি চুকছে এখানে ! জলদি এসো !’

ওদিকে তাকিয়ে চমকে উঠল রানা । সি-গেইট খোলা থাকলেও এতকাল পানি ঢোকেনি আইস স্টেশনে । সাগরের সঙ্গে যেখানে সংযুক্ত হয়েছে পুল, সে-জায়গাটা বরফ জমে বন্ধ হয়ে গিয়েছিল । কিন্তু রাশান গ্রেনেডদুটো গলিয়ে দিয়েছে পুলের ওই বরফ । ফাঁক-ফোকর দিয়ে চুকতে শুরু করেছে আর্কটিকের শীতল পানি । ডকিং বে সয়লাব হতে দেরি নেই ।

‘লেটস্ গো,’ পাওয়েলকে বলল রানা ।

একসঙ্গে উল্টো ঘুরল দু’জনে । আর তখনি গুলির আওয়াজে প্রকম্পিত হলো চারপাশ । করিডোরের দরজায় উদয় হয়েছে ডেল্টা ফোর্স । রানা আর পাওয়েলের শরীরের আশপাশ দিয়ে ছুটে গেল লক্ষ্যভূষ্ট বুলেট ।

বাঁপ দিয়ে ডকিং বে-তে চুকে পড়ল ওরা । ছুট লাগাল উর্ধ্বশ্বাসে । প্রথম গ্রাম ততক্ষণে উঠে পড়েছে কোনিং টাওয়ারে । হ্যাচ খুলে ফেলেছে জিম । ড. কনওয়ে তাঁর দুই সহকারী নিয়ে অদৃশ্য হয়ে গেলেন খোলের ভিতর । লিসা আর জিম অপেক্ষা করছে বাকিদের জন্য ।

পুরনো, অচল ওই সাবমেরিনই ওদের শেষ আশা । ওটায় আশ্রয় নেবে বলে ঠিক করেছে রানা । লোহার তৈরি খোলটা বেশ শক্ত... বরফে আটকা পড়া অবস্থায় সাবমেরিনটাকে মোটামুটি

একটা বাঙ্কার বলা চলে। শকওয়েভের ধাঙ্কা সয়ে নিতে পারবে বলে আশা করছে ও। ক্ষীণ হলেও একটা সম্ভাবনা আছে বাঁচবার।

ডকের থান্তে গিয়ে পানিতে ঝাপিয়ে পড়ল রানা। সঙ্গে সঙ্গে কেঁপে উঠল শীতে। ইনসেগ্নিয়ারির উত্তাপ শুষে নিয়েছে হিমশীতল সাগরজল, বাইরের টেম্পারেচারে পৌঁছুতে শুরু করেছে ভিতরের পানি। লেভেলও বেড়ে গেছে অনেকটা। কোমর পর্যন্ত ডুবে গেছে ওর।

স্ববির হয়ে দাঁড়িয়ে আছে অ্যাবি আর নিকোলায়েভ। ওদের উদ্দেশে চেঁচাল রানা, 'দাঁড়িয়ে থেকো না। সাবমেরিনে ওঠো!' শব্দে

উল্টো ঘুরে হাঁচড়ে-পাঁচড়ে এগোল অ্যাবি। নিকোলায়েভ পিছু নিলেন ওদের। করিডোরে একটা ছেনেড ফাটল, কবজ্ঞ ভেঙে উড়ে এল ডকিং বে-র দরজা, আছড়ে পড়ল পুলের পানিতে। আরেকটু হলেই ওটার তলায় পড়ত রানা।

ফাঁকা ডোরওয়েতে ছায়া দেখা গেল, ভিতরে ঢুকবার চেষ্টা করছে ডেল্টা ফোর্স। রাইফেল তুলে কয়েকটা গুলি ছুঁড়ল রানা, ওর দেখাদেখি গুলি ছুঁড়ল পাওয়েলও। ভয় পেয়ে সরে গেল ছায়াগুলো। আগে বাড়ার সাহস হারিয়েছে।

সুযোগটার সম্ভ্যবহার করল রানা আর পাওয়েল। পানি ভেঙে দ্রুত এগোতে শুরু করল সাবমেরিনের দিকে। লোবো তখন পৌঁছে গেছে কোনিং টাওয়ারের পাশে, কুকুরটাকে উপরে তুলে নিল জিম। সাকিকে নিয়ে অ্যাবি আর নিকোলায়েভও পৌঁছেছে সাবমেরিনের বিশ গজের ভিতর। হঠাৎ ওদের সামনে ছিটকে উঠল পানির ফোয়ারা।

তাল হারাল দু'জনে, ঝপাস করে পড়ে গেল পানির মধ্যে। এক মুহূর্তের জন্য ফোয়ারার মাঝে দেখা গেল সাদা রঙের একটা জলজ প্রাণীর পিঠ, পরক্ষণে ডাইভ দিয়ে পানির ভিতরে শুভ পিঞ্জর-২

হারিয়ে গেল ওটা।

থমকে দাঁড়াল রানা। কী ওটা, বুঝতে পেরেছে।

গ্রেণেল! একটা গ্রেণেল সাঁতার কাটছে পুলের পানিতে! স্নোতে ভেসে চলে এসেছে বাইরের সাগর থেকে।

অ্যাবি আর রিয়ার অ্যাডমিরাল উঠে দাঁড়িয়েছে। ঠাণ্ডায় গোঙাচ্ছে সাকি। ওকে একটু উঁচু করে ধরল অ্যাবি, তারপর আবার এগোতে শুরু করল সাবমেরিনের দিকে।

‘থামো সবাই!’ চেঁচিয়ে উঠল রানা। ‘নোড়ো না কেউ! ’

ওর দিকে ঘাড় ফেরালেন নিকোলায়েভ। ‘কেন?’

‘এখানে একটা গ্রেণেল আছে,’ পানির দিকে ইশারা করল রানা। ‘নড়লে মনোযোগ আকৃষ্ট হবে ওটার। ’

‘তাই বলে দাঁড়িয়ে থাকব?’ দরজা দেখালেন নিকোলায়েভ, ‘ডেল্টা ফোর্স এখানে ঢুকে পড়বে যে-কোনও মুহূর্তে! ’

‘পিজ, অ্যাডমিরাল। ওয়ান প্রবলেম অ্যাট আ টাইম। আগে গ্রেণেল টেকাই, তারপর নাহয় ওদের কথা ভাবব। ’

রাইফেল কাঁধে ঝুলিয়ে হাতে পিস্তল নিল রানা। আঁতিপাঁতি করে খুঁজল চারপাশ। কিন্তু দেখতে পেল না দানবটাকে। পানি আরও বেড়ে গেছে—উঠে এসেছে বগল পর্যন্ত। এর মাঝে কোথায় ডুব দিয়ে রয়েছে প্রাণীটা, বোৰা মুশকিল।

ঘড়ি দেখল রানা। এগারো মিনিট বাকি। ফুরিয়ে আসছে সময়। দরজায় আবার দেখতে পেল ছায়ার নড়াচড়া। আবার এগোতে শুরু করেছে মার্কিন সৈন্যরা।

হতাশায় ছেয়ে গেল রানার অন্তর। নড়লে মৃত্যু... না নড়লেও! কী করবে ভেবে পেল না। এমন অসহায় অবস্থায় আগে কখনও পড়েনি ও।

ফুল স্পিডে ছুটছে পোলার সেন্টিমেল। ব্রিজে, চার্ট টেবিলের

উপর ঝুঁকে আছেন ক্যাপ্টেন গরডন। স্লাইড আর ডিভাইডারের সাহায্যে করছেন জটিল হিসেব-নিকেশ—বের করতে চাইছেন ঠিক কোথায় ইন্টারসেপ্ট করতে হবে হারমোনিক ওয়েভের প্রবাহকে।

‘হেলমস্ম্যান!’ খানিক পরে চড়া গলায় ডাকলেন তিনি। ‘পাঁচ ডিগ্রি পোটে সরে এসো।’

‘আই, আই, স্যর।’ সাড়া দিয়ে ছাইল ঘোরাল হেলমস্ম্যান।

‘স্পিড কত আমাদের?’

‘ফিফটি টু নটস্, ক্যাপ্টেন।’

‘আরও স্পিড চাই আমাদের। ইঞ্জিন রুমকে বলো দশ পার্সেণ্ট পাওয়ার বাড়াতে।’

‘সেফ লিমিটের শেষ সীমায় আছি আমরা, ক্যাপ্টেন। ইঞ্জিনিয়ার অফিসার বলছেন...’

‘গড্যাম ইট।’ গর্জে উঠলেন গরডন। ‘লিমিট সম্পর্কে জানা আছে আমার। যা বলছি তা-ই করতে বলো।’

‘ইয়েস, স্যর।’

ঘড়ি দেখলেন তিনি। দশ মিনিট বাকি ডিটোনেশনের। শক্তি হয়ে উঠলেন। জায়গামত পৌছুতে পারবেন বলে মনে হচ্ছে না।

ইঞ্জিনের পাওয়ার বেড়ে গেছে। হিস্টরিয়াগ্রাস্ট রোগীর মত কাঁপতে শুরু করল গোটা জাহাজ। গোঙানির মত আওয়াজ ভেসে আসছে ইঞ্জিন রুম থেকে।

‘স্পিড সিঞ্চাটি নটস্, ক্যাপ্টেন,’ জানাল হেলমস্ম্যান।

‘দ্যাট্স্ গুড।’

আবারও ঘড়ি দেখলেন গরডন, তারপর তাকালেন চাটের দিকে। সম্ভষ্ট হতে পারলেন না। আরও দ্রুত এগোতে হবে তাঁদেরকে। কিন্তু জাহাজের কাঠামো কি সহ্য করতে পারবে সেই

গতি? ইতিমধ্যে নিরাপদ সীমা পেরিয়ে এসেছেন তাঁরা।

স্থির করলেন, পরোয়া করবেন না তিনি। প্রলয় রুখতে হয় সফল হবেন, নয়তো জীবন দেবেন সেই চেষ্টায়। হেলমস্ম্যানের দিকে ফিরলেন তিনি।

‘হেলমস্ম্যান, আরও পাঁচ পার্সেণ্ট পাওয়ার চাই আমি। এক্ষুণি!'

পানির মাঝখানে স্থির হয়ে দাঁড়িয়ে আছে রানা, ইতিমধ্যে বুক পর্যন্ত ঝুঁবে গেছে ওর। ডকিং বে-র এখানে-ওখানে এখনও জুলছে ইনসেগ্নিয়ারি গ্রেনেডের আগুন, কিন্তু শিকারি গ্রেণেলের অবস্থান বোঝার জন্য সেই আলো যথেষ্ট নয়। মাঝে মাঝে আলোড়ন উঠছে পানির বুকে—সেটাই শুধু দানবটার উপস্থিতির প্রমাণ।

ঘড়ি দেখল রানা। দশ মিনিট বাকি বিস্ফোরণের, অথচ কিছুই করতে পারছে না। চরম হতাশায় মাথার চুল ছিঁড়তে ইচ্ছে হলো।

হঠাৎ দরজার দিক থেকে ভেসে এল ম্যাসনের গলা।

‘আত্মসমর্পণ করুন, মি. রানা!'

‘বাহু! সখেদে বলল পাওয়েল। ‘এ-ই তো চাই!'

‘আপনারা আমাদের নাগালের মধ্যে আছেন, মি. রানা,’ চেঁচাল ম্যাসন। ‘ডান-বাম করতে গেলেই গুলি করে সবাইকে ঝাঁঝরা করে দেব আমরা।’

ভূমিকটাকে জোরালো করবার জন্য জুলে উঠল সৈনিকদের অস্ত্রের লেজার সাইট। একটা করে লাল বিন্দু এসে স্থির হলো পানিতে দণ্ডায়মান মানুষগুলোর বুকের উপর।

‘ডোক্ট মুভ! বলল ম্যাসন।

‘এমনিতেও নড়ছি না,’ বিড়বিড় করল পাওয়েল। সভয়ে

তাকাল আশপাশে। গ্রেণেলটা কোথায় ঘাপটি মেরেছে কে জানে।

‘কী চাও তুমি, গ্যারি?’ গলা চড়িয়ে জিজ্ঞেস করল রানা।

‘রিয়ার অ্যাডমিরাল নিকোলায়েভ, আর ওই বাচ্চাটাকে,’ জবাব দিল ম্যাসন। ‘দু’জনকেই পাঠান। এক্ষুণি! আমাদের হাতে সময় নেই।’

আবারও ঘড়ির ডায়ালে চোখ বোলাল রানা। নয় মিনিটে নেমে এসেছে কাউন্টডাউন। ঠোঁট কামড়াল—কোনও উপায় দেখতে পাচ্ছে না নিষ্কৃতির। এখন স্বেফ কীভাবে মরবে, সেটা ঠিক করা যেতে পারে—বুলেট, গ্রেণেল, নাকি বোমার বিস্ফোরণে?

অ্যাবির দিকে তাকাল রানা, চোখের ভাষায় কিছু বলল ওকে। সেটা বুঝতে পেরে আতঙ্ক ফুটল মেয়েটার চোখে। ফিসফিসিয়ে বলল, ‘না! প্রিজ, রানা... না!’

‘আমি দুঃখিত, অ্যাবি,’ নিচু গলায় বলল রানা। ‘আর কোনও উপায় নেই তোমাদেরকে বাঁচাবার।’

কথাটা বলেই ডকের দিকে এগোতে শুরু করল ও।

চরম অবিশ্বাস নিয়ে ওর দিকে তাকালেন নিকোলায়েভ। রানা যা করতে চাইছে, তা ভাবনার অতীত। আত্মত্যাগ করতে চলেছে দুঃসাহসী বাঙালি যুবক—চাইছে গ্রেণেল হামলা চালাক ওর উপর... সেই বিশৃঙ্খলায় হতচকিত হয়ে পড়বে ডেল্টা ফোর্স, ওর সঙ্গীরা সুযোগ পাবে এক ছুটে সাবমেরিনে উঠে পড়বার।

‘থামো, রানা!’ জলদগন্তীর স্বরে বলে উঠলেন রিয়ার অ্যাডমিরাল।

থামল রানা। ঘাঢ় ফিরিয়ে তাকাল, ‘কিছু বলবেন, অ্যাডমিরাল?’

জবাব দেবার আগে অ্যাবির দিকে তাকালেন নিকোলায়েভ।
শুভ পিঞ্জর-২

সাকিকে বুকে জড়িয়ে ধরে দাঢ়িয়ে আছে ও। বাচ্চাটার উপর স্থির হলো তাঁর দৃষ্টি। পিতার মতই অদ্ভুত এক পরিবর্তন ঘটিয়ে দিয়েছে ছেলেটা তাঁর মাঝে, খুলে দিয়েছে চোখ। মরমে মরে যাচ্ছেন রিয়ার অ্যাডমিরাল—লজ্জা, ঘৃণা আর আত্মানিতে। তিনিই সবকিছুর জন্য দায়ী। তিনিই মৃত্যুর মুখে ঠেলে দিয়েছেন নিরপরাধ এই মানুষগুলোকে।

‘এখানেই থাকো তুমি,’ রানার উদ্দেশে বললেন নিকোলায়েভ। এরপর হাঁক ছাড়লেন ম্যাসনের উদ্দেশে। ‘আসছি আমি! গুলি কোরো না!'

‘না, অ্যাডমিরাল...’ বাধা দেবার চেষ্টা করল রানা।

‘এক মিনিট পাছ তুমি,’ ওকে থামিয়ে দিয়ে বললেন নিকোলায়েভ। তারপরেই পানিতে আলোড়ন তুলে দ্রুত এগোলেন ডকের দিকে।

ছুটে গিয়ে তাঁকে থামাবে কি না ভাবল রানা, পরমুহূর্তে মনে পড়ল এক মিনিটের অর্থ। নিকোলায়েভের মৃত্যুর সঙ্গে সঙ্গে রিসেট হবে পোলারিসের কাউন্টডাউন... ষাট সেকেণ্ড পরে ঘটবে বিস্ফোরণ। তাঁকে এক রকম মৃতই বলা চলে—পিছনে দ্বিতীয় একটা আলোড়ন দেখতে পাচ্ছে রানা, রিয়ার অ্যাডমিরালকে টার্গেট করে ছুটে যাচ্ছে গ্রেণেল। ঠেকাবার উপায় নেই। সে-চেষ্টা করতে গেলে বরং বৃথা যাবে ভদ্রলোকের আত্মত্যাগ—মারা পড়বে সবাই।

অ্যাবি আর পাওয়েলের দিকে ঘাড় ফেরাল রানা। নিচু গলায় বলল, ‘গেট রেডি। আমি বললেই ছুট লাগাবে সাবমেরিনের দিকে।’

ডোরওয়েতে উদয় হয়েছে ম্যাসন। মুখে ক্রূর হাসি। কিন্তু হাসিটা মুছে গেল রিয়ার অ্যাডমিরালকে একা এগোতে দেখে। চেঁচিয়ে উঠল, ‘অ্যাই! আপনি একা কেন? বাচ্চাটাকেও চেয়েছি

আমি!

পান্তি না দিয়ে আরও জোরে হাত-পা ছুঁড়লেন
নিকোলায়েভ। তাঁর ঠিক পিছনে চেউ উঠতে দেখল ম্যাসন...
এরপরেই জ্যা-মুক্ত তীরের মত পানি ভেদ করে ঝাঁপ দিল
গ্রেণেল—হাঁ করে রেখেছে মুখ।

‘না-আ!’ চেঁচিয়ে উঠল ম্যাসন।

বৃথা আস্ফালন। খপ্ করে রিয়ার অ্যাডমিরালের দেহটা
চোয়ালে আটকে ফেলল গ্রেণেল, কয়েক ফুট উড়ে গেল বাতাসে,
তারপর ঝপাস করে পানিতে নেমে এল দেহদুটো। তলিয়ে গেল
নিমেষে। ঝড় উঠল পানির তলায়, যেন অদৃশ্য কোনও ঘুটিনি
চালানো হচ্ছে... লাল হয়ে গেল পানির রঙ। বিস্ময়ে বিমৃঢ় হয়ে
গেল ম্যাসন ও তার সঙ্গীরা, নড়তেও ভুলে গেছে।

‘এবার!’ সঙ্গীদের উদ্দেশে চাপা গলায় বলে উঠল রানা।

উল্টো ঘূরে হাঁচড়ে-পাঁচড়ে এগোতে শুরু করল তিনজনে।
পানি এখন উঠে এসেছে গলার উপরে—সাঁতার কেটে এগোতে
হলো ওদেরকে। সবার আগে সাবমেরিনের কাছে পৌছুল
অ্যাবি। সাকিকে উঁচু করে ধরল ও। বাচ্চাটাকে টান দিয়ে উঠিয়ে
নিল জিম। ল্যাডার বেয়ে অ্যাবিও উঠে গেল তার পিছু পিছু।

রানা আর পাওয়েল পৌছুল থায় একই সময়ে। বিশালদেহী
সিম্যানকে আগে উঠতে দিল রানা, সেই সুযোগে দেখে নিল
পিছনটা। দরজার মুখে এখনও হতভম্ব অবস্থায় দাঁড়িয়ে আছে
ম্যাসন ও তার সঙ্গীরা—কত বড় সর্বনাশ ঘটে গেছে,
সে-ব্যাপারে সচেতন... বুঝতে পারছে না কী করবে এখন।

পানিতে নতুন করে আলোড়ন লক্ষ করল রানা। একে একে
ভেসে উঠল আরও তিনটে সাদাটে অবয়ব—নতুন তিনটা
গ্রেণেল! নিশ্চয়ই রক্তের গন্ধ পেয়ে ছুটে এসেছে! দুটো চলে গেল
ডকের দিকে, মুখ ঘুরিয়ে তৃতীয়টা এগোল রানার দিকে।

ঝট করে পাওয়েলের দিকে তাকাল রানা—এখনও সে ল্যাডার ধরে ঝুলছে। উপরে ওঠার উপায় নেই, দেরি না করে পানিতে ডুব দিল ও। দেখাদেখি ডুব দিল গ্রেণেলটাও, হারপুনের মত অদম্য গতিতে ছুটে এল ওর দিকে।

একপাশে সরে গিয়ে হামলা এড়াল রানা। ওর শরীর ঘেঁষে চলে গেল দানবটা। কিছুদূর গিয়ে ডিগবাজি খেলো ওটা, দিক ঠিক করে দ্বিতীয় দফা হামলা চালাল। পুলের তলায় দু'পা ভাঁজ করে বসে পড়েছে রানা... এবার আর সরল না সামনে থেকে, মুখোমুখি হলো দানবের। একেবারে শেষ মুহূর্তে... প্রাণীটা এক ফুটের মধ্যে পৌঁছুতেই স্প্রিঙ্গের মত লাফিয়ে উঠল ও, উঠে গেল গ্রেণেলের শরীরের উপরে। ওই অবস্থায় শরীর মোচড়াল, চোখের সামনে গ্রেণেলের পিঠ দেখতে পেয়ে মরিয়া হয়ে ছুঁড়ল দু'হাত, গলা পেঁচিয়ে ধরল ওটার—চড়ে বসল পিঠে।

শুরু হলো পানির তলায় কুন্তি। পিঠে সওয়ার হওয়া দু'পেয়ে আপদটাকে দূর করবার জন্য ক্রমাগত মোচড় খাচে গ্রেণেল, ছুটছে দিঘিদিক। রানা ও নাছোড়বান্দা—শুধু হাত নয়, পা দিয়েও সাপের মত জড়িয়ে ধরেছে দানবটাকে, কিছুতেই আলগা করল না সে-বাঁধন।

কিছুক্ষণের মধ্যেই ক্লান্ত হয়ে পড়ল দানব। এবার পিস্তল বের করল রানা, শান্ত ভঙ্গিতে ঠেকাল গ্রেণেলের খুলির পিছনে... টিপে দিল ট্রিগার। রক্ত আর মগজ ছিটকে পড়ল পানিতে, রানার শরীরের তলায় নিস্তেজ হয়ে গেল বিশাল দেহটা। সাঁতার কেটে সরে এল রানা, সাবমেরিনের পাশে পৌছে ভেসে উঠল। এক মিনিটের বেশি পেরিয়ে গেছে ইতিমধ্যে। চারপাশে সব এখনও শান্ত দেখে অবাক হলো। নিশ্চয়ই প্রাণবায়ু বেরোতে বেশ খানিকটা সময় লেগেছে রিয়ার অ্যাডমিরালের।

‘মি. রানা! কুইক্স!’ উপর থেকে ডেকে উঠল পাওয়েল।

একটা হাত বাড়িয়ে দিয়েছে।

দ্রুত ল্যাডার বাইল রানা, কাছাকাছি পৌছুতেই হ্যাচকা টানে ওকে কোনিং টাওয়ারে তুলে নিল সিম্যান। সিধে হয়ে পিছনে তাকাল রানা।

দুটো গ্রেণেল উঠে পড়েছে ডকে, পায়ে পায়ে এগোচ্ছে ম্যাসন আর ডেল্টা ফোর্সের সদস্যদের দিকে। গুলি ছুঁড়ে ওগুলোকে ঠেকাতে চেষ্টা করছে লোকগুলো।

আচমকা দুলে উঠল দুনিয়া। উপর থেকে ভেসে এল বজ্রপাতের মত গুড়গুড় আওয়াজ। বিস্ফোরিত হয়েছে পোলারিস ডিভাইস।

থমকে দাঁড়াল দুই গ্রেণেল, উল্টো ঘুরে ঝাপিয়ে পড়ল পুলের পানিতে। তার কারণ টের পাওয়া গেল কয়েক সেকেন্ডের মধ্যে। উপর থেকে ভেসে এল বিস্ফোরণের চেয়ে জোরালো আওয়াজ। শকওয়েভের ধাক্কায় একে একে গুঁড়ো হয়ে যাচ্ছে আইস স্টেশনের সমস্ত লেভেল। চোখের পলকে ফাটল ধরল ডকিং বে-র ছাত আর দেয়ালে—বাড়ছে দ্রুত।

‘মি. রানা!’ ডেকে উঠল পাওয়েল। হ্যাচের ভিতরে শরীর চুকিয়ে ফেলেছে সে। সাকি, অ্যাবি আর জিম নেমে গেছে ইতিমধ্যে।

শেষবারের মত ম্যাসনের দিকে তাকাল রানা। দৃষ্টি বিস্ফোরিত হয়ে গেছে সিআইএ এজেন্টের, ব্যর্থতার বেদনা নিয়ে তাকিয়ে আছে সাবমেরিনের দিকে। নিষ্ঠুর এক টুকরো হাসি ফুটল রানার ঠোঁটের কোণে। হাত নেড়ে টা-টা করল ও। তারপর চুকে গেল কোনিং টাওয়ারের ফোকর গলে। বঙ্গ করে দিল হ্যাচ।

মই বেয়ে নেমে পা রাখল ডেকে। আশপাশে সবাই ভিড় করে দাঁড়িয়ে আছে।

‘শুয়ে পড়ুন!’ চেঁচাল রানা।

বটপট মেঝেতে শরীর মিশিয়ে দিল সবাই।

এবার প্রলয়ের অপেক্ষা।

অর্ণ

‘এক্সপ্লোশন, ক্যাপ্টেন!’ চেঁচিয়ে উঠল চিফ অভ দ্য ওয়াচ।

‘কী!’ চমকে উঠে তার দিকে তাকালেন ক্যাপ্টেন গরডন। তাঁর হিসেবে আরও ছ’মিনিট সময় বাকি। নির্ধারিত লোকেশনেও পৌছুতে পারেনি পোলার সেগিনেল... এক মাইল বাকি। কিন্তু এখন আর কিছু করার নেই।

‘অ্যাবাউট টার্ন!’ হেলমস্ম্যানকে নির্দেশ দিলেন তিনি। ‘ডাইভিং অফিসার, গেট রেডি ফর ডাইভ!’

‘আই, আই, স্যর।’

দ্রুত ঘূরতে শুরু করল সেগিনেল। ইটারকম তুলে সাইক্লপস্ চেম্বারে যোগাযোগ করলেন গরডন। শ্যারন ওখানে ডিপআই সোনারের কণ্ট্রোলে অপেক্ষা করছে।

‘এও অভ দ্য লাইন, ড. বেকেট,’ বললেন ক্যাপ্টেন। ‘যা করবার, এখান থেকেই করতে হবে আপনাকে।’

‘ঠিক আছে, ক্যাপ্টেন,’ সংক্ষেপে জানাল শ্যারন।

ঘূরে গেছে সাবমেরিন। ক্যাপ্টেনের নির্দেশ পেয়ে ব্যালাস্ট ট্যাক্সের ইনটেক খুলে দিল ডাইভিং অফিসার। ভারী পাথরের

মত নামতে শুরু করল সেণ্টিনেল।

সাইক্লপস্ চেম্বারে বসে নিঃশব্দে ঈশ্বরকে ডাকল শ্যারন, তারপর দ্রুত অন্ত করে দিল ডিপআই সোনার। আগেই ফ্রিকোয়েলি সেট করে রেখেছে ও, সুইচ টিপতেই ছড়িয়ে পড়ল অদৃশ্য তরঙ্গ—হারমোনিক ওয়েভের গতিপথে প্রতিরোধ গড়ে তুলতে চলেছে।

পাশে বসা রিচার্ড ম্যানিটকের দিকে তাকাল ও। বৃন্দ পিতার চোখ ভরে উঠেছে জলে। বিস্ফোরণের অর্থ তিনি জানেন—মারা গেছে তাঁর আদরের অ্যাবি।

রিচার্ডের হাতে হাত রাখল শ্যারন। ‘আ... আমি দুঃখিত, মিস্টার ম্যানিটক।’

নিঃশব্দে দু’ফোটা অশ্রু নেমে এল বৃন্দ ইনুইটের গাল বেয়ে।

বৃষ্টির মত ঝরছে আইস স্টেশনের ছাত আর দেয়ালের টুকরো—পুরো কাঠামোই ধসে পড়তে চলেছে। ভয়াবহ এই ধ্বংসলীলার মাঝ দিয়ে ছুটে চলেছে ম্যাসন। চার নম্বর লেভেলে উঠে এসেছে সে, মেইন ল্যাবের করিডোর ধরে এগোচ্ছে ইগোর নিকোলায়েভের ভঙ্গের দিকে। সঙ্গীরা কে কোথায় জানে না, সবাই যার যার মত ছুটে পালিয়ে গেছে। কিন্তু শেষ মুহূর্তে অদ্ভুত একটা আইডিয়া পেয়েছে ম্যাসন... প্রাণ বাঁচাবার আইডিয়া! সেজন্যেই ছুটেছে ভল্টের উদ্দেশে।

গন্তব্যে পৌছুতে বেশি সময় লাগল না। ভিতরটা গ্রেনেড বিস্ফোরণে তচনছ হয়ে গেছে, তারপরেও ধ্বংসস্তূপের মাঝে ঝাঁপিয়ে পড়ল ও। ভাঙাচোরা কাঁচ আর বরফের মাঝে ঝুঁজছে কী যেন।

একটু পরেই পেয়ে গেল জিনিসটা। অক্ষত একটা সিরিঞ্জ... সেরামে ভরা! কীভাবে যেন টিকে গেছে ওটা। ঠোঁটের কোণে শুভ পিঞ্জর-২

হাসি ফুটল ম্যাসনের। তাড়াছড়ো করে বেরিয়ে এল ভল্ট থেকে। কাঁধের উপর খসে পড়ল প্রমাণ সাইজের একটা কংক্রিটের টুকরো, টলে উঠল, কিন্তু থামল না সে। এগিয়ে চলল। প্রথম যে ট্যাঙ্ক দেখল, সেটার দরজা খুলে ফেলল। এক টানে বাইরে ফেলে দিল ভিতরের স্পেসিমেনটা। নিজে চুকে পড়ল ভিতরে। টেনে বন্ধ করল দরজা।

আর তখনি চার নম্বর লেভেলে আঘাত হানল হারমোনিক ওয়েভের প্রবাহ। চোখের পলকে ধূলিসাং হয়ে গেল দেয়াল আর মেঝে... আর্কটিকের শীতল জলে আছড়ে পড়ল ম্যাসনের প্রিজার্ভেশন ট্যাঙ্ক। নেমে যাচ্ছে নীচের দিকে।

কাঁপতে কাঁপতে সিরিজের সুই ঠেকাল ম্যাসন হাতের ধমনীতে। হালকা চাপ দিয়ে চুকিয়ে দিল খানিকটা। এরপর পুশ করল প্লাঞ্চার। শীতল একটা স্নোত বইতে শুরু করল তার দেহে। শুরু হলো হাত থেকে... সেখান থেকে ছড়িয়ে পড়ছে অন্যান্য অঙ্গ-প্রত্যঙ্গে।

এবার অপেক্ষার পালা। ট্যাঙ্কের কাঁচ ভেদ করে বাইরে তাকাল ম্যাসন। ধীরে ধীরে অতলে তলিয়ে যাচ্ছে ট্যাঙ্ক। অঙ্ককারে ছেয়ে যাচ্ছে চারদিক। দীর্ঘশ্বাস বেরিয়ে এল তার বুক চিরে। আবার কবে জেগে উঠবে সে? কেমন হবে তখনকার পৃথিবী?

তারাভরা আকাশের নীচে, বরফ-প্রান্তরে দাঁড়িয়ে আছে মেজের উইলসন। বিশ গজ পিছনে নিখর দাঁড়িয়ে আছে সি-হক হেলিকপ্টার। জায়গাটা আইস স্টেশন থেকে ত্রিশ মাইল দূরে। আকাশে থাকতে পারলে ভাল হতো, কিন্তু ফিউয়েল বাঁচাবার জন্য ল্যাণ্ড করতে হয়েছে তাকে। এতে খুব একটা বিপদের আশঙ্কা নেই। বিস্ফোরণ ঘটলে আলো দেখতে পাবে সে।

শকওয়েভের ধাক্কা ত্রিশ মাইল পেরুনোর আগেই দুর্বল হয়ে
পড়বে। সময়ও পাবে টেকঅফ করে সরে যেতে। এখন সে
অপেক্ষা করছে অপারেশনাল কট্টোলারের নির্দেশের জন্য। হয়
তাকে উদ্ধার করতে যাবে, নয়তো রুশ বিজ্ঞানীর জার্নালগুলো
নিয়ে ফিরে যাবে দেশে।

হঠাৎ পায়ের নীচের বরফে কম্পন অনুভব করল সে।
ব্যাপার কী বুঝতে পারল না। বিস্ফোরণ ঘটেছে? তা হলে
আলোর ছটা তো দেখতে পাবার কথা। বেচারার জানা
নেই, পোলারিস ডিভাইসের বিস্ফোরণ দুনিয়াকে আলোকিত
করে তুলবার মত বিশাল কিছু নয়। ছোট্ট একটা
বিস্ফোরণ ঘটিয়ে হারমোনিক ওয়েভকে স্রেফ সচল করেছে
ওটা। www.banglabookpdf.blogspot.com

কাঁপুনি বেড়ে গেলে বিনকিউলার তুলল মেজের, ঠেকাল
চোখে, তাক করল আইস স্টেশনের দিকে। যা দেখল, সেটা
হিম করে দিল তার হৎপিণ্ড।

বিনা নোটিশে যেন জ্যান্ত হয়ে উঠেছে গোটা দ্বীপ!
আগ্নেয়গিরির মত ছিটকাতে শুরু করেছে বরফ, দ্রুত এগিয়ে
আসছে সেই ধ্বংসলীলা! পিছনে বিলীন হয়ে যাচ্ছে সবকিছু!
অঙ্কারের কারণে আগে ব্যাপারটা দেখতে পায়নি উইলসন।
সবচেয়ে ভয়ের কথা, সাধারণ শকওয়েভের মত দুর্বল হচ্ছে না
ওটা... অন্তত বিশ মাইল পেরিয়ে এসেছে ইতিমধ্যে, এখনও
এগোচ্ছে পূর্ণ আক্রাশে। হারমোনিক ওয়েভ বা ওটার এই
বৈশিষ্ট্যের কথা জানত না মেজের।

পাঁই করে ঘুরল সে। ছুটে গেল হেলিকপ্টারের দিকে।
পাইলটের উদ্দেশে চেঁচাল, ‘টেকঅফ করো! কুইক!’

যতটা দ্রুত পারে ইঞ্জিন চালু করল পাইলট, কিন্তু তাতেও
পেরিয়ে গেল মূল্যবান কয়েকটা মিনিট। ততক্ষণে এসে পড়েছে
শুভ পিঞ্জর-২

হারমোনিক ওয়েভ। কোনোমতে আকাশে উড়ল সি-হক, কপ্টারের তলায় চুরমার হয়ে গেল বরফ-প্রান্তর। কম্পনপ্রবাহ ভেঙ্গেচুরে দিল উইগশিল্ড আর জানালা কাঁচ! বাতাসের অবলম্বন হারাল আকাশযানটা, ঝোড়ো হাওয়ায় পড়া ঘূড়ির মত দুলতে শুরু করল প্রবলভাবে।

‘গড্যাম ইট!’ চেঁচিয়ে উঠল উইলসন। ‘জলদি সরে যাও এখান থেকে!'

‘চেষ্টা করছি, স্যর,’ জানাল পাইলট। ভাঙা কাঁচের ধারালো টুকরো লেগে কেটে গেছে তার কপাল-গাল, তারপরেও কণ্ঠেল নিয়ে রীতিমত যুবাছে সে।

সমস্ত কৌশল বিফল হলো, আচমকা একপাশে কাত হয়ে গেল হেলিকপ্টার। ভারী পাথরের মত খসে পড়ল সাগরের বুকে। ছিটকে উঠল একরাশ নোনা পানি।

সাগরে পড়ার সঙ্গে সঙ্গে প্রচণ্ড ধাক্কায় দুমড়ে-মুচড়ে গেল সি-হকের ফিউয়েলাজ। কিছুক্ষণের জন্য ভেসে রাইল ধ্বংসাবশেষটা, তবে চারদিক থেকে দ্রুতবেগে পানি চুকতে শুরু করেছে, তলিয়ে যাবে একটু পরেই।

বাক্ষহেডের সঙ্গে বাড়ি থেয়ে আচ্ছন্নের মত পড়ে আছে মেজর উইলসন, গায়ে পানির স্পর্শ পেয়েই ধড়মড় করে উঠে বসল। ককপিটের দিকে তাকাল, বেকায়দা ভঙ্গিতে কাত হয়ে আছে পাইলটের মাথা। ঘাড় ভেঙ্গে গেছে নির্ঘাত। অস্থিরতা অনুভব করল উইলসন—তাড়াতাড়ি বের হতে হবে, ভেসে থাকতে হবে যতক্ষণ সম্ভব, হয়তো উদ্ধারের একটা ব্যবস্থা হয়েও যেতে পারে। হামাগুড়ি দিয়ে দরজা পর্যন্ত গেল সে, আর তখনি মরণ আর্তনাদ বেরুল কপ্টারের দেহ থেকে।

‘না-আ!’ সভয়ে চেঁচিয়ে উঠল উইলসন।

তার চিকারে বদলাল না নিয়তি। পেটের ভিতরে ডেল্টা
ফোর্সের দুর্ধর্ষ নেতাকে নিয়ে অতল সাগরের গভীরে রওনা হয়ে
গেল হেলিকপ্টার।

প্রাচীন রাশান সাবমেরিনের ভিতরে নিষ্ঠেজ হয়ে পড়ে আছে
ন'জন মানুষ আর একটি কুকুর। দ্বীপ ধ্বংস হবার সময়ে
ঝালমুড়ির ডিব্বার মত বারবার ঝাঁকি খেয়েছে ডুবোজাহাজটা,
এদিক-ওদিক ছিটকে ফেলেছে সবাইকে। বেমকা আঘাত পেয়ে
অচেতন বা প্রায়-অচেতন দশা সবার। তবে এতকিছুর পরেও
বেঁচে আছে ওরা। রানার ধারণা সত্যি বলে প্রমাণিত হয়েছে।
হারমোনিক ওয়েভ বরফকে চুরমার করে দিলেও ধাতব
সাবমেরিনের কোনও ক্ষতি করতে পারেনি। খোলস হয়ে
ভিতরের আশ্রিতদের রক্ষা করেছে ডুবোয়ানটা।

খোল থেকে মড়মড় আওয়াজ ওঠায় নড়ল রানা। উঠে
বসল। জ্বালল ফ্ল্যাশলাইট। একটু ককিয়ে অ্যাবিও পাশ থেকে
মাথা তুলল, আলিঙ্গনের ভিতরে সাকিকে ধরে রেখেছে ও।
জানতে চাইল, ‘কী হচ্ছে?’

‘ডুবছি আমরা,’ বলল রানা। ‘পানির প্রেশার বাড়ছে। সইতে
পারছে না পুরনো খোল।’

‘কী সর্বনাশ! ভেঙে চুরমার হয়ে যাবে না তো?’

‘জানি না। ভিতরে আটকা পড়া বাতাসের কারণে ভেসে
ওঠার কথা... কিন্তু ততক্ষণে কতখানি গভীরে তলিয়ে যায়, তার
উপর নির্ভর করছে সবকিছু।’

আশপাশ থেকে গোঙানি ভেসে এল। একে একে উঠে বসছে
সবাই।

‘আমার কবজি ভেঙে গেছে!’ অভিযোগের সুরে জানাল
স্যাম।

শুভ পিঞ্জর-২

‘এখনও যে বেঁচে আছ, সেটা কি যথেষ্ট নয়?’ বিরক্ত গলায় বললেন কনওয়ে। কপালের একপাশ ফুলে গেছে তাঁর। হাত ঘষছেন সেখানে।

‘এখনও রক্ষা পাইনি আমরা,’ বলল লিসা। ‘খোল যদি না-ও ভাঙ্গে, কোনও ধরনের নিয়ন্ত্রণ ছাড়া রকেটের মত সারফেসের দিকে ছুটে যাবে সাবমেরিন। যদি আইস ক্যাপের তলায় কলিশন হয়, চ্যাপ্টা হয়ে যাব আমরা।’

‘মাথার উপরে বরফের কোনও অস্তিত্ব আছে বলে মনে হয় না,’ দ্বিমত পোষণ করল রানা। ‘হারমোনিক ওয়েভ পুরো দ্বীপটাকেই গুঁড়ে করে দিয়েছে।’

‘আপনার মুখে ফুলচন্দন পড়ুক,’ বলে উঠল পাওয়েল। ‘এতক্ষণে একটা সুখবর দিলেন।’

একটু পরেই ঝাঁকি খেলো সাবমেরিন। উঁচু হতে শুরু করল নাকের অংশ।

‘উঠছি আমরা!’ উত্তেজিত গলায় বলল লিলি।

‘কিছু একটা ধরে শুয়ে পড়ুন সবাই,’ বলল রানা। ‘সারফেসে পৌছে আরেক দফা ঝাঁকি খাবে সাবমেরিন... আবারও ছিটকে পড়ব আমরা।’

কিছুক্ষণের মধ্যেই টের পাওয়া গেল ভয়াবহ উৎর্বগতি। মেঘের সঙ্গে আঠার মত সেঁটে গেছে সবাই, চাইলেও উঠতে পারছে না। গভীর পানিতে ডুবিয়ে দেয়া কর্কের মত দশা সাবমেরিনের, ছাড়া পেয়েই পাগলের মত উঠতে শুরু করেছে উপরে। বয়াসির কারণে প্রতি সেকেণ্ডে বাঢ়ছে গতি।

শেষ পর্যন্ত রকেটের বেগে সারফেস ভেদ করল ওটা, শূন্যে উঠে গেল অনেকদূর, তারপর ঝাপাস করে আছড়ে পড়ল পানিতে। সতর্কতা সত্ত্বেও খুব একটা উপকার হলো না।

আরোহীরা ছিটকে গেল এদিক-সেদিক।

আচ্ছন্নের মত কিছুক্ষণ পড়ে রইল সবাই। সবার আগে স্বাভাবিক হলো লোবো। ঘেউ ঘেউ ডাকে পাগল বানিয়ে ছাড়ল সঙ্গীদেরকে।

‘শালার কুকুরটা এত চেঁচাচ্ছে কেন?’ গজগজ করে উঠল পাওয়েল।

‘তুমিও চেঁচাবে,’ হেসে বলল রানা, ‘যখন বাইরেটা দেখবে।’

ধড়মড় করে উঠে বসল পাওয়েল। ‘হা যিশু! আমরা বেঁচে গেছি?’

‘আমার তো তা-ই ধারণা,’ বলল রানা।

ব্যথা-বেদনা ভুলে গিয়ে ছল্লোড় করে উঠল সবাই। তাড়াতাড়ি ল্যাডারের দিকে ছুটে গেল। হ্যাচ খুলে বেরিয়ে এল মুক্ত বাতাসে।

বিস্ময় নিয়ে চারপাশে তাকাল ওরা। গ্রেণেলদের বরফ-দ্বীপ নিশ্চিহ্ন হয়ে গেছে। দিগন্ত-বিস্তৃত সাগর ছাড়া আর কিছুই দেখা যাচ্ছে না। চাঁদের আলোয় ঝলমল করছে পানি। দেখে বোঝার উপায় নেই কতবড় বিপর্যয় ঘটে গেছে কিছুক্ষণ আগে।

হেসে উঠল সবাই। আনন্দে জড়িয়ে ধরছে পরস্পরকে। কিন্তু রানা ওদের সঙ্গে শামিল হতে পারল না। মনে দুশ্চিন্তা। বেঁচে গেছে ওরা... কিন্তু বাকি পৃথিবী? পৃথিবীকে কি বাঁচানো গেছে? হারমোনিক ওয়েভের ধ্রংসযজ্ঞ কি ঠেকাতে পেরেছেন ক্যাপ্টেন গরডন?

ওর এই জিজ্ঞাসার জবাবেই যেন দূরে মিটমিট করে উঠল একটা আলো।

‘রানা!’ ডেকে উঠল অ্যাবি। ‘ওই দেখো!’

চোখ ছেট করে সেদিকে তাকাল রানা। ‘পোলার সেণ্টিনেল?’

‘আর কে?’ হেসে এগিয়ে এল জিম। ‘কিন্তু ওদেরকে সঙ্গেত দেয়া যায় কী করে?’

‘কেন, এটার কথা ভুলে গেছ?’ কোমর থেকে ফ্লেয়ার গান বের করল পাওয়েল। একটা শেল ভরে ফায়ার করল আকাশের দিকে। রাতের আকাশে ধূমকেতুর মত উঠে গেল ফ্লেয়ার, চোখ ধাঁধানো আলো ছড়িয়ে বিস্ফোরিত হলো।

আধঘণ্টা পর রাশান সাবমেরিনের পাশে এসে ভিড়ল পোলার সেণ্টিনেল। সবাইকে নিয়ে যাওয়া হলো সাবমেরিনের ভিতরে। অবতারণা হলো আবেগঘন এক দৃশ্যের।

মেয়েরকে বুকে জড়িয়ে ধরলেন রিচার্ড ম্যানিটিক, আনন্দের অঞ্চ ঝরছে দু’চোখ বেয়ে। বিজ্ঞানী আর নৌ-সদস্যরাও বাঁধা পড়ল সহকর্মী ও বন্ধুবান্ধবের আলিঙ্গনে। ভিড় থেকে দূরে, একাকী দাঁড়িয়ে রইল একা রানা।

খানিক পরে ইউনিফর্ম পরা একজন মানুষ এগিয়ে এলেন ওর দিকে। স্যালিউট ঠুকে সম্মান দেখালেন। বললেন, ‘মি. মাসুদ রানা, আমি ম্যাথিউ গরডন—পোলার সেণ্টিনেলের ক্যাপ্টেন। নাইস টু মিট ইউ ফাইনালি।’

‘দ্য প্লেজার ইজ মাইন,’ মৃদু হেসে বলল রানা। ‘আপনার হাসিমুখ দেখে মনে হচ্ছে, মিশন সাকসেসফুল। থামাতে পেরেছেন হারমোনিক ওয়েভের প্রবাহ। কংগ্রাচুলেশন্স।’

‘অভিনন্দনটা তো আসলে আপনার প্রাপ্য,’ বললেন গরডন। ‘আইডিয়া তো আপনিই দিয়েছেন।’

‘কী যে বলেন না!’ বিব্রত হলো রানা। ‘আইডিয়া যে-কেউ দিতে পারে। কিন্তু সেটাকে কাজে পরিণত করাই আসল কৃতিত্ব।

আমার মনে হয় না খুব সহজ ছিল কাজটা।'

'ক্যালকুলেটেড লোকেশনের আধ-মাইল দূর থেকে
অ্যাকটিভেট করতে হয়েছে সোনার,' বললেন গরডন। 'কপাল
ভাল, ওতে খুব একটা অসুবিধে হয়নি। হারমোনিক ওয়েভের
যথেষ্ট পরিমাণ শক্তিক্ষয় করতে পেরেছি আমরা।'

'সব আপনার কৃতিত্ব, মি. রানা,' ভিড় থেকে বেরিয়ে
এসেছে শ্যারন। অন্যেরাও ঘূরল। 'আমাদের সবার' জীবন
বাঁচিয়েছেন আপনি... বাঁচিয়েছেন পৃথিবীটাকেও। এর প্রতিদান
দেয়া সম্ভব নয় কারও পক্ষে। আমরা সবাই কৃতজ্ঞ।'

'তা হলে একটা অনুরোধ করতে পারি?' জিজেস করল
রানা।

'নিশ্চয়ই! এনিথিং! আপনার যে-কোনও অনুরোধ রক্ষা করব
আমরা। কী বলেন, ক্যাপ্টেন?'

'অবশ্যই!' সুর মেলালেন গরডন।

'আমি জানি, এখানে যা কিছু ঘটে গেছে, তা প্রকাশ
করবেন আপনারা—স্বেচ্ছায়, কিংবা পেশাগত বাধ্যবাধকতার
কারণে,' গভীর গলায় বলল রানা। 'আমার অনুরোধ,
একটা ব্যাপার শুধু উহ্য রাখুন আপনারা... ওই ছেলেটার
কথা।'

সাকির দিকে ঘূরে গেল সবকটা চোখ। অ্যাবির কোলে বসে
আছে ও। অ্যাবির পরম মমতায় জড়িয়ে রেখেছে ওকে।
ইতিমধ্যে ছেলেটার কাহিনি জানতে পেরেছে সবাই।

'এমন অনুরোধের কারণ জানতে পারি?' ইতস্তত করে প্রশ্ন
করলেন ক্যাপ্টেন।

'সুস্থ-স্বাভাবিক জীবন প্রয়োজন সাকির, পরীক্ষাগারের
ইন্দুরের নয়,' বলল রানা। 'অ্যাবিরও প্রয়োজন একটি
সন্তানের—ওর হারানো ছেলের অভাব পূরণ করবার
২২-শুভ পিঞ্জর-২

জন্য। আমাদের ছেটি একটা মিথ্যা সুখী করে তুলতে
পারে ওদের দুজনকে। বলুন, ওতে কি খুব বড় কোনও অন্যায়
হবে?’

চূপ হয়ে গেল সবাই।

কয়েক মুহূর্ত পর এক পা এগোলেন ড. মিকেলসেন।
বললেন, ‘মি. রানার কথায় যুক্তি আছে। আমি সমর্থন করছি
ওকে।’

‘আমিও,’ বলল শ্যারন।

মৃদু গুঞ্জন তুলে এরপর একমত হলো জমায়েত প্রতিটি
মানুষ।

দীর্ঘশ্বাস ফেলে ক্যাপ্টেন গরডন বললেন, ‘আমি আর তা
হলে কী বলব? এতজনের বিরুদ্ধে গিয়ে বিপদে পড়ব নাকি?’
হাসলেন তিনি। ‘মিস ম্যানিটক, আজ থেকে ওই ছেলে
আপনার।’

জলে ভরে এল অ্যাবির দু'চোখ। জড়ানো গলায় বলল,
‘থ্যাক্ষ ইউ, রানা! থ্যাক্ষ ইউ, ফ্রেণ্ড!!’

ওর গলা শুনে মুখ তুলল সাকি। ডাকল, ‘মাম্মা!’

‘হ্যাঁ, আমিই তোর মা,’ ছেলেকে আরও শক্ত করে জড়িয়ে
ধরল অ্যাবি।

একত্রিশ

আর্কটিক মহাসাগরের তলদেশে, থমথমে নীরবতা এবং কালিগোলা আঁধারের মাঝে পড়ে আছে দোমড়ানো একটা প্রিজার্ভেশন ট্যাঙ্ক। কাঁচ ভেঙে গেছে, ভিতরে ঢুকে পড়েছে বরফশীতল পানি... আর তার মাঝে জমাট বাঁধা অবস্থায় রয়েছে একজন মানুষ। দু'হাত মুষ্টিবদ্ধ, চেহারায় আতঙ্ক আর বেদনার ছাপ। এ স্বেফ বাইরের দৃশ্য নয়, মানুষটার মনের ভিতরেও খেলা করছে একই অনুভূতি।

কেউ শুনতে পাচ্ছে না গ্যারি ম্যাসনের নিঃশব্দ চিকার।

কাজ করেছে ড. ইগোর নিকোলায়েভের ক্রায়ো-প্রোটেক্টিভ সেরাম, বাঁচিয়ে দিয়েছে তাকে নিশ্চিত মৃত্যু থেকে। কিন্তু এর সঙ্গে এমন একটা পার্শ্ব-প্রতিক্রিয়া দেখা দিয়েছে, যার কথা সে ভাবতেই পারেনি। অসহ্য, ভয়াবহ, তীব্র আতঙ্ককর একটা পার্শ্ব-প্রতিক্রিয়া! ড. নিকোলায়েভের জার্নালে স্লিপ-মেডিসিন সংক্রান্ত বেশ কিছু এন্ট্রি ছিল, সেগুলো পড়ে দেখেনি ম্যাসন, তাই জানত না এই পার্শ্ব-প্রতিক্রিয়া সম্পর্কে। জানত না, প্রেগেলের হরমোন মানুষকে জমিয়ে ফেলতে পারে বটে, কিন্তু তাতে হরণ হয় না চেতনা। প্রাগৈতিহাসিক প্রাণীগুলোর জন্য ওটা একটা ডিফেন্স মেকানিজম—জমাট অবস্থাতেও বাইরের বিপদ টের পাবার একটা প্রাকৃতিক উপায়। এর সঙ্গে ওরা অভ্যন্ত, কিন্তু মানুষ অভ্যন্ত নয়।

শুভ পিঞ্জর-২

৩৩৯

তাই জমানোর আগে ওষুধের সাহায্যে ঘুম পাড়াতে হয় সাবজেক্টকে।

অতি গুরুত্বপূর্ণ এই তথ্য জানা ছিল না ম্যাসনের, জাগ্রত অবস্থাতেই নিজেকে ইনজেক্ট করে বসেছে সে। চিরকালের জন্য জমে গেছে দেহটা—সজাগ ও সচেতন অবস্থাতে। নড়বার ক্ষমতা আর নেই, শুধু নির্নিমেষ তাকিয়ে আছে অঙ্ককারে। ঘুম নেই, ঝাপ্তি নেই, নেই কোনও বৈচিত্র্য। পাগল হতে বসেছে সে। ভিতরে ভিতরে অবিরাম চিংকার করে চলেছে... কিন্তু মুখ দিয়ে বেরচে না একটি শব্দও। চাইছে মরে যেতে... কিন্তু হায়, মৃত্যুও কপালে নেই তার।

এভাবেই থাকতে হবে তাকে।

জীবন্ত অবস্থায়।

অনন্তকাল!

(শেষ)

For Download More Bangla E-Books
Please Visit-
www.banglabookpdf.blogspot.com